


नमो नमो निम्मल दंसणस्स



आगमश्रुत्याणि (सटीकं)

भागः - २३

: संशोधक सम्पादकश्च :

मुनि दीपशतसागर

बालब्रह्मचारी श्री नेमिनाथाय नमः
नमो नमो निम्मल दंसणस्स
श्री आनंद-क्षमा-ललित सुशील सुधर्मसागर गुरुभ्योनमः

आगम सुत्ताणि (सटीकं)

भाग-२३

३७	दशाश्रुतस्कन्ध-छेदसूत्रम्
३८	जीतकल्प-छेदसूत्रम्
३९	महानिशीथ-छेदसूत्रम्

-: संशोधकः सम्पादकश्च :-

मुनि दीपरत्नसागर

ता. १४/४/२०००

रविवार २०५६

चैत्र सुद ११

४५- आगम सुत्ताणि-सटीकं
मूल्य रु. ११०००/-

卐 आगम श्रुत प्रकाशन 卐

-: संपर्क स्थल :-

“आगम आराधना केन्द्र” शीतलनाथ सोसायटी विभाग-१,
फ्लेट नं-१३, ४-थी मंड्रिल, ब्हायसेन्टर, खानपुर,
अहमदाबाद (गुजरात)

विषयानुक्रमः

दशाश्रुतस्कन्ध-छेदसूत्रम्

मूलाङ्कः	विषयः	पृष्ठाङ्कः	मूलाङ्कः	विषयः	पृष्ठाङ्कः
१-२	असमाधि स्थानं	३	-४७	उपाशक प्रतिमा	३१
-३	शबलदशा	११	-५२	भिक्षु प्रतिमा	४२
-४	आशातनाम्	१३	-५३	पर्युषणा	५१
-१५	गणिसम्पदा	१८	-९३	मोहनिय स्थानं	७२
-३४	चित्त समाधिस्थानं	२६	-११४	निदानं-आदि	७८

जीतकल्प - छेदसूत्रम्

मूलाङ्कः	विषयः	पृष्ठाङ्कः	मूलाङ्कः	विषयः	पृष्ठाङ्कः
१-४	मंगलं-आदि	९१	-७३	तप प्रायश्चित्तं	१०३
-७	आलोचना प्रायश्चित्तं	९६	-७९	प्रति सेवना	११७
-१२	प्रतिक्रमण प्रायश्चित्तं	९८	-८२	छेद-प्रायश्चित्तं	११९
-१५	तदुभय प्रायश्चित्तं	१००	-८६	मूल-प्रायश्चित्तं	११९
-१७	विवर्काह प्रायश्चित्तं	१०१	-१०२	पाराश्रित प्रायश्चित्तं	१२०
-२२	कायोत्सर्ग प्रायश्चित्तं	१०१	-१०३	उपसंहारः	१२३

महानिशीथ - छेदसूत्रम्

मूलाङ्कः	विषयः	पृष्ठाङ्कः	मूलाङ्कः	विषयः	पृष्ठाङ्कः
१-२२५	शल्यउद्धरणं	१२५	-८४४	नवनत-सारं	१८८
-४६६	कर्मविवाकं	१४०	-१३५६	गीतार्थविहारं	२११
-६५३	कुल-लक्षणं	१५९	-१४८३	एकांतनिर्जरा	२३८
-६८३	कुशील-संसर्ग	१८०	-१५२८	सुषुप्त अनगारकथा	१५६

આર્થિક અનુદાતા

-પ.પૂ. માલવભુષણ તપસ્વી આચાર્યદેવ શ્રી નવરત્નસાગર સૂરીશ્વરજી મ.સા.ની પ્રેરણાથી શ્રી લાલભાઈ દેવચંદ શાહ તરફથી - નકલ એક.

-પ.પૂ. સરળ સ્વભાવી-શ્રીમદ્ ભગવતીસૂત્ર વ્યાખ્યાન પદુ આચાર્યદેવ શ્રી નરદેવસાગરસૂરીશ્વરજી મ.સા. તથા પૂજ્યશ્રીના શિષ્યરત્ન તપસ્વી ગણિવર્યશ્રી ચંદ્રકીર્તિસાગરજી મ.સા.ની પ્રેરણાથી શ્રી પુરુષાદાનીય પાર્શ્વનાથ શ્વે. મૂર્તિ. જેન સંઘ, દેવકીનંદન સોસાયટી, અમદાવાદ તરફથી નકલ એક.

-પ.પૂ. શાસન પ્રભાવક-કિયારાગી આચાર્યદેવશ્રી વિજય ઋચકચંદ્ર સૂરીશ્વરજી મ.સા.ની પ્રેરણાથી એક સદ્ગૃહસ્થ તરફથી નકલ એક.

-પ.પૂ. સાહિત્યપ્રેમી મુનિરાજ શ્રી સર્વોદય સાગરજી મ.સા.ની પ્રેરણાથી-“અચલગચ્છાધિપતિ પ.પૂ.આ.ભ.શ્રી ગુણસાગરસૂરીશ્વરજી મ.સા.ના શિષ્યરત્ન પ.પૂ. મુનિરાજ શ્રી ચારિત્રરત્નસાગરજી મ.ની ૧૯મી અઢાઈ નિમિત્તે-શ્રી ચારિત્રરત્ન ફા.ચે.ટ્રસ્ટ તરફથી નકલ એક.

-પ.પૂ. યેચાવૃત્ત્યકારિકા સાધ્વી શ્રી મલયાશ્રીજી મ.સા.ના શિષ્યા વ્યવહાર વિચક્ષણા પૂ. સાધ્વી શ્રી હિતજ્ઞાશ્રીજી મ.ની પ્રેરણાથી જેન આરાધના મંદિર-“જ્ઞાનખાતા” તરફથી નકલ એક.

-પ.પૂ. સૌમ્યમૂર્તિ સાધ્વીશ્રી સૌમ્યગુણાશ્રીજી મ.ની પ્રેરણાથી પ.પૂ. ગુરુમાતા-વાત્સલ્યમૂર્તિ સા.શ્રી રત્નત્રયાશ્રીજી મ.ની પંચમી પુન્યતિથિ નિમિત્તે શ્રીમતી લીલમબેન પ્રાણલાલ પી. દામાણી તરફથી નકલ એક.

-પ.પૂ. સ્વનામઘન્યા સા. શ્રી સૌમ્યગુણાશ્રીજી તથા તેઓના શિષ્યા સા.શ્રી સમજ્ઞાશ્રીજીની પ્રેરણાથી-૨૦૫૩ના ચશસ્વી ચાતુર્માસ નિમિત્તે શ્રી પાર્શ્વપદ્માવતી જેન સંઘ, પાણલનગર, અમદાવાદ તરફથી નકલ બે.

-પ.પૂ. રત્નત્રયારાધકા સાધ્વીશ્રી સૌમ્યગુણાશ્રીજી તથા તેઓશ્રીના શિષ્યા સા. શ્રી સમજ્ઞાશ્રીજીની પ્રેરણાથી સંવત ૨૦૫૪ના નિર્મળ આરાધનામય ચાતુર્માસની સ્મૃતિમાં-ઘાટલોડિયા (પાવાપુરી) જેન શ્વે. મૂર્તિ. સંઘ, અમદાવાદ તરફથી નકલ એક.

-પ.પૂ. સાધ્વી શ્રી રત્નત્રયાશ્રીજી મ.ના પરમ વિનેયા સા.શ્રી સૌમ્યગુણાશ્રીજીની પ્રેરણાથી તેઓના સંસારીભાઈશ્રી ઇન્દ્રવદનભાઈ દામાણીના અનુમોદનીય પુરુષાર્થથી “આગમ દીપ-સંપુટ”ના બદલામાં પ્રાપ્ત રકમમાંથી-નકલ ચાર.

-પ.પૂ. પ્રશમરસનિમગ્ના સાધ્વીશ્રી પ્રશમશીલાશ્રીજી મ.ની પ્રેરણાથી-સમ્મેતશિખર તિર્થોદ્ધારિકા પ.પૂ. સાધ્વીશ્રી રંજનશ્રીજી મ.સા.ના શિષ્યા અપ્રતિમ યૈયાવૃત્ત્યકારિકા સા.શ્રી મલયાશ્રીજી તત્ શિષ્યા સા. શ્રી નરેન્દ્રશ્રીજી-તત્ શિષ્યા સા. શ્રી પ્રગુણાશ્રીજી મ.ના. આત્મશ્રેયાર્થે-અરિહંત ટાવર, જૈન સંઘ, મુંબઈ તરફથી નકલ એક.

-પ.પૂ. આગમોદ્ધારક આચાર્યદેવશ્રી ના સમુદાયવર્તી પ.પૂજ્ય યૈયાવૃત્ત્યકારિકા સા.શ્રી મલયાશ્રીજી મ.ના શિષ્યા પૂ.સા. શ્રી કૈવલ્યશ્રીજી મ.ના શિષ્યા પૂ.સા.શ્રી ભવ્યાનંદશ્રીજી મ.સા.ના સુશિષ્યા મિષ્ટભાષી સાધ્વીશ્રી પૂર્ણપ્રજ્ઞાશ્રીજી મ.સા. તથા તેમના વિનિત શિષ્યા સા. શ્રી પૂર્ણદર્શિતાશ્રીજી તથા સા. પૂર્ણનંદીતાશ્રીજીની પ્રેરણાથી-સર્વોદય પાર્શ્વનાથ ચેરીટેબલ ટ્રસ્ટ, મુલુન્ડ મુંબઈ તરફથી નકલ એક.

-પ.પૂ. યૈયાવૃત્ત્યકારિકા સાધ્વીશ્રી મલયાશ્રીજી મ.ના પ્રશિષ્યા સા. શ્રી ભવ્યાનંદશ્રીજીમ.ના સુવિનિતા સા.શ્રી કલ્પપ્રજ્ઞાશ્રીજી તથા કોકીલકંઠી સા. શ્રી કૈરવપ્રજ્ઞાશ્રીજી ની પ્રેરણાથી -મેહુલ સોસાયટી, આરાધનાભવન, સુભાષનગર, વડોદરાની બહેનો તરફથી નકલ એક

-શ્રી વિશાશ્રીમાળી તપગરહજ્જાતિ-જ્ઞાનખાતું, જૈન પાઠશાળા, જામનગર તરફથી નકલ બે.

-શ્રી મંગળ પારેખનો ખાંચો-જૈન શ્વે. મૂર્તિ. સંઘ, અમદાવાદ. તરફથી ર૦૫૪ના ચાતુર્માસ નિમિત્તે નકલ બે.

- શ્રી આકોટા જૈન સંઘ, વડોદરાની બહેનો તરફથી નકલ એક.

-શ્રીમતી નયનાબેન રમેશચંદ્ર શાહ, વડોદરાની પ્રેરણાથી આગમોના સેટના બદલામાં પ્રાપ્ત રકમમાંથી નકલ પાંચ.

શેષ સર્વે રકમ “અમારા”આજ પર્યન્ત પ્રકાશનોના
બદલામાં પ્રાપ્ત થયેલી છે.

नमो नमो निम्बल दंतणस्त
पंचम गणधर श्री सुधर्मास्वामिने नमः

३७ दशाश्रुतस्कन्ध-छेदसूत्रं

(सटीकं)

[चतुर्थ छेदसूत्रं]

(मूलम् + भद्रबाहुस्वामि रचिता निर्युक्ति + जिनदास महत्तर रचिता चूर्णिः)

दसा-१ - असमाधि स्थानं

घृ. मंगलादीनि सत्याणि मंगलमज्झाणि मंगलावसानानि । मंगलपरिगहीता य सिस्सा अवग्गहेहाषायधारणा समत्या अविग्घेण सत्याणं पारगा भवन्ति तानि य सत्याणि लोगे वियरन्ति वित्थारं च गच्छन्ति । तत्यादिमंगलेण निविग्घेण सिस्सा सत्थस्स पारं गच्छन्ति । मज्झ मंगलेणं सत्थं थिरपरिचिअं भवइ । अवसानमंगलेणं सत्थं सिस्सपसिस्सेसु परिच्चयं गच्छति । तत्यादि मंगल - 'सुतं मे आउसंतेण भगवया एवमक्खायं इह खलु धेरेहि भगवंतेहि विसहि असमाहिट्ठाणा पत्रत्ता।' मज्झमंगल- 'पज्जोसवणाकप्पे पढमसुत्तादारब्भ जाव थेरावलि्या य सम्पत्ता । अवसानमंगल- 'तेणं कालेणं तेणं समएणं समणे भगवं महावीरे रायगिहे नगरे गुणसिलए चेइए बहूणं समणाण जाव आयातिट्ठाणं नाम अज्जो अज्झयणं सअट्ठं सहेतुअं सकारणं भुज्जो भुज्जो उवदंसमिन्तिबेमि । तं पुन मंगलं नामादिचतुर्विधं आवस्सगानुक्कमेण परुवेयव्व । तत्थ भावमंगलं आह -

नि. [१]

वंदामि भद्रबाहुं पाईणं चरिमसयलसुयनाणिं

सुत्तस्स कारगमिसि दसासु कप्पे य ववहारे

घृ. भद्रबाहुनामेणं पाईणो गोतेण चरिमो-अपच्छिमो सगलाइं चोद्दसपुव्वाइं । कि निमित्तं नमोक्कारो तस्स कज्जति ? उच्चते-जेणं सुत्तस्स कारओ न अत्थस्स । अत्थो तित्थगरातो पसूतो । जेणं भन्ति-अत्थं भासति अरहा० गाथा । कतरं सुत्तं ? दसाउ कप्पाओ ववहारो य । कतरातो उद्धृतं ? उच्चते-पच्चक्खानुव्वाओ । अहवा भावमंगलं नंदि । सा तहेव चउव्विहा । तत्थपि भावनंदि पंचविहं नाणं । तं सवित्थरोदाहरणप्पसंगेणं परुवेतुं नियमिज्जति । इहं सुतनाणेणं अधिकारो तम्हा सुतनाणस्स उद्देसो समुद्देसो अनुन्ना अनुओगो य पवत्तति । उद्दिट्ठ सुमद्दिट्ठ-अनुन्नायस्स अनुओ भवति तेन अधिकारो । सो चउव्विहो-तं जहा-चरणकरणानुओगो धम्मानुओगो गणियानुओगो द्व्वानुओगो । तत्थ चरणकरणानुओगो कालिअ-सुतादि । धम्मानुओगो इसिभासितादि । गणिआनुओगो सूरपन्नन्ति आदि । द्व्वानुओगो दिट्ठिवातो । स एव समासतो दुविहो-पुहुत्तानुओगो अपुहुत्तानुओगो य । जं एक्कतरंमि पट्टविते चत्तारि वि भासिज्जति एतं अपुहुत्तं, तं पुन भट्टारगातो जाव अज्जवइरा । ततो आरेण पुहुत्तं जातं जत्थं जत्थ पत्तेअं पत्तेअं भासिज्जति भासणाविधेः पुहुत्तं करणं अज्जरक्खिअपूसमित्तितियगवेज्जादि विसेसेता भन्ति । इहं चरणकर-

पानुओगेन अधिकारो । सो अ इमेहि अनुओगद्वारेहि अनुगंतव्वो । तं जहा-निकखेवेगट्ट निरुत्तविधिः पवत्ती अ केन वा कस्स । तद्दारभेदलक्खणतदरिहपरिसा य सुत्तत्थे ॥

इत्थं जं केन वा कस्सति एएणं पसंगेण कप्पे जहोववत्रियगुणेण आयरिएण सव्वस्स सुतनाणस्स अनुओगो भाणियव्वो । इमं पुन च्छेयसुत्तपमुहभूतंति विसेसेणं दसाणं ततो इमे पडुवणं पडुच्च तासि पत्थुतो । जति दसाणं अनुओगो, दसाओ णं किं ?

नि. [२] आउ विवागज्झयणाणिं भावओ दव्वओ उ वत्थदसा ।

दसआओ विवागदसा वाससयाओ दसहच्छेत्ता ॥

धू अंगं अंगाइं सुतक्खंधो सुतक्खंधो अज्झयणं अज्झयणा उद्देसो, उद्देसा । दसाओ नोअंगं नोअंगाईं, सुतक्खंधो नो सुतक्खंधा, नो अज्झयणं अज्झयणा, नो उद्देसा, तन्हा दसा निक्खि-विस्सामि, अज्झयणाणिं (सुयं) निक्खि-विस्सामि, खंधं निक्खि-विस्सामि, अज्झयणाणिं निक्खि-विस्सामि । तत्थ पढमं दारं दसाए पुन एक्कादिसंकलनाए निष्फन्नंति तन्हा एक्कस्स निक्खेवो कायव्वो ततो दसन्नं । एगस्स दारगाथा नामं ठवण दविए मातुगपदसंगहेक्कए चेव । पज्जयभावे य तथा सत्ते ते एक्कगा होतिं ॥

नामठवणातो जधा आवस्सए । एव्वेक्कगं जधा एक्कं दव्वं सचित्तं अचित्तं मीसगं वा, सचित्तं जहा-एक्को मानुसो, अचित्तं जहा कारिसावणो, मीसो पुरिसो वत्थामभरणविभूसितो मातुपदेक्कगं-उप्पन्नेति वा धुवेति वा विगतेति वा, एते दिट्ठिवाए मातुगा पदा, अहवा इमे माउगा पदा-अआएवमादि । संगहेक्कगं जधा दव्वं पदत्थमुद्दिस्स एक्को सालिकणो साली भन्नति, जातिपदत्थ-मुद्दिस्स बहवो सालयो साली भन्नति, जधा निष्फन्नो साली, नय एगम्मि कणे निष्फणे निष्फन्नं भवति, तं संगहेक्कगं दुविहं, आदिट्ठमनादिट्ठं च । आदिट्ठं नाम विसेसितं । अनादिट्ठं जहा साली आदिट्ठो कलमो । पज्जविक्कगंपि दुविधं आदिट्ठं अनाइट्ठं च । पज्जातो गुणादी परिणती । तत्थ अनादिट्ठं गुणोत्ति आदिट्ठं वन्नादि । भावेक्कगंपि आदिट्ठमनाइट्ठं च । अनाइट्ठं भावो, आइट्ठं ओदयितो उवसमितो खइओ खओवसमितो परिणामतो । उदईयभावेक्कगं दुविधं-आइट्ठमनाइट्ठं च । अनाइट्ठं उदइओ भावो आइट्ठं पसत्थो अपसत्थो य । पसत्थो तित्थगरनामोदयाइ । अपसत्थो कोहोदयाइ । उवसमियस्स खइयस्स व अनादिट्ठादिट्ठमेदो सामन्नस्स विसेसस्स य अभावे णं संभवति, केति खतोवसमियंपि एवं चेव इच्छंति तं न भवति, जेन सम्मदिट्ठीणं मिच्छादिट्ठीणं खओवसमओ लद्धीओ बहु-विधाउ संभवंति तन्हा दुविहत्तणं चेव । पारिणामियभावेक्कगं सामणविसेसभावेन तहेव जं आइट्ठं तं साइयपरिणामियं अनादियपरिणामियं च । तत्थ सादिअपारिणामियं एक्कगं कसायपरिणओ जीवो किसानो । अनाइयपरिणामिय एक्कगं जीवो-जीवभावपरिणओ सदा एवमादी । इह कयरेण एक्कगेण अधिकारो ? उच्यते-भिन्नरूपा एक्कगा दससद्देण संगहिया भवंति, तेन संगहेक्कगेण अधिकारो, अहवा सुतनाणं खओवसमिए भावे चिट्ठित्ति भावेक्कएण अधिकारो उभयमविरुद्धं भावो, एवं विसेसिज्जति दुगादिपरूवणावसरे दस परूविअंति । एवं सेसं परूविअं भवति तन्हा दसगणिकखेवो । सो चउच्चिहो-नामदसाइं नामद्ववणाओ तहेव गाथा पच्छद्वेण, दव्वदसा जानगसरीरभविअसरीखतिरित्ता वत्थस्स दसाओ, पढमं बंधानुलोभेणं भाव-दसाओ भणियाओ । जओ आउविवागज्झयणा गाथा । भावदसा दुविहा-आगमतो नोआगमतो य ।

नोआगमतो दुविधा-आउविवागदसा अज्झयणदसा य । आयुषो विपाकः विपचनमित्यर्थः । विभागो वा दसधा विभज्यते, वाससवाउस्स दसहा आउगं विभज्यते । दस दस वासाणि कज्जंति ताणं नामानि इमानि-

नि. [३] बाला मंदा किड्डा बला य पन्ना य हायनिपवंचा ।

पब्भारमुम्मूही सयणी नामेहि य लक्खणेहिंदसा ॥

नि. [४] दसआओ विवागदसा नामेहि य लक्खणेहिं एहिंति ।

एत्तो अज्झयणदसा अहक्कमं कित्तइस्सामि ॥

चू. एताइं नामाइं आउविवागदसाणं दस बालादीनि एयाणी चेव लक्खणानिवि । कहमेयं जे चेवाभिधानं तं चेव लक्खणं ? उच्यते-जहा खमती खमणो तवती तवणो एवमादि, एवमिहापि, द्वाभ्यां कलितो बालः, कार्याकार्यानभिज्ञो वा बाल; तस्स जा दसा सा बाला भन्नति । मंदमस्यां वाऽल्पं योवनं विज्ञानं भोत्रादिविज्ञानं वा तेन मंदा । क्रीडनमस्यां क्रीडाविसएसु सद्वादिसु नाऽबलमस्यां जायतीति चला वीर्यमित्यर्थः । प्रज्ञा अस्यां जायत इति पन्ना । हायत्यस्यां बाहुबलं चक्षुर्वा हायनी, प्रपंच्यतेऽस्यामिति प्रपंचा । भाषिते चेष्टिते वा भारेण नत इव चिद्दए पब्भारा । विनओवक्कमंतो मूक इव भाषते मुंमुही । सयने चिद्ददि नं चंक्रमणादि समत्थो भवति । एता दस आउविवागगाथा । दस नामतो लक्षणतश्चोक्ता । एत्तोत्ति अस्मादुत्तरं अज्झयणदसा 'अहक्कमं' ति जहक्कमं जह भगवया भणियाओ कित्तइस्सामि वन्निस्सामि कहेस्सामि । दुविधातो अज्झयण-दसाओ -

नि. [५] डहरीओ उ इमाओ अज्झयणेसु महईओ अंगेसु ।

छसु नायादीएसुं वत्थवि भूसावसाणमिव ॥

चू. डहरीतो इमातो आयारदसातो । आयारो साहूण सावयाण य संखेवेण वणिज्जति । अतो आयारदसातो असमाहिट्टाणादि । महलीओ पुन अंगेसु छसु नायादिसु नायाणं धम्मकहातो जाव विवागदसातो जहा वत्थस्स विभूषणनिमित्तं मंगलनिमित्तं च अवसानदसाण दसाओ भवति । एवं इमाओवि अज्झयणदसातो मंगलातो । एताओ केन कताओ ? उच्यते-सव्वाण वि दसाण अत्थो भगवया भासितो, सुत्तं गणधरेहिकतं ।

नि. [६] डहरीओ उ इमाओ निज्जूढाओ अनुग्गहडाए ।

थेरेहिं तु दसाओ जो दसा जाणओ जीवो ॥

चू. दिट्ठिवायातो नवमातो पुच्चातो असमाधिट्टाणपाहुयातो असमाधिट्टाणं एवं सेसाओवि सरिसनामेहि पाहुडेहि निज्जूढाओ । केन ? भद्दबाहूहि । नित्यमात्मनि गुरुषु च बहुवचनम् । तेहिं थेरेहिं । कि निमित्तं निज्जूढाओ ? उच्यते-उस्सप्पिणि समणाणं परिहायंताण आयुगबलेसु होहितुवग्गहकरा पुच्चगतम्भि पहीणम्भि ओसप्पिणीए अनंतैहि वन्नादिपज्जेवेहि परिहायमानीए समणाणं ओग्गधारणा परिहायंति । बलधितिविरिउच्छाह-सत्तसंघयणं च सरीरबलविरियस्स अभावा पट्ठिउं सद्धा नत्थि संघयणाभावा उच्छाहो न भवति । अतो तेन भगवता परानुकंपिएण भोअनगदारगरायदिट्ठं-तेन मा वोछिज्जिस्संति एते अत्थपदा अतो अनुग्गहत्थं, न आहरुवधिसेज्जादि-कित्तिस्सद्वनिमित्तं वा निज्जूढातो आगमतो, जो दसा जाणतो उववुत्तो जीवो सो भावदसातो

भन्ति, एत्थ सुत्तं खंधो य विभासितव्वो जहा आवस्सए एसो दसाणतोहो पिडत्थो वन्तितो समासेण । एत्तो एक्केक्कंपुन अज्झयणं कित्तइस्सामि ।

एतेसि दसण्हं अज्झयणाण इमे अत्थहिगारा भवन्ति । तं जहा—

नि. [७] असमाहि य सबलत्तं अनसादनगणिगुणा मनसमाही ।

सावगभिक्वुपडिमा कप्पो मोहो नियाणं च ॥

नि. [८] दसाणं पिडत्थो एसो मे वन्निओ समासेणं ।

एत्तो एक्केक्कंपि य अज्झयणं कित्तइस्सामि ॥

चू असमाहि य सबलत्तं अनसादगणणिगुणा मनसमाही । सावगभिक्वुपडिमा कप्पो मोहो निदानं च ॥ तत्थ पढमं अज्झयणं असमाहिद्वान्ति तस्स चत्तारि अनुओगद्वारा भवन्ति । तं जहा-उवक्कमो निकखेवो अनुगमो नओ । तत्थोवक्कमो नामादि छव्विहो । तं परूवेतुं पुव्वानुपुव्वीए पढमं, पश्चानुपुव्वीए दसमं, अनानुपुव्वीए एताए चैव एगादियाए एगुत्तरियाए दसगच्छगताए सेदीए अन्नमन्नमब्भासो दुरुवुणो अत्थाहिगारो, से समाहीए तस्सेव रक्खणद्वा असमाहिद्वान्णा परिहरिञ्जि गतो उवक्कमो । निकखेवो तिविहो-ओहनिप्फन्नो नामनिप्फन्नो सुत्तालावगनिप्फन्नो । ओहनिप्फन्नो अज्झयणं अज्झीणं अउज्झवणा सव्वं परूवेऊणं नामनिप्फन्ने निकखेवे असमाधिद्वान्णा दुपदं नाम असमाधी द्वानं च । अमानोनाः प्रतिषेधे णं समाही असमाही, असमाधीए द्वानं, असमाधि द्वानं, जेनाऽऽसेवितेन आतपरोभयस्स वा इह परत्र उभयत्र वा असमाधी होति तं असमाधिद्वानं असमाधिपदमित्यर्थः । तथा समाधी दुविहा—

नि. [९] दव्वं जेन व दव्वेण समाही आहियं च जं दव्वं ।

भावो सुसमाहितया जीवस्स पसत्थजोगेहिं ॥

चू दव्वे भावे य, दव्वसमाध-दव्वं जेनेव दव्वेण समाही आहियं जं दव्वं । भावो सुसमाहितया जीवस्स पसत्थजोगेहि ॥ दव्वसमाधी समाधिमत्तादि, अहवा यस्य ययोर्येषां वा द्रव्याणां समाही अविरोध इत्यर्थः । जेनेव दव्वेण भुत्तेण समाही भवति । आहितं च जं दव्वं आधितमारोवितं जेन दव्वेण तुलारोवितेण न कतो वि नमति समतुलं भवति सा दव्वसमाही । भावसाधी गाथा पच्छन्देण एत्थ भन्इ-भावो सुसमाहिता पच्छद्धं भाव-समाधी नाणदंसणचरित्ताणं परोप्परतो समाही अविरोध इत्यर्थः । तेहि वा उप्पन्नेहि तेसु वा अप्पाहितो जधा सुद्ध आधितो सुसमाहितो तानि वा नाणादीनि अत्तणि गाहिताणि । भावसमाही-भावो जीवस्स जा सुसमाहितता नाणादिसु ३ । केसु ? सु समाहितता जीवस्य उच्यते पसत्थजोएसु । के पसत्थजोगा ? नाणादीसंगहिया मनोजोगादी ३ अथवा अक्रोधता ४ गया समाधी । इदानि ठाणं तत्थगाथा-

नि. [१०] नामं ठवणा दविए खेत्तद्धा उद्ध ओवरई वसही ।

संजमपग्गहजोहे अचलगणणसंधणा भावे ॥

चू नामठवणाओ गताओ दव्वद्वानं जाणगरीरभवियसरीरवतिरित्तं सचित्तादि ३ । सचित्तं-दुपदादि दुपदद्वानं दिने दिने जत्थ मनूसो उवविसति तत्थ द्वानं जायति, चउप्पदद्वानं पि एमेव । अपदद्वानं गुरुय फलं जत्थ निक्खिक्खति तत्थ ठाणं जायति । अचित्तं जत्थ फलगमिस्सय जंतादीनि निक्खिक्खन्ति तत्थ द्वानं जायति, मिस्सद्वानं-समाभरित्ताणं घडगस्स वा जलभरियस्स । खेत्तद्वानं

गामादीनं निव्विद्वाणं उवविसताण विद्वाणं दीसति, अद्धाकाल इत्यर्थः, तं दुविधं-भवद्विती कायद्विती य । भवद्विती नेरइयदेवाण य संधिद्विणा-कायद्विती । तिरिक्खजोणियमणूसाणं जा संधिद्विणा, उद्धद्विणाति । तज्जातीयग्रहणात् निसीअनतुयद्विणाद्विणां एतेसि उद्धठाणं आदी तं पुन कायोत्सर्ग इत्यर्थः । निसीयणा उवविसणा तुअद्विणा संधिद्विणा, उवरतिद्विणां देसे सव्वे य देसे अनुव्वता पंच, सव्वे महव्वतानि पंच, वसधिद्विणां-उवस्सओ, संजमद्विणां असंखेज्जा संजमद्विणा । पग्गहद्विणां दुविधं-लोइयं लोउत्तरियं च । लोइयं पंचविधं तं जधा-राया जुवराया सेनावती महत्तरा कुमाराऽमच्चो उ । लोउत्तरियं पंचविधं-आयरिय उवज्झाय पवत्ति धेर गणावच्छेइया । जोधद्विणां-आलीढादि पंचविधं-तत्थालीढं दाहिणपादं अग्गहुत्तं काउं वामं पादं पच्छत्तो हु तं उसारेत्ति, अंतरं दोन्वि पायाणं पंचपादा, एवं चेव विवरीतं पच्चालीढं २ । वइसाहं-पण्हओ अच्चित्तराहुत्तीओ समसेदीए करेत्ति, अग्गमतलो बाहिराहुत्तो । मंडलं-दोवि पादे समे दाहिणवामा-हुत्ते ओसरित्ता उरुणोवि आउंटावेइ जधा मंडलं भवति अंतरं च चत्तारि पादा ४ । समपदं दोवि पादे समनिरंतरं इवेत्ति ५ अचलद्विणां “परमानुपोग्गलेणं भंते निरेए कालतो केवि चिरं हीत्ति? जहत्तेणं एणं समयं उक्कोसेणं असंखेज्जं कालं ।” गणणद्विणां एक्कं दस सयसहस्समित्यादि । इदानीं संधणा भावेत्ति । संधणा दुविधा-दव्वे भावे य । दव्वसंधणा दुविहा-छिन्नसंधणा अछिन्नसंधणा य । रज्जुं चलंतो अच्छिन्नं चलेइ, कंबुगार्णं छिन्नसंधणा । भावसंधणा दुविहा-छिन्नसंधणा अछिन्नसंधणा य । उवसामगखवग-सेदीए पविट्ठो जाव सव्वो लोभो उवसामितो एसा अछिन्नसंधणा । अथवा पसत्थेसु भावेसु वट्टमाणो जं अपुव्वं भावं संधेइ एसा अछिन्नसंधणा । भावे इमा छिन्नसंधणा खतोवसमियातो उदइयं संकमंतस्स छिन्ना, ओदइयाओ विमिसं संकमतस्स छिन्नसंधणा अप्पसत्थातो, पसत्थभावं संकमंतस्स छिन्ना । पसत्थातोवि अपसत्थं संकमंतस्स छिन्ना अपसत्था, पसत्थभावसंधणाए अधिगारो । गतो नामनिष्फन्नो । सुत्तालावयनिष्फन्नो पत्तलक्खणो वि न निखिप्पत्ति । इतो अत्थि ततियमनु-ओगदारं अनुगामोत्ति । इह तत्थ य समाणत्थो निक्खेवोत्ति । तहि निखिप्पिहित्ति । एवं लहुं सत्थं भवति । असंमोहगारगं च । अनुगामोत्ति सो दुविधो-सुत्तानुगमो निज्जुत्तिअनुगमो य, निज्जुत्ती अनुगमोतिविधो, तंजहा-निक्खेवनिज्जुत्तिअनुगमो ओवुग्घातनिज्जुत्तिअनुगमो फासिय-निज्जुत्तिअनुगमो । निक्खेव-निज्जुत्तिअनुगमो दसगनिक्खेवप्पभिई भणितो । ओवुग्घायनिज्जुत्ति अनुगमो-उद्वेसे निद्वेसियनिग्गमे खेत्ते कालपुरिसे य ।

कारय पच्चयलक्खण नए समोयारणानुमते ॥ कि कतिविधं कस्स कहि केसु कंहं किच्चिरं हवइ कालं । कति संतरमवि रहितं भवागरिसफासणनिरुत्ती । तित्थकरस्स सामाइयक्कमेण उवग्घातो कतो । अज्जसुधम्मं जंबुप्पभवं सिज्जंभवं च जसभद्दाण य । ततो भद्दबाहुस्स ओसप्पिणीए पुरिसाणं आयुबलपरिहाणिजाणिऊण चिता समुप्पन्ना । पुव्वगते वोच्छिन्ने मा साहू विसोधि न याणिस्संतित्ति काउं अतो दसाकप्पववहारा निज्जुद्धा पच्चक्खाणपच्चातो । एस ओवग्घातो । सुत्तफासिय-निज्जत्ती सुत्तं संगहितत्ति सुत्ते उच्चारिते तदत्थवित्थारिणी भविस्सइ । इदानीं सुत्तानुगमे सुत्तफासियनिज्जुत्ती सुत्तालावयनिष्फन्निक्खेवणं पढमसन्नत्थाणं पडिसमाणणत्थमत्थवित्थारा-धारभूतं सुत्तमुच्चारितव्वं अक्खलितादिअनुओगदारविधिणा जावणा दसपदं वा ।

मू (१) नमो अरिहंताणं, नमो सिद्धाणं, नमो आयरियाणं, नमो उवज्झायाणं, नमो लोए

सर्व साहूणं, एसो पंच नमुक्कारो, सर्वपावप्पणासणो, मंगलाणं च सर्व्वेसि, पढमं हवइ मंगलं ।
सुयं मे आउसं तेणं भगवता एवमक्खातं—

सू. तं च इमं मंगलनिहाणभूतं दसापढमसुतं- “सुतं मे आउसंतेणं० ।” एतस्स वक्खाण-
मुवदिस्सति-संहिता य पदं चेव, पदत्थो पदविग्गहो । चालणा य पसिद्धी य, छव्विधं विद्धि
लक्खणं ॥ संहिता अविच्छेदेन पाठो जथा सुतं मे आउसंतेणं भगवता एवमक्खायं । इह खलु
थेरेहि भगवंतेहि वीसं असमाहिट्ठाणा पन्नत्ता इदानि पदपविभागो-सुतंति पदं, मया इति पदं,
आउसंतेणंति पदं, भगवता इति पदं । एवं अक्खातं इह खलु थेरेहिं भगवंतेहिं वीसं असमाहिट्ठाणा
पन्नत्ता । पदविभागानंतरं पदत्थो-सुतं मया इति वयणं को वा भन्नति- “अत्थं भासति अरहा,
सुत्तं गंधंति गणधरा निउणं । सासनस्स हितट्ठाए, तत्तो सुत्तं पवत्तती ॥” तं भगवंतो सर्व्ववतिसय-
संपन्नं वयणं सोऊण गणधरा सत्तीकतं पत्तेयमप्पणो सीसेहि जिनवयणा मतसवणपानमुस्सुएहिं
सविनयं के असमाधिट्ठाणेत्ति नोदिता ? । ततो भगवंतो गोखमुब्भाविंता एवमुक्त्वन्तः-सुतं मे
आउसंतेण भगवता । अहवासुधम्म-सामी जंबूनामं पुच्छमाणं एवं भन्नत्ति तथा भद्दबाहू वा । सुतं
मे आउसंतेणं भगवता, सुतमिति तित्थकरवयणं । तं दरिसेति मया इति अप्पणो निदेसं करेति ।
खंधखणियवातपडिसेहणत्थं, जेन सुतं स एवाहं । न खंधसुत्ताऽनादि मोहरूवमिदं । आयुष्मन्निति
आयुष्मद्ग्रहणेन जातिकुला-दयोऽपि गुणा अधिकृता भवन्ति । गुणवति सत्थं पडिवातितं सफलं
भवति ते य अव्वोच्छित्तिकरा भवंति । आयुष्पधाना गुणा अतो आयुष्मन् भणंति, जेणं एतं
समुप्पाइयं सर्व्वनुतापच्चयं भगवंतं तित्थगरमाह । अहवाऽयं बितिओ सुत्तत्थो-सुतं मे आउसंतेणं
भगवता, सुयं मया आयुषिसं तेन भगवता एवमक्खातं, ततिओ सुत्तत्थो पाढविसेसेण भन्नति-
सुअं मे आव संतेणं गुरुकुलमिति वाक्यशेषः । चउत्थो सुत्तत्थो पादविकप्पेणेव । सुतं मे आउसंतेणं
चरणजुयलमिति वाक्यशेषः । आमुसंतेण छिवंतेण हत्थेहि सिरसा वा । एयंमि सुत्तत्थे विनयपुव्वाया
गुरुसिस्ससंबंधस्स दरिसिज्जइ । भगवता इति भगो जस्स अत्थि भगवान् । अत्थ जस्स धम्मलच्छी
पयत्तविभवणं छन्नं एतेसि भग इति नामं, ते जस्स संति सो भन्नेई-भगवं तेन भगवता एवमक्खातं ।
एवं सद्दो प्रकाराभिधायी । एतेन प्रकारेण जोय भन्निहित्ति असमाहिट्ठाणप्रकारो तं हितए काऊण
भन्नत्ति, अक्खायं-कहितं—

मू. (२) इह खलु थेरेहि भगवंतेहि वीसं असमाहिट्ठाणा पन्नत्ता । कयरे खलु ते थेरेहि भगवंतेहिं
वीसं असमाहिट्ठाणा पन्नत्ता, तं जहा - दवदवचारियावि भवति ॥१॥ अपमज्जिय-चारियावि
भवति ॥२॥ दुपमज्जियचारियावि भवति ॥३॥ अतिरित्तसेज्जासणिए ॥४॥ रातिनियपरिभासी
॥५॥ थेरोवघाए ॥६॥ भूतोवघातिए ॥७॥ संजलणे ॥८॥ कोहणे ॥९॥ पिट्ठी मंसेयावि भवइ
॥१०॥ अभिक्खणं अभिक्खणं ओहारित्ता भवइ ॥११॥ नवाई अधिकरणाइं अनुप्पनाइ
उप्पादइत्ता भवइ ॥१२॥ पोरणाइं अधिकरणाइं खामियाइं विउसमियाइं उदीरेत्ता भवइ ॥१३॥
अकाले सज्जायकारियावि भवति ॥१४॥ ससरक्खपाणिपादे ॥१५॥ सद्धरे ॥१६॥ झंझकरे
॥१७॥ कलहकरे ॥१८॥ असमाहिकारए ॥१९॥ सूरप्पमाणभोई एसणाए असमाहिएयावि
भवइ ॥२०॥ एते खलु ते थेरेहि भगवंतेहि वीसं असमाहिट्ठाणा ॥

सू. ‘इह खलु’ इह आरहते सासने, खलुस्सद्दो विसेसणो अतीतानागतथेराणवि एवं पन्नवणा

विसेसणत्थे । थेरा पुन गणधरा भद्दबाहू वा । भगवंत इति अतिसयप्राप्ताः । 'वीसं असमाधिद्वाणा पन्नत्ता' । वीसं इति संख्या असमाधिद्वाणं व पुव्वभणियं, पन्नत्ता-परुविता । इदानिं पदविग्गहो सोवि छिन्नपदे भवति, यत्र वा भवति, तत्र वाच्यः । इदानिं चालना । सीसो भणति, किं ? वीसं एव असमाहिद्वाणा ? आयरिओ प्रसिद्धि दरिसंतो भणति—

नि. [११] वीसं तु नवरि नेम्मं अइरेगाइं तु तेहि सरिसाइं ।

नायव्वा एएसु य अत्रेसु य एवमाइसु ॥

चू निभमात्रं नेम्मं आधार-मात्रं, अतिरेकाइति अधियाइं, तेसि वीसाए सरिसाणि समाणाणि नायव्वाणि असमाहिद्वाणाणि । तानि कहिं उच्यते-एतेसु वीसाए असमाहिद्वाणेषु अत्रेसु य एवमादिसुत्ति एतसरिसेसु एतेसुत्ति, न केवलं दव्वदवचारिस्स असमाही, दव्वदवभासिस्सावि दवद्वपडिलेहिस्सावि एवं विभासा आओज्जा । अत्रेसुत्ति-इंदियविसयकसाय० गाथां । अहवा जत्तिया असंजयमट्टमाणा, तत्तिया असमाधिद्वाणावि । तेय असंखेज्जा । अहवा मिच्छत्तं अविरति अत्राणा असमाहिद्वाणा । अहवा एतेसुत्ति दवद्ववचारित्तं सयं परेण वा कारवेति योगत्रयकरणत्रयेण । एवं सेसेसु विभासा । अत्रेसुत्ति सबलआसादना सु य जाइं पदानि भणियाणि । तेहि असमाधि भवति । आसेवितेसु एतानिवि तेसु पच्छित्तव्वामि, एवं परोप्परस्स समोतारेतव्वाणि । तेहिंपि एक्कवीसंति नवरि नेम्मं, तेत्तिसत्ति नवरि नेम्मं, मोहनीयद्वाणेहिं तीसत्ति नवरि नेम्मं ।

इदानिं तेसिं विभापुच्छणत्थमाह सिस्सो-कतरे खलु ते जाव पन्नत्ता । वक्ष्यमाणं विभाग-मङ्गीकरेऊण आयरिओ आह-इमे खलु जाव पन्नत्ता, तं जहा-दवद्ववचारीया विभावति-दुद्दु गतौ दवद्ववचारी तुरितगमनो भन्नति, सो दवद्ववचारी निरवेक्खो वच्चंतो अत्ताणं परं च इह परत्र च असमाधीए जोएत्तिं । अत्ताणं ताव इह भवे आतविराहणं पावति आवडण-पडणादिसु, परलेगे सत्तवहाए पावं कम्मं बंधइ । परं संघट्टण परितावणउद्ववणं करंतो असमाहीए जोएत्ति । च शब्बाद् द्रुत्तं द्रुवंतो भुंजतो भासंतो पडिलेहणं च करंतो आतविराधनं च पावति, संजमविराधनं च पावति । अपि ग्रहणात् चिद्धंतो वि आकुंचणप्रसारणं दवद्ववस्स करंतो अप्पडिलेहेत्ते आतविराधनं संजमविराधनं च पावति, संजमविराधनां संचारि कुंथुउद्देहियादि जेसि च उवरिं पडेत्ति ते असमाधीए जोएत्ति । आतविराधना विंछुगादिना खइत्तस्स । किं निमित्तं पुव्वं गमणं भणितं ? उच्यते-जेन पढमं इरियासमीतो पच्छा सेसियाओ समितीओ तेन पढमं गमनं भणितंत्ति ।

'अप्पमज्जितचारीयावि' भवति, अपिसदो द्वाणनिसीयणसुयट्टणउवगरणगहणनिक्खेवउच्चारदिसु य अपमज्जिओ आयरति । एवं दुपमज्जितेवि, अपमज्जियदुप मज्जियगहणेण सत्तभंगा सूचिता तं न पडिलेहेत्ति नं पमज्जति चउभंगो न पडिलेहेत्ति पमज्जति तं दुप्पडिलेहेत्तं दुपमज्जितं करेत्ति चउभंगो । तत्थंतिमो सुद्धो सेसा छ असुद्धा । अतिरित्तसेज्जाआसणिए अतिरित्ताए सेज्जाए आसनेन य धंधसालाए द्वियाणं अत्रे वि आगंतूण तत्थ आवासंति । अधिकरणादि असमाधी असंखडादि दोसा च । अथवा संथाराउ सेज्जा तत्थ अयंत्रितत्वात् पप्फंदमाणो सत्तोवरोहे वट्टमाणो इह परत्र च अप्पाणं परं च असमाधीए जोएत्ति । 'रातिनिया पारिभासी' रातिनिओ-आयरिणो अत्रो वा जो महल्लो जातिसुयपरियाएहिं परिभासत्तित्ति-परिभवति अवभन्नति जच्चादिएहिं अट्टहिं मदद्वाणेहिं परिभवति । अहवा डहरो अकुलीणोत्ति य दुम्मेघो दमगमंदबुद्धित्ति अवियप्पलाभलद्धी सीसो

परिभवति आयरियं । इदानिं परिभवमाणो आणाओववाते य अवदंतो पडिनोदितो असंखडेजा, तत्थ य संजमआतविराधना, तंमि वदंतो अप्पाणं परं च असमाधीए जोएति । 'थेरावधाती'-थेरा-आयरिआ गुरवो ते आयारदोसेण वा सीलदोसेण वा उवहणेति नाणातीहिं वा । भूतोवधाति-भूतानि-एगिदियानि उवहणति अनट्टाए सायागारवेण रसगारवेण विभूसावडियाए वा आधाकम्पादीनि वा गिण्हति तारिसं वा करेति भासति य जेन भूतोवधातो भवति । 'संजलणे'-संजलणो नाम पुनो पुनो रुस्सति । पच्छा चरित्तसस्सं हणति डहइ वा अग्गिवत् । 'कोहणे'-कोहणोत्ति सइ कुद्धो अच्चंतं कुद्धो भवति अनुवसंतवेर इत्यर्थः । पिट्टिमंसियाएवि भवति पिट्टिमंसितो-परमुहस्स अवन्नं बोलेइ अगुणे भासति नाणादिसु । एवं कुप्पमाणो अप्पणो परेसिं च इह परत्र च असमाधिमुप्पाएति । अपिशब्दात् समक्खं चैव भणति जं भाणियच्चं ओधारयित्ता अभिक्खणं २ पुनो पुनो ओधारणिं भासं भासति । तुमं दोसो चोरो पारिदारिओ वा जं चासंकितं तं नीसंकितं भणति । 'नवाई अधिगरणाइं अनुप्पन्नाइं उप्पाइत्ता भवति ।' नवाईति न चिराणाइं अनुप्पन्नाइं अनुप्पन्नाइं न कदाइ तारिसं उप्पन्नपुव्वा अहिकरेति भावं अधिकरणं अद्धितिकरणं वा कलह इत्यर्थः । तं उप्पायंतो अप्पाणं परं च असमाहीए जोएति । जम्हा तावो भेदो अयसो हानी दंसणचरित्तनाणाणं साधुपदोसो संसारवद्धणा साहिकरणस्स ॥ अतिभणित्तं अभणिते वा तावो भेदो चरित्तं जीवाणं रूवसरिसं न सीलं, जिन्हंति अयसो चरति लोए । चत्तकलहोवि न पढति, अवच्छल्लतेय दंसणे हानी । जहा कोधादिविवट्ठी, तह हानी होति चरणेवि ॥

जं अज्जित्तं समीखल्लएहिं तव नियमबंभमइएहिं

मा हु तयं छडेहिह बहं तयं सागपत्तेहि ॥

अहवा नवानि अधिकरणाणि जं तानि उप्पाएति जोतिसनिमित्तानि वा पोत्तमत्तीउ वा ॥ पोरणाइं कहं उदीरेति ? भन्नति मम तइया किं सवसि ? प्रत्याह-इदानिं ते किं मरिसेमि ? मा ते पित्तं सुहं भवतु । 'अकालसज्जायकारएयावि' ति-अकालित्ति-कालियसुत्तं ओग्घोडाए पोरिसीए सज्जायं करेति संज्ञासु वा, ततो पडिबोहितो मा करेहिं, भंडणं करेति देवताच्छलिजा । 'ससरक्खपाणिपादे'-ससरक्खेण पाणिपादेण थंडिलातो अथंडिलं संकमतो अथंडिलाओ वा थंडिलं, न पडिलेहिति न पमज्जति भंगा सत्त । एवं कण्हभोम्मादिसु वि विभासा । 'ससरक्खपाणी' ससरक्खेहिं हत्थेहि भिक्खं गिण्हति । स एवं कुव्वंतो संजमो असमाधीए अप्पाणं जोएति नोदितो वा असंक्खडं करेति । सद्दकरे संतप्पसंते महता सद्देण उल्लावेति वेरत्तिअं वा करंतो । 'भेदकरे' ति-जेन जेन गणस्स भेदो भवति तं तं आचेद्धति, झंज्जं करेति, जेन सच्चो गणो झंज्जइंतो अच्छति एरिसं करेति भासति वा । कलहकरेत्ति-अक्कोसमादीहिं जेन कलहो भवति तं करेति स एवंगुणजुत्तो असमाहीए ठाणं भवत्ति वाक्यशेषः । तस्य च एवं कुर्वतः असमाहिट्टाणं भवति । सूरप्पमाणभोई-सूर एवं प्रमाणं तस्य उदिते सूर आरद्धा जाव न अत्यमेइ ताव भुंजति सज्जायमादी न करेति, पडिनोदितो रुस्सति अजीरंतो वा असमाधी भवति । एसणाए असमिते यावि भवति अनेसनं न परिहरति पडिनोदितो साहूहिं समं भंडति अपरिहरंतो छकायावराधे वट्ठति स जीवावराहे वदंतो अप्पाणं असमाधीए जोएति । चशब्दातो एसणा च ति विधा-गवेसणा गहणेसणा घासेसणा । अपिसद्दातो सेसमिति । असमितस्सवि त एव दोसा भवति । एते खलु ते वीसं असमाधिट्टाणा

धेरेहिं भगवंतेहिं पन्नत्तेत्ति बेमि । बेमिन्ति-ब्रवीमि । अज्जमद्दबाहुस्स वयणमिदं, भगवता सव्वविदा उवदिट्ठं तं अहमवि बेमि, नया जहा हेट्ठिमसुत्तेसु ।

दसा-१-समाप्ता

मुनि दीपरत्नसागरेण संशोधिता सम्पादिता दशाश्रुतस्कन्धे

प्रथमा दसायाः सनियुक्तिः-सचूर्णिकः परिसमाप्ता

दसा-२-शबला

चू. असमाधिद्वान्णेषु वट्टमाणो सबली भवति, सबलद्वान्णेषु य असमाधी भवति । तेन असमाधिपरिहरणत्थं सबलद्वान्णेषु परिहरियव्वानि । एतेनाभिसंबंधेण सबलज्झयणमुपागतं तस्सुवक्कमादि चत्तारि दारा परूवेऊणं अधिकारो असबलेन, तस्स परूवणत्थं सबला वन्निज्जति । नामनिप्फलो निक्खेवो सबलत्ति सबलं नामादि चउव्विधं, नामद्ववणाउ तहेव, दव्वभावेसु –

नि. [१२] दव्वे चित्तलगोणाइ एसु भावसबलो खुतायारो ।

वतिक्रम अइक्कमे अतियारे भावसबलोउ ॥

चू. सबलं चित्तमित्यर्थः । जं दव्वं सबलं तं दव्वंसबलं भन्ति । तं च गोणादि आदिग्रहणात् गोणसमिगादि । भावसबलो खुतायारो खुतं भिन्नमित्यर्थः । न सर्वशः ईषत् उसन्नो खुतायारो सबलायारो तु होति पासत्थो भिन्नायारो कुसीलो संकिलिद्धो नु भिन्नायारमित्यर्थः । अहवा इमो भावसबलो, बंधानुलोमेन वतिक्रमणे पच्छद्धं एकं अवराहपदे मूलगुण-वज्जेसु अहकम्मादिसु अतिक्रमे वइक्कमे अतियारे अनायारे य । सव्वेसु सबलो भवति । तत्थ पडिसुणणे अतिक्रमो, पदभेदे वतिक्रमो, गहणे अतियारो, परिभोगे अनायारो, मूलगुणेषु आदिमेसु तिसु भंगेषु सबलो भवति, चउत्थभंगे सव्वभंगो । तत्थ अचरिती चेव भवति शुक्लपट्टदृष्टान्तात् । देसमइले पडि मा धाउत्तिं जता मइलो चोपडो वा एगदेसे पडो तदा तन्मात्र-मेव सोइज्जति । जदा सव्वो मइलितो भवति, तदा खारादीहिं समुदितुं धोव्वति । न य मइलितो सो भवति सीतत्राणं वा भवति । एवं चरित्तपडो वि देसे सव्वे य मइलितो न मोक्खकज्झसाधतो भवति । अथवा सबलो अवराधम्मि पतनुए-

नि. [१३] अवराहम्मि य पयनुए जेणउ मूलं न वच्चए साहू ।

सबलेई तं चरित्तं तम्हा सबलत्तणं बिंति ॥

चू. तनुओ अवराहो दुब्भासितादि सु महल्लावराधेसु मलिन एव । अहवा दसविहे पायच्छित्ते आलोयणादिजाव छेदो ताव सबलो, मूलादिसु मलिन एव चरित्रपटः, के के ते अवराहपदा जेहिं भावसबलो भवति, ते इमे आचारमधिकृत्योपदिश्यन्ते ।

नि. [१४] वालेराई दाली खंडो बोडे खुत्ते य भिन्ने य ।

कम्मासपट्ट सबले सव्वावि विराधना भणिआ ॥

चू. घडस्स वालमात्राच्छिराईसमाणो न गलइ केवलं तु बालराई दाली गलई । अपुव्वित्ताखंडो एगदेसेन, वोडो नत्थि से एगोवि कन्नो, खुतं-ईसि छिंरं भिन्नसुभिन्न एव आधेयामयदिश्यते कम्मासपट्टसबलो वक्कयरदंडगो पट्टसबलं वित्तपट्टसाडिया इह एवं प्रकारस्य घटद्रव्यस्य देसे सव्वे य विराधना वुत्ता । एवं घटस्थानीयस्यात्मनो देसे सव्वे य विराधना पट्टदृष्टान्तेन वा । गतो

नामनिष्कन्नो । सुत्तानुगमे सुत्तं उच्चारेतव्वं-

मू (३) सुत्तं मे आउसंतेण भगवता एवमक्खातं, इह खलु धेरेहिं भगवंतेहिं एकवीसं सबला पन्नत्ता कयरे खलु ते धेरेहिं भगवंतेहिं एकवीसंसबला पन्नत्ता ? इमे खलु ते धेरेहिं भगवंतेहिं एकवीसं सबला पन्नत्ता तं जहा - हत्थकम्मं करेमाणे सबले ॥१॥ मेहुणं पडिसेवमाणे सबले ॥२॥ रातीभोयणं भुंजमाणे सबले ॥३॥ आहाकम्मं भुंजमाणे सबले ॥४॥ रायपिंडं भुंजमाणे सबले ॥५॥ कीयं पामिच्चं अछेज्जं अनिसड्डं आहट्टु दिज्जमाणं भुंजमाणे सबले ॥६॥ अभिक्खणं पडियाइक्खित्ताणं भुंजमाणे सबले ॥७॥ अंतो छण्हं मासाणं गणातो गणं संकममाणे सबले ॥८॥ अंतो मासस्स तयो दगलवे करेमाणे सबले ॥९॥ अंतो मासस्स ततो माइड्डाणे करेमाणे सबले ॥१०॥ सागारियपिंडं भुंजमाणे सबले ॥११॥ आउट्टियाए पाणाइवायं करेमाणे सबले ॥१२॥ आउट्टियाए मुसावाए वदमाणे सबले ॥१३॥ आउट्टियाए अदिन्नादानं गेणहमाणे सबले ॥१४॥ आउट्टियाए अनंतरहियाए पुठवीए ट्ठाणं वा सेज्जं वा निसीहियं वा चेतमाणे सबले ॥१५॥ एवं ससण्हिद्धाए पुठवीअे ससरक्खए पुठवीए ॥१६॥ एवं आउट्टियाए चित्तमंताए सिलए चित्तमंताए लेलूए कोलावासंसि वा दारुए जीवपइट्टिए सअंडे सयासपाणे सबीए सहरिए सउस्से सउत्तिगे पणगदगमट्टियमक्कडसंताणए तहप्पगारं ट्ठाणं वा सिज्जं वा निसीहियं वा चेतमाणे सबले ॥१७॥ आउट्टियाए मूलभोयणं वा कंदभोयणं वा खंधभोयणं वा तयाभोयणं वा पवालभोयणण वा पत्तभोयणं वा पुप्फभोयणं वा फलभोयणं वा बीयभोयणं वा हरियभोयणं वा भुंजमाणे सबले ॥१८॥ अंतो संवच्छरस्स दस उदगलेवे करेमाणे सबले ॥१९॥ अंतो संवच्छरस्स दस माइड्डाणाइं करेमाणे सबले ॥२०॥ आउट्टियाए सीतोदगवग्घारिएणं हत्थेण वा मत्तेण वा दव्विएभायणेण वा असनं वा पानं वा खाइमं वा साइमं वा पडिग्गाहेत्ता भुंजमाणे सबले ॥२१॥

एते खलु धेरेहिं भगवंतेहिं एकवीसं सबल पन्नत्ता तिवेमि ॥

चू सूयं मे आउसंतेण भगवता धेरा गणहरा पुव्वधरा भद्दबाहू वा अज्जथूलभदाईण सीसाण कयेंति । हत्थकम्मदारब्भ जाव रायपिंडं ताव कालगा अनुग्घातिया अवराधपदा, हत्थकम्मं करेंति । सयं परेणवा मेहुणं दिव्वमानुसतिरिक्खजोणिय अतिक्रमवतिकम्प अतियारेतिवि, अनायारे सव्वभंग एव, सालंबो वा जयणाए सेवंतो सबलो भवति, आतसंजमविराधना विभासितव्वा एक्केक्के । राईभोयणं चउव्विह, दिया गेण्हंति दिया भुंजति चउभंगो अतिक्रमवतिक्रम-अइयारअनायारेसु चउसुवि सालंबो वा जयणाए अपडिसेवग एव सन्निहिमादीसु । रायपिंडोसावि भासियव्वा । आवाकम्म भंजुति अतिक्रमादिसु ४ कीतादि जाव आहट्टु दिज्जमाणं एक्को सबलो अभिहड्दमानीतं अभिहड्डं आहट्टु आहत्थ दिज्जमाणं, अभिक्खणं पडियाइखेत्ता सुत्तं-अभिक्खणो पुनो पुनो पुव्वण्हे अवरण्हे पच्चक्खाइत्ता पडियाइखेत्ता भुंजति ।

‘अंतो छण्हं मासाणं’ सुत्तं-अत्र गाणंगणियदोसा नाणदंसणचरित्तड्डं वा संकमेज्जा । ‘अंतो मासस्स सुत्तं । अंतो-अब्भितरतो तता माइड्डाणाइं दोन्निस्सिय अमाई तत्तिया गाथा । अंतो मासस्स सुत्तं-दगलेवो संघट्टेवरि । आउट्टियाए पाणातिवात करेमाणे सबले आउट्टिया नाम जाणंतो विनावतीए वा दव्वादिसु जं करेति जथा गिलणो लोणं गिण्हइति पुठविक्कायमक्खित्तेण वा हत्थमत्तेणंभिक्खं गिण्हइ । आउट्टियाए उदगं गेण्हइ उदउल्लसंसिणद्धेहि वा हत्थमत्तेहिं अपरिणएहिं

भिक्षं गिण्हइ । तेअ निक्खित्तं गिण्हइ दितावेइ वा, अप्पाणं परं वा चीअति अभिसंधारेइ वा कंदाइ गिण्हइ संघट्टेणं वा भिक्षं गेण्हइ, बेइंदिएहिं पंथो संसत्तो तेन वच्चति आहारं व संसत्तं गिण्हति । एवं तेइंदिय-चउरिंदिय-पंचेदियाभंडुक्किलियाइं पंथे ववरोवेज्ज । सुसावातो पयलाउल्ले मरुए पच्चक्खाणे य गमनपरियाए समुद्देससंखडीखुडुए य परिहारियमुहीउ अवस्स गमनं, दिसासु एगकुले चेव एगदव्वे पडियाक्खित्ता गमणं, पडियाइखित्ता य भुंजणं, सव्वत्थ सुहममुसावादो ।

अदिन्नादानं लेइयलोउत्तरसुहमबादरसव्वत्थ अतिक्रमादि । आउट्टियाए अनंतरहिताए पुढवीए सुत्तं-तिरोऽन्तद्धनि न अंतरिता अनंतरिता सचेतना इत्यर्थः । अत्रंमि थंडिल्ले वेज्जमाणे द्वाणं काउस्सग्गो शयनं वा निसीयणं वा चेतमाणे करमाणे, ससिणद्धा हेट्ठित्तो दगवालुयाए ससरक्खा अचित्ता-सचित्तरएणं अभिग्घत्था अभिन्नो पुढवी भेदो, आउट्टियाए चित्तमंताए सुत्तं उच्चारेतव्वं, चित्तमंता-सचेतना सिला सवित्थारो पाहाणविसेसो लेल्लु-मट्टिया पिंडो कोला-धुणा तेसिं आवासो कोलावासो । दारुए जीवपतिट्ठित्ते जीवा तदंतर्गता जीवेहिं पइट्ठित्ते पुढवादि सु, सह अंडेहिं सांडा लुता, पुडगंडगादि सह पाणेहिं सपाणा पाणा बेइंदियादि, सह वीएहिं सबीए बीया सालिमादि, सह हरितेहिं सहरिते, सहओस्साए सतोस्से, सह उदगेण सउदगे ओत्तिगा गद्दभगाा कीडियानगरं वा पणओ उल्ली दगण मिस्सा मट्टिया दयमट्टिया, मक्कडगा-सूतापुडगा संताणओ कीडिआ संचारतो द्वाणं काउस्सग्गादी सेज्जासयणीयं निसीहियां जत्थ निविसति चेतमाणे-करमाणे । आउट्टिआए मूलभोयणं वा सुत्तं उच्चारेव्वं । मूला मूलगअल्लयादि, कंदा-उप्पल-कंदगादि, पत्ता-तंबोलपत्तादि, पुप्फा-मधुगपुप्फादि, फला-अंबफलादी, बीया-सालिमादि, हरिता-भतूणगादि । अंतो संवच्छरस्स सुत्ता दोत्रि-अंतो अब्भितरतो संवत्सरस्स दसगलेवा माइट्टाणाणि वा करेति तो सबलो भवति, आरेण न होति । आउट्टियाए सीतोदगवग्घारिण सुत्तं-वग्घारितो-गलंतो एवं ताव चरित्रं प्रति सबला भणिता दरिसणं प्रति संकादि शुणाणे काले विनये बहुमाणे गाथा । एकवीसति ।

दसा-२ समाप्ता

मुनिदीपरलसागरेण संशोधिता सम्पादिता द्वितीयादसा सनियुक्तिः सचूर्णिकः समाप्ता ।

दसा-३-आशातना

चू आसादनाए सबलो भवति । एतेनाभिसंबंधेण आसादज्जेयणं पन्नत्तं, तस्स उवक्कमादि चत्तारि दारा वनेउं अधिगारो से अनासादनाए, तप्परिहरणत्थं आसादनाओ वनिज्जंति । नामनिष्फसे निक्खेवे आसादनत्ति, षड् विसरण-गत्यवसादनेषु । आयं सादयति आसादना । अहवा स्वादखर्द आस्वादने इत्येतस्य धातो रूपं वेति आस्वादना तत्थ गाहा -

नि. [१५] आसायणाओ दुविहा मिच्छा पडिवज्जणा य लाभे अ ।

लाभे छक्कंतं पुनं इट्ठमनिट्ठं दुहेक्केक्कं ॥

चू आसादना दुविधा मिच्छापडिवत्तित्तो य लाभे य । तत्थ लाभे छक्कंनामादी । नामद्ववणाए पूर्ववत् । दव्वक्खेत्तकालभावा एक्केक्का दुविधा-इट्ठा य अनिट्ठा य । तत्थ द्रव्यं प्रति निज्जराए लाभो इट्ठो अनिट्ठो अनिट्ठो तथा -

नि. [१६] साहू तेने ओग्गह कंतारविआल विसममुहवाही ।

जे लद्धा ते ताणं भणंति आसायणाउ जगे ॥

चू साधूस्स चोरेहिं उवधिम्मि हीरमाणे जं आचरति तत्थ निज्जरालाभो सो पुन अनिद्धो द्रव्यं प्रति । जं पुन हिंडंतो साधू आहारोवधि सुद्धं उप्पाएइ सो इद्धो द्रव्य प्रति । खेत्तं प्रति जं कांतारे पलंबादि पडिसेवति सो अनिद्धो, जंगमादिसु विहीए विहरंतो निज्जरेति सो इद्धो, कालंप्रति अनिद्धो जं दुब्भिकखादिसु जतणाए पडिसेवंतोपि निज्जरेतो होति । इद्धो रत्तिदिया वा जं चक्खवालसमायारिं अहीनमतिरित्तं करेति । भावं प्रति अनिद्धो जं गिलानस्स पेज्जाती करेति । इद्धो जं सत्थावत्थो साधू तवसा अप्पाणं भावेति । अहवा आसादना दव्वादिचउव्विहा । तत्थ गाथा- साहुणो तेनाहडस्स उवधिस्स जो पुनरवि लंभो सा अनिद्धा दव्वासादना । जो पुनओ भासितअनोभासियस्स वा उग्गमुप्पादना एसणासुद्धस्स उवधिस्स लंभो, सा इद्धा दव्वासादना । अहवा दव्वासादना ति विधा, सचित्तादि । अनिद्धा असोभणाणं एतेसिं चैव । खेत्ते कंतारे जं लब्भंति अफासुयं सा अनिद्धा, फासुगं इद्धा, गामानुगामं वा दूर्इज्जमाण्णं मासकप्पपाओगाणं खेत्ताणं लंभो इद्धा अजोग्गाणं अनिद्धा । कालेजं ओमोदरियाए विसमदुब्भिकखे वा अन्नलिंगेण कालियाए जं आहारादि ओप्पायति सा अनिद्धा, सुभिकखे इद्धा दिवसतो सल्लिगेणं, भावे अनिद्धा गिलाणस्सं अहिंडकेवि सविसुइगादिसु सुसहनिमित्तं अनेसणिज्जं घेप्पति, एसणिज्जा इद्धा, जेन लद्धा इद्धाणिद्धदव्वादि ४ तेन भन्ति । आसादना तु जगे पढंति च कुलद्धा दव्वादी इद्धानिद्धा, केन ? तेन साधुणा मंगंतेण, तेन कारणेनेति वाक्यशेषः । आसादना जगेत्ति लोगे अहवा अयमन्यो विकल्पेः ।

नि. [१७]

दव्वं मानुम्मानं हीनाहिअं जंमि खेत्ते जं कालं ।

एमेव छव्विहंमि भावे पगयं तु भावेन ॥

चू जं जव्वं मानुजुत्तं लब्भति सा इद्धा हीनाहियं जं लब्भति सा अनिद्धा, अहवा उनाहियं दव्वं दिंतस्स असमाही समं दंतस्स समाधी तं जंमि खेत्ते देइ, जंमि वि खेत्ते वत्रिज्जति, आसादना इद्धानिद्धा । जं वा लब्भति खेत्तं इद्धानिद्धं, जंमि वा काले वत्रेज्जति इद्धानिद्धा, एवं भवति इद्धानिद्धा, एवमेव छव्विधंमि वि भाविति-छव्विहे भाव उदइयादि । एमेव इद्धानिद्धा भाणियव्वा । तत्थोदइए तित्थगरसरीरगं आहारगं च इद्धा, अनिद्धा हुंडादि । अथवा उच्चागोत्तं सुभनामं व इद्धा इतराणं जो लाभो सा अनिद्धा, अहवा सातं च वेदणिज्जे गाथा सेसा अनिद्धा । उवसामियाइ सम्भत्तचित्ताइ इद्धा, रवइए नाणादि इद्धा, तहिंपि नाणं सव्विद्धं केवलं खओवसमियं नाणादि ३ इद्धा, अनाणादि ३ अनिद्धा । पारिणामियं भव्यत्वं कर्तुत्वं च इद्धा । अभव्यत्वां अनिद्धा । सन्निवाते सोमणेसु इद्धा, असोभनेसु अनिद्धा पगयं अधिगारो भावलंभेण, अनिद्धे न सुत्तपडिकुट्टे वा अकरितो पसत्थो भावलंभो । आइ मर्यादाभिविध्योः । ईषदर्थे क्रियायोगे मर्यादाभिविधौ च यः । एतमाडंडितं विद्याद्याक्यस्मरणयोरडित् । ईषदर्थे तावत् आउष्णं । उष्णं । अहवा आकदुकं इषत्कदुकं क्रियायोगे आ एति एति अथवा आगच्छस्व मर्यादार्या आउदकांतात् प्रियमनुब्रजेत्, अथवा आपाटलिपुत्राद्-वृष्टो मेघः, आरतो पाटलिपुत्रस्येति । अभिविधिरभिव्याप्तिः । तत्राभिविधौ आऔद्र औद्रयशः पाणिनेः, आचंडालं वा यशः पाणिनेरिति । अथवा आपर्वतो परिक्षेत्राणि वाक्ये, आ एवं तु मन्यसे, स्मरणे आ एवं किलैतत् । एष आदुपसर्गः कुत्र वर्ण्यत ? उच्यते-

नि. [१८]

छट्ठमपुव्वेसुं आउवसग्गोत्ति सव्वजुत्तिकओ ।

पयअत्यविसोहिकरो दिंतो आसायणा तम्हा ॥

चू सच्चपवायपुव्वे अक्खरपाहुडे तत्रादुपसर्गो वण्यति । अट्टमे कम्मपवायपुव्वे अट्टमं महानिमित्तं तत्थ स्वरचिता, तत्रापि आदुपसर्गो वण्यति स्वेनार्येण युक्ति कृतः सव्वजुतिकतो पदस्य अर्थः पदार्थः । प्रदार्थस्य विशोधिकारः । उक्त -उपसर्गविशेषात्पदार्थविशोधिर्भवति । उपसर्गेण युक्तो न केवलमर्थः । दीति नानाभावे विविधं सोधयति विशोधयति, दित्रा कतो अकस्मात्कारणात् आसादना भवति लाभातो आसातना भणिता । इदानि मिच्छापडिवत्तितो भन्ति ।

नि. [१९] मिच्छा पडिवत्तीए जे भावा जत्थ होंति सब्भूआ ।
तेसि तु वितह पडिवज्जणाए आसायणा तम्हा ॥

चू मिच्छापडिवत्तिति-मिथ्या न सम्यक्, पडिवज्जति, मिच्छापडिवत्तितो, नैतदेवं, यथा भावनामाह-कताइ तेन अन्नत्थपदाणि उवल्लद्धपुव्वाणि होज्जा । तानि य आयरितो अन्नहा पन्नवेति, सो महायणमञ्जेण वत्तव्वो । जथा तुमं न थाणसि जे अत्था जहा होंति । सब्भूता, जत्थतिसुत्ते समए वा उस्सग्गे अववाते वा, एवं कथयतामन्यथा कथयति, एवं वुत्त लोगे अवन्नो । गुरुस्स, न य गिण्हति अप्पसागारिए वुच्चति एसो अत्थो एवं । अहवा सीसेण न सुद्धुमुबलद्धो तत्थ न वि तथा पडिवज्जितव्वं । अहवा आयं सादयति नाणादि ३ । किंच स एवं कुर्वन् ।

नि. [२०] न करेइ दुक्खमोक्खं उज्जममाणोवि संजमतवेसुं ।
तम्हा अत्तुक्करिसो वज्जेअव्वो पयत्तेणं ॥

चू सुद्धुवि संजमतवेसु उज्जमंतो किं निमित्तं ? अत्तुक्कोसदोसा आत्मानं उत्कर्षति शेषेभ्यः । अहं बहुसुतो विसुद्धतवो वा जात्यादिगुणयुक्तो वा अट्टहि य मदद्वाणेहिं जम्हा एवं, तम्हा अत्तुक्कोसो परिहरितव्वो, अपवादापेक्षं वा जाणि भणिताणि इमानि य अन्नाणि य कायव्वाणि,

नि. [२१] जानि भणिआणि सुत्ते तानि जो कुणइ अकारणज्जाए ।
सो खलु भारियकम्मो न गणेइ गुरुं गुरुद्वाणे ॥

चू पुरतो गमनादीणि अकारणे तानि न वट्ठंति काउं, अधकरेति आसादना होति, जहा पुन कारणं होज्ज भयं वा, परिकट्टियव्वो । अडविविसमेसु दुच्चक्खुगो वा पंथं न याणति अन्नेसु वा कारणेसु तदा सव्वाणि करेज्जा - जो पुन निक्कारणतो अत्तुक्कोसेण करेइ सो खलु भारियकम्मो गोसालो वा बहुकम्मो, किं ? करेति सो भारियकम्मो, उच्यते-जो न गणेति गुरुं, गुरुद्वाणे न करेति वा, किंच गुरुस्स जं कायव्वं, किंच कायव्वं ? अब्भुद्वाणपादपमज्जणआहारोवधिविस्सामण पज्जुवासणता तेरसपदानि ववहारे भणिताणि । को गुरु ? उच्यते

नि. [२२] दंसणनाणचरित्तं तवो य विनओ अ हुंति गुरुमूले ।
विनओ गुरुमूलेत्ति अ गुरुणं आसायणा तम्हा ॥

नि. [२३] जाइं भणिआइं सुत्ते ताइं जो कुणइ कारणज्जाए ।
सो न हु भारियकम्मो न गणेइ गुरुं गुरुद्वाणे ॥

चू दंसणनाणचरित्ताणि गुरु, जतो वा तानि पसूतानि जो वा तेसि उवदेसयिता गुरुणि अनतिक्कमणिज्जाणि-अनलंघणिज्जाणि । विनओ गुरुण मूलेत्ति य विनयमूलाणि एताणि गुणानि नाणदंसणादीणि विनयादेतानीत्यर्थः । स च विनय आचार्यमूलकः गुरु य तस्सोवदेसओ नाणादीण

य, जेन य गुरु आसादितो तेन तानि आसादानान्येव, कथं ? यतोऽपदिश्यते ।

नि. [२४]

सो गुरुमासा यंतो दंसणनाणचरणेषु सयमेव ।
सीयति कतो आराधना से तो तानि वज्जेज्जा ॥

चू. भावे दंसणनाणचरणेहिं सब्बमेव सीदति वीसरति तेभ्यः ज्ञानादिभ्यः शङ् वितरणे ।
कतोत्ति-कतो आराधना से नाणा दीनं ३ जतो एवं ततो ताइं वज्जेज्ज अस्मात्कारणात् तो-ताहंति
जेहिं गुरुं आसादिज्जति वज्जेज्ज न कुज्जा कानि ? तानि ऊच्यते-सुतं मे आउसंतेनेत्यादि

मू. (४) सुयं मे आउसंतेण भगवया एवमकख्यायं-इह खलु थेरेहिं भगवंतेहिं तेत्तीसं
आसायणाओ पन्नत्ताओ, कतराओ खलु० इमा खलु ताओ थेरेहिं भगवंतेहिं तेत्तीसं आसायणाओ
पन्नत्ताओ, तं जहा-सेहे रातिणियस्स पुरतो गंता भवति आसादना सेहस्स ॥१॥ सेहे रायनियस्स
सपक्खं गंता भवति आसायना सेहस्स ॥२॥ सेहे रायनियस्स आसन्नं गंता भवति आसदना
सेहस्स ॥३॥ एवं एणं अभिलावेणं सेहे रातिनियस्स पुरओ चिट्ठिता भवति आसादना सेहस्स
॥४॥ सेहे राईनियस्स सपक्खं चिट्ठिता भवति आसादना सेहस्स ॥५॥ सेहे रायनियस्स आसन्नं
चिट्ठिता भवति आसादना सेहस्स ॥६॥ सेहे रायनियस्स पुरतो निसिइत्ता भवति आसादना सेहस्स
॥७॥ सेहे रायनियस्स सपक्खं निसीयत्ता भवति आसादना सेहस्स ॥८॥ सेहे रायनियस्स आसन्नं
निसीइत्ता भवति आसादना सेहस्स ॥९॥ सेहे रायनियेणं सद्धिं बहिया विहारभूमिं वा वियारभूमिं
वा निक्खंतं समाणे पुव्वामेव सेहतराए आयामइ पच्छा रायनिए आसादना सेहस्स ॥१०॥

सेहे रायनिएण सद्धिं बहिया विहारभूमि वा वियारभूमि वा निक्खंतं समाणे तत्थ पुव्वामेव
सेहतराए आलोएति पच्छा रायनिए आसादना सेहस्स ॥११॥ केइ रायनियस्स पुव्वं संलवत्ताए
सिया ते पुव्वामेव सेहतराए आलवेति पच्छा रातिणिए आसादना सेहस्स ॥१२॥ सेहे रातिनियस्स
रातो वा विआले वा वाहरमाणस्स अज्झो केइ सुत्ते ? के जागरे ? तत्थ सेहे जागरमाणे रातिनियस्स
अपडिसुणेत्ता भवति आसादना सेहस्स ॥१३॥ सेहे असनं वा ४ पडिग्गहिता पुव्वामेव सेहतरागस्स
आलोएइ पच्छा रायनियस्स आसादना सेहस्स ॥१४॥ सेहे असनं वा पानं वा खाइमं वा साइमं
वा पडिगाहेत्ता पुव्वामेव सेहेतरागस्स पडिदंसेति पच्छा रायनियस्स आसादना सेहस्स ॥१५॥
सेहे असनं वा ४ पडिग्गाहेत्ता तं पुव्वामेव सेहतरागं उवनिमंतेति पच्छा रायनियस्स आसादना
सेहस्स ॥१६॥ सेहे रायनिएण सद्धिं असनं वा ४ पडिग्गाहेत्ता तं रायनियस्स अनापुच्छित्ता
जस्स जस्स इच्छइ तस्स तस्स खद्धं खद्धं दलयइ आसादना सेहस्स ॥१७॥ सेहे असनं वा ४
पडिग्गाहिता राईनिएण सद्धिं आहारेमाणे तत्थ सेहे खद्धं खद्धं डाअं रासितं रसियं ऊसदं
ऊसदं मनुन्नं मनुन्नं मणां मणां निद्धं निद्धं लुक्खं लुक्खं आहरेत्ता भवइ आसादना सेहस्स
॥१८॥ सेहे रायनियस्स वाहरमाणस्स अपडिसुणिता भवइ आसादना सेहस्स ॥१९॥ सेहे
रायनियस्स वाहरमाणस्स तत्थगते चेव पडिसुणेत्ता भवति आसायणा सेहस्स ॥२०॥

सेहे रायनियस्स किंती वइत्ता भवति आसादना सेहस्स ॥२१॥ सेहे रायनियं तुमंति वत्ता
भवति आसादना सेहस्स ॥२२॥ सेहे रायनियस्स खद्धं खद्धं वत्ता भवति आसादना सेहस्स
॥२३॥ सेहे रायनियं तज्जाएण तज्जाएण पडिभिणित्ता भवइ आसादना सेहस्स ॥२४॥ सेहे
रातिनियस्स कहं कहेमाणस्स इति अवंति वत्ता न भवति आसादना सेहस्स ॥२५॥ सेहे रायनियस्स

कहं कहेमाणस्स नो सुमरसीतिवत्ता भवति आसादना सेहस्स ॥२६॥ सेहे रायनियस्स कहं कहेमाणस्स नो सुमनसे भवति आसादना सेहस्स ॥२७॥ सेहे रायनियस्स कहं कहेमाणस्स परिसं भेत्ता भवति आसादना सेहस्स ॥२८॥ सेहे रायनियस्स कहं कहेमाणस्स कहं आच्छिंदित्ता भवति आसादना सेहस्स ॥२९॥ सेहे रायनियस्स कहं कहेमाणस्स तीए परिसाए अनुट्टिताए अभिन्नाए अवुच्छिन्नाए अब्बोगडाए दोच्चंपि तमेव कहं कथिता भवति आसादना सेहस्स ॥३०॥ सेहे रायनियस्स सेज्जासंधारणं पाएणं संघटित्ता हत्थेणं अननुन्वेत्ता गच्छत्ति आसादना ॥३१॥ सेहे रायनियस्स सेज्जासंधारणं चिट्ठिता वा निसीइत्ता वा तुयट्ठि वा भवइ आसादना ॥३२॥ सेहे रायनियस्स उच्चासणे वा समासणंसि वा चिट्ठिता वा निसीयित्ता वा तुयट्ठिता वा भवति आसा ॥३३॥ एताओ खलु ताओ थेरोहिं भगवंतेहिं तेत्तीसं आसादनाओ पन्नत्ताओ तिबेमि ॥

चू. किमाख्यातं-‘सेहे रातिनियस्स पुरो गंता भवति आसातना सेहस्स’ ओमरातिनितो सिक्खणो वा अगीतथो वा आयरिय उवज्झाए मोत्तुं सेसा सव्वे सेहा, रायनिओ आयरितो महत्तरगो वा परियाएण । गच्छतीति गंता, दोसा पुरतो अविणओ वाओक्काएज्जा धरंते आतविराधना । सपक्खं जुवलित्ता मग्गतो, आसन्ने चलणधूलिछियादी । एवं चिट्ठण-निसीयणेवि । उक्तं च-न पक्खतो न पुरतो, कारणे पुन पंधमयाणमाणस्स अचक्खुगस्स वा पुरतो गच्छेज्जा, पडंतस्स विसमे रत्तिं वा जुवलितो गच्छेज्जा, गिलाणस्स वा साणाइभए वा मग्गतो आसन्ने गच्छिज्जा । सेहो रायनिये न सद्धिं सुत्तं सद्धिं एगद्धा आयमनं निल्लेवणं अविनयदोसा अपवादो विरवोसिरणे वासे भये वा अनुन्नाए आयामति सेहो, रातिणिणएण सद्धिं सुत्त-एत्थवि अपवादो, गिलाणादिकारणे वा पुव्वमालोएज्जावि, केति राइणियस्स पुव्वं संलत्तए सुत्ते केइत्ति न पासंडगिही इत्थी पुरिसो वा सपक्खपरपक्खो वा साहू सावगो वा पुव्वसंलत्तउत्ति दिट्ठामट्ठा पुव्वमालत्तो वा अत्यर्थ लवणं आलवणं, किं ? भो केरिसं करेति कतोसि आगतो ? , अविनतो । सर्वाहि क्रिया पूर्व रातिणियस्स, कालासादना सेहे रायनियस्स, रातो वा सुत्तं-संज्जा राती भणिया गाथा वाहरमाणस्स दोसा अविणतो परिभूतो य आयरिओ भवति । इमे वा अन्ने दोसा अहिडक्कविसविसूइयआलीवण-मत्तगिलानुवत्तणादि विराधना आउज्जोवणादि दोसा य । भवे कारणं न पडिसुणेज्जावि, सागारियसन्नायगादिसु, सेहे असनं वा सुत्तं वा आलोएति पिंडदंसेति अविनिमंतेति तिन्निमुत्तादि सुविअ विनतो गिलाणादिकारणे वा करेज्जावि, असनं वा सुत्तं-अनामंतेत्ता अनापुच्छित्ता जस्स जस्सत्ति-संजतस्स असंजयस्स वा इच्छतित्ति । जस्स रुद्धतित्ति खंद्धंति-बहुगं दलइत्ति-देइ एत्थवि अविनयदोसा अगुरुस्स सन्निहित करिज्जावि ।

सेहे रातिनिणएण सद्धिं असनं ४ आहारेमाणे तथ-सेहसूत्रं खंद्धं खंद्धंति वड्डुवड्डेहिं लंबणेहिं डागं-पत्तसागं-वाइंगण-चिब्बिडवत्तिगादि ओसढंति-वन्नगंधरसफरिसोववेतं, रसालं-रसितं, दालिभं मंज्जितादि, मनसा इट्ठं मणुन्नं, मन्यते मणामंति निद्धं-नेहापगाढं, लुखस्सं नेहेण भत्थिओ, अवणिउ गेही य, अगारगं वा भुंजमाणस्स सव्वाणिवि करेज्जा । सेहे रातिणियस्स वाहरमाणस्स दो सुत्ता उच्चारेतव्वा । दिवसतो अपडिसुणणे । तथ गतो चेदुत्तो चेव उट्ठित्ता चेव सोतव्वं । सनातग-भायणहत्थगतो वा भुंजतो वा भुंजंतो वा भावासादणं किंतिवत्ता किं एवं भणसि तुमंति तुम्हारिसेहिं

कस्सण वट्टति खद्धंति-बृहत्शब्दोच्चारणं महता शब्देन कुद्धो भासति । तज्जातेणंति-कीस अज्जो गिलाणस्स न करेसि, भणति तुमं कीस न करेसि ? तुमं आलसितो, सोवि भणति-तुमं आलसिओ, मा एवं कुरु पादादिधोवणं भणिते किं करेति ? प्रत्याहणति आयरियवयणं, ता हे आयरिया पुनो न चेव भणंति उसन्ने सव्वपदाणिवि करेज्ज य नय आसादना भवति । कथा अनुओगकथा वा धम्मकहा वा कहेमाणस्सत्ति-अक्खायमाणस्स, इति उप प्रदर्शने, एतंति-जं तुमं कधिसि, जधा एतं एवं न भवति, एतं एवं भवति जधाहं भणामि, अविनयदोसा, आयरिए अपच्चओ भवति, धम्मं च जणो न गेण्हति । पासत्थो भणिज्ज नडपढितं किंतुहे तेणंति न सुमरसीति न स्मरसि त्वं एतमर्थ ? न एस एवं भवति । नो सुमनसे ओहयमनसंकप्पो अच्छति न अनुवूहति अहो सोमनं कथं कथेति । आयरिया परिसं भेत्ता भवति, भणति-उट्टेहि भिक्खवेला समुद्धिसणवेला सुत्तपोरिसि-अत्थपोरिसिवेला वा, भिंदति वा परिसं कन्नमूले एस पासत्थादि, केवलं भणति, सयं न करेति । तत्थ य केइ धम्मं गेण्हंता पव्वयंता वा रायाती सावगो वा अहाभद्दगो वा हंता पव्वयणस्स उवग्गहकरो कहिं अच्छेदति । भणति उट्टेहि वियालो इमं वा करेहि । भावदोसा समंता दीसति, परिसति । अनुट्ठिताए निविट्ठाए चेव अभिन्ना ताव विसरति, अव्वोच्छिन्ना जाव एक्कोवि अच्छति, तुमेवतिं-जा आयरिएण अत्थो कहितो दोहिं तेहिं चउहिं वा जहा सिद्धसेनायरितो तमेवाधिकारं विकल्पयति । अयमपि प्रकारो तत्थैवैकस्य सूत्रस्य । एवं विकल्पयतः आसादना भवति । सेज्जा सव्वंगिया, संथारो अट्टाइज्जहत्थो, अथवा सेज्जा जत्थ भूमीए ठाणं, संथारो विदलकट्टमओ वा, अथवा सेज्जा एवं संथारो सेज्जासंथारो सेज्जाया वा संथारको सेज्जासंथारगो तं पाएण संघट्टेत्ता नानुजाणेति न क्खमावेत्ति । उक्तं च-संघट्टेत्ता काएणं जधा उवहिणामवि । खमेज्ज अवरारो मे वदेज्जा न पुनोत्ति य ॥ अविनतो उ सेहादी परिभवंति । जं च न भणियं तं कठं ॥

दसा-३- समाप्ता

दसा-४-गणिसंपदम्

चू. सो रातिनितो केरिसो ? जो इमाए अट्टविधाए गणिसंपदाए उववितो । एतीसे उवक्कमादी चत्तारि दारा वन्नेउ न अधिगारो गणिसंपदाए, नामनिष्फन्नो निक्खेवो, गणि संपदा दुपदं नाम, गणीसंपदा च गणि, संपदा, गणी गुणेहिं संपन्नो उववेतो युक्त इति ।

तत्थ गणिसस निक्खेवो नामादि चउव्विहो । नामट्टवणातो तथैव –

नि. [२५] दव्वं सरीरभविओ भावगणी गुणसमन्निओ दुविहो ।

गणसंगहुवग्गहकारओ अ धम्मं जाणतो ॥

चू. दव्वगणी जाणग-सरीरभवियवतिरित्तो तिविधो एगभवितो बद्धाउतो अमि-मुहनामगोत्तो। भावगणी गुणसमंतित्तो गुणोवपेतो अट्टविधाए गणिसंपदाए । सो दुविधो-आगमतो नोआगमतो य । आगमतो जाणयओववत्ती । नोआगमतो गणसंगहकारतो उवग्गहकारतो य । संगह्हातीत्ति संग्रहः । संग्रह करोतीति संग्रहकारकः सयं परेण वा । दव्वसंगहो वत्थादीहिं सिस्से संगिण्हति भावे नाणादीहिं उपगह्हातीति उपग्रहः उपग्रहं करोति । सिस्सपत्तिच्छयाणं सयं परेण वा, दव्वुवग्गहो अहारादीहिं, भावुवग्गहो गिलाणादीण सारक्खणं, धम्मं च जाणंतो कतरं धम्मं गणिसव्वभावमित्यर्थः ।

अद्विहा गणिसंपदा, येन चासौ गणिसंपदा एवं भवति, तं जाणति चशब्दात्तदुणोपेतश्च, गणगुणसंख्याने तस्सेगट्टियाणितं०

नि. [२६] नायंगणिअं गुणिअं गयं च एगट्टएवमाईअं ।
नाणी गणित्ति तन्हा धम्मस्स विआणओ भणिओ ॥

चू नातंगणितं गुणितं गतं च एगट्टं एवमादीयं । अभिधाणतो विसेसो, न तु अत्यतो, आदिग्रहणात् विदितं आगमितं उपलब्धमित्यर्थः । नाणी गणित्ति तन्हा तस्मात् कारणात् ।

नि. [२७] आयारंमि अहीए जं नाओ होइ समणधम्मो उ ।
तन्हा आयारधरो भन्नइ पढमं गनिट्ठाणं

चू आयारो पढमं अंगं, तंमि अधीते, पढिते उपलब्धे । समणधम्मो दसप्पगारो नातो भवति । तन्हा कारणा आयारं जो धरेति सो आयारधरो पढमं गणीट्ठाणं, उवज्जायट्ठाणं बितीयं कप्पव्ववहारसूतगडं वा, अंगं प्रति ।

नि. [२८] गणसंगहुवग्गहकारओ गणी जो पहू गणण धरिउं ।
तेन णओ छक्कं संपयाए पगयं चउसु तत्थ ॥

चू गणसंग्रहकारओ नाम एगो नो उवग्गहकारतो भंगा ४ गणी-आयरियो पभू-समन्थो, दव्वगणो गच्छो भावगणो नाणादि ३ धारेउं परियट्ठितुं पभू, तेनेति-जो पुव्वद्धेण वन्नितो नउत्ति-नीतिर्ययः अहिगार इत्यर्थः । संपदा इदानिं सा छव्विध नामादि, जेन भणितं-छक्कंसंपदाए, नाम संपदा-संपदा जस्स नामं जीवादीणं ३ । ठवणासंपदा चित्रकर्मादिषु पगतं अधिकारः चउसु दव्वखेत्तकालभावेसु नामठवणासु नाऽधिकारो ।

नि. [२९] दव्वे भावे य सरीरसंपया छव्विहा य भावंमि ।
दव्वे खेत्ते काले भावम्मि य संगहपरिन्ना ॥

चू अथवा दुविहा संपदा-दव्वे य भावे य । दव्वे सरीरसंपदा भावे छव्विहा य भावम्मि । च सद्दा खेत्तकालसंपदादि भासितव्वा । सरीरेण-ओरालिय आहारग वेउव्विएण नोदतिएण । उक्तं च-मूलं दव्वपलित्थयस्स तहा आरोहपरिणाहा । अथवा दव्वसंपदा तिविधा-सचित्ता-छन्नउत्तिं मनुस्स कोडीओ चक्किस्स तेहिं संपदा चउरासीतिं हत्थिसयसहस्सा, कुइकन्नस्स गावीओ । अचिता-नंदस्स नवनउति हरिन्नकोडीउ । खेत्तसंपदा छन्नउत्तिं गामकोडीउ एवं दोणमुहनगरादि-विभासा । कालसंपदा चउरासीति पुव्वसयसहस्साणि भरहस्स आउगं, जम्मि वा काले वन्निज्जति । भावसंपदा छव्विधा ओदयियादि । तत्थोदयिगो एगवीसतिभेदो गतिकषायलिंगमित्थ्यादर्शन अज्ञान असंयता सिद्धे लेश्याश्चतुस्येकैकैकैकषड् भेदाः । गतिर्नरकादिः ४, कषायाः क्रोधादिकाः ४ लिंगं इत्थिवेदादि ३ मिच्छत्त अन्नाणं असंजमो असिद्धत्तेणं च एगोभेदं । लेस्सा कणहलेस्सादि । एस्स एगवीसतिभेदो उदयितो भावो । उवसमितो दुव्विहो सम्मत्तचरित्ताणि । खाइतो नवभेदो । तं केवलनाणं केवलदंसणं दानं लाभो भोगो उपभोगवीरियाणि सम्मत्तं चरित्तं च । खातोवसमितो अट्टारसभेदो-ज्ञानाज्ञानदर्शन-दान-लब्ध्यादयश्चतुस्त्रिपंचभेदाः सम्यक्त्वचारित्रसंयमासंयमाश्च । नाणं चउव्विहं-मतिसुता-ओधिमनपज्जवाणि । अत्राणं तिविधं-मतिअत्राणं सुतअत्राणं विभंगनाणं । दरिसणं तिविधं-चक्खू अचक्खू ओधिदंसणं च । लद्धी पंच भेदा-दानलद्धी लाभ-भोगउवभोग-विरीयलद्धी खतोवसमियं

सम्मतं चरित्तं च संजमासंजमो च । एस अट्टारसविधो भिस्सो भावो । परिणाभितो तिविधो-जीवभव्याभव्यत्वादीनि च । जीवत्वं भव्यत्वं अभव्यत्वं च । आदिग्रहणात् अस्तित्वं अन्यत्वं कर्तृत्वां भोक्तृत्वं गुणवत्त्वं असर्वगतत्वं अनादिकर्मसंतानत्वं प्रदेशवत्त्वं अरूपित्वं नित्यत्वं इत्येवमादयोऽप्यनादिपरिणामिका जीवस्स भावा भवन्ति । सन्निवातिओ एतेसिं चैव पंचणहवि भावाणं संजोगेण भवति । एत्थ खतोवसमियभावसंपदातो अधिगारो, उदईओ वि उरालिय वेउव्वियाहारगसरीरसंपदाए सेसुवि जधासंभवं जोएतव्वं । सुतसंपदा जहन्नेण कप्पववहारा, उक्कोसेण चोद्दसपुव्वाणि, संगहपरिन्ना नामअट्टमत्ति, तीसे विभासा-सा छव्विहा-संगहपरिन्नामादि ६ नामठवणातो तहेव दव्वसंगहपरिन्ना-जाणति । काले ओमोदरियासु विधिं जाणति । भावे गिलाणादिसु । दव्वेण वा चेतणाचेतणेण परि जाणति । जधा गो हितो मितो हिरन्नेण हेरन्नितो दव्वं वा जो परिजाणति जीवादि-सोभणासोभणं वा दव्वं । खेत्तेण वा खेत्तस्स वा जम्मि वा खेत्ते वन्निज्जति । कालेण वा कालस्स वा जम्मि वा काले वन्निज्जति । भावस्स वा परिन्ना भावेण परिन्ना-जधा एरिसो उदयिओ उदीरणालक्खणो वेदनालक्खण इत्यर्थः । उवसमलक्खणो उवसमिओ खयलक्खणो खाइतो, किंची खीणं किंचि उवसंतं खतोवसमिओ तांस्तान् भावान् परिणमतीति पारिणामिकः । समवायलक्खणो-सन्निवातितो, एवं जो परिजाणति तेनायरिएणं संगहपरिन्नेणं गच्छो परिट्टियव्वो । कथं ?

नि. [३०] जह गयकुलभूओ गिरिकंदरकडगविसमदुग्गेसु ।
परिवहइ अपरितंतो निअयसरीरुग्गाए दंते ॥

चू जहा तस्स गयकुलस्स अप्पणो य बाध न भवति तथ गच्छति । उवसंहारो -

नि. [३१] तद्ध पवयणभत्तिगओ साहम्मियवच्छलो असढ भावो ।
परिवहइ असहुवग्गं खेत्तविसमकालदुग्गेसु ॥

चू तेन पगारेण तथा, पवयणं दुवालसंगं साधम्मियवच्छलो जधा वइरसामी असढभावो मायाविउत्तो दव्वखेत्तकालाभावावतीसु परिवट्टति असुहवग्गं खेत्तं विसमं अद्धाणे खलु खेत्तेसु वा, काले अशिवोमोदरिया दुब्भिकखेसु भावे गिलाणातिसु वा नाणादिसु वा दव्वादिसंगहेण वा अट्टपगाराए गणसंपदाए उववेतो भवति गणजोग्गो वा भवति ।

मू (५) सुयं मे आउसंतेन भगवया एवमक्खातं, इह खलु धेरेहिं भगवंतेहिं अट्ट-विहा गणि संपदा पन्नत्ता, कयरा० ? इमा खलु अट्टविहा गणि-संपदा पन्नत्ता तं जधा-आयारसंपदा सुतसंपदा वयणसंपदा वायणसंपदा मत्तिसंपदा पओग-संपदा संगहपरिन्ना नामं अट्टमा ।

चू कतरा सा संपदा ? - उच्यते - "सुतं मे० जाव आयारसंपदा । किं पढमं आयारसंपदा ? , उच्यते-जेन पढमं पव्वाविजंतस्स चैव उवदेसो । एवं गंतव्वं चिद्धितव्वां निसीयणतुयट्टण-पडिलेहणरयहरणगहो य उवदिसिज्जति । एतासिं आयारसंप-दादीणं दुग-तिग-चउ-पंच-छ सत्त-अट्टगसंजोगेण भंगा कातव्वा, दुगसंजोगो आयारसंपन्ने नामेगे नो सुतसंपन्ने ४ एवायारसरीरेणवि ४ जोवा आयारसंगहपरिन्नाएवि ४ । एवं सुतेनवि उवरील्लाणि पदानि भाणितव्वाणि जाव पओगमत्तिसंपदाए संगहपरिन्नाए य चउभंगो एवेते अट्टावीसं दुगसंजोगा, एक्केक्क चउभंगो । तियसंजोगेन आयारसंपन्ने सुयसंपन्ने सरीरसंपन्ने अट्टभंगो एवं छपन्नं तियसंजोगा कातव्वा,

अक्केअड्ढुभंगा । आयारसंपन्ने सुयसंपन्ने सरीरसंपन्ने वयणसंपन्ने सोलसभंगा एवं सत्तरि चउक्का संजोगा कायव्वा । सवत्थ सोलसभंगा । छप्पन्नं पंच संजोगा, सव्वत्थ बत्तसीं बतीसं भंगा । अड्ढावीसं छक्कसंजोगो । सव्वड् चउसड्ढिभंगा । अड्ढसंजोगा सव्वत्थ अड्ढावीसुत्तरं २ भंगसत्तं । एकको अड्ढसंजोगो तत्थ बे सताणि छप्पन्नाणि भवन्ति । एत्थ पढ्ढो अड्ढुभंगो पसत्थो ।

मू (६) से किं तं आयारसंपदा चउविहा पन्नता तं जहा-संयम-धुवयोगजुते यावि भवति असंगहियप्पा अनियत्तवित्ती वुड्ढसीले यावि भवति से तं आयार-संपदा ।

चू आयारसंपदा चउव्विधा-संजयधुवजोगजुत्तेयावि भवति, पडिलेहणपप्फोडणादिसु, सतरस्सप्पगारो वा संजमो सो दुविधो, बाहिरो अब्भित्तरो य । बाहिरो चोदसविधो । अब्भित्तरो मनवयणकायजोगो ३ एतेसु धुवो जोगो जस्स नित्योपयोगो वा । चशब्बाद् नाणादीसु व नित्योपयोगः । अषिग्रहणात् परंपि योजयति, संजमधुवजोगेण जुत्तो जस्स अप्पा, स भवति, संजमधुवजोगत्तो । असंपग्गहितत्पत्ति-अनुत्सेकः । अहमाचार्यो बहुश्रुतस्तपस्वी वा सामायारिकुसलो वा । जात्यादिमदेहि वा । अम्मत्त अनित्तवत्तित्ति गामे एगरातिरू नगरे पंचरातिरू अन्नअन्नाए भिक्खयरियाए अडति गिहं वा निकेतं, तं जस्स नत्थि सो अनिकेतो अगृह इत्यर्थः चउत्थादीहि वा एषणाविसेसेहि वा जतति विसुद्धसीलो निहुत्तसीलो, अबालसीलो अचंचलसीलो मज्झत्थसील इत्यर्थः । एतेसिंपि चउण्हं पदाणं दुगतिगचउसंजोगा भाणियव्वा । अपिग्रहणाद् वुड्ढसीलो तरुणसीलो जंकिं चि कातव्वे संजमाहिं कारिके गिलणादिसु वा तप्पति । तस्सायारसंपन्नस्स सुत्तं दिज्जति

मू (७) से किं तं सुयं-संपदा ? चउव्विहा पं० तं-बहुसुते यावि भवइ, परिचियसुते यावि भवति विचित्तसुये यावि भवइ घोसविशुद्धिकरे यावि भवइ से तं सुयंसंपदा ।

चू सा सुत्तसंपदा चउव्विधा- बहुसुते या विभवति । बहुसुत्तो जुगे जुगे पहाणो सुतेण, अहवा बहुसुत्तो अब्भित्तरबाहिरएहि चशब्बाद् बहुचारिती अपिशब्बाद् बहुपरियाए जहन्नेण पंचवरिसो, उक्कोसेण एगूनवीसो, परियागं प्रति परिजितसुतणे तसणासमिता विचित्तसुत्तो-बहूहिं परियाएहिं जाणति अत्थेन वा विचित्तं सुत्तं । अहवा ससमयपरसमएहिं उस्सग्गाववातेहिं वा । उक्तं च-चित्रं बहुर्थयुत्तं, ते घोषा ओदात्तादी, तेहिं घोषानामेव विशुद्धी घोसविसुद्धी, घोसहिं वा जस्स सुद्धं सुत्तं सो परस्सवि घोसविसुद्धिं करोति । एत्थवि दुगतिगचउक्कसंजोगा विभासियव्वा ।

मू (८) से किं तं सरीरसंपदा ? चउव्विहा पं० तं० आरोहपरिन्नाहसंपन्ने यावि भवति, अनोतप्पसरीरे थिरसंघयणे बहुपडिपुत्तेदिए यावि भवइ, से तं सरीरसंपदा ।

चू से किं तं सरीरसंपदा सुत्तं-आरोहो दीर्घत्वं परिणाहोवि तत्तित्तो चेव । यत्राकृतिस्तत्र गुणा वसन्ति । अनोतप्पसरीरे, त्रपूषलज्जायां न हीनसरीरो अलज्जणिज्जसरीरो । थिरसंघयणो दढसंघयणो बलित्तसरीर इत्यर्थः । बहुपडिपुत्तिदो-संपुत्तिदो न काणो बहिरो वा, एत्थ दुगादिसंजोगा तहेव -

मू (९) से किं तं वयण-संपदा ? चउव्विहा पं० तं-आदिज्वयणे यावि भवइ, म्हुवयणे यावि भवइ, अनिसियवयणे यावि भवइ, फुडवयणे यावि भवइ, से तं वयणसंपदा ।

चू से किं तं वयणसंपदा सुत्तं-वचनसंपदा वचनोपेतता इत्यर्थः । आदिज्वयणो ग्राह्यवाक्य अर्थावगाढं वा मधुरं अपरुषवोक्यः । खीरासवादिलद्धिजुत्तो वा । निस्सितं कहं ? निस्सितो जधा कोवनिस्सितो । अहवा रागदोसादीहिं णिस्सितो । असंदिद्धभासां सव्वभासाविसारदः सुहं

ग्राहयिष्यति, स्वयं च गृह्णाति । असंदिग्धत्वं अमंमणवचनमित्यर्थः । अहवा जहासूयं त्वंसिंधवमानय सदेहो भवति । अश्वपुरुषवस्रलक्षणं वा सोऽण एरिसवयणं ब्रुवते, एत्यवि दुगादिसंयोगा भाणियव्वा, तेनैव आयारसुयसरीरवयणसंपन्नेणं सीसापरिक्खित्तुं वाएतव्वा ।

मू. (१०) से किं तं वायणासंपदा ? वायणासंपदा चउव्विहा पं० तं-उद्दिसति विजयं वाएति, परिनिव्वावियं वाएति, अत्यनिज्जावए यावि वाएइ, से तं वायणासंपदा ।

चू. से किं तं वायणासंपदा २ सुत्तं विजयं उद्दिसत्ति-विचिन्य २ जो जस्स जोगो तं तस्स उद्दिसति सुत्तमत्थं वा, परिणामिगादि परिक्खत्ति-अभायणं न वाएति जहा अपक्कमट्टियभायणे अंबभायणे वा खीरं न छुब्भति-जइ छुब्भइ विनस्सति । एवं अतिपरिणामे अपरिणामेय, उद्दिसति । छेदसुत्तं विनियं वाएति । जत्तियं तरति सो गिण्हित्तुं परिनिव्वविया जाधे से परिजितं जायं ताहे से अन्नं उद्दिसति, जाहकवत् । अत्यणिज्जवए-अर्थाभिज्ञो अत्येण वा तं सुत्तं निव्वाहेति । अत्यं पि तस्स कथेति, गीतत्थोत्ति भणितं भवति । इत्यवि तहेव दुगाइसंजोगा । जतियमतीयउववेतो - उत्पन्नप्रतिभइत्यर्थः । इति इतरथाहि-अन्यतीर्थिकैराक्षिप्तः प्रत्युत्तरासमर्थं दृष्ट्या शिष्या विप्रतिपत्ति गच्छेयुः । अभिनवसङ्घो वा ।

मू. (११) से किं तं मतिसंपदा ? मतिसंपदा चउव्विहा पं० तं-उग्गहमतिसंपदा, इहा अवायमती धारणामती, से किं तं उग्गहमती ? २ छव्विहा पं० तं-खिप्पं उगिण्हति, बहु उगिण्हति, बहुविहं उगिण्हइ, धुवं उगिण्हइ, अनिसियं उगिण्हइ, असंदिद्ध उगिण्हइ, से तं उग्गहमती, एवं इहा मतीवि, एवं अवायमती, से किं तं धारणामती ? २ छव्विहा पं० तं-बहु धरेति, बहुविधं धरेइ पोराणं धरेति, दुद्धरं धरेति, अनिसियं धरेइ, असंदिद्धं धरेति, से तं धारणामति, से तं मतिसंपदा ?

चू. से किं तं मतिसंपदा सुत्तं-मन ज्ञाने, मननं मतिः, मत्या संपदा मतिसंपदा सा चउविधा ते ओग्गहमती इहामती अवायमती धारणामती य । से किं तं उग्गहमती ? उग्गहमती छव्विधा पत्रत्ता, तं जधा-खिप्पं उगिण्हति उच्चारितमात्रमेव सिस्से पुच्छंते परपवादीण वा, उच्चारितमात्रं उगिण्हति । बहूणं पंचछगंथसयाणि । बहुविधं नाम लिहति पहारेइ गणेति । अक्खाणयं कहेति अनेगेहि वा उच्चारितं उव्वेण्हति । धुवं न विसारेति । अनिसियं न पोत्थयलिहियं अहवा सोउं जइ कोइ अनुभासति ताधे गिण्हति । असंदिग्धं न संकितं उग्गहितस्स ईहा, ईहितस्स अवायः, अवगतस्य धारणा । पोराणं पुरा पढितं, दुद्धरं भंगगुविलं, शेष कण्ठयं । संजोगा तहेव ।

मू. (१२) से किं तं योगसंपदा ? २ चउव्विहा पं० तं-आतं विदाय वादं पयुंजिता भवइ, परिसं विदाय वादं पयुंजिता भवइ, खेत्तं विदाय वादं पयुंजिता भवइ, वत्थुं विदाय वादं पयुंजिता भवइ, से तं पयोगसंपदा ।

चू. से किं तं पतोगमती सुत्तं-जानात्येव वैद्यः, तत्प्रयोगं येनाऽऽतुरस्य व्याधी छिद्यते । आतं विदाय विद्ज्ञाने धम्मं कथेतु वाद वा कातुं आत्मानं विदाय जानीते आत्मसामर्थ्यं । पक्षप्रति-पक्षपरिग्रहो-वादः । परिसा उवासगादि जाणिया अजाणिया पुव्वं परिसं गमेति । खेत्तं मालवादि पुरी वा । वत्थुं वा परवादिनो बह्मागमा न वा, राजा राजामात्यो दारुणो भद्दओ वा सभावेन । उक्तं च-दव्वं खेत्तं कालं तहा आतं विदाय समायारिं पयुंजिता समत्थो वा न वा । छट्ठादीन वा मासकप्पस्स वा । परिसा गीतत्था अगीतत्थ वा । खेत्तं अट्टाणमनट्टाणं वा वत्थुं बालगिलाणदुब्बलखमगायरियादी

रायादि पव्वइतो वा वसमाइ गीता अगीता ।

मू (१३) से किं तं संगहपरिन्ना २ चउव्विहा पं० तं-बहुजन-पायोग्गताए वासावासासु खेतं पडिलेहिंता भवइ, बहुजनपायोग्गताए पाडिहारियपीढफलग-सेज्जासंधारयं ओगेहिंता भवइ, कालेणं कालं समाणइत्ता भवइ, अहागुरुं संपूएत्ता भवति, से तं संगहपरिन्ना संपदा ।

चू से किं तं संगहपरिन्ना सुतं ? संगहपरिन्ना चउव्विधा-दव्वादि, खेत्तातो बहुजनपायोग्गं बहुजनजोग्गं गच्छजोग्गं च वित्थिन्नं, अहवा बालवुद्धदुब्बलक्खमगायरीयादीणं जोगवाही अजोगवाहीण य असंगहिया खेत्तादीएहिं गच्छंति अन्नत्थ पीढएण विना निसिज्जा मइल्लिज्जति विवरेण वा वासासु अन्नं कालं अन्नत्थवि गम्मति अतो वासग्रहणं प्रतिहरणीयं प्रतिहार्यं फलं एंगियं, पीढफलादीणं असतीए वासासु पाणा सीतलं कुंधु गाथा । काले जं जंमि कृत्यं तं तस्मिन्नेव समानयितव्वं भवति । तं जहा-अज्जयणपडिलेहणाए उवधिउप्पादनाए वा पढितुं सोतुं वा भिक्खस्स वा चउक्कवाल-सामायारी विभासितव्वा । एत्थ भावसंगहो । अथा गुरुं-जेन पव्वाविओ जस्स वा पढति मूले जथा गुरवो अधागुरु जे तेसिं रातिनियतरगा तेसिं विनतो अब्भुट्टाणडंडगआहारउवधि पंधविस्सामणादिसु संपूयणा भवति स एवं पगारो आयरितो ।

मू (१४) आयरितो अंतेवासी इमाए चउव्विधाए विनयपडिवतीए विनयेत्ता निरिणत्तं गच्छइ, तं० आयारविणयेन सुयविनयेन विक्खेवणाविणयेणं दोसनिग्घायणाविणएणं । से किं तं आयार-विणए । २ चउव्विहे पन्नतो तं-संजमसामायारीयावि भवति, तवसामायारियावि भवति, गण-सामायारीयावि भवति, एगल्लविहारसामायारीयावि भवति, से तं आयारविणए । से किं तं सुयविनये । २ चउव्विहे पं० तं-सुतं वाएति, अत्थं वाएति, हियं वाएति, निस्सेसं वाएति, से तं सुतविणए । से किं तं विक्खेवणाविनये ? २ चउव्विहे पं० तं-अदिट्ठधम्मं दिट्ठ-पूव्वगत्ताए विणएइत्ता भवति, दिट्ठ-पूव्वगं साहम्मियत्ताए विणएइत्ता भवति, चुयधम्माओ धम्मे ठावइत्ता भवति, तस्सेव धम्मस्स हियाए सुहाए खमाए निस्सेसाए अनुगामियत्ताए अब्भुट्टेत्ता भवइ, से तं विक्खेवणाविनये । से किं तं दोसनिग्घायणाविणए ? २ चउव्विहं पं० तं-कूद्धस्स कोहं विणएत्ता भवइ, दुट्ठस्स दोसं निगिण्हितत्ता भवइ, कंखियस्स कंखं छिंदइत्ता भवति, आया सुप्पणिहिए भवति, से तं०

चू अंतेवासी चउव्विहाए चउप्पयाराए जता तेनं अन्नो गाहितो होति तदा निरिन्तो भवति आयरितो, सरिणो लोगेवि ताव गरहितो किमु लोउत्तरे ? । सिसस्स वा विनयादिजुत्तस्स दितो निरिणो भवति, विनतो संजम एव पडिवत्तिपगारो, विणएत्ता गाहेत्ता इत्यर्थः निरिणत्वं गच्छति-प्राप्नोति, आयारसुयविक्खेवणदोसनिग्घायणादी-आयारमंतस्स सुयं दिज्जति, तेनायारो पढमं । आयारविणओ चउव्विधो-संजमं समायरति स्वयं, परं च गाहेति, समाचारयति सीतंतं परं, उज्जमंतं च अनुवूहति । सोय सत्तरसविधो-पुढविकायसंजमादि । पुढविसंघट्टनपरितावणतोद्द-वणादि परिहरितव्वं, तवो पक्खियपोसधिएसु तवं कारवेति परं, सयं च करेति, बारसविहो तवो भाणितव्वो । भिक्खयरियाए निउजंति परं, सयं च सव्वंमि तवे परं सयं च निजुजति । गणसामायारीगणं सीतंतं पडिलेहणपप्फोडणबालदुब्बलगिलाणादिसु वेतावच्चे य सीतंतं गाहेति उज्जमावेति, सयं च करेति । एगल्लविहारपडिमादिषु सयमन्नं वा पडिवज्जावेति । आयारेणं चउप्पगारेणं आत्मानं परं च विनयति, आयारमंतस्स सुतं दिज्जति, सुतेण विनयति अप्पाणं परं च, सुत्तं वाएति पाढेति,

अत्थं सुणावेति, गेण्हावेति हिंतं, वाएति हिंतं नाम जं तस्स जोग्गं, परिणामगं वाएति दोण्ह वि हिंतं भवति । अपरिणामगं अतिपरिणामगं वा न वाएति तं अहिंतं तेसिं भवति, परलोगे इहलोगे य, निस्सेसं नाम-अपरिसेसं जाव संमतं सूत्रं ॥

वि नानाभावे, क्षिप्रेरणे, परसमयातो विकखेवयति समयंतेन गाहिति अदिट्ठधम्मं दिट्ठधम्मताए तत् धर्मः स्वभावः, सम्मदंसणमित्यर्थः । अदष्टं दष्टवत्-पुव्वंति पढमं न दिट्ठो दिट्ठपुव्वताए जधा-भ्रातरं पितरं वा मिच्छादिट्ठिपि होंतगं, दिट्ठपुव्वगो सावग इत्यर्थः । तं समानधर्म कारयति पव्वावेति, चुतं-धम्मातो चुतो मट्ठो चरित्तधम्मातो वा दंसणधम्मातो वा, तंमि चेव धम्मो ठावयति । तस्सेवत्ति-कस्स चारित्तधम्मस्स हिताए जधा तस्स वृद्धिर्भवति, अनेसणादी न गेण्हति गिण्हतं वारेति । अहवा जं इध परे य हिंतं सुधाए जध तस्स वृद्धिर्भवति जं हिंतं खमं निस्सेसाय मोक्खाय आनुगामियं अविताहकारी, जहा इध भवति भंते नाणे एतानि अनुट्ठेति धम्मस्स हितादीणि । दोसा कसायादी बंधहेतवो अथवा पगडीतो नियतं निश्चितं वा घातयति विनाशयतीत्यर्थः । कुद्धस्स सीतप्परसमाणो वंजुलवृक्षवत् । दुट्ठो कसायविसएसु मानदुट्ठस्स वा आयारसीलभाव-दोसा वा विनएति, तं दोसं उवसमेति विनाशयतीत्यर्थः । कंखा भत्तपाने परसमए वा संखडिए नदीजत्ताए वा अनस्स य सन्नायगातहिं एहिंति ताहे तेन सद्धिं अप्पन्नावदेसेण पत्थविज्जति । उक्तं च-संपुन्नमेवं तु भवे गणिन्नं जं कंखिताणंपि-पवणातिहणेति कंखं । आता सुप्पिणिहिते यावि भवति आता-आत्मा स कंहं ? सुप्पिणिहितो होति । उच्यते जदा सयं तेषु कोहदोसकंखासु न वट्ठति, तदा सुप्पिणिहितो भवति पणिधानं वा । सोभणा पणिधी सुप्पिणिधी, एवायरिएण सिस्सो गाहितो सिस्सेणवि आयरियस्स विनतो पउंजितव्वो ।

मू (१५) तस्सणं एवं गुणजातीयस्स अंतेवासिस्स इमा चउव्विहा विनयपडिवत्ती भवइ, तं जहा-उवगरणउप्यायणा साहिल्लया वन्नसंजलता भारपच्चोरुहणता । से किं तं उवगरणउप्यायणा? २ चउव्विहा पं० तं-अनुप्पन्नाइ उवकरणाइ उप्पाएत्ता भवइ, पोरणाइ उवकरणाइ सारक्खित्ता भवइ संगोवित्ता भवइ, परित्तं जाणित्ता पच्चुद्धरित्ता भवति, से तं उवकरणउप्यायणयता । से किं तं साहिल्लया ? २ चउव्विहा पं० तं-अनुलोमवइसहिते यावि भवति, अनुलोमकायकिरियत्ता, पडिरुवकायसंफासणया, सव्वत्थेसु अपरिलोमया, से तं साहिल्लया । से किं तं वन्नसंजलणता? २ चउव्विहा पं० तं०-अधातच्चाणं वन्नवाई भवति, अवन्नवातं पडिहणित्ता भवइ, वन्नवातिं अनुवूहइत्ता भवति, आयावुहसेवीयावि भवति, से तं वन्नसंजलणता । से किं तं भारपच्चोरुहणता? चउव्विहा पं० तं-असंगहियपरिजनं संगिण्हिता भवति, सेहं आयारगोयरं गाहेत्ता भवति, साहम्मियस्स गिलायमाणस्स अधाथामं वेतावच्चे अब्भुट्ठेत्ता भवति, साहम्मियाणं अधिकरणंसि उप्पन्नंसि तत्थ अनिस्सतोवस्सिए अपक्खगाही मज्झत्थभावभूते सम्मं ववहारमाणे तस्स अधिकरणस्स खामणविओसमणताए सयासमियं अब्भुट्ठेत्ता भवइ, कंहं न ? साहम्मिया अप्पसद्दा अप्पझंज्जा अप्पकलहा अप्पतुमंतुमा संजमबहुला संवरबहुला समाहिबहुला अपमत्ता संजमेण तवसा अप्पाणं भावेमाणणं एवं च न विहरेज्जा, से तं भारपच्चोरुहणताए ।

एसा खलु धेरेहिं भगवंतेहि अट्ठविहा गणि-संपया पत्रत्ता ति बेमि ॥

चू. तत्थिमं सुत्तं तस्सणं एवं गुणजातीयस्स अंतेवासिस्स इमा चउव्विहा विनयपडिवत्ती

भवति । उवगरण उप्पातणया ४, उवगरण उप्पादना ताव चउव्विधा पन्नत्ता । तं जधा-अनुप्पन्नाइं उवगरणाइं उप्पाइत्ता भवति । जति आयरितो सयमेव उवगरणं उप्पाएइ तो वायणादि न तरति दातुं, अतो सिस्सेण उप्पाएत्तव्वं उवगरणं वत्थपत्तसंथारगादि पोराणाइं उवकरणाइं सारक्खित्ता-संगोवित्ता भवति सा रक्खति । काले पाउणति जुत्तं च सिव्वति विधीए पाओणति । वासत्ताणं कालादीए संगोवति । जहा सेहादी न हरंति परितं जाणित्ता पच्चुद्धरित्ता भवति । परित्तो अप्पोव्वहितो सुद्धो वा, सगणिच्चं अन्नगणिच्चं वा साधुं आगतं उवगरणेण उद्धरति आहाविधि संविभइत्ता भवति । अहाविधी जहा रातिणियाए जस्स वा जो जोग्गो । अहवा उवसंपज्जति । गिलाणे ० गाहा । सहायकृत्यं साहल्लता । सा चउव्विधा-अनुलोमवइसहिएतावि भवति । आयरिएण वुत्ते एवमेत्तं, अथवा गुरवो जं पभासंति तत्थ खेपं समुज्जमो, न हि सच्छंदता सेया लोए किमुत उत्तरे । अनुलोभ्काय-किरिया सीसं पढमं विस्सामेति । ततो सेसं गाणिज्जं वा भणति । पडिरूपकाय-संफासणता-जहा सहति तथा विश्रामेति, स्ववत्थेसु जोग्गाजोग्गोसु, भिणगोण संगुलेहिं ० गाथा से तं साहल्लया । वन्नसंजलता वर्ण क्रियागुणवचनविस्तारेषु, आयरितो जातीकुलेण सुत्तेण भंगा अट्ट । पढमे भंगे याथातथ्यानां वर्ण वदति जो अवर्ण वदति ते पडिहणति वर्न्ववादि अनुवूहति गुणवानेव जानीते वक्तुं । आता वुह्सेवीया भवति । बुद्धो-आयरिओ तं निच्चमेवं पज्जुवासत्ति अविरहितं करेति आसनट्टितो य इंगितागारेहिं जाणित्ता करेति ।

भारपच्चोरुहणता जधा-राया अमात्यादीनां भारं न्यस्य भोगान् भुंक्ते जधा वा आयरिएण अन्नस्स आयरियस्स भारो पच्चोरुभितो, एवं आयरियस्स सुतत्थगणचित्तणाभारो तं सीसो चेव जंजं कायव्वं गच्छस्स तं तं करेति । सा चउव्विहा-असंगहितं परियणं संगेण्हत्ता भवति । असंगहितो रुद्धो वाहिरं भावं वच्चति तं संगेण्हति । सेहं आयारगोयरं गाहित्ता भवति, आयारस्स गोयरो आयारगोयरोविषय इत्यर्थः । पडिलेहण आवस्सगभिक्खपाढादि गाहेति-समानधम्मिओ साधम्मिओ गिलाणो असुहिओ आगाढानागाढेणं अधाथामं जधासतीए वेतावच्चं उव्वत्तणमत्त-गवज्जा सहाहारे य अहाथामं अब्भुट्टेति । साहम्मियाणं अहिगरणंसि सुत्तं उच्चारेत्तव्वं । समानधम्मितो सरिसधम्मो वा साधम्मिओ अधिकरणं पुव्वं भणितं । तत्थ अनिस्सितोवस्सेतेति-निस्सा रागो ओवस्सा दोसो, अहवाऽऽहारोवहिमादी निस्सा मम सिस्सो कुलिच्चगो वा उवस्सा, अहवा सिस्सो निस्सा, पडिच्छगो उवस्सा ताहिं निस्सोपस्साहिं पक्खं न वहति, मज्झत्थभूते तुलासमेत्ति भणितं होति । तस्स अहिगरणस्स खामणविओसमणट्टताए सदा समितत्ति । सदा नित्यकालं समितं स दिवसे दिवसे उट्ठाए उट्ठाए सम्भुट्टेता भवति । कहं नु-केन प्रकारेण साहम्मिया अप्पसद्दा न महता सद्देण बोलं करेज्ज, अप्पज्झंज्ञानं कोहाभिभूता झंझइत्ता अच्छंति । अप्पकलहा न अक्कोसमादीहिं कलहेत्ति, अथ तुमुतुमत्ति न पुनो अप्पं तु अहंति, संजमबहुलत्ति मनोवाक्कायगुप्ता अधवा सत्तरसविधेणं संजमेण संवरबहुलंति । दुविधो संवरो-इंदियसंवरो नोइंदियसंवरो य । इंदियसंवरो सोइंदियादिना । नोइंदियसंवरो कोधनिग्गहादि । समाधिबहुलत्ति नाणदंसणचरित्तसमाधी सेसं ।

दशा-४-समाप्ता

मुनि दीपरत्नसागरेण संशोधिता सम्पादिता दशाश्वत्थसूत्रस्य

चतुर्थं ब्रह्मसंनिर्णयितः सचूर्णिकः समाप्तः ।

दसा-५ चित्त समाधिस्थान

चू. समाधिबहुला इत्युक्तं इमा समाही चैव चित्तस्य समाही चित्तसमाधी चित्तसमाधी ते ठाणा चित्तसमाहिठाणा तस्स दारा उवक्कमादि चत्तारिवि वन्नेऊण अधिगारो चित्तसमाधीए, नामनिप्फन्नो निक्खेवो चित्तसमाहिट्टाणा । समीहितस्स चित्तस्य स्थानं चित्तसमाधिस्थानं त्रिपदं नाम-चित्तं समाधी द्वाणं च । तत्थ चित्ते समाधीए य इमा गाथा-

नि. [३२] नामं ठावणा चित्तं दव्वे भावे य होइ बोधव्वं ।

एमेव समाहीए निक्खेवो चउविहो होइ ॥

चू. चित्तं नामादि चउव्विहं । नामं जहा चित्तो साधू । ठवणा अक्खनिक्खेवो ।

नि. [३३] जीवो उ दव्वचित्तं जेहिं च दव्वे जम्मि वा दव्वे ।

नाणादिसु सुसमाही य धुवजोगी भावओ चित्तं ॥

चू. दव्वचित्तं जीव एव चित्तं न जीवद्रव्यादन्यत्वे वर्तते वा चित्तात् जीवोऽर्थान्तरभूतः । अथवा जीवो हि द्रव्यं सचेतनाभिसंबन्धाद् गुणपर्ययोपगमादनुपयोगाद्वा दव्वचित्तं । येन वा चित्तमुत्पद्यते तद्द्रव्यचित्तं । यदा उष्णेन दुक्खमुत्पादितं उष्णमेव दुःखं । एवं सीतेनापि अन्नेन सुखमुत्पादितं अन्नमेव सुखं । क्षुधितस्यान्नेन पिपासितस्योदकेन येन वाभ्यवहतेन मघादिना । अथवा मेध्येन घृतादिना । यान्येव चित्तोत्पादकानि द्रव्याणि तान्येव चित्तं भवन्ति । जंमि वा-यथा स्त्रियां पुरुषस्य, जंमि वा दव्वे अवस्थितश्च चित्तोद्भवो भवति चित्तउद्भूतिरित्यर्थः । जधा तीसे कम्मकारियाए घुसलेतीए महत्तरधूयं जायति अनत्थद्धिआ न जायति गतं दव्वचित्तं । भावचित्तं ज्ञानाद्युपयोगः । नाणं मनवइकातसहगतं । एवं दरिसणंपि ३ चरित्तंपि ३ । नाणादिसु समाहितो जोगो जस्स सो भवति नाणादिसुसमाहितजोगो । आदिग्रहणादंसणे चरित्ते य । सो जीवो भावतो चित्तं ।

नि. [३४] अकुसलजोगनिरोहो कुसलाणं उदीरणं च जोगाणं ।

एवं तु भावचित्तं, होइ समाही इमा चउहा ॥

चू. समाहिट्टाणं जहा असमाधिद्वारेणसु भणियाणि तथा भाणियव्वाणि । भावचित्तेन भावसमाधीए य अधिकारो ।

नि. [३५] भावसमाधी चित्ते ङ्गि-तस्स ठाणा इमे विसिद्धतरा होइ ।

जओ पुनचित्ते चित्तसमाहीए जइयव्वं ॥

चू. जता एतेसु अप्पा आहितो जुत्तो ड्ढवितो य भवति तदा इमे द्वाणा विसुद्धा विसुद्धतरा भवंति । इमे-जेइदानिं सुत्ते भणिहामि धम्मचिन्तादि जाव केवलनाणे वा से असमुप्पन्नपुव्वे समुप्पज्जेज्जा । अहवा गिहत्थातो विसुद्धतरा भवंति, होंति पुन जातोति-होंति यस्मात्कारणात् चित्ते तेन चित्तसमाधौ यतितव्वं घटितव्वं परिक्रमितव्वं गतो नामनिप्फन्नो । इदानिं सुत्तानुगमे सुत्तं उच्चारेतव्वं । अक्खलित्तादि तं च इमं सुत्तं तेनं ।

मू. (१६) सुयं मे आउसंतेणं भगवया एवमक्खायं इह खलु धेरेहिं भगवंतेहिं दस चित्तसमाहिठाणा पन्नत्ता, कतराईं खलु ताईं धेरेहिं भगवंतेहिं दस चित्तसमाहिट्टाणाइं पन्नत्ताइं २ इमाइं खलु धेरेहिं

भगवंतेहि दस चित्तसमाहिट्टाणाइं पन्नत्ताइं तं० तेणं कालेणं-तेणं समयेणं वाणियगामे नगरे होत्था, एत्थं नगरवन्नओ भाणियव्वो तस्स न वाणियग्गामनगरस्स बहिया उत्तरपुरच्छिमे दिसीभागे दूतिपलासए चेइए होत्था, चेइयवन्नतो भाणियव्वो, जितसत्तु राया तस्सणं धारणी देवी, एवं सव्वं समोसरणं भाणितव्वं जाव पुढवीसिलापट्टए सामी समोसट्ठे परिसा निग्गया धम्मो कहिओ परिसा पडिगया ।

चू. तेणं कालेणं २ सत्त उच्चारेतव्वानं । इहत्ति इहलोगे प्रवचने यथा-खलु विशेषणे निर्गन्थानामेव नान्येषां ।

मू. (१७) अज्जो इति समणे भगवं महावीरे समणा निग्गंथा य निग्गंथीओ य आमंतेता एवं वयासी । इह खलु अज्जो निग्गंथाण वा निग्गंथिण वा इरियासमियाणं भासासमियां एसणासमियाणं आयाणभंडमत्तनिक्खेवणासमियाणं उच्चार-पासवणखेलसिंघाणजल्लपारिट्टावणितासमितानां मनसमितानां वयसमियाणं कायसमियाणं मनगुत्ताणं वयगुत्ताणं कायगुत्ताणं गुत्ताणं गुत्तिदियाणं गुत्तबंभचारीणं आयट्ठीणं आयहिताणं आयजोतीणं आयपरकमाणं पक्खियपोसहिएसु समाधि-पत्ताणं झियायमाणानं इमाइं दस चित्त-समाहिट्टाणाइं असमुप्पन्नपुव्वाइं समुप्पज्जिजा तं जहा-१-धम्मचिंता वा से असमुप्पन्नपुव्वा समुप्पज्जेजा-२-सव्वं धम्मं जाणित्तए सन्निनाणे वा से असमुप्पन्नपुव्वे समुपज्जिजा अहं सरामि-३-सुमनदसने वा से असमुप्पन्नपुव्वे समुप्पज्जिजा अहातच्चं सुमिणं पासित्तए, जाईसरणे वा से असमुप्पन्नपुव्वे समुप्पज्जेजा, अप्पणो पौराणियं जाई सुमरित्तए-४-देवदंसने वा से असमुप्पन्नपुव्वे समुप्पज्जेजा दिव्वं देवड्ढि दिव्वं देवजाइं दिव्वं देवानुभावं पासित्तए-५-ओहिनाणे वा से असमुप्पन्नपुव्वे समुप्पज्जेजा ओहिणा लोयं जाणित्तए-६-ओहिदंसणे वा से असमुप्पन्नपुव्वे समुप्पज्जिजा ओहिणा लोयं पासित्तए-७-मनपज्जवनाणे वा से असमुप्पन्नपुव्वे समुप्पज्जेजा अंतो मनुस्सखेत्ते अट्ठातिज्जेसु दीवसमुद्देसु सन्नीणं पंचोदियाणं पज्जत्तगाणं मणोगते भावे जाणित्तए-८-केवलनाणे वा से असमुप्पन्नपुव्वे समुप्पज्जेजा केवलकप्पं लोयालोयं जाणित्तए-९-केवलदंसणे वा से असमुप्पन्नपुव्वे समुप्पज्जेजा केवलकप्पं लोयालोयं पासित्तए-१०-केवलमरणे वा से असमुप्पन्नपुव्वे समुप्पज्जेजा सव्वदुक्खपधानाए ।

चू. अज्जोति आमन्त्रणे । निर्गता ग्रन्थाद् निर्गन्थाग्रः । स बाह्याभ्यन्तरतो ग्रन्थातो निर्गताः, इरियासमितानां जाव कायगुत्ताणं । एतानि कंठ्यानि । गुत्ताणं किं पुनो गुत्तग्रहणं करोति ? । उच्यते-एएहिं अट्ठहि विट्ठणेहिं गुत्तो भवति जावंतिअ गुत्तट्ठाणाणि तेहिं सव्वेहिं गुत्तो गुत्तिदियसोत्ति-दियविसयपयारनिरोधो वा सोत्तिदियप्पत्तेसु वा अत्थेसु रागदोसनिग्गहो एवं पंचणहवि । अथवा जहा कच्छपो स्वजीवितपरिपालनार्थं अप्पणो अंगाणि स एकभल्ले गोवेति, गमनादिकारणे पुन सणियं पसारेति, तथ साधूवि संजमकडाहे इंदियपयारं कायचेट्ठं च निरुंभति, गुत्तबंभचारीणंति न केवलं इंदियएसु गुत्ता, सेसेसुवि पाणवद्दादीसु गुत्ता अट्टारसेसु वा सीलंगसहस्सेसु ट्ठिता गुत्तबंभचारी भवति । आतट्ठितीणंति-आत्मारथी आयतार्थी वा । निगृहीतात्मानः न परित्यक्तात्मानः । आतहिताणंति हितं हितं अहितं च शरीरे आत्मनि च भवति । शरीरे पथ्यापथ्याहारः, आत्मनि तु हिंसादि-प्रवृत्तिर्निवृत्तिर्वा । अथवा आत्मानः अहिता तित्रितिसट्ठा वावादुसयता । कहंते आत्मानः अहिता ? उच्यते-जेन हिंसादिसु अट्टारससु ट्ठाणेषु पवतंति, अपथ्याहारे रोगिवत् । कतराणि

अद्वारसद्वाणाणि ? उच्यते पाणातिवातो ५ कोधो पेज्जो दोसो कलहे अब्भक्खाणे पेसुन्ने परिपरिवाते अरती रती मायामोसे मिच्छादंसणसल्ले । आतजोगीणंति-जस्स जोगा वसे वट्ठंति आप्ता वा यस्य जोगा ३ आप्ता इद्वा कंता पिया । आतपरकम्माणंति-आत्मार्य परक्कमंति न परार्थ परव्वसो वा चोरपालवत् । पक्खियं पक्खियमेव, पक्खिए पोसहो पक्खियपोसहो चाउद्दसि अट्ठमीसु वा । समाधिपत्ताणंति-नाणदंसणचरित्तसमाधि-पत्ताणंति । ज्ञाणे वट्टमाणंति श्लियायमाणंति इमाइं दस चित्तसमाधिद्वाणाणि । असमुप्पन्नपुव्वाणि समुपज्जेजा । इमानीति वक्ष्यमाणानि । दसत्ति संख्या । चित्तसमाधिद्वाणाइं न कदाइ समुप्पन्नपुव्वाइंति अतीते काले । तं जधा-धम्मचिंता वा से सुत्तं-सेत्तिं निद्वेसे तस्स एवं गुणजातीयस्स निर्ग्रथस्स धम्मः स्वभावः जीवद्रव्याणां अजीवद्रव्याणां च । अहवा सव्वे कुसमया असोभणा अनिर्वाहकाः, सर्वधर्मेषु शाभनतरोऽयं धम्मो जिनप्रणीतः एवं नायं भवति ।

‘सन्निनाणे वा से’ सुत्तं-संजानाति संज्ञा, यथा-पूर्वाह्णे गां षट्त्वा पुनरपराह्णे प्रत्यभिजानीते असौ गौरिति अहं सरामीति । असुगोऽहं पुव्वभवे आसि, सुदंसणादिवत् । ‘सुमिणदंसणे वा से’ सुत्तं-सुमिणदंसणं-जधा भगवतो वद्धमाणसामिस्स पन्नत्तीए दससुमिणगविभासा । अथवा इत्थी वा पुरिसो वा सुमिणंते एणं महहयपत्तिं वा तहेव सव्वं विभासितव्वं । अहा तच्चेति-यथा तथा फलं । ‘देवदंसणे वा से’ सुत्तं-तवस्सिति कातुं देवा से दंसंति अप्पाणं आउद्दा क्षपकवत् । ‘आहिनाणे वा से’ सुत्तं-ओहिनाणओहिदंसणाणं युगपत्कालोत्पत्तित्वाद् एकत्वं ? नेत्युच्यते यथा सम्यगुज्ज्ञान-दर्शनानां पृथक्त्वम् । शेषं कण्ठ्यम् । गद्योक्तोऽयं पुनः श्लोकैरर्थः ।

॥ १८ ॥

ओयं चित्तं समादाय, ज्ञाणं समनुपस्सति ।

धम्मे द्विओ अविमनो, निव्वाण-मभिगच्छइ ॥

चू ओयंचित्तं समादाय सिलोगो-रागद्वोसविरहितं चित्तं ओअंति भन्नति सुद्धं, एकमेव सम्यग् आदाय समादाय गृहीत्वा ज्ञाणं धम्मं पस्सति करेत्ति भणियं होइ । दिट्ठमन्ने हि पस्सति, पुनो पुनो वा पस्सति समनुपस्सति । धम्मे द्वितो कयरंमि ? धर्मे, यथार्थोपलंभके, अथवा आरुहते धम्मे द्वितो अविमणो न कुसमएहिं मणो गच्छति संकादि वा जिनवयणे न करेति । स एवं प्रकारो निव्वाणं सिद्धिं अभिगच्छति याति ।

॥ १९ ॥

इमं चित्तं समादाए भुज्जो लोयंसि जायति ।

अप्पणो उत्तिमं द्वाणं सन्नीनाणेण जाणइ ॥

चू ‘न इमं चित्तं समादाय’ सिलोगो-अमानोना प्रतिषेधे न इमं चित्तं आदाय गृहीत्वा कतरं जातस्मरणादि भुज्जो पुनो लोयंसि संसारे जायति उप्पज्जति । आत्मनं उत्तमंति जायइ-उप्पज्जइ, जोऽहं परभवे आसि, अहवा उत्तमो संजमो मोक्खो वा, यत्र तमो अन्नाणं कम्मं वा न विज्जति । अथवा श्रेष्ठं-निर्वाहकं हितं वा आत्मनः तज्जानीते ।

॥ २० ॥

अधातच्चं तु सुविणं खिप्पं पासइ संवुडे ।

सव्वं च ओहं तरती दुक्खदोयवि मुच्चइ ।

चू ‘अहातच्चं’ सिलोगो-अहातच्चं जहा चरिमत्तित्थकरेणं दससुमिणा दिद्वा तथा विक्खिप्यं फलदं पासति । संवृतात्मा संवुडः आसवदारोहि । ओहो नरगादि संसारो सव्वो अपरिसेसेणं पुनो संसारी

भवति दुक्खंति वा कम्मंति वा एगड्ढं । सारीरमानसं वा दुक्खं संसारिणं वा विविधमनेकप्रकारं मुच्चति विमुच्चति ।

मू. (२१) पंताइं भयमाणस्स विवित्तं सयनासनं ।

अप्पाहारस्स दंतस्स देवा दंतोति तातिणो ।

चू. पंताणि आहारादीनि ३ । भज सेवायां विवित्त इति-पसु-पंडगविरहितानि जीवेहिं वा विवित्तं, विचिरपृथग्भावे विवित्तानि सयणासणानि । अप्पाहारो दंतो-इंदियणोइंदिएहिं । कतरे देवा, जेहिं तेनैव प्रकारेण देवत्तं लद्धं, तातिणो-आत्मत्राती परत्राती उभयत्राती ।

मू. (२२) सव्वकामविरत्तस्स खमतो भयभेरवं ।

तओ से ओहिनाणं भवति संजतस्स तवस्सिणो ॥

चू. सर्वे कामाः शब्दादयः इह-लौगिका पारलौगिका य विरत्तो-ण तेसु रागं गच्छति । खमति मरिसेति सहतीत्यर्थः । भयमेव भेरवं भयमेरवं । अहवा भयं-जं किंचित् भेरवा सीहवग्घपिसायादी खमति-सहति । उवसग्गा चउव्विधा वि । ततो तस्सेवं गुणजातीयस्स ओहिनाणं भवति । केरिसस्स? संजतस्स । पुढ्वादि १७ बारसविहे य तवे आसि तस्स ।

मू. (२३) तवसा अवहड्ढस्सिणं दंसणं परिसुज्जति ।

उड्ढमहेतिरियं च सव्वं समनुपस्सति ॥

चू. 'तवसा अवहड्ढेसस्स' सिलोगो । द्वादशप्रकारेण तपेण तपसा अपहता असोभना लेसा कण्हेस्सादि ३ द्रव्या र्चिर्वाह्मशिखा, दंसण-ओहिदंसणं परिसुज्जति । विसुज्जति तेन किं पस्सति? उच्यते-उड्ढेलोगं अहो लोगं तिरियलोगं च पस्सति, जे तत्थ भावा जीवादि कम्माणि वा । जेहिं तत्थ गम्पति सर्वात्मना सव्वदिसं वा ।

मू. (२४) सुसमाहितलेसस्स अवितक्कस्स भिक्खुणो ।

सव्वओ लोगमलोगं च जिनो जानति केवली ॥

चू. सुसमाहड्ढेसस्स सिलोगो । सुद्धुसमाहितातो लेस्सातो जस्स स भवति सुसमाहड्ढेसो तेउपन्हमुक्कतो । अवितक्कस्स तक्का वीमंसा जहा भिक्खुणसीलो भिक्खू, सव्वतो विप्पमुक्कस्स अब्भितरसंजोगा बाहिरसंजोगा य तेन सव्वेण विप्पमुक्कस्स । अज्ञानमेव पज्जवैति भावान् जानीते । केरिसस्स केवलनाणं भवति ? उच्यते-

मू. (२५) जता से नाणावरणं सव्वं होति खतं गयं ।

तदा लोगमलोगं च जिनो जानति केवली ॥

चू. 'जता से नाणावरणं' सिलोगो कंठो । केरिसस्स केवलदंसण उप्पज्जति । उच्यते-

मू. (२६) जया से दंसणावरणं सव्वं होइ खयं गतं ।

तया लोगमलोगं च जिनो पासइ केवली ॥

चू. जता से दंसणावरणं सिलोगो कंठो ।

मू. (२७) पडिमाए विसुद्धाए मोहनिज्जे खयं गते ।

असेसं लोगमलोगं च पासति सुसमाहिए ।

चू. 'पडिमाए विसुद्धाए' सिलोगो । पडिमत्ति-जाओ मासिगादिबारस भिक्खूपडिमातो ।

अहवा इमातो चेव रयहरणगोच्छगपडग्गहधारगा पडिमा । अहवा मोहनिकम्मविवज्जितो अप्पा ।
अहवा विशुद्धा प्रतिज्ञा न इहलोगपरलोगनिमित्तं असेसं-निरवसेसं जाणंति अक्षयं तत् ज्ञानं
सुसमाहिता सुद्धा आहिता समाधिता

- मू (२८) जहा मत्थयसूयीए हताए हम्मती तले ।
एवं कम्माणि हम्मंते मोहणिज्जे खयं गते ॥
- मू (२९) सेनावतिम्मि निहते जधा सेना पनस्सती ।
एवं कम्मा पनस्संति मोहणीज्जे खयं गते ॥
- मू (३०) धूमहीणे जधा अग्गी खीयति से निरंधणे ।
एवं कम्माणि खीयंति मोहणिज्जे खयं गते ॥
- मू (३१) सुक्कमूले जधा रुक्खे सिच्चमाणे न रोहति ।
एवं कम्मा न रोहंति मोहणिज्जे खयं गते ॥
- मू (३२) जधा दह्हाण बीयाण न जायंति पुनंकुरा ।
कम्मबीयेसु दहेसु न जायंति भवांकुरा ॥

चू 'सेसा सिलोगो' कंठो ।

- मू (३३) चिच्चा ओरालितं बोदिं नामागोत्तं च केवली ।
आउयं वेयणिज्जं चिच्चा भवति नीरजे ॥

चू 'चिच्चा ओरालिया बोदिं०' सिलोगो । केवलमरणं चेच्चा छेदेत्ता उरालियं बोदिति सरीरं
नामं गोत्तं च । चशब्दात् तेयगं कम्मगं च । उक्तं च-उरालिय तेया कम्मगाइं सव्वाइ विप्पजहति
आउयं वेदनिज्जं च चिच्चा भवति नीरतो । अरजा अकर्मा ।

- मू (३४) एवं अभिसमागम्म चित्तमादाय आउसो सेणि सोधि-मुवागम्म आतसोधिमुवेहइति बेमि ॥

चू एवं अभिसमागमं सिलोगो । एवमवधारणे । अभिरभिमुख्ये सं एगीभावे आइमर्यादाभि-
विध्योः । गमसृपृगतौ सर्व एव गत्यर्था धातवो ज्ञानार्था ज्ञेयाः । अभिमुख्यं सम्यग् ज्ञात्वेत्यर्थः ।
किं ? कायव्यं ? सोभनं चित्तं आदाय, करतं चित्तं गेण्हितव्वं रागादिविरहितं आउसोत्ति आमंतणं ।
एतानि वा दस चित्त समाधिद्वुणाणि आदाय किं कातव्वं ? उच्यते-सेणि सोधिमुवागम्म । सेणी
दुविधा दव्वसेणी भावसेणी य दव्वसेणी जीए पासोदादि आरुभिज्जति, भावसेणी दुविधा विसुद्धा
अविसुद्धा य । अविसुद्धा संसाराय इयरा मोक्खाय । उक्तं च-

दव्व तदद्दो वा सकमोहे भावे उवसाका चउरो ।

दव्वसरीरभविओ तदड्ढिओ उयणाइसु ॥१॥

सोधयति कम्मं तेन सोही भन्नति । सोधिग्रहणादेव संजमसेटी गहिता । उक्तं च-अकलेवरसेणि
मुस्सिया उपागम्य ज्ञात्वा कृत्वा वा । उप सामीप्ये, तं प्राप्य किं भवति ? उच्यते-आत्तसोधी
आत्मनः सोही आत्मसोधी । कर्माणि सोधयति तवसा संजमेण य । उंवेहेति पेक्खति जो एवं
करेति एवं गणधरतीर्थकर आह । जं न भणितं तं कंठ्यम् ।

दसा-५-समाप्ता

मुनि दीपरत्नसागरेण संशोधिता सम्यादिता पञ्चमा दसा सनियुक्तिः सचूर्णः परिसमाप्ता

दसा-६- उपाशकप्रतिमा

चू एवं सम्मद्दंसणं लद्धं कापि पव्वाति, काइ उवासगी भवति । एतनाभिसबधण उवसागपडिमा-ओ संपत्ताओ । तासि दारा उवक्कमादि । अहिगारो उवासगपडिमाहिं, नामनिप्फन्नो निक्खेवो उवासगपडिमातो, उवासगाण पडिमा उवासगपडिमा । दुपदं नामं उवासगा पडिमा य । उवासग-पडिमा उप-सामीप्ये आस-उपवेसने सो उवासातो चउव्विधो ।

नि. [३६] दव्वतदद्धो वा स कमोद्दे भावे उवासका चउरो ।

दव्वे सरीरभविउं तदद्धिओ ओयणाईसु ॥

चू दव्वोवासगो तदद्धोवासगो मोहोवासगो भावोवासगो । दव्वे सरीरभविउत्ति-जाणगसरीर-भवियसरीरवतिरित्तो दव्वो वासगो तिविधो-एगभवितो बद्धाउतो अभिमुहनामगोत्तो, दव्वभूतो वा तदद्धितो उदन्नादिसुत्ति-दव्वं जो उवासति सो तदद्धितो, सो तिविधो-सचित्तादि ३ सचित्ते दुपदचतुष्पदअपदेसु । दुपदे पुत्तभज्जदासादि । चतुष्पदे गवाश्व्वादि । अपदे आरामपुष्पफलनिमित्तं । तदपि जदा पक्कमिस्सं एतानि चैव सभंडमतोवगरणाणि वा अचित्ते-ओदनादि आमंत्रणं उवासति । दव्वनिमित्तं वा राजादि उवासति ।

नि. [३७] कुप्पवयणं कुधम्मं उवसाए मोहुवासको सोउ ।

हंदि तहिं सो सेयंति मन्न्ती सेयं नत्थि तहिं ॥

चू कुप्पवयण तिन्नि तिसद्धा कुधम्मसता । जो तेहिं पन्नवितो उवासत्तित्ति मोधं तत्र फलं नास्ति । यदुक्तं भवति किं निमित्तं तान्युपासति ? । उच्यते-हंदि संप्रेषे अनुमतार्थे वा । तेहिं कुप्पवयणेण से यो सग्गो अप्पवग्गो य । सोउं तं जो उवासति मन्यते वा चिंतयति उपलभति वा । तानि य तहिं नत्थि तेन मोहुवासगो ।

नि. [३८] भावे उ सम्मद्दिट्ठी असमणो जं उवासए समणे ।

तेन सो गोन्नं नाम उवासगो सावगो वेत्ति ॥

चू भावुवासतो सम्मद्दिट्ठी गुणेभ्यो जातं गोणं सो निर्देशे जा सम्मद्दिट्ठी सम्ममणो समणे उवासति तेन कारणेन उवासतो श्रावयतीति श्रावकः । यद्येवं तेन गणधरादिः तीर्थकरं उवासति श्रावयंति च तेषामपि उपासकत्वं श्रावकत्वं वाऽस्तु उच्यते-

नि. [३९] कामं दुवालसंगं पवयणमनगारगारधम्मो अ ।

ते केवलीहिं पसूआ पउवसग्गो पसूअंति ॥

चू काममविवृतार्थे यद्यपि तुल्यं उपासकत्वां श्रावकत्वं वा तथापि दुवालसंगं गणिपिडगं दुविधं-अनगारधम्मं सावगधम्मो य । ते अगारअनगारधम्मा केवलीतो पसूता षूड् प्राणिप्रसवे प्र-उपसर्गः ।

नि. [४०] तो ते सावग तम्हा उवासगा तेसु होति भत्तिगया ।

अविसेसंमि विसेसो समणेसु पहाणया भणिया ॥

चू तो ते श्रावका भवति । तम्ह त्ति-तस्मात्कारणात् जे तेसु भत्तिगता ते-उवासगा सावगा य भवति, साधू गिही वा । यद्येवमविशेषो भवति, तस्मादेकान्तेनैव गिहिणो सावगा उवासगा य

भवन्ति । न भवन्ति साधवो सावगा, उवासगा वा इति कथ ? उच्यते-प्राधान्यत्वात्, साधवस्तु केवलज्ञानोत्पत्तेः कृत्नश्रुतत्वाच्च, चोद्दसपुष्वी जदा तदा नो उवासगा भवन्ति । एकान्तेनैव श्रवन्ति उवासिञ्जन्ति वा, श्रावकास्तु अकृत्नश्रुतत्वात् नित्योपासनाच्च उवासगा एव भवन्ति, देशं श्रवन्ति श्रुतज्ञानस्य इतरे चोद्दसपुष्वाणि श्रवन्ति, उपास्यन्ते चान्यैः, तेन ते श्रावका एव ।

नि. [४१] कामं तु निरवसेसं सव्वं जो कुणइ तेन होइ कयं ।

तंमि ठिताओ समणा नोवासगा सावगा गिहिणो ॥

चू. काममेतदेवं, यदुक्तं वानसि, किन्तु निरवशेषं न श्रवन्ति, न च नित्यकालं उपास्यन्ते । यो हि निरवशेषं श्रवति सो उवासतो भवति । दिङ्गतो पटकर्ता । इह हि यः पटस्य देशं करोति न तेन पटो कतो भवति । जो हि सव्वपगारोहिं करेति न तु उक्खेवणादि । एवं गिही देसं सुतनाणस्स जाणति न निरवसेसं सुतं । समणा तु निरवसेसं सुतं करेति पढंतीत्यर्थः । तम्मि य द्वितंति-जहा केवलमुप्पन्नं तदा न उवासन्ति जाहेवा चोद्दसपुष्वी जाता ताहे न श्रावयन्ति ठिया चेव श्रवितुं उपासितुं वा तेन श्रावकाः । श्रावकास्तु सुनित्यं नित्यं उपासन्ति नित्यकालं च श्रावयन्ति तेन श्रावका भवन्ति । न तु श्रावका भणिता उपासगा । इदानिं पडिमा । सा नामादि चउव्विधा ।

नि. [४२] दव्वंमि सचित्तादी संजमपडिमा तहेव जिनपडिमा ।

भावो संताण गुणाण धारणा जा जहिं भणिआ ॥

चू. दव्वे सचित्तादि ३ संजतपडिमा दव्वालग पव्वइतुकामस्स गिहिस्स, उप्पव्वइतुकामस्स वा जिनपडिमा, तित्थगरस्स पव्वयंतस्स भावपडिमा सत्तगुणधारणा, साधुस्स साहुगुणा अट्टारसंगसीलंगसहस्स गुणधारी साधू, तित्थगरे तित्थगरगुणा चोत्तीसं बुद्धातिसेसा सत्या तथ्या अवितहा जा जहिं भणिया आयरिए आयरियगुणा, एवं उव्वज्जाएवि, सावगो सावगगुणधरेति ।

नि. [४३] सा दुविहा छविगुणा भिक्खूण उवासगाण एगूणा ।

उवरिं भणिया भिक्खूनुवासगाणं तु वोच्छामि ॥

चू. सा भावपडिमा समासतो दुविधा पन्नता-भिक्खूपडिमा उवासगपडिमा य । भिक्खूणं छविगुणा बारस, उवासगाणं बारसए-गुणा एक्कारस्स भिक्खूणं उवरि भन्निहिति सत्तमज्जयणे । उवासगाणं ताव पभणामि किं निमित्तं पिधारंभो ? उच्यते-

नि. [४४] तत्थहिगारो तु सुहं नाउं आउक्खिआव गिहिं धम्मं ।

साहूणं च तव संजममि इअ सुद्धनाऊणं ॥

चू. जति ताव गिहत्था होंतगा उज्जमंति परलोगनिमित्तं सीलगुणेहिं । किमंग पुन साधुना सव्वत्थामेण तवसंजममि उज्जमो न कायव्वो निज्जरनिमित्तं ? । इयं नाऊणं सुहु आयरेण वा कातव्वो । सुत्तानुगमे सुत्तं उच्चारेतव्वं-

नि. [४५] जइ तो गिहिणो वि य उज्जमंति ननु साहुणावि कायव्वं ।

सव्वत्थो तवसंजममि इअ सुद्धनाऊणं ॥

नि. [४६] दंसणवयसामाइयपोसहपडिमा अबं भसच्चित्ते ।

आरंभपेसउद्दिट्ठ वज्जए समणभूए अ ॥

मू. (३५) सुयं मे आउसंतणं भवगया एवमक्खातं इह खुलु थेरेहिं भगवंतेहिं एक्कारस

उवासगपडिमाओ पन्नत्ताओ, कयरा खलु ताओ थेरेहिं भगवंतेहिं एक्कारस उवासगपडिमाओ पन्नत्ताओ ? इमाओ खलु ताओ थेरेहिं भगवंतेहिं एक्कारस उवासग-पडिमाओ पन्नत्ताओ तं जहा-
 अकिरियावादीयावि भवति नाहियवायी नाहियपन्ने नाहियदिट्ठी, नो सम्मावादी नो नितियावादी न संति परलोगवादी नत्थि इहलोगे नत्थि परलोए नत्थि माता नत्थि पिता नत्थि अरहंता नत्थि चक्कवट्ठी नत्थि बलदेवा नत्थि वासुदेवा नत्थि नेरइया नत्थि सुकडदुक्कडाणं फल-वित्तिविसेसे, नो सुचिन्ना कम्मा सुचिन्नफला भवंति, नो दुचिन्ना कम्मा दुचिन्नफला भवंति, अफले कल्लाणपावए, नो पच्चायंति जीवा, नत्थि निरया नत्थि सिद्धी से एवं वादी एवं पन्ने एवं दिट्ठी एवं छंदा रागमतिनिविट्ठे आवि भवति, सेयभवति महिच्छे महारम्भे महापरिग्गही अहंमिए अहम्मानुए अहम्मसेवी अहम्मिट्ठे अधम्मक्खाई अहम्मरागी अधम्मपलोई अधम्मजीवी अधम्मपलज्जणे अधम्मसीलसमुदाचारे अधम्मणे चव वित्तिं कप्पेमाणे विहरइ ।

हनछिंद भिंद वे कत्तए लोहियपाणी चेडा रुद्धा खुद्धा साहस्सिया उक्कंचणवंचणमायानिअडीकूड-
 सातिसंपयोगबहुला दुस्सीला दुपरिचया दुरनुनेया दुव्वया दुप्पडियानंदा निस्सीले निग्गुणे निम्मरे निपच्चक्खाणपोसहोचवासे असाहू सव्वातो पाणाइवायातो अप्पडिविरए जावज्जीवाए एवं जाव सव्वाओ कोहाओ सव्वातो माणातो सव्वातो मातातो सव्वातो लोभातो सव्वातो पेज्जातो दोसातो कलहातो अब्भक्खाणातो पेसुन्नपरपरिवादातो अरतिरतिमायामोसातो मिच्छादंसणसल्लातो अपडिविरता जावज्जीवाए सव्वातो कसायदंतकट्टणहानुमद्दणविलेवणसद्दफरिसरसरुवगंधमल्लालंकारातो अपडिविरता जावज्जीवाए सव्वातो सगड-रह-जाणजुग गिल्लि थिल्लि सीया संदमाणिय सयनासन जान वाहन भोयण पवित्थरविधीतो अपडिविरता जावज्जीवाए असमिक्खियकारी सव्वातो आस-हत्थि-गो-महिस-गवेल्य-दासी-दास-कम्मकरपोरुसातो अपडिविरया जावज्जीवाए सव्वातो कयविक्रयमासद्धमासरुवगसंववहारातो अपडिविरया जावजीवाए हिरन्न-सुवन्न-धनधन्नमणि-मोत्तियसंखसिलपवालाओ अप्पडिविरया जावज्जीवाए सव्वाओ कूडतुलकूडमाणाओ अप्पडिविरया सव्वाओ आरंभसमारंभाओ अप्पडिविरया सव्वाओ करणकारावणाओ अप्पडिविरया सव्वातो पयणपयावणाओ अप्पडिविरया सव्वातो कोट्टणपिट्टणातो तज्जणतालणबंधवह परिकिलेसतो अपडिविरता जावज्जीवाए जेयावन्ना तहप्पगारा सावज्जा अबोधिआ कम्मंता कज्जंति परपाण-परिआवणकडाकज्जंति ततोविअ णं अपडिविरता जावज्जीवाए, से जहा नामए केइ पुरिसे कलमसूर-तिल-मुग्ग-मास-निप्फाव-चण-कुलत्थ-आलिसंद-हरिमंथ-जव एमाइएहिं अजते कूरे मिच्छादंडं पउंजइ,

एवामेव तहप्पगारे पुरिसज्जाते तित्तिरिवट्ठा लावता-कपिंजल-मिय-महिसवराह-गाह-गोध-कुम्म-सिरीस वादिएहि अजते कूरे मिच्छादंडं पउंजउ, जावि य से बाहिरिया परिसा भवति तं दासेति वा पेसेति वा भतएति वा भाइल्लेति वा कम्मरए ति वा भोगपुरिसेति वा, तेसिंपि य णं अन्नयरगंसि अधालधुसगंमि अवराधंसि सयमेव गरुयं दंडं वत्तेति, तं जहा-इमं दंडेह इमं मुंडेह इमं वज्जेध, इमं तालेध, इमं अंदुबधनं करेह इमं नियलबंधणं करेह इमं हडिबंधणं करेह, इमं चारवगबंधनं करेह, इमं नियलजुयलसंकोडियमोडितं करेह, इमं हत्थिछिन्नं करेह इमं पादछिन्नं

करेह, इमं कत्रं इमं नक्रं इमं उट्टं इमं सीसच्छिन्नयं करेह, इमं मुखं इमं बेयं इमं हितओपाडियं करेह, एवं नयनदसनवयणजिम्बउप्पाडियं करेह, इमं ओलबितं करेह, इमं घंसिययं इमं घोलिततं सूलायितयं इमं सूलाभिन्नं इमं खारवतियं करेह, इमं दम्भवतियं इमं सीहपुच्छतियं इमं वसधपुच्छतियं इमं कडगिणदद्धयं इमं काकिणिमंसखाविततं इमं भत्तपाण-निरुद्धयं इमं जावज्जीवबंधणं करेह, इमं अन्नतरेणं असुभेन कुमारेणं मारेह, जाविय से अब्भितरिया परिसा भवति तं जहा-

माताति वा पिताति वा भायाइ वा भगिनिति वा भज्जाति वा धूयाति वा सुण्हाति वा तेसिंपि यणं अन्नयरंसि अहालहुसगंसि अवराहंसि सयमेव गरुयं डंडं वत्तेति, तं जहा-सीतोदगंसि कायं तो बोळित्ता भवति, उसिणोदगवियडेणं कायंसि ओसिंचित्ता भवति, अगनिकायने कायं ओडहित्ता भवति, जोत्तेण वा वेत्तेण वा नेतेण वा कसेण वा छिवाडीए वा ल्ताए वा पासाइं उद्दालित्ता भवति, डंडेन वा अट्टीण वा मुट्टीण वा लेलुएन वा कवालेण वा कायं आओडेत्ता भवति, तहप्पगारे पुरिसजाते संवसमाणे दुमणा भवंति, तहप्पगारे-पुरिसजाए विप्पवसमाणे सुमणा भवंति, तहप्पगारे पुरिसजाए दंडमासी दंडगुरुए दंडपुरक्खडे अहिये अस्सि लोयंसि, अहिए परंसि लोयंमि ते दुक्खेत्ति ते सोयंति एवं जूरेति तप्पेति पिट्टेइ परितप्पंति । ते दुक्खणसोयण-सुरणतिप्पणपिट्टणपरितप्पण-वहबंधपरिकिलेसाओ अप्पडि विरया भवति, एवामेव ते इत्थिकाम-भोगेहिं मुच्छित्ता गिद्धा गढिया अज्झोववन्ना जाव वासाइं चउपंचमइं छदसमाणि वा अप्पतरो वा भुज्जतरो वा कालं भुजित्ता भोगभोगाइं पसविता वेरायतणाइं संचिणित्ता बहुइं पावाइं कम्माइं उसनं संभार-कडेण कम्मुणा से जहा नामए अय-गोलेति वा सिलागोलेइ वा उदयंसि पक्खित्ते समाणे उदगतलमतिवत्तिता अहे धरणितल-पतिट्टाणे भवति, एवामेव तहप्पगारे पुरिसजाए वज्जबहुले धुन्नबहुले पंकबहुले वेरबहुले दंभ-नियडिअयसबहुले अप्पत्तियवहुले उस्सनं तसपाणघाती कालमासे कालं किच्चा धरणितल-मतिवत्तिता अधे नरगतलपतिट्टाणे भवति ।

तेणं नरगा अंतो वट्टा बाहिं चउरंसा अहे खुरप्प-संट्टाणसंट्टिया निच्चंधकारतमसा ववगयहचंद-सूरनक्खत्तजोइसपहा मेदवसामंसरुहिरपूयपडल-चिक्खिल्लित्तानुलेवणतला असुईवीसा परम-दुब्धिगंधा-काऊअगनिवन्नाभा कक्खडफासा दरहियासा असुभा नरगा असुभा नरयस्स वेदना नो चेवणं नरएसु नेरईया निदायंसि वा पयलायंसि वा सुत्ति वा रतिं वा धितिं वा मति वा उवलभंति । तेनं तत्थ उज्जलं विउलं पगाढं कक्कस कडुयं चंडं रुक्खं दुग्गं तिक्खं दुरहियासं नरएसु नेरईया निरयवेयणं पच्चनुभवमाणा विहरंति, से जहा नामते रुक्खे सिया पव्वयग्गे जाते मूलच्छिन्ने अग्गे गुरुए जतो निन्नं जतो दुग्गं जतो विसमं ततो पवडति, एवामेव तहप्पगारे पुरिसजाते गम्भतो गम्भं जम्मातो जम्मं मारातो मारं दुक्खातो दुक्खं दाहिणगामिए नेरइये किण्हपक्खित्ते आगमेस्साणं दुल्लभबोधि-तयावि भवति सेतं अकिरियावादी भवति ।

चू सुतं मे आउसंतेणं भगवता थेरा गणधरा तेहि अक्खातं नवमे पुव्वे, भद्दाहुसामिना निज्जूढं ततो न कयं तं सयमेव, अत्थो भगवता भणितो सुत्तं गणधरेहि कतं । तं जथा-अकिरियावादीयावि भवति । अकिरियावादित्ति सम्पग्दर्शनप्रतिपक्षभूतं मिथ्यादर्शनं वत्तिज्जति । पच्छ सम्मद्दंसणं । पुव्वं वा सव्वजीवाण मिच्छत्तं, पच्छ केसिंवि सम्मत्तं । अतो पुव्वं मिच्छत्तं । तं मिच्छादंसणं समासतो दुविहं-अभिग्गहितं अनभिग्गहितं च । अभिग्गहितं-नत्थि मोक्खो, न

निद्यो, न कुर्वति, कतं न वेदेति, न निव्वानं, नत्थि य मोक्खावातो । छ मिच्छत्तस्सद्वाणाइं । अनभिग्गहितं असत्रीणं सन्नीणंपि केसिंचि । चशब्बाद् अन्नाणीओ वा । जो अकिरियावादी सो भवितो अभविउ वा नियमा किण्हपक्खिओ किरियावादी नियमा भव्वओ नियमा सुक्कपक्खिओ । अंतो पुग्गलपरियट्टस्स नियमा सिज्झिहिति, सम्मद्दिट्ठी वा मिच्छद्दिट्ठी वा होज्ज । मिथ्यादर्शनं प्रति अमी प्रदेशा भवन्ति । नाहियवादी-नत्थि न निद्यो न कुणति । नास्त्यात्मा एवं वदनशीलं: नाहियवादी । एव प्रज्ञा एवं धष्टिः, न सम्मावादी, मिथ्यावादीत्यर्थः । जो जधावत्थितं भवति स संमावादी नितिउ मोक्खो, तं भणितं नत्थि, नाणादी वा ३ नत्थि, जेन मोक्खं गम्मति, संसारोवि नत्थि, नत्थि परलोगवादी इह लोगो नत्थि परलोगोवि नत्थि । लोगायतिया एतावानेव पुरुषो यावानिन्द्रिय-गोचरः । भद्रे वृकपदं ह्येतत् यद्वदन्यऽबहुश्रुताः ॥ स नास्तिकः किमाह-नत्थि इहलोगो नत्थि परलोगो दोवि पडिसेहेति । हेतुप्रत्ययसमाग्री, पञ्चविधाए वा सुन्ताए असिद्धी अयुक्तिः । शेषं कण्ठयं । जो व नत्थि निरयादि ४ न सिद्धी वा । अहवा निरयो संसारो, स एवं वादि, सेत्ति निद्देसे, जो सो अकिरियावादी आदौ वुत्तो एवं वादित्ति । यदुक्तं-नाहियवादी पडिसमाणे आलावगा णं करोति । एवं छंदरागं-छंदो नामा-इच्छा लेभो, रागो नाम तीव्राभिनिवेशः । स एवं मिथ्याधष्टिभूत्वा इमेसु आसवदारेसु पवत्तति । से य भवति महिच्छादी-सेत्ति-जो सो भणितो अकिरियावादी तस्स निर्देशः महती इच्छा जेसिं ते महिच्छा-राज्यविभवपरिवारादिषु महती इच्छा महिच्छा, महारंभो जीववह इत्यादि, महापरिग्रहा-राजानो राष्ट्रपतय इत्यादी अधर्मेणाचरतीत्यधार्मिकः । अधर्ममनु-गच्छतीत्यधर्मानुगः । अधर्मिकाणि कर्माण्यासेवत्यधर्मसेवी । अधर्मो इट्ठो जस्स स भवति अधम्मिट्ठो । अधम्मं अक्खाइ ते अधम्मक्खाइ । अधम्मं पलोएतीति अधम्मपलोइ । अधम्मेषु रजतीति अधम्मरजणो । अधम्मे सीलसमुदाचारो जस्स स भवइ अधम्मसीलसमुदाचारो । अधम्मेन चैव वित्तिं कप्पेमाणो विहरति, वृत्त्यर्थमेव च हनच्छिंदभिद्देवेअंतए हणेति । कम लउड लतादीहि छिंदति कन्नोड्डणासिगासीसादीनि, भिंदइ सीसपोड्डाइं वि किंतति । वज्झो चंडो रोद्दो, असुरा चंडा रोद्दा, जो हिंसादीनि कम्माणि करंति । क्षुद्रो नाम सयणसहवासेवि न मुंचति । असमक्खितकारी साहसितो निच्चं मारेमाणस्स विकंतमाणस्स य, नीलीरयगस्स वा नीलीए । एवं तस्स लोहितपाणित्ति-लोहितपाणी । उक्तं च ने । कुंचकौटिल्यउद्भवोर्ध्वभावपच्छेदनेषु, ईषत्कुंचनमाकुंचनं जधा कोत्ति कंचिसुल्हगं तत्थ कोत्ति मानुसाण विचक्खणो चिट्ठति सो जाणति मा एस वैविज्जंतं इमं दद्धं आइक्खति । एतस्स राउले वा कहेहिति । ता उक्कचेऊण अच्छति जाव सो बोलेति, वंचू-प्रलंभने-वंचनं जधा-अभयो धम्मच्छलेण वंचितो पज्जोतस्स संतियाहिं गणियाहिं । मृगो वि गीतएण वंचिज्जति । अधिकाकृतिनिःकृति अत्युपचार इत्यर्थः । यथा प्रवृत्तस्योपचारस्य निर्वृत्तिर्दुष्टलक्षणं, अत्युपचा-रोऽपि दुष्टलक्षणमेव । जधा-कत्तिओ सेट्ठी रायाण पण अत्युपचारेण गहेतो जं अलियविकल-विज्जलधम्मज्जयसीलसिद्धिलक्खेहि वीसंभकरणमध्यिछलेहिति बैति । नियडेत्ति देसभासाविवज्जय-करणं कवडं । जधा-आसाढभूतिणा आयरितो उवज्जायसंघाडइल्लग अप्पणो य चत्तारि मोयगा निक्कालिता । कूडं कूडमेव लोकसिद्धत्वात् । जहा कूडकरिसावणकूडतुलाकूमाणमिति । सातिसयसंपउगबहुला-शोभनोऽतिशयः स्वातिशयन्यूनगुणानुमावस्य द्रव्यस्य यः सातिशयेन द्रव्येण सह संप्रयोगः क्रियते सो सातिशय संपयोगो अगुणवतश्च गुणानुशंसा गुणवदित्याह च ।

सो होति सातिजोगो दव्वं जं उवहितन्दव्वेसु ।
दोसो गुणवयणेषु य अत्यविसंवादनं कुणति ।

एते पुन उक्कंचनादयो सव्वे मायाए पज्जायसद्दा, यथा इंद्रशब्दस्य शक्रपुरन्दरशतमख-शब्दाः यद्यपि क्रियाविशिष्टास्तथापि नेन्द्रशब्दं व्यभिचरन्ति । एवं यद्यपि क्रियानिमित्ते अभिधानभेदः, तथापि न माया-मतिरिच्यन्ते । एवं जीवाग्निसूर्यचन्द्रमसां अभिधानं भेदेऽपि नार्थभेदवत् । मायाया अभिधानभेदेऽपि न अर्थभेदः । दुस्सीलो दुपरिव्वते-दुडुं सीलं जस्स स भवति दुडुसीलः । दुपरिचया-परिच्यजातापि खिप्पं विसंवदति, दुरनुनेया दारुणस्वभावा इत्यर्थः । दुट्ठाणि व्वताणि जेसिं ते भवंति दुव्वता, जधा-जन्नदिकिखताणं सिरमुंडनं अण्हाणगं दम्मसयणं च । एवमादीनि दुव्वतानि, तहवि छगलादीणि सताणि घातयंति । आह हि - षट्शतानि नियुज्यन्ते पशूनां मध्यमेऽहनि । अश्वमेघस्य वचनाञ्चूनानि पशुभिस्त्रिभिः ।

दुनदि समृद्धौ, तस्यानंदो भवति, आनन्दितः कश्चिदन्येन यस्तस्यापि प्रत्यानन्दं करोति प्रतिविजीनीते प्रतिपूजयतीत्यर्थः ॥ स तु सर्वकृतघ्नत्वात्रैव नन्दति दुष्पडियाणंदो भवति । आह हि- प्रतिकर्तुमशक्तिप्टा नराः पूर्वोपकारिणा । दोषमुत्पाद्य गच्छन्ति मद्गूनामिव वायसाः ॥

सव्वातो पाणातिवातोत्ति-जेवि लोगे गरहिता बंभणपुरिसवहादी पाणातिवातः ततोवि अप्पडिविरता । एवं मुसावाते कूडसक्खियादी तेने सहवास तेनादी, न्यायापहार इत्थीबालतेनादी वा । मेहुणे अगम्मगमणादि । परिग्गहे जोणिपोसगादि । सव्वातो कोहातो जाव मिच्छादंसणसल्लातो । सव्वतो ण्हानुमद्दण कामं पुव्वं अम्मगमनादि । परिग्गहे जोणिपोसगादि । सव्वातो कोहातो जाव मिच्छादंसणसल्लातो । सव्वतो ण्हानुमद्दण कामं पुव्वं अब्भंगितो अनब्भंगितो वा उम्मदिज्जति पच्छ ण्हाति तहावि सव्वतो ण्हानुमद्दणं, कोइ पुन अनब्भंगितो वि निद्धेण उम्मद्दणएण उम्मदिज्जति, तेन अब्भंगणं गहितं । वन्नतो कुंकुमादिविलेवणचंदनादि सद्दादी पंचविसया तेहिंतो अप्पडिविरता । मल्लं गुच्छं अगुच्छं वा एस चेव अलंकारो अन्नोवि वत्थलंकारादि । सव्वातो आरंभसमारंभातो त्ति-विभासा-संकप्पोसरंभो परितापकरो भवे समारंभो । आरंभो उद्दवओ सव्वनयाणं विसुद्धाणं ॥

सव्वातो करणं एतेसिं चेव जधुद्धिद्धाणं पाणाति वातादीण अन्नेसि सावज्जाणं कारावणमन्नहि, इस्सरादीणं पयण पयायणं च, चोरा सयं पयंति मंसादी, इस्सरा अन्नेहि पाएति मीरासु य चोरे पाइंति सव्वतो कुट्टणं कोइ चोरं अहिंमरं वा नातुं पलं कोट्टेति पिट्टेति य चिंचलता कसवेत्तलउडादीहिं तज्जेति । तालिंति पादादीहिं तालिंति । तलप्पहारा खीलपण्हमादिएहिं वधो मारेति वा । निगलादीएहिं बंधंति । एतेहिं चेव परिकिलेसं करेति । अन्नेहि य करडंडादीहिं किलेसेति परं । जेयावन्ने तहप्पगारा कित्तिया वुच्चिंहिति ? । गोग्गहणबंदिग्रहण उद्दोहणगामवहगामधातमहासमरसंगमादी सावज्जा अबोधिकरा कम्मयोगा कम्मत्ता इध परत्र च परेषां प्राणाः आयुः प्राणादि परेषां प्राणान् परितावेति

६ष्टान्तः - क्रियते निर्दयत्वात्तेषां । से जधा नामए केति पुरिसे कलम-सूरकलावट्टचणगाम-सूराचणइयातो तिलमुग्गमासा प्रतीता निष्पावा वल्ला कुलत्था चवलय सरिसा चिप्पिडया भवन्ति । आलिसिंदगा चवल्या, सेतीणा-तुवरी, पलिमंथा कालचणगा एते लुणंतो वा मलंतो वा पीसंतो वा मुसलेणं वा उक्खले खंडिंतो वा रंधंतो वा न तेसु दयं करेति । अजतणातो अजतो क्रूरो निर्घृणः मिच्छादंड इति, अनवरद्धकूद्धः एवामेव तहप्पगारे तित्तिरादिसु निरवेक्खो निर्दयो मिच्छादंडं

पयुजति । जा वितसे-तत्थ बाहिरिया परिसा भवति तं जधा दासेति वा पेस्सो अदासो दासवत् तेसु तेसु नियुजति पेस्से । उलगादिभंतओ-भतीए धेष्यति । भाइल्लगो भागहालितो, कम्माकारगा जे लोणं उवजीवंति धरकम्पाणियवाहागादीहिं, तेवि राउले वेड्डिं कारिज्जति । तेसिं पियणं अन्नतरंसि लहुसगा काये आनत्तियाण कता । तत्थ रुद्धो गुरुं अज्झबाह्वं इमं डंडेह कंठं, प्रायो न नियलबंधो हडिबंधणो य विना विचारए न कीरति । जधा-मालवए दासो वा मा पलायहिति जूयामं कुणपि-सुगादीहिं जत्थ बद्धो वारिज्जति सो पुन चारउ । अन्ने पुन चारए छोदुं नियलेहिं दोहिं तीहिं वा सत्तहिं वा नियलजोगेहिं बज्जति । संकोडियमोडितो नामा जो हत्थेसु य पादेसु य गलएसु य बज्जति चारए । अन्नत्थ वा सो नियलजुयलसंकोडितमोडिओ इमं हत्थं-च्छिन्नयं करेह-एक्को वा दो वा हत्था छिज्जति । एवं पादावि चोरादीणं, कन्न न कोट्टादि चारियदूताणं विरुद्धरज्जचारीण य इत्थियाणं च सीसं । अभिमरवेरियाणमुरवो मज्जे छिज्जति । असिमादीहिं वि अच्छतो खंधे आहंतु बंधसुत्तएणवि छिज्जति, जीवंतस्स चेव हि तयं उप्पाडेति, पुरोहितादी जाव जिब्भा उलंविज्जति । कूवे पव्वतणदितडिमादिसु वा उल्लविज्जति । रुक्खे जीवंतो मारेतुं वा । सूलाइतउत्ति-सूलाए पोइज्जति । अहिट्टाणे सूलं छोदुं मुहेण निक्कालिज्जति, मूलाभिन्नो, मज्जे सूलाए भिज्जति । खाखत्तियंति सत्थेण कप्पंतुं २ लोणखारादिहिं सिंचति । बंधवत्ति बंधा अपि कप्पिज्जति पारदारिया ।

सीहपुच्छियंति-सीहो सीहीए तावं समं लग्गतो अच्छति जाव धामियाणं दोन्नवि कण्हवि कट्टाणं च्छिन्नणेत्तो भवति । एवं तस्स पुत्तयाच्छेतुं अप्पणए मुहे छुब्भंति । कडग्गिहट्टगा-कडएण वेदितुं पच्छा पलीविज्जति । कागिणिमंसं खावितया कागिणिमित्ताइं मंसाइं कप्पेतुं कप्पेतुं खाविज्जति । अन्नतरेणंति -जे अत्रेण भणिता सुणगकुंभिपागादी । कुत्सिता मारा कुमारा । एवं ताव बाहिर-परिसाए दंडं करेति । जा बिया से अब्भितरा परिसा भवति तंजधा-माताति वा । तेसिं पि य णं अधालहुसगोत्ति वयणं वा णं कयं उवक्खरो वा कोपि नासितो हरावितो भिन्नो वा । सीतोदगंसि कायं उबोलित्ता भवति हेमंतरातीसु, उसिणोदगवियडेण वा कायं ओसिंचित्ता भवत्ति गिन्हासु । वियडग्रहणात् उसिणतेल्लेण वा उसिणकंजिएण वा अगनिक्काएण वा कायं ओम्मुएण वा तत्तलेहेण वा कायउड्डहित्ता भवति, कडएण वा वेदेतुं पलीवेति, सो चेव कडग्गित्ति भन्नइ । प्राह हि शस्त्रेण वा केश्वामायया विशेषेण गोविंदकडाग्निना वा छिवत्ति सण्हतो कसो सेसं कंठं । उद्दालेत्तिति बंधाई लंबावेति डंडेत्ति-लड्डओ अट्टित्ति-कोप्परं तेन खीलं देति, अंगुट्टंगुलितलसंधातो मुट्ठी, लेलूलेट्टूगा लोलावयति प्रहारेणेत्तिं लेलूकपाडं बंसकप्पडं अत्यर्थं कुट्टयतीति । आउंडेत्ति तहप्पगारे पुरिसे सवमाणे दुहिता भवंति, माजरि मूषिकवत्, विप्पवसमाणे-सुहिता भवंति । तत एव यथा माजरि प्रवसिते मूषिका वीसत्था सुहंसुहेण विहरंति । एवं तंमि पवसिते वीसत्था घरेच्चया पाडवेसिया वा नागरगा गामिल्लगा वा सव्वो वा जणवतो वीसत्थो स्वकर्मानुष्ठायी भवति । तहप्पगारे पुरिसे डेंडेनामृषयतीति डंडमासी, लोगो वि भणति-अमुगो वरातो रायकुले छिन्नो डंडित इत्यर्थः । डंगुरुएत्ति-बंधति वा रुंभति वा, सव्वस्स हरणं वा करेति, हत्थच्छिन्नगादि वा करेति निव्विसयं वा । डंडपुरेक्खडेत्ति-डंडं पुरस्कृत्य राया अयोइल्लए द्ढवेति । आयोइल्लगावि डंडमेव पुरस्कृत्य करणे निर्वेसंति अप्पणो चेव अहितं । अरिंसलोगंसि कहां ? उच्च्यते-किंचि डंडेत्ति, सोणं मारेति, अथवा पुत्तं अन्नं वा । सेणीएल्लगं मारेति वा अथवा पुत्र अन्नं वा सेणीएल्लगं मारिती वा अवहरति वा ।

अन्नं वा से किंचि अप्पितं करोति घरे वा डहति । सस्सं वा चउप्पदं वा से किंचि गोंणं वा आसं वा महिसं वा धूरेति अपहरति वा ।

अहिते परलोगंसि-एवमादिएहिं पावेहिं कम्मेहिं सुबहुं पावकम्मकलिकलुसं समज्जिणित्ता नरगतिरिक्खजोणिएसु बहुं कालं सारीरमानुसानि दुक्खानि पच्चनुभवन्ति । संजलणेत्ति-भस्मावस्थाया न्यूनयोगादेव सोवि लहुसएवि अवराधे खणे खणे संजलन्तीति संजलणो, परं च संजलयति दुक्खसमुत्थेण रोसेण संजलण एव कोहणो वुच्चति । एगट्टिया दोवि, परं च अवकार-समुत्थेण दुक्खप्पातेण कोपयति । एवं ता उरं उरेण सयं करोति कारवेति वा । अन्नो पुन सयं असमत्थो रुद्धोवि संतो परस्स दुक्खं उप्पाएउं पच्छा सो राउले वा अन्नत्थ वा तस्स पिड्डीमंसं खायति चोपयतीत्यर्थः । पिड्डीमंसं खायतीति पिड्ढमंसितो । एवं ताव आधालहुसए अवराहे एरिसं डंडं वत्तेति । महंते अवराहे दारुणं डंडं वत्तेति । कथं ? सपुत्तदारस्स च यथोक्तानि दंडस्थानानि सीतोदकादीनि अतिरोसेन सयं करेति वा कारवेइ वा सो दुक्खावेति जाव अपडिवरिते भवति । स पुन किं एवं करोति ? कामवसगते - कामफरिसादिनो फरिससारा य, ते य इत्थिमादिनो तत उच्यते एवामेव ते इत्थिकामेहिं मुच्छिता जाव वासाइं भुंजितुं भोगायतणाइं पसवेतुं वेराणमातणणं कम्मं चेव पहूणि अट्ठकम्माणि सुबहुकालद्वितीयाणि ओसन्नन्ति-अनेगसो एक्केकं पावायतणं हिंसादि आयरन्ति । संभारो नाम गरुयत्तणं गहितं, से जहा नामतो अयोहि पात्रीकृतं तरति । सिलाविच्छिन्न-त्तणेण चिरस्स निबुड्ढति, गोलतो पुन खिप्पन्ति बुड्ढति । एवामेव तहप्पगारे वज्रबहुले जेसिं च ताइं बंधनहारणकन्नच्छेदमारणादीणि करोति तेसिं अपत्तियं होति । कालमासे निच्चंधकारः नित्यकाल-मेवान्धकारः । अन्नोवि नाम अंधकारो भवति अप्पगासेसु गब्भघरोवरगादिसु ते पुन जच्चंधस्स व मेहछन्नकालद्धरत्त इव तमसा, उज्जोतकराभावाच्च तमसा । ते चोज्जोतकरा ज्योतिष्का येनोच्यन्ते । वयगयगहचंदपरोप्परं च छिंदंताणं सरीरावयवेहिं मेदवसा काउण अगनिलोहे धम्ममाणे कालिया अग्गिजालाणीति, तारिसो तेसिं वन्नो फासो य उसिणवेदनाणं कक्खडफासा से जध नामते असिपत्तेति वा दुक्खं अधियासिज्जन्ति । दुरहियासा असुभा नरगा, असुभा दरिससणेन सद्देण गंधेण फरिसणेन य वेदनातोवि असुभातो, नो चेवणं निद्दायन्ति वा, निद्दा सुहितस्स होति, निद्दा य विस्सामणा इति कृत्वा, तेन नत्थि तं उज्जलं जाव वदति एस ताव अयगोलसिलोगो दिट्ठंतो गुरुगपडणत्तातो कतो । इमो अन्नो रुक्खदिट्ठंतो-सो सिग्घपडनत्थ कीरति सेजधा नामते रुक्खे सिया पच्चग्गे जाते । एवामेव सिग्घं कालमासे नरएसु उववज्जति । ततो ओवट्ठो गब्भवक्कंति-य-तिरिएसु य मनुएसु कम्मभूमगसंखेज्जवासाउएसु उववज्जति ततो चुते गब्भतो गब्भं जाव नरगातो नरगं दाहिणगामिए जाव दुल्लभबोहिएयावि भवति । किरियावादीयावि भवति ।

मू (३६) से किं तं किरियावादी यावि भवति तं-आहियवादी आहियपत्रे आहियदिट्ठी सम्भावादी नीयावादी संतिपरलोगवादी अत्थि इहलगे अत्थि परलगे अत्थि माता अत्थि पिता अत्थि अरहंता अत्थि चक्रवट्ठी अत्थि बलदेवा अत्थि वासुदेवा अत्थि सुक्कडदुक्कडाणं फलवित्तिविसेसे सुचित्रा कम्मा सुचित्रफला भवन्ति, दुचित्रा कम्मा दुचित्रफला, भवन्ति सफले कल्लाण पावए पच्चायन्ति जीवा अत्थि निरया अत्थि सिद्धी से एवं वादी एवं पत्रे एवं दिट्ठीच्छंदराग मतिनिविट्ठे आवि भवति से भवति महिच्छे जाव उत्तरगामिए नेरइये सुक्कपक्खिते आगमेस्साणं सुलभबोधिएयावि

भवति, सेतं किरियावादी ।

चू. आहियवादी एवं चेव अख्यि तेन भाणितव्यं जाव सेयं भवति। महिच्छे जधा अकिरियवादिस्स नवरं उत्तरगामिए सुक्कपाक्खिए आगामिस्सेणं सुलभबोहिए आवि भवति

मू. (३७) सव्वधम्मरुइयावि भवति तस्स णं बहुइं सीलगुणव्वतवेरमणपच्चक्खाणपोसहोव-
वासाइं, नो सम्मं पड्विताइं भवंति सेणं सामाइयं देसावकासियं नो सम्मं पड्वितपुव्वाइं भवति,
पढमा उवासगपडिमा ॥

चू. सव्वधम्मरुइयावि भवति । धर्मः स्वभाव इत्यनर्थान्तरं जीवाजीवयोर्यस्य द्रव्यस्य गतिस्थित्यवगाहनादि अथवा सर्वधर्मा आज्ञाग्राह्याहेतु-ग्राह्याश्च ते रोचति-सद्गति । दसप्पगारो वा खमादिसमणधम्मो तस्स णं बहूणिसीलव्वया-सीलं सामाइयं देसावगासियं पोसधोववासो अधासंविभागो या वेताणि पंचानुव्वताणि । गुणा इति तिन्नि गुणव्वया । पोसहो चउव्विहो-
आहारपोसधो, सारीरसक्कारपोसहो, अव्वावारपोसहो, बंभचेरपोसहो । नो सम्मं पड्वित्ताइं-
नोकारो पडिसेहैतो सम्मं यथोक्तं पड्वित्तइंति प्रस्थापितानि आत्मनि, यथा प्रतिमा प्रस्थापिता देवकुले प्रतिपत्तिः प्रतिमाणं वा पडिमा दंसणसावगोत्ति पढमापडिमा ॥

मू. (३८) अहावरा दोच्चा उवासगपडिमा-सव्वधम्मरुइआवि भवति तस्स णं बहुइं सीलव्वय-
गुणव्वय वेरमणपच्चक्खाणपोसहोववासो सम्मं पड्विताइं भवंति से णं सामाइयं देसावकासियं
नो सम्मं अनुपालित्ता भवति दोच्चा उवासगपडिमा ॥

चू. अथावरं दोच्चा अथेत्यानन्तर्यो । अपरा अन्या सामाइयं देसावगासियं नो सम्मे यथोक्तं न सक्केति काएणं तिविधेनावि करणेन । काएण दुक्खं अनुपालिज्जंति । तेन कायग्गहणं दोच्चा पडिमा ॥

मू. (३९) अहावरा तच्चा उवासग-पडिमा-सव्वधम्मरुइयावि भवति, तस्सणं बहुइं सीलवय-
गुणवेरमणपच्चक्खाणपोसहोववासो सम्मं पड्विवियाइं भवंति, सेणं सामाइयं देसावगासियं सम्मं
अनुपालित्ता भवति, सेणं चउदसि अट्टमि उद्विपुन्नमासिणीसु पडिपुत्रं पोसहोववासं नो सम्मं
अनुपालित्ता भवति, तच्चा उवासग-पडिमा ॥

चू. चउदसी अट्टमी उद्विडा-अमावासा पडिपुन्नं आहारादी ४ तच्चा पडिमा ।

मू. (४०) अहावरा चउत्था उवासग-पडिमा-सव्वधम्मरुइयावि भवइ तस्स णं बहुइं सीलवय-
गुणवेरमणपच्चक्खाणपोसहोववासो सम्मं पड्विवियाइं भवति से णं सामाइयं देसावगासियं सम्मं
अनुपालित्ता भवइ, सेणं चउदसि जाव सम्मं अनुपालित्ता भवइं सेणं एगराइयं उवासगपडिमं नो
सम्मं अनुपालेत्ता भवइ चउत्था उवासग-पडिमा ।

चू. जद्विवसं उववासो तद्विवसं रत्तिं पडिमं पडिवज्जति । तं णं सक्केति चउत्थी पडिमा ।

मू. (४१) अहावरा पंचमा उवासग-पडिमा, सव्वधम्मरुइयावि भवति तस्स णं बहुइं सील
जाव सम्मं पडिलेहियाइं भवति, सेणं सामाइयं तहेव सेणं चउदसि तहेव सेणं एगराइतं उवासगपडिमं
सम्मं अनुपालेत्ता भवति सेणं असिणाणए वियडभोई मउलिकडे दिया बंभयारी रत्ति-परिमाण
कडे, सेणं एयारूवेण विहारेण विहरमाणे जहन्नेन एगाहं वा दुयाहं वा दियाहं वा उक्कोसे णं
पंचमासं विहरइ पंचमा उवासग-पडिमा ।

चू पडिमं अनुपालेति अण्णानएण ण्हाति पंचमासे वियडभोयी, प्रकाशभोई दिवसतो भुंजति न रात्रौ, पंचवि मासे मउलिकडो-साडगस्स दोवि अंचलातो हेड्डा करेति । कच्छं णं बंधति जाव पडिमा पंचमासिया न सम्पति । ताव दिवसतो बंधचारी रत्ति परिमाणं करेति एवं दो तिन्नि वा अपोसधिओ पोसधितो रत्तिपि बंधयारी सेत्ति निद्वेसे जा हिड्डा भणितो इधग्लक्षणेण एतारूवेण अह दिवसो कंहं ? एगोहं सयं पडिवन्नो कालगतो व संजमं वा गेण्हेज्जा, एतेनेगाहं वा दुआहं वा । इतरथा संपुन्ना पंचमासा अनुपालेतव्वा । एवं जधा भणिता । एसत्ति पंचमासिया । अधासुत्ता-जहा सुते भणिता कप्पोत्ति-मज्जातो यथा तथ्यो मग्गो-नाणादी ३ जधा मग्गो न विराहिज्जति, नाणादी सम्मं, अट्टुहट्टाणि न चिंतेइ, स्पृष्ट्या-पासिता, पालिता रक्खिता, सोभिता-न भग्गा, तीरिता-अंतं नीता, किट्टिता-कीर्तिता, आयरियाणं कथिता, आराहिता न विराहिता, आणासुत-तदुपदेसेण अन्नेहिं पालितं-पालेति अनुपालेति भवति पंचमा पडिमा ।

मू (४२) अहावरा छट्टा उवासग-पडिमा, सव्वधम्म जाव सेणं एगराइयं वासगपडिममनुपालेत्ता भवति सेणं असिणाणए वियडभोई मउलियडे रातोवरातं बंधचारि सचित्ताहारे से अपरिन्नाते भवति से णं एतारूवेण विहारेण विहरमाणे जाव जहन्नेण एगाहं वा दुयाहं वा तियाहं वा उक्कोसेणं छम्मासे विहरेज्जा, छट्टा उवासगपडिमा ॥

चू राउपरारत्ति-रत्तिदिया य, रत्तीए उपरमो दिवसे सच्चित्तं उदगं कंदादिवा अपरिन्नाता अपच्चक्खाता आधारेति अपोसधितो छट्टा पडिमा ।

मू (४३) अहावरा सत्तमा उवासग-पडिमा-से सव्वधम्म जाव रातोवरातं बंधचारी सचित्ताहारे से परिन्नाते भवति आरंभे अपरिन्नाते भवति सेणं एतारूवेण विहारेणं विहरमाणे जहन्नेण एगाहं वा दुयाहं वा तियाहं वा उक्कोसेणं सत्तमासे विहरेज्जा सत्तमा उवासग-पडिमा ॥

चू आरंभं करणकारावणे वाणिज्जादि जं से कम्मं तं करेति सयं परेण वि कारवेति अनुमोदेति वि अपोसाधिउ पोसहे अनुमोदति केवलं सचित्तं नाहारेति उदगूफलादि, सत्तमा पडिमा

मू (४४) अहावरा अट्टमा उवासग-पडिमा-सव्वधम्मरुचियावि भवति जाव जाव आओवरायं बंधचारी सचित्तआरंभे से परिन्नाए भवति, पेस्सारंभे से अपरिन्नाए भवंति से एयारूवेण विहारेण विहरमाणे जाव एगाहं वा दुयाहं वा तियाहं वा उक्कोसेणं अट्टमासे विहरेज्जा अट्टमा पडिमा ।

चू आरंभं सयं न करेति किसिवाणिज्जादि । पेस्सा-भतगा तेहिं कारवेति, पेसग्गहणा संतं न करेति तेहिं कारवेति अट्टमा पडिमा ।

मू (४५) अहावरा नवमा उवासग-पडिमा जाव आरंभे से वा परिन्नाए भवति पेस्सारंभे से परिन्नाए भवति उद्विड्ढभत्ते से अपरिन्नाते भवति सेणं एतारूवेण विहारेण विहरमाणे जहन्नेण एगाहं वा दुयाहं वा तियाहं वा उक्कोसेणं नवमासे विहरेज्जा नवमा उवासगपडिमा ॥

चू नवमासियाए अप्पणा परेण वि न करेति न कारवेति वि जं पुन तं निमित्तं कोइ उवक्खडेइ तं भुंजति नवमा पडिमा ।

मू (४६) अहावरा दसमा उवासग-पडिमा सव्वधम्म जाव पेस्सा से परिन्नाया भवंति उद्विड्ढभत्ते से परिन्नाते भवति सेणं खुरमुंडए वा छिधलिधारए वा तस्स नं अभिट्टस्स वा समाभट्टस्स वा कप्पंति दुवे भासातो भासित्तए तंजधा-जाणं अजाणं वा नोजाणं से एयारूवेण विहारेण विहरमाणे

जहन्नेन एगाहं वा दुयाहं वा तियाहं वा उक्कोसेणं दस मासे विहरेज्जा दसमा उवासगपडिमा ॥

चू दसमाए उद्धिद्धभत्तंपि न भुंजति सगिहे चेव अच्छति, तहिं अच्छंतो खुरमुंडतो छिहलि वा धरेमाणे छिहलीधरो, जधा परिव्वायगाण, अभिद्धो एकंसि समामद्धो पुनो पुनो, परितामद्धो वा, तेन किंचि दव्वाजातं निक्खतंगंतं च से पुत्तादी न जाणंति सामाइवा उसे ताधे पुच्छंति कहिं कतं तं दवित्तं ?, जदि न कहेति, अंतरादियदोसा अचियत्तं च तेसिं, संकादि या तेसिं, नूनं एस गिण्हतुं कामो खइत्तं चणेन, तम्हा जति जाणति तो कहेति, अध न याणति, तो भणति अहंपि न याणामि । एताउ दो भासातो दसमा पडिमा ।

मू (४७) अहावरा एक्कारसमा उवासग पडिमा-सव्वधम्म जाव उद्धिद्धभत्ते से परिन्नाते भवति से खुरमुंडे वा लुत्तसिरए वा गहितायारभण्डगनेवत्थे जइ मे समणाणं निग्गंधाणं धम्मो तं सम्मं काएण फासेमाणे पालेमाणे पुरतो जुगमायाए पेहमाणे दडूण तसे पाणे उद्धड्डमाए रीयेज्जा साहड्ड पाए रीएज्जा वितिरिच्छं वा पायं कट्टु रीयेज्जा सति परक्कमे संजयामव परिक्रमेज्जा नो उज्जुयं गच्छेज्जा केवलं से नातए पेज्जबंधणे अव्वोच्छिन्ने भवति एवं से कप्पति नायविधिं वत्तए, तत्थ से पुव्वगमणेणं पुव्वाउत्ते चाउलोदणे पच्छाउत्ते भिलंगसूवे, कप्पति से चाउलोदणे पडिगाहित्तए नो से कप्पति भिलंगसूवे पडिगाहित्तए, जे से तत्थ पुव्वागमणेण पुव्वाउत्ते भिलंगसूवे पच्छाउत्ते चाउलोदणे कप्पति से भिलंगसूवे पडिगाहेत्तए नो से कप्पति चाउलोदणे पडिगाहित्तए तत्थ से पुव्वागमणेण दोवि पुव्वाउत्ताइं कप्पति से दोवि पडिगाहित्तए तत्थ से पच्छागमणेणं दोवि पच्छाउत्ताइं नो से कप्पति दोवि पडिगाहित्तए जे से तत्थ पुव्वागमणेण पच्छाउत्तं से नो कप्पति पडिगाहित्तए ॥

तस्स णं गाहावइ-कुलं पिंडवायपडियाए अनुप्पविट्ठस्स कप्पति एवं वदित्तए समणोवासगस्स पडिमापडिवन्नस्स भिक्खं दलयह तं चेव एयारूवेण विहारेण विहरमाणे णं कोइ पासित्तां वदिज्जा “केइ आउसो तुमं वत्तव्वं सिया, समणोवासए पडिमापडिवन्नए अहमंसीति” वत्तव्वं सिया । से णं एयारूवेण विहारेण विहरमाणे जहन्नेन एगाहं वा दुयाहं वा तियाहं वा उक्कोसेणं एक्कारस मासे विहरेज्जा । एक्कारसमा उवासग-पडिमा ॥

एयाओ खलु ताओ थेरेहिं भगवंतेहिं एक्कारस उवासगपडिमाओ पन्त्ताउ तिबेमि ।

चू एक्कारसमीए गिहातो निक्खमति सेणं खुरमुंडए वा लुत्तसिरजो लोतो कतो सरे जायंति शिरजा केशा इत्यर्थः । गहितायारभंडगे-गहितं आयारभंडगं साधुलिंगं-रयोहरणपात्रादि, विभासा नेवत्थं साधुरुवसरिसं तेसिं, जेइमे समणाणं धम्मं तारिसं धम्मं अनुपालेमाणा विहरंता रियासमितीए उवयुत्ता पुरतो जुगमात्रं आदायं गृहीत्वा रीयंति विहरंति, दडूण चक्खूसूसा तसा-वेइंदियादी पाणा । किं ? तेसिं मज्जेणं जाति, नेत्युच्यते-उद्धड्डु-ओक्खिवित्ता साहेड्डु-साहरित्ता वितिरिच्छं तिरिच्छं करेति । सतित्ति-जति अन्नो मग्गो विज्जति । संजतेत्ति जतणाए उवउत्तो रियासमितीए परक्कमेज्ज-गच्छेज्जा । अविज्जमाणे वा तेने वा जतणाए गच्छति । अधवा सति परक्कमे संते उड्डणकम्म-वलविरियपरक्कमे परिहारेण गच्छति जतणाए उवउत्तो रियासमितीए, अन्ने वा सपरक्कमो पंथो नत्थि तेना वा सावताणि वा सीहादीणि । सव्वं तेन परिचत्तं । केवलंति-तदेवेगं सन्नायगा मायादी पेज्जबंधणं राग इत्यर्थः । ताहे नाय-विधिएति-तस्स णं तत्था गमनेनं पुव्वाउत्ते विभासा सो भिक्खं हिडंतो न धम्मलाभेत्ति । तस्स णं गाधावति एवं वदति समणोपासयस्स पडिमा कंठा एतारूवेण

एतप्पगारेणं रुवसद्दो लक्खणत्थो । केचित्ति इत्थी वा पुरिसो वा पासित्ता पेक्खित्ता कस्त्वं किं
ब्रवीति वा ब्रवीति-समणोपासगोऽहं किं तुमंति जं भणध पडिमापडिवन्नोहमिति उपदर्शने।

दसा-६-समाप्ता

मुनि दीपरत्नसागरेण संशोधिता सम्पादिता दशाश्रुतस्कन्धे षष्ठीदशायाः
भद्रबाहुस्वामि रचिता नियुक्ति एवं जिनदास महत्तर रचिता चूर्णः परिसमाप्ता

दसा-७-भिक्षुप्रतिमा

चू. भिक्षू पडिमाण दारा ४ । अधिकारो उवधानेन । जतो आह-
नि. [४७] भिक्षूणं उवहाणे पगयं तत्थ व हवन्ति निक्खेवा ।
तित्रि य पुव्वुद्धिद्धा पगयं पुन भिक्षुपडिमाए ॥

चू. पगयं अधिगारो नामनिष्फन्ने, भिक्षू पडिमा य दुपयं नाम, भिक्षू वन्नेयव्वो पडिमा य।
तत्थ भिक्षु त्ति तस्सि भिक्षुंमि पडिमासु य निक्खेवो नामादी ४ दोसुवि तित्रि नामद्ववणादव्व-
भिक्षू य पुव्वुद्धिद्धा, स भिक्षूए अधिगारो-भावभिक्षूए अधिगारो । भावभिक्षुणो तस्स वि
पडिमासु तासि नामादितित्रि पुव्ववन्तिता उवासगपडिमासु । पगतं अधिगारो भावपडिमाए सा
च भावपडिमा पंचविधा, तं जधा-समाधि० गाथा -

नि. [४८] समाहिओवहाणे य विवेकपडिमाइ य ।
पदिसंलीणा य तहा एगविहारे य पंचमीया ॥

चू. समाधिपडिमा, उवधानपडिमा, विवेगपडिमा, पडिसंलीनपडिमा, एगविधारपडिमा ।
समाधिपडिमा द्विविधा-सुत्त-समाधिपडिमा चरित्तसमाधिपडिमा य, दर्शनं तदन्तर्गतमेव ।
सुत्तसमाधिपडिमा । छावट्ठिं कहिं ? उच्चते-आयारे० गाथा -

नि. [४९] आयारे बायाला पडिमा सोलस य वत्रिया ठाणे ।
चत्तारि अववहारे मोए दो दो चंदपडिमाओ ॥

चू. आयारे बातालीसं कहं ? आयारग्गेहिं सत्तत्तीसं, बंधचेरेहिं पंच एवं बातालीसं आयारे,
ट्ठाणे सोलस विभासितव्वा, ववहारे चत्तारि, दो मोयपडिमाता खुड्डिगा महल्लिगा य मोयापडिमा,
दो चंदपडिमा-जवमज्झा वडरमज्झा य । एवं एता सुयसमाधिपडिमा छावट्ठि ।

नि. [५०] एवं च सुयसमाधिपडिमा छावट्ठिया य पन्नत्ता ।
समाईयमाईया चारित्तसमाहिपडिमाओ ॥

चू. इमा पंच चारित्तसमाहिपडिमातो तं जधा-सामाइय चरित्तसमाधि पडिमा जाव अधक्खात-
चरित्तसमाधिपडिमा । उवहान पडिमा दुविधा-

नि. [५१] भिक्षूणं उवहाणे उवासगाणं च वत्रिया सुत्ते ।
गणकोवाइ विवेगो सब्भितरबाहियो दुविहो ॥

चू. भिक्षूणं उवहाणे बारसपडिमा सुत्ते वत्रिजंति । उवासगाणं एक्कारस सुत्ते वन्निता विवेगा
पडिमा एक्का सा पुन कोहादि, आदिग्रहणात् सरीरउवधिसंसारविवेगा । सा समासतो दुविधा
अब्भितरगा बाहिरा य । अब्भितरिया कोधादीणं । आदिग्रहणात् मानमायालोभकम्मसंसारण

य । बाहिरिया गणसीरभक्तपाणस्स य अनेसणिज्जस्स । पडिसंलीणपडिमा चउत्था । सा एक्का चेव । सा पुन समासेण दुविधा-इंदियपडिसंलीणपडिमा य नोइंदियपडिसंलीणपडिमा य । इंदियसंलीण-पडिमा पंचविधा-

नि. [५२] सोइंदियमादीआ पदिसंलीणया चउत्थिया दुविहा ।

अट्टगुणसमग्गस्स य एगविहारिस्स पंचमिया ॥

चू. सोतिंदियविसयपयारणिसेहो वा सोतिंदियपजुत्तेसु वा अत्थेसु रागद्वोसणिग्गहो । एवं पंचणहवि । नोइंदियपडिसंलीणता तिविधा-जोगपडिसंलीणता कसायपडिसंलीणता विचित्तसयणा-सनसेवणता जधा पन्नतीए । अहवा अब्भितरिया बाहरिगा य । एगविहारिस्स एगा चेव सा य कस्स ? कप्पति आयरिस्स अट्टगुणोववेतस्स अट्टगुणा आयारसंपदादी समग्रो उववेतो किं सव्वस्से व नेत्थुच्यते-जो सो अतिसेसं गुणेति विज्जादि पव्वेसु । उक्तं च- अंतो उवस्सगस्स एगरातं वा दुरातं वा निरातं वा वसभस्स वा गीतत्थस्स विज्जादिनिमित्तं । एवं छन्नउत्तिं सव्वंगेन भावपडिमा । एवं परव्वितासु अधियारो भावपडिमासु । तत्थवि उवधानपडिमासु तत्थवि भिक्खु उवधानपडिमासु अधिगारो, सेसा उच्चारियसरिच्छा । स केरिसो पडिवज्जति ताओ । उच्यते -

नि. [५३] दढसम्मत्तचरित्ते मेधावि बहुस्सुए य अयले य ।

अरइरइसहे दविए खंता भयभेरवाणं च ॥

चू. दढो नाम निस्संकितादि, सइंदएहिंवि देवेहिं न सक्कति सम्मत्तातो चालेतुं, एवं चरित्तेवि । परिपठ्यते च-पढमं सम्मत्तं पडिवज्जति पच्छा चरित्तणाणो । मेहावी-तिविधो उग्गहधारणामेरामेधावी य, जताय बहुस्सुतो जाव दसपुव्वा असंपुन्ना जहन्नेण नवमस्स पुव्वस्स ततियमायारवत्थुं कालन्नाणं तत्थ वन्निज्जति । अचलोत्ति-थिरो नाणादिसु ३ थिरचित्तो, न य भज्जति अरतिरतीहिं अनुलोभेहिं पडिलोभेहिं य उवसग्गेहिं । दव्विउत्ति-रागद्वोसरहितोः हम्मंतो अक्कुस्संतो य सहति खमति य भयभेरवं, अहवा किंचि भयं न भेरवां अकस्माद्भयादि, भेरवं-सीहादिजति य इमेहिं गुणेहिं उववेतो ।

नि. [५४] परिचिअकालमंतणखामणतवसंजमे अ संघयणे ।

भत्तो बहिनिकखेवे आवन्ने लाभगमने य ॥

चू. परिचित्तं-अप्पाणं परिक्रमेहिंति,

तवेण सत्तेण सुत्तेण एगत्तेण बलेण य । तुलणा पंचधा वृत्ता पडिमं पडिवज्जंतो ॥

चउत्थ-भत्तेहिं जतितुं छट्ठेहिं अट्टमेहिं दसमेहिं बारसमेहिं चोद्दसमेहिं धीरा धितिमं तुलेतव्वं ।

जह सीहो तह साहू गिरिणदिसीहो तहो वमो साधू ।

वेयावच्चकिलंतो, अभिन्नरोमो य आयासे । दारं ॥

पढमा उवस्सयंमि, वितिया बहिं, ततीया चउक्कम्मि ।

सुन्नधरंमि चउत्थी, तह पंचमिया मसाणंमि । दारं ॥

उक्कयितो दविताइं सुत्ताति करेति जा तु सव्वाइं ।

मुहुत्तद्धपोरिसीए दिने य काले अहोरत्ता ॥

अन्नो देहातो अहं नाणत्तं जस्स एवमुवलद्धं ।

सो किंचि आहिरिक्क न कणति देहस्स भंगेवि ॥

आहिरिकं-प्रतीकारं दारं

एमेव य देहबलं अभिक्खमासेवणाए तं होति ।
 लंखगमल्ले उवमा आसकिसोरेव जोग्गविते ॥ दारं ।
 पज्जोतमंति-खंडकन्नसाहस्सिमल्लपारिच्छा ।
 महकालपलसुरघडातालपिसाए करे मंस ॥
 न किलमति दीहेन वि तवेन तासितोवि बीहेति
 छन्नेवि द्वितो बलं साहति पुट्ठो अवि कहतु
 पुरपच्छसंथुतेसु न सज्जते दिट्ठिरागमादीसु ॥
 दिट्ठीमुहवन्नेहि य अज्जत्थववं समूहत्ति
 उभयो किसो किसदढो दढकिसो यावि दोहिंवि दढो य ।
 बिंति य चरिमो य पसत्था धित्तिदेहसमास्सिता भंगा ।
 सुत्तत्थस्सरियसारा कालं सुतेण सुद्धं नाऊणं ।
 परिजितपरिक्कमेण य सुद्ध तुलेऊण अप्पाणं ।

ततो पडिवज्जति परिजितंति गतं ॥ कालेत्ति-सरयकाले पडिवज्जति अमवेत्ता वा कालं जाणंति
 सुत्तादिना गणं आमंतेऊण खामेति । तवेविजो जहिं जोग्गो छट्ठट्ठमादि जाव सत्तमासावि, संजमे
 थिरो पडिलेहणपप्फोडणादीसु, पढमबितिएसु वा संजमेसु, संघयणे-पढमबितियततिएसु, भत्तं
 अलेवाडं अधाकडएणं उवधिणा परिक्कमं करेति । पच्छा अन्नं अप्पणिहियादि दोहि एसणाहि
 उप्पाएंति । निक्खेवो-जति आयरितो इत्तिरियं गणनिक्खेवं करेति । उवज्जाओ उवज्जायत्तं
 जाव गणावच्छेइतो गणावच्छेइयत्तं निक्खवति । जलादिसु वा उवधिं न निक्खवति जहिं से
 सुरो अत्थमेत्ति । मनसावन्नेवि से अनुग्घाता । लभे सचित्ते न पव्वावेत्ति उपदेसं पुन देति, जो
 सेक्खेत्तंतो आसन्ना साधू तेहिं विसज्जेति जहिं वा नित्थरति । गमनेत्ति भत्तं पंथो य ततियाए
 पोरिसीए, सम्मत्ताए पडिमाए अब्भासगवसनग्गामे अप्पाणं दंसेति । आयरितो वि से तद्देवसितं
 वट्ठमाणि वहति चेव, ताधे डंयादीणं कहिज्जति, ताहे संव्विट्ठीए पवेसिज्जति, तवबहुमाननिमित्तं
 सद्धानिमित्तं च । तस्स सेसाण य अतो पूया तस्स कीरति । असती दंडियादीणं पउरजनवतो,
 तद्भावे चाउवन्नो संधो, असति जाव गच्छो पवेसिति ॥ सत्तमासियाए पडिमाए सम्मत्ताए अट्ठहिं
 मासेहिं वासावासजोग्गं खेत्तं पडिलेहेति उवहिं च उप्पाएति वासजोग्गं । सो य नियमा गच्छपडिबद्धो
 सव्वावि एसा अट्ठहिं समप्पति । तिण्हं पडिमाणं आदिमाणं परिकम्मं पडिवज्जणा य एगवरिसेण
 चेव होज्ज, मासियाए मासं परिकम्मं, जाव सत्तमासियाए सत्तमासा, जावतिएन वा कालेन
 परिकम्मितो भवति । तिन्नुवरि सेसाणं पडिमाणं अन्नंमि वरिस परिक्कमणा अन्नमि पडिवज्जमाणा,
 सोभनेसु दिव्वादिसु पडिवत्ती तिन्नि सत्तरातिंदिया एक्कवीसाए रातिंदिएहि अहोरातिया तिहिं
 पच्छा छट्ठं करेति । एगरातिया चउहिं, पच्छा अट्ठमं करेति । नामनिप्फन्नो गतो ।

सुत्तानुगमे सुत्तं उच्चारेतत्वं, जाव मासियन्नं मासोऽस्याः परिमाणं मासिया, णंकारो पूरणार्थ,
 भिक्खूणं पडिमा भिक्खूपडिमा । भृशं प्रपन्नः पतिपन्नः । नास्य अगारं विद्यते सोऽयमनगारः ।
 निघ्नंति दिया य रातो य वोसट्ठकाएत्ति वोसट्ठो व्युत्सृष्ट इति । चीयतेऽसाविति कायः ।

मू. (४८) सुयं मे आउसंतेणं भगवया एवमक्खातं, इह खलु धेरेहिं भगवंतेहिं बारस भिक्खु-पडिमाओ पन्नत्ताओ कतराओ खलु? इमाओ तंजधा-मासिया भिक्खुपडिमा, दोमासिया भिक्खुपडिमा, तेमासिया भिक्खुपडिमा, चउमासिया भिक्खुपडिमा, पंचमासिया भिक्खुपडिमा, छमासिया भिक्खुपडिमा, सत्तमासिया भिक्खुपडिमा, पढम सत्तरातिंदिया भिक्खुपडिमा, दोच्चा सत्तरातिंदिया भिक्खुपडिमा, तच्चा सत्तरातिंदिया भिक्खुपडिमा, अहोरातिन्दिया भिक्खुपडिमा, एगरातिंदिया भिक्खुपडिमा ॥

मू. (४९) मासियंणं भिक्खुपडिमं पडिवन्नस्स, अनगारस्स निच्चं वोसट्टकाए चियत्तदेहे जे केइ उवस्सग्गा उववज्जति तं०-दिव्वा वा मानुस्सा वा तिरिक्खजोणिया वा ते उप्पन्ने सम्मं सहति खमति तितिक्खति अधियासिति, मासियंणं भिक्खुपडिमं पडिवन्नस्स अनगारस्स कप्पति एगदत्ती भोयणस्स पडिगाहेत्तए एगा पानगस्स अन्नाउच्छं सुद्धोवहडं निज्जूहिता बहवे दुपयचउप्पय-समणमाहण अतिहि किवणवणीमए कप्पति से एगस्स भुंजमाणस्स पडिग्गाहेत्तए, नो दोणहं नो तिणहं नो चउणहं नो पंचणहं नो गुव्विणीए नो बालवच्चाए नो दारगं पेज्जमाणीए नो अन्नो एलुयस्स दोवि पाए साहट्टु दलमाणीए नो बाहिं एलुयस्स दोवि पाए साहट्टु दलमाणीए एगं पादं अंतो किच्चा एगं पादं बाहिं किच्चा एलुयं विकखंभयित्ता एवं दलयति एवं से कप्पति पडिग्गाहेत्तए, एवं से नो दलयति एवं नो कप्पति पडिग्गाहेत्तए । मासियं णं भिक्खुपडिमं पडिवन्नस्स अनगारस्स तओ गोयरकाला पन्नत्ता तं जहा-आदिमज्झे चरिमे, आदिं चरेज्जा नो मज्झे चरिज्जा नो चरिमे चरेज्जा, मज्झे चरिज्जा नो आदिं चरेज्जा नो चरिमं चरेज्जा चरिमं चरेज्जा ना आदिं चरेज्जा नो मज्झे चरिज्जा ।

मासियं णं भिक्खुपडिमं पडिवन्नस्स अनगारस्स छव्विधा गोयरचरिया पन्नत्ता तं०-पेला, अद्धपेला, गोमत्तिया, पयंगविधिया, संबुक्कावट्टा गंतुं पच्चागता । मासियं णं भिक्खुपडिमं पडिवन्नस्स अनगारस्स जत्थ केति जाणति गामंसि वा जाव मंडवंसि वा कप्पति से तत्थ एगरायं वसित्तए, जत्थ केइ न जाणति कप्पति से तत्थेगरातं वा दुरायं वा वत्थए, नो से कप्पति एगरायातो वा दुगरायातो वा परं वत्थए, जे तत्थ एगरायातो वा दुगरायातो वा परं वसति से संतराछेदे वा परिहारे वा ।

मासियं णं भिक्खुपडिमं कप्पति चत्तारि भासातो भासित्तए तं०-जायणी पुच्छणी अनुन्नवणी पुट्टस्सवाकरणी । मासियं णं भिक्खु० कप्पति ततो उवस्सया पडिलेहित्तए तं० अथे आरामगिहंसि वा, अथे वियडिगिहंसि वा, अथे रुक्खमूलगिहंसि वा । मासियं णं कप्पति ततो उवस्सया अनुन्नवेत्तए तं०-अथे आरामगिहं अथे वियडिगिहं अथे रुक्खमूलगिहं । मासियं णं० कप्पति ततो उवस्सया उवाईणत्तए तं०-चेव । मासियं णं भिक्खु० कप्पति ततो संधारगा पडिलेहेत्तए तं० पुढविसिलं वा कट्टिसिलं वा अधासंथडमेव । मासियं० कप्पति ततो संधारगा अनुन्नवेत्तए तं चेवं । मासियं० कप्पति ततो संधारगा उवाईणित्तए तं चेव । मासियं भि० इत्थी वा पुरिसे उवस्सयं उवागच्छेज्जा स इत्थि वा पुरिसे वा नो से कप्पति तं पडुच्च निक्खमित्तए वा पविसत्तए वा ॥

मासियं णं भिक्खु० केइ उवस्सयं अगनिकाएण ज्ञामेज्जा नो से कप्पति तं पडुच्च निक्खमित्तए वा पविसत्तए वा तत्थए णं कोइ बाहाए गहाय आगासेज्जा नो कप्पति तं अवलंबित्तए वा पच्चवलंबित्तए वा कप्पति से अहारियं रियित्तए । मासियं भि० पायंसि खानुं वा कंटए वा हीरए वा सक्करए वा

अनुपविसेज्जा नो से कप्पति नीहरित्तए वा विसोहेत्तए वा कप्पते अहारियं रीइत्तए । मासियं भि० अच्छिसि पाणाणि वा बीयाणि वा रये वा परियावज्जेज्जा नो से कप्पति नीहरीत्तए वा विसोहित्तए वा कप्पति से अहारियं रियत्तए । मासियं भि० जत्थेव सूरिये अत्थमेज्जा तत्थेव जलंसि वा थलंसि वा दुग्गंसि वा निन्नंसि वा पव्वतंसि वा विसमंसि वा गह्हाए वा दरीए वा कप्पइ से तं रयणी तत्थेव उवातिणा-वेत्तए नो से कप्पइ पदमवि गमित्तए, कप्पति से कल्लं पाउप्पभाए रयणीए जाव जलंते पाईणाभिमुहस्स वा पर्ईणाभिमुहस्स वा दाहिणाभिमुहस्स वा उत्तराभिमुहस्स वा अधारियं रीएत्तए । मासियं णं भि० नो से कप्पति अनंतरहिताए पुढवीए निद्दाइत्तए वा पयलायइत्तए वा, केवली बूया आदानं मेयं से तत्थ निद्दायमो वा पयलायमाणे वा हत्थेहिं भूमिं परामुसेज्जा अधाविधिमेव ङ्गण ठाइत्तए उच्चारपासवणेणं उप्पाहिज्जा नो से कप्पइ उगिण्हित्तए वा कप्पति से पुव्वपडिलेहिए थंडिले उच्चारपासवणं परिडुवित्तए तमेव उवस्सयं आगम्म अहाविहि ठाणं ठावित्तए ।

मासियं णं भि० नो कप्पति ससरक्खेणं काएणं गाहावति कुलवं भत्तए वा पानए वा निक्खमित्तए वा पविसित्तिए वा, अह पुन एवं जाणेज्जा ससरक्खे से अत्ताए वा जल्लत्तए वा मल्लत्ताए वा पंकताए वा विद्धत्थे से कप्पति गाहावतिकुलं भत्तए वा पाणए वा निक्खमित्तए वा पविसत्तए वा । मासियं णं भि० नो कप्पति सीओदय-वियडेण वा उसिणोदय वियडेण वा हत्थाणि वा पादाणि वा दंताणि वा अच्छिणि वा मुहं वा उच्छोलित्तए वा पथोइत्तए वा किट्ठिता वा ननत्थ लेवालेवेण वा भतमासेन वा । मासियं णं भि० नो कप्पति आसस्स वा हत्थिस्स वा गोगस्स वा महिसस्स वा वग्घस्स वा वगस्स वा दीवियस्स वा अच्छस्स वा तरच्छस्स वा परासरस्स वा सीयालस्स वा विरालस्स वा के कित्तियस्स वा ससगस्स वा चिक्खलस्स वा सुणगस्स वा कोलसुणगस्स वा दुट्ठस्स वा आवडमाणस्स पदमवि पच्चोसकित्तए । अदुट्ठस्स आवडमाणस्स कप्पति जुगमित्तं पच्चोसकित्तए । मासियं णं कप्पति छायातो सीयंति नो उण्हं एत्तए उण्हातो उण्हंति नो छायं इयत्तए जं जत्थ जया सिया तं तत्थ अधियासए, एवं खलु एसा मासियभिक्षुपडिमा अधासुत्तं अधाकप्पं अधामग्गं अधासच्चं सम्मं काएणं फासित्ता पालित्ता सोभित्ता तीरित्ता किट्ठिता आराधिता आणाए अनुपालित्ता भवति ॥

चू. वोसइं दुविधं-दव्ववोसइं भाववोसइं च । दव्वोवट्ठे कुलवधुदिट्ठंतो असिनाणभूमिसयणा अविभूसा कुलवधू पओत्थधवा रक्खति पतिस्स सेज्जं अनिकामा दव्ववोसइा । भाववोसइे साधू वातियपेतियसिंभिय रोगातंकेहिं । तत्थ पुट्ठोवि न कुणति पडिकारं सो किंचिवि वोसइदेहेतु । वियत्तदेहेत्थ वियतदेहेत्ति त्यक्तः देहः । सो दुविधो-दव्वतो भावतो य । दव्वतो जुद्धपरायित अट्टणफलहीमल्ले निरुद्धपरिकम्मो गूहणमच्छियमल्ले ततियदिणे दव्वतो चत्तो । भावतो चत्तो, “बंधिज्ज व रुंभिज्ज व कोइ व हणेज्ज अहव मारेज्ज वारेति न सो भगवं वियत्तदेहे अपडिबद्धो० । जइ केइत्ति यदि केचित् यदित्थुब्भुपगमे, केचिदुपसर्गा ३ दिव्वादि तिन्नि चउधा बारस एवं तु होतुवसग्गा । वोसइग्गहणेण तु आता संवेयणग्गहणं हासाप्पदोसावीमंसा पुढोवेमता दिव्विया चउरो हासाप्पदोसवीमंसकुसीला नक्खत्ता चउधा, भयतोपदोसआहारनुबंधवच्चलेण रक्खइा । तिरिया होंति चउद्धा एते तिविधा उवसग्गा ॥ घट्टणपवडणथंभणलेसण चउहा तु आतसवेता । ते पुन सत्रिपतंती वोसइदारेण इहयं तु । ते उप्पत्रे सम्मं सहतित्ति । मनवयणकायजोगेहिं तिहिं तु

दिव्यमादितिन्नि सम्मं अहियासेती । एत्थ सुण्हाए दिइंतो । तीसे उक्कोससासुससुरादी एते अपरोधे कते ण्हुसं खिसंति, सा खिसिता अतीब लज्जति, जतिवि तान दुक्खप्पायगाणि वयणाणि दुरधियासाणि तधवि तानि अहियासेति जति ना धिया सिरसामि तो कुलस्स अवद्धंसोहोहिति ण्हसायारो व अतिक्रतो होहिति । मज्झिमा दियरा उल्लंठवयणाणि भणंति, जति वा तेसिं न लज्जति, तहवि न पडिउल्लंठेति अहियासेति साहनिज्जा एते । जहन्ना या दासादीया दासाया ण्हुसं उल्लुंठेति, दासत्ति स्वलाकातुं किमेतेसिं वयणाणि गणेमि अधियासेति, पडिवयणं न देति । एतं दव्वसहणं । एतं दव्वसहणं । भावसहणं साधुस्स । सासुससरोवमा खलु दिव्वा, दियरोवमा य मानुस्सा, दासत्याणीया तिरिया । ताहे समं सोधियासेति । अथवा-दुधावेते समासेन, सव्वे सामन्नकंटका । विसयानुलोमिया चेव तहेव पडिलोमिया ॥ वंदनसक्कारादी अनुलोभा, वधबंधन-पडिलोमा । तेवि य खमति सव्वे, एत्थ य रुक्खेणं दिइंतो । वासीचंदनकप्पो जह रुक्खो इय सुहदुहसहो तु रागद्वोसविमुक्को सहती अनुलोमपडिलोमे मासियणं भिक्खुपडिमे पडिवनस्स अनगारस्स कप्पति एगा दत्ती भोयणस्स सुत्तं-दत्तीपरिजाणणत्थं इमं सिलोगद्वयं भन्ति-

हत्थेण व मत्तेणं वा भिक्ख होति समुज्जता ।

दत्ती उ झतिए वारे खिवती होति तत्तिया ॥

अवोच्छिन्न निपाता तु दत्ती होति दवेतरा ।

एगानेगासु चत्तारि वि भंगा भिक्खासु दत्तिसु ॥

एगा भिक्खा एगा दत्ती । तत्थ पढमभंगो दायएणं एगा भिक्खा अव्वोच्छिन्ना दिन्ना, बितियभंगे वोच्छिन्ना दिन्ना, तइयभंगो केइ पंधिया कम्मकरा वा एगत्थातो गासे वीसुं २ उवक्खडेट्ता भुंजति, तेसिं एक्को परिवेसतो, साहुणा य भिक्खड्डाए तत्थ धम्मलभितं । ताहे सो परिवेसतो अप्पणायातो देमिति ववसितो । तेहिं सेसएहिं भन्ति, पत्तेयं पत्तेयं अमच्चयातो वि देहि भिक्खं, ताहे तेन परिवेसएण सव्वेसिं तेनयातो घेतुं एगट्ठा कातुं अव्वोच्छिन्नं दिन्नं एस ततितो भंगो । चउत्थं भंगो एवं चेव नवरि वोच्छिन्नं । एत्थ दत्तीसु एगानेगविसेसणट्ठाए अट्ठ भंगा परुविज्जति । तं जघा-एगो दायगो एगं भिक्खं एक्कसिं देति । एगो एगं भिक्खं दुप्पभिति वा तिप्पभितिं वा देति । एवं अट्ठभंगा कायव्वा । अन्नाउच्छं । उच्छं चउव्विहं नामादि । नामं ठवणातो गतातो । दव्वुच्छे -

ठवणाए निक्खेवो छक्को दव्वं च दव्वनिक्खेवो ।

खेत्तंमि जम्पि खेत्ते काले कालो जहिं जोउ ॥

उक्खलखलगे दव्वी दंडे संडासए य पोत्तीया ।

आमे पक्के य तथा दव्वुच्छे होति निक्खेवो ॥

तावसादी उच्छवित्तिणो जं उक्खुलकुंडियाए परिसडितं सालिकणादि । तं उच्चिणित्ता रंधेति खलए मट्ठिते संवूढे य जं परिसडितं तं उच्चिणति, दव्विअ धन्नरासीतो अनुन्नवेत्ता जं दव्वीए एक्कसिं उप्पाडिज्जति तं गिण्हंति, एवं अनत्थ वि प्रति-दिवसं डंडे धन्नराशीतो अनुन्नवेत्ता जं लट्ठीए उप्पाडिज्जति तं गिण्हंति । एवमन्त्थवि प्रतिदिवसं, संडासएत्ति अंगुट्ठपदेसिणीहिं जं धेप्पति सालिमादि तं गिण्हंति जतिति बहुं पासति सालिमादि तधवि न मुट्ठि भरित्ता गिण्हति । पोत्तीए धन्नरासीतो अनुन्नवेत्ता पोत्तिं तत्थ छुभति जं पोत्तीए लग्गति तं गिण्हंति, एवमन्नत्थवि । एतं

आमं पक्कं चरगादीआ भिक्खं हिंडति एयं दक्खुं । भावे जत्थ न नज्जति, जधा एतस्स एत्तियातो दत्तीउ कप्पति । तं पुन अन्नाउच्छं, सुद्धं उवहडं वा, सुद्धं नाम अलेवाडं सुद्धाहिं वा पंचहिं उद्दादीहि उवहडा जा अन्नस्स भुंजितुकामस्स अद्दाए उवणीता भिक्खयरस्स वा तणयणइच्छिया दिन्ससावसेसो दव्वाभिग्गहो । खेत्ताभिग्गहो जं उवरि भणिहिति, एलुगं विक्कंभइत्ता काले ततियाए पोरिसीए भावे निज्जूहित्ता दुपदचतुष्पदादि । जाव नो दारगं पजेमानीएत्ति । निज्जूहित्ता नियत्तेसु दुपदमनुसपक्खी चतुष्पदा गोबलिवद्दाही । समणा निग्गंथसक्कताव-सगेरुयआजीवगा पंच माहणा मरुगा अतिथी धूली जध कप्पडियादि, किविणा-रंका-वणीमगा-साणमादी । अंतराइयदोस-परिहरणत्थं एते परिहरिज्जति । जं तं हेद्दा भणियं, उवनीतं, तं जति एगस्स भुंजमाणस्स उवनीयं तो गिण्हति न गेण्हे दुगमादीणं, अवियत्तं तु मा भवे । गुत्विणीए गब्भो पीडिज्जति, आ पाउयउट्टेत्तणिवेसंतीए जिनकप्पिया पडिमापडिवन्नगाय आवन्नमेत्तगाइ गब्भं परिहरंति, गच्छवासी अट्टमणवमेसु मासेसु परिहरंति, नो बालवच्छाए खीराहारं गच्छवासी । पडिमापडिवन्नगा जिनकप्पिया य कूराहारमवि निक्खवितुं दिंतीए निच्छंति । एत्थ दोसा सुगुमालसरीरस्स खरेहिं हत्थेहिं सयणीए वा पीडा होज्ज, मज्झारादी वा साणो वा हरणं करेज्जा, नो दारगं पेज्जमाणीएत्ति धणयं पायंतीए, भावाभिग्गहो गतो ।

खेत्ताभिग्गहो नो अंतो एलुगस्स सुत्तं-एलगो-उंबरो साहडुत्ति-साहरित्ता गच्छगतनिग्गते वा लहुगा गुरुगा य एलुगासु रतो आणादिनो य दोसा, दुविधा य विराधना । इणमो संकाग्गहणे इच्छ दोन्निविद्दा अवाउडा, निहनुक्खणणविरेगे । तेने अविदिन्नपाहुडे, बंधवधउद्वणे खिसणा चेव निच्छुभणमेव उच्चेव झंझंडिए दीने अविदिन्नवज्जेण या पच्छित्ते आदेसा संकितं निस्संकिते य गहणादी तेनेव, चउत्थे संकिता गुरुगा, निस्संकिते मूलं, गेण्हणकड्डणववहारपच्छाकड्डुद्दा हतधयनिव्विसए । कानुहुइमस्स इच्छा अब्भितरमतिगतो जीए दोन्निविद्दा व होज्जाही । अवाउडा वा, अगारी तु, लज्जिता सावि हुज्जाहि, संका वा से समुब्भवे, किमन्ने धित्तुकामो एस ममं ? जेन तीतिए दूरं, अन्ने वा संकेज्जा गुरुगा, मूलं तु निस्संके, आउत्थ परत्थ वा उभयसमुत्था वा होज्ज दोसा तु उक्खणनिहणविरेगं च । तत्थ किंची करिज्जाही । दिट्ठं एतेण इमं साहिज्जा मा तु एस अत्रेसिं । तेनोत्तिवएसो उ संकागहणादि कुज्जाहि, तित्थंगरगिहत्थेहिं दोहिववि अतिभूमिपविसण-मदिन्नं, किं से दूरमतिगतो, असंखडं बंधवहमादी, खिखेज्ज व, जह एते अलंभतवराग अंतो पविसंति, गलए धेत्तूण चण बाहरितो निच्छुभिज्जाहि, ताऊय अगारीओ चीरल्लेणं व तासिता सउणीउ च्चेवं गच्छिज्जा । झंझडितो नाम उवचरतो, । अहवा भणिज्ज एते गिहिवासंमिवि अदिट्ठकल्लाणादीणा, अदिन्नदाणा, दोसे ते नाउं नो पविसे । उंबरविकंभंमिवि जतिदोसा अतिगतंमि सविसेसा तहवि अफलं न सुत्तं, सूत्तनिवातो इमो । जन्हा उज्जाणधडासत्थे सेनासंव धयपवादीया । पडिनिग्गमणे जने भुंजति य जहिं पहियवग्गो । उज्जोणेत्ति उज्जाणियाए निग्गतो जने तत्थ भुंजति । घडाभोज्जं-नाम-महत्तरग अनुमहत्तरग-ललिताझणिता कडुगदंडाधार परग्गहिता गोट्ठी सत्थो वा बहिं आवासितो, सेना-खंधावरो संवट्ठो भएण जत्थ विसमादिसु संवट्ठीभूतो लोओ, वइयत्ति-वइयासभाए पयाए भुंजति बाहिं वा जनवाडे वा जहिं वा बाहिं पथियवग्गो भुंजति । एतेसु सो पडिमापडिवन्नओ हिंडति, तत्थिमा विधी गेण्हतव्वे, पासडित्तो एलुगमेत्तमेव पासति न चेतरे

दोसा निक्खमपवेसणेवि य अचियत्तादी, जद्धा, एवं तत्थ गुंतुं निक्खमणपवेसे वज्जिता, इसित्ति पासे ठाति । जधा एलुगमित्तं पासति तथा द्वाति, उक्खेवं च जहा य पुव्वुत्ता दोसा न भवंति तथा द्वाति । उजाणघडादीणं असतीए सालापमुहे कोट्टुउ विसालो दूरद्धितेहिंवि एलुगो उक्खेवो य दीसति, मण्हवे वा जत्थ परिवेसणा रसवतीए वा तं अगंभीरं पगासंति भणितं होति, तत्थवि निक्खमणपवेसं वज्जेत्ता एलुगमित्तखित्ते उक्खेवनिक्खेवो य दीसंति तत्थ द्वाउ गेण्हति । खेत्ताभिग्गहो गतो ॥ इदानिं कालाभिग्गहे सुत्तं मासियन्नं-

तओ गोयरकाला प०-आदिं चरेज्ज सुत्तं त्रय इति संख्या गौरिव चरणं गोचरा जधा सो वच्छतो रूवतीए इत्थियाए चारिपाणिए उवनीते तीसे रूवादिअरत्तो अब्भवहरति । एवं सोवि भगवं सद्दादिसु अमुच्छित्तो ततियाए पोरिसीए अडति । तत्थ गाथा । पुव्वं वा चरति तेसिं नियइच्चारिसु वा अडति पच्छा । जत्थ दोन्नि भवे काला चरती तत्थ अतित्थितो अनारद्धे व । अत्रेसु मज्झे चरति संजतो गिण्हंतदेंतयाणं तु वज्जयंतो अपत्तियं जति अन्नेत्ति भिक्खयरा मज्झे अंडंति तो सो पुव्वं भिक्खं अडति । अहवा अन्नियट्टेसु भिक्खयरेसु पच्छा अडत । जत्थ दो भिक्खवेला तत्थ पढमभिक्खवेले अतिकंते बितियभिक्खवेले अप्पत्ते हिंडति । एवं मज्झे । छम्मासियन्नं-छव्विधा गोयरचरिया प०-

पेडा य अद्धपेडा य गोमुत्तिया-वंकवंकं हिंडति ।

एवं गोतिदोसो, जहा-उप्फेडेंतो गच्छति ॥

एव घराणि छड्ढित्तो हिंडति । संबुक्का वट्ठा-अपदाहिणं संबुक्का वट्ठाय गुंतुं पच्चागतित्ति एगाए उल्लिएहिं हिंडंतो गच्छति बितियाए ओल्लिए हिंडंतो पडिअति सेसं छड्ढेति । मासियन्नं-जत्थ केइ जाणंति सुत्तं-जत्ति-जंमि गामंमि वा नगरम्मि वा, केइ-गिहत्था गिहत्थियातो वा जाणंति । एस पडिमापडिवन्ना तो सणातगादितिगा कप्पति-वट्ठति, सेत्तिं तस्स पडिवन्नस्स चत्तारि भासातो एगराइयं वसित्तए । एत्थ एकरात्रिग्रहणात् दिवारत्तिपि वसति । सेसं कंठं । मासियन्नं पडिमं पडिवन्नस्स चत्तारि भासातो जाणनीय जायति संथारगं उवस्सयं वा पुच्छति कस्सोग्गहो सुत्तत्थे वा संदेहं अनुंनावेत्ति । जे तेहिं पुव्वद्धिता उच्चारतणडगला वा अनुन्नवेत्ति, पुडुस्स वागरेणी अएगनातेण वा एग वागरेण वा, मासियन्ना तउ उवस्सया उवस्सयं पुव्वं पडिलेहेति सुद्धं अनुन्नवेत्ति । पच्छा उवातिनति । उवल्लियत्ति भणितं होति । मासियं तउ संथारगा पुढविसिला पट्टगा कट्टिसिला फलगाणि अहा संघडा तह चेव वट्ठिता । मासियणं इत्थी उवस्सयं सुत्तं-इत्थी-मेहुणसंगारदिन्नेया वा अधासंपत्तीए वा तं पडुच्चति । तं स्त्रीजुगलं वा । मासियं उवस्सयं अगनिकाएण सुत्तं-अवलंबतित्ति-अक्खंवेत्ति पच्चवलंबतित्ति पुनो पुनो । आधारियं रियत इति । कट्टिज्जमाणो वि नातियंरति त्थ पादं सिक्खाणू वा नीहरति उक्खति-विसोहति अवयवा अवनेति न य दुक्खतित्ति अच्छति अहारिय मेव रीयंति त्थ । अत्थेसि पाणाणि वा । पाणा मरवगादी, बीयाणि तिलादि रओ-धूली परियाविज्जित्तिलग्गति नीहरति उद्धरति विसोधेति धोवति अच्छीणि । न य दुक्खतित्ति अच्छति आधारियमेव रीयति । गामेगरातियाए ।

मासियाणं जत्थेव सूरिए अत्थमिज्ज सुत्तं-जत्थति वसंतए थलए वा तेसिं चउत्थिं पोरिसिं पत्तो

सूरो अच्छां च भवति जलं अब्भागवासियं, जहिं उस्सा पडित, थलं अडवीए दुग्गं गहणं कडिं निन्नं-गह्णमादिविसमं निनुन्नतं पव्वतोपव्वताए वा नो पडिसेहे से निद्देसे । जो अधिकतो पडिमापडिवन्नतो, पदमात्रमपि ग्रहणात् अर्द्धपदमपि ओवातिणावेत्तए वसित्तए अधारिया-जधारियापदभेदादि न करेति अनंतरहिताए पुढवीए-तिरोऽन्तर्धाने न अंतरिया अनंतरिया अनंतरहिता-सचेतना इत्यर्थः । निद्दाइत्तए सुवित्तिए य पयलाइत्तए उष्पितए केवली बूया-केवली परं ते दोसे समत्थो नातुं वक्तुं वा जे तत्र संभवति । अथवा केवलिवयणेन भणामि दोसे न सच्छं देण, कतरो केवली ? सुतनाणकेवली बूया वक्तुं आदाणं दोसाणं आयतणं वा हत्येण अधियं सच्चित्तं भूमि परामुसिज्ज मासियाणं-ससरक्खणकाएण सुत्तं-सचित्तरतो ससक्खो सेतो पस्सेतो जल्लो मलो कद्दमीभूतो, मलो हत्थादिघट्टितो अवेति सो चेव मलो जदा-सएण उल्लितो भवति । विद्धत्थो परिणतो अचित्तो जातो । सीतोदगवियडेण वा, सीतं उदयं वियडं भंगाह् । चउत्थ रसियं उसिणदवे वा सीतलणं उसिणोदगवियडं फासुगं अवियडं नीवोदगादि हत्थादीणि कंठाणि, लेवे देंतियाए लेवाडितं असुइणावा गाते । किंचि सउणगादिना भत्ता मासे समुद्दिहे हत्थो धोवति । जहिं सूरो अत्थमेति जले भूमीए वा तेहिं भायणं न निक्खिवति, लइत्तएहिं चेव ज्झायंति । मासियन्नं गोणस्सं वा सुत्तं-गोणादि जाव एगा कंठा, दीविओ चित्तंतो अच्छो-अच्छभल्लोतरच्छो चरक्खू सेसा दुड्डो मारणातो, उमत्तओ एरंडइत्तओ सेसाविंताओ वा वहपरिणतो आपतति । पदमवि न तो उसरति, उव्वत्तत्ति वा अपि ग्रहणात् अर्द्धपदमपि जतिओ सक्कति तथा वि हरितनि मद्दंतो आगच्छति, तेन न ओसक्कति मा अधिकरणं भविस्सति । अदुड्डे ओसक्कति उवत्तत्ति वा तो मासो उव्वत्तंतो हरिताणि मदिहिति मा अधिकरणं भविस्सति । मासियणं नो कप्पति छायातो सीतकालए ममसीतंति काउं उण्हं गच्छति । उण्हकालए वा उण्हमिति कृत्वा छायां गच्छति । जति सीतं उण्हं वा जत्थ उगासे जता काले तं सीअं उण्हं वा । तंमि खेत्ते जले थले वा उवस्सए वा तदा सीतकाले वा उण्हकाले वा एएन पणिधाणेन गच्छति भिक्खादिकज्जेसु गच्छति ।

मू. (५०) दोमासियं णं भिक्खुपडिमं० निच्चं वोसड्डकाअं चेव जाव दो दत्ती तेमासियं तिन्नि दत्तीओ चाउमासियं चत्तारि दत्तीओ पंचमासियं पंचदत्तीओ छमासियं छदत्तीओ सत्तमासियं सत्तदत्तीओ जति मासिया तत्तिया दत्तीओ ॥

चू. समत्ताए गच्छं पविसेज्जति विभवेण दो मासिया जाव सत्तमासिया । एयं चेव नाणंतं दत्तीसु कालेण वा ।

मू. (५१) पढमं सत्त रातिंदियं णं भिक्खुपडिमं पडिवन्नस्स अनगारस्स निच्चं वोसड्डकाये जाव अधियासेति कप्पति से चउत्थेणं भत्तेणं अप्पाणएणं बहिता गामस्स वा जाव रायहानीए वा उत्तानगस्स वा पासेल्लगस्स वा नेसज्जियस्स वा ठाणं ठाइत्तए तत्थ दिव्वमानुसतिरिक्खजोणिया उवस्सग्गा समुप्पज्जेज्जा ते णं उवस्सग्गा पयाल्लिज्ज वा पवाडिज्ज वा, नो से कप्पति पयलिएत्त वा पवडित्तए वा । तत्थ से उच्चारपासवणं उवाहेज्जा नो से कप्पति उच्चारपासवणं ओगिण्हत्तए वा, कप्पति से पुव्वपडिलेहियंसि थंडिलंसि उच्चारपासवणं परिठवित्तए अहाविधिमेव द्वाणं ठाइत्तए, एवं खलु एसा पढमा सत्तराईदिया भिक्खुपडिमा अहासुयं जाव आणाए अनुपालिता भवति । एवं दोच्चसत्तरातिंदियावि नवरं दंडातियस्स वा लगंडमाइस्स वा उक्कुडुयस्स वा द्वाणं ठाइत्तए सेसं

तं चेव जाव अनुपालितावि भवति । एवं तच्चा सत्त रातिंदियावि भवति । नवरं वा गादाहियाए वा वारासाणयस्स वा अंबखुज्जस्स वा ठाणं ठाइत्तए ससं तं चेव जाव अनुपालियाता वि भवति ।

मू. (५२) एवं अहोरातियावि, नवरं छट्टेणं भत्तेणं अपाणएणं बहिता गामस्स वा जाव रायहानिस्स वा इंसिं पब्भारगतेणं काएणं एगपोग्गलगताए दिट्ठीए अनिमिसनयणे अधा पणिहितेहिं गत्तेहिं सव्विंदियुगुत्ते दोवि पाए साहड्डु वग्घारियपाणिस्स द्वाणं ठाइत्तए । तत्थ से दिव्वमानु-सतिरिच्छ-जोणिया जाव अधाविधिमेव ठाणं ठाइत्तए ॥ एगराइयं न्न भिक्खुपडिमं अननुपाले-माणस्स अनगारस्स इमे तओ ठाणा अहिताए असुभाए अखमाए अनिस्सेस्साए अनानुगामियताए भवंति तं० उम्मायं वा लभेज्जा दीहकालियं वा रोयातकं पाउणेज्जा केवलिपन्नताओ वा धम्माओ भंसेज्जा । एगराइयं न्न भिक्खुपडिमं सम्मं अनुपालेमाणस्स अनगारस्स इमे तओ ठाणा हिताए जाव अनुगामियताए भवंति तं० ओधिनाणे वा से समुप्पजेज्जा, मनपज्जवनाणे वा समुप्पजेज्जा केवलनाणे वा से असमुप्पन्नपुव्वे समुप्पजेज्जा । एवं खलु एसा एगरातिया भिक्खुपडिमा अधासुत्तं अहाकप्पं अहामग्गं अधातच्चं काएणं फासित्ता पालित्ता सोहेत्ता तीरेत्ता किट्टेत्ता आराहिया आणाए अनुपालेत्तायावि भवति ॥ एताओ खलु तातो धेरेहिं भगवंतेहिं बारस भिक्खू० पन्न० ति बेमि ।

चू. पढमसत्तरातिंदियादिसु कालकतो उपधानकृतो य विसेसो, न दत्तीपरिमाणं, चउत्थपारणए आर्यबिलं, अपाणगं तवोकम्मं, सव्वासिं नेसज्जितो अचेद्वतो वग्घारितपाणी ईसिपब्भारगतो तडीए ठाति, ईसिं खुज्जुगो वा, ईसिं दोवि पादे, पादस्स य पादस्स य अंतरं चउरंगुलं साहड्डु-साहरित्ता, एगपोग्गलनिरुद्धदिट्ठी-रुविदव्वे कम्हिवि अचेयणे निवेसिया दिट्ठी, सचेतन अप्पाइव्वाति, उम्मेसादीनिवि न कारेति सुहुमुस्सासं च । अहापणिहिताणि जं जं धावित्ति सव्विंदियाणि सोतादीपि न रागं न दोसं गच्छति । सेसं कण्ठ्यं ॥

दसा-७-समाप्ता

मुनि दीपरलसागरेण संशोधिता सम्पादिता दशाश्रुतस्कन्धसूत्रे
सप्तमा दसा सनियुक्तिः सचूर्णिः समाप्ताः

दसा-८-पर्युषणा

चू. संबंधो सत्तमासियं फासित्ता आगतो ताहे वासाजोग्गं उवधिं उप्पाएति वासाजोग्गं च खेत्तं पडिलेहेति । एतेन संबंधेन पज्जोसवणाकप्पो संपत्तो । तस्स दारा चत्तारि अधिगारा, वासावासजोग्गेण खेत्तेण य उवधिणा य जाव वासा समुज्जाता, नामनिष्फन्नो, पज्जोसमणा कप्पो दुपदं नाम, पज्जोसमणा कप्पो य, पज्जोसमणाए कप्पो पज्जोसमणाकप्पो । पज्जायाणंतो समणा पज्जोसमणा । अथवा परि सव्वतो भावे, उसनिवासे, एस पज्जोसमणा ।

इदानिं निज्जुत्तीवित्थारो । पज्जोसमणाए गाथाद्वयं ।

नि. [५५] पज्जोसमणाए अक्खराइं होंति उ इमाइं गोन्नाइं ।
परियायववत्थवणा पज्जोसमणाय पागइया ॥

नि. [५६] परिवसणा पज्जुसणा पज्जोसमणा य वासवासो य ।
पढमसमोसरणं ति य ठवणा जेट्ठोग्गहेगट्ठा ॥

चू पञ्जोसमणा एतेसिं अक्खराणं शक्रेन्द पुरन्दरवदेकार्थिकानि नामानि गुणनिष्फन्नानि गोन्नानि, जम्हा पव्वञ्जापरियातो पञ्जोसमणावरिसेहिं गणिञ्जति तेन परियागववत्थवणा भन्ति। जधा आलोयणवंदनगादीसु। जहा रातिनियाए कीरमाणेसु अनञ्जमाणेपरियाए पुच्छा भवति। कति पञ्जोसमणातो गताउ उवट्ठावितस्स जम्हा उडुबद्धिया दव्वखेतकालभावपञ्जाया इत्थ पञ्जोसविञ्जति, उज्झिञ्जतति भणितं होइ। अन्नारिसा दव्वादिपञ्जाया वासारंते आयरिञ्जति तम्हा पञ्जोसमणा भन्ति। पागतियत्ति पञ्जोसवणत्ति। एतं सब्वलोगसामन्नं पागतिया गहत्था एगत्य चत्तारि मासा परिवसंतित्ति परिवसणा ४। सब्वासु दिसासु न परिब्भमंतीति पञ्जुसणा। वरिसासु चत्तारि भासा एगत्य अछंतीति वासावासो। निव्वाघातेणं पाउसे चैव वासपाउग्गं खित्तं पविसंतीति पढमसमोसरणं। उडुबद्धातो अन्नमेरा ठविञ्जतीति ठवणा उडुबद्धो एक्केक्कं मासं खेतोग्गहो भवति। वरिसासु चत्तारि मासा एगखेतोग्गहो भवतित्ति जिट्ठोग्गहो। एषां व्यंजनतो नानात्वं न त्वर्थतः। एषामक ठवणानाम परिगृह्य निक्खेवो कज्जति।

नि. [५७] ठवणाए निक्खेवो छक्को दव्वं च दव्वनिक्खेवो।
खेतं तु जम्भि खेत्ते काले कालो जहिं जो उ॥

नि. [५८] ओदइयाईयाणं भावाणं जा जहिं भवे ठवणा।
भावेन जेन य पुनो ठविञ्जाए भावठवणा उ॥

चू नामठवणातो गताओ, दव्वडुवणा जानगसीरभवियसरीरतिरित्ता, दव्वं च दव्वनिक्खेवो, जाइं दव्वाइं परिभुंजति जानि य परिहरिञ्जति। परिभुंजति-तण्डगलछारमल्लगादि। परिहरिञ्जति सचित्तादि ३। सचित्ते सेहो न पव्वाल्लिञ्जति, अचित्ते बत्थादि न धेप्पति, पढमसमोसरणमीसए-सेहो सोवहितो। खेत्टडुवणा सकोसं जोयणं, कारणे वा चत्तारि पंचजोयणाइं। कालडुवणा चत्तारि मासा, यच्च तस्मिन् कल्यं। भावठवणा कोहादिविवेगो भासासमित्तियुत्तेणन य होतव्वं। एतेसिं सामित्तादि विभासा कातव्वा।

नि. [५९] सामित्ते करणम्मि य अहिगरणे चैव होंति छब्भेया।
एगत्तपुहत्तेहिं दव्वे खेत्तडुवणाभावे य॥

चू दव्वस्स डुवणा दव्वडुवणा, दव्वाणं वा ठवणा दव्वडुवणा, दव्वेण वा डुवणा वरदव्वेहिं वा ठवणा। दव्वंमि वा ठवणा वरदव्वेसु वा ठवणा। एवं खेत्त कालभावेसुवि एगत्तबहुत्तेहिं सामित्तकरणाधिकरणता भाणितव्वा। तत्थ दव्वस्स ठवणा जधा-कोइ संथारगं गिण्हति, दव्वाणं जधा तिन्नि पडोगारेणं गिण्हति। दव्वेणं जधा-वरिसारत्ते चउसु मासेसु एक्कसिं आयंबिलेणं पारित्तां सेसं कालं अब्भत्तट्ठं करेति। दव्वेहिं मासेहिं मासेहिं चत्तारि आयंबिलपारणया। एवं निव्वित्तिउदणंपि। दव्वम्मि जधा-एगंगिए फलए ड्ढातव्वं। दव्वेसु जधा-दोसादीकंबीसंथारणए। खेत्तस्स एगगामस्स परिभोगो। खेत्तानंत्ति गामादीण अंतरपल्लीयादीणं। करणे एगत्तपुहत्तेणं नत्थि। अधिकरणे एगे खेत्ते, परं अद्धजोयणमेराए गुंतुं पडिएत्तए। पुहत्तेणं दुयमादीहिवि अद्धजोयणेहिं गुंतुं पडिएत्तए। कारणे २ कालस्स जा मेरा सा ठविञ्जति। अकप्पिया वा सारत्तकालेन परिधिप्पंति। कालाणं-चउण्हं मासाणं ठवणा कालेहिं-पंचाहे पंचाहे गते कारणे ठायंति। कालम्मि पाउसे ठायंति कालेसु आसाढपुन्निमातो स वीसती राए मासदिवसेसु गतेसु ठायंति कारणे। भावस्स उदयियस्स ठवणा।

भावाणं खड्यं भावं संकतस्स, सेसाणं भावाणं परिवज्जणा होइ । भावत्ति-भावेनं निज्जरट्ठाए ठाति । भावेहिं निज्जरताए संगहट्ठताए वेतावच्चं करेति । भावंमि क्खउवसमिए भावेसु स नत्थि । अहवा खओवसमिए भावे सुद्धातो सुद्धतरं एवमादिसु परिणमंतस्स । भावेसु ठवणा भवति । एवं ताव दव्वादि समासेण भणितं । इदानिं एते चेव वित्थरेण भणिहामि । तत्थ ताव पढमं कालवट्ठवणं भणामि । किं कारणं ? जेन एवं सुत्तं कालवट्ठवणाए सुत्तादेसेणं परुवेतव्वं ।

नि. [६०] कालो समयादीओ पगयं समयम्मि तं परुवेस्सं ।
निक्खमणे य पवेसे, पाउससरए य वोच्छामि ॥

चू. असंखेज्जसमया आवलिया । एवं सुत्तालवेणं जाव संवच्छरं । एत्थ पुन उडुबद्धेण वासारत्तेण य पगतं अधिगार इत्यर्थः । तत्थ पाउसे पवेसो वासा वासपाउग्गे खेत्ते । सरते तातो निग्गमनं ।

नि. [६१] उनाइरित्त अट्ट विहरिऊण गिन्हहेमंते ।
एगाहं पंचाहं पंचाहं मासं च जहा समाहीए ॥

चू. चत्तारि हेमंतिया मासा चत्तारि गिन्हमासा एते अट्ट विहरंति । ते पुन अट्ट मासा ऊनया अतिरित्ता वा विहरिज्ज । कथं पुन ऊना वा अतिरित्ता वा भवंति ? । तत्थ ताव जधा ऊना भवंति तथा भन्नति ।

नि. [६२] काऊण मासकप्पं तत्थेव उवागयाण ऊना ते ।
चिक्खल वास रोहेण वा वि तेन ट्ठिया ऊना ॥

चू. आसाढचउमासियं पडिक्कंते जति अन्नत्थ वासावासपाउग्गं खेत्तं नत्थि ताहे तत्थेव ठिता वासावासं, एवं ऊना अट्टमासा, जेन सत्तमासा विहरित्ता । अथवा इमेहिं पगारेहिं ऊना अट्टमासा होज्ज । चिक्खल्लं पच्छद्धं । जत्थ वासारत्तो कतो, ततो कत्तियचाउम्मासिए न निग्गता इमेहिं कारणेहिं पंथो चिक्खल्लो तत्थ खुपिज्जति, वासं वा णतो विरमती, रोहगो वा जातो जाव मग्गसिरं सव्वं न निग्गआ, ताहे पोसे निग्गंताणं पोसादीया आसाढंता सत्तमासा विहरित्ता एवं ऊना भवंति । इदानिं जधा अतिरित्ता अट्टमासा विहरित्ता होज्ज तथा भन्नति ।

नि. [६३] वासाखेत्तालंभे अद्धाणादीसु पत्तमहिगातो ।
साहगवाधाएण व अपडिक्कमिउं जइ वयंति ॥

चू. साहुणो आसाढचाउम्मासिए पडिक्कंते वासावासं पातोग्गं खेत्तं मग्गंता न लब्भंति ताहे तेहिं मग्गंतेहिं ताव न लद्धं जाव आसाढचाउम्मासियातो सवीसतिरातो वा मासो गतो । नवरं भट्टपदजोण्हस्स पंचमीए लद्धं खेत्तं तंमि दिवसे पज्जोसवितं, एवं नवमासा सवीसतिराया विहरित्ता । अथवा साहू अद्धाण पडिवन्ना सत्थवसेणं आसाढचाउम्मासियातो परेणं पंचाहेण वा दसाहेण वा जाव सवीसतिराते वा मासे खेत्तं पत्ता एवं अतिरित्ता अट्टमासा विहरित्ता । अहवा जत्थ वासावासो कतो ततो खेत्तातो आरतो कत्तियचाउम्मासियस्स निग्गच्छंति इमेहिं कारणेहिं, कत्तियपुत्त्रिमाए आयरियाणं नक्खत्तं असाहगं, अन्नो वा कोइ तं दिवसं वाघातो भविस्सति, ताहे अपुन्ने कत्तिए निग्गच्छंता अतिरित्ते अट्टमासे विहरित्ति एगाहं पंचाहं मासं वा जधा समाधीए । अस्य व्याख्या-

नि. [६४] पडिमापडिवन्नाणं एगाहं पंच होंतऽहालंदे ।
जिनसुद्धाणं मासो निक्कारणओ य थेराणं ॥

चू. ताव पडिमा पडिवन्ना उडुब्बद्धे एक्केक्कअहोरत्तं एगखेत्तं अच्छंति । अहालंदिया पंच अहोरत्ता एगखेत्ते अच्छंति । जिनकप्पिया मासं । मासं सुद्धपरिहारिया । एवं चेव थेरकप्पिया निव्वाधाएण मासं, मासं वाघातेन ऊनं वा अतिरित्तं वा वा मासं कुणति ।

नि. [६५] ऊनाइरित्त मासा एवं थेराण अट्ट नायव्वा ।
इयरे अट्ट विहरिउं नियमा चत्तारि अच्छंति ॥

नि. [६६] आसाढपुन्निमाए वासावासंतु होति गतव्वं ।
मगगसिरबहुलदसमीउ जाव एक्कम्भि खेत्तम्भि ॥

चू. इतरे नाम पडिमापडिवन्नया अहालंदिया एते एवं रीइत्ता उडुब्बद्धे कर्हिं पुन ठातव्वं, वासारत्तेया चत्तारि भासा सव्वेवि अच्छंति एगखेत्ते । आसाढपुन्निमाए वासावासंमि होति ठातव्वं गाथा-
आसाढपुन्निमाए वासावासं ठातव्वं ।

नि. [६७] बाहिं ठिता वसभेहिं खेत्तं गाहेतु वासपाओगं ।
कप्पं कहेत्तु ठवणा सावणऽसुद्धस्स पंचाहे ॥

चू. बाहिं ठित्ति-जत्थ आसाढमासकप्पो ततो दसमीए आरब्भ जाव आसाढमासपन्नरसी ताव वासापासपायोगे खेत्ते संथारयडगलखारमल्लगादी गिण्हंता वसभा भावेति य क्खेत्तं साधुभावनाए, ततो आसाढपुन्निमाए वासावासपाउगगे खेत्ते गंतुं आसाढचाउम्मासियं पडिक्कमंति, पंचहिं दिवसेहिं पज्जोसवणाकप्पं कट्ठेति सावणबहुलस्स पंचमीए पज्जोसवेति । अध वाहिडित्तेहिं वसभेहिं न गहिताणि छारादीणि, ताहे कप्पं कहेत्ता चेव गिण्हंति मल्लयादीणि एवं आसाढ-पुन्निमाएडिता जाव मगगसिरबहुलस्स दसमीए ताव एग्गंमि खेत्ते अच्छेज्ज । तिन्नि वा दसरता । एवं तिन्नि पुन दसरता चिक्खल्लादीहिं कारणेहिं गाथा-

नि. [६८] एत्थ तु अनभिग्गहियं वीसतिरायं सवीसतीमासं ।
तेन परमभिग्गहिअं गिहिणात्तं कत्तिओ जाव ॥

चू. एत्थंति पज्जोसविते सवीसतिरायस्स मासस्स आरतो जति गिहत्था पुच्छंति तुब्भे अज्जो वासारत्तं ठिता अध नो ताव ठाध, एवं पुच्छितेहिं जति अभिवट्ठितसंवत्सरे जत्थ असिमासतो पडति तो आसाढपुन्निमाओ वीसतिराते गते भन्नतिवि ठामोत्ति, आरतो न कप्पति वोत्तुं ठितामोत्ति । अध इतरे तिन्नि । चंदसंवत्सरा तेसु सवीसतिराते मासे गते भन्नति ठितामोत्ति, आरतो न कप्पति वोत्तुं ठितामोत्ति । किं कारणं ? गाथा-

नि. [६९] असिवाइकारणेहिं अहवा वासं न सुट्टु आरद्धं ।
अहिवट्ठियम्मि वीसा इयरेसु सवीसई मासो ॥

चू. कताइ असिवादीनि कारणानि उप्पजेज्जा, जेहिं निग्गमनं होज्ज, ताहे गिहत्था मन्नेज्ज, न किंचि एते जाणंति, मुसावातं वा उल्लावंति, जेणं ठितामोत्ति भणित्ता निग्गता । अहवा वाहं न सुट्टु आरद्धं तेन लोगो भीतो वन्नं झंपितुं ठितो, साहूहिं भणितं ठियामोत्ति जाणंति एते, वरिसस्सति तो सुयामो धन्नं विक्किणामो, अधिकरणं धराणि य च्छएत्ति, हलादीण य संठप्पं करेति । जम्हा एते दोसा तम्हा वीसतिराते अगते स वीसतिराते वा मासे अगते न कप्पति वोत्तुं ठितामोत्ति ।

नि. [७०] एत्थ तु पनगं पनगं कारणियं जा सवीसतीमासो ।

सुद्धदसमीड्रियाण व आसाढीपुन्निमोसरणं ॥

चू. आसाढपुन्निमाए ठिताणं जति तणडगलादीणि गहियाणि पज्जोसवणा कप्पो य कथितो तो सावणबहुलपंचमीए पज्जोसवेति । असति खेत्ते सावणबहुलदसमीए असति खेत्ते सावणबहुलस्स पन्नरसीए, एवं पंचपंच ओसारंतेण जाव असति भद्वयसुद्धपंचमीए अतोपरेणं वट्टति अतिकमेतुं, आसाढपुन्निमातो आढत्तं मग्गंताणं जाव भद्वयया जोण्हपंचमीए एत्थंतरे जति न लद्धं ताहे जति रुक्खहेट्टे ठितोवि पज्जोसवेत्तव्वं । एतेसु पव्वेसु जधालंभे पज्जोसवेयव्वं अप्पव्वे न वट्टति, कारणिया चउत्थीवि अज्जकालएहिं पवत्तिता । कहं ?

पुन उज्जेनीए नगरीए बलमेत्तभानुमेत्ता रायाणो । तेसिं भाइणेज्जो अज्जकालएण पव्वावितो, तिहिं राईहिं पदुट्टेहिं अज्जकालतो निव्विसतो कतो । सो पत्तिट्ठाणं आगतो । तत्थ य सातवाहणो राया सावगो । तेन समणपूयणतो छन्नो पवत्तितो, अंतैपुरं च भणितं-अमावासाए उपवासं काउं-अट्टमिमाईसु उववासं काउं इति पाठात्तरं-पारणए साधून भिक्खं दातुं पारिज्जह । अत्रया पज्जोसमणादिवसे आसन्ने आगते आसन्नीभूए पा० अज्जकालएण सातवाहणो भणितो-भद्वत-जोण्हस्स पंचमीए पज्जोसवणा भवति । रत्ता भणितो, तद्विवसं मम इंदो अनुजातव्वो होहिति, तो न पज्जुवासिताणि चेतियाणि साधुनो वा भविस्संतित्ति कातुं तो छट्टीए पज्जोसवणा भवतु । आयरिएण भणितं-न वट्टति अतिक्रमेउं । रत्ता भणियं-तो चउत्थीए भवतु । आयरिएण भणितं-एवं होउत्ति चउत्थीए कता पज्जोसवणा । एवं चउत्थीवि जाता कारणिता । “सुद्ध-दसमी ठिताण च आसाढी पुन्निमोसरणंति” -जत्थ आसाढमासकप्पो कतो, तं च व्वेत्तं वासावासपाउग्गं, अन्नं च खेत्तं नत्थि वासावासपाउग्गं । अथवा अब्भासे चेव अत्र खेत्तं वासावासपाउग्गं सव्वं च पडिपुत्तं, संथारडगलादीय भूमी य वद्धवासं च गाढं अनोरयं आढत्तं, ताहे आसाढपुन्निमाए चेव पज्जोसविज्जति । एवं पंचाहपरिहाणिमधिकृत्योच्यते -

नि. [७१] इय सत्तरी जहन्ना असीति नउती दसुत्तरसयं च ।

जइ वासति मिग्गसिरे दस राया तिन्नि उक्कोसा ॥

चू. इयति उपप्रदर्शने । जे आसाढचाउमासियातो सवीसतिराते मासे गते पज्जोसवेति, तेसिं सत्तरीदिवसा जहन्नतो जेड्ढोग्गहो भवति । कहं पुन सत्तरी ? चउण्हं मासाणं सवीसं दिवससत्तं भवति, ततो सवीसतिरातो मासो पन्नासं दिवसा सोधिता सेसा सत्तरि दिवसा । जे भद्वयबहुलस्स दसमीए पज्जोसवेति तेसिं असीति दिवसा जेड्ढोग्गहो, जे सावणपुन्निमाए पज्जोसवेति तेसिं नं नउत्ति दिवसा मज्झि जेड्ढोग्गहो, जे सावणबहुलदसमीए ठिता तेसिं दसुत्तरं दिवससत्तं जेड्ढोग्गहो, एवमादीहिं पगारेहिं वरिसारत्तं एगखेत्ते अच्छित्ता कत्तियचाउम्मासिए निगंतव्वं । अथ वासो न ओरमति तो मग्गसिरे मासे जद्विवसं पक्कमट्टियं जातं तद्विवसं चेव निगंतव्वं, उक्कोसेण तिन्नि दसराया न निग्गच्छेज्जा । मग्गसिरपुन्निमा एत्तियं भणियं होइ मग्गसिरपुन्निमाए परेण जइ विस्सवंतेहिं तहवि निगंतव्वं । अध न निग्गच्छंति ता चउलहुगा । एवं पंचमासिओ जेड्ढोग्गहो ।

नि. [७२] काऊण मासकप्पं तत्थेव ठियाणऽतीए मग्गसिरे ।

सालब्भणाण छम्मासितो तु जेड्ढोग्गहो होति ॥

चू. आसाढमासकप्पं काउं जइ अत्रं वासावासपाउग्गं खेत्तं नत्थि तं चेव वासावासपाओग्गं

जत्थ आसाढमासकप्पो कतो ते तत्थेव पज्जोसवेति । आसाढपुत्रिमाए वासालंबणाणं मग्गसिरं पि सव्वं, वासं न ओरमति तेन, न निग्गता, असिवादीनि वा बाहिं एवं सालंबणाणं छम्मासितो जेट्ठोग्गहो, बाहिं असिवादीहिं जइ वाधातो अन्नवसही ए ढंति, जतणा विभासा कातव्वा ।

नि. [७३] जइ अत्थि पयविहारो चउपाडिवयम्मि होइ गंतव्वं ।

अहवावि अनितस्सा आरोवणपुव्वनिदिद्वा ॥

घू. कंट्या । कुत्रचिदिद्वा, निसीथोक्ता अपुन्नेवि चाउम्मासिए निग्गमेज्ज । इमेहिं कारणेहिं ।

नि. [७४] काइयभूमी संधारए य संसत्त दुल्लहे भिक्खे ।

एएहिं कारणेहिं अपत्ते होइ निग्गमनं ॥

नि. [७५] राया सप्पे कुंथू अग्नि गिलाणे य थंडिलस्सऽसति ।

एएहिं कारणेहिं अपत्ते होइ निग्गमनं ॥

घू. इय भूमीसंसत्ता ओदएन वा पिळ्ळिता संधारगा संसत्ता अन्नातोवि तिन्नि वसधीउ नत्थि, अथवा तासुवि एस चेव वाधातो । रायावपदुट्ठो रोलाणो वा जाओ वेज्जनिमित्तं अतिकंते वि अच्छिज्जति ।

नि. [७६] वासं व न ओरमई पंधा वा दुग्गमा सचिक्खल्ला ।

एएहिं कारणेहिं अइकंते होइ निग्गमनं ॥

नि. [७७] असिवे ओमोयरिए राया दुट्ठे भए व गेल्ले ।

एएहिं कारणेहिं अइकंते होति निग्गमनं ॥

घू. एस कालडवणा । इदानिं खेत्तडवणा-

नि. [७८] उभओवि अद्धजोयण सअद्धकोसं च तं हवति खेत्तं ।

होइ सकोसं जोयण, मोत्तूण कारणज्जाए ॥

घू. जंमि खेत्ते वासावासं ठावंति तत्थ उभतो-सव्वतो समंता सकोसं जोयणं उग्गहा कातव्वो । कथं पुन सव्वतो समंता छद्दिसातो ? पुव्वा दाहिणा अवरा उचरा उट्ठा अधा, चत्तारि विदिसातो असंववहारिगीओ एगपदेसियाउत्ति काउं मुक्काओ तासु छसु दिसासु एक्केक्काए अद्धजोयणं अद्धकोसं च भिक्खयरियाए गम्मति गतपडियागतेणं सकोसं जोयणं भवति । कहं पुन छद्दिसातो भवंति ? ।

नि. [७९] उट्ठमहे तिरियम्मि य, सकोसयं सव्वतो हवति खेत्तं ।

इंदपयमाइएसुं छद्दिसि इयरेसु चउ पंच ॥

नि. [८०] तिन्नि दुवे एक्का वा वाघाएणं दिसा हवइ खेत्तं ।

उज्जाणाओ परेणं छिन्नमंडबं तु अखेत्तं ॥

घू. इंदपदे गयग्गपदे पव्वंतते उवरिं पि गामो हिट्ठावि गामो । उट्ठं च तस्स मज्झमि वि गामो । मज्झिमेल्लगामस्स चउसुवि दिसासु गामा मज्झिमेल्लगामे ट्ठिताणं छद्दिसातो भवंति । आदिग्गहणेणं जो अन्नोवि एरिसो पव्वतो होज्ज तस्सवि छद्दिसातो भवंति । मोत्तुत्ति-एरिसं पव्वत्तं अन्नंमि खेत्ते चत्तारि वा दिसातो उग्गहो भवति । पंच वा न केवलं एत्तियाओ च्चेव । तिन्नि दुवे एक्का वा दिसा वाघातेन होज्ज । को पुन वाघातो ? अडवि उज्जाणां तो परेण पव्वता-दिविसमं वा पाणियं वा एतेहिं कारणेहिं एतातो दिसातो रुद्धियातो होज्जा जेन गामो नत्थि, सतिवि गामे अगम्मउ होज्जा ।

छिन्नमडंबं नाम-गामे वा नगरेसु वा सव्वासु दिसासु उग्गहे नत्थि, तं च अक्खित्तं नातव्वं। जाए दिसाए जलं ताए दिसाए इमं विधिं जाणिञ्जा ।

नि. [८१] दगघट्ट तिन्नि सत्त वा उडुवासासु नं हणंति तं खेत्तं ।
चउरट्टाति हणंती जंघद्धेकोवि उ परेणं ॥

चू. संघट्टो नाम-जत्थ जाव अद्धं जंधाए उदगं, उडुबद्धे तिन्नि संघट्टा जत्थ भिक्खायरियाए गतागतेणं छ वासासु सत्त ताते गतागतेणं चोद्दस भवंति । एतेहिं न उवहम्मति खेत्तं । खेत्तट्टवणा गता । दव्वट्टवणा इदानिं ववहार गाथा—

नि. [८२] दव्वट्टवणाऽऽहारे ? विगई २ संथार ३ मत्तए ३ मत्तए ४ लोए ५ ।
सच्चित्ते ६ अचित्ते ७ वोसिरणं गहण-धरणाइ ॥

नि. [८३] पुव्वाहारोसवणं जोग विवट्टीय सत्तिउग्गहणं ।
संचइय असंचइए दव्वविवट्टी पसत्था उ ॥

चू. दव्वट्टवणाए आहारे चत्तारि मासे निराहारो अच्छतुं न तरति, तो एगदिवसूतो एवं जति जोगहानी भवति, तो जाव दिने दिने आहारंतु जोगवुट्टी-जो नमोक्कारेणं पारंतओ सो पोरिसीए पारेतु, पोरिसिइत्तो पुरिमुट्टेण, पुरिमइत्तो एक्कासणाएण । किं कारणं ? वासासु चिक्खल्ल चिलिच्चिलं दुक्खं सन्नाभूमिं गम्भति, थंडिल्लाणिय न पउराणि, हरितकाएण उवहयाणि । गता आहारट्टवणात्ति।

इदानिं बिगतिट्टवणा-संचइय असंचइये दव्वविवट्टी पसत्था विगती दुविधा संचइया असंचइया य । तत्थ असंचइया-खीरदधिमंसणवणीय ओगाहिमगाय सेसातो घय गुल मधु मज्ज खज्जगविधानातो संचइयातो । तत्थ मज्ज विधानातो अप्पसत्थातो-सेसातो पसत्थातो । आसामेकतरां परिगृह्णोच्चते

नि. [८४] विगतिं वितगीभीओ विगइगयं जो उ भुंजए भिक्खू ।
विगई विगयस भावं विगती विगतिं बला नेइ ॥

चू. तं आहारित्ता संयतत्वाद्दसंयतव्वं विविधैः प्रकारैः गच्छिहिति विगति विगतीभीतोत्ति-संयतत्वादसंयतत्वगमनं तस्स भीतो विगतिगतं भत्तं पानं वा विगतिमिस्सं न भोत्तव्वं । जो पुन भुंजति तस्स इमे दोसा-विगती पच्छद्धं-विगतीए विगतो संयतभावो जस्स सो विगती विगतसभावो तं विगती विगतसभावं सा विगती आहारित्ता, बला विगतिं नेतिं । विगती नाम असंयतत्व गमनं जम्हा एते दोषा तम्हा नवरसविगतीउगाहिमदसमाओ नाहारेतव्वाओ, न तहा उडुबद्धे जथा वासासु, सीयले काले वा अतीव मोहुब्भवो भवति । गज्जितविज्जुताईणिय य दद्धं सोउं वा । भवे कारणं आहारेज्जावि । गेलन्नेणं आयरिय बालवुडुदुब्बलसंघयणाण गच्छोवग्गहट्टताए धेप्पेज्जा । अहवा सट्टा निब्बंधेण निमंतेति । पसत्थाहि विगतीहि । तत्थ गाथा—

नि. [८५] पसत्थ विगईगहणं गरहियविगतिग्गहो य कज्जम्भि ।
गरहा लाभपमाणे पच्चय पावप्पडीघाओ ॥

चू. ताहे जाओ असंचईआउ खीरदहीतोगाहिमगाणिय ताओ असंचइयातो धेप्पंति संचइयातो न धेप्पंति घततिलगुलणवणीतादीणि । पच्छा तेसिं खते जाते जता कज्जं भवति तदा न लब्भंति तेन ताओ न धेप्पंति । अह सट्टा निब्बंधेन निमंतेति ताहे भन्नति । जदा कज्जं भविस्सति, तदा गेण्हीहामो । बालादि-बालगिलणवुडुसेहाण य बहूणि कज्जाणि उप्पजंति, महंतो य कालो अच्छति,

ताहे सद्वा तं भणंति-जाव तुब्भे समुद्दिंसध ताव, अत्थि चत्तारि वि मासा । ताहे नाऊण गेण्हंति जतणाए, संचइयंपि ताहे धेप्पति, जधा तेसिं सद्वाणं सद्वा वड्ढंति अवोच्छिन्ने भावे चेव भणंति होतु अलाहिं पज्जत्तंति । सा य गहिया थेरबालदुब्बलाणं दिज्जति, बलियतरुणाणं न दिज्जति, तेसिं पि कारणे दिज्जति, एवं पसत्थविगतिग्गहणं । अप्पसत्था न धेतव्वा । सावि गरहिता विगती कज्जेणं धिप्पति । इमेणं 'वासावासं पज्जोसविताणं अत्थेगतियाणं एवं वुत्तपुब्बं भवति, अत्थो भंते गिलाणस्स, तस्स य गिलाणस्स वियडेणं पोग्गलेण वा कज्जं से य पुच्छित्तव्वे, केवतिएणं भे अट्ठो जं से पमाणं वदति एवतिएणं मम कज्जं तप्पमाणतो धेतव्वं । एतंमि कज्जे वेज्जसंदिसेण वा, अनत्थ वा कारणे आगाढे जस्स सा अत्थि न विज्जति तं च से कारणं दीविज्जति । एवं जाइति स भाणे लभेज्जा जाधे य तं पमाणं पत्तं भवति जं तेन गिलाणेणं भणितं ताहे भन्नति-होउ अलाहित्ति वत्तव्वं सिया, ताहे तस्यापि प्रत्ययो भवति, सुव्वंतं एते गिलाणट्ठयाए मग्गंति, न एते अप्पणो अट्ठाए मग्गंति । जति पुन अप्पणो अट्ठाते मग्गंता तो दिज्जंतं पडिच्छंता जावतियं दिज्जति, जेवि य पावा तेसिं पडिघातो कतो भवति । तेवि जाणति, जधा तिन्नि दत्तीउ गेण्हंति सुव्वंतं गिलाणट्ठाए सेणं एवं वदंतं अन्नाहि पडिग्गहेहिं भंते तुमं पि भोक्खसि वा पाहिसे वा, एवं से कप्पति पडिग्गाहित्तए नो से कप्पति गिलाण नीस्साए पडिग्गाहित्तए, एवं विगतिट्ठवणा गता । इदानिं संधारतित्ति-

नि. [८६] कारणओ उडुगहिते उज्झिऊण गेण्हंति अणंपरिसाडी ।

दाउं गुरुस्स तिन्नि उ सेसा गेण्हंति एक्केक्कं ॥

चू. संधारा जे उडुबद्धिया कारणे गहिता ते बोसिरिज्जंति । अत्रेसिं गहणं धारणं च । संधारेत्ति गतं । इदानिं मत्तएत्ति उच्चार गाथा-

नि. [८७] उच्चार-पासवण-खेलमत्तए तिन्नि तिण्हि गेण्हंति ।

संजय-आएसद्वा भुंजेज्जऽवसेस उज्जंति ॥

चू. उच्चारपासवणमत्तया जे उडुबद्धे कारणेणं गहिता खेलमत्तो य ते बोसिरिज्जंति । अत्रेसिं गहणं धारणं च । एक्केक्को तिन्नि उच्चारपासवणखेलमत्तगे गिण्हति, उभउकालंपि पडिलेहिज्जंति जति वुड्डी न पडति न परिभुंजति दिया रातो वा परिभुंजति, मासलहुं । जाहे वासं पडति ताहे परिभुंजति । जेन अभिग्गहो गहितो सो परिडुवेति । जता नत्थि तथा अप्पणा परिडुवेति ताव सो निव्विसित्तव्वो, जाव कज्जं करेति उल्लतो न निखिप्पति, विसुयाइत्ता निखिप्पइ, सेह अपरिणताणं न दाविज्जति । मत्तएत्ति गतं ॥

नि. [८८] धुवलोओ उ जिनाणं निच्चं थेराण वासवासासु ।

असहू गिलाणस्स व, नातिक्कमेज्ज तं रयणिं ॥

चू. धुवकेसमंसुणा भवितव्वं गच्छनिग्गताणं धुवलोतो निच्चं, गच्छवासीणंपि, थेरकप्पियाणंपि वासावासे उस्सग्गेणं धुवलोतो कायव्वो । अध न तरति असहू वा, ताहे सा रयणी नातिक्कमेतव्वा । लोएत्ति गतं ॥

नि. [८९] मोत्तु पुराण-भावयिसद्दे संविग्ग सेस पडिसेहो ।

मा निद्दओ भविस्सइ भोयणमोए य उड्ढाहो ॥

चू. सचित्तं-सेहं वा सेही वा जति पव्वावेति, चऊगुरुं आणादि विराधना, सो ताव जीवे न

सद्दहति, कथं? जति भन्नति-एते आउक्काइया जीवा त च कालं ते पुनो दुक्खं परिहरितुं, ताहे सो भणति-जति एते जीवा, तो तुब्भे निवयमाणे किं हिंडध, तुब्भे किर अहिंसया?, एवं न सद्दहति। पादे न धोवेति जति ताहे सो भणति समलचिक्खल्लं मद्दिऊण पादेवि न धावेति?, ताहे दुगंच्छति, किं? एतेहिं समं अत्थितेण असुईहिंति गछेज्जा। अहवा धोवंति सागारियंति। वाउसदोसा, वासे पडंते सो पडिस्सयातो न नीति, सो य उवस्सगो डहरगो, ताहे जति मंडलीए समुद्दिसंते पासंति तो उड्डाहं करेति, विप्परिणमेति य, अन्नेहि य संसदुयं समुद्दिसावितो पच्छा वच्चति। अथ मंडलीए न समुद्दिसति तो सामायारिविराधना, समता मेरा य न कता भवति ॥ जति वा विसज्जमाणे मत्तएसुं उच्चारपासवणाणि आयरंति तं ददूण गतो समाणो उड्डाहो करेज्ज। अथ धरंति तो आयविराधना, अथ निसर्गतेवि निंति तो संजमविराधना एवमादी दोसा जम्हा, तम्हा न पव्वापेतव्वे भवे। कारणं पव्वावेज्जा। पुराणो वा अभिगतसद्दो वा, अथवा कोऽपि राया रायामच्चो वा अतिसेसी वा अब्बोच्छिति वा काहिंति पव्वावेति। ताधे पुन विचित्ता वसधी महती य धेप्पति, जति जीवो नोदेति तत्थ पनविज्जति, पादन य से कप्पो कीरति, समुद्देसे उच्चारादिसु य जयणाए जंतंति आयरंति, अन्नपडिस्सयं वा घेत्तूण जतणाए उवचरिज्जति। इदानिं अच्चित्ताणं गहणं-छारडगलयमल्लयादीणं उदुबद्धे गहिताणं वासासु वोसिरणं, वासासु धरणं छारादीणां, जति न गिण्हति मासलहुं, जा य तेहिं विना विराधना गिलणादीण भविस्सति। भायणविराधना लेपेन विना तम्हा घेत्तव्वाणि, छारो एक्केकोणे पुंजो धणो कीरति। तलियावि किं विज्जति जदा नविकिंचि ताओ तदा छारपुंजे निहम्मंति मा पणइज्जिस्संति, उभतो काले पडिलेहिज्जंति, ताओ छारो य जताअवगासो भूमीए नत्थि, छारस्स तदा कुंडगा भरिज्जंति, लेवो समानेऊण भाणस्स हेट्ठा कीरति, छारेन उग्गुंडिज्जति, स च भायणेण समं पडिलेहिज्जति। अथ अछंतयं भायणं नत्थि ताहे मल्लयं लेवेउणं भरिज्जति पडिहत्थं पडिलेहिज्जति य। एवं एसा सीमा भणिता, काणइ गहणं धरणं काणइ वोसिरणं काणइ तिन्निवि ॥ ॥ दव्वडुवणा गता ॥ इदानिं भावडुवणा -

नि. [९०] इरिएसण भासाणं मन वयसा काइए य दुच्चिरिए।

अहिररणकसायाणं संवच्छरिए विओसवणं ॥

चू. इरिएसणभासागहणेणं आदाननिक्खेवणा समिती परिट्ठावणिथा समितीतोवि गहितातो भवंति। एतासु पंचसुवि समितीसु वासासु उवउत्तेण भवितव्वं। एवमुक्तो बोदक आह-उडुबद्धेन किं असमितेन भवितव्वं? जेणं भन्नति वासासु पंचसु समितीसु उवउत्तेणं भवितव्वं।

नि. [९१] कामं तु सव्वकालं पंचसु समितीसु होइ जइयव्वं।

वासासु अहीगारो बहुपाणा मेइणी जेनं ॥

चू. काममनुमतार्थ, यद्यपि सर्वकालं सदा समितेन होतव्वं, तथावि वासासु विवेसो कीरति जेनं तदा बहुपाणा पुढवी आगासं च, एवं ताव सव्वासिं सामन्नं च भणितं।

इदानिं एक्केक्काएवि असमितस्स दोसा भन्नांति -

नि. [९२] भासणे संपाइमवहो दुन्नेओ नेहछेओ तइयाए।

इरियचरिमासु दोसुवि अपेहअपमज्जणे पाणा ॥

चू. अनाउत्तं भासं भासंतस्स संपादिमाणं पाणाणं वाघातो भविस्सति। आदिग्गहणेणं

आउक्कायफुसिताउ सचित्तवातोय मुहे पविस्सति, ततिया नाम एसणासमिती अनाउत्तस्स हत्थमत्ताणं छेदो नाम उदतोल्लविज्जति दुक्खं नज्जति, चरिमातो नाम-आयाणनिकखेवणा समिती पारिद्वावणिया समिती य । इरियासमिती अनुवउत्तो सुहमातो मंदुक्कलियादीउ हरिताणिय न परिहरति । आदाननिकखेवणासमितीए पारिद्वावणियासमितीए य अनुवउत्तो पडिलेहणपमज्जणासु दुप्पडिलेहितं दुपमज्जितं करेति, न वा पमज्जेज पडिलेहिज्ज वा । समितीणं पंचण्हवि उदाहरणाणि । इरियासमितीए उदाहरणं-

एगो साहू इरियासमितीए जुत्तो सक्कस्स आसनं चलितं । सक्केण देवमज्जे पसंसितो । मिच्छाद्दिट्ठी देवो असद्दहंतो आगतो । मक्खित्तप्पमाणातो मंदुक्कलियाओ विउव्वति । पिट्ठतो हत्थिभय गति न भिदति । हत्थिणा य उक्खिवितुं पाडितो न सरीरं पेहति सत्ता मारितत्ति जीवदयापरिणतो, अथवा इरियासमितीए अरहन्नतो देवताए पादो छिन्नो । अत्राए संधितो य । भासासमितीए-साहू नगररोहए वट्टमाणे भिक्खए निग्गतो पुच्छितो भणति-बहुं सुणेत्ति कत्रेहिं सिलोगो । एसणा-समितीए नंदिसेनो वसुदेवस्स पुक्खभवो कथेतव्वो । अथवा इमं दिव्विवातियं, पंचसंजता महल्लातो अद्धाणातो तण्हाहुहा किलंता निग्गया वियालितं गता पाणियं मग्गंति अनेसणा लोगो करेति न लद्धं कालगता पंचवि । आदानभंडमत्तनिकखेवणासमितीए उदाहरणं-आयरीएण साधू भणितो, गामं वच्चापो । उग्गाहिते संते केनवि कारणेण ढित्ता । एक्को एत्ताहे पडिलेहितंति कातुं ड्वेउमारद्धो । साधूहिं चोदितो भणति, किं एत्थ सप्पो भविस्सति ? । संनिहिताए देवताए सप्पो विगुव्वितो एस जहन्नो असमितो । अन्नो तेनेव विहिना पडिलेहिता ठवेति, सो उक्कोसतो समितो । उदाहरणं-एगस्सायरीयस्स पंचसिस्ससयाइं । एत्थ एगो सेट्ठिसुतो पव्वइतो । सो जो जो साधू एति तस्स दंडयं निक्खिवति । एवं तस्स बहुनावि कालेणं न परिताम्भति । पंचमाए समितीए उदाहरणं धम्मरुई, सक्कासनचलनं पसंसा मिच्छाद्दिट्ठीदेवआगमनं पिपीलिया विगुव्वणं काइयाडासंजता बाहाडितो य मत्ततो निग्गतो पेच्छति संसत्तं थंडिल्लं साधू परिताविज्जंतित्ति पपीतो देवेनं बारितो वंदितुं गतो । बित्तिओ चेत्ततो काइयाडो न वोसिरति देवताए उज्जोतो कओ एस समितो । इमो असमितो । चउव्वीसं उच्चारपासवणभूमीतो तित्रिय कालभूमितो न पडिलेहेति, चोदितो भणति, किं एत्थ उट्ठो भविज्जा । देवता उट्ठरूवेण थंडिले ठिता, वित्तियए गतो तत्थवि एवं, तत्तियएवि ताहे तेन उट्ठवितो ताहे देवताए पडिचोदितो सम्मं पडिवन्नो । इदानिं मनवयसा काइए य दुच्चरित्तिं । अस्य व्याख्या-

नि. [९३] मनवयणकायगुत्तो दुच्चरियाइं तु खिप्पमालोए ।

अहिगरणम्मि दुरूयग पज्जोए चेव दमए य ॥

चू मनपुव्वद्धं कंठं गुत्तीणं उदाहरणाणि-मनोगुतीए एगो सेट्ठिसुतो सुन्नघरे पडिमं ठितो पुराण भज्जा से सन्निर्रोहमस्सहमाणी उब्भामइल्लेण समं तं चेव धरमतिगता पल्लं कखिल्लएण य साधुस्स पादो विद्धो तत्थ अनायार आयरति, नय तस्स भगवंतो मनो विनिग्गंतो सट्ठणातो । वतिगुत्तीए-सन्नातयसागासं साधू पत्थितो, चोरेहिं गहितो वुत्तो य, मातपितरो से विवाहनिमित्तं एतानि दिट्ठानि तेहिं नियत्तित्तो, तेन तेसिं वइगुत्तेण न कहितं, पुनरवि चोरेहिं गहिताणि । साहू य पुनो तहिं दिट्ठो । स एवायं साधुत्ति भणिऊण मुक्को । इतराणवि तस्स वइगुत्तस्स माता पितरोत्ति काउं मुक्कानि । कायगुतीए साहू हत्थिसंभमे गतिं न भिदति अद्धाणपडिवन्नो वा । इदानिं अधिकरणेत्ति

दारं । असमितस्स वोसिरणं समित्तणस्स गहणं, अधिकरणं न कातव्वं । पुव्वुप्पपन्नं वा न उदीरेतव्वं विउसवेतव्वं, दिट्ठंतो कुंभकारेन-

नि. [९४] एगबइल्ला भंडी पासह तुब्भे य डज्झ खलहाणे ।
हरणे ज्ञामणजत्ता, भाणगमल्लेण घोसणया ॥

नि. [९५] अप्पिणह तं बइल्लं दुरुत्तग्ग ! तस्स कुंभयारस्स ।
मा भे डहीहि गामं अन्नाणि वि सत्त वासाणि ॥

चू. एको कुंभकारो भंडि कोलालभंडस्स भरेऊण दुरुत्तयं नाभ पच्चंतगामं गतो । तेहिं दुरुत्तइच्चेहिं गोहेहिं तस्स एगं बइल्लं हरिउकामेहिं वुच्चति, पेच्छह इमं अच्छेरं, भंडी एगेण बइल्लेण वच्चति, तेन भणितं पेच्छह इमस्स गामस्स खलधाणाणि डझति । तेहिं तस्स सो बइल्लो हरितो, तण जाइता देह बइल्लं ते भणिति । तुमं एक्केए चेव वइल्लेण आगतो । जाहे न दिंति ताहे तेन पतिवरिसं खलीकतं धन्नं, सत्तवासाणि ज्ञामियं, ताहे दुरुत्तयगामेल्लएहिं एगंमि महामहे भाणओ भणितो-उग्घोसेहिं, जस्स अवरद्धं तं मरिसावेमो, मा ने सकुले उच्छादेसु, भाणएण उग्घोसितं, ततो कुंभकारो भणिति-अप्पिन्नध तं बइल्लं गाथा पच्छा तेहिं विदिन्नो खामितो । जति ताव तेहिं असंजतेहिं अन्नाणीहिं होंतएहिं खामिता एत्तिया अवराहा, तेनवि य खमियं, किमंग पुन संजतेहिं नाणीहिं होतएहिं जं कतं तं सव्वं पज्जोसवणाए उवसामेतव्वं । अहवा दिट्ठंतो उद्दायनो राया तारिसे अवराहे पज्जोतो सावतोत्ति-

नि. [९६] चंपाकुमारनंदी पंचऽच्छर थेरनयन दुमऽवलए ।
विह पासणया सावग इंगिनि उववाय नंदिसरे ॥

नि. [९७] बोहण पडमा उदयण पभावउप्पाय देवदत्ताते ।
मरनुयवाए तायस, नयनं तह भीसणा समणा ॥

नि. [९८] गंधार गिरी देवय, पडिमा गुलिया गिलाण पडियरेण ।
पज्जोयहरण दोक्खर रण गहणा मेऽज्ज ओसवणा ॥

नि. [९९] दासो दासीवतितो छत्तट्ठिय जो घरे य वत्थव्वो ।
आणं कोवेमाणो हंतव्वो बंधियव्वो य ॥

चू. तारिसे अवराधे पज्जोओ सावगोत्ति काऊण मोत्तूण खामितो । एवं साधूनावि पज्जोसवणाए परलोगभीतेण सव्वस्स खामेयव्वं ॥ अहवा-

नि. [१००] खद्धाऽऽदानियगेहे पायस दट्ठुण चेडरूवाइं ।
पियरो भासण खीरे जाइय लद्धे य तेना उ ॥

नि. [१०१] पायसहरणं छेत्ता पच्चागय दमग असियए सीसं ।
भाउय सेणावत्ति खिसणा य सरणागतो जत्थ ॥

चू. एमो दमओ पच्चंतगामवासी तेन सरतकाले चेडरूवेहिं जाउज्जंतन दुद्धं मग्गिउण पायसो रद्धो । तत्थ चोरसेना पडिया । तेहिं विलोलियं । सो य पायसो सत्थलीतो हरितो तेनेहिं । सो य अडवीतो तणं लुण्णिऊण अज्ज तेहिं संमं पायसं भोक्खामीति जाव इंतस्स चेडरूवेहिं रूयमाणेहिं सिट्ठं, कोधेण गुंतुं तेसिं चोराण वक्खेवेणं सेणावइस्स असियएण सीसं छिंदिऊण नट्ठो । ते य

चोरा ह्यसेणवतिया नट्टा । तेहिं गंतूण पलि तस्स डहरओ भाया सेणावती अभिसितो । ताहे ताओ माता भइभइणीओ तं भणति, तुम्ह अहं वइरियं अमारेऊण इच्छसि सेनावइत्तणं काउं ? तेन गंतूण सो आनितो दमगो जीवगज्झो वराओ । तेसिं पुरओ निगलियं बंधिऊण भणितो धनुं गहाय भणइ, कथ्य ? आहणामि सरेण भाइमारगा ?, तेन भणियं-जत्य सरणागया विज्झति । तेन चिंतिऊण भणियं-कइयावि नो सरणागता आहम्मंति, ताहे सो पूएऊण विसज्झितो । जति ताव तेन धम्मं अयाणमानेन मुक्को, किमंग पुन साधुणा परलोगभीतेन अब्भुवगतस्स सम्मं सहितव्वं खमियव्वं ॥

नि. [१०२] बाओदएण राई नासइ कालेण सिगय पुठवीणं ।
नासइ उदगस्स सती, पव्वयराती उ जा सेले ॥

नि. [१०३] उदय सरिच्छा पक्खेणऽवेति चउमासिएण सिगयसमा ।
वरिसेण पुढविराई आमरणगतीउ पडिलोमा ॥

नि. [१०४] सेलट्ठि थंभ दारुय लया य वंसी य मिंढगोमुत्तं ।
अवलेहनीया किमिराग कइम कुसुंभय हलिद्धा ॥

नि. [१०५] एमेव थंभकेयण, वत्येसु परूवणा गईओ य ।
मरूयऽच्चंकारिय पंडरज्ज मंगू य आहरणा ॥

चू इदानिं कसायत्ति-तेसिं चउक्कओ निक्खेवो जधा नमोक्कारनिज्जुत्तीए तहा परूवेऊण कोधो चउव्विधो उदगराइसमाणो वालुगपुढविपवयजो, तद्विवसं चैव पडिक्कमणवेलाए उवसमइं जाव पक्खियं ताव उदगराइसमाणो । चाउम्मासिए जो उवसमइ वालुगारातिसमाणो । सरते जधा पुढवीए फुडिता दाली तो वासेणं संमिलंति एवं जाव देवसियपक्खियचाउम्मासिएसु न उवसमति संवच्छरिए उवसमेति तस्स पुढविरायसमाणो कोधो । जो पज्जोसमणाए वि न उवसमति तस्स पव्वयराई समाणो कोधे । जधा पव्वतराईए न संमिलति तथा सोवि । एवं सेसावि कसाया परूवेतव्वा । तत्थ कोहे उदाहरणं-एसेव दमतो, अथवा-

नि. [१०६] अवहंत गोण मरुए चउण्ह वप्पाण उक्करो उवरिं ।
छोटुं मए सुवट्ठाऽतिकोवे नो देमो पच्छित्तं ॥

चू एक्को मरुतो, तस्स इक्को बइल्लो । सो तं गहाय केयारे मलेऊण गतो, सो सीतयाए न तरति उट्टेतुं । ताहे तेन तस्स उवरिं तोत्तउ भग्गो न य उट्टेति ताहे तिण्हं केयाराणं डगलएहिं आहणति, न य सो उट्टेति । चउत्थस्स केयारस्स डगलएहिं मतो सो । उवट्ठितो धियारे सो तेहिं भणितो, नत्थि तुज्झ पच्छित्तं, गोऽवज्झो जेन एरिसा कता एवं सो सलागपडितो जातो । एवं साहुणावि एरिसो कोहो न कातव्वो । सियत्ति-होज्जा ताहे उदगराइसमाणेण होतव्वं । जा पुन पक्खिय-चाउम्मासिय-संवच्छरिएसु न उवसंतो तस्स विवेगो कीरति । माने अच्चंकारित भट्टा ।

नि. [१०७] वणिधूयाऽच्चंकारिय भट्टा अट्टसुयमग्गओ आया ।
वरग पडिसेह सचिवे, अनुयत्तीह पयाणं च ॥

नि. [१०८] निवचिंत विगालपडिच्छणा य दारं न देमि निवकहणा ।
खिसा निसि निग्गमणं चोरा सेनावई गहणं ॥

नि. [१०९] नेच्छइ जलूगवेज्जगहण तम्मि य अनिच्छमाणम्मि ।

गाहावइ जलूगा धनभाउग कहण मोयणया ॥

नि. [११०] सयगुणसहस्स पागं, वणभेसज्जं वतीसु जायणता ।

तिक्खुत्त दासीभिंदण न य कोव सयं पदानं च ॥

चू. एगा अट्टण्हं पुत्ताणं अनुमग्गओ जाइया सेट्ठिधूता सा अमच्चेण जाइता तेहिं भणितं-जति अवराधेवि न चंकारेसि तो देमो । तेन पडिसुतं, आमं न चंकारेमि । दिन्ना तस्स भारिया जाता । सो पुन अमच्चो जामे गते रायकज्जाणि समानेऊण एति । सा दिवसे दिवसे खिसति । पच्छा अन्नदा कदापि दारं बंधिऊण अच्छति, अमच्चो आगतो । सो भणति उग्घाडेहिं दारं । सा न उग्घाडेति । ताहे तेन चिरं अच्छिऊण भणिया-मा तुमं चेव सामिणी होज्जाहि । सा दारं उग्घाडेऊण अडविहुत्ता माणेण गता । चोरेहिं धेतुं चोरसेनावतिसस उवनीता । तेन भणिता महिला मम होहिस्ति । सा नेच्छति तेन बलामोडिए न गेण्हति । तेहिं जलोगवेज्जस हत्थे विकीता । तेनवि भणिता मम महिला होहिस्ति । सा नेच्छति रोसेण जलोगाओ पडिच्छसुत्ति भणिता । सा तत्थ नवनीतेणं मक्खिया जलोगाओ गिण्हति । तं असरिसं करेति । न य इच्छति । अन्नरूवलावन्ना जाता । भाउतेण य मग्गमाणे पच्चभिन्ना या मोएउण नीता वमने विरेअनेहि य पुन नवीकाऊण अमच्चेण नेताविता तीसे य तेल्लं सतसहस्सपागं पक्कं तं च साधुणा मग्गितं । ताए दासी संदिद्धा आनेहि, ताए आणंतीए भायणं भिन्नं, एवं तिन्नि वारे भिन्नाणि, नय रुद्धा तिसु सतसहस्सेसु विनट्ठेसु । चउत्थ वारा अप्पणा उट्टेतुं दिन्नं । जति ताव ताए मेरुसरिसोवमो मानो निहतो किमगं पुन साधुना, निहणियव्वो चेव ।

नि. [१११] पासत्थि पंडरज्जा परिन्न गुरुमूल नाय अभिओगा ।

पुच्छति य पडिक्कमणे, पुव्वब्भासा चउत्थम्मि ॥

नि. [११२] अपडिक्कम सोहम्मो अभिओगा देवि सक्कतोसरणं ।

हत्थिणि वायनिसग्गो गोतमपुच्छा य वागरणं ॥

नि. [११३] महुरा मंगू आगम बहूसुय वेरग्ग सट्ठपूयाय ।

सातादिलोभ नितिए, मरणे जीहा य निद्धमणे ॥

नि. [११४] अब्बुवगत गतवेरे, नाउं गिहिणो वि मा हु अहिगरणं ।

कुज्जा हु कसाए वा अविगडितफलं च सिं सोउं ॥

चू. मायाए पंडरज्जा नाम साधुणी सा विज्जासिद्धा आभिओग्गाणि बहूनि जाणति । जनो से पनगकरसिरो अच्छति । सा अन्ना कदापि आयरियं भणति भत्तं पच्चक्खावेह, ताहे गुरूहिं सव्वं छट्ठाविता पच्चक्खातं । ताहे सा भत्ते पच्चक्खाते एगानिया अच्छति, न कोइ तं आढाति ताहे ताए विज्जाए आवाहितो जनो आगंतुमारद्धो पुप्फगंधाणि धित्तूण । आयरिएहिं दोवि पुच्छिता वग्गा भणति-न याणामो । सा पुच्छिता भणति-आमं मए विज्जाए कतं । तेहिं भणितं-वोसिर । ताए वोसडं, डित्तो लोगो आगंतुं । सा पुनो एगागी पुनो आवाहितं सिद्धं च ततियं अनालोइतुं कालगता सोधम्मो कप्पे एरावणस्स अग्गमहिस्सी जाता ताहे आगंतूण भगवतो पुरतो ठिच्चा हत्थिणी होउं महता सद्देण वाउक्कायं करेति । पुच्छा उट्टित्ता वागरितो भगवता पुव्वभवो से । अन्नोवि कोपि साधू साधूणी वा मा एवं काहिंति । सोवि एरिसं पाविहिस्ति मत्तितेन वा तं करेति । तम्हा माया न

कायव्वा । लोभे लुब्धपंदो कालइत्तो जेन अप्पणो पादा भग्गा, तम्हा लोभे न कातव्वो ।

नि. [११५] पच्छित्ते ऋहुपाणो कालो बलितो चिरं तु ठायव्वं ।
सज्झाय संजमतवे धणियं अप्पा निओतव्वो ॥

चू. एतेसिं सव्वेसिं पज्जोसवणाए वोसमणत्थं एत्थ वासारत्ते पायच्छित्तं अट्ठसु उडुबद्धिएसु मासेसु जं पच्छित्तं संचियं तं वोढव्वं । किं निमित्तं ? तदा बहुपानं भवति-हिंडंताण य विराधना तेसिं होते । अविय बलिओ कालो, सुहं तदा पच्छित्तं वोढुं सक्कइ । चिरं च एगंमि खेत्ते अच्छित्तव्वं । अवि य सीतलगुणेण बलियाइ इंदियाइ भवंति, तेन दप्पणीहरणत्थं इत्थ वासारत्ते पायच्छित्तं तवो कज्जति, वित्थरेण य सज्झाए संजमे य सत्तरसविधे धणितं अप्पा जोएतव्वो ।

नि. [११६] पुरिमचरिमाण कप्पो मंगलं वद्धमाणतित्थंमि ।
इह परिकहिया जिन-गणहराइथेरावलि चरित्तं ॥

चू. पुरिमचरिमाण य तित्थगराणं एस मग्गो चेव । जहा-वासावासं पज्जोसवेतव्वं, पडउ वा वासं वा मा । मज्झमगाणं पुन भयनिज्जं । अवि य वद्धमाणतित्थंमि मंगलनिमित्तं जिनगणधरावलिया सव्वेसिं च जिनाणं समोसरणाणि परिकहिज्जंति ।

नि. [११७] सुत्ते जहा निबद्धं वग्घारिय भत्त-पान अग्गहणे ।
नाणट्ठी तवस्सी अनहियासी वग्घारिए गहणं ॥

चू. सुत्ते जहा निबंधो-नो कप्पति निग्गंथाण वा २ वग्घारितवुट्ठिकायंसि गाथावतिकुलं भत्ताए वा पाणाए वा पविसित्तए वा निक्खमित्तए वा । वग्घारियं नाम जं भिन्नवासं पडति, वासकप्पं भेत्तूण अंतो कायं तिम्वेति । एवं वग्घारितं तत्थ न कप्पति, कप्पति से अप्पवुट्ठि कायंसि० जता पुन साधू नाणट्ठी कंचि सुतखंधं दरपढितं, सो य न तरति विना आहारेण चाउक्कालं पोरिसिं कातुं । अहवा तवस्सी तेन विगिद्धं तवोकम्मं कतं, तद्विवसं च वासं पडति जद्विवसं पारिततो, अथवा कोइ छुहालुतो अनहियासओ होज्जा, एते तिन्निवि वग्घारितेवि पडंते हिंडेति संतरुत्तरा ।

नि. [११८] संजमोत्तचुयाणं नाणट्ठि-तवस्सि-अनहियासाणं ।
आसज्ज भिक्खकालं, उत्तरकरणेण जतियव्वं ॥

चू. ते य पुनो कतायि । संजमखेत्तचुता नाम-जत्थ वासकप्पा उन्निया लब्भंति, जत्थ पादानि अन्नाणि य संजमो-वगरणाणि लब्भंति तं संजमखित्तं । ते य तओ संजमखित्ताओ चुया लब्भंति असिवाइ कारणेहिं गता अन्नखेतं संकंता जत्थ संजमोवगरणाणि वासकप्पा य दुल्लभा । ताहे जद्विवसं वासं पडति । तद्विवसं अच्छंतु । जदा नाणट्ठी तवस्सी अनधियासया भवति, तदा आसज्ज भिक्खाकालं उत्तरकरणेण जतंति ।

नि. [११९] उन्नियवासाकप्पो लाउयपायं च लब्भए जत्थ ।
सज्झाएसणसोही वरिसति काले य तं खित्तं ॥

नि. [१२०] पुव्वाहीयं नासइ, नवं च छातो अपच्चलो घेत्तुं ।
खमगस्स य पारणए वरिसति असहू य बालाई ॥

नि. [१२१] बाले सुत्ते सुई कुडसीसग छत्तए अपच्छिमए ।
नाणट्ठी तवस्सी अनहियासि अह उत्तरविसेसो ॥

चू जति उत्रियं अत्थि तेन हिंडंति, असति उट्टयेणं उट्टियस्स कुतवेण जाहे एतं तिविधंपि वालंगं नत्थि ताहे जं सोत्तियं पंडरं घनमसिणं तेन हिंडंति । सुत्तियस्स असतीए ताहे तलसुंची तालसुंची वा ओवरिं काउं, जाधे सूचीनि नत्थि, ताहे कुडसीसयं सागस्स पलासस्स वा पत्तेहिं काऊण सीसे च्छुभित्ता हिंडंति । कुडसीसयस्स असतीए हिंडंति । एस नाणट्ठी तवस्सि अनधियासाण य उत्तरविसेसो भणितो । एवं पज्जोसवणाए विही भणितो । नामनिष्फज्जो गता ॥

मू (५३) तेणं कालेणं तेणं समयेणं समणं भगवं महावीरे पंच हत्युत्तरे होत्था तं जहा, हत्युत्तराहिं घुए, चइत्ता गब्भं वक्कंते, हत्युत्तराहिं गब्भातो गब्भं साहरिते, हत्युत्तराहिं जाते, हत्युत्तराहिं मुंडे भवित्ता अगारातो अनगारितं पव्वइए, हत्युत्तराहिं अनंते अनुत्तरे निव्वाधाए निरावरणे कसिणे पडिपुत्रे केवलनाणदंसणे समुप्यन्ने सातिणा परिनिव्वुए भयवं जाव भुज्जो भुज्जो उवदंसेइ ति बेमि।

चू सुत्तानुगमे सुत्तं उच्चारेतव्वं, अक्खलियादि, ० तेणं कालेणंति-जो भगवता उसभसामिना सेसतित्थकरेहिय भगवतो वद्धमानसामिणो चयणादीणं छण्हं वत्थूणं कालो नातो दिट्ठो वागरितो य । तेणं कालेणंतेणं समएणं कालान्तर्गतः समयः, समयदिश्च कालः, सामन्नकालतो एस विसेसकाले समओ, हत्थस्स उत्तरातो जातो तातो हत्युत्तरातो । गणणं वा पडुच्च हत्थो उत्तरो जासिं तातो हत्युत्तरातो उत्तरफग्गुणीतो ॥ छट्ठी पक्खेणं छट्ठी अहोरत्तस्स रत्ती तीए पुव्वरत्तावरत्तसीति-अद्धरत्ते ॥ चुयमाणे न जाणति, जतो एगसमइतो उवओगो नत्थि ॥ चोइसमहासुमिणे ओरालेत्ति-पहाणे कल्लाणे आरोग्गकरे सिवे-उव्वदव्वोवसमणे धन्ने धन्नावहे ४ मंगल्ले पवित्ते ५ सस्सिरीए सोभाए मनोहरे ॥ सक्के देविंदे मधवंति, महामेहा ते जस्स वसे संति से मधवं, पागे बलवगे अरी जो सासेति सो पागसासनो, कत्तू पडिमा तासिं सतं फासितं कत्तियसेट्ठित्तणे जेन सो सयक्कओ । सहस्सक्खेत्ति-पंचण्हं मंति सताणं सहस्समक्खीणं । असुरादीन पुराणि दारइत्ति पुरंदरो ॥ महता इत्ति पधानेन गीतवाइतरवेणंति भन्निहत्ति । आह तेनंति निच्चानुबद्धेणं-अक्खाणगबद्धेण वा एवंवादिना नट्टेण नच्चिरेणं गीएणं संसद्धितेन वादितेन आतोज्जाभिधातसद्देणं आतोजेकदे सोयं तंतिए या तंत्री प्रतीता तलं-हत्थपुडं तालं कंसालिया तुडियाणि-वादित्ताणि, एतेसिं घणोवमेन मुखाणय पडुणा विसद्देणं पवाइतरवेणं । हितानुकंपएण देवेनंति हितो सक्कस्स अप्पणोय अनुकंपतो भगवतो ॥ अट्टणसाला वायामसाला । सतं वाराउ जं पक्कं तं सयपागं सतेणं वा काहावणाणं । पीणनिज्जेहिंति-रसादिधातुसमकारीहिं । दीवनिज्जेहिं-अग्गिजननेहिं, दप्पनिज्जेहिं-बलकरेहिं, मदनिज्जेहिं चम्मट्टिवद्धनेहिं, तिप्पनिनेज्जेहिं मंसोवचयकरेहिं, छेया बावत्तीरीकलापंडिता, दक्खकज्जाणं अविलंबितकारी, पट्टा-वाग्मिनः, निउणा क्रीडीकुशल, सुद्धोदकं उन्होदकं गणनायगा प्रकृतिमहत्तरया दंडनायका इसरा भोइया तलवरपट्टवद्धा तलवरा राजस्थानीया इत्यर्थः । मार्डबिया-पच्चंतराइणो कोडुंबिया गाममहत्तरा ओलग्गगाइभा नेगमादिनो वणिग्या, सेट्ठी बद्धवेट्टणो तदधिवो महामंती हत्थिसाहणोवरिगो गणगा भंडारिया अमच्चो रज्जाधिट्टायगो चेडगा पादमूलीया, पीढमद्दा-अत्थाणीए आसणासीणसेवगा, नगरभित्तिपगतीओ निगमा कारणिया, संधिवाला-रज्जसंधिक-रक्खगा ॥ जीवितारिहं पीतिदानंति जावज्जीवं पडुप्पितुं जोग्गं ॥ पत्तेज्ज इत पित्तियए ॥

आतोधिएत्ति अब्भंतरोधी । पाईणगामिनी-पुव्वदिसागामिनी छाया ॥ 'मंजु मंजुणाघोसेन

अपडिबुञ्जमाणे' तिन नजति, को किं जंपति ॥ वियावत्तस्स चेतियस्स वियावत्तं नामेणं वियाचत्तं वा व्यावृत्तं, चेतियत्तणाओ जिन्नुज्जाणमित्यर्थः । कड्ढकरणं-क्षेत्रं ॥ आवीकमं-पगासकम्मं, रहोकम्मं-पच्छन्नकमं सेसं कमं जाव अड्डियग्गामनीसाए पढमं अंतरावासं वासावासं उवागते अंतरे वासा अंतरावासा इति वासारात्रस्याख्या । उक्तं च-अंतरधणसामलो भगवं पावा देवेहिं कतं नाम, जेन तत्थ भगवं कालगतो । रज्जुगा लेहगा तेसिं सभा रज्जुगसभा अपरिभुज्जमाणा करणसाला छउमत्थकाले जिनकाले य । एते वासारत्ता पणियभूमि-वज्जभूमि ॥

कत्तिए मासे कालपक्खे चरिमा रतणी अमावसाकाले अंतंगतः कालगतः कायट्टितिकालात् भवट्टितिकालाच्च वीतिक्कंतो-संसारातो संमं उज्जातो न जथा अत्रे, समस्तं वा उघातः जातिजरामरणस्स य बंधनं कम्मं तं छिन्नं, सिद्धः साधितार्थः, बुद्धो ज्ञः, मुक्तो भवेभ्यः, सर्वभावेन निर्वृतः परिनिर्वृतः, अंतकृतः सर्वदुःखाणि संसारियाणि पहीणाणि सारीराणि मानसाणि य । बितितो चंदो संवत्सरो, पीतिवद्धणो मासो नंदिवद्धणो पक्खो अग्गिवेसो दिवसो, उवसमो वि से नामं । देवानंदा रयणी निरतित्तिवि वुच्चति । लवस्स अच्चोनामं, पाणस्स मुहुत्तो, थोवस्स सिद्धो, नागं करणं नामं सव्वट्टिसिद्धो मुहुत्तो । पारं आमोएति प्रकाशेति पाराभोगः पोसहो । अवामंसाइत्ति तंमि नातए पिज्जबंधनं-नेहो, तं वोच्छिन्नं । गौतमो भगवता पट्टवितो अमुग्गामे अमुगं बोधेहिं, तं हि गतो, वियालो य जातो तत्थेव वुच्छो नवरि पिच्छति रत्ति देवसन्निवातं उवउत्तो नातं जहा भगवं कालगता, ताहे चित्तेति-अहो भगवं निष्पिवासो, कहं ? वा वीतरागान नेहो भवति । नेहरागेन य जीवा संसारे अडंति । एत्थंतरा नाणं उप्पन्नं बारसवासाणि केवली विहरति जहेव भगवं, नवरं अतिसयरहितो, धम्मकथणा परिवारो य तहेव पच्छ अज्जसुधम्मस्स निसिरति गणं दीहाउत्ति काउं । पच्छ अज्जसुधम्मस्स केवलनाणं उप्पन्नं । सोवि अट्टवासेहिं विहरेत्ता केवलपिरियाणेण अज्ज जंबुनामस्स गणं दातुं सिद्धिं गतो ॥

कुर्भूमी तस्यां तिष्ठतीति कुंधू अणुं सरीरं धरेति अनुंधरी । दुविधा-अंतकरभूमिति । अंतः कर्मणां, भूमिकालो सो दुविधो पुरिसंतकरकालो य परियायंतरकालो य । जाव अज्ज जंबुनामो ताव सिवपंथे, एस जुगंतरकालो । चत्तारि वासाणि भगवता तित्थे पवत्तिते तो सेज्जितुमारद्धा एस परियायंतरकरकालो । ततिए पुरिसजुगे जुगंतरभूमी । पणपन्नं पावा पणपन्नं कल्लाणं । तत्थेगं मरुदेवा ॥ नवगणा एक्कारसग गणधरा । दोण्हं दोण्हं पच्छिमाणं एक्के गणो । जीवंते चेव भट्टारए नवहिं गणधरेहिं अज्ज सुधम्मस्स गणो निक्खित्तो दीहाओगोत्ति नातुं ॥ समणे भगवं महावीरे चंदसंवत्सरमधिकृत्योपदिश्यते जेणं जुगादी सो, वासाणं सवीसति राते मासे, किं निमित्तं? पाएण सअट्टा कडिताइं वासेहितो उत्कंपिताणि उवरिं लित्ता कुट्टा घट्टा भूमी मट्टा लण्हकता समंता मट्टासंमट्टा खेत्ता उदगपथानिद्धमणपथा य सअट्टा जे अप्पणो निमित्तं परिणामियकताइं धरा पव्वइया ठित्तत्ति काउं दंताल्छेत्त-करिसणघरछयणाणि य करेति तत्थ अधिकरणदोसा सवीसतिराते मासे गते न भवति ॥

“वासावासपज्जोसविते कप्पति” सुत्तं । सव्वतो समंतत्ति-सव्वतो चउदिसिंपि-सकोसं जोयणं खेत्तकप्पपमाणं अडवीजलकारणादिसु त्तिदिसि बिदिसि एगदिसिं वा भयितं, आहालंदमवि-अधेत्ययं निपातः, लंदमिति कालस्याख्या, जहन्नं लंदं उदउल्लं, उक्कोस, पंचरातिंदिया । तयोरेतरं

मध्यं यथा-प्रकृतिरपि अरप्रकृतिरपि एवं लंदमपि मासो जाव छम्मासो जेद्वोग्गहो ॥ वासावासं सकोसं जोयणं गंतु पडियत्तए दगघट्टा एरवति कुणालाए अद्धजोयणं वहति । तत्थवि न उवहंमति थलागासं न विरोलेंतो वच्चति ॥ अत्येगतिया आयरिया दाए भंते दावे गिलानस्स मा अप्पणो पडिग्गाहे । चाउम्मासिगादिसु ॥ पडिग्गाहे भंतेत्ति अधनो पडिग्गाहो अज्ज गिलानस्स अन्नो गिण्हित्ति नवा भुंजति । अथ दोण्हवि गेण्हति तो पारिड्ढावणिया दोसा, अपरिड्ढवेंते गेलन्नादि ॥ दाए पडिग्गाहे गिलाणस्स अप्पणोवि एवायरियबालवुट्टपाहुणगाणवि वित्तिन्नं स एव दोसो मोहुब्बवो रवीरिय धरणा, धरणे आतसंजमविराधना ॥ “वासा अत्येगतिया” आयरियं वेयावच्चकोरो पुच्छति गिलाणं वा इतरहा पारिड्ढा-वणियदोसा गिलाणो भासियं मंडलीए न छुम्भति, अनोभासितं छुम्भति, सेय वदेज्जा, अट्टो अमुएण एवतिएण व, सेत्ति वेयावच्चकरे विन्नवेत्ति, उभासति सेय पमाणपत्ते दाता भणति, पडिग्गाहे तुमंपि य भोक्खसि तोदनं, दवं पाहिसि, गरहितविगति पडिसेहेत्ति, अगरहितं जाणेत्ता निब्बंधं तं च फासुगं अत्थि ताहे गिण्हति, गिलाणनिस्साए न कप्पति घेत्तु ॥ वासावासं० अत्थि तहप्पगाराइं अदुगुंछितानि कुलानि कडाणि तेन अन्नेन वा सावगतं गाहिताणि दाणसहत्तं वा, पत्तियाइं-घृत्तिकराइं थिज्जाइं-थिराइं प्रीति प्रतिदानं च वा, वेसासियाणि-विसंभणीयाणि । तर्हि च धुवं लब्भामि अहं, तानि असंसयं देंत्ति, संमतो सो तत्थ पविसंतो बहुमत्ताइं बहूणवि समंतो न एगस्स दोण्हं वा वधूणं वि साहूण दिंति । अनुमत्ताइं दातुं चेव, ‘जत्थ से नो कप्पति,’ अट्टुं वडत्तए, अत्थि ते आउसो इमं वा इमं वा, जति भणति को दोसो ? बेइ, तं तुरितं श्रद्धावान् सट्ठी । उदनसतुगतलाहणिया वा पुव्वकट्ठि ते उण्होदए ओदनो पेज्जा वा सगेहे परगेहे ल पुव्वतावितेण उसिणह्वेण समितं तिम्मंति, तलाहतियातो आवणातो आनिंति, सचुगा किणंति, पामिच्चं वा करेत्ति ॥ एगं गोयरकालं सुत्तपोरिसिं कातुं अत्यपोरिसं कातुं एकंवारं कप्पति ॥

चउत्थभत्तियस्सत्ति । अयमिति प्रत्यक्षीकरणे । एवं तिएत्ति वक्ष्यमाणो विसेसो, पातोत्ति प्रातः न चरिमपोरिसीए वियडं-उग्गमादिसुद्धं नन्नत्थ आयरियउवज्झायगिलाण खुट्टतो वा संलिहित्ता संपमज्जिता धोवित्ता पज्जोसवित्तए परिवसित्तए न संथरति थोवं तं ताहे पुणो पविसति ॥ छट्टस्स दो गोयरकाला, किं कारणं ? सो पुनोवि कल्लं उववासं काहित्ति, जति खंडिताणि तत्तियाणि चेव कप्पंति किस रूग्गवारा गिण्हित्तुं न धरेत्ति ? । उच्चते-सीतलं भवति संचयसंसत्तदीहादी दोसा भवंति । भुत्तानुभुत्ते य बलं भवति, दुःखं च धरित्ति ॥ एवं अट्टमस्सवि तिन्नि ॥ व्यपगतं, अष्टं व्यष्टयं विकृष्टं वा तिन्निवि गोयरकाला सव्वे चत्तारिवि पोरिसितो, आहारानंतर पानगं निच्चिभत्तियस्स सव्वाइं जानि पासेसणाए भणित्ताणि, अथवा वक्ष्यमाणानि नववि उस्सेदिमादीणि ॥ चउत्थभत्तियस्स तयो, उस्सेदिमं पिट्टं दीवगावा । संसेदिमं-पन्नं उक्कट्टेउं सीतलएणं सिच्चति, चाउलोदगं चाउलधोवणं ॥ छट्टे तिलोदगं लोविताणवि तिलाण धोवणं, मरहट्टादीणं तुसोदगं वीहिउदगं जवउदगं-जवधोवणं जवोदगं ॥ आयामगं-अवस्सावणं सोवीरगं-अंबिलं, सुद्धवियडं, उसिणोदगं ॥ भत्तपच्चखातस्स ससित्थे आहारदोसा, अपरिपूते कट्टादि, अपरिमित अजीगरगादि-दोसा ॥ संखादत्तिओ परिमितदत्तिओलोणं थोवं दिज्जति, जइ तत्तिलगं भत्तपानस्स सावि दत्ती चेव ॥ पंचत्ति नेम्मं-चउरो तिन्नि दो एगो वा छ सत्त वा मा एवं संच्छोभो, कताइ तेन पंचभोयणस्स लद्धातो तिन्नि पानगस्स, ताहे ताओ पानगप्पियातो भोयणे संबज्झंति तन्न कप्पति, भोयणच्चियातो

वा पाने संछुम्बन्ति, तं पि न कम्पति ॥ वासावासं तं मि वासावासे पञ्जोसविते नो कम्पति उवस्सतातो जाव सत्तधरंतरं सत्रिवत्तइतुं आत्मानं अन्यत्र चरितुं चारए । सह उवस्सयातोति सह सेज्जातरघरेणं सत्त एतानि, अत्रो भणति सेज्जातरघरं वज्जेत्ता सत्त, अन्नो भणति सेज्जातरघरातो परं परंपरेण अन्नाणि सत्त ॥ वासावासं जं किंचि कणगफुसितं उसा महिता वासावासं पडति उदगविराधनत्ति कातुं ॥ अगिहं अब्भावगासो तत्थ अब्धसमुद्दिद्वस्स बिंदू पडेज्ज । ननु तेन च उवओगो कतो पुव्वं जयति ? उच्चते-छउमत्थितो उवतोगो तहा वा अन्हा वा होज्ज पञ्जोसवित्ते ए अहारेत्ते ए स्यात्कथंचित् आगासे भुंजेज्ज वां न होज्ज, तत्थ देसं भोच्चा आहारस्स देसं आदाय गृहीत्वा तं देसं पाणिणा पिहित्ता उरेण वा निलेजेज्ज उहाडेज्ज, कक्खंसि वा आदघात् आदाय वा, ततः किं कुर्यात् ? अधाछन्नाणि न संजतद्वाए छन्नाणि बहवो बिंदवो उदकं-बिंदुमात्रं उदगरओ-त्तदेगदेसो दगफुसिता ॥ वग्घारितवुट्ठिकाओ जो वासकम्पं गालेति अछिन्नाए धाराए । कम्पति से संतरुत्तरस्स-अंतरं रयहरणं पडिग्गहो वा उत्तरं पाउरणकम्पो स अंतरेण उत्तरस्स ॥

वासासुत्तं-निग्गिज्जइ २ ठाइउं २ वरिसति । कम्पति से अहे उवस्सयं वा अप्पाणं उवस्सयं अन्नेसिं वा संभोइयाणं इयरेसिं वा । तेसिं असति अधे वियडगिहे तत्थ वेलं नाहिति ठितो वा वरिसति वा असंकणिजे य रुक्खमूलं निग्गलं करीरादि । तत्थ से वियडगिहे रुक्खमूले वा ठितस्स आगमनात् पूर्वकालं पुव्वाउत्ते तिन्नि अलावगा,

पुव्वाउत्तारिभितं केसिंचि समीहितं तु जं तत्थ ।

एते न होंति दोन्निवि पुव्वपवत्तं तु जं तत्थ ॥

पुव्वाउत्तं केइ भणति जं आरुभितं चुल्लिए । केइ भणति-जं समीहितं नाम जं तत्थ ढोइ तिल्लगं पागद्वाए, एते दोवि अनादेसा । इमो आतेसो जं तेसिं गिहत्थाणं पुव्वपवत्तं जतियं उवक्खडिअं तयं एतं पुव्वाउत्तयं ॥ कहं ? पुन ते दोवि अनादेसा ?, अत उच्चते -

पुव्वारुहिते य समीहिते य किं छुम्बती न खलु अन्नं ? ।

तम्हा जं खलु उच्चितं तं तु पमाणं, नं इतरं तु ॥

बालगपुच्छादीहिं नातु आदरमनादरेहिं च ।

जं जोग्गं तं गेण्हति, दव्वपमाणं च जाणेज्जा ॥

तत्थ अच्छंतस्स कतायि वरिसं न चेव ठाइज्जा, तत्थ किं कातव्वं ? का वा मेरा ?, कम्पति से 'वियडे भोच्चा' वियड-उग्गमादिसुद्धं एगायतं-सह सरीरेण पाउणित्ता, वरिसंतेवि उवस्सयं एत्ति । तत्थ वसंते बहू दोसा । एगस्स आतपरोमय-समुत्था दोसा साहू व अदन्ना होज्जा ॥ एत्थवियडउ-रुक्खमूलेसु कहं अच्छतव्वं ? तत्थ 'नो कम्पति एगस्स निग्गंथस्स एगाए य निग्गंधीए' एवं एगानितो संघाडइल्लतो अब्भत्तट्ठितो असुहितो कारणिओ वा । एवं निग्गंधीणवि आतपरोभय-समुत्था दोसा संकादओ य भवंति । अह पंचमतो खुद्दतो खुद्दिया वा छक्कन्नं रहस्सं न भवति तत्थ वि अच्छंतो, अत्रेसिं धुवकम्भियादीणं संलोए सपडिदुवारे सपडिहुत्तं दुवारं सब्वगिहाण वा दुवारे खुद्दतो साधूणं, संजतीणं खुडिया, साधूउस्सगोणं दो, संजतीउ तिन्नि चत्तारि पंच वा एवं अगारीहि ॥ अप्पडिपन्नत्तो न केनइ वुत्तो मम आनिज्जासि, अहं वा तव आनेस्सामि न कम्पति । कहं ? अच्छतित्ति गहितं सोवि तोतिन्नो अहियं गहितं भुंजंते गेलन्नदोसा परिड्वेंत आउहरितविराधना ॥

वासावासं से इति स भगवांस्तीर्थकरः किमाहु-दोसमाहु आयतणं उदगस्स, पाणी पाणिलेहातो पाणी पाणिरेव पाणिरेहा आयुरेहा सुचिरतरं तत्थ आउक्कातो चिद्धति । नहो सव्वो नहसिहाण हगगलयं उत्तरोद्वा-दढियाओ भमुहरोमाई, एत्थवि चिरं अच्छति ॥

वासावासं अडुसुहुमाइति-सूक्ष्मत्वात् अल्पाधरित्वाच्च अभिक्खणं पुनो पुनो जाणियव्वाणि, सुतोवदेसेणं पासितव्वाणि चक्खुणा, एतेहिं दोहिं वि जाणित्ता य पासित्ता य परिहरितव्वाणि ॥ पानसुहुमे पंचविहे, पंचप्रकारे एक्केक्के वन्ने सहस्ससो भेदा, अन्ने य बहुपगारा संजोगा, ते सव्वेपि पंचसु समोत्तरंपि किण्हादिसु । नो चक्षुप्फासं । जे निग्गंथेन अभिक्खणं अभिक्खणं जत्थ द्वाणनिसीयणाणि चेतीति आदानं गहणं निक्खेवेवा करेति । पणओ-उल्ली विरुग्गतो तद्दवसमाणवन्नो जाहे य उप्पज्जति ॥ बीयसुहुमं-सुहुमं जं व्रीहिबीयं बीयं-तंदुलकणियासमाणं ॥ हरितसुहुमं पुढविसरिसं किण्हादिना अचिरुग्गतं ॥ पुप्फसुहुमं अल्पाधारत्वात् । अथवा उट्ठितं सुहुमं सुण्हं उंबरपुष्पादि, अहवा पल्लवादिसरिसं ॥ अंडसुहुमं पंचविधं, उट्ठंसंडे-मधुमक्खियादीणं अंडगाणि, पीविलिगा-मुट्ठंडाणि । उक्कलियंडे लूताडि पुडगस्स हल्लिया-धरतोलिया तीसे अंडगं, हल्लोहल्लिया-अहिलोडि सरडीवि भन्नति तेसिं अंडयं ॥ लेणसुहुमो लेणं आश्रयः सत्त्वानां उत्तिगलेणं गद्दभगउक्केरो । भूमि ए भिगुफुडियादाली, उज्जुगंबिलं तालमूलं हेट्टा विच्छिन्नं उवरिं तनुगं संवुक्कावत्तं-भमंतयं ।

“वासावासं” । इदानिं सामन्नसामायारी दोसुवि कालेसु विसेसेण वासासु । आयरियो दिसायरितो सुत्तयं वदिति, उवज्जाते सुत्तं वाएति, पव्वती नाणादिसु पव्वत्तेति, नाणे पढपरियट्ठेहिं सुणेहिं उट्ठिसविहिं, एवं दंसणे दंसणसत्थाइं पढपरियट्ठेहिं सुणेहिं वा चरित्ते पच्छित्तं वहाहिं अनेसनदुप्पडिलेहिंताणि करेत्तं वारेति, बारसविहेण तवेन जो आवेति, जो जस्स जोग्गो, थेरो एतेसु चेव नाणादिसु सीतंतं थिरं करेति पडिनोदेति उज्जमतं अनुवूहति । गणी । अन्ने आयरिया सुत्तादिनिमित्तं उवसंपन्नगा गणावच्छेइया साधू धेत्तुं बाहिरखेत्ते अच्छंति, उद्धावणापहावण-खेत्तोवहिमग्गणेषु असिवादिसु उज्जुत्ता अन्ने वा जंपुरतो कट्टु पुरस्कृत्य, सुहदुक्खिया परोप्पर पुछति, खेत्तपडिलहगा वा दुगमातीगता । ते अन्नमन्न पुरतो काउं विहरंति । अनापुच्छाए न वट्टति । किं कारणं ? वासं पडिज्ज पडिनीतो वा, अहवायरियबालखमगगिलाणाणं धेत्तव्वं । तं च ते अतिसयजुत्ता जाणमाणा कारणं दीवेत्ता पच्चवाता सेहसणायगा वा असंखडयं वा केणति सद्धि पडिनीतो वा । एवं वियारेवि पडितमुच्छिताद्विपच्चवाता ॥ गामानुगामं कारणितो दूतिज्जति । अन्नतरं वा विगति खीरादि एवं दीयं एत्तियं परिमाणेणं एवं तिक्खुतो एत्तियवाराओ दिवसे वा मोहुब्भवदोसा खमगगिलाणाणं अनुनाता ॥ अन्नयर तेगिच्छं वातितपित्तियसिंभिय-सन्निवाता आउरो विज्जो पडिचरतो उसधपत्थभोअनं आउट्टित्तए करेत्तए करणार्थं, आउट्टशब्दः ।

अन्नतरं अद्धमासादि उरालं महल्लं समत्थो असमत्थो वेआवच्चकरो पडिलेहणादि करेत्तओ अत्थि, पारणगं वा संधुक्कणादि अत्थि । भत्तपच्चक्खाणे नित्थारतो नत्थि समाधिपानगं निज्जवगा वा अत्थि, निष्फती वा अत्थि नत्थि अन्नतरं उवहेत्ति वत्थपत्तादिकं । अथासन्निहिता अनायावणे कुत्थणं पणतो अह नत्थि पडियरगा उल्लति हीरेज्ज वा उदगवहो जायते तेन विना हानी ॥ “वासावासं अनभिग्गाहितसिज्जायणियस्स, मणिकुट्टिमभूमीएवि संथारो सो अवस्स घेतव्वो विराधना-पाणासीतलकंथूं” सीतलाए भूमीए अजीरगादिदोसा आसनेन विना कुंथूंसंघट्टो निसिज्जा मड्लिज्जति

उदगवधो मड्ळाए उवरि हिड्ढावि आयाणं कर्मणां दोसाणं वा । उच्चं च कुच्चं च उच्चकुच्चं न उच्चकुच्चं अनुच्चकुच्चं, भूमीए अनंतरे संथारए कए । अवेहासेपि पीपिलिकादिसत्तवहो दीहाजादिओ वा डंसिज्ज, तन्हा उच्चो कातव्वो । उक्तं च-हत्थं लंबति सप्पो० गाथा । कुच्चो संघट्टणए कुथूंम-कुणादिवधो अनड्ढाबन्धी पक्खस्स तिन्नि चत्तारि वाराउ वा बंधंति, सज्जायादिपलिमंथो पानसंघट्टणा य, अथवा अनड्ढाबन्धी सत्तहिं छहि पंचहिं वा अडएहिं बंधंति । अभियासणितो अबद्धासणितो ठाणातो ठाणसंकमं करेमाणो सत्ते वहेति, अनातावियस्स संथारगपादादीणं पनंगकुथूहि संसज्जते, तक्कज्जअनुवभोगो उवभोगनिरत्थए य अधिकरणं । उवभुंजमाणस्स जीववधो

असमितो इरियादिसु भासणे संपातिमवधो दुन्नेयो नेहच्छेदो ततियाए । पढमचरिमासु दोहं अपेह अपमज्जणे दोसो ॥ नेहो-आउक्कातो चेव नेहच्छेदो, परिणतो वा न वा दुव्विन्नेओ ततियाए एसनाए समितीएत्ति अभिक्खणं । ठाणनिसीअन तुअट्टणो उवहिं आदाननिक्खेव तथा तथा एतानि ड्ढाणाणि संथारादीणि न परिहरंति तथा तथा संजमे दुआराधए । जो पुन-अभिग्गहित-सेज्जासणितो भवति, तस्य अनादानं भवति, कर्मणो असंयमस्य वा । उच्चो कातव्वो अकुच्चो बंधितव्वो । अड्ढाए एक्कसि पक्खस्स अट्टगा चत्तारि बद्धासणेणं होतव्वं कारणे उट्टेति, संथारगादी आतावेतव्वा पमज्जमणा सीलेन य भवितव्वं, जधा जधा एतानि करेति तथा तथा संजमो सुडु आराहितो भवति, सुकरतो वा, ततो मोक्खो भवति ॥ “वासावासं तओ, उच्चार” तउत्ति-तओ अंतो अहियासिताओ, अनहियासियाओ वि तओ, आसन्ने मज्जे दूरे एक्केक्का वाघातिनिमित्तं एवं बाहिंपि ३ उस्सत्रं-प्रायशः प्राणा वीजा वगा संखणग इंदगोवगादिः प्राणा अहुन्नुब्भिणा बीजा ते हरिता जाता, आयतनं-स्थानं ॥ “वासावासं तउ मत्तया” ओगिण्हत्तए तं उच्चारमत्तएवि बेलाए धरंति आयविराधना वाऽसंते संजमविराधना य बाहिं नितस्स गुम्भियादि गहणं तेन मत्तए वोसिरत्ता बाहिं निता परिट्टवेंति, पासवणेवि आभिग्गहितो धरेति, तस्ससति जो जाहे वोसिरत्ति सो ताहे धरेति न निक्खवति । सुयंतो वा उच्छंगे ठितयं चेव उवरि दंडए व दोरेन बंधंति गोसे असंसत्तियाए भूमीए अन्नत्थ परिट्टवेति ॥

“वासावासं नो कप्पति निग्गंथा २ परंपज्जोसणातो गोलोममेत्तावि केसा जाव संवच्छरियथेरकपे उवातिणावेत्तएत्ति अतिक्रमितए, केसेसु आउक्कातो लग्गति, सो विराधिज्जेति, तेसु य उल्लंतेसु छप्पितियातो समुच्छंति छप्पईयाओ य कंडुयंतो विराधेति । अप्पणो वा क्वतं करेति, जन्हा एते दोसा तन्हा गोलोमप्पमाणमेत्तावि न कप्पंति, जति च्छुरेण कारेति कत्तरीए वा, आणादी ताओ छप्पितियातो छिज्जंति । पच्छा कम्मं च ण्हावितो करेति, ओभामणा, तन्हा लोतो कातव्वो, तो एते दोसा परिहरिता भवंति । भवे कारणं, न करेज्जा विगलोयं असहू न तरति अहियासेत्तुं लोयं, जति करेति अन्नो वा उवह्वो भवति, बालो रुएज्ज वा, धम्मं वा छड्ढेज्जा गिलाणो वा, तेन लोओ न कीरति । जति कत्तरीए कारेति पक्खे पक्खे कातव्वं, अथ च्छुरेण मासे मासे कातव्वं । पढमं छुरेण पच्छा कत्तरीए अप्पणा दवं धेतूण तस्सवि हत्थधोवणं दिज्जति एस जयणा धुवलोयउ जिनाणं, थेराण पुन वासासु अवस्स कायव्वो । पक्खियारोवणा वताणं सव्वकालं, अहवा संथारयदोराणं पक्खे २ बंधा मोत्तव्वा पडिलेहेतव्वा य, अथवा पक्खिया आरोवणा केसाणं कत्तरीए अन्नधा पच्छित्तं, मासिए खुरेणं, लोतो छणं मासाणं उक्कोसेणं थेराणं, तरुणाणं चाउम्मासितो संवच्छरिउत्ति

वा वासारत्तिउ वा एगड्ढं ।

उक्तं च- “संवच्छरं वावि परं पमाणं बीयं च वासं न तहिं वसेज्जा ॥ एस कप्पो मेरा-मज्जाया कस्स ? थेराणं भणिता आपुच्छभिक्खायरियादिविगति-पच्चक्खाणं जाव मत्तगंति । जिनानवि एत्थं किंचि सामन्नं पाएणं पुन थेराणं । वासावासं नो कप्पति निग्गंथा निग्गंथी० परंपज्जोसवणातो अधिकरणं वदित्तए अतिक्रामयित्वा इत्यर्थः । वदित्तए जधाअधिकरणसुत्ते, कताइ ठवणा द्विवसे चेव अधिकरणं समुप्पन्नं होज्ज, तं तद्विवसमेव खामितव्वं, जो परं पज्जोसवणातो अधिकरणं वदति सो अकप्पो अमेरा निज्जुहितव्वो गणातो तंबोलपन्नज्ञातवत् उवसंतउबड्ढित्ते मूलं, वासावासं पज्जोसविताणं इह खलु पवयणे अज्जेव पज्जोसवणादिवसे क्कक्खडे-महल्लसदेण, कडुए-जकारम-कारेहिं, बुग्गहो कलहो सामायारीवितहकरणो, तथावराहे सेहेन रातिनितो खमितव्वो । पढमं जतिवि रातिनिओ अवरद्धो पच्छा रातिनितो खामेति, अह सेहो अभ्भुड्ढम्मो ताहे रातिनितो खमिति । पढमं खमितव्वं सूयमेव खामितव्वो परो, उवसमितव्वं अप्पणा, अन्नेसिंपि उवसमो कातव्वो । उवसमेतव्वं संजताणं संजतीण य जं अज्जितं समीरवल्लएहिं० गाथा । तावो भेदो०

संमती-सोमना मतीसंमती रागदोसरहिता । संपुच्छणति-सज्जायाउत्तेहिं होतव्वं । अहवा संपुच्छणा सुत्तथेसु कातव्वा । न कसाया वोढव्वा । अहवा जो खामितो वा अक्खामितो वा उवसमिति तस्स अत्थि आराधना नाणादि ३ जो न उवसमति तस्स नत्थि, एवं ज्ञात्वा तम्हा अप्पणा उवसमितव्वं । जति परो खामितो न उवसमति तम्हा किं ? निमित्तं जेन उवसमसारं उवसमप्पभवं उवसममूलमित्यर्थः, समणभावो सामन्नं । वासासु वाधातनिमित्तंति तिन्नि उवस्सया, घेतव्वा । का सामायारी ? उच्चते-विउच्चिया पडिलेहा-पुनो पुनो पडिलेहिज्जति संसत्ते असंसत्ते तिन्नि वेलाउ पुव्वण्हे भिक्खं गतेसु वेंतालियं, जे अन्ने दो उवस्सया तेसिं वेउच्चिया पडिलेहा दिने दिनेनिहाल्लज्जति पडिलेहा, मा कोइ ठाड्ढित्ति ममत्तं वा काहित्ति, ततिए दिवसे पादपुंछणेण पमज्जिज्जति । वासावासं अन्नतरं दिसिं वा अनुदिसिं वा । अभिगिज्ज भिक्खं सन्नाभूमि गमित्तए कहिअं आयरियादीनां सेसाणंपि, एवं सव्वत्थवि सेसेण-वासासु जेन ओसन्नं प्रायशः तवसंपउत्ता छड्ढादी पच्छित्तनिमित्तं संजमनिमित्तं च चरति, चरन्तं योऽन्यश्चरति स पडिचरति-पडिजागरति गवेसंति अनागच्छंतं दिसं वा अनुदिसं संघाटगो ।

“वासावासं पज्जोसविआण चत्तारि पंचजोयणत्ति” संथारगोवस्सग निवेसनं साही वाडग वसभ ग्गामभिक्खं कातुं अद्विठे वसिऊण जाव चत्तारि पंच जोयणा अलब्भंते, एवं वासकप्प उसधनिमित्तं गिलाणवेज्जनिमित्तं वा, नो से कप्पति तं रयणिं जहि से लद्धं तहिं चेव वसित्तए । अहवा जाव चत्तारि पंचजोयणाइं गंतुं अंतरा कप्पति वच्छए न तत्थेवं जत्थ गम्मति । कारणितो वा वसेज्ज ॥ “इच्चेयं संवत्सरियं” इति । उपप्रदर्शन एस जो उक्तो भणितो सांवच्छरिकश्चातुर्मासिक इत्यर्थः । थेरकप्पो-थेरमज्जाता थेरसामायारी, न जिनानं अथवा जिनानवि किंचि एत्थ जधा अगिहंसि अहासुत्तं जहासुत्ते भणितं न सूत्रव्यपेतं । तथा कुर्वतः अहाकप्पो भवति । अन्नहा अकप्पो । अधामग्गं कहं ? मग्गो भवति एवकारेत्तस्स नाणादि ३ मग्गो । अधा तच्चं-यथोपदिष्टं सम्यक् यथावस्थित-कायवाङ्मनोभिः, फासित्ता आसेवेत्ता पालेत्ता-रक्खित्ता सोभितं-करणेन कतं, तीरितं नीतं अंतमित्यर्थः । यावदायुः । आराहेत्ता अनुपालनाए य करंतेण सोभितं किट्ठितं

पुत्रं चाउम्मासितं तेनेवं करैतेण उवदिसंतेण य आराहितो भवति न पालेतस्स किं फलं ? उच्चते-
तेनेव भवग्गहणेण सिञ्जति, अत्थेगइया दोच्चेणं एवं उक्कोसियाए आराधनाए मञ्जिमियाए
तिहिं, जहन्नियाए सत्तट्ट न वोलेति । किं ? स्वेच्छया भणति नेत्युच्चते तं निद्देसो कीरति पुनो-

तेणं कालेणं तेणं समएणं समणे भगवं महावीरे रायगिहे नगरे सदेवमनुयासुराए परिसाए
उद्घाट्यशिरः परितः सर्वतः सीदति परिषत् मज्जे डितो मज्जगतो एवं आइक्खइ-एवं यथोक्तं
कहेति, भासित वाग्गोणेन, पन्नवेति-अनुपालियस्स फलं परुबेति, प्रति प्रति रूवेति परुवेति,
पज्जोसवणाकप्पोत्ति वरिसारत्तमज्जाता, अज्जोत्ति-आमंत्रणे द्विग्रहणं निकाचनार्थं एवं कर्तव्यं
नान्यथा, सह अत्थेणं सार्थं, सहेतुं न निर्हेतुकं, सनिमित्तं, सकारणं, अननुपालितस्स दोसा, अयं
हेतुः, अपवादो कारणं, जहा-सवीसतिराते मासे वितिक्कंते पज्जोसवेतव्वं, किं ? निमित्तं-हेतुः ।
पाएणं अगारीहिं अगाराणि सद्वाए कडाणि कारणे उ आरेणवि पज्जोसेवति आसाढपुत्रिमाए ।
एवं सव्वसुत्ताणं विभासा दोसदरिसणं हेतुः अववादो कारणं सहेतुं सकारणं भुज्जो भुज्जो पुनो पुनो
उवदंसेति, परिग्रहणात् सावगाणवि कहिज्जति समोसरणे कहिज्जति पज्जोसवणाकप्पो ॥

दसा-८-समाप्ता

मुनि दीपरत्नसागरेण संशोधिता सम्पादिता दशाश्रुतस्कन्धे
अष्टमा दशा सनियुक्तिः सचूर्णिः परिसमाप्ता ।

दसा-९-मोहनिय स्थानं

चू. संबंधो जो एतं वितथं करेति धेरकप्यं संवच्छरियं वा स मोहनिज्जं वट्ठति, से तस्स चत्तारि
दाराणि, अधिगारो मोहनिज्जट्ठाणं जाणित्ता वज्जेयव्वा । नामनिष्फन्ने निक्खेवे मोहनिज्जट्ठाण दुपदं,
मोहनिज्जं ट्ठाणं च, मोहनिज्जस्स ट्ठाणं मोहनिज्जट्ठाणं, जेहि वा ठाणेहिं प्रकारेहिं मोहनिज्जं बज्जति
तं मोहनिज्जट्ठाणं मोहे भवं मोहनीयं, नामट्टवणा० गाथा -

नि. [१२२] नामं ट्टवणा मोहो दव्वे भावे य होति बोधव्वो ।

ठाणं पुव्वुद्धिदं पगयं पुन भावट्टाणेणं ॥

चू. मोहो नामादि चउव्विहो, ट्टवणाए अंधलतो लेहितो । दव्वे - गाथा-

नि. [१२३] दव्वे सचित्ताती सयणधनादी दुहा हवइ मोहो ।

ओधेनेगा पयडी अनेग पयडी भवे मोहे ॥

चू. आदिग्रहणात् अचित्तापि । सचित्ते धतुरगविसकोहवादि अहवा सयनादि, जो तहिं सयनेधने
दोहं न पेच्छति, सो मूढो, अचित्ते मज्जादी धणादि वा । भावमोहो दुविधो ओहे विभागे य, ओहे
एगा पगडी विभागे सव्वमेव कम्मं मोहो । उक्तं च-कहणं भंते जीवे अट्टकम्मपगडीतो बंधंति
गोतमा ? नाणावरनिज्जकम्मस्स उदएणं दरिसणावरणिज्जं, कम्मं नियच्छति दरिसणावरनिज्जस्स
कम्मस्स उदएण दंसनामोहं कम्मं नियच्छति, दंसण-मोहनिज्जस्स उदएण मिच्छत्तं नियच्छति ।
मिच्छत्तेणं उदिन्नेणं एवं खलु जीवा अट्टकम्मपगडीतो बंधंति, तेन मोहनीयमेवं ओहेणं, विभागेणं
अनेगाओ

नि. [१२४] अट्टविहं पि य कम्मं भणिअं मोहोत्ति जं समासेणं ।

सो पुव्वगते भणिओ तस्स य एगट्ठिआ इणमो ॥

चू. सो मोहो कहिं भणितो ? कम्मप्पवायपुव्वे तस्स एगट्ठिया तस्स कम्मस्स ।

नि. [१२५] पाये वज्जे वेरे पनगे पंके खुहे असाए य ।

संगे सल्ले अरए निरए धुत्ते अ एगट्ठा ॥

चू. पासयति वा पापं वर्जनीयं-पातयति वज्रं सेसं कंठं । भावद्वारेण उदइएणाधिकारो, लोमप्यागासा इमे साधू उवट्ठितं गुरु आयरिया मित्तसहाहेतुं बंधवा, सप्पी जधाअंडपुडं जिनवयण-विलोमणो प्रतिलोमे वट्टति । असुभानि जानि दुहानि वा अनुबंधति तता तातिं वज्जेज्जा । सुत्तानुगमे सुतं उच्चारेतव्वं

नि. [१२६] कम्मे य किलेसे य समुदाने खलु तहा मइल्ले य ।

माइणो अप्पाए अ दुप्पक्खे तह संपराए य ॥

नि. [१२७] असुत्ते दुहानुबंधं दुम्पोए खलु चिरट्ठितीए य ।

धनचिक्कणनिव्वे आमोहे य तहा महामोहे ॥

नि. [१२८] कहिया जिनेहिं लोगो पगासिया भारिया इमे बंधा ।

साहुगुरुमित्तबंधवसेट्ठीसेनावइवधेसु य ॥

नि. [१२९] एत्तो गुरुआसायनजिनवयण विलोवणेसु पडिबंधं ।

असुहे दुहाण बंधत्ति तेन तो ताइं वज्जेज्जा ॥

मू. (५४) तेणं कालेणं तेणं समयेणं चंपा नाम नयरी होत्था, वन्नओ पुन्नभदे नाम चेइए वन्नओ, कोणियो राया धारिणी देवी, सामी समोसदे, परिसा निग्गया धम्मो कहितो परिसा पडिगया । अज्जोत्ति समणं भगवं महावीरे बहवे निग्गंथा य निग्गंथीओ य आमंतेत्ता एवं वदासी, एवं खलु अज्जो तीसं मोहट्ठाणाइं जाइं इमाइं इत्थिओ वा पुरिसा वा अभिक्खणं आयरमाणो वा समायरेण वा मोहनिज्जाए कम्मं पकरेइ तं जहा-

मू. (५५) जे केइ तसे पाणे वारिमज्जे विगाहिया । उदएण कम्मं मारेइ महामोहं पकुव्वति ॥

चू. जाव जे केइ तसा पाणा सिलोगो, यः कश्चित् इत्थी पुरिसो गिही पासंडी वा त्रसाः सत्त्वाः ते शस्त्राभावाद् दुःखोत्पादकेन मारेण मारेति, विगाह्य परिव्राजकवत्, उदएण तोएण अकम्मउदएण उक्कमित्तां पाएहिं अच्छति । महंतं मोहं महामोहकम्मं महामोहो वा संसारो जहा सो होति तं प्रति तं प्रति करेति प्रकुर्वति ।

मू. (५६) पाणिणा संपिहित्ताणं सोयमावरिय पाणिणं । अंतोनदंतं मारेइ महामोहं पकुव्वइ ॥

चू. पाणिणा संपिहित्ताणं सिलोगो ० पाणी हस्तः तेन पिहित्ता आवरित्ता प्राणिनं सत्त्वं अंतो नदंतं 'नद अव्यक्ते शब्दे' अंतो धुरुधुरेतं अब्भितरगलए वा नदति ॥

मू. (५७) जायतेयं समारब्भ बहुं ओरुंभिया जनं । अंतो धूमेण मारेतिं महामोहं पकुव्वइ ॥

चू. जाततेयं सिलोगो-तेजेन च सह जायति जाततेजो, जायमाणस्स वा तेजः जाततेजाः तं समारभ्य प्रज्वाल्य गृहे बिले वा अंतो धूमण ।

मू. (५८) सीसम्भि जो पहणति उत्तमंगम्मि चेतसा । विभज्ज मत्थए काले महामोहं पकुव्वइ ॥

चू. सीसंभि सिलोगो-श्रुता तस्मिन् प्राणा इति शिरः सीसंभि जो पहणति चेतसा-तीव्राभिनिवेशेन

विभज्य द्वेधा कृत्वा ।

मू. (५९) सीसावेढेण जे केइ आवेढेत्ति अभिक्खणं । तिव्वं असुहसमायारे महामोहं पकुव्वइ ॥

चू. सीसावेढेण सिलोगो-मेतज्जवत् तिव्वं वेदनं उप्पाएत्ति । उदीरेत्ति तिव्वेण परिणामेण तिव्वं कम्मं बंधेत्ति, धन चिक्कणं ।

मू. (६०) पुनो पुनो पणिहीए बाले उवहसे जनं । फलेणं अदुवा डंडेन महामोहं पकुव्वइ ॥

चू. पुनो पुनो सिलोगो-पणिधी-उवधी मायेत्यर्थः । जहा गलागर्ता वाणिगवेसं करेत्ता पथं गच्छति पच्छा अद्धपहे मारेत्ति, उवहसता नंदीत्ति मंनंति फलं-पडालं मुट्ठी वा डंडो खीला ।

मू. (६१) गूढाचारी निगूहिज्जा मायं मायाए छायए । असच्चवायी निण्हाइ महामोहं पकुव्वइ ॥

चू. मुसावायानिमित्तं जहा ते सउणमारगा छादेहि अप्पाणं आवरित्ता सउणे गिण्हंति अप्पनियाए मायाए ताहे चिय मायं छादेत्ति, जेणंति असच्चवादी मुसावादी निण्हवति मूलगुणउत्तरगुणे आसेवित्ता परेण पडिनोदितो भणत्ति-न पडिसेवामि । अहवा सुत्तत्थे गिण्हितुं निण्हाति ।

मू. (६२) धंसति जो अभूतेणं अकम्मं अत्तकम्मणा । अदुवा तु ममकासित्ति महामोहं पकुव्वत्ति ॥

चू. अवलवइवि सेत्ति सिलोगो । भगं देत्ति जहा अंगरिसी रुद्धएण अत्तकम्मं आत्मकृतं तस्सोवरि छुभत्ति, अथवा तुमं अन्नेन कृतं ओधारिणं भणत्ति त्वया कृतमेतत् ।

मू. (६३) जाणमाणो परिसाए सच्चा मोसाणि भासति । अक्खीणझंझो पुरिसे महामोहं पकुव्वइ ॥

चू. जाणमाणे सिलोगो-जाणमाणे जधा अनृतमेतत् परिसागतो बहुजनमध्ये सच्चा मोसा इत्ति किंचित्तत्र सत्यं प्रायसो अनृतमेव । अक्षीणझंझो ऊ अक्षीणकलहो झंझा-कलहो, वालो विसोत्तिया ।

मू. (६४) अनागस्स नयवं दारे तस्सेव धंसिया । वउलं विक्खो भइत्ताणं किच्चाणं पडिबाहिरं ॥

चू. अनायगस्स सिलोगो-अनायगो राया नयवं तस्स अमच्चो नान्यो नायको विघत्त इत्यनायकः अस्वामीत्यर्थः । अमच्चो तस्स दारे द्रुह्यते महिलायां गुरुतल्पगा अहवा आगमद्वारं हिरण्यादीनां यथा प्रियंकरगल्लकेन विपुलं विक्खो भइत्ताणं कवडे काट्टं करेत्ता संखो भंजणइत्ता परिसाभेदं करइत्ता बाहिरगं करेत्ता अप्पणा अधिड्ढेत्ति अधिड्ढेत्ति भोगान् विपुलान् भुंक्ते ।

मू. (६५) उव्वकसंतं पि झंपेत्ता पडिलोमाहिं वग्गुहिं । भोगाभोगे वियारेत्ति महामोहं पकुव्वत्ति ॥

चू. कोइ सब्वस्स हरणो कतो, अवरराहे अनवराहे वा सो उड्ढितो पाहुडेण अनुलोमेहिं विन्नवेत्ति दीणकलुणेहिं, जधा-अगारी अहं पच्छा तं झंपेत्ति सत्यानृताहि वग्गूहिं एरिसे तारिसो तुमं पडिलोमाहि पडिकूला हि भोगाभोगे वियारेत्ति हरत्ति सद्देणाडगादि रूवं तासिं चेव, एवं पंचलक्खणेविसए,

मू. (६६) अकुमारभूते जे केइ कुमारभुतेत्ति हं वदे । इत्थी विसयसेवीए महामोहं पकुव्वइ ।

चू. अकुमारभूते सिलोगो-अकुमारबंधचारी भणत्ति अहं कुमारबंधचारी सच इत्थीहिं गिद्धे गठिते मुच्छिते तव्वव्विसए महामोहं ।

मू. (६७) अबंधचारी जे केइ बंधचारित्तिहं वदे । गद्दभे च गवे मज्झे विस्सरं वदती नदं ॥

चू. अबंधचारी सिलोगो । कोइ भोगे भोत्तुं भणत्ति संयतमहं बंधचारी स च पच्छण्हं पडिसेवेत्ति । स च भणंतो न सोभत्ति । सतां मध्ये, जह-जधा गद्दभो गवां मध्ये बीभत्स विस्वरं । वृषभस्य निद्धो गंभीरो नीहारी य सोभते । एवं सो बंधचारीण मज्झे स एव अनृतं कुर्वन् ।

मू. (६८) अप्पणो अहियं बालो मायामोसं बहुं भसे । इत्थी विसयगेहीए महामोहं पकुव्वत्ति ॥

चू. अप्पणो अहिते सिलोगो । कस्याहित उच्यते अप्पणो अहिते बालमूढ अत्राणी तद्विपाकजान् दोषात्र बुध्यते, तेन चारु ब्रुवता भासितं न फाले न योजितं । किं निमित्तं ? जेन अबंभयारी इत्थी विसयगेहीय गिद्धो पकुव्वति । भृशं अत्यर्थं च बद्धपुठं निहत्तनिकाइतं करेति ।

मू. (६९) जं निस्सितो उव्वहती जस्स साहिग्गेन य तस्स लुब्भसि वित्तंसि महामोहं पकुव्वइ ॥

चू. जं निस्सिओ सिलोगो-जं निस्सितो अनिस्सितो वा रातं राजामात्यं वा जीविका उद्वहते आत्मानं जससा अहंताहंवाओ अभिगमेन एतस्स तस्सेव लुब्भति वित्तंसि हिरन्नादि ।

मू. (७०) इस्सरेण अदुवा गामेन अनिस्सरे इस्सरीकए । तस्स संपरिग्गहितस्स सिरी य तुलमागता ।

चू. महाइस्सरेण सिलोगो-इस्सरो पभू तेन गामेन वा तथ्य जो अनिस्सरो तस्स उपरि गहीतस्स सिरी ऐश्वर्यं अतुल्यं आगतं प्राप्तं ।

मू. (७१) इस्सादोषेण आइड्ढे कलुसाविलचेतसा । जे अंतराय चेतति महामोहं पकुव्वति ।

चू. इस्सादोसेण सिलोगो । तस्स ईसरस्स गामस्स वा ईर्ष्या द्वेषेण आविष्टं यथाग्रहाविष्टः कलुषेणावृतं चेतः तस्य लोभनेत्यर्थः द्वेषेण वा जे अंतरायति अंतरायं च ऐश्वर्याजिवितभोगानां चेतति करेति जो उव्वहणं हनेति तस्स सेसेसु का सत्रा । सो इस्सरत्तं चेव न लब्भति । सो महामोहं

मू. (७२) सप्पी जहा अंडउडं भत्तारं जो विहिंसइ । सेनावतिं पसत्थारं महामोहं पकुव्वति ॥

चू. सप्पी जहा सिलोगो । अंडान्येव पुडं अंडयोर्वा पुडं निरंतरं । अहवा पुड प्रमर्दने, अंडानि प्रमर्दयति स्वानीत्यर्थः । बिभर्तीति भर्ता पोषयिता पोषयितारं वा, यथा सेनावति पातति पतिः - स्वामीत्यर्थः, सेनापति राजा प्रशस्तानि कर्माणि कुर्वन्ति । अमच्चधम्मपाढगा तम्मि मारिते राया रज्जं च दुक्खितं तद्भातूपुत्रादयश्च ।

मू. (७३) जे नायगं च रट्टस्स नेतारं निगमस्स वा । सिद्धिं च बहुरवं हंता महामोहं पकुव्वति ॥

चू. नायगो च सिलोगो-नायगो नेता प्रभुरित्यर्थः जारिसो से लाभो नच्चा वा निगमस्स वा नेतारं, निगमा वाणिया तेसिं नेता सेट्ठी बहुरवं-निग्गतजसं बहुगुणं वा बहुभिः सेव्यते तेसिं हंता एतानि द्वाणाणि न पावति ।

मू. (७४) बहुजनस्स नेतारं दीवं ताणं च पाणिणं । एतारिसं नरं हंता महामोहं पकुव्वइ ॥

चू. बहुजनस्स सलोगो । बहुजनस्सत्ति-पञ्चानामपि यो नेता दीवंति यथा उह्यमानानां, नद्याः सागरश्रोतैर्वा द्वीपो आश्रयः त्राणं आश्वासश्च भवति, एवं सो सत्ताणं त्राणं त्रायइतारं शरणभूतं एवं गुणजुत्तं च तारिसे हंता न कताइ पुनो एरिसो भवति ।

मू. (७५) उवड्डियं पडिविरयं संजयं सुसमाहियं । विउक्कम्म धम्माओ भंसेति महामोहं पकुव्वइ ॥

चू. उवड्डित सिलोगो । उवड्डितं पव्वइतुकामं पडिविरतं पव्वइतयं चेव सुड्डु अत्यर्थं तपे सुश्रितं सुतवस्सि तं विविधैः प्रकारै रारुक्म्य बला इत्यर्थः धर्मात् चारित्रधर्माद् भ्रंशयति अपनयतीत्यर्थः । स एवं कुव्वंतो महामोहं अचरित्री भवति, न भूयः चारित्रं पाविहिसि, सुबहुनावि कालेण

मू. (७६) तहेवानंतनाणीणं जिनाणं वरदंसिणं । तेसिं अवन्नवं बाले महामोहं पकुव्वइ ॥

चू. तहेव नंतनाणीणं सिलोगो दव्वादि अनंतं जाणंति नेतं जिना तथ वरदंसिणंति केवलदंसण-मित्यर्थः । अनंतं ज्ञानमेव न विद्यते, न य केइ सव्वन्नु, ज्ञेयस्यानन्तत्वात् । उक्तं च-

अनाणं धावति अज्जवि य न अनंतउअलोगो तो ।

अञ्जवि य न कोई तुहं पावति सव्वनु तं जीवो ॥

अथ पावति तं सांतो पत्तो एगंतमुप्पातो अन्नोन्नावरणक्खए जिनाणंति । पाहुडियं उवजीवति । एवं करंतो दंसणातो भस्सति ।

मू. (७७) नेयाउयस्स मग्गस्स दुट्ठे अवहरइ बहु । तं तिप्पति ततो भावेति महामोहं पकुव्वइ ॥

चू. नेयाओगस्स मग्गस्स सिलोगो ? नयनसीलेनेयाउतो सच नाणदंसणचरित्रात्मकः । नाणकाया वता य द्धिय ते द्धेव पमादअप्पमादा य । मोक्खाहिकारिणा णं जोतिस जोतीहिं किंचि पुनो ॥ दंसणे एते किरसिं जीवा एरिसगा, चारित्रे जीवबहुत्वे अहिंसा न विद्यते, तद्भावाच्चारित्राभावो दृष्टः । अपकारं कुरुते अपकुरुते अहवा अवहरति ततो विप्परिणामेति जो सासनं जइणं दूसेति, सयं पसंसति तं तिप्पयंतोत्ति तं निंदमाणेण तिप्पति भावेति । एवमात्मानं परं च भावेति निंदया द्वेषेण वा, एवं करंतो तं नेआउयं मग्गं न लब्भति ।

मू. (७८) आयरिय-उवज्जायाणं सुयं विनयं च गाहिए तं चेव खिसति बाले महामोहं पकुव्वइ ॥

चू. आयरिय सिलोगो-सुतं सज्जायं विनयं चरित्रं गाहितो सिक्खावितो ते चेव खिसति अप्पसुतो वप्पज्जाविउ दंसणे, अन्नउत्थियसंसग्गि करेति, न य सद्वहति चरित्रे मंदधम्मो, पासत्थादिट्ठणेषु वट्टति, अहवा डहरो अकुलीनोति अथवा जातिकुलादीसु एताइ ठाणाणि न लभति ।

मू. (७९) आयरिय-उवज्जायाणं सम्मं न परितप्पति । अपरिपूयते थद्धे महामोहं पकुव्वति ॥

चू. आयरिय सिलोगो-आयरिओ सुत्तेण तप्पति सिस्सगिलाणस्स वा वट्टति, पच्छा सो सीसो न तप्पति विनयाहारोवधिमादीहिं थद्धो जात्यादीहिं

मू. (८०) अबहुस्सुते वि जे केइ सुतेणं पविकत्थइ । सज्जायवायं वयइ महामोहं पकुव्वइ ॥

चू. अबहुस्सुते सिलोगो-कत्थ श्लाघया गणी अहं वाचकोऽहं, अथवा कोइ भणेज्जा सो तुमं गणी वायगो वा भणति आमं, सज्जायवादं वदति । अहं विसुद्धपाढो बहुस्सुतो वा ।

मू. (८१) अत वस्सिते य जे केइ तवेणं पविकत्थति । सव्वलोगपरे तेने महामोहं पकुव्वइ ॥

चू. एवं तवस्सीवि । तेनो व जीवति । आहारोवहिमादी सव्वलोगे जे तेना तेषां परः परमः भावस्तेनत्वात् । स एवं कुव्वंतो बहुस्सुत-तवसित्तणाणि न लभति ।

मू. (८२) साहारनद्धा जे केइ गिलाणंमि उट्ठिते । पभूण कुव्वती किच्चं मज्झं पेसण कुव्वइ ॥

चू. साहरणट्ठासिलोगो-साहारयिष्पति मां ग्लानं गिलाणोऽहमिति उपस्थितः कश्चिदाचार्यम् । प्रभृति-समत्थो स्वयमन्यैश्च कारापयितुं उवदेसेण पभू ओसहं उप्पाएतं चउभंगो दोहिवि पभू किच्चं जं तस्स करणिज्जं, गिणालस्स, किमत्थं न करेति ? , द्वेषेण ममवि एसो न करेति । लोभात्-नायं ममोपकारे समर्थो भविष्पति बालोऽयं स्थविरो वा असमर्थत्वात्, स एवं गुणजुत्तो ।

मू. (८३) सढे नियडिपन्नाणे कलुसाउलचेतसे । अप्पणो अबोहिए महामोहं पकुव्वइ ।

चू. सढे नियडिसिलोगो-शठकैतवे प्रतिप्रकारं प्रतिकृतिः अधिका कृतिः निकृतिः गिलानवेसं अद्देति यद्यप्येवं प्रज्ञां करोति चितयति-किमंग पुन किमु नावट्टति अप्पणो अबोधीए न परस्स । ?

मू. (८४) जो तहाधिकरणाइं पउंजे पुनो पुनो । सव्वत्तिथाण भेताए महामोहं पकुव्वति ॥

चू. अधिकरणं जथा दारियाविवाहे छेतंतकस्थगोणेणत्थेध, अथवा जाए कधए अधिकरणं उप्पाडेति कहं देशकधादि अहवा कोडेल्लग-मासुरुक्खादि कहेति सयं पउंजे उवदिसति । एवं

वदमाणो सव्वतित्थाण भेदाए विणासाए कहं तावो भेदो गाधा-सव्वानि तित्थानि नाणादीनि ।

मू. (८५) जे य आहम्मिए जोए संपउंजे पुनो पुनो । सहाहेउं सहीहेउं महामोहं पकुव्वति ॥

चू. निमित्तं कोण्टलविण्टलादीणि निमित्तं ? श्लाधाहेतुं, सहजातका सहमित्तादी ।

मू. (८६) जे य मानुस्सए भोगे अदुवा पारलोइये । तेऽतिप्यंतो आसयति महामोहं पकुव्वति ॥

चू. जोय मानुस्सए सिलोगो मनुस्सए सद्दादि ५ इह लोए जधा धम्मिल्लो परलोइया दिव्वा जधा बंधदत्तो ते तिप्यंति न तिप्यति आसयति पत्थयति पीहतति अहिलसति ।

मू. (८७) इड्डी जुत्ती जसो वन्नो देवाणं बलवीरियं । तेसिं अवननवं बाले महामोहं पकुव्वइ ॥

चू. इड्डीजुती सिलोगो । इड्डी सामानिगविमाणाभरणेहिं, जुत्ती-दीप्ति, जधा-सक्केण अंगुलीए यशः कीर्तिवर्णशरीरस्स जधा-सेता पउमपम्हगोरा बलमेव वीर्यं प्रभुरभ्यंतरो इन्द्रः ।

मू. (८८) अपस्समाणो पस्सामि देवा जक्खा य गुज्झगा । अन्नाणि जिनपूयड्डी महा० ॥

चू. अपस्समाणो सिलोगो-अपस्समाणो तो ब्रुवते-अहं पस्सामि देवा जक्खा वा पच्चक्खं समिणे वा कोइ अन्नाणि भणति, अहं जिनो जधा गोसालो अजिनो जिनप्पलावी किं निमित्तं ? एवं भणति ? पूया निमित्त । एतं महिगुणा सिलोगो ।

मू. (८९) एते मोहगुणा वुत्ता कम्मंता चित्तवद्धणा । जे तु भिक्खु विवज्जेत्ता चरेज्जऽत्तगवेसए ॥

चू. एते मोहगुणा तं उक्ता गुणति बध प्रात न मोक्ष प्रात ऊगुणा वा मोक्षस्य कम्म ता कम्मट्ठाणा जधा छुधा कम्मंता, एवं मोहकम्मंतो वित्तवद्धणति मोहवित्तस्य असुभस्य वा यथा करोत्पादो तावत्, अथवा कर्मणा मनसा वाचा जे तु भिक्खू यान्-मोहप्रकारान् वर्जयित्वा छड्ढेत्ता चरेज्ज धम्मं दसप्पगारं किं निमित्तं ? , आत्मानं गवेसमाणं जो अप्पाणं इच्छति, अहवा अत्तं गवेसइत्ति, जो अत्ताणं वयणं गवेसयति । अत्ता तित्थगरा । उक्तं च-आगमो ह्याप्तवचनं ।

मू. (९०) जंपि जाणे इत्तो पुव्वं किच्चाकिच्चं बहु जढं ।

तं वंता तानि सेविज्जा जेहिं आयारवं सिया ॥

चू. जंपि जाणे सिलोगो-जं जाणिय ज्ञाते तद्दोषान् यमिति वक्ष्यमाणं इतं अस्मात् प्रव्रज्याकालात् पूर्व कृत्यमिति । सो य सुतधोररणमुहदारभरणपेतकिच्चमइएसु सगोसु वसमाणं नो अप्पाणं इच्छति देहपूयण चिरंजीवन दानतित्थेसु अथवा अपत्योत्पादनं अकृत्यं चोरहिंसादि अहवा कताकतं हिरण्यादि बहुं छड्ढित्तं जढं अहवा मातापितादि-सयणसंबंधः तं वंता तानि वंता-छड्ढेत्ता तं सोवकरेज्जा जेहिं आयारबंधेचरचरित्रवानित्यर्थः ।

मू. (९१) आयारगुत्तो सुद्धप्पा धम्मे ठिच्चा अनुत्तरे । ततो वमे सए दोसे विसमासीविसो जहा ।

चू. आयारगुत्ते सिलोगो स एवायारजुत्तं पंचविहनाणायारदंसणायारचरित्तायारतवायार-वीरियायारेहिं, गुत्तो इंदिद्यानोइंदिएहिं, धम्मे ठिच्चा दसविहे अनुत्तरे अतुल्ये ततः ततो वमे छडे सयानात्मीयान् दोषान् कषायान्विषयान्विसं जधा-सप्पो उदए निसरति डसित्ता वमिता वा न पुनो आदियति । ततः किं ? भवति ।

मू. (९२) मुचत्तदोसे सुद्धप्पा धम्मड्डी विदिता परे । इहेव लभते कित्तिं पेच्चा य सुगविरं ॥

चू. सुधंतदोसेहि सुद्धप्पा भवति रागद्वोसवज्जित्तो मोहवज्जित्तो वा सुद्धात्मा भवति । धम्मड्डी-चरित्तधम्मड्डी, विदितं पूर्वमपरं च संसारे मोक्ष इत्यर्थः । स इहेव लभति कित्तिवंदणिज्जो पूयणिज्जो

आमोसादिलङ्घीतो पेच्छा य सुगतिं सिद्धिगतिं अनुत्तरगतिं वा वरा-प्रधाना श्रेष्ठा इत्यर्थः

मू. (९३) एवं अभिसमागम्य सूर्या ढपरक्रमा । सव्वमोहविनिमुक्का जातीमरणमतिच्छित्ति बेमि ॥

चू. एवं अभिसमागम्य सिलोगो । एवमवधारणे आभिमुख्ये वा सं एकीभावे आङ् मर्यादा-भिविष्योः गमसृपृगतौ सर्वे हि गत्यर्था धातवो ज्ञानार्थे ज्ञेयाः, किं ? ज्ञातुं, वंतावंतगुणदोषान् सूर्या तपसि, न वा परिसहाणं बीभति दढपरक्रमति जं तपोवहाणं गिण्हंति तं न भंजंति अहवा मने जो करणतो य गहितो ज्ञात्वा कुर्वति ततो किमस्य फलं ? एवं कुव्वंतस्स उच्यते-सव्वो मोहो अट्टपगडीतो मुधु मोक्षणे जदा निरवसेसो मोहो खवितो भवति तदा किं होति ? , कारणाभावात् कार्यस्याभावो भवति तंतुपटवत् कारणं मोहो कार्यं जातिजरामरणे अतिच्छिण् अतीते काले, अतिच्छित्ति सांप्रतं, अतिच्छिंसंति भविस्से स्वतः-भगवान् ब्रवीति अर्थ, सूत्रं गणधराः ॥

दसा-९-समाप्ता

मुनि दीपरत्सागरेण संशोधिता सम्पादिता दशाश्रुतस्कन्धे

नवमा दसा सनिर्युक्तिः सचूर्णिः समाप्ता

दसा-१०-निदानम्

चू. संबंधो जो मोहणिज्झाणे वट्टति सो आयाति ठाणे-संसारे वट्टति जो वा पडिसिद्धाणि आयरति । तस्स चत्तारि दाराणि अधिगारा निदानद्वाणेहिं तद्दासहि य । तानि जाणिता वज्जेतव्वाणि । नाम निष्फन्ना आयातद्वाण दुपय नाम द्वाण पुव्वुद्धिदं आयादि नामादि चउव्विहा -

नि. [१३०] नामं ठवणा जाई दव्वे भावे य होइ बोधव्वा ।

ठाणं पुव्वुद्धिदं पगयं पुन भावद्वाणेणं ॥

नि. [१३१] दव्वं दव्वसभावो भावो अनुभवनओहतो दुविहो ।

अनुभवन छव्विहो उहओ उ संसारिओ जीवो ॥

चू. दव्वायातित्ति-द्रव्यात्मलाभः यथोत्पन्नस्य घटद्रव्यस्य घटात्मलाभः, यथा नारकस्य नारकत्वेनात्मलाभः क्षीरस्य वा दधित्वेनोत्पत्तिः, एवं सर्वत्र । भावायाति-अनुभवणा सा दुविहा-ओहतो विभागतो य । विभागतो छव्विहा-यो हि यस्य भावस्यात्मलाभः उदयिकादेः स भावजाती होति । उदयिमस्य गतिकषायलिंगमिथ्यादर्शनाज्ञानामसंयतासिद्धलेश्याश्चतुष्ट्येकैकैकैकष-इभेदाः । नारकादिगत्वेनात्मलाभः, औपशमिकस्य औपशमिकत्वेन, एवं शेषाणामपि भावानां । ओहतो का भावाजातिः ? उच्यते-आहे संसारितो जीवो भावाजातिः, न तस्मात् संसारिकभावाद् जीवोऽर्थान्तरभूतो, मृतस्य जातिमरणं । अकाममरणिज्जा इह तु आजातिर्वर्ण्यते । सा तिविधा-

नि. [१३२] जाती आजातीया पच्चाजातीय होइ बोधव्वा ।

जाती संसारत्या मासो जाती जम्ममन्नयरं ॥

चू. जाती संसारत्याण नरकादि ४ आजातिः जन्ममन्यतरंति । सन्मूर्छनगर्भोगपपातं जन्म । पच्चायाति-

नि. [१३३] जत्तो चुओ भवाओ तत्थे य पुनोवि जह हवति जम्मं ।

सा खलु पच्चायायी मनुस्स तेरिच्छए होइ ॥

नि. [१३४] कामं असंजयस्सा नत्थि हु मोक्खे धुवमेव आयाइं ।
केन विसेसेण पुणो पावइ समणो अनायाइं ॥

काममवधृतार्थे एकान्तेनैव असंजतस्स नास्ति मोक्षः । हुः पादपूरणे । ध्रुवमेव निच्छएण आयाति, त्रिविधा केषांति-कतरेण विसेसेण पुनदानि पावति प्राप्नोति समणो भूत्वा अनाजातिर्मांक्ष इत्यर्थः । उच्यते-

नि. [१३५] मूलगुणउत्तरगुणे अप्पडिसेवी इहं अपडिबद्धो ।
भत्तोवहिसयनासनविवित्तसेवी सया पयओ ॥

चू. पंच ता मूलगुणा-उत्तरगुणाः । आदौ प्रतिपत्तिः मूलगुणानां पच्छा उत्तरगुणानां २ संजमधाती मूलगुणाः क्रमेण उत्तरगुणाः, ते दोवि न पडिसेवति नाचरति नाचरति-न विनाशयतीत्यर्थः । इहं तिलोए विसएसु अप्पडिबद्धो विहरति गामादिसु । किंच भत्तोवधिसयणासण उग्गमादि सुद्धा वासासु उड्डुबद्धेवि, कारणे वसही विचित्ता इत्थी-पसुपंडग-विरहिता आहारादीणि वा जीवविवित्तानि सेवति सदा नित्यकालं पयतो-पयलवान् अप्रमत्त इत्यर्थः । दंसणे ॥

नि. [१३६] तीत्थंकरगुरुसाहुसु भत्तिमं हत्थपायसंलीणो ।
पंचसमिओ कलहझंझपिसुणओहाण विरओ अ पाएण ॥

चू. तित्थंकरगुरुआयरियसाहुसु भत्तिमं हत्थपादपडिसंलीणो गुरुसकासे हत्थपादप्रहणात् कायसंलीनता गृहीता । एगगहणे सेसावि इंदिया विभासियव्वा । पंचसु समितीसु इंदिएसु वा, कलहविरतो संजमरतो ओहाणविरतो थिरसंजमो ।

नि. [१३७] पाएण एरिसो सिज्झइति कोइ पुना आगमेस्साए ।
केन हु दोसेन पुनो पावइ समणो वि आयाइं ॥

चू. एतेहिं गुणेहिं उववेतो नाणदंसणचरित्तगुणेहिं य पाएण सिज्झति । जो न सिज्झति तेणेव भवगहणेणं, सो केन हु दोसेणं ?

नि. [१३८] जाणि भणिआणि सुत्ते तहागएसुं तहा निदानानि ।
संदान निदानं नियपच्चोति य होति एगद्धा ॥

चू. जाणि भणिताणि सुत्ते वक्ष्यमाणानि तथागता-तित्थगरा तेहिं भणितानि तहा तहति निदानट्टाणाणि निदानप्रकारा वा, ते नवविहा । पठयते च-नव य निदानाणि, अथवा तथागतेहिं निदानाणि जाणि भणिताणि ताइं कुर्वन् पुनो समणो आयातिं पावेति । एगट्टिया-संताणंति वा निदानंति वा बंधोत्ति वा । ते बंधं चेव निक्खेविस्सामि । स च नामादि छव्विधो -

नि. [१३९] दव्वप्पओगवीससप्पओगसमूलउत्तरे चेव ।
मूलसरीरसरीरी साती अमनादिओ चेव ॥

चू. दव्वबंधो दुविधो पयोगबंधो वीससाबंधो य । पयोगबंधो तिविधो-मनादि ३ । मनस्स मूलप्पओगबंधो जे पढमसमए गेण्हंति पोग्गला मनोनुकामे मनपज्जतीए वा । सेसो उत्तरबंधो । एवं वयीए वि । जो सो कायप्पओगबंधो सो दुविधो मूलबंधो य उत्तरबंधो य । मूलबंधसरीरसरीरिणो जो संजोगबंधो स मूलबंधो सव्वबंधो वा । उत्तरबंधो-

नि. [१४०] निगलादि उत्तरो वीससाउ साई अनादिओ चेव ।

खेत्तम्भि जम्भि खेत्ते काले कालो जर्हिं जो उ ॥

चू वीससाबंधो सादीओ अनादीओ य । गतो दव्वबंधो-जो जम्भि खेत्ते बद्धो, जधा पुरिए निग्गमो वारित्तो चाररू वा जम्भि वा खेत्ते बंधो वन्निज्जति । कालबंधो पंचरत्तणबंधो पंचविशकः, जम्भि वा काले बंधो वन्निज्जति ।

नि. [१४१] दुविहो अ भावबंधो जीवजमीवे अ होइ बोधव्वो ।
एक्केक्कोवि तिविहो विवागअविवागतदुभयगो ॥

चू भावबंधो दुविधो-जीवभावबंधो अजीवभावबंधो य । अजीवभावबंधो चउदसविहो-त्तं उरालियं वा सरीरं ओरालिय-सरीरपरिणामितं वा दव्वं, वेउव्वियं वा सरीरं, वेउव्वियसरीरपरिणामिं वा दव्वं । आहारगं वा सरीरं आहारगसरीरपरिणामियं वा दव्वं । तेयगं वा सरीरं तेयगसरीरपरिणामियं वा दव्वं, कम्मयं वा सरीरं कम्मयसरीरपरिणामितं वा दव्वं, पयोगपरिणामिते वन्ने गंधे रसे फासे । जीवभावप्पओगबंधो मिथ्यादर्शनाऽविरतिप्रमादकषायजोगबंधाः । अजीवभावप्पयोगबंधो दुविधो-विपाकजो अविपाकजो य । विपाकजो जो सुभत्तेण गहिताणं पोग्गलाणं सुभो चेव उदतो । अविपाकजो जाण चेव उदओ अन्नहा वा उदयो । अहवा अजीवभावबंधो द्वयोः परमाण्वोः परस्परबद्धयोर्य उत्तरकालं वन्नादीहिं नासहबंधजोगो सो अजीवभावबंधो भवति कम्मपोग्गला । जीवभावप्रयोगबंधो तिविधो-विपाकजो अविपाकजो उभयो, जीवभावविपाकजो जेन चेव भावेन गहिता तेन चेव वेदेति एस विपाकजो । अविपाकजा अन्नधा वेदेति । अथवा तेसिं चेव पोग्गलाणं उदओ-वेदना । सा दुविधा-विपाकजा अविपाकजा य । तेसिं पोग्गलाणं सति भावे भवति अभावे न भवति । अहवा जे बद्धपुड्ढनिधत्ता, सो विपाकजो वा । जो पुन निकाचित्ते सो नियमा विपाकजा । अथवा -

नि. [१४२] भावे कसायबंधो अहिगारो बहुविहेसु अत्थेसु ।
इहलोगपारलोगिय पगयं परलोगिए बंधे ॥

नि. [१४३] पावइ धुवमायाति निआणदोसेण उज्जमतंतेवि ।
विणिवायंपि य पावइ तम्हा अनियाणता सेआ ॥

चू अहिगारी बहुविहेसु अत्थेसु, के ते बहुविहा अत्था ? इहलोइया परलोइया य । इहलोए धम्मिलादाण सुभा, असुभा मियापुत्ते य । गोत्ता से परलोइया एते चेव बंधदत्तादीणं वा । तथागतेसु दसहा निदाणाणि एवं वा वत्तव्वं विणिवातंपि पावति । विणिवातो संसारो तद्दोपांश्च पावति, यस्मादेवं तस्मात् अनिदानता श्रेया । कंहं ? विनिपातं न पावति उच्यंते-

नि. [१४४] अपासत्थाए अकुसीलयाए अकसायअप्पमाए य ।
अनिदानयाइ साहू संसारमहन्नवं तरई ॥

चू निज्जुत्ती सम्मत्ता ॥ नामनिप्फन्नो गतो ।

सुत्तानुगमो सुत्तं उच्चारेतव्वं ।

मू (९४) तेणं कालेणं तेणं समयेणं रायगिहं नामं नयर होत्था, वन्नओ गुणसिलए चेइअे रायगिहे सेणिअे नामं राया होत्था, रायवन्नओ रूवं जहा उववातिए जाव चेलणासद्धिं विहरति,

मू (९५) तअे णं से सेणिअे राया अन्नया कयाइ ण्हाए कयवलिकम्मे कयकोउगमंगल-

पायच्छित्त-सिरसा णहाए कंठे मालकडे आविद्धमनि सुवन्ने कपियहारद्धहारतिसरतपालंबपलंबमाण-
कडिसुत्तयकयसोभे पिणिद्धगेवेजे अंगुलेजगजावकप्परुक्खए चेव अलंकितविभूसिते नरिंदे
सकोरंटमल्लदामेणं छत्तेणं धरिज्जामाणेणं जाव ससिच्च पियदंसणे नरवइ जेनेव बाहिरिया उवट्टाण-
साला जेनेव सीहासने तेणेव उवागच्छति २ त्ता सीहासणवरंसि पुरत्थाभिमुहे निसीयति निसीइत्ता
कोटुंबियपुरिसे सद्दावेइ २ तां एवं वयासी । गच्छइ णं तुब्भ देवानुप्पिया जाइं इमाइं रायगिहस्स
नगरस्स बहिता तं जहा-आरामाणि य उज्जाणानि य आपसणानि य आयतणानि य देवकुलानि य
सभातो य पनियगेहाणि य पनियसालतो य छुहाकम्मंताणि य धम्मकम्मं-तानि य कट्टकम्मंताणि
य दब्भकम्मंताणि य इंगालकम्मंताणि य वणकम्मंताणि य जे तत्थ वणमहत्तरगा अन्नाता चिद्धंति
ते एव वदथ । एवं खलु देवानुप्पिया सेणिए राया भिंभिसारे आनवेति । जताणं समणे भगवं
महावीरे आदिकरे तित्थकरे जाव संजमेणं तवसा अप्पाणं भावेमाणे विहरेज्जा, तयाणं तुब्भे भगवतो
महावीरस्स अहापडिरुवं उग्गहं अनुजाणथ, अधा २ ता सेणियस्स रन्नो भिंभिसारस्स एयमट्ठं
पिअं निवेदथ, तएणं ते कोटुंबियपुरिसा सेणिएण रत्ता भिंभिसारेण एवं वुत्ता समाणा हट्टजाव
हयहियता कय जाव एवं सामिति आणाए विनयेणं पडिसुणंति एवं २ ता सेणियस्स अंतियातो
पडिनिक्खमंति पडि०२ ता रायगिहं नगरं मज्झं मज्झेणं निगच्छंति २ ता जाइं इमाइं रायगिहस्स
बहिता आरामानि य जाव जे तत्थ महत्तरया अन्नाता चिद्धंति, एवं वदंति । जाव सेणियस्स रन्नो
एयमट्ठं पियं निवेदेज्जा से पियं भवतु दोच्चं पि तच्चं पि एवं वदन्ति, एवं वदित्ता जामेव दिसिं
पाउब्भूया तामेव दिसिं नगरस्स परिगता ॥

मू (१६) तेणं कालेणं तेणं समयेणं समणे भगवं महावीरे आइगरे तित्थगरे जाव गामानुगामं
दूइज्जमाणे जाव अप्पाणं भावेमाणे विहरति, ततेणं रायगिहे नगरे सिंघाडगतियचउक्कचच्चर जाव
परिसा निग्गता जाव पज्जुवासेति ततेणं ते चेव महत्तरगा जेनेव समणे भगवं महावीरे तेणेव
उवागच्छति तेणेव २ ता समणे मगवं महावीरे तिखुत्तो वंदंति नमंसंति वंदित्ता नमसित्ता नामागोयं
पुच्छंति नामं गोत्तं पधारंति २ ता एगततो मिलंति एग २ ता एगंतमवक्कमंति एगंतं २ ता एवं
वदासि । जस्स णं देवानुप्पिया सेणिए राया भिंभिसारे दंसणं कंखति, जस्सणं देवानुप्पिया सेणिए
राया दंसणं पीहेति जस्सणं देवानुप्पिया सेणिए राया दंसणं पत्थेति जाव अभिलसति, जस्स णं
देवानुप्पिया सेणिए राया नामगोत्तस्सवि सवणताए हट्टतुट्ट जाव भवति सेणं समणे भगवं महावीरे
आदिकरे तित्थकरे जाव सव्वन्नु सव्वदरिसी पुव्वानुपुव्वि चरमाणे गामानुगामं दुतिज्जमाणे सुहं
सुहेणं विहरंते इहमागते इह संपत्ते जाव अप्पाणं भावेमाणे विहरति, तं गच्छइ णं देवानुप्पिया
सेणियस्स रत्तो एवमट्ठं निवेदेमो पियं भे भवतित्ति कट्टु एयमट्ठं अन्नमन्नस्स पडिसुणेति २ ता
जेनेव रायगिहे नगरे तेणेव उवागच्छन्ति तेणे २ ता रायगिहं नगरं मज्झं मज्जे णं जेनेव सेणियस्स
रन्नो गेहे जेनेव सेणिए राया तेणेव उवागच्छइ २ ता सेणियं रायं करयल-परिग्गहियं जाव जएणं
विजएणं वद्धावेइ २ ता एवं वयासी, जस्सणं सामी दंसणं कंखइ जाव सेणं समणे भगवं महावीरे
गुणसिलए चेइए जाव विहरति, तेनं देवानुप्पिया पियं निवेदेमो, पियं भे भवतु ।

मू (१७) तएणं से सेणिए राया तेसिं पुरिसाणं अंतिए एयमट्ठं सोच्चा निसम्म हट्टतुट्ट जाव

हियए सीहासनाओ अब्भुद्धेइ २ ता जहा कोणितो जाव वंदति नमंसति वंदित्ता नमंसित्ता ते पुरिसे सक्कारेति सम्मानेति २ ता विपुलं जीवियारिहं पित्तिदानं दलयति २ ता पडिविसज्जेति २ ता नगरगुत्तियं सद्दावेइ २ ता एवं वयासी । खिप्पामेव भो देवानुप्पिया ! रायगिहं नगरं सभित्तरं बाहरियं आसित्तसम्मज्जितोवलित्तं जाव पच्चुपिणाति ।

मू. (९८) ततेणं से सेणिए राया बलवाउयं सद्दावेउ २ ता एवं वयासी । खिप्पामेव भो देवानुप्पिया ! हयगयरहजोहकलियं चाउरंगिणं सेन्नं सन्नाहेह जाव से पच्चपिणति, तएणं सेणिये राया जाणसालियं सद्दावेति २ था एवं वदासी खिप्पामेव भो देवानुप्पिया ! धम्मियं जानपवरं जुत्तामेव उवड्डवेहि उवड्डवेत्ता मम एतमाणत्तियं तेनेव उवागच्छइ २ ता जाणसालं अनुपविसति २ ता जाणगं पच्चुवेक्खति जाणगं पच्चोरुभति जाणगं संपमज्जति २ ता जाणगं नीनेति २ ता दूसं पवनेति २ ता जाणाइं समलंकरेति २ ता जाणाइं वरमंडियाइं करेति २ ता जेनेव वाहनसाला तेणेव उवागच्छइ २ ता वाहनसालं अनुपविसति २ ता वाहणाइं नीनेति २ ता दूसे पवनेति २ ता वाहणाइं सालंकरेइ २ ता वाहणाइं वरभंडमंडिताइं करेति २ ता जाननं जोएति २ ता वट्टमगं गाहेति २ ता पओगलट्टिपधरे ए आरुहइ २ ता जेनेव सेणिए राया तेणेव उवागच्छइ २ ता करयल जाव एवं वदासी-जुत्ते ते सामी धम्मिए जानप्पवरे आइइ भदं तदूहाहि ।

मू. (९९) तएणं से सेणिए राया भिभिसारे जानसालियस्स अंतिए एयमट्टं सोच्चा निसम्म हट्टुट्ट जाव मज्जनधरं अनुपविसइ जाव कप्परुक्खए चेव अलंकितविभूसिते नरिदे जाव मज्जणधरातो पडिनिक्खमति २ ता जेनेव चेळ्णादेवी तेणेव उवागच्छति २ ता चेळ्णं देविं वदासि, एवं खलु देवानुप्पिये ! समणे भगवं महावीरे आदिकरे तित्थकरे जाव पुच्चानुपुप्वि व संजमेणं तवसा अप्पाणं भावेमाणे विहरति । तं महाफलं देवानुप्पिये ! तहा रूवाणं अरहंताणं जाव गच्छामो देवानुप्पिये ! समणे भगवं महावीरे वंदामो नमंसामो सक्कारेमो सम्मानेमो कल्लाणं मंगलं देवतं चेतियं पज्जुवासामो, एतेणं इहभवे य परभवे य हिताए सुहाए खमाए निसेसाए जाव अनुगामियत्ताए भविस्सति

मू. (१००) ततेणं सा चेळ्णादेवी सेणियस्स रन्नो अंतिए एयमट्टं सोच्चा निसम्म हट्टुजाव पडिसुणेति, २ ता जेनेव मज्जणधरे तेणेव उवागच्छइ २ ता णहाता कयबलिकम्मा कय कोउयमंगलपायच्छित्ता किं ते वरपत्तणेउरमणि-मेहल-हाररइयउवचियकडगखुडुएगावलीकंठ सुमरगय-तिसरतवखलयहेमसुत्तयकुंडलउज्जोयवियाणणा रयणविभूसियंगी चीणंसुयवत्थपरिहिता दुगुल्लसुकुमारकंतरमणिज्जउत्तरिज्जा सव्वोउय सुरभिकुसुमसुंदररयितपलंबसोहंकंतविकंत-विकसंतचित्तमाला वरचंदनचच्चिया, वराभरणभूसियंगी कालागुरुधूवधूविया सिरिसमानवेसा बहूहिं खुज्जाहिं चिलातियाहिं जाव महत्तरवंदपरिक्खिता बाहरिया उवट्टाणसाला उवागच्छति ।

मू. (१०१) तअेणं से सेणिए राया चेळ्णाए देवीए सच्चिं धम्मियं जानप्पवरं दुरुहइ २ ता सकोरिण्टमल्लदामनं छत्तेणं धरिज्जमाणेणं उववाइगमेन नेयव्वं जाव पज्जुवासइ, एवं चेळ्णा देवी जाव महतरग-परिक्खित्ता जेनेव समणे भगवं महावीरे तेणेव उवागच्छइ २ ता समणं भगवं वंदति नमंसंति सेणियं रायं पुरो काउं ठितिया चेव जाव पज्जुवासति तएणं समणे भगवं महावीरे सेणियस्स रन्नो भिभिसारस्स चेळ्णाए देवीए तीसे महति-महालियाए परिसाए मुनिपरिसाए

जतिपरिसहाए मनुस्सपरि० देवपरि० अनेगसहाए जाव धम्मो कहितो परिसा पडिगया सेणितो पडिगतो,
मू (१०२) तथ एगतियाणं निग्गंथणं निग्गंथीण य सेणियं रायं चेल्लणं देहिं पासित्ताणं इमेतारूवे
 अब्भत्थिते जाव संकप्पे समुपज्जित्थ। अहोणं सेणिअे राया महिद्धीए जाव महेसक्खे जेणं ण्हाते
 कयकोउयमंगल पायच्छित्ते सव्वालंकारभूसिते चेल्लणादेवीए सद्धिं उरालाइं भोगभोगाइं भुंजमाणे
 विहरति। न मे दिट्ठा देवा देवलोगंससि सक्खं खलु अयं देवे, जति इमस्स तव नियमबंभचेरफल-
 वित्तिविसेसे अत्थि?, वयमवि आगमेस्साणं इमाइं एताइं उरालाइं एयारूवाइं मानुस्सगाइं भोगभोगाइं
 भुंजमाणे विहरामो, सेत्तं साहू। अहोणं चेल्लणा देवी महिद्धिया जाव महेसक्खा जा णं ण्हाया
 कयबलिकम्मा जाव सव्वालंकारविभूसिता सेणिएण रत्ता सद्धिं उरालाइं जाव मानुस्सगाइं भोगभोगाइं
 भुंजमाणी विहरति न मे दिट्ठा देवीओ देवलोगंमि, सक्खं खलु इयं देवी, जेइ इमस्स तव नियम-
 बंभचेरवासस्स कल्लणे फलवित्तिविसेसे अत्थि? वयमपि आगमिस्साणं इमाइं एयारूवाइं उरालाइं
 जाव विहरामो, सेत्तं साहू।

मू (१०३) अज्जोसि समणे भगवं महावीरे तं बहवे निग्गंथाण निग्गंथीओ य आमंत्तेत्ता एवं
 वदासि-सेणियं रायं चेल्लणं देविं पासित्ता इमेतारूवे अब्भत्थिते जाव समुपज्जित्थ। अहो णं सेणिए
 राया महिद्धीए जाव सेत्तं साहू अहो णं चेल्लणा देवी महिद्धिया सुंदरा जाव सेसे नूनं अज्जो अत्थे
 समट्ठे? हंता अत्थि। एवं खलु समणाउसो मए धम्मे पन्नत्ते इणमेव निग्गंथे पावयणे सच्चे अनुत्तरे
 पडिपुत्ते केवलिए संसुद्धो नेआउए सल्लगतणे सिद्धिमग्गे मुत्तिमग्गे निज्जाणमग्गे निव्वाणमग्गे
 अवितथमविसिद्धिं सव्वदुक्खप्पहीणमग्गे इत्थं ठिया जीवा सिज्झंति बुज्झंति मुच्चंति परिनिव्वा-
 यंति सव्वदुक्खाणमंतं करेति। जस्स णं धम्मस्स निग्गंथे सिक्खाए उवट्ठिए विहरमाणे पुरादिगिंच्छाए
 पुरापिवासाए पुरावाताऽऽतवेहिं, परा पुट्ठे विरूवरूवेहिं परिसहोवसग्गेहिं उदिन्नकामजाए यावि
 विहरेज्जा, सेय परिकम्मज्जा, सेय परिकम्ममाणे पासेज्जा, जे इमे उग्गपुत्ता महामाउया भोगपुत्ता
 महामाउया तेसिं अन्नतरस्स अतिजायमाणस्स निज्जायमाणस्स पुरओ महं दासी-दास-किंकर-
 कम्मकर-पुरिस-वायत्तपरिक्खित्तं छत्तंभिगारं गहाय निगच्छंति, तदनंतरं च णं पुरतो महं आसा
 आसवरा उभओ तेसिं नागा नागवरा पिट्ठओ रहा रहवरा संगिल्लिसेणं उद्धरिय सेयछत्ते
 अब्भुग्गतभिगारे पग्गहिय तालियंट्टे पवियथसेयचामरा वालवीयणिए अभिक्खणं २ अभिजाति-
 यनिजातियसप्पभासमुचावरं च णं ण्हाते कयबलिकम्मे जाव सव्वालंकारभूसिते महतिमहालियाए
 कूडागारसालाए महतिमहालयंसि सीहासंसि जाव सव्वरातिनिएणं जोतिणा जिज्जायमाणेणं
 इत्थीगुम्मपरिवुडे महता-हतनट्टगीतवाइततंतीतलतालतुडिघणमुत्तिगमदल-वाइयरवें ओरालाइं
 मानुस्सगाइं भोगभोगाइं भुंजमाणे विहरति। तस्स णं एगमवि आनवेमाणस्स जाव चत्तारि पंच
 अवुत्ता चेव अब्भुट्ठेति। भण देवानुपिया किं? करेमो, किं? उवनेमो किं चेड्ढामो?, किं? भे
 हितं इच्छित्तं किं भे आसगस्स सदति? जं पासित्ता निग्गंथे निदानं करेति। जइ इमस्स
 तव नियमबंभचेरवासस्स तं चेव जाव साहू। एवं खलु समणाउसो निग्गंथे निदानं किच्चा तस्स
 ड्ढाणस्स अनालोइयऽऽपडिक्कंते कालमासे कालं किच्चा अन्नतरेसु देवलोगेसु देवत्ताए उववत्तारो
 भवंति, महिद्धिएसु जाव चिरट्ठितीएसु सेणं तथ देवे भवति महिद्धिए चिरट्ठिए, ततो देवलोगातो
 आउखतेणं ट्ठित्तिखतेणं अनंतरं चयं चइत्ता जे इमे उग्गपुत्ता महामाउया भोगपुत्ता महामाउया

तेसिं णं अन्नतरंसि कुलंसि पुत्ताए पच्चायांति सेणं तत्थ दारए भवति सुकुमालपाणिपाए जाव सुरुवे, तएणं से दारए उम्मुक्कबालभावे विन्नायपरिणायमित्ते जोव्वणगमनुपत्तो सयमेव पेइयं दायं पडिवज्जति तस्सणं अतिजायमाणस्स वा पुरओ जाव महं दासी दास जाव किं ते आसगस्स सदति ? तस्स णं तहप्पगारस्स पुरिसजातस्स तहारूवे समणे वा माहणे वा उभओ कालं केवलपन्नत्तं धम्ममाइक्खेज्जा ? हंता आइक्खेज्जा, से णं पडिसुणेज्जा ? नो इणट्ठे समत्थे, अभविए णं से तस्स धम्मस्स सवणयाए, से य भवइ महिच्छे महारंभे महापरिग्गहे अहम्मिए जाव दाहिणगामी नेरइय आगमिस्साणं दुल्लहबोहिए यावि भवइ, तं एवं खलु समणाउसो तस्स निदानस्स इमेतारूवे फलविवागे जं नो संचाएति केवलपन्नत्तं धम्मं पडिसुणित्तए ॥

चू. 'तेणं कालेणं' कालांतर्गतः समयदी यो कालो रायगिहे नगरे गुणसिलए चैतिए सेणिए राया भिभिसारे, कहं भिभिसारो ? कुमारभावे निययधरे पलित्ते रमणयं भिभयं धेतूणं निग्गतो, अवसेसा कुमारा आभरणादि । पिउणा पुच्छिया, सव्वेहिं कहतिं-जेहिं जं नीणियं मया भिभिया निणिंता, पसेणइणा भणितो-तुज्ज किं ? एस सारो । तेन भणियं-आमंति । ततो से रत्ता भिभिसारो नामं कतं । सेसं कंठं । नवरं च वणकम्मंता आरामपोसगाणं गिहाणि, जे तत्थ वन्नपा वणं पांतीति वणपा आरामरक्षका इत्यर्थः । महत्तरगा तेसिं, अहवा धिया आज्ञापता अत्यर्थं नाता वाहणाइं अप्फालणा ते यं वाहणा । इंगितं पत्थितं-चिंतितं वियाणित्ताहिं, इंगितेन-चिंतितेन य पत्थित्तं-अभिलसितं जाणंति । वरिसधरा वद्धितया कंचुगपरिरिता कंचुइज्जा । अत्तपरिक्खित्तं प्रयत्नपरिग्रहः । अहो चिल्लणादेवी जाव सतित्ति सतः शोभनस्य वा, इमस्सत्ति-जतिणस्स, तवो-बारसविधो, नियमो दुविधो-इंदियदमो नोइंदियदमो य । बंभं-अट्टारसविधं सीलंगाणि वा साधु सोभनं, से नूनं मे अज्जो अत्थे समट्ठे ? हंता अत्थि ।

मू. (१०४) एवं खलु समणाउसो मए धम्मे पन्नत्ते इणमेव निग्गंथे पावयणे जाव सव्वदुक्खाणं अंतं करेति । जस्स णं धम्मस्स निग्गंथी सिक्खाए उवट्ठिया विहरमाणी पुरा दिगिच्छाए उदिन्नकाम जाया बिहरेज्जा सा य परक्कमेज्जा, सा य परक्कम्ममाणी पासेज्जा से जा इमा इत्थिया भवति एगा एगजाया एगाभरणपिहिणा तेल्लकेलाइ वा सुसंगोप्पिता तेल्लपेलाइ वा सुसंपरिहिया रयणकरंडग-समाणा तीसेणं अतिजायमाणीए वा निज्जायमाणीए वा पुरतो महं दासी दास चेव जाव किं ? भे आसगस्स सदति ? । जं पासित्ता निग्गंथी निदानं करेति । जति इमस्स सुचरियस्स तव-नियम जाव भुंजमाणी विहरामि सेत्तं साधू ।

एवं खलु समणाउसो निग्गंथी निदानं किच्चा तस्स ठाणस्स अनालोइपडिक्कता कालमासे कालं किच्चा अन्नतरेसु देवलोएसु देवत्ताए उववत्तारो भवति महिट्ठिए जाव सेणं तत्थ देवे भवति जाव भुंजमाणी विहरति । तस्स णं ताओ देवलोगाओ आउक्खएणं भवक्खएणं द्वितिक्खएणं अनंतरं चयं चइत्ता जइ इमे उग्गपुत्ता महामाउया भोगपुत्ता महामाउया एतेसि णं अन्नतरंसि कुलंसि दारियत्ताए पच्चायाति सा णं तत्थ दारियावि भवति सुकुमाल जाव सुरुवा । ततेणं तं दारियं अम्मापियरो आमुक्कबालभावं विन्नायपरिणयमित्तं जोव्वणगमनुपत्तं पडिरूवेणं सुक्केण पडिरूवस्स भत्तारस्स भारियत्ताए दलयंति सा णं तस्स भारिया भवति । एगा एगजाता इड्ढा कंता जाव रयणगकरंडसमाणा तीसे जाव अतिजायमाणीए वा निज्जायमाणीए वा पुरतो महं दासीदास

जाव किं ? ते आसगस्स सदति, तीसेणं तहप्पगाराए इत्थियाए तहारूवे समणे माहणे वा उभय कालं केवलपन्नत्तं धम्मं आइक्खेज्जा ? सा णं भंते पडिसुणेज्जा ? नो इण्ढे समत्थे, अभविया णं सा तस्स धम्मस्स सवणयाए सा च भवति महिच्छा महारंभा महा-परिग्गहा अहम्मिया जाव दाहिणगामिए नेरइए आगमिस्साए दुल्लभबोहियावि भवति । एवं खलु समणाउसो ! तस्स निदानस्स इमेयारूवे पाव-कम्म-फलविवागं जं नो संचाएति केवलपन्नत्तं धम्मं पडिसुणेत्तए ॥

मू. (१०५) एवं खलु समणाउसो ! मए धम्मे पन्नत्ते इणमेव निग्गंथे पावयणे तह चेवं जस्स णं धम्मस्स निग्गंथे सिक्खाए उवडित्ते विहरमाणे पुरादिगिच्छाए जाव से य परक्कममाणे पासेज्जा इमा इत्थिका भवति एगा एगाजाता एगा जाव किं ? ते आसगस्स सदति ? जं पासित्ता निग्गंथे निदानं करेति दुक्खं खलु पुमत्तणए जे इमे उग्गपुत्ता महामाउया भोगपुत्ता महामाउया एतेसिं णं अन्नतरेसु उच्चावएसु महासमरसंगमेसु उच्चावयाइं सत्याइं उरसि चेव पडिसंवेदेन्ति, तं दुक्खं खलु पुमणत्तए इत्थित्तणयं साहू । जइ इमस्स तवनियमबंभवेरवासस्स फलवित्तिविसेसे अत्थि ? वयमवि आगमेस्साणं जाव से तं साधू । एवं खलु समणाउसो ! निग्गंथे निदानं किच्चा तस्स द्वाणस्स अनालोइयअपडिक्कंते कालमासे कालं किच्चा अन्नतरेसु जाव से णं तत्थ देवे भवति महिद्धिए जाव विहरति । सेणं देवे ततो देवलोगाओ आउक्खएणं जाव अन्नतरंसि कुलंसि दारियत्ताए पच्चायाति जाव तेणं तं दारियं जाव भारियत्ताए दलयन्ति सा णं तस्स भारिया भवति एगा एगजाता जाव तहेव सव्वं भाणियव्वं तीसे णं अतिजायमाणीए वा जाव किं ? ते आसगस्स सदति । तीसे णं तहप्पगाराए इत्थिकाए तहारूवे समणे वा माहणे वा जाव णं पडिसुणेज्जा ? नो इण्ढे समत्थे, अभविया णं सा तस्स धम्मस्स सवणताए, सा य भवति महिच्छा जाव दाहिणगामिए नेरइए आगमेस्साणं दुल्लभबोहियावि भवति तं एवं खलु समणाउसो ! तस्स निदानस्स इमेतारूवे पावते फलविवागे भवति जं नो संचाएति केवलपन्नत्तं धम्मं पडिसुणेत्तए ॥

मू. (१०६) एवं खलु समणाउसो ! मए धम्मे पन्नत्ते इणमेव निग्गंथे पावयणे सेसं तं चेव जाव जस्स धम्मस्स निग्गंथी सिक्खाए उवडित्ता विहरमाणी पुरा दिगिच्छाए पुरा जाव उदिन्न-कामजातायावि विहरेज्जा, साय परक्कमेज्जा साय परक्कममाणी पासेज्जा से जे इमे उग्गपुत्ता महामाउया भोगपुत्ता महामाउया जाव किं ? ते आसगस्स सदति ? जं पासित्ताणि निग्गंथी निदानं करेति दुक्खं खलु इत्थित्तणए दुस्संचाराइं गामंतराइं जाव सन्निवेसंतराइं । से जहा ता मए अंबपेसियाति वा अंबाडगपेसियाति वा मंसपेसियाति वा उच्छुखंडयाति वा संबलिफालियाति वा बहुजनस्स आसायणिज्जा पत्थणिज्जा पीहणिज्जा अभिलसणिज्जा एवामेव इत्थिकायि बहुजनस्स आसायणिज्जा तं दुक्खं खलु इत्थित्तणए पुमत्तणा; साहू, जइ इमस्स तवनियमस्स जाव साहू । एवं खलु समणाउसो ! निग्गंथी निदानं किच्चा तस्स द्वाणस्स अनालोइयअपडिक्कंता कालमासे कालं किच्चा अन्नतरेसु देवत्ताए उववत्तारा भवति, सेणं तत्थ देवे भवति महिद्धिए जाव चइत्ता जे इमे उग्गपुत्ता तहेव दारए जाव किं ? ते आसगस्स सदति ? तस्स णं तधप्पगारस्स पुरिसजा-तस्स जाव अभविएणं से तस्स धम्मस्स सवणताए से य भवति महिच्छाए जाव दाहिणगामिए जाव दुल्लभबोहिए यावि भवति एवं खलु जाव पडिसुणेत्तए ।

मू. (१०७) एवं खलु समणाउसो ! मए धम्मे पन्नत्ते, इणमेव निग्गंथे पावयणं तहेव जस्स णं

धम्मस्स निग्गंथो निग्गंथी वा सिक्खाए उवड्ढविए विहरमाणे पुरादिगिच्छा जाव उदिन्नकामभोगे जाव विहरेज्जा सेयपरक्कमेज्जा सेय परक्कममाणे मानुस्सेहिं कामभोगेहिं निव्वेयं गच्छेज्जा, मानुस्सगा खलु कामभोगा अधुवा अनितिया असासता सडणपडणविद्धंसणधम्मा उच्चारपासवणखेलसिं-
धाणवंतपित्तपूतसुक्कसोणियसमुब्भवा दूरुवउस्सासनिस्सासा दूरुवमुत्तपुरीसपुन्ना वंतासवा पित्तासवा खेलासवा पच्छा पुरं च णं अवस्स विप्पजहणिज्जा संति उड्ढं देवा देवलोगंमि तेणं तत्थ अन्नेसिं देवाणं देवी अभियुंजिय २ परियारेंति अप्पणो चेव विउव्वियायि परियारेंति संति सति इमस्स तव तं चेव सव्वं भाणियव्वं । जाव वयमवि आगमिस्साणं इमाइं एतारूवाइं दिव्वाइं भोगभोगाइं भुंजमाणे विहरामो सेत्तं साहू एवं खलु समणाउसो निग्गंथो वा निग्गंथी वा निदानं किच्चा तस्स ड्ढाणस्स अनालोइयअपडिक्कंते कालमासे कालं किच्चा अन्नतरेसु देवेसु देवत्ताए उववत्तारो भवती, तं जधा-महिड्ढिएसु जाव पभासेमाणेणं अन्नं देवं अन्नं देवी तं चेव जाव पवियारेंति, तेणं तातो देवलोगातो तं चेव पुमत्ताए जाव, किं ? ते आसगास्स सदति तस्सणं तहप्पगारस्स पुरिसजातस्स तथारूवे समणे वा माहणे वा जाव पडिसुणेज्जा ? सेणं सदहेज्जा पतिएज्जा रोएज्जा ? नो इण्डे समड्ढे । अभविएणं से तस्स धम्मस्स सदहणताए, से य भवति महिच्छे जाव दाहिणगामिए नेरइए आगमेस्साए दुल्लभबोहियाए यावि भवति । तं चेव खलु समणाउसो तस्स निदानस्स इमेतारूवे पावए फलविवागे, जं नो संचाएति केवलपन्नत्तं धम्मं सदहिए वा ॥

मू. (१०८) एवं खलु खमणाउसो ! मए धम्मे पन्नत्ते तं चेव सेय परक्कममाणे मानुस्सए कामभोगेसु निव्वेदं गच्छेज्जा, मानुस्सगा खलु कामभोगा अधुवा अनितिया तहेव जाव संति उड्ढं देवा देव लोणंसि तेणं तत्थ नो अन्नदेवा नो अन्नदेविं अभिजुंजिय २ परियारेंति अप्पणच्चियाए देवीए अभिजुंजिए परियारेंति अप्पणा चेव अप्पाणं विउव्विय परियारेंति । सेति इमस्स तव तं चेव सव्वं जाव सेणं सदहेज्जा पतिएज्जा ? नो इण्डे समड्ढे नन्नत्थरुयी रूयिमादाए सेय भवति से जे इमे आरन्निया आवसिया गामनियतिया कण्हथिरहस्सिया नो बहुसंजता नो बहुपडिविरता पाणभूत-जीवसत्तेसु ते अप्पणा सच्चासोसाइं एवं विप्पडिवदेन्ति, अहं न हंतव्वो अन्ने हंतव्वा अहं न अज्जावेतव्वो अन्ने अज्जावेतवा अहं न परियावेतवो अन्ने परियावेतव्वा अहं न परिघेतव्वो अन्ने परिघेतव्वा अहं न उद्वेतव्वो अन्ने उद्वेतव्वा एवामेव इत्थिकामेहिं मुच्छिया गड्ढिया गिद्धा अज्जोववन्ना जाव कालमासे कालं किच्चा अन्नतराइं किब्बिसयाइं ड्ढाणाइं उववत्तारो भवंति ते ततो विमुच्चमाणा भुज्जो एलमूयत्ताए पच्चायाति तं खलु समणाउसो ! तस्स निदानस्स जाव नो संचाएति केवलपन्नत्तं धम्मं सदहिए वा ॥

मू. (१०९) एवं खलु समणाउसो ! मे धम्मे पन्नत्ते जाव मानुस्सगा खलु कामभोगा अधुवा, तहेव संति उड्ढं देवलोर्यंसि नो अन्नं देवं अन्नं च देविं अभियुंजिय २ परियारेंति नो अप्पणा चेव अप्पाणं वेउव्विय परियारेंति संति इमस्स तवनियम तं चेव जाव एवं खलु समणाउसो ! निग्गंथो वा निग्गंथी वा निदानं किच्चा अनालोइय तं चेव जाव विहरति सेणं तत्थ अन्नं देवं नो अन्नं देविं अभियुंजिय २ परियारेंति नो अप्पां चेवं अप्पाणं विउव्विय २ परियारेंति सेणं ताओ देव-लोगाओ आउक्खएणं भवक्खएणं तं चेव वत्तव्वं नवरं हंता सदहेज्जा पत्तीइज्जा रोएज्जा ? सेणं सीलव्वतगुण-वेरमणपच्चक्खाण पोसहोवावासाइं पडिवज्जेज्जा ? नो तिण्डे समड्ढे, सेणं दंसणसावए भवति

अभिगतजीवाजीव जाव समणोवासगपरियागं पाउणइ बहूइं पा २ कालमासे कालं किच्चा अन्नतरेसु देवलोएसु उववत्तारो भवति । एवं खलु समणाउसो । तस्स निदानस्स इमेतारूवे पावए फलविवागे जं नो संचाएति सीलव्वतगुणपोसहोववासाइं पडिवज्जितए ॥

मू. (११०) एवं खलु समणाउसो ! मए धम्मं पन्नत्ते तं चेव सव्वं जाव सेय परक्कममाणे दिव्वमानुस्सेहिं कामभोगाहे निव्वेदं गच्छेज्जा, मानुस्सगा कामभोगा अधुवा जाव विप्पजहणिज्जा, दिव्वावि खलु कामभोगा अधुवा अनितीया असासता चलाचलणधम्मा पुनरागमणिज्जा पच्छा पुव्वं च णं अवस्स विप्पजहणिज्जा, संति इमस्स तव नियमस्स जाव अत्थि वयमवि आगमेस्साणं जे इमे भवंति उग्गपुत्ता महामाउया जाव पुमत्ताए पच्चायंति तत्थणं समणोवासए भविस्सामि अभिगत-जीवाजीवे जाव फासुएसणिज्जेणं असनपानखाइमसाइमे णं विहरिस्सामि सेतं साधू । एवं खलु समणाउसो ! निग्गंथो वा निग्गंथी वा निदाणं किच्चा तस्स द्वाणस्स अनालोइय जाव देवलोएसु देवत्ताए उववत्तारो भवति जाव किं ? ते आसगस्स सदति । तस्सणं तहप्पगारस्स पुरिसजातस्स जाव सद्दहेज्जा, सेणं सीलव्वय जाव पोसहोववासाइं पडिवज्जेज्ज ? हंता पडिवज्जेज्जा । सेणं मुंडे भवित्ता अगारातो अनगारियं पव्वएज्जा ? नो इणट्ठे समट्ठे, सेणं समणोवासए भवति अभिगतजीवा जाव पडिलाभेमाणे विहरइ, सेणं एतारूवेण विहारेण विहरमाणे बहूणि वासाणि समणोवासग परयागं पाउणति बहू २ आबाहंसि उप्पन्नंसि वा अनुप्पन्नंसि वा बहूइं हंता पच्चक्खाइं हंता बहूइ भत्ताइं अनसाइए छेदेत्ता अलोइय पडिकंते समाहिपत्ते कालमासे कालं किच्चा अन्नयरेसु देवलोएसु देवत्ताए उववत्तारो भवति ते एवं खलु समणाउसो ! तस्स निदानस्स इमेतारूवे पाव फलविवागे जं नो संचाएति सव्वातो सव्वताए मुंडे भवित्ता अनगारियं पव्वइत्ताए ।

मू. (१११) एवं खलु समणाउसो ! मए धम्मं पन्नत्ते जाव से य परक्कममाणे दिव्वमानुस्सएहि काम-भोगेहि निव्वेयं गच्छेज्जा, मानुस्सगा खलु कामभोगा अधुवा जाव विप्पजहणिज्जा, दिव्वावि खलु कामभोगा अधुवा जाव पुनरागमणिज्जा संति इमस्स तव नियम जाव वयमवि आगमस्साणं जाइं इमाइं अंतकुलाणि वा उच्चकुलाणि वा दरिद्वकु० किविणकु० भिक्खाग० एएसिं अन्नतरंतसि कुलंसि पुमत्ताए पच्चायिस्सामि एस मे आता परिवाए सुणेहडे भविस्सति सेतं साधू । एवं खलु समणाउसो ! निग्गंथो वा निग्गंथी वा नियाणं किच्चा तस्स द्वाणस्स अनालोइय अपडिकंते सव्वं तं चेव जाव सेणं मुंडे भवित्ता अगारातो अनगारियं पव्वएज्जा सेणं तेणेव भवग्गहणेणं सिज्जेज्जा जाव सव्वदुक्खाणं अंतं करेज्जा ? नो इणट्ठे समट्ठे, सेणं भवइ सेणं जे अनगारा भगवंतो इरितासमिता जाव बंभचारी, सेणं एतेण विहारेणं विहरमाणा बहूइं वासाइं सामन्नपरियागं पाउणंति बहू २त्ता आबाहंसि उप्पन्नंसि वा जाव भत्तं पच्चाइक्खित्ता जाव कालमासे कालं किच्चा अन्नतरेसु देवलोएसु देवत्ताए उववत्तारो भवतीति । एवं समणाउसो ! तस्स निदानस्स इमेता रूपेण पावए फलविवागे जं नो संचाएति तेणेव भवग्गहणेणं सिज्जेज्जा जाव सव्वदुक्खाणं अंतं करेज्जा ।

चू. एवं खलु समणाउसो मए धम्मं पन्नत्ते । इणमेव निग्गंथे पावयणे-इणमोत्ति इदं प्रत्यक्षीकरणे । तमेव पागतेन इणमोत्ति भवति किं ? तदुच्यते-निग्गंथे पावयणे, निग्गंथा जहा पन्नत्तीए निग्गंथानामिदं नैग्रंथं बारसंगं गणिपिडंगं, तं च इमेहिं गुणेहिं उववेतं सव्वं सव्वं नाम सद्भूतं, अनुत्तरं सव्वत्तिमं केवलं तदेवैकविधं नान्यद्वितीयं प्रवचनमिति पडिपुन्नं नाणादीहिं गुणेहिं

पुष्पावरविसुद्धं, नयनसीलं नैयायिकं, मोक्षं नयति संसुद्धं समस्तं सुद्धं संसुद्धं, सल्लकतणं सल्लो-
कम्बबंधो, खवणा सिद्धिमग्गं सिद्धीए मग्गो, पवयणं चरित्रादिरित्यर्थः । सोत्ती निज्जाणं निव्वाणं
च एगट्टियाणि । मग्गो पवयणमेव अवितहंति-तथ्थो मोक्षमार्ग इत्यर्थः । अविशंधि-संधानं संधिः
संसार इत्यर्थः, विविधा संधी विसंधी न विसंधी अविशंधी, किं तत्रवचनं सव्वदुक्खप्पहीणमग्गं
प्रवचनमेव जस्स णं धम्मस्स चरित्तधम्मसिक्खाए दुविधाए गहणसिक्खाए आसेवणसिक्खाए
य । विहरमाणे गामानुगामं दूइज्जमाणो पुरा दिगिच्छिए-छुहाए पुरापुट्टे वातातपेहिं सीतोसिनेहिं
सेसा परिसहोवस्सग्गा विरुवरूवा गहिता । उद्दिन्न कामजातो मोहनिज्जेणं, यथा द्रव्यजातं से य
परक्कमेज्ज तपसि सयमेव, सेयपरक्कममाणे पासेज्जा, से उदिन्नकामे, जे इमे उग्गपुत्ता कुलं महाउगा
मात्ति च उवंसातो उभतो जातिविसुद्धा एवं लोयपुत्ता विससं कंठं । जाव सपुष्पावरं चणं पुष्पणे
अवरणे ण्हाते कतबलिकम्मे अच्चणियं करेति कुलदेवतादीणं । कोउगाणी-सीसपज्जोहार
लेणडहणादीणि, मंगलाइं सिद्धत्थयहरितालियादीणि सिसे करेति सुवन्नमादीणि वा छिबंति,
पायच्छित्तं दुस्सुमिणघातनिमित्तं अग्गिहुणण गघातित्यादिसु वा धीयराण दिंति शिरसा ण्हाणादीहिं
ससीसो ण्हाति । ततो अलंकारो कचे मालकडेत्ति, फलहियारिद्ध आविद्धमणिसुवन्ने चूलामणी
सोवि हेट्ठा सुवन्नेण बज्जति, सुवन्नाभरणेषु य प्रायेणं मणितो विज्जंति, कप्पितं-घडित माला-
नक्खत्तमालादि मोली-मउडो सो पुन कमलमउलसंठितो मउली वुच्चति, तिहिं सिहरेहिं मउडो
वुच्चति, चउरस्सो तिरीडी वग्घारितं-लबितं ज्ञापकं आसत्तोसत्तवग्घारितसोणिसुत्तमल्लदामकलावे
सोणी-कडी, सोणि सुत्तगं-कडिसुत्तगं, मलिज्जति मल्लं, सिरिदाम गंड्वादि, कलावोत्ति
कलावीकताणि (भल्लीगादीणि) इत्थि गुम्भो-समूहो महताहतं-आहतं-नाम आख्याणकनिबद्धं
नचिज्जति गिज्जति वाइज्जति य जहा नाडगं प्रबंधा वा, तंतीवीणा पवीससादि तंतंति भणंति । तलः
हस्ततलः । ताला कंसालागादि । तुडितं सव्वमेव आतोद्यं । घनलत्तिगा लकुडगादिं सुतं गंठिततादि
पट्टजाणगा-पडूहिं पवाइयं पडुच्च वाइयं, रवो-निग्घोसो, घनवाइतं-घना मेघा तेसिं निग्घोसो मेघरव
इत्यर्थः । उरालाणि उदारानि आज्ञामुखं तस्सणं एगमवि अनवेमाणस्स अब्भुट्ठिता भणंति, भण
सामी-किं आहारामो ? दूरामो-दूराउ उवणेमो समीवत्थं, चेष्टगं प्रयुंजामो कतरं किं ? लेहितं-
इच्छितं सद्दादीणं, सूपकारा भणंति-किं भे आसगस्स सदति-अस्यते अनेनेति आस्यकं-मुखं । जं
पासित्ता निग्गंथे निद्देसेज्ज निदानं करेति । २। सेय भवति । जे इमे आरत्रिया सुत्तं उच्चारेतव्वं-
अरन्ने वसंतीति आरत्रिया तावसा इत्यर्थः । ते पुन केइ रूक्खमूले सुवंति । केइ उदगमूलेसु, अन्ने
आवसहेसु । तेसु आवसहेसु वसंतीत्यावसहिकाः ग्रसति बुद्धयादीन् गुणानिति ग्रामः, अंतिकमभ्यासे
ग्रामस्य ग्रामयोः ग्रामाणं वा अंतीए वसतीति गामणियंतिया, खलभिक्खादीहिं ग्राममुपजीवन्तीत्यर्थः ।
कण्हइरहस्सियत्ति-रह त्यागे किंचिद्रहस्यमेषां भवति जधा होमं मंत्राश्च आरण्यकं चेत्यादि सर्वे
च वेदा एषां रहस्यं येनाब्राह्मणाय न दीयंते, अहवा काण्हयिरहस्सियत्ति-संजता नो बहुएसु जीवेषु
संजमंति, पंचीदिए जीवे न मारिंति, एगिंदियपुढविमूलकंदादि उदयं अग्निकायं च वधंति ।
संजमो नाम यलः विरतिर्विरमणं जधा मए अमुगो न हंतव्वोत्ति, पच्छा तेसुं चेव जेसु विरतो तेसु
जतणं करेति, मा ते मारिस्सामिति । अथवा संजमो विरतीय एग्घा कुत्र विरतो ? उच्चते-
सव्वपाणभूतजीवसत्तेसु अनुकंपापरा संजता, केइ छडं छट्टेणं पारणए परिसडिय पंडुपत्ताहारा ।

अत्रे अट्टमं अट्टमेण सेवालादि आहारैति, (ते अप्यणा सच्चा मोसाइं पओजंति । सच्चो संजमो मोसं असंजमो, ते पारणयंमि निज्जीवं सेवालं परिसडिय पंडुपत्ताणि य आहारैति, एतं सच्चं, जं पुन सचित्तोदगं पडिसेवंति, एतं मोसं असंजम इत्यर्थः । अहवा असच्चा मोसं अहं न हंतवो अन्ने हंतव्वा यथा बंभणो न हंतव्वो अत्रे हंतव्वा । यथा-ब्राह्मणा न हंतव्वा, ब्राह्मणघातकस्य हि न संति लोकाः, शूद्रा हन्तव्याः, शूद्र मारयित्वा प्राणयामं जपेत् विहसितं वा कुर्यात् किंचिद्वा दद्यात् । अनस्थिकानां सत्त्वानां सकटंभरं मारयित्वा ब्राह्मणान् भोजयेत् । हननं पिट्टणं आज्ञापनं अमुगं कुरु गच्छ देहि एवमादि, परितावणं-दुक्खावणं परिधेत्तव्वंति दासमादी परिगिण्हंति । उद्वणं-मारणं जघा हिंसातो अनियत्ता तथ मुसावातातो अदिन्नादानातो य । जघा एतेसु तिसुवि आसवदारेसु अनियत्ता, एमेवते इत्थिकामेसु अत्रे सद्दादओ कामा तेहिंतो सव्वेहिंतोवि इत्थिकामा गुरुतरा, जेन भणितं-मूलमेतमधम्मस्स महादोससमुस्सयं । तम्हा मेहुणसंसग्गी निगंथा वज्जयंति णं ॥ आह च-सिश्नोदरकृते पार्थ ! पृथिवीं जेतुमिच्छसि । जय शिश्नोदरं पार्थ ! ततस्ते पृथिवी जिता ॥ अथवा इत्थिकामा सद्दादयो पंचवि कामा विज्जंते इति विभासितव्वा । उक्तं च-पुष्पफलाणं च रसं सुराए मंसस्स महिलियाणं च । जाणंता जे विरता ते दुक्करकारए वंदे ॥ मुच्छित्ति-जघा वेदेनत्तो मुच्छित्तो न किंचि जाणति, एवं ते इत्थिकामेसु मुच्छियाविव न इत्थिदोसे पिच्छंति । गिद्धाः तदभिलाषिणः । ग्रथिता बद्धा न तेभ्योऽपसर्पति । अज्झोववन्ने-तीव्रस्तदभिनिवेशः जाव वासाइं चतुः पञ्चछदसमाणि वा । व्रतं चरणं जाव चरंति ताव महल्लीभूया पच्छा परिणंति जाव पुनो पुत्ते पाढेति, कुप्पंता य बाधिति, ताहे थेवं आउसेसं वासाइं चत्तारि पंच वा छ वा दस वा । अप्यतरोत्ति-चउण्हं वासाणं हेट्ठा जाव एक्को दिवसो भुज्जतरोत्ति । दसण्हं वासाणं परेणं जाव वास शतं बालपव्वतितानं । यथा शुक्रस्य व्यासपुत्रस्य । एवं ताव ते पव्वइता अनियत्तभोगासा यथा शास्त्रोक्तान् आहाकम्म-आहारा आवसहसयनासनछादनगंधमल्लादिभोगान् भुंजते । त एवं अनियत्तकामासा कालमासेत्ति मरणकालमासे मरणपक्खे जाव मरणदिवसे कालंति-मरणकालं किच्चा अन्नतरेसु जत्थ सूरुो नत्थि भवणवंतराणं, अथवा जत्थ आसुरो भावो कोहणसीलता आतावएसु असुरकुमारेसु उववज्जंति । जति किहवि उह्लोएसु देवेषु उववज्जंति तथावि किल्बिसिएसु उववज्जंति । किल्बिषं-पापमित्यर्थः । किल्बिषबहुला किल्बिषिकाः ततो किल्बिसियत्तातो वियुज्जमाणा जति विय कहवि अनंतरं परंपरं वा मानुसत्तणं लहइ तथावि एलमूयंताए एलतो जहा-बुव्वुएत्ति एवंविधा तस्स भासा भवंति । तमुक्कायत्ता इति जात्यन्धो भवति । बालंधो वा जात्यंधः । सेसं कंठं । जाव नयावि जाव करण नओ सव्वेसिंपि नयाणं गाथा ।

मू (११२) एवं खलु समणाउसो ! मए धम्मं पन्नत्ते इणमेव निगगंथं जाव से परक्कमेज्जा जाव सव्वकामविरत्ते सव्वरागविरत्ते सव्वसंगातीते सव्वसिनेहातिकंते सव्वचारित्ते परिवुडे तस्स णं भगवंतस्स अनुत्तरेणं नाणेण अनुत्तरेणं दंसणेणं जाव परिनिव्वाणमग्गेणं अप्याणं भवेमाणस्स अनंते अनुत्तरे निव्वाधाए निरावरणे कसिणे पडिपुन्ने केवलवरणाणदंसणे समुप्पन्ने ततेणं से भगवं अरहा भवति जिने केवली सव्वन्नू सव्वदरिसी सदेवमनुयासुराए जाव बहूइं वासाइं केवलिपरियाणं पाउणति बहूइं २ ता अप्पणो आउसेसं आभोएत्ति आभोएत्ता भत्तं पच्चक्खति भ २ ता बहूइं भत्ताइं अनसनाए छेदेति २ ता ततो पच्छा सिज्जाति जाव सव्वदुक्खाणं अंतं करोति एवं खलु

समणाउसो ! तस्स अनिदानस्स इमेयारूवे कल्लाणफलविवेगे । जं तेणं भवग्गहणेणं सिञ्जति जाव सव्वदुक्खाणं अंतं करेति ।

मू. (११३) ततेणं बहवे निग्गंथा य निग्गंथीओ य समणतो भगवंतस्स महावीरस्स अंतियं एयमड्डं सोच्चा निसम्म समणं भगवं महावीरं वंदंति नमंसंति वंदित्ता नमंसित्ता तस्स ठाणस्स आलोएंति पडिक्कमंति जाव अहारिहं पायच्छित्तं तवोकम्मं पडिवज्जंति ।

मू. (११४) तेणं कालेणं तेणं समयेणं समणे भगवं महावीरे रायगिहे नगरे गुणसिलए चेइये बहूणं समणाणं बहूणं समणीणं बहूणं सावगाणं बहूणं साविगाणं वहूणं देवाणं बहूणं देवीणं सदेवमनुआसुराए परिसाए मज्झगते एवं भासति एवं परूवेसि आयतिट्ठाणे नामं अज्जो अज्झयणे सअड्डं सहेउयं सकारणं सुत्तं च अत्थं च तदुभयं च भुज्जो भुज्जो उवदरिसितित्ति बेमि ।

दसा-१०-समाप्ता

मुनि दीपरत्नसागरेण संशोधिता सम्पादिता दशाश्रुतस्कन्धसूत्रस्य
भद्रबाहुस्वामि रचिता निर्युक्ति एवं जिनदान महत्तर विरचिता चूणिः समाप्ता

३७	चतुर्थ छेदसूत्रं दशाश्रुतस्कन्धं समाप्तम्
----	---

नमो नमो निम्नत दंतणस्स
पंचम गणधर श्री सुधर्मास्वामिने नमः

३८ जीतकल्प-छेदसूत्रं

(सटीकं)

[पञ्छेद सूत्रं]

(जिनभद्रक्षमाश्रमण विरचितं-मूलम् + श्री सिद्धसेनगणि विरचिता - चूर्णः)

सिद्धत्य-सिद्ध-सासन सिद्धत्य-सुयं सुयं च सिद्धत्यस्स ।

वीर-वरं वर-वरयं१ वर-वरएहि महियं नमह जीव-हियं ॥

एकारस वि गणहरे दुद्धर-गुण-धारए धराहिव-सारे ।

जंबु-प्पभवाईए पणमह सिरसा समत्त-सुत्तत्य-धरे ॥

दस-नव-पुव्वी अइसेसिणो य अवसेस-नाणिणो य जत्तेणं२ ।

सव्वे वि सव्व-कालं तिगरण-सुद्धेण नमह जइ-गुण-प्पवरे३ ॥

एत्तो नेव्वाणंगं४ नेव्वाणं गमयतीति निव्वाणंगं ।

पगयं पसत्थ-वयणं पहाण-वयणं च पवयणं नमह सया५ ॥

नमह य अनुओग-धरं जुग-प्पहाणं पहाण नाणीण मयं६ ।

सव्व-सइ-सत्थ-कुसलं दंसन-नाणोवओग-मग्गम्मि ठियं ॥

जस्स मुह-निज्झरामय-मय-वस-गंधाहिवासिया इव भमरा ।

नाण-मयरंद-तिसिया रत्ति७ दिया य मुनिवरा सेवंति सया ॥

स-समय-पर-समयागम-लिवि-गणिय-च्छंद-सद्द-निम्माओ ।

दससु वि दिसासु जस्स य अनु ओ गो८ भमइ अनुवमो जस-पडहो ॥

नाणाणं नाणीण य हेऊण९ य पमाण-गणहराण य पुच्छा ।

अविसेसओ विसेसा विसेसियाऽऽव स्स य म्मि अनुवम-मइणा ॥

जेन य छेय सुय तथा आवत्ती-दान-विरयणा जत्तेणं ।

पुरिस-विसेसेणं१० फुडा निज्जूढा जीयदान कप्पम्भिविही ॥

पर-समयागम-निउणं सुसमिय-सु-समण-समाहि-मग्गेण गयं ।

जिनभद्वखमासमणं खमासमणाणं११ निहाणमिव एकं ॥

तं नमिउं मय-महणं मानरिहं लोभ-वज्जियं जिय-रोसं ।

तेन१२ य जीय-विरइय-गाहाणं विवरणं भणिहामि जहत्थं ॥

चू. को वि सीसो विनीओ आवस्सय-दसकालिय-उद्धारज्झयणा-ऽऽचार-निसीह-सूयगड-दसाकप्प-ववहार-माइयं अंग-पविडुं बाहिरं च सुत्तओ अत्थओ य अहिज्जिऊण गुरुमुवगम्म

अनुजाणावेऊण बारसावत्त-कय-किइकम्मो पायवडिओ ठिओ कर-यल-जुयलं मत्थए ठवेउं विन्नवेइ-‘भगवं! कप्प-ववहार-कप्पियाकप्पिय-चुल्लकप्प-महाकप्पसुय-निसीहाइएसु छेद-सुतेसु अइ-वित्थरेइ पच्छित्तं भणियं । पइ दिवसं च तेन असमत्थो विसोहिं काउं । मइ-वामोहो य से भवइ१३ अन्न१४ गंथेसु१५ । नाणाइयारेसु१६ आवत्ती का, कम्मि वा कं दानं दिज्जइ ति । एवं वियाणिऊण, जहा अपरिमूढो अप्पणो परस्स य अइयार-विसोहिं करेमि, तहा पसायं करेह१ ति । तओ गुरुणा बहु-स्सुय-चिर-पव्वइय-कप्पियाइएहिं गुणेहिं संजुत्तं अप्पत्तापत्त-वत्त-तिन्तिणिय-चल-चित्तादि-दोस-विरहियं च नाऊण ‘जीयववहारस्स एस जोगो’ ति गुरुणा भण्णए१ ‘सुण भव्व सत्ता ! असुह-कम्म-मल-मइलियस्स परम-विसोहणं जी य व व हा रं’ ति । बहु-विग्घाणि सेयाणि; इमं च सत्थं परम-सेयं । तेन कय-मंगलोवयारेहिं सत्थमारभेयव्वं । तं च आरभमाणो गुरू मंगलत्थं भणइ-

मू. (१)

कय-पवयण-प्पणामो वोच्छं पच्छित्तदानं-संखेवं ।

जीयव्ववहार-गयं जीयस्स विसोहणं परमं ॥

चू. ‘कयपवयण१ पगय-वयणं ति वा, पहाण-वयणं ति वा, पसत्थ-वयणं ति वा-पवयणं। पवुच्चंति तेन जीवादयो पयत्था इति पवयणं । तहिं वा अहिगरण-भूए । पवदतीति पवयणं-चउविहो संघो । पइइ-वयणं ति वा-तदुवओगाण पन्नत्ताओ संघो ति जं भणियं होइ । जेन तं सुयं, तम्मि पइडियं, अनन्न-तदुवओगाओत्ति । तं च सामाइयाइ-बिन्दुसार-पवज्जसाणं अंगाणंगपविट्ठं सव्वं सुय-नाणं पवयणं ति । पणमणं, पणामो, पूया इति एगडियं३ । कओ पवयण-प्पणामो जेन सोहं कय-पवयण-प्पमाणो । वोच्छं-भणामि । पावं छिदंतीति पायच्छित्तं४ । चित्तं वा जीवो भण्णइ । पाएण वा वि चित्तं सोहइ अइयार-मल-मइलियं, तेन पायच्छित्तं । पायए५ चकारस्स छकारो लक्खणिओ । तस्स पायच्छित्तस्स दानं । तस्स संखेवं संगहं । जीय६-ववहारकयं । जीयस्सेत्ति वत्तनुवत्त-पवत्तो बहुसो आसेविओ महाजनेन७ जीय-ववहारो भण्णइ । तेन जीय-ववहारेण जं कयं, उवइट्ठं दिन्नं वा । जीय-ववहार-गयं वा, अनुपविट्ठं ति भणियं होइ । जीव पाण-धारणे । जम्हा जीविसु जीविसु जीवन्ति जीविस्संति, तम्हा जीवेत्ति वत्तव्वं सिया । सव्व-कालमुवओग-लक्खणत्तणओ जीवो । तस्स जीवस्स विसेसेण सोहणं । किं कओ विसेसो ? अत्रे वि मरुयादीया पायच्छित्तं देतिं थूल-बुद्धिणो जीव-घायम्मि कत्थइ सामन्नेण; न पुन संघट्टण-परितावणोद्ववण-भेएण सव्वेसिमेगिंदियाईणं तसपज्जवसाणाणं दाउं जाणंति । उवएसो वा तेसिं समए एरिसो नत्थि । इह पुन सासने सव्वत्थि ति काउं विसेसे ण सोहणं भण्णइ । जहा य पलास-खारोदगाइ वत्थ-मलस्स सोहणं, तहा कम्म-मल-मइलियस्स जीवस्स जीय-ववहार-निदिट्ठं पायच्छित्तं । परमं-पहाणयं, पगिड्ढमिति वा । न अन्नत्थ एरिसं ति जं भणियं होइ ।

एत्थ सीसो भणइ-‘अन्ने वि किमत्थि ववहारा, जेन विसेसिज्जइ-जीयववहारं गयं ति ? । विसेसणं च सइ संभवे वभिचारे वा कज्जइ ।’ गुरू भणइ-‘आमं, अन्नेवि चत्तारि ववहारा अत्थि; तं जहा आगम सुय-आणा-धारणा; पुव्वाणु-पुव्वीए जीयववहारो एएसिं पञ्चमो ।’ सीसो भणइ-‘आगम-ववहाराईणं जीयववहार-पज्जवसाणाणं को पइ विसेसो ? ।’ गुरू भणइ-

आगम-ववहारिणो छज्जणा; तं-जहा-केवल-मन-ओहिनाणी चोदस-दस-नव-पुव्वीएए । सुय-

ववहारो पुन अवसेस-पुव्वी एक्कारसंगिणो आकप्प-ववहारा अवसेस-सुए य अहिगय-सुत्तथा सुय-ववहारिणो ति । आणा-ववहारो-गीयायरिया आसेविय-सत्थत्था खीणजंधा-बला दो वि जना पगिड्ढेसंतर-निवासिणो अन्नोन्न-समीवमसमत्था गंतुं जया, तथा मइ धारणा-कुसलं अगीयत्थसीसं गूढत्थेहिं अइयार-पयासेवणेहिं पेसेइ ८ ति । जहा-

पढमस्स य कज्जस्स पमेण पएण सेवियं जं तं १ । पढमे छक्के अब्भंतरं तु पढमं भवे ठाणं । पढमस्स य कज्जस्स पढमेण पएण सेवियं होज्जा । पढमे छक्के अब्भंतरं तु सेसेसु वि पएसु ॥ पढमस्स य कज्जस्स पढमेण पएण सेवियं होज्जा । बिइए छक्के अब्भंतरं तु पढमं भवे ठाणं ॥ पढमस्स य कज्जस्स पढमेण पएण सेवियं होज्जा । बिइए छक्के अब्भंतरं तु सेसेसु वि पएसु ॥ पढमस्स य कज्जस्स पढमेण पएण सेवियं होज्जा । तइए छक्के अब्भंतरं तु पढमं भवे ठाणं ॥ पढमस्स य कज्जस्स पढमेण पएण सेवियं होज्जा । तइए छक्के अब्भंतरं तु सेसेसु वि पएसु ॥ एवं पढमममुंचंतेण बिइय-तइयमाइ जा दसमं । पुढविक्काइयाईसु पुनो वि उच्चारणियाइं ॥ बिइयस्स य कज्जस्स पढमेण पएण सेवियं होज्जा । पढमे छक्के अब्भंतरं तु पढमं भवे ठाणं ॥

— एवं विइयस्स वि । एयाए चेव परिवाडीए सव्वाओ गाहाओ भाणियव्वाओ —

पढमं ठाणं दप्पो दप्पो छिय तस्स वी भवे पढमं । मपढमं छक्कव्वयाइं पाणाइवाओ तहिं पढमं । एवं तु मुसावाओ अदत्त-मेहुण-परिग्गहो चेव । बिइ-छक्के पुढवाई तइ-छक्के होंति कप्पाइं ॥ एवं दप्प-पयम्मी दप्पेणं चारियाइं अट्टरस । एवमकप्पाईसु वि एक्केके होंति अट्टरस ॥ बिइयं कज्जं कप्पो पढमपयं १ तत्थ दंसननिमित्तं २ । पढमे ३ छक्किवयाइं तत्थ उ पढमं तु पाणवहो ॥ दंसणममुयंतेणं ४ पुव्वकमेणेव चारिणज्जाणि । अट्टारस ठाणाइं एवं नाणाइ एक्केके ॥ चउवीसट्टारसया एवं एए भवंति ६ कप्पम्भि । दस होंती दप्पम्मी सव्वसमासे य मुन संखं ॥

— दुविहा पडिसेवणा-दप्पिया, कप्पिया य । दप्पिया दसविहा । तं-जहा —

दप्प अकप्प निरालम्ब चियत्ते अप्पसत्थ वीसत्थे ।

अपरिच्छिय ७-५ कडजोगी ८ निरनुतावीय निस्संको ॥

तत्थ दप्पो-धावणडेवणाइं । अकप्पो जं अविहीए ९ सेवइ । निरालंबो-आलंबनरहिओ सेवइ । चियत्ते ति १०-संजमाहिकारियाणि छडेऊण सेवइ, स त्यक्तकृत्यः । अप्पसत्थेति ११-अप्रशस्तेन भावेन सेवइ । वीसत्थो-इहलोग-परलोगस्स न भायइ । अपरिच्छियत्ति-कज्जा-कज्जाइं अपरिक्खउण सेवइ । अकडजोगी-जोगं अकाऊण १२ सेवइ । निरनुतावी-जो अकिच्चं काऊण नाणुत्तपइ; जहा मए दुट्ठु कयं । निस्संको १३-जो निस्संकितो सेवइ । एसा १४ दप्पिया ॥ कप्पिया चउवीसविहा; दंसणानाणचरित्ते तवसंजमसमिइगुत्तिहेउं वा । साहम्मियवच्छलत्तणेण कुलओ गणस्सेव ॥

संघस्सायरियस्स य असहुस्स गिलाणबालवुड्ढस्स ।

उदयग्गिचोरसावयभय १५ कंतारावाई १६ वसने ॥

एएहिं कारणेहिं जो पडिसेवेइ सा कप्पिया पडिसेवणा । 'किं पुन पडिसेवियव्वं ? ।' 'इमाइं अट्टारस पयाइं ।' तं-जहा-

वयछक्क-कायछक्कं अक्कप्पो गिहिभायणं । पलियं कनिसेज्जा य १७ सिणाणं सोभवज्जणं ॥

— सव्वसमासे य मुण १८ सु संखं १८० दप्पिया, कप्पिया ४३२ ॥ —

सोऊण तस्स पडिसेवणं तु आलोयणं कम्म १९ विहिं च ।

आगमपुरिसज्जायं परियायबलं २० च खेतं च ॥

अवधारेउं सीसो गंतूण य सो तओ गुरुसगासे । तेसि निवेएइ तहा जहानुपुव्वी तयं सव्वं ॥
सो ववहारविहिन्नु अनुमज्जित्ता १ सुओवएसेणं २२ । सीसस्स देइ आणं तस्स इमं देइ पच्छित्तं ॥

पढमस्स य कज्जस्स २३ दसविहमालोयणं निसामेत्ता ।

नक्खत्ते भे पीला सुक्के मासे २४ तवं कुणह ॥

पढमस्स य कज्जस्स दसविहमालोयणं २५ निसामेत्ता ।

नक्खत्ते भे पीला चाउम्मासे २६ तवं कुणह ॥

पढमस्स य कज्जस्स दसविहमालोयणं निसामेत्ता । नक्खत्ते भे पीला छम्मासतवं कुणह सुक्के ॥

एवं ता उग्घाए अनुधाए तानि चैव कण्हम्मि ।

मास चउमास छ मासियाणि छेदं २ अओ वोच्छं ॥

छिंदंतु तयं भाणं गच्छंतु तवस्स साहुणो मूलं ।

अव्वावडावगच्छे अधीइया ३ वावि विहरंतु ॥

छब्भागुल ४ पणए ५ दसभाए ६ ति भाग अट्टपन्नरसे ।

वीसाए तिभागूणं छब्भागूणं तु पणवीसे ७ ॥

मास चउमास छक्के अंगुल चउगे तहेव छक्कं तु । एए छेयविभागा नायव्वाऽहकमेणं तु ॥

बिइयस्स य कज्जस्स तहियं चउवीसयं निसामेत्ता । आउत्त नमोक्कारा हवंतु एवं भनिज्जाहि ८ ॥

एवं नाऊण तहि जहोवएसेण देइ पच्छित्तं । आणाए एस भणिओ ९ ववहारो धीरपुरिसेहिं ॥

एवं सो आयरिओ दव्वखेत्तकालाभावसंघयणधिइ १० बलाइयं च परिपुच्छिऊण सयं गमनं,
सीसं वाऽगीयत्थं पेसेइ; अविज्जमाणे वा तस्सेव पेसवितस्स निगूढमेव अतिचारविसोहिं पेसेइ ।

धारणाववहारो-संविग्गेण गीयत्थेणायरिणं दव्वखेत्तकालाभावपुरिस ११ पडिसेवणासु १२
अवलोएऊण जम्मि जं अवराहे दिन्नं पच्छित्तं तं पासिऊण अत्रो वि तेसु चैव दव्वाइएसु तारिसावराहे
तं चैव पच्छित्तं देइ; एस धारणाववहारो । अहवा वेयावच्चगरस्स १८ गच्छोवग्गहकारिणो फड्डुगपइणो
वा संविग्गस्स देसदरिसणसहायस्स वा बहुसो पडितप्पियस्स अवसेस-सुयानुओगस्स १४
उचियपायच्छित्तद्वाणदानधारणं धारणाववहारो भन्नइ ।

पंचमो जीयववहारो-सो पुन दव्वखेत्तकालाभावपुरिसपडिसेवणानवत्ति सरीर-संघयणधीबल-
परिहानिं वावेक्खिऊण तहा १५ पायच्छित्तदानं १६ जीयं १७; जो वा जम्मि गच्छे केणइ कारणेन
सुयाइरित्तो पायच्छित्त-विसेसो पवत्तिओ अत्रेहिं य १८ बहूहिं अनुवत्तिओ नय पडिसिद्धो ।

वत्तणुवत्तपवत्तो बहुसो आसेविओ महानेन । एसो उ जीयकप्पो पंचमओ होइ ववहारो ॥

जीयं ति वा करनिज्जं ति वा आयरनिज्जं ति वा एगट्ठं । जीवेइ १० वा तिविहे वि काले तेन
जीयं २० । सुत्ताओ पुन हीनं समं अइरित्तं वा जीयदानमित्ति २१ । पंचसुवि पुन ववहारेसु विज्जमाणेसु
आगमेन ववहारं ववहरेज्जा, न सेसेहिं । एवं सुएणं, आणाए, धारणाए, जाव जीयववहारेणं ।
पुव्विल्लेहिं ववहारं ववहरेज्जा न सेसेहिं २२ ति । किं कारणं ? आगमववहारी अइसइणो
संकिलिस्समाणं विसुज्जमाणं अवट्ठियपरिणामं वा पच्चक्खमुवलभंति, तावइय च से दित्ति २३

जावइएण विसुज्जइ; सुत्तभणियाओ अहियं ऊनं तम्म तं वा; न सुयमणुवत्तए । जेपुन सुयववहारी ते सुयमनुवत्तमाणा इंगिआगार-वत्त-नेत्त-वयण-विगाराइएहिं २४ भावमुव-लक्खिऊण २५ तिक्वुत्तोअइयारं आलोयावेऊण; तं जहा-सुओवएसेण पलिउञ्चियमपलिउञ्चियं वा आलोयणाकाले जं जहा आलोएजा तं तथा सुओवएसेण ववहरन्तीति । एस २६ सुयववहारो । २७ सुयाभावे आणाए ववहारं ववहरेजा । आणाववहारो वि सुयववहारानुसरिसो केवलं २८ निगूढाइ-यारविसेसेण २९ विसेसिओ ३० । धारणाववहारो वि सुयववहारानुसरिसो, केवलं सुओवएसेण ३१ उचियपयाणं वेयावच्चक्राईणमणुग्गहत्थो ३२ विसेसिओ । सुयववहारेगदेसो ३३ धारणाववहारो ति । धारणानंतरं जीयववहारो । सव्वत्थ य जीयववहारोऽनुवत्तए । दव्वखेत्तकाल-भावपुरिस-पडिसेवणाधिइसंधयणावत्तिरूवं परूवेऊण पंचविहववहारमज्जे जीयववहारेण पगयं । जेन सो सावेक्खो चिरं चानुवत्तिस्सतीति ।

**मू. (२) संवर-विनिज्जराओ मोकखस्स प्हो, तवो प्हो तासिं ।
तवसो य पहाणंगं पच्छित्तं, जं च नाणस्स ॥**

चू. एईसे गाहाए सम्बन्धो । सीसो भणइ-‘सम्मदंसण-नाणचरणसंवरविनिज्जरतवपयत्था पहाणा, ते सव्वे वि मोत्तुं तवेगदेसं पायच्छित्तं वक्खाणेउमुज्जया किमत्थं तुब्भे ति ?’ । आयरिओ भणइ-‘पारंपरिण चरणपयत्थस्स विसोहिकारणं पायच्छित्तं । चरणविसुद्धीए य कसिणकम्म-पडलुव्वेल्लनानंतरं अव्वाबाहेक्कंति-यच्चंतिय-परमसमसुहलक्खणो मोकखो संपाविज्जइ ति काउं पायच्छित्तमेव भण्णइ ।’ संवरणं संवरं ढक्कणं पिहाणं ति एगद्धा । विसेसेन निज्जरणं विनिज्जरणं । विनिज्जरा सोहणमिति एगद्धं । संवरणं नवस्स कम्मस्स अनायाणं । निज्जराए पुव्वोवचियसुहा-सुहकम्मपोग्गलपरिसाडो । अहवा विसेसियं भण्णइ-मिच्छादंसणाविरइकसायपमायजोगनिरोहो संवरो । कहं ? । मिच्छतावरोहेणं सम्मत्तपडिवत्तीए मिच्छतनिमित्तासवनिमित्तकम्मणो संवरणं कयं भवइ । एवं विरइपडिवत्तीए अविरइपच्चयं कम्मं पच्चक्खायं भवइ । तथा कसाविवज्जणेण तत्रिमित्तयं कम्मं वज्जियं होइ । तथा इंदिय-विगहा-निद्दा-मज्ज-पमायासव-निरोहदारेण तप्पच्चयस्स कम्मणो निरोहो कओ भवइ । धावन-वगगन-डेवन-लंघन-फोडणाइ-असुह-चेट्टा-निवित्तीए कायजोगासवलद्धपवेसस्स कम्मणो निरोहो भवइ । तथा हिंस-फरुसा-लिय-पिसुण-असम्भूय-डंभ-सढ-छलाइ-वायानिरोहेण तप्पच्चयं कम्मं पच्चक्खायं होइ तथा ईसा-ऽमरिस-भय-सोग-मिच्छाभिसंधाण-राग-दोसाकुसल-संकम्पाइनिरोहेण तत्रिमित्तं कम्मं वज्जियं होइ ।

निज्जरा पुन गुत्ति-समिइ-समणधम्म-भावना-मूलगुण-उत्तरगुण-परीसहोवसग्गाहियासणरयस्स भवइ । गुत्ती ति विहा मणाइ । समिइ पंचविहा इरियाइ । समणधम्मो दसविहो खमाइ । भावना दुवालसविहा अनिच्चाइ । मूलगुणा पंचविहा पाणाइवायाइ-निवित्ती । उत्तरगुणा पिंडविसुद्धिमाइया । परीसहा बावीसं छुहाइया । उवसग्गा सोलस । हासा पदोसा वीमंसा पुढोवेमाया दिव्वा एए । हासा पदोसा वीमंसा कुसीलपडिसेवणा एए मानुसा । भया पदोसा आहारहेऊ अवच्चलेण सारक्खणया एए तेरिच्छा । घट्टणया थंभणया लेसणया पवडणया एए आयसंचेयणिया । सो य संवरो दुविहो-देसे सव्वे य । निज्जरा वि दुविहा देसे सव्वे य । जोगनिरोहकाले सेलेसि-पडिवन्नस्स दुचरिमचरिमसमए सव्वसंवरो सव्वनिज्जरा य । सेसकाले देससंवरो देसनिज्जरा य । एवं

‘संवरविनिज्जराओ’ उभयमवि ‘मोक्खस्स पहो’ मग्गो हेऊ मोक्खकारणं मोक्खमग्गोति । ‘तासिं’ पुन संवरविनिज्जराणं ‘तवो पहो’ हेऊ कारणं ति । तस्स य ‘तवस्स पहाणमंगं पच्छित्तं’, जेन पच्छित्ते दुवालसविहो वि तवो अनुवत्तइ । तवस्स कारणं पहाणं पच्छित्तं । तवो कारणं संवरविनिज्जराणं । संवरविनिज्जराओ मोक्खस्स कारणमिति । ‘जं च नाणस्से’ ति उत्तरगाहाए सह संवज्झए ।

मू. (३) सारो चरणं, तस्स वि नेव्वाणं, चरण-सोहणत्थं च ।
पच्छित्तं, तेन तयं नेयं मोक्खत्थिनाऽवस्सं ॥

चू. सामाइयाइयस्स बिन्दुसारपज्जवसाणस्स नाणस्स ‘सारो चरणं’ । चरणस्स पुन निव्वाणं सारो । निव्वाणस्स अनंतरकारणं चरणं, कारणकारणं नाणं । चरणस्स कारणं नाणमनंतरं । नाणाओ चरणं; चरणाओ निव्वाणं ति । नाणविसुद्धीए चरण विसुद्धी, चरणविसुद्धीए निव्वाण-फलावत्ती भवइ । चरणविसुद्धी पुन पच्छित्ताहीणा । अओ निव्वाणचरणऽत्थिणा पच्छित्तं ‘नेयं’ जाणियव्व अवस्सं भवइ ।

मू. (४) तं दसविहमालोयण पडिकमणोभय विवेग वोस्सग्गे
तव छेय मूल अनवट्टया य पारञ्चिए चेव ॥

चू. तमिति अनंतरगाहानिदिद्धं पच्छित्तं सव्वनामसद्वेण सम्बज्झइ । ‘तं’ पच्छित्तं ‘दसविहं’ दसमेयं दसविकम्पं । तं जहा-आलोयणारिहं, पडिकमणारिहं, तदुभय-विवेगोसग्गारिहं, तवारिहं, छेयारिहं, मूलारिहं, अणवट्टप्पारिहं, पारंचियारिहं चेति । तत्थ य आलोयणारिहं-आ मज्जायाए वट्टइ । का सा मज्जाया ?

जह बालो जंपंतो कज्जमकज्जं च उज्जुओ उज्जुओ भणइ ।

तं तह आलोएज्जा माया-मय-विप्पमुक्को उ ॥

एसा मज्जाया । आलोयणं पगासीकरणं समुदायत्थो । गुरुपच्चक्खीकरणं मज्जायाए । जं पावं आलोइयमेत्तेणं चेव सुज्झइ, एयं आलेयणारिहं । १। पडिकमणारिहं-जं मिच्छादुक्कडंमेतेन चेव सुज्झइ न आलोइज्झइ; जहा सहसा अनुवउत्तेणं खेलसिघाणाइयं परिट्टवियं नय हिंसाइयं दोसमावन्नो तत्थ मिच्छादुक्कडं भणइ, एयं पडिकमणारिहं । २। तदुभयारिहं-जं पडिसेविय गुरुणो आलोइज्झइ, गुरुसंदिट्ठो य पडिकमइ ति पच्छा मिच्छा दुक्कडं ति भणइ, एयं तदुभयारिहं । ३। विवेगारिहं-विगिंचमाणो विहीए तमइयारं सोहेइ जत्थ, एयं विवेगारिहं । ४। विउसग्गारिहं-जं कायचेट्ठानिरोहोव-ओगमेत्तेणं चेव सुज्झइ, जहा दुस्सुमणाइयं, एयं विउसग्गारिहं । ५। तवारिहं-जम्पि पडिसेविए निव्वीयाइओ छम्मासपज्जवसाणो तवो दिज्झइ, एयं तवारिहं । ६। छेयारिहं-जम्पि य पडिसेविए संदूसियपुव्वपरियायदेसावछेयणं कीरइ, नाणावि-हवाहिसं दूसियंगोवंगछेयणमिव सेससरीरावयव-परिपालणत्थं, तहेहावि सेसपरियायरक्खणत्थं, एयं छेयारिहं । ७। मूलारिहं-जेन पडिसेविएन पुनो महव्वयारोवणं निरवसेस परियायावणयनानंतरं कीरइ, एयं मूलारिहं । ८। अनवट्टप्पारिहं-जम्पि पडिसेविए उवट्ठवणा अजोगो, कंचि कालं न वएसु ठाविज्झइ; जाव पइविसिट्ठतवो न चिन्तो, पच्छा य चिन्ततवो तद्वोसोवरओ वएसु ठाविज्झइ; एयं अनवट्टप्पारिहं । ९। पारंचियारिहं-अंचुगइ-पूयणेसु, पारं अश्वइ तवाईणं जम्पि पडिसेविए लिंगखेत्तकालविसिट्ठणं, तं पारंचियारिहं । १०। एस एस संखेवओ पिण्डत्थो दसण्ह वि पयाणं भणिओ । सट्ठाणे सट्ठाणे वित्थरेण वि

भासियव्वो । एएहिं चेव पएहिं विवरिएहिं जीयववहारो समप्पइ । संपयं जहक्कम-निदिट्ठाणं दसण्ह वि पयाणं विवरण भण्णइ कमेण चेव ।

तत्थ पढमं पयं 'आलोयण'त्ति । तस्स सरूव निरूवणत्थं

मू. (५)

करणिज्जा जे जोगा तेसुवउत्तस्स निरइयारस्स ।

छउमत्थस्स विसोही जइणो आलोयणा भणिया ॥

चू. 'करणिज्जा' नाम अवस्स-कायव्वा । 'जे' इति अनिदिट्ठनिदेसो । 'जोगा' इति किरियाओ सुओवरइट्ठाओ संजमहेउगाओ कम्मनिज्जरणत्थं । 'तेसु' अनंतरनिदिट्ठेसु 'उवउत्तस्स' पवत्तस्सा । अहवा जोगा इति मण-वइ-कायजोगा एएहिंतो किरिया अनन्ना भवती ति तस्सहचरियत्ताओ । जोगो विरियं थामो उच्छाह परक्कमो तहा चेट्ठा । सत्ती सामत्थ ति य जोगस्स हवन्ति पज्जाया ॥ कायजोगो कहं कायव्वो ? । कुम्मो इव अल्लीणपल्लीणगुत्ते सुप्पणिहियपाणिपाए । अहवा, उद्धट्टु पायं रीएज्जा, तिरिच्छं वा कट्टु पायं रीएज्जा, साहट्टु पायं रीएज्जा । एवं कायजोगो करनिज्जो । वइजोगो वि एवं करनिज्जो

जा यऽसच्चा न वतव्वा सच्चा मोसा य जा मुसा । जा य बुद्धेहिं नाइण्णा न तं भासेज्ज पन्नवं ॥ मनजोगो वि एवं करनिज्जो-अकुसलमननिरोहो कुसलमनउदीरणा य । निरइयारस्सेव संखेवेण मुहपोत्तियाइ-पडिलेहणपमज्जणाई जा जा संजमसामायारीगया किरिया सा सव्वा करणिज्जजोग-सद्वच्चा होइ । अहोरत्तभंतरानुट्ठेया । 'निरइयारस्स' अदुट्टुभावस्स । 'छउमत्थस्से' त्ति परोक्खनाणिणो । सुओवएसानुसारेण सेसकिरियाकलावाणुट्ठाणपरायणस्स । 'विसोही' कम्मबंधनिवित्ती निसल्लया वा । 'जइणो' जयमाणस्स अप्पमत्तस्स । 'आलोयणा भणिया' जिण्णिदग्नहरेहिं । सीसो भणइ-निरइयारो नियमा जई चेव होइ तो किमत्थं जइग्गहणं ? । 'भण्णइ-हेउ-हेउमम्भावेणं वक्खाणं कायव्वं । निरइयारलक्खणाओ चेव हेउओ सो जयमाणो जइ त्ति लब्भइ, तेन दोण्हवि गहणं । अह वा जइ त्ति सामन्नाभिहाणं । तं निरइयारत्तणेण विसेसिज्जइ निरइयारो जइ त्ति । पुनो वि सीसो- 'ते' य जया उवउत्तो निरइयारो य करेइ । करणिज्जा य ते । तो तत्थ का विसोही आलोइए अनालोइए वा ? ' गुरु भणइ- 'तत्थ जा चेट्ठानिमित्ता सुहुमा आसवकिरिया, सुहुमपमायनिमित्ता वा अनुवलक्खिया ताओ सुज्जन्ति आलोयणा मेत्तेण' । सो पुन गुरु-संदिट्ठो असंदिट्ठो वा पुव्वं वा आलोएज्जा, कज्जसमत्तीए वा आलोएज्जा । अहवा पुव्वं पि पच्छा वि आलोएज्जा ।

मू. (६)

आहाराइ-ग्गहणे तह बहिया निग्गमेसुऽनेगेसु ॥

उच्चार-विहारावणि-चेइय-जइ-वंदनाईसु ॥

चू. अनंतरगाहाए करणिज्जजोगनिदेसमेत्तं भणियं, संपयं पुन नामग्गाहं करणिज्जा जोगा भण्णत्ति । के ते करणिज्जा जोगा ? । इमे-आहारो आईए जेसिं गहणाणं तानि 'आहाराइ गहणाणि' । एगवयणेन निदेसो कओ । आइग्गहणेण सेज्जासंधारवत्थ-पायपुंछणपडिग्गहाइ ओहिय-ओवग्गहिओ य सेसो उवही घेप्पइ । 'तह बहियानिग्गमेसु नेगेसु' गिलाणआयरियबाल-दुब्बलसेहखवग असहुपाओग्गो सहगहणनिमित्तं निग्गमने । गहणं तु गुरुमापुच्छिऊण-गुरूणाणुत्ताओ, सुओवएसेण उवउत्तो, विहीए गिण्हिऊण; तओ जहावही गहियमालोएंतो

सुद्धो । सीसो भणइ-‘जइ गहणे अवि सुद्धी, सुद्धी य आलोइए; एवं गहणमेव मा करेउ’ । गुरु भणइ-‘जइ गहणं न करेइ तओ आयरिओवज्झायाइ-कुलगणसंघसाहम्मि-यदंसणनाणचरित्त-तवसंजमाईणं ववच्छेओ-भंगो हवइ । तेनावस्सं गहणं विहीए कायव्वं’ । अहवा एयं सव्वं आहाराइ-गहणेन गहियं । इमो पुनो वहियानिग्गमोऽनेगो भणणइ । गुरुमूलाओ सेज्जाओ वा कुलगण-संघचेइयदुविहभेय तद्व्वविणासनिवारणाई । अहवा पीढफलासेज्जासंथारपाडिहारियगहियप्पणत्थं वा निग्गमं करेज्जा । अहवा एयाइं निग्गमकारणाइं । ‘उच्चारविहारावणि’ त्ति उच्चारभूमि-विहारभूमिओ सण्णा-सज्झायसन्नियाओ । चेइयवंदननिमित्तं आसन्नं दूरं वा गच्छेज्जा । साहूणं पुन अपुव्वबहुसुय संविग्गाणं वंदण संसयवोच्छेयत्थं वा गच्छेज्जा । आइसद्देणं सहासत्रायग-ओसन्नविहारीणं वा सद्धावद्धावणत्थं साहम्मियाणं वा संजमउच्छाहनिमित्तं गच्छेज्जा ।

मू. (७) जं चऽन्नं करनिज्जं जइणो हत्थ-सय-बाहिरायरियं ।
अवियडियम्मि असुद्धो, आलोएंतो तयं सुद्धो ॥

चू. ‘जं चन्नं’ ति पुव्वगाहाभणियाओ वइरित्तं ति; तं सव्वं च सद्देण समुच्चिज्जइ । तं च खेतपडिलेहणयंडिलसेहनिकखमणायरियसंलेहणाई हत्थसयाओ परेणं जं आयरियं, तमायरित्ता ससिइगुत्तिविसुद्धि निमित्तं अवस्सं आलोएयव्वं । जं पुन हत्थसयभ्भंतरायरियं तत्थ किंचि आलोइज्जइ, किंचि नालोइज्जइ । जहा पासवणखेलसिंघाणजल्ल निविसनुट्ठाणवियम्भणाकुञ्चन पसारणोसासणीसासचेट्ठाइ किञ्चि कज्जं नालोइज्जइ । पासवणं पुन पुव्वमापुच्छिऊण वोसिरइ । ‘अवियडियम्मि’ अनालोइयम्मि, असुद्धो साइयारो, आलोएंतो पुन तं कज्जं आयरियस्स सुद्धो निरइयारो त्ति मणियं होइ ।

मू. (८) कारण-विनिग्गयस्स स-गणाओ पर-गणागयस्स वि य ।
उवसंपया-विहारे आलोयण-निरइयारस्स ॥

चू. ‘कारणविनिग्गयस्स’ त्ति । दुविहो निग्गमो गच्छाओ-कारणेन, अकारणेन य । असिव-ओमरायदुडुगिलाणुत्तिमट्ठायरियपेसणाइ कारणिओ । चक्कथूम-पडिमा-महिमा-जम्म-निक्खवण-नाण-निव्वाण-भूमि-सन्नायग-वइग-संखडिपेहाइ निक्कारणिओ । कारणविनिग्गयस्स । ‘च’ सद्दो आलोयणाइपयं समुच्चिणइ । निरइयारस्स गुत्तिसमिइविसुद्धस्स कारणेण विनिग्गयस्स आलोयण-मेत्ताओ चेव सुद्धी होइ । सा य आलोयणा-ओहओ विभागओ य । ओहालोयणा अद्धमा-सब्भंतरागयस्स हवइ । तं चागयमेत्तो चेव इरियावहियापडिक्कंतो समुद्देसवेलाए आलोएइ । आलोइयमेत्ते चेव सुज्झइ निरइयारो । सा य ओहालोयणा इमा-

अप्पा मूलगुणेसुं विराधना अप्प उत्तरगुणेसु । अप्पा पासत्थाइसु दानग्गहसंपओगोहा ॥

एवं विहालोयणेण सुद्धो होइ । अन्नम्मि वेलाए विभागेन अद्धमासपरेणागयस्स । विभागालोयणा निरइयारस्स वि । एवं ‘सगणाओ’ कारणनिग्गयस्स आलोइए सुद्धी; ‘परगणागयस्स वि य’ त्ति । सगणो एगसंभोइया, परगणो अन्नसंभोइया । ते संविग्गा वा असंविग्गा वा । संविग्गाओ आगयस्स निरइयारस्स वि अवस्समेव विभागालोयणा । आलोयणाए य सुद्धो । ‘उवसंपय’ त्ति । सा य उवसंपया पंचविहा । तं-जहा-सुओवसंपया, सुहदुक्खोवसंपया, खेतोवसंपया, मग्गोवसंपया, विनओवसंपया य त्ति । पंचविहाए वि तप्पढमयाए उवसंपज्जमाणेण निरइयारेणावि आलोयणा

विभागेन दायव्वा । सोय आलोयणाए चैव सुद्धो । 'विहारे' ति एगसंभोइया फड्डुगपई गीयत्थायरिया एगाह-पनग-पक्ख-चउम्मास-संवच्छरिएसु जत्थ वा मिलन्ति तत्थ निरइयारा वि विहारालोयणं देति । अन्नोन्नस्स विहारे वि आलोयणाए सुज्झइ । सव्वत्थ 'निरइयारस्से' ति एयं पयं सम्बज्झइ । एवमेयं आलोयणारिहं भणियं ॥ इदानिं पडिक्कमणारिहं भण्णइ । जेसु ठाणेसु खलियस्स मिच्छादुक्कडारोवणा होइ तट्टाणसरूव निरूवणत्थं गाहा भण्णइ ।

मू. (९) गुत्ती-समिह-पमाए गुरुणो आसादना विनय-भंगे
इच्छाईणमकरणे लहुस मुसाऽदिन्न-मुच्छासु ॥

चू. गुत्ति ति तिन्नि गुत्तिओ मन-वइ-कायसन्नाओ । समिईओ इरिया-भासा-एसणा-आयाणनिकखेवण उच्चारपासवणाइपरिद्ववण-नामाओ पंच । एएसु अट्टसु ठाणेसु पमाआ कओ होजा । मनेन दुच्चितियाइं । वईए दुब्भासियाइं, काएण दुच्चेट्टयाइं । इरियाए कंहकहंतो गच्छेजा, भासाए ढड्डरिगित्थ-भासाई, एसणाए भिक्खा गहणकाले अनुवउत्तो, न पमज्झइ आयाण-निकखेवेसु अप्पडिलेहिय-यंडिले उच्चाराइ परिद्ववेजा । 'गुरुणो आसायण' ति । गिणाति सत्थमिति गुरु । तस्स आसायणा कया । का ? अहिकखेवो परिभवो वा जच्चाइगुणहीनस्स । आयो नाणाइत्तियं, तस्स साडणा अवणयणं विनासो आसायणा भण्णइ । आयरियाहिकखेव-द्वारेणाहिकखेवंतो आयं अप्पणो साडेइ तुसिणीय-हुंकार-जाइ-क-म्माइहिं । अहवा तिविहा आसायणामणेण पओसाइ, वायाए अंतरभासाइ, काएण जमलिय-पुरोगमण-संघट्टणाइ । 'विनयभंगे' ति । विनओ अब्बुट्टाणासनदानअल्लिपगहवंदनाईओ । तस्स य भंगे । 'इच्छाईणमकरणे' ति । इच्छा मिच्छा तहक्कारो आवस्सिया य निसीहिया आपुच्छाणा य पडिपुच्छा छंदणा य निमंतणा उवसंपयाओ य गिज्झंति । एयासिमकरणे । लहुसगं वा मुसावायं वएजा । जहा-पयला ओल्ले मरुए पच्चक्खाणे य गमनपरियाए । समुद्देससंखडीओ खुड्डुग परिहारिय मुहीओ ॥ अवसगमने दिसासुं एगकुले चैव एकदव्वे वा । एए सव्वे वि पया लहुसमुसाभासणे हींति ॥ लहुसाऽदिन्नं पुन सुहुमं जत्थ जत्थ पनगावित्ती । तं-जहा-तण-डगल छार-मल्लग-लेवइत्तिरि-उग्गहण -चिट्टणासु लेव-इत्तिरि-उग्गहणट्टाणेसु सुत्ताएसेण मासलहुं । तहावि इह लहुसगादिणं चैव भण्णइ । लहुसमुच्छा पुन ईसीसि ममत्तं जत्थ सुहुमं, जहा-कागाइ-साण-गोण कप्पट्टग-सारक्खण-ममत्ताईसु दव्वे लहुसमुच्छा । खेत्ते ओवास संथार-कुल-वसहि-गाम-नगरज्जाईसु । काले पुन मासकप्पोवरि निवासाइ । भावेन राग-दोसाइ । एत्थ जे मासलहुयट्टाणा ते सव्वे घेप्पंति ।

मू. (१०) अविहीइ कास-जंभिय-खुय-वायासंकिलिड-कम्मेसु ।
कंदप्प-हास-विगहा-कसाय-विसयानुसंगेसु ॥

चू. अविहीए हत्थमद्दाऊण कासइ मुहपोत्तियं वा । एवं जंभाइय-छीईएसु वि । 'वाय' ति पयं कम्म-सद्देण संबज्झइ । तं दुविहं-उहं उट्टोयाई, अहो कुच्छिय-सद्दो । उट्टोए हत्थो दायव्वो मुहपोत्तिया वा । कुच्छिय-सद्द-निग्गमे पुन पुयावकट्टण लम्बनेन । एस विही, एयव्वइरित्तो अविही । 'असंकिलिडकम्मं' पुन छेयन-मेयन-संघंसन-पीलन-अभिधाय-सिंचन-कायखाराइ-असुसिर-सुसिरानंतर-परंपरभेयभिन्नं । 'कन्दप्पो' वाइओ काइओ वा । 'हासं' पसिद्धमेव । 'विग्गहा' इत्थि-भत्त-चोर-जनवयाइया । 'कसाया' कोहाई । 'विसयानुसंगो' सद्द-फरिस-रस-रूव-

गन्धासेवनमिति ।

मू. (११) खलियस्स य सव्वत्थ वि हिंसमनावज्जओ जयंतस्स ।
सहसाऽनाभोगेण व मिच्छाकारो पडिक्कमणं ॥

चू. 'खलियस्स' अइयारावन्नस्स । सो य अइयारो सहसक्कारकओ अनाभोगकओ य । 'च' सद्दो पडिक्कमणारोवणं समुच्चिणइ । 'सव्वत्थ वि' ति सव्वपएसु । दंसणनाणचरित्तवसमिइगुत्तिदि-याइसु खलियस्स । 'हिंसमणावज्जओ' ति अकरेंतस्स जयणाजुत्तस्स । सहसक्कारानाभोगलक्खणं पुव्वं अपासिऊणं छूढे पाए कुल्लिंजं पासे । न य तरइ नियत्तेइं जोगं सहसाकरणमेयं ॥ अन्नयर-पमाएणं असंपउत्तस्स नोवजुत्तस्स । इरियाइसु भूयत्थेसु वट्टओ हो अनाभोगो ॥ एवं सहसक्काराणाभोगेहिं हिंसमनावज्जमाणो जयणोवउत्तो अइयारमावन्नो वि मिच्छादुक्कड-परिणओ सुद्धो ।

मू. (१२) आभोगेन वि तनुएसु नेह-भय-सोग-बाउसाईसु ।
कंदप्प-हास-विगहाईएसु नेयं पडिक्कमणं ॥

चू. 'आभोगेने' ति परिफुडबुद्धीए वि । 'तनुएसु' थोवेसु, 'नेहाइसु' ति सम्बन्धो । नेहो कप्पट्टग-सन्न-सन्नायगाइसु । भयं इहलोग-परलोग-आयाण-अक्कम्हा-आजीव-असिलोग-मरण-सन्नियं । सोगो सच्चित्ताचित्तमीसदव्वाण संजोगेण विओगेन य कओ होज्जा । 'बाउसत्तं' सरीरमुस्सुसापरायणत्तं हत्थपायाइधोवणदारेण । 'आइ' सद्देण कुसील पासत्थो-सन्न-संसत्ता धेप्पन्ति । 'कंदप्पहासविगहा' पुव्ववक्खाणिया । 'आइ' सद्देण कसायविसयानुसंगा गहिया । सव्वेसु वि एएसु तनुएसु 'नेयव्वं' जाणियव्वं । 'पडिक्कमणं' पायच्छित्तं ति भणियं होइ । एयं पडिक्कमणारिहं भणियं ॥ इदानिं तदुभयारिहं -

मू. (१३) संभम-भयाउरावइ-सहसाऽनाभोगऽनप्प-वसओ वा ।
सव्व-वयाईयारे तदुभयमासंकिए चव ॥

चू. 'संभमो' हत्थी-उदग-अगनिमाइओ । 'भयं' दस्सु-मिलक्खु-वोहिय-मालवाइ-सगासाओ । 'आउरो' दिग्गिष्ठा-पिवासाईहिं । 'आवई' चउव्विहा-दव्वखेत्तकालभावावई । दव्वावई दव्वं दुल्लहं खेत्तावई वोच्छिन्नमंडंबाई । कालावई ओमाई । भावावई गुरुगिलाणाई । 'सहसानाभोगा' पुव्वुत्ता । एएसु हिंसाइदोसभावज्जओ वि जयंतस्स 'अनप्पवसओ' सव्वेहिं कारणेहिं, 'सव्ववयाइ-यारं' करेज्जा । पलायमाणो पुढविजलजलणपवणाइवणस्सइदुरूहणं वा करज्जा । बि-तिय-चउ-पंचिदियं वा विराहेज्जा । मुसावायादित्रादाणमेहुणपरिग्गहराइभोयणअद्धाणकप्पलेवाडाइयं वा आवजेज्जा । एवं उत्तरगुणेषु वि । एवमाइ अइयारावन्नस्सावि । 'तदुभयं' आलोयणा गुरूणं । पच्छा गुरुसंदिट्ठो मिच्छादुक्कडं ति भणमाणो सुद्धो । 'आसंकिए चव' ति कयमकयं वा जत्थ परिच्छेय काउं न तरइ तमासंकिं । तत्थ य सव्वपएसु वि तदुभयपायच्छित्तकारी सुज्जइ ।

मू. (१४) दुच्चितिय-दुब्भासिय-दुच्चैठिय-एवमाइयं बहुसो ।
उवउत्तो वि न जाणइ जं देवसियाइ-अइयारं ॥

चू. 'दु' सद्दो कुच्छाभिहाणे । संजमविराधनाजायं कुच्छियं चित्तियं दुच्चित्तियं । एवं 'दुब्भासियं दुच्चिट्ठियं' । 'आइ' गहणेण दुप्पडिलेहिय-दुपमज्जियगहणं । 'बहुसो' अनेगसो 'उवउत्तो वि न

याणइ' ति सम्बज्जइ । उवओगरूवपरिणओ वि साहू न संभरइ पुव्वकालकयमइयारट्ठाण । आलोयणाकाले 'देवसियाइ अइयारं'; आइग्गहणेण राइय-जाव-संवच्छरियाइयारा घेप्पंति ।

मू. (१५) सव्वेसु वि बीय-पए दंसए-नाण-चरणावराहेसु ।

आउत्तस्स तदुभयं सहसक्काराइणा चेव ॥

चू. 'सव्व' ग्गहणेणं सव्वावायट्ठाणा सुइया । पढमं उस्सग्गपयं बिइयं अववायपयं । अवरारहेसु अइयारेसु 'दंसननाणचरणावराहेसु' । 'आउत्तस्से' ति कारणे जयणाए गीयत्थो आसेवओ आउत्तो भण्णइ । तस्सेवमसेसाववाय कालानुट्ठाणपरस्स आउत्तस्स 'तदुभय' पायच्छित्तं होइ । तर्हि चेवाववायकाले 'सहसक्कारेण' जं कयं, तं आइसइसंगहियाणाभोगेन य तदुभयमिति । एयं च तदुभयारिहं ॥ इदानिं विवेगारिहं भण्णइ -

मू. (१६) पिंडोवहि-सेज्जाई गहियं कडजोगिणोवउत्तेन ।

पच्छा नायमसुद्धं सुद्धो विहिना विगिञ्चंतो ॥

चू. 'पिंडो' संघाओ असन-पान-खाइम-साइम-मेयभिन्नो । 'उवही' ओहिय-उवग्गहिय-मेओ । 'सेज्जा' उवस्सओ । आइसद्वेण डगलगखार-मल्लग-ओसहाणि घेप्पंति । 'कडजोगी' गीयत्थो भण्णइ । पिंडेसणा-वत्थ-पाएसणा-छेयसुयाईणि सुत्तत्थओ अहीयाणि जेन सो गीयत्थो तेनोवउत्तेण गहियं सुओवएसानुसारोव-ओगपरिणामपरिणएणं ति भणियं होइ । 'पच्छा नायमसुद्धं' । केन दोसेन असुद्धं नायं भण्णइ । उग्गमउप्पायनेसणाहिं संकियमसंकियं वा दोसवत्तेण 'सुद्धो' 'निरइयारो । विहाणेणं' विहिना सुओवरइट्ठेण 'विगिंचमाणो' परिट्ठवेंतो सुद्धो हवइ ।

मू. (१७) कालऽद्धाणाइच्छिय-अनुग्गयत्थमिय-गहियमसदो उ ।

कारण-गहि-उव्वरियं भत्ताइ-विगिञ्चियं सुद्धो ॥

चू. 'कालाइच्छियं' पढमपोरिसीगहियं चउत्थपोरिसिं जाव जं धरिज्जइ । अद्धजोयणाइरेगाओ आनीयं नीयं वा । असद्वयाए सद्वयाए य । विगहा-किड्डा-इंदियमाईहिं सदो, गिलाण-सागारिय-थंडिल्ल-भयाइक्कमणेण य असदो । विहीए विगिंचंतो सुद्धो । अनुग्गएसूरे अत्थमिए वा जं गहियमसणाइ असद्वेण गिरिराहुमेहमहियारवयावरिए सवियरि उग्गयबुद्धीए अनत्थमियबुद्धीए वा गहियं होज्जा; पच्छा य अनुग्गए अत्थमिए वा नायं तओ विहीए विगिञ्चन्तो सुद्धो । 'कारणे' वा गहियं गिलाणापरियबाल पाहुणय दुल्लहसहस्सदाणाइ-कारणे नाणाविहे जं गहियं विहिभोयणे य कए जइ तं उव्वरियं तओ विहीए अनावायमसंलोगाइयाए विगिञ्चन्तो । 'भत्ताइ' भत्तग्गहणेन असनं, आइग्गहणेन पान-खाइम-साइमाणि वि घेप्पंति । सो य एवं करंतो सुद्धो हवइ ति विवेगारिहं भणियं । इदानिं काउस्सग्गारिहं भण्णइ -

मू. (१८) गमनागमन-विहारे सुयम्भि सावज्ज-सुविणयाईसु ।

नावा-नइ-संतारे पायच्छित्तं विउस्सग्गो ॥

चू. उवस्सयाओ गुरुमूलाओ वा 'गमनं, आगमनं' बाहिराओ आयरियसमीवं । 'विहारो' सज्जायनिमित्तं जं अन्नत्थगमणं । एत्थ सव्वहिं चेव इरियावहिया काउस्सग्गो पायच्छित्तं कीरइ । 'सुयम्भि' उद्वेससमुद्वेसाणुत्ता-पट्टवणपडिक्कमणसुयक्खंधंगपरियट्ठणाइएसु सुए काउस्सग्गो कीरइ । 'सावज्जसुमिणे' पाणाइवायाइ । आइसद्वेण अनवज्जसुमिणे वि । कन्हेंति । 'च' सद्वेण दुत्तिमित्त-

दुस्सउण-पडिहनन-निमित्तं अट्टुस्सासुस्सग्गं करणं । 'नावा' चउव्विहा-समुद्दनावा, उज्जानी, ओयाणी, तिरिच्छगामिनी । आइमा समुदे । पच्छिञ्जा तिन्नि नईए । उज्जानी पडिसोत्तगामिनी । ओयाणी पुन अनुसोयगामिनी । तिरिच्छगामिनी नदिं छिंदंती गच्छइ । 'नईसंतारो' चउव्विहो । सो पुन पाएहिं संघट्ट-लेव-उवरिलेवेहिं ति विहो होइ, बाहा-उट्टुवाईहिं य । सब्वत्थ 'पायच्छित्तं' जयणोवउत्तस्स विहीए 'काउस्सग्गो' पायच्छित्तं होइ ।

मू. (१९) भत्ते पाने सयनासने य अरिहंत-समण-सेज्जासु ।

उच्चारे पासवणे पणवीसं होतिं ऊसासा ॥

चू. 'भत्तपानाइ' पसिद्धं चेव । 'सयणं' जत्थ सुप्पइ । 'आसनं' जत्थ निविसिज्जइ । 'अरहंतसेज्जा' चेइयधरं । 'समणसेज्जा' पडिस्सओ । सब्वेसु एएसु भत्ताइसू-मनसेज्जापञ्जवसाणेसु हत्थसयाओ परेण गमने आगमने वा कए पायच्छित्तं काउस्सग्गो । सो पणुवीसुस्साओ कायव्वो । उच्चारिज्जइ ति 'उच्चारो' । पस्सवतीति 'पस्सवणं' । दोसु वि परिट्ठविएसु हत्थसयब्भंतरे परेण वा हत्थमेत्ते वि काउस्सग्गो पणुवीसुस्साओ कज्जइ ।

मू. (२०) हत्थ-सय-बाहिराओ गमनाऽऽगमनाइएसु पणवीसं ।

पाणिवहाई-सुविणे सयमट्ठसयं चउत्थम्मि ॥

चू. जीयलेण काउस्सग्गं पच्छित्तमुत्तं; तं पुन काउस्सग्गं किं परिमाणं करेन्ति । अओ ऊसास-परिमाण-निरुवणत्थाओ तिन्नि गाहाओ भण्णंति । गाहाए पढमद्धं पढियसिद्धं । 'पाणवहाइसुमिणए' ति करणकारावणानुमईहिं सुमिणे पाणाइवाओ कहो ओज्जा । तत्थ ऊसाससयपरिमाणं तुल्लं । 'चउत्थ' मिति मेहुण-सुमिणयदंसणे अट्टसयऊसासपरिमाणं काउस्सग्गं करेज्जा ।

मू. (२१) देसिय-राइय-पक्खिय-चाउम्मास-वरिसेसु परिमाणं ।

सयमद्धं तिन्नि सया पंच-सयऽऽट्ठत्तरसहस्सं ॥

चू. जहासंखेण ऊसासपरिमाणकहणमेयं । दिवसावसाण-पडिक्कमणे पच्छिमकाउस्सग्गतिए पढमेदो उज्जोया चित्तिज्जंति । पच्छिमेसु दोसु एक्केक्को । एवमेए चत्तारि उज्जोया एसो य उज्जोयदण्डगो पणुवीसूसासपरिमाणेण छिज्जइ । तओ पणुवीसा चउहिं उज्जोएहिं गुणिया ऊसाससयं भवति । रयणिपहाय-पडिक्कमणे पुन पच्चासं ऊसासा सयस्स अद्धेण होन्ति । तत्थ दोहिं उज्जोएहिं पणुवीसा गुनिज्जइ । पक्खपडिक्कमणे वारस उज्जोया । तेहिं पणुवीसा गुणिया होन्ति ऊसासाणं तिन्नि य सयाओ । चाउम्मास-पडिक्कमणे वीसाए उज्जोएहिं पणुवीसा गुनिज्जइ, पंचसया होन्ति । वारिसिय पडिक्कमणे चत्तालीसाए उज्जोएहिं पणुवीसा गुणिया सहस्समुस्ससाणं होइ । अत्रे अट्ट ऊसासा नमोक्कारे कज्जंति । तओ अट्टत्तर सहस्सं होइ । सो य नमोक्कारो संवच्छरिए बहुओ कालो निव्विग्घेणं गओ ति चित्तिज्जइ मंगलत्थं पज्जंते ।

मू. (२२) सुत्ते-उद्देस-समुद्देसे सत्तावीसं अनुन्नवणियाए ।

अट्टेव य ऊसासा पट्टवण-पडिक्कमणमाई ॥

चू. सुत्ते उद्देस-समुद्देस-अनुत्रासु सत्तावीसं ऊसासा उस्सग्गो कीरइ । सुयक्खन्धङ्ग-परियट्टनुत्तरकाले य सत्तावीसुस्सासपरिमानुस्सग्गकरणं । पट्टवणपडिक्कमणे अट्टुसासगपरिमानुस्सग्गकरणं । आइसद्देण दुन्निमित्तावसउणपडिघायनिमित्तं अट्टुसासमुस्सग्गं करेइ । एवं

काउस्सगारिहं भणियं ।

मू. (२३) उद्देसऽज्झयण-सुयक्खंधंगेसु कमसो पमाइस्स ।
कालाइक्कमणाइसु नाणायाराइयारेसु ॥

चू. उस्सग्गाभिहाणानंतरं तवारिहं भण्णइ । तत्थ नाणायाराइयारो दुविहो-ओहओ, विभागओ य । तत्थ विभागेण उद्देसग-अज्झयण-सुयक्खन्ध-अङ्गाणं कमसो य परिवाडीए कमेण, पमाइस्स कालाइक्कमणाइसु ति संबज्झइ । पमाइगहणं, कालविनय-बहुमान-उवहान-अनिणहवण-विवज्जया अइयारो होइ । वज्जणमेय-अत्थमेय-नदुभयमेया वा कया अइयारो होइ नाणस्स । एएसिं अट्टण्हपयाणमन्नयरट्ठाणट्ठिओ नाणाइयारे वट्टइ । अकाले सज्झायकरणं असज्झाइए वा करणं; हीलइ वा; एवमाइ कालाइयारो । विनयं न पउअइ, जच्चाइएहिं वा मयावलेवलित्तो विनयभंगं करेइ, हीलइ वा; एवमाइ विनयाइआरो । सुए गुरुम्भिय बहुमानभत्तीओ न करेइ । भत्ती उवयारभेत्तं । बहुमानो ओरसो सिणेहसंबंधो आयरियाणं उवरि सो वा न कओ । उवधानं तवचरणं आयंबिलाइयं न करेइ । निण्हवणं अवलवणं । जस्स सगासे अहीयं तदुद्देसेण भणइ 'नाहं तस्स सगासे अहिज्जिओ' । जुगप्पहाणं वा सूरिं समुद्दिसइ; सयमेव वाहिज्जियं भणइ । एसा निण्हवणा । वज्जयइ जेन अत्थो तं वज्जणं । सुत्तस्स सत्ता । तं च सुत्तं मत्तऽक्खरबिंदूहिं ऊनइरित्तं वा करेइ, सक्कयं वा करेइ, अन्नाभिहाणेण वा भणइ । एस वज्जणभेओ । एवमत्थमेय-तदुभयभेया वि नेया ।

मू. (२४) निव्विगइय-पुरिमट्टेग भत्त-आयंबिलं चनागाढे ।
पुरिमाई खमणंतं आगाढे, एवमत्थे वि ॥

चू. उद्देसगाइयारे निव्विगइयं । अज्झायणाइयारे पुरिमट्टं । सुयक्खंधाइयारे एगासनयं । अंगाइयारे आयंबिलं । अनागाढे एयं । आगाढे पुन एएसु चेव ठाणेसु पुरिमट्टाइ-अब्भत्तट्ट-पज्जवसाणं । अत्थसुणणे वि पुरिमट्टाइ-खमण-पज्जंत मेएसु चेव ठाणेसु । एयं विभागपच्छित्तं भणियं ।

इदानिं ओहेण भन्नइ-

मू. (२५) सामन्नं पुन सुत्ते मयमायामं चउत्थमत्थम्भि ।
अप्पत्ताऽपत्ताऽवत्त-वायणुद्देसणाइसु य ॥

चू. सव्वम्भि चेव सुत्ते ओहेन अविसेसिए आयामं । अत्थे य अविसेसिए अब्भत्तट्टो । कमेण अहिज्जंतो न ताव पावइ तं सुत्तं अत्थं वा परियाओ वा न पूरइ सो अपत्तो अवरो अपत्तो अजोगो । तित्तिणिचवलचित्त गाणंगणियाइ-नेगदोस-संजुत्तो अन्नोवि अपत्तो वयसा सुएण वा एएसिं सव्वेसिं चेव जो वायणं देइ उद्देस-समुद्देसणुत्ता वा करेइ तस्स वि खमणं । 'च' सद्देण जइ पत्तं न वाएइ सुएण, पत्तं वा जोगं न वाएइ, वत्तं वा वयसुएहिं । एएसिं च उद्देसणादि जो न करेइ वा तस्स अब्भत्तट्टो ।

मू. (२६) कालाविसज्जणाइसु मंडलि-वसुहाऽपमज्जणाइसु य ।
निव्वीइयमकरणे अक्ख-निसेज्जा अभत्तट्टो ॥

चू. कालाविसज्जणं कालस्स अपडिक्कमणं । 'आइ' सद्देण अनुओगस्स अविसेज्जणं । 'मंडलि-वसुहा' मंडलि-भूमी सा तिविहा सुत्ते अत्थे भोयणे । एएसिं तिण्हवि अप्पमज्जणे निव्वीयं । सुत्ते अत्थे वा निसेज्जं न करेइ । अक्खे वा न रएति तो खमणं, 'च' सद्दा वंदन-काउसग्गे न करेति

तहावि खमणं चैव ।

मू. (२७)

आगाढानागाढम्भि सव्व-भंगे देस-भंगे य ।

जोगे छट्ट-चउत्थं चउत्थमायंबिलं कमसो ॥

चू. जोगो दुविहो-आगाढो अनागाढो य । आगाढे सव्वभंगो देसभंगो य । अनागाढे वि सव्वभंगो देसभंगो य । सव्वभंगो नाम आयंबिलं न करेइ, विगईओ सेवइ । देसभंगो नाम विगई भुञ्जेऊण पच्छा काउस्सगं करेइ । सयमेव वा काउस्सगं काऊण भुञ्जेइ, विगई वा एगट्ठं गेण्हइ । अभणिओ वा 'संदिसह काउस्सगं करेमि' ति भणइ । आगाढसव्वभंगे छट्ठं, देसभंगे चउत्थं । अनागाढसव्वभंगे चउत्थं, देसभंगे आयंबिलं । एस नाणाइयारो भणिओ । इदानिं दंसणाइयारो -

मू. (२८)

संकाइएसु देसे खमणं मिच्छोववूहणाइसु य ।

मुरिमाई खमणंतं निव्वीइगाइ पासत्थ-सट्ठेसु ॥

चू. संका आइ जेसिं पयाणं ताइं इमाइं संकाइयाइं । तेसु संकाइएसु अट्ठसु पएसु । कानि पुन तानि ? इमानि भन्ति । (१) संका, (२) कंखा, (३) वितिगिच्छा, (४) मूढदिट्ठी, (५) अनुववूहा, (६) अथिरीकरणं, (७) अवच्छलं, (८) अप्पभावनाया । संसयकारणं संका-देसे य सव्वे य । तत्थ देसम्भि जह-तुल्ले जीवते किह भविया अभविया, अत्रे एवमाइ संकादेसे । सव्वे-पागय भासबद्धत्ता मा होज्जाऽकुसल-परिकप्पियं । दिट्ठंतो पेज्जकप्पट्ठो । एत्तो कंखा दुविहा-देसे, सव्वे य बोधव्वा । देसे कुतित्थियमयं कंखइ । एत्थवि अहिंसा मोकखो य दिट्ठो ति । सव्वे पुन कंखइ सव्वे कुतित्थियमए । दिट्ठंतो रायामच्चा आसावहिया पसत्थमपसत्थ । वितिगिच्छा देसे सव्वे य । जहा भइमो एरिसो परिकेसो अम्हाण केसलोयाइ कीरए होज्जा न वा मोकखो । विदुगुच्छा वा - विदुज्जाने विदः साधवः । ते दुगुञ्जइ मंडलि-मोय-जल्लाइएहिं । मूढदिट्ठी परित्थियपूयाओ अइसयमयाणि वा सोऊण मइवामोहे होज्जा । उववूहा दुविहा-पसत्था अप्पसत्था य । पसत्था साहूसु नाणदंसणत-वसंजमखमणवेयावच्चाइसु अब्भुञ्जयस्स उच्छाहवट्ठणं उववूहणं । अप्पसत्था मिच्छत्ताइसु । थिरीकरणं पसत्थमप्पसत्थं च । विसीयमाणस्स चरित्ताइसु थिरीकरणं पसत्थं । असंजमे थिरीकरणं अप्पसत्थं । वच्छलमवि एवमेव दुविहं-आयरिय-गिलाण-पाहुण-असहु-बाल-वुट्ठाईणं आहारोवहि-माइणा समाहिकरणं पसत्थं । औसत्राइ-गिहत्थाणं अप्पसत्थं । पभावणा वि एवमेव । तित्थयर-पवयण-निव्वाण-मग्गपभावणा पसत्था । मिच्छत्त-अन्नाणाईणं अप्पसत्थ । एण अट्ठ वि वित्थरओ परूवेऊण । तत्थ संका देसे सव्वे य । एवं कंखा वि । एवं वितिगिच्छा दुगुञ्जा वि । एवं मइ (वा) मोहो वि । अप्पसत्थुववूहा देसे सव्वे य । एवं वच्छलं पि देसे सव्वे य । अप्पसत्थप्पभावणा वि देसे सव्वे य । तत्थ चउसु वि संकाइएसु देसे खमणं । मिच्छोववूहणाइसु य देसे खमणं । च सट्ठेण थिरीकरण-वच्छल-प्पभावणे मिच्छत्ताईणं देसे खमणं । एवं ओहओ । विभागओ पुन संकाइसु अट्ठसु वि देसे भिक्खुस्स पुरिमट्ठं । वसभस्स एक्कासणं । उवज्जायस्स अ'यंबिलं । आयरियस्स अब्भत्तट्ठो ।

मू. (२९)

एवं चिय पत्तेयं उववूहा ईणमकरणे जइवां ।

आयामंतं निव्वीइगाइ पासत्थ सट्ठेसु ॥

चू. एवं चेवानंतरुट्ठं पुरिसविभागेण पच्छित्तं पिहं पिहं । जइणं साहूण उववूहणं न करेइ ।

आइसद्वेण थिरीकरणं वच्छल्लं पभावणं वा पवयणजइ माइयाणं न करेइ । भिक्खुस्स पुरिमहं । वसभस्स एक्कासणयं । उवज्झायस्सायंबिलं । गुरुस्स अभत्तट्ठो । एयं पढमद्धवक्खाणं । पच्छल्लं पुन उवरिमगाहाए सम्बज्झइ । सा य एसा गाहा—

मू. (३०) परिवाराइ-निमित्तं ममत्-परिपालनाइ वच्छले ।

साहम्मिओ त्ति संजम-हेउं वा सव्वहिं सुद्धो ।

चू. 'परिवारनिमित्तं' ति सहायनिमित्तं ति जं भणियं होइ । 'आइ' सद्वेण आहारोवहि-निमित्तं वा । तप्पसाएण आहारोवहि-सेज्जाओ वा लभिस्संति त्ति काउं पासत्थोसन्नकुसीलसंसत्ताहा-छंदणियाणं उवरि ममत्तं करेइ । सावग-सन्नाययाणं वा सव्वेसिं वा परिपालण-सम्भोग-संवास-सुत्तत्थदानानि । जइ करेइ वच्छल्लं तो भिक्खुणो निव्वीयं । वसभोवज्झायगुरूणं पुरिमेगासणायामाइ जहासंखं । अह पुन इममालब्भणं करेइ । 'साहम्मिओ' त्ति एसो संजम वा करेसइ । 'वा' सद्वेण कुलगणसंघगिलाणकज्जाइएसु पडितप्पिस्सइ त्ति । एवं विहाए बुद्धीए सव्वहिं सुद्धो । एवं दंसणायारपच्छित्तं भणियं । इदानिं चरित्तायारपच्छित्त भन्नइ—

मू. (३१) एगिंदियाण घट्टणमगाढ-गाढ-परियावनुद्ववणे ।

निव्वीयं पुरिमहं आसनमायामगं कमसो ॥

चू. एगिंदिया पुढवि-आउ-तेउ-वाउ-पत्तेयवणयस्सई । एएसिं पंचणह वि पिहु पिहु संघट्टणे निव्वीइयं । आउकायस्स संघट्टणे घड-गोलंकय-वारगाइ-ठियस्स, पायहत्थाइचालियस्स ईसि परियावो, पुन गाढतरचालियस्स उद्ववणं । पिहु परितावणहननपाणाईसु । एएसिं च परितावणा दुविहा अनागाढा आगाढा य । तत्थ अनागाढाए पुरिमहं । आगाढाए एक्कासनयं । उद्ववणे पुन आयामं पंचसु वि ।

मू. (३२) पुरिमाई खमणंतं अनंत-विगल्लिंदियाण पत्तेयं ।

पंचिंदियम्मि एगासणाइ कल्लाणयमहेगं ॥

चू. अनंतवणस्सइ-बिय-तिय-चउरिंदियाण संघट्टन-अनागाढ-आगाढ-परिताव-उद्ववणेसु पुरिमाइ-खमणंतं जहासंखं । पंचिंदियसंघट्टणे एक्कासनयं । अनागाढ-परितावणे आयामं । आगाढपरितावणे खमणं । उद्ववणे एक्ककल्लाणगं । पमायसहियस्स ।

मू. (३३) मोसाइसु मेहुण-वज्जिएसु दव्वाइ-वत्थु-भिन्नेसु ।

हीने मज्झक्कोसे आसनमायाम-खमणाइं ॥

चू. मुसावाय-अदत्त-परिग्गहेसु मेहुणवज्जिएसु । दव्वाइवत्थुभिन्नेसु त्ति । मुसावाओ चउव्विहो-दव्वखेत्तकालभावेहिं । दव्वओ जहन्नमज्झिमुक्कोसो । एवं खेत्तकालभावेसु वि तिविहो । एवं जहा मुसावाओ चउव्विहो पुनो य एक्केक्को तिविहो । तथाऽदत्त-परिग्गहावि । एत्थ य दव्वाइमेयभिन्ने चउव्विहे वि मुसावाए जो जहन्नमेओ तहिं सव्वत्थ एक्कासणयं, मज्झिमे सव्वहिं आयामं, उक्कोसे वि चउव्विहे खमणं । एवं अदत्त-परिग्गहेसु वि पच्छित्तं दायव्वं ।

मू. (३४) लेवाडय-परिवासे अभत्तट्ठो सुक्क-सन्निहीए य ।

इयराए छट्ट-भत्तं, अड्डमगं सेस-निसिभत्ते ।

चू. लेवाडय-परिवासे अब्भत्तट्ठो । सुक्कसन्निहिएसु वि-सुंठिहरडइ-वहेडगाइसु अब्भत्तट्ठो ।

इयरा गिल्लसन्निही-गुलकक्यथयतेल्लई तीए छट्टं । सेस निसिभत्ते अट्टमं । ओहसुत्ताओ जमन्नं तं सेसं । किं चोहसुत्तं? पढमभंगो । सेसा तिन्नि बंगा सेसनििसिभित्तसद्देण भवति । एवमेयं मूलगुणाइयारे मेहुणवज्जिए पच्छित्तं भणियं । मेहुणाइयारस्स पुन मूलद्वारे भणिहिइ इदानिं उत्तरगुणाइयारपच्छित्तं भन्नइ । ते य उत्तरगुणा पिंडविसोहीयाईया । तत्थ पिंडविसोही तिसु ठाणेसु हवइ । उग्गमे उप्पायणाए एसणाए य । तथा संजोयणयपमाणइंगाल धूमकारणविभागेण य विसुद्धी भवइ । एत्थ य उग्गमो सोलसभेओ । ते य सोलस भेया आहाकम्माई । एत्थ सोलससु दोसेसु जत्थ जत्थ सरिसं पच्छित्तं तं तं दोसं दोसं गाहाए संपिडिय कहयइ । तथा उप्पायणाए वि सोलस । तत्थ जे सरिसपच्छित्ता ते समुच्चिणइ । एवं एसणादोसेसु वि दससु सरिसद्वाणाइं उवसंहरइ । एगट्ठी किच्चा । एए सव्वो वि पिंडनिज्जुत्तिनुसारेण भाणियव्वा । इह पुन पच्छित्तमेव केवलं विहिज्जइ ।

आहाकम्मे खवणं उद्देसियं दुविहं-ओहेविभागे य । परिमियभिकखदानरूवं ओहो सामन्नमेगपगारं अविसेसियं तत्थ पुरिमहं । विभागे तिन्नि भेया उद्देसो, कडं, कम्मं । एए तिन्नि वि पत्तेय चउहिं मेएहिं मिज्जति । तं जहा-उद्देसुद्देसियं, उद्देससमुद्देसियं, उद्देसाएसियं, उद्देससमाएसियं । एएसु विमेएसु पुरिमहं । कडुद्देसं, कडसमुद्देसं, कडाएसं, कडसमाएसं । एएसु वि सुविमेएसु एक्कारणयं । तथा कमुद्देसं, कम्मसमुद्देसं, कम्माएसं, कम्मसमाएसं । तत्थ पढमे आयंबिलं । सेसेसु तिसु मेएसु अब्भत्तट्ठो । पूइयं दुविहं-सुहुमं बायरं च । सुहुमं धूमाइ । बायरं उवगरणे भत्तपाने य । तत्थ उवगरणपूइए पुरिमहं । भत्तपानपूइए एक्कासणयं । मीसज्जायं तिविहं-जावंतियमीसज्जायं एत्थ आयंबिलं । पासंडमीसज्जाए साहुमीसज्जाए य खमणं । ठवणा दुविहा-इत्तिरिया तत्थ निव्वइयं । चिरठवियाए पुरिमहं । पाहुडिया वि दुविहा-सुहुमाए निव्वीइयं । वायराए खमणं । पाओकरणं दुविहं-पागडकरणे पुरिमहं । पगासकरणे आयामं । कीयं दुविहं-दव्वे भावे य । दव्वे दुविहं - आयकीयं परकीयं च । एत्थ दोसु वि आयामं । भावे वि आयकीयं परकीयं च । भावायकीए आयामं । भावपरकीए पुरिमहं । पामिच्चं दुविहं-लोइयं एत्थ आयां, लोगतुरिए पुन पुरिमहं । परियट्टियं दुविहं-लोइए आयामं, लोगतुरिए पुन पुरिमहं । आहडं दुविहं-सग्गामओ, परग्गामओ य । सग्गामाहडे पुरिमहं । परग्गामाहडे सपच्चवाए चउत्थं । परग्गामाहडे निष्पच्चवाए आयामं । उब्भिनं दुविहं-ददरउब्भिन्ने पुरिमहं, पिहिओब्भिन्नकवाडे आयामं । मालोहडं दुविहं-जहन्ने पुरिमहं, उक्कोसे आयामं । अच्छेज्जं तिविहं-पहुअच्छेज्जं, सामिअच्छेज्जं, तेन अच्छेज्जं । तिसु वि आयामं । अनिसट्टं तिविहं-साहारणानिसट्टं, चोल्लगानिसट्टं, जड्डानिसट्टं । एत्थ जावंतिए पुरिमहं, इयरेसु दोसु वि एक्कासनयं । एवं उग्गमदोसेसु पायच्छित्तं भणियं ।

इदानिं उप्पायणाए पायच्छित्तं भन्नइ-धाई पंचविहा, सव्वत्थ आयामं । दूर्इ दुविहा-सग्गाम-परग्गामा, दोसु वि आयामं । निमित्तं तिविहं-तीए आयामं, वट्टमाणे अनागए य खमणं आजीवे जाइकुलाइभिन्ने, सव्वत्थ आयामं । वणीमए व सव्वत्थ आयामं । तिगिच्छा दुविहा-सुहुमाए पुरिमहं, बायराए आयामं कोहे माने आयामं, मायाए एक्कासनं, लोभे खमणं । संथवो दुविहो-पुत्वि संथवो, पच्छासंथवो वा । वयण-संथवे पुरिमहं, सम्बन्धि-संथवे आयामं । विज्जाए आयामं । मंते आयामं । चुण्णे आयामं जोगे आयामं । मूलकम्मे मूलं । इदानिं एसणादोसेसु पच्छित्त भण्णइ-ते य इमे दस संकियमाईया । तत्थ संकिए चउभंगो-संकियगाही संकियभोई । चरिमो

निस्संक्रिओ दोसविसुद्धो, बीओ वि विसुद्धो चैव । पढमतइए संकियभोई । जं दोसं संकइ तस्स चैव पच्छित्तमावजइ । सच्चित्तमक्खियंतिविहं-पुढवि-आउ-वणस्सइ । तत्थ पुढविससरक्खमक्खिय-हत्थेणं निव्विगइयं । मीसकद्दमेणं पुरिमहं । निम्मीसकद्दमे आयामं । मट्टिया-ओस-हरियाल-हिंगुलुय-मनोसिला-अंजन-लोण गेरुय-वन्निय-सैडिय-सोरट्टिय-मक्खिए करमत्ते सव्वत्थ पुरिमहं । एयं पुढविमक्खियं । इदानिं आउमक्खियं भन्नइ-ससिणिद्धे निव्विगइयं । उदउल्ले पुरिमहं । पुरकम्म-पच्छकम्मे आयामं । एयं आउमक्खियं भणियं । इदानिं घणस्सइमक्खियं भन्नइ-सो य वणस्सई दुविहो-परित्तो, अनंतो य । परित्ते तिन्नि मेया-पिट्ठं, रोदं, कुकुसा । उक्कुट्टं चिंचाइ । एएहिं मक्खिएहिं तिहिं वि पुरिमहं । अनंते वि एएहिं चैव तिन्नि मेया । एत्थ एक्कासणयं । एयं सच्चित्तमक्खियं भणियं । इदानिं अचित्तमक्खियं भन्नइ-तं दुविहं गरहिय-मज्जायमक्खिए आयामं । अगरहिय-संसत्त-मक्खिए आयामं । एयं मक्खियं भणियं । इदानिं निक्खित्तं-एत्थ चउभंगो सचित्ते सचित्तं निक्खित्तं । एत्थ तइए पच्छित्तं । तं च सच्चित्तं छक्काया-पुढवी-आऊ-तेऊ-वाऊ-परित्तवणस्सइ-काऊतसाणं च । सच्चित्ताणमनंत-निक्खित्ते आयामं । एएसिं चैव सच्चित्ताणं परंपरनिक्खित्ते पुरिमहं । एएसिं चैव मीसाणमनंत निक्खित्ते पुरिमहं । एएसिं चैव मीसाणं परंपरनिक्खित्ते निव्वीयं । अनंतवणस्सइ-सच्चित्तानंतरे खमणं । एयस्स चैव परंपरेण एक्कासणयं । अनंतवणस्सइ-मीसा-नंतरनिक्खित्ते एक्कासणयं । एयस्स चैव परंपरनिक्खित्ते निव्वीयं । पिहिए चउभंगो । तत्थ तइए पच्छित्तं । अचित्तेण गुरुणा पिहियस्स, सचित्तेण पुढवी-आऊ-तेऊ-वाऊ-परित्तवण-तस-सचित्तेहिं अनंतर पिहिए आयामं । एएहिं चैव परंपरपिहिए पुरिमहं । एएहिं चैव मीसेहिं अनंतर-पिहिए पुरिमहं । एएहिं चैव परंपरे निव्वीयं । अनंतवण-सच्चित्तानंतरपिहिए खमणं । तेन चैव परंपरपिहिए एक्कासणयं । अनंतवणस्सइ-मीसानंतरपिहिए एक्कासनयं । एएण चैव परंपरपिहिए निव्वीयं । गुरु-अचित्तपिहिए-खमणं ।

इदानिं साहरियं भन्नइ । एत्थ वि चउभंगो । तत्थ पढवि-आऊ-तेऊ-वाऊ-परित्तवणस्सइ-तससच्चित्तानंतरसाहरण आयामं । एएहिं परंपरसाहरणे पुरिमहं । एएहिं चैव मीसाण अनंतर-साहरणे पुरिमहं । एएहिं चैव मीसाणं परंपरसाहरणे निव्विइयं । अनंतवणस्सइसच्चित्तानंतर-साहरणे खमणं । एएहिं चैव अनंतवणस्सइपरंपरसाहरणे एक्कासनयं । अनंतवणस्सइ-मीसानंतर-साहरणे एक्कासनयं । एयस्स चैव मीसपरंपरसाहरणे निव्विइयं । बीयसाहरिए निव्विगइयं । अचित्ते अचित्तं साहरिए पुरिमहं । अह गुरुसाहरिए तो खमणं । इदानिं दायारो त्ति भन्नइ-बाले वुड्ढे मत्ते उम्मत्ते चैव नेजरिए अंधे एएसु दित्तेसु गहणे आयामं । पगलन्तकुट्टे खमणं । पाउयारूढे वि खमणं । हत्थे दुइए नियलबद्धे य हत्थच्छिन्ने य पायच्छिन्ने य नपुंसके गुव्विणीवालवच्छाए भुखंतीए विरोलंतीए भज्जंतीए कंडंतीए पीसंतीए एयासु सव्वासु आयामं । पिंजत्तीए रूवंतीए कत्तंतीए पमद्दमाणीए पुरिमहं । छक्कायवग्गहत्था समणट्ठा निक्खिवित्तुं ते चैव । गाहंती घट्टंती संघट्टंती आरभंती । एयासु सट्ठाणे नी० प० ए० आ० अभ० कल्लाणगं । एयं सट्ठाणं । संसत्तेण दव्वेण लित्तहत्था य लित्तमत्ता य आयामं, सेसेसु पुरिमहं । ओयत्तंतीए साहारणं च देंतीए चोरियगं दव्वेण लित्तहत्था य लित्तमत्ता य आयामं, सेसेसु पुरिमहं । ओयत्तंतीए साहारणं च देंतीए चोरियगं देंतीए पाहुडियं ठवेंतीए सपच्चवायाए परं च उद्दिस्स आयामं ॥

इदानिं उम्मीसं भन्नइ-परित्तवणस्सइ-सचित्तउम्मीसे आयामं । एएण चेव परित्तेण मीसेण उम्मीसे निव्विइयं । अनंतसचित्तउम्मीसे खमणं । एएण चेव अनंतमीसे निव्विइयं । बीउम्मीसे निव्विइयं । अह पुढवाईहिंतो जहा निक्खित्ते । इदानिं अपरिणयं भन्नइ-तं दुविहंदव्वे भावे य । दव्वे अपरिणयं-पुढवि-आउ-तेउ-वाउ-परित्तवणस्सइ-अपरिणए आयामं । अनंतवणस्सइ-अपरिणए खमणं । एत्थ य चउभंगो -दव्वे अपरिणयं, भावे वि अपरिणयं । भावापरिणयं दोणहं पि भुञ्जमाणानं, एत्थ वि पुरिमहं । इदानिं लित्तं भन्नइ-संसत्तेण हत्थेण वा मत्तेण वा आयामं । इदानिं छड्डियं भन्नइ-पुढवि-आउ-तेउ-वाउ-परित्तवणेसु आयामं । अनंतवणेसु खमणं । एए एसणा दोसा । संजोयणा दुविहा-बाहिं भायणे, अंतो वयणे । दोणह वि खमणं । परिमाणाइरित्ते आयामं । सइंगाले खमणं । धूमे आयामं । अकारणे भुञ्जइ आयामं । कारणे अभुञ्जमाणस्स आयामं । घासेसणा दोसा एए । एयम्भि पच्छित्तपत्थारे-

मू. (३५) उद्वेसिय-चरिम-तिगे कम्मे पासंड-स-घर-मीसे य ।

बायर-पाहुडियाए सपच्चवायाहडे लोभे ॥

मू. (३६) अइरं अनंत-निक्खित्त-पिहिय-साहरिय-मीसयाईसु ।

संजोग-स-इंगाले दुविह-निमित्ते य खमणं तु ॥

चू. एयाओ दोवि गाहाओ जेसु जेसु ठाणेसु अब्भत्तइं तेसु तेसु ओयारिज्जंति ।

मू. (३७) कम्मुद्वेसिय-मीसे धायाइ-पगासणाइएसुं च ।

पुर-पच्छ-कम्म-कुच्छिय-संसत्तालित्त-कर-मत्ते ॥

मू. (३८) अइरं परित्त-निक्खित्त-पिहिय-साहरिय-मीसयाईसु ।

अइमान-धूम-कारण विवज्जए विहिय मायामं ॥

चू. एयाओ दोवि जेसु जेसु ठाणेसु आयामं तेसु तेसु ओयारिज्जंति ।

मू. (३९) अज्झोयर-कड-पूइय-मायाऽनंते परंपरगए य ।

मीसानंतानंतरगया इए चे गमासणयं ॥

चू. एगासनयद्वाणेसु ओयारिज्जइ ।

मू. (४०) ओह-विभागुद्वेसावगरण-पूईय-ठविय-पागडिए ।

लोउत्तर-परियट्टिय-पमिच्च-पर भावकीए य ॥

मू. (४१) सग्गामाहड-ददर-जहन्न-मालोहडोइरे पढमे ।

सुहुम-तिगिच्छा-संथव-तिग-मक्खिय-दायगो वहए ॥

मू. (४२) पत्तेय-परंपर-ठविय-पिहिय-मीसे अनंतराईसु ।

पुरिमहं संकाए जं संकइ तं समावज्जे ॥

चू. एयाओ तिन्नि गाहाओ जेसु जेसु ठाणेसु पुरिमहं तेसु तेसु ओयारिज्जंति ।

मू. (४३) इत्तर-ठविए सुहुमे ससणिद्ध-ससरक्ख-मक्खिए चेव ।

मीस-परंपर-ठवियाइएसु बीएसु याविगई ॥

चू. एसा निव्विइयं जेसु जेसु ठाणेसु तेसु तेसु ओयारिज्जइ ।

मू. (४४) सहसाऽनाभोगेनव जेसु पडिक्कमणमभिहियं तेसु ।

आभोगओत्ति बहुसो-अइप्पमो य निव्विगई ॥

चू. सहसानाभोगो पुव्वुत्ता । तेसु सहसानाभोगेसु वट्टमाणस्स जेसु जेसु कारणेसु पडिक्कमणं भणियं तेसु तेसु चेव कारणेसु आभोएणं जाणमाणो जं करेइ, अइबहुसो पुनो पुनो अइप्पमाणेण वा करेइ, सव्वत्थ निव्विगइयं ।

मू. (४५) धावण-डेवण-संघरिस-गमन-किट्ठा-कुहावणाईसु ।
उक्कुट्ठि-गीय-छेलिय-जीवरुयाईसु य चउत्थं ॥

चू. धावणं गइभेदो । डेवणं उल्लंडणं । संघरिसेण गमनं-को सिग्घगइ त्ति, जमलिओ वा गच्छइ । किट्ठा अट्ठावय-चउरंग-जूयाइ । कुहावणं इंदजाल-वट्टखेड्डाइ । आइसदेन समास-पहेलिया-कुहेडगा घेप्पंति । उक्कुट्ठा पुक्कारिय-कलकलो । गीयं गीयमेव । छेलियं सेंटियं । जीवरूयं - मयूर-तित्तिर-सुग-सारसादिलवियं सव्वेसेतेसु अब्भत्तट्ठो । आइसदेन अजीवरूये वि - अरहट्ट-गड्डिया-पाउया-सदेसु वि ।

मू. (४६) तिविहोवहिणो विच्चुय-विस्सारियऽपेहियानिवेयणए ।
निव्वीय-पुरिममेगासणाइ, सव्वम्मि चायामं ॥

चू. तिविहोवणिो-जहन्नो मज्झिमो उक्कोसो । मुहपोत्तिय-पायकेसरिया गोच्छगो पत्तठवणं च एस चउव्विहो जहन्नो । मज्झिमो छव्विहो-पडलारयत्ताणं पत्ताबंधो चोलपट्टो मत्तओ रयहरणं चा उक्कोसो चउव्विहो-पडिग्गहो, तिन्नि पच्छया । एए ओहियस्स थेरकप्पे चोदसभेया भणिया । इदानिं उवग्गहिओ थेरकप्पो तिविहो भन्नइ-जहन्नो मज्झिमो उक्कोसो । पीढगं डंडगा पमज्जणी घट्टगा डगलगा पिप्पलग-सूई नहरणी दंत-कण्ण-सोहणग-दुगं; एसो जहन्नो । वासताणाइओ मज्झिमगो । वासताणा पंच इमे-वालो सुत्तो सुंगो कुडसीसग छत्तए चेव ॥

तेहिं य दोन्निओ ओहोवहिम्मि वाले य सोत्तिए चेव ।

सेसतियवसाताणे पणयं तह चिलिमिलीण इमं ॥

वालमई सुत्तमई वागमई तहय डंडकडगमई । संथारगदुगमज्जुसिरं झुसिरं पिय डंडपणगं च ॥

डंड-विडंडग-लट्ठि-विलट्टी तह नालिया य पंचमिया ।

अवलेहणि-मत्त-तिगं पासवणुच्चारखेले य ॥

चम्मतियऽत्थुर पाउर तलिग अहवावि चम्मतिविहम्मिमं ।

कत्तीतलियावब्भा पट्टगदुगं चेव होइ इमं ॥

संथारूत्तरपट्टो अहवा सन्नाहपट्टपल्हत्थी ।

मज्झो अज्जाणं पुन अइरित्तो वारगो होइ ॥

अक्खा संथारो वा दुविहो एगंगिओ य इयरो वा ।

विइयपय पोत्थपणगं फलगं तह होइ उक्कोसो ॥

एस अज्जाणं साहूणं चोग्गहिओ भणिओ । इदानिं अज्जाणं ओहिओ भन्नइ । जोच्चिय थेरकप्पियाण ओहोवही चोदसविहो सो चेव अज्जाणं पि । नवरं-

अज्जाणं एस च्चिय चालट्टाणम्मि कमढगं नवरं । अन्नो य देहलग्गो इमोवही होइ तारिं पि ॥

ओग्गहनंतपट्टो अट्टेरुगचलणिया य बोधव्वा । अब्भिंतरबाहि-नियंसणीय तह कंचुए चेव ॥

पट्टो अट्टोरुविय चलणिय तह कंचुगे य उक्कच्छी । वेकच्छी तेरसमा अज्जाणं होइ नायव्वा ॥

जहन्नोवहिम्मि 'विच्चुए' पडिए पुन लद्धे निव्विइयं । मज्झिमे पुरिमहं उक्कोसए एक्कासणयं ।
'विस्सरिया पेहिए' ति-पडिलेहिउं विस्सरिउ ति भणियं होइ । जहन्ने अप्पडिलेहिए निव्विइयं ।
मज्झिमे पुरिमहं । उक्कोसे एक्कासणयं । 'विस्सारियानिवेयणे' तिनिवेइउं विस्सरियंति; आयरियाईणं
तिविहो वि । तो एवं पच्छित्तं । अह पुन सव्वोवही विच्चुओ पुनरवि लद्धो । पडिलेहिउं वा विस्सरिओ ।
निवेइउं वा विस्सरिओ सव्वो चेव, तो आयामं ।

मू. (४७) हारिय-धो-उग्गमियानिवेयणादिन्न-भोग-दानेसु ।

आसन-आयाम-चउत्थगाइ, सव्वम्मि छट्टं तु ॥

चू. हारिए जहन्नोवहिम्मि एक्कासनयं । मज्झिमे आयामं । उक्कोसे चउत्थे । धोए वि एवं चेव
पच्छित्तं तिविहं । उग्गमेउं न निवेइए । जानंतो वि जहान न वट्टइ परिग्गहिउं आयरियाईहि अनिवेइओ
उवही । तस्सानिवेइयस्स तिविहं एयं चेव पच्छित्तं । अदिन्नं वा आयरियाईहिं जहन्नाइ-भेयं उवहिं
परिभुज्जइ एयं चेव तिविहं पच्छित्तं । दिन्नं वा उवहिं जहन्नाइ-मेयं आयरियाईहिं अननुत्राओ
अत्रेसिं देइ । एत्थ वि एवं चेव पच्छित्तं तिविहं । सव्वोवहिं वा अदिन्नं परिभुज्जइ । सव्वोवहिमनापुच्छाए
अननुत्राओ वा अत्रेसिं देइ । एवं सव्वहारवणाइएसु पएसु जीएण छट्टं ।

मू. (४८) मुहनंतय-रयहरणे फिडिए निव्वीययं चउत्थं च ।

नासिय-हारविए वा जीएण चउत्थ-छट्टाइ ॥

चू. मुहनंतए फिडिए ओग्गहाओ निव्विइयं । रयहरणे अब्भत्तट्ठो । एवं ताव अणट्ठे । अह पुन
नासियं हारवियं वा पमाएण मुहणंतयं तो से चउत्थं । रयहरणे छट्टं ।

मू. (४९) कालऽद्धाणाईए निव्विइयं खमणमेव परिभोगे ।

अविहि-विगिंचणियाए भत्ताईणं तु पुरिमहं ॥

चू. विगहाइपमाएणं कालाईयं करिंति भत्ताइ निव्विइयं, अह पुन परिभुज्जन्ते चउत्थं । एवं
अद्धाणाइक्कमे वि अपरिभुज्जंतस्स निव्विइयं; परिभुज्जंतस्स अब्भत्तट्ठो । पारिद्धावणियं सव्ववेमा-
विहीए विगिञ्चित्तस्स भत्ताइ पुरिमहं ।

मू. (५०) पानस्सासंवरणे भूमि-तिगापेहणे य निव्विगई ।

सव्वस्सासंवरणे अगहन-भंगे य पुरिमहं ॥

चू. पानाहारसंवरणे । भूमितिगं ति- उच्चार-पासवण-कालभूमि । एगतर-अपडिलेहणाए वि
निव्विइयं । चउत्थिहारासंवरणे, अहवा नमोक्कार-पोरिसियाइयं पच्चक्खाणं न गेण्हइ; गहियं वा
पच्चक्खाणं भज्जइ सव्वत्थ पुरिमहं ।

मू. (५१) एयं चिय सामन्नं तवपडिमाऽभिग्गहाइयाणं पि ।

निव्वीयगाइ पक्खिय-पुरिसाइ-विभागओ नेयं ॥

चू. एयं चिय पुरिमहं । सामन्नं अविसेसियं ति भणियं होइ । तवो बारसविहो । पडिमाओ
बारस-मासिया, दोमासिया, तिमासिया, चाउमासिया, पंचमासिया, छम्मासिया, सत्तमासिया,
पढम-सत्तराईदिया, दोच्च-सत्तराईदिया, तइय-सत्तराईदिया, अहोराइया, एगराइया । अभिग्गहा
दव्वखेत्तकालभावभेयभिन्ना । एएसिं अगेण्हणे भंगे वा पुरिमहं । गाहा पच्छद्धस्स विभासा इमा ।

पक्खिए अब्भत्तइमायंबिलं वा । जं वा दिवस-पच्चक्खाणं । ताओ जहासत्तीए तवं न करेइ अइरित्तं, तो खुडुगस्स निव्वीइयं, धेरगस्स पुरिमहं, भिक्खुस्स एक्कासनयं, उवञ्जायस्सायंबिलं, आयरियस्स अब्भत्तइ । चाउम्मासे खुडुगाइ-आयरियावसाणाणं पंचणह वि जहासखं पुरिमहेगासणाया-मचउत्थछट्टाई दिज्जंति । संवच्छरिए एक्कासनायामचउत्थछट्टइमाई दिज्जंति जहासखं पंचणह वि ।

मू. (५२) फिडिए सयमुस्सारिय-भग्गे वेगाइ वंदनुस्सगे ।

निव्वीइय-पुरिमेगासणाइ, सव्वेसु चायायं ॥

चू. फिडिओ निद्दापमाणं एगस्सुस्सगस्स निव्वीइयं । दोसु पुरिमहं । तिहि वि एगासनयं । काउस्सग्गाणं चेव फिडिओ पच्छाहुंतओ करेइ ताहे आयामं । सयं वा उस्सारेइ एगाइ काउस्सग्गे तो निव्वीइयपुरिमहेगासणाइ जहासखं । सव्वे चेव सयमुस्सारेइ आयामं । भग्गे वा एगाइसुस्सग्गे अपुत्ते चेव अंतराले तिहा वि निव्वीइय-परिमहेगासणाइ । सव्वेसु भग्गेसु आयामं । एवं वंदनएसु वि एस चेव गमो ।

मू. (५३) अकएसु य पुरिमासण-आयामं, सव्वसो चउत्थं तु ।

पुव्वमपेहिय-थंडिल-निसि-वोसिरणे दिया सुवणे ॥

चू. अहवा उस्सग्गमेव न करेइ । एगाइ ताहे पुरिमेगासणायामाई । सव्वावस्सयं न करेइ चउत्थं । जहा काउस्सग्गे एवं वंदणाइएसुं पि गाहा पच्छद्धेण सह चउत्थं सम्बञ्जइ । दिया अपडिलेहिए थंडिले राओ वोसिरइ, दिया वा सुवइ चउत्थं ।

मू. (५४) कोहे बहुदेवसिए आसव-कक्कोलगाइएसुं च ।

लसुणाइसु पुरिमहं, तन्नाइ-बंध-मुयणे य ॥

चू. सगिमुप्पत्रं कोहं पक्खाओ उवरिं चाउम्मासाओ वा उवरिं धरेइ तो चउत्थं । आसवो वियडं तमाइयंते चउत्थं । कक्कोलग-लवंग-पूगफल-जाइफल-तं-बोलाइसु सव्वत्थ चउत्थं । पुव्वगाहाओ अनुवट्ठाविज्जइ । लसुणे अचित्ते पुरिमहं । आइसद्वेण पलंडु धेप्पइ । तण्णगमयूरतिरिआइ-बंधमुयणे पुरिमहं ।

मू. (५५) अञ्जुसिर-तणेसु निव्वीइयं तु सेस-पनएसु पुरिमहं ।

अप्पडिलेहिय-पनए आसनयं, तस-वहे जं च ॥

चू. अञ्जुसिरतणं कुसाइ तेसिं अकारणपरिभोगे निव्वीइयं, सेसपणएसु पुरिमहं । सेसा पंच पनगा- तणपनगं, दूसपनगं, पोत्थयपनगं, चम्पपनगं । एत्थ य दूसपणगं दुविहं तेन पंचपनगा । तत्थ सालीवीहिकोद्वरालगआरन्नतणं चेति तणपणगं । दूसपणगं दुविहं-दुप्पडिलेहिय-दूसपणगं अप्पडिलेहिय-दूसपणगं च । कोयवि पावारग पूरी दाढियाली विराली, एयं दुप्पडिलेहिय-दूसपणगं । तूली आलिंगणी अंगोवहाणं गंडोवहाणं मसूरगो य एयं अप्पडिलेहिय-दूसपणगं । गंडीपोत्थओ, कच्छवीपोत्थओ, मुडीपोत्थओ, छिवाडी, डिलेहिय-दूसपणए चम्पपणए य पुरिमहं । अप्पडिलेहिय-दूसपणए एक्कासनयं । पोत्थयपणगगहणे आयामं । बेईदियाइ-तसवहे जं च आवज्जइ तं च दिज्जइ । बिइय-चुन्निकारमएण पोत्थयपणगे वि पुरिमहं ।

मू. (५६) ठवणमनापुच्छाए निव्विसओ विरिय-गूहणाए य ।

जीएनेक्कासणयं, सेसय-मायासु खमणं तु ॥

चू. दानसङ्घअहाभद्दसन्निमाईणि ठवणकुलाणि । तानि आयरियमनापुच्छिय भत्ताइ पविसिऊण
गेण्हइ जइ तो से एक्कासनयं । तेसु य कुलेसु एगो चव संघाडगो निव्विसइ सेसा न पविसंति ।
विरियं परक्कमो तं निगूहंतस्स एक्कासनयं । जीय-ववहारे एयं । सुयववहाराइसु अन्नहा । एक्कासनयं
च माया निष्फन्नं । सेसमायाओ अन्नमायाओ, ता य इमा-जहा-भद्दं भोच्चा विवन्नं विरसमाहरे
आयरियसगासे । जसत्थी; जहा-‘एस महा तवस्सी विरसाहारो रसपरिच्चागं करेइ’ति । एवमाइयासु
मायासु खमणं ।

मू. (५७) दप्पेणं पंचिंदिय-वोरमणे संकिलिद्ध-कम्मे य ।
दीहऽद्धानासेवी गिलाण-कप्पावसाणे य ॥

चू. दप्पो वग्गण-धावन-डेवनाइओ । दप्पे वट्टमाणेण पंचिंदिओ वहिओ होजा । संकिलिद्धकम्मं-
अंगादान-परिमद्दण-सुक्कपोग्गल-निग्घायणाइ, दीहद्धान-पडिवन्नो य । आहाकम्मद्धानकप्पाइयं
वा बहु अइयारं करेजा । दीहगिलाणकप्पस्स वा अवसाने आहाकम्मसन्निहिसेवणं वा कयं होजा ॥
एएसु कारणेसु पंचकल्लाणगं पच्छित्तं ।

मू. (५८) सव्वोवहि-कप्पम्मि य पुरिमत्ता पेहणे य चरिमाए ।
चाउम्मासे वरिसे य सोहणं पंच-कल्लाणं ॥

चू. पाउसे जयणाए वि सव्वोवहि कप्पे कए पुरिमत्ताए वा चरिमाए पमाएणं । अप्पडिलेहिए
चाउम्मासवरिसेसु य विसोहीए पउत्ताए निरइयारस्स वि पंचकल्लाणगं दिज्जइ । किं कारणं । जम्हा
सुहुमाइयारे कए वि न याएइ न वा संभरइ । जहा पाउसट्टरत्तवेरत्तपाभाओगकालाग्गहणे
सुत्तत्थपोरिसि-अकरणे अप्पडिलेहियमाई । एएण कारणेण सव्वेसु वि दिज्जइ ति ।

मू. (५९) छेयाइमसद्दहओ मिउणो परियाय-गव्वियस्स वि य ।
छेयाईए वि तवो जीएन गणाहिवइणो य ॥

चू. जो छेयं न सद्दहइ, किं वा छिज्जइ न छिज्जइ ति एवं भणइ । मिउणो ति-जो छिज्जमाणे वि
परियाए न संतप्पइ जहा ‘मे परियाओ छिन्नो’ ति । अहवा अन्नेसि ओमराइणिओ जाओ ति
परियायगव्विओ जो दीहपरियाओ सो परियाए छिन्ने तथावि अन्नेहिंतो अब्भहियपरियाओ न
ओमराइणिओ होइ । नवा बीहेइ परियायछेयस्स । एएसिं जहुदिड्डाणं छेयमावन्नाण वि तवो
दिज्जइ । आइसद्देण मूलाणवट्टपारंचियपयावन्नाणं वि । जीयववहारमएण गणाहिवइणो य ।
गणाहिवईआयरिओ तस्स छेयाइमान्नस्सावि तवारिहं दिज्जइ । मापुन सेहदुसुंठाईण अपरिणामगाणं
हीलनिज्जो भविस्सइ ति । चसद्देण कुलगणसंधाहिवा धेप्पंति ।

मू. (६०) जं जं न भणियमिहइं तस्सावतीए दान-संखेवं ।
भिन्नाइय य वोच्छं छम्मासंताय जीएणं ॥

चू. इह जीयववहारे जं जं पच्छित्तं न भणियं अवराहमुद्दिसिऊण तस्सावि आवत्तिविसेसेण
दाणसंखेवं भणामि । आवत्ती पायच्छित्तद्धानसंपत्ती । सा य निसीहकप्पववहाराभिहियां । सुत्तओ
अत्थओ य । आणा अनवत्थमिच्छत्तविराधना सवित्थरा । तवसो य- सा य तवो पनगादी
छम्मासपज्जवसाणो अनेगावत्तिदानविरयणा लक्खणो तेसु सव्वेसु गंधेसु इह पुन जीयववहारे
संखेवेणं आवत्तीदानं निरुविज्जइ ।

मू. (६१) भिन्नो अविस्मिद्धो द्विय मासो चउरो य छद्म लहु-गुरुया ।

निव्वियगाई अट्टमभत्तंतं दानमेएसिं ॥

चू. भिन्न इति ससमयसत्रा; पंचवीसं दिवसा भिन्नसद्वेण वेप्पन्ति । सो य अविस्मिद्धो एक्को चेव । अविस्मिद्धगहणाओ य सव्वपणगाई मेया धेप्पंति । पणगं-लहुगं, गुरुगं च; दसगं-लहुगं, गुरुगं च; पन्नरसगं-लहुगं, गुरुगं च; वीसगं-लहुगं, गुरुगं च पंचवीसगं-लहुगं, गुरुगं च । एस भिन्नमासो बहुमेओ वि एक्को चेव धेप्पइ । एसो य सुयववहारो जेसु जेसु अवराहेसु भणिओ तेसु चेव अवराहेसु जीएण सव्वत्थ निव्विगई । भिन्नो अविस्मिद्धो द्विय एवं वक्खाणियं । इदानिं मासो ति । सो य लहुमासो गुरुमासो य । एत्थ य लहुमासे पुरिमहं । गुरुमासे एक्कासनयं । चउरो य छद्म मासा सम्बज्जंति । तत्थ लहुचउमासे आयामं । चउगुरुमासे चउत्थं । छल्लहुमासे छट्ठं । छगुरुमासे अट्टमं । एवं सुत्तनिद्धिद्ववत्ति जहावराहं जाणिरुण जीएण निव्विइयाइ-अट्टमभत्तंतं तवं देज्ज ।

मू. (६२) इय सव्वावत्तीओ तवसो नाउं जह-क्कमं समए ।

जीएनं देज्ज निव्वीइगाइ-दान जहाभियं ॥

चू. इयं एवं एएन पगारेण । सव्वावत्तीओ सव्वतवट्ठाणाइं । जहक्कमं पायच्छित्तानुलोमेण । समए सिद्धंते । जीएण देज्जा । निव्विइयाइयं दानं जह जह भणियं तथा तथा देज्ज ति भणियं होइ ।

मू. (६३) एयं पुन सव्वं चिय पायं सामन्नओ विनिद्धिं ।

दानं विभागओ पुन दव्वाइ-विसेसियं जाण ॥

चू. एयं ति जहुद्धिं । पुन सद्दो विसेसणे । सव्वं पायच्छित्तदानं । पाएण बाहल्लेण । सामन्नम-विसेसियं । विसेसेण निद्धिं विणिद्धिं । देयं विभागेण । दव्वाइ-आइसद्वेण-खेत्तकालभाव-पुरिसपडिसेवणाओ य । अविक्खिरुण विसेसियं । ऊनाइरितं तस्स मंवा (?) देज्ज ति ।

मू. (६४) दव्वं खेतं कालं भावं पुरिस पडिसेवणाओ य ।

नाउमियं चिय देज्जा तम्मत्तं हीनमहियं वा ॥

चू. पढमं गाहद्धं कण्ठं । नाउम्मि तं चिय-जाणिरुणं दव्वाइ विभागम्मि तं चेव परिमाणपरिच्छिन्नं देज्जा । अहवा, नाउमियं चिय-इदमिति पच्चक्खीभावे । इदमेव जीयववहारभणियं देज्ज । तम्मत्तं भणियसमं । दव्वखेत्तकालभावपुरिसपडिसेवणादीसु हीनेसु हीनं देज्जा । अहिएसु अहियं देज्जा । साहारणेसु साहारणं देज्जा ।

मू. (६५) आहाराई दव्वं बलियं सुलहं च नाउमहियं पि ।

देज्जा हि; दुव्वलं दुल्लहं च नाऊण हीनं पि ॥

चू. आहारो आई जेसिं दव्वाण ताइं आहाराईणि । जम्मि देसे ताइं बलियाइं । जहा अनूवएसे सालिकूरो बलिओ । सहावेणं चेव सुलहो य । एयं नाऊण जं जीयभणियं दानं तस्सम्महियमवि देज्जा । जत्थ पुन चणक-निष्फाव-कंजियाइ लुक्खाहारो; दुल्लहो वा; तत्थ जीयदानं हीनमवि देज्जा ।

मू. (६६) लुक्खं सीयल-साहारणं च खेतमहियं पि सीयम्मि ।

लुक्खम्मि हीनतरयं एवं काले वि तिविहम्मि ॥

चू. लुक्खं नाम नेहरहियं । खेतं वाय-पित्तलं वा । सीयलं पुन सिण्णिद्धां भन्नइ; अनूवखेत्तं वा ।

निद्धलुक्खं साहारणं भन्नइ । इह य जीयदाने निद्धखेत्ते अहियं देजा । साहारणे जहा भणियं समं देजा । लुक्खखेत्ते हीनं देजा । एवं काले वि तिविहे तिविहं देजा ।

मू. (६७) गिम्ह-सिसिर-वासासुं देज्जड्डम-दसम-बारसन्ताई ।

नाउं विहिणा नवविह-सुयववहारोवएसेणं ॥

घू. गिम्हो लुक्खो कालो । साहारणो हेमंतो । वासारत्तो निद्धो । गिम्हे तिविहो तवो-जहन्नो मज्झो उक्कोसो । जहन्नो चउत्थं, मज्झिमा छट्ठं, उक्कोसो अट्टमं । हेमंते तिविहो-जहन्नमज्झिमुक्कोसो छट्ठमदसमभेओ । वासारत्ते वि जहन्नमज्झिमुक्कोसो अट्टमदसमबारसमेयमिन्नो । एस नवविहो ववहारो । एयं सुट्ठं जाणिऊण सुयववहारेण वा नवविहविगप्पेण सुट्ठ जाणिऊण तिविह-काले तिविह-विगप्पियं तवं देजा । सो य इमो-अहागुरुआइ । एत्थ य मूलिया नवभेया नवभेयपत्थारे दट्ठव्वा । विभज्जमाणा सत्तावीसं । आवत्ति-दान-तवसा कालेण य निओएयव्वा । एस नवविहो वन्निओ त्ति । सो य नवविहो ववहारो इमो -

गुरुओ गुरुयतराओ अहागुरु चव होइ ववहारो ।

लहुओ लहुयतराओ अहालहु होइ ववहारो ॥

लहुसो लहुसतराओ अह लहुसो चव होइ ववहारो ।

एएसि पच्छित्तं वोच्छामि अनानुपव्वीए ॥

गुरुगो य होइ मासो गुरुयतराओ य होइ चउमासो ।

अह गुरुगो छम्मासो गुरुपक्खे होइ पडिवत्ती ॥

तीसा य पन्नवीसा वीसा विय होइ लहुयपक्खम्भि ।

पनरस दस पंचे व य लहुसय पक्खम्भि पडिवत्ती ॥

गुरुगं च अट्टम खलु गरुयतरागं च होइ दसमं तु ।

अह गुरुगं बारसमं गुरुपक्खे होइ पडिवत्ती ॥

छट्ठचउत्थायंबिल लहुपक्खे होइ पडिवत्ती । एगासन-पुरिमहं निव्वीयं लहुससुद्धो वा ॥

ओहेण एस भणिओ, एत्तो वोच्छं पुनो विभागेन ।

तिगनवसत्तावीसा एक्कासीतीय भेणहिं ॥

नवविह ववहारेसो संखेवेण तिहा मुणेयव्वो । उक्कोसो मज्झो वा जहन्नगो चव तिविहो सो ॥

उक्कोसो गुरुपक्खो लहुपक्खो मज्झिमो मुणेयव्वो ।

लहुसगपक्खो जहन्नो तिविगप्पो एस नायव्वो ॥

गुरुपक्खो उक्कोसो मज्झ जहन्नो य एस लहुगे वि । एमेवय लहुसेवी एवेसो नवविहो होइ ॥

गुरुपक्खे छम्मासो पणमासो चव होइ उक्कोसो ।

मज्झो चउ त्ति मासो दुमासगुरुमासग जहन्नो ॥

लहुमासभिन्नमासा वीसा विय तिविहमेव लहुपक्खे ।

पन्नरस दसगं पणगं लहुसुक्कोसोइ तिविहेसो ॥

आवत्ति तवो एसो नवमेओ वन्निओ समासेणं । अहुणाउ सत्तवीसो दानतवो तस्सिमो होइ ॥

गुरु लहु लहुसगपक्खे वा उक्कोसो मज्झिम जहन्नो ।

उक्कोसुक्कोसो वा उक्कोसो मज्झिम जहन्नो ॥
 मज्झुक्कोसो मज्झिम मज्झो तह होइ मज्झिम जहन्नो ।
 इय नेया जहन्ने वी उक्कोसो मज्झिम मज्झिम जहन्नो ॥
 गुरुपक्खे नव एए नव चेव य होन्ति लहुय पक्खे वि ।
 नव चेव लहुसपक्खे सत्तावीसं हवंतेए ॥
 बारसमदसमअट्टम छप्पणमासेसु तिविह दानेयं ।
 चउत्तिमासे दस अट्ट छट्ट उक्कोसगा तिविहा ॥

एमेवुक्कोसाई दुमासगुरुमासिए तिहा दानं । अट्टम छट्ट चउत्तं उक्कोसादेत तिह भिन्नं ॥
 छट्ट चउत्थायामं उक्कोसादेय दाणवीसाए । लहुपक्खम्भि नवविहो एसो बीओ भवे नवगो ॥
 अट्टम छट्ट चउत्तं एसुक्कोसाइ दानपन्नरसा । छट्ट चउत्थायामं दससू तिविहे य दानभवे ॥
 खमणायामेक्कासण तिविहुक्कोसाइ दान पणगेयं ।
 लहुसेस तइयनवगो सत्तावीसेस वासासु ॥

सिसिरे दसमाईयणं चारणमेएण सत्तवीसेण । ठायइं पुरिमट्टम्भी अट्टोक्कन्तीय तह चेव ॥
 अट्टममाई गिम्हे चारणमेएण सत्तवीसेण । तह चेव य ढोक्कन्ती ठावइ निव्वीयए नवरं ॥
 एएहिं दानेहिं आवत्तीओ सया सया नियमा । बोधव्वा सव्वाओ असहुस्सेक्केक्काहासणया ॥
 जाव ठियं एक्केक्कं तं पीहासेज्ज असहुणो ताव । दाउं सट्टाण तवं परट्टाणं देज्ज एमेव ॥
 एवं ठाणे ठाणे हेट्टाउत्तो कमेण हासंतो । नेयव्वां जावठियं नियमा निव्वीइयं एक्कं ॥
 – एस नवविहो ववहारो ।

मू. (६८) हट्ट-गिलाणा भावम्भि-देज्ज हट्टस्स, न उ गिलाणस्स ।
 जावइयं वा विसहइ तं देज्ज, सहेज्ज वा कालं ॥

चू. भावं पडुच्चसममहियमूणं वा देज्जा । हट्टस्स नीरोगस्स बलयिसरीरस्स समहियं वा देज्जा ।
 गिलाणस्स ऊनं, नवा वि देज्जा । जावइयं वा वि सक्केइ तावइयं वा वि से देज्जा । कालं वा सहेज्जा;
 जाव पउणीहोइ । हट्टो संतो करेस्सइ त्ति ।

मू. (६९) पुरिसा गीयाऽगीया सहाऽसहा तह सदाऽसदा केई ।
 परिणामाऽपरिणामा अइपरिणामा य वत्थूणं ॥

चू. पुरिसं पडुच्च सममहियं ऊनं वा देज्जा । पुरिसा केइ गीयत्था, केइ अगीयत्था । धिइसंघयण-
 संपन्नत्ताओ केइ सहा, तव्विरहियत्ताओ केइ असहा । सदा मायाविणो, असदा उज्जुभूयप्पाणो ।
 उस्सग्ग उस्सग्गं । अववाए अववायं । जहा भणियं सदहंता आयरन्ता य परिणामगा भन्नंति,
 अपरिणामगा पुन जे उस्सग्गमेव सदहंति आयरंति य; अववायं पुन न सदहंति नायरंति य ।
 अइपरिणामगा जे अववायमेवायरंति तम्भि चेव सज्जंति, न उस्सग्गे ।

मू. (७०) तह धिइ-संघयणोभय-संपन्ना तदुभएन हीना य ।
 आय-परोभय-नोभय-तरगा तह अन्नतरगा य ॥

चू. तहेत्ति आनंतरिए । धिइ-संघयणे चउभंगो । धिइए संघयणेण य पढमो संपन्नो । इह य
 पढमपच्छिमा भंगा दुवे संगहिया सुत्तेण, मज्झमिल्ला दुवे भाणियव्वा । अहवा बितियचुत्तिकारा

भिष्पाएण चत्तारि वि सुत्तेणेव गहिया । कहं ? -धिइसंपन्ना, न संघयणेण १। संघयणेण वा संपन्ना, न धिईए २ । उभयसंपन्ना ३ । उभयहीणा य ४ । अहवा इमे पंच विगप्पा । आयतरे नामेगे नो परतरए १ । परतरए नामेगे, नो आयतरए २ । एगे आयतरए वि परतरए वि ३ । एगे नो आयतरए नो परतरए ४ । एए चत्तारि भंगा ठाणक्कमेण । तहा पंचमो अन्नतरतरगो नाम विगप्पो । आयतरगो नाम जो उपवासेहिं दढो । परतरगो नाम जा वेयावच्चकरो गच्छोवग्गहकरो वत्ति । अन्नतरतरगो नाम जो एकं सक्केइ काउं, तवं वेयावच्चं वा । न पुन दो वि सक्केइ ।

मू. (७१) कप्पट्टियादओ वि य चउरो जे सेयरा समक्खाया ।
सावेक्खेयर-भेयादओ वि जे तान पुरिसाणं ।

चू. कप्पट्टिया आईए जेसिं ते कप्पट्टियादओ । आइसहेण-परिणया, कडजोगी, तरमाण ति एए चत्तारि घेप्पंति । एएसिं चेव पडिवक्खभूया अन्ने वि चत्तारि जणा घेप्पंति । अकप्पट्टिया अपरिणया अकडजोगी अतरमाणगा । तत्थ कप्पट्टिया जे आचेलुक्कुद्देसियाइ दसविहे कप्पे ठिया। कयरे ते ? -इमे वक्खमाणा-

आचेलुक्कुद्देसिय सेज्जायरायपिंडकिइकम्भे । वयजेड्ड पडिक्कमणे मासं पज्जोसवणकप्पे ॥

जे पुन मज्झिमजिनसंतंगा महाविदेहगा य ते अकप्पट्टिया । कप्पट्टिया दुविहा-सावेक्खा, निरवेक्ख य । सावेक्खा गच्छवासी, निरवेक्खा जिनकप्पियादयो । एवमकप्पट्टिया वि सावेक्ख निरवेक्खा य । परिणया गीयत्था, अपरिणया अगीयत्था । कडजोगिणो चउत्थ-छट्टुमाईहिं विविहतवोवहाणेहिं जोगवियसरीरा । अकडजोगिणो अपरिकम्भवियसरीरा । तरमाणगा धिइसंघयण-संपन्ना । अतरमाणगा एएहिं विउत्ता ।

मू. (७२) जो जह-सत्तो बहुतर-गुणो व तस्साहियं पि देज्जाहि ।
हीनस्स हीनतरगं, ज्ञोसेज्ज व सव्व-हीनस्स ॥

चू. एएसिं कप्पट्टियाइ सावेक्ख-निरवेक्खभेयाणं जो जह सक्केइ तवं काउं । बहुतरगुणो नाम धिइसंघयणसंपन्नो परिणयकडजोगी आयपरतरो वा होज्जा । तस्साहियं पि दिज्जइ । कओहिंतो अहियं ? -जीयववहारभणियाओ । जो पुन हीनो धिइसंघयणाईहि तस्स थोवतरयं पि जीयभणियाओ देज्जा । जो पुन सव्वहीणो तस्स सव्वं ज्ञोसेज्जा, न किंचि दिज्जइ ति जं भणियं होइ ।

मू. (७३) एत्थ पुन बहुतरा भिक्खुणो ति अकयकरणाणभियया य ।
जंतेण जीयमट्टमभत्तंतं निव्वियाईयं ॥

चू. एत्थ एयम्भि जीयववहारे बहुतरया भिक्खुणो ति । तेय अकय-करणा अजोगविया अनभियया अगीयत्था । च सहेण अधिरा वियत्ति । जं तेन कारणेन जीयववहारे अट्टममत्तं अंतो निव्वीइयमाईए । एयं मज्झं गहियं जन्तविहीए । एयस्सेव फुडीकरणत्थं जंतविहाणं भणामि । तिरियाए तेरसघरए काउं हेड्डहुत्तो य जाव नव धराइं पुण्णाइं ताव ठावेयव्वं । पच्छा एएसिं नवण्हं हेड्डा जाइं दाहिणेन अंतंठियाणि दोत्रि धरयाइं ताइण मोत्तूणं अहो एणं धरयं वट्ठाविज्जइ । ताहे तिरियायया एक्कारस धरया होंति । पुनो एएसिं एक्कारसण्हं सव्वदाहिणा दुवे मोत्तूणं अहो एणं धरं वट्ठाविज्जइ । ताहे ते आयता नव धरा होंति । एवं दुवे दुवे छट्टुंतेणं धरयाइं हेट्टिल्लादाहिणिल्लाइं ता नेयव्वं, अहो एक्केक्क धरयवट्ठीए जाव एक्कमेव धरयं सव्वाऽहोजायं । एवमेयस्स धरजंतयस्स

सव्वुवरिं तिरियायया सेढी । तीसे सेढीए उवरिं सव्वाइए निरवेक्खं ठावेज्जा । निरवेक्खस्स य दाहिणेण बिइय-तइयघर मज्झनिग्गयरेहोवरिं आयरियं कयकरणं अकयकरणं च ठावेज्जा । चउत्थपंचमघरयमज्झविणिग्गयरेहोवरिं कयकरणं उवज्जायं अकयकरणं च ठावेज्जा । छट्तसत्तम-अट्टमनवमघरयमज्झविणिग्गयरेहोवरिं गीयभिक्खुं ठावेज्जा,

थिरं अधिरं च । तत्थ जो सो थिरो सो कयकरणो अकयकरणो य । अधिरो वि कयकरणो अकयकरणो य तओ पुन दसमएक्कारसबारसतेरसघयरयमज्झ-विनिग्गयरेहोवरिं अगीयभिक्खुं ठावेज्जा, थिरमथिरं च । थिरं कयकरणं अकयकरणं च । अधिरं कयकरणं अकयकरणं च ठावेज्जा । एवं ठावेऊण निरवेक्खहेट्ठिमधरए सुन्नं ठावेयव्वं । जम्हा तहिं पारंचियं पयं होइ । सो य निरवेक्खो सहावेण चेव पारंचिओ तम्हा तहिं सुन्नं ठावेयव्वं । एयस्स दाहिणेण कयकरणायरियहेट्ठा पारंचियं । एवं तहिं चेव अवराहे—जहिं कयकरणायरि-यस्स पारंचियं अकयकरणस्सायरियस्स तम्मि चेवावराहे अणवट्ठपं । एत्थ चेवावराहे—कयकरणोवज्जायस्स अणवट्ठं (ट्ठपं) । एत्थ चेवावराहे अकयकरणो-वज्जायस्स मूलं । एत्थ चेवावराहे गधिभिक्खु-थिरकयकरणस्स मूलं । एत्थ चेवावराहे गीयभिक्खु थिरअकयकरणस्स छेओ । एत्थ चेवावराहे गीयभिक्खु-अथिरकयकरणस्स छेओ । एत्थ चेवावराहे गीयभिक्खु अधिर-अकयकरणस्स छग्गुरु । एत्थ चेवावराहे अगीयभिक्खु थिरअकयकरणस्स छल्लहू । एत्थ चेवावराहे अगीयभिक्खु अधिर-कयकरणस्स छल्लहू ।

एत्थ चेवावराहे अगीयभिक्खु-अथिर-अकयकरणस्स चउगुरु । एवं एयाए पंतिए पायच्छित्त-ट्ठाणरयणा एवं कायव्वा । पारञ्चियं । अणवट्ठप । अणवट्ठप्प । मूल । मूल । छेय । छेय । छग्गुरु । छग्गुरु । छल्लहु । छल्लहु । अन्ते चउ गुरु । एयाए हेट्ठा सुण्णं । अणवट्ठप्पो । मूलं २ । छेदो २ । छग्गुरु २ । छल्लहु २ । चउ गुरु २ । अन्ते सव्वदाहिणे चउ लहु । एयाए हेट्ठा मूलं २ । छेदो २ । छग्गुरु २ । छल्लहु २ । चउ गुरु चउ लहु २ । सव्वदाहिणे मासगुरु । एयाए हेट्ठा छेदो २ । छग्गुरु २ । छल्लहु २ । चउगुरु २ । चउलहु २ । मासगुरु २ । सव्वदाहिणे मासलहु । एयाए हेट्ठा छग्गुरु २ । छल्लहु २ । चउगुरु २ । चउलहु २ । मासगुरु २ । मासलहु २ । सव्वदाहिणे भिन्नमासो । एयाए हेट्ठा छल्लहु २ । चउगुरु २ । चउलहु २ । मासगुरु २ । मासलहु २ । भिन्नमासो २ । सव्वदाहिणे वीसा । एयाए हेट्ठा चउगुरु २ । चउ लहु २ । मासगुरु २ । मासलहु २ । भिन्नमासो २ । वीसा २ । सव्वदाहिणे पन्नरस । एयाए चेव हेट्ठा चउलहु २ । मासगुरु २ । मासलहु २ । भिन्नमासो २ । वीसा २ । पन्नरस २ । सव्वदाहिणे दस । एयाए हेट्ठा मासगुरु २ । मासलहु २ । भिन्नमासो २ । वीसा २ । पन्नरस २ । दस २ । सव्वदाहिणे पणगं । एयाए हेट्ठा मासलहु २ । भिन्नमासो २ । वीसा २ । पन्नरस २ । दस २ । सव्वदाहिणे पणगं । एयाए हेट्ठा भिन्नमासो २ । वीसा २ । पन्नरस २ । दस २ । सव्वदाहिणे पणगं । एयाए हेट्ठा वीसा २ । पन्नरस २ । दस २ । सव्वदाहिणे पणगं । एयाए हेट्ठा पन्नरस २ । दस २ । सव्वदाहिणे पणगं । एयाए हेट्ठा दस २ । सव्वदाहिणे पणगं । एयाए हेट्ठा पंच । एयासिं च तिरिया ययाणं घरयाणं आईए जं पयं जहिं अवराहे ठावियं तहिं चेवावराहे ताए पंतीए पुरिसावेक्खाए सव्वे पच्छित्तपया चारेयव्वा । एवं विरईए पुरिसविभागेण पणगादी छम्मासावसाणे निव्वीयाइ अट्टमभत्तंतं पुव्व भणियमेव । अहुणा पडिसेवणा भन्नइ—

मू. (७४)

आउट्टियाइ दप्प-प्पमाय-कप्पेहि वा निसेवेज्जा ।

द्वं खेतं कालं भावं वा सेवओ पुरिसो ॥

चू. आउट्टिया नाम जं उवेच्च पाणाइवायं करेइ । दप्पो नाम धावण-डेवण्वग्णाइओ, कंदप्पो वा दप्पो । पमाओ नाम जं राओ दिया वा अप्पडिलेहंतो अपमज्जयंतो य पाणाइवायाइयमावज्जइ । कप्पपडिसेवणा नाम कारणे गीयत्थो कडजोगी उवउत्तो जयणाए पडिसेवेज्जा । एसा पडिसेवणा । पडिसेवओ पडिसेवियव्वं च दोन्नि वि पडिसेवणाए सूइयाइं । तत्थ पडिसेवओ पुरिसो पडिसेवियव्वं पुन दव्वाइं । दव्वमाहाराइ खित्तं छिन्नमडं वेयरं वा । कालो ओम-दुब्बिक्खाइ । भावे हट्ट-गिलाणाइ । एवं एयं पडिसेवियव्वं ।

मू. (७५)

जं जीय-दानमुत्तं एयं पायं पमायसहियस्स ।

एत्तो छिय ठाणंतरमेगं वट्टेज्ज दप्पवओ ॥

चू. जं जीयववराहेण मए पच्छित्तं भणियं तमनंतरं सव्वं एयं चउण्हपडिसेवणाण आउट्टिया-इयाण कयराए पडिसेवणाए पडिसेविए दिज्जइ ? । सदेह सम्भवेइमं भन्नइ-त्तइयाए पमायपडिसेवणा-ए त्ति । दव्वाइए पडिसेविए सेसपडिसेवणासु पुन कहं भन्नइ । एत्तो छिय ठानंतरं वट्टेज्जा । एक्कं । एत्तो त्ति जहाभणिय-पमाय-ट्ठाण-पायच्छित्ताओ एगट्ठाणवुट्ठी कायव्वा । पमाए निव्वीयाइ-अट्टमभत्तंतं, दप्पेण पुन पुरिमाइ-दसमंतं होइ ।

मू. (७६)

आउट्टियाइ ठाणंतरं च, सट्ठाणमेव वा देज्जा ।

कप्पेण पडिक्कमणं तदुभयमहवा विनिदिट्ठं ॥

चू. आउट्टि आसेवमाणस्स एक्कासणाइ दुवालसंतं दिज्जइ । अहवा सट्ठाणं । पाणाइवाए मूलं । सट्ठाणं जं जम्भि वा अवराहे सव्वबहुयं तस्स दिज्जइ तं चेव सट्ठाणं होइ । कप्पपडिसेवणाए पडिसेविए पडिक्कमणं, मिच्छादुक्कडमिति च भणियं होइ । अहवा तदुभयं आलोयणमिच्छादुक्कडं ।

मू. (७७)

आलोयण-कालम्भि वि संकेस-विसोहि-भावओ नाउं ।

हीनं वा अहियं वा तम्मत्तं वा वि देज्जाहि ॥

चू. आलोयणकाले वि जया गूहइ पलिउञ्चइ वा तया सो संकिलिट्ठपरिणामो तस्स अहियं पुण्णं वा दिज्जइ । जो पुन आलोयणाकाले संवेगमुवगओ निंदण-गरहणाइणा विसुद्धपरिणामो तस्स ऊनमवि देज्जा । जो पुन मज्झपरिणामो तस्स तम्मत्तमेव देज्जा ।

मू. (७८)

इति दव्वाइ-बहु-गुणे गुरु-सेवाए य बहुतरं देज्जा ।

हीनतरे हीनतरं, हीनतरे जाव झोस त्ति ॥

चू. इति एवं दव्वखेत्तकालभावेसु चउसु वि बहुगुणेषु, गुरुसेवा पहाणसेवा भण्णइ । एएसु बहुतरं देज्जा । 'हीनतरे हीनतरं' ति । दव्वखेत्तकालभावा जहा जहा हीना तथा तथा हीनतरं पच्छित्तं देज्जा । सव्वहीनस्स झोसो वा कज्जइ ।

मू. (७९)

झोसिज्जइ सुबहुं पि हुं जीएनऽन्नं तवारिहं वहओ ।

वेयावच्चकरस्स य दिज्जइ सानुग्गहतरं वा ॥

चू. झोसिज्जइ त्ति मुच्चइ । सुबहुगमवि जाव अन्नं तवं वहइ ताव जइ अन्नमावज्जइ तो तं झोसिज्जइ । जहा छम्मासपट्टविए पञ्चहिं दिवसेहिं गएहिं अन्नमावन्नगो होज्जा । पढमगं वहंतस्स पच्छिमं से झोसिज्जइ । वेयावच्चकरस्स वा थोवतरं दिज्जइ । जावइयं वहन्तो वेयावच्चं काउं सक्केइ

तावइयं से दिज्जइ । एयं तवारिहं भणियं ॥ अहुणा छेयारिहं भन्नइ-

मू. (८०) तव-गव्विओ तवस्स य असमत्थो तवमसद्दहंतो य ।
तवसा य जो न दम्मइ अइपरिणाम-प्पसंगी य ॥

चू. तवगव्विओ छम्मासखमओ । अन्नो वा जो विगिद्ध-तवकरण-समत्थो-किं मम तवेण किज्जइ ति । तवअसमत्थो पुन गिलाणो असहू वालवुद्धो वा । तवं वा जो न सद्दहइ । पुनो पुनो वा तवेण दिज्जमाणेण वि न दम्मइ । अइपरिणामगो अइपसंगी वा । पुनो पुनो सेवेइ, सुबहुं वा । एएसु जहुद्धिइसु तवारिहावत्तीए वि छेओ चेव दिज्जइ ति । पुव्वपरियायस्स देसच्छेओ कज्जइ ।

मू. (८१) सुबहुत्तर-गुण-भंसी छेयावत्तिसु पसज्जमाणो य ।
पासत्थाई जो वि य जईण पडित्थिओ बहुसो ॥

चू. सुबहुगा उत्तरगुणा पिंडविसोहिमाईया । ते जो भंसेइ विणासेइ, पुनो पुनो छेयावत्तीओ करेइ । जो य पासत्थो । आइसद्देण ओसन्न कुसील-संसत्त-नीओवा । जईण साहूण संविग्गाणं । पडित्थइ वेयावच्चयं करेइ । बहुसो य अनेगसो । उत्तरगाहाए अत्थपरिसमती होही ।

मू. (८२) उक्कोसं तव-भूमि समईओ सावसेस-चरणो य ।
छेयं पणगाईयं पावइ जा धरइ परियाओ ॥

चू. उक्कोसा तव भूमी । आइजिणिंदतित्थे संवच्छरं । मज्झिमजिणाणं अट्टमासा । वीरवरस्स छम्मासा । एयं उक्कोसं तवभूमी समईओ । जो तस्स छेओ सावसेसं च से चरणं; तस्स छेओ पणगाईओ । आइसद्देण दस-पन्नरस-वीसाई जाव छम्मासा । जावं वा धरइ परियाओ । छेयारिहं भणियं ॥ अहुणा मूलारिहं भन्नइ-

मू. (८३) आउट्टियाइ पंचिंदिय-धाए, मेहुणे य दप्पेणं ।
सेसेसुक्कोसाभिक्ख-सेवणाईसु तीसुं पि ॥

चू. आउट्टियाए पंचिंदियं बहेज्जा । मेहुणं दप्पेण सेवेज्जा । सेसा मुसावाय-अदिन्नादान-परिग्गहा ते उक्कोसेणं पडिसेवेइ । आउट्टियाए पुनो पुनो य ति । एवं जहुद्धिइइणेषु मूलं ।

मू. (८४) तव-गव्वियाइएसु य मूलत्तर-दोस-वइयर-गएसु ।
दंसण-चरित्तवंते चित्त-किच्चे य सेहे य ॥

चू. तवगव्विओ । आइसद्देण तवअसमत्थो । तवं असद्दहंतो तवेण य जो न दम्मइ । मूलगुणे बहुविहे बहुसो य दूसेइ भज्जइ वा । एवं उत्तरगुणे वि एस वइयोरो । दंसणं वा वमइ । दंसणे वंते नियमा चरित्तं वंतं । चरित्तम्मि दंसणे भयणा । दंसणे वा चरित्ते वा वन्ते चियत्तकिच्चो । किच्चाइं दंसणाईणि । तप्परिच्चाएण चियत्तकिच्चो । सेहेय ति सेहो जो अभिनवो सिक्खं गाहिज्जइ । अनुवट्ठ-विओ । एएसिं जहुद्धिइणं मूलं ।

मू. (८५) अच्चंतोसन्नेसु य परलिग-दुगे य मूलकम्मं य ।
भिक्खुम्मि य विहिय-तवे ऽनवट्ठ-पारंचियं पत्ते ॥

चू. अच्चंतोसन्नो नाम ओसन्न-पच्चाविओ । संविग्गेहिं वा पच्चावियमेत्तो चेव ओसन्नयाए विहरिओ जो, सो अच्चंतोसन्नो । परलिगं दुगं-घरत्थलिगं, अन्नतित्थियलिगं च । तं जो आउट्टियाए दप्पेण वा करेइ । मूलकम्मं-इत्थीगब्भादाणसाडणं जो करेइ । भिक्खुम्मि य विहियतवे । विहिओ

तवो जस्स सो विहियतवो । छेयमूले वि अइक्कमिउं । अनवट्टतवं वा पारञ्चियतवं वा । अइयारसेवणाए पत्ते एएसिं जहुद्विड्डाणं मूलं सव्वेसिं पि ।

मू. (८६) छेएण उ परियाए ऽनवट्ट-पारञ्चियावसाणे य ।

मूलं मूलावत्तिसु बहुसो य पसञ्जओ भणियं ॥

चू. छिज्जमाणे छिज्जमाणे जया परियाओ निरवसेसो छिन्नो, तदा से मूलं । अनवट्टप्पतवावसाने पारञ्चियतवावसाने य मूलं दिज्जइ । मूलावत्तीओ वा-पुनो पुनो आवज्जमाणस्स मूलं । एवं जहुद्विड्डकारणेसु सव्वत्थमूलं । मूलारिहं भणियं अहुणा अनवट्टप्पारिहं भन्नइ-

मू. (८७) उक्कोसं बहुसो वा पउट्ट-चित्तो वि तेनियं कुणइ ।

पहरइ जो य स-पक्खे निरवेक्खो घोर-परिणामो ॥

चू. तदो (ओ) अनवट्टप्पा पन्नत्ता; तं जहा-साहिम्मियाणं तेणं करेमाणो १ । अन्नधम्मियाणं तेणं करेमाणो २ । हत्यादानं दलयमाणो ३ । उक्कोसं सचित्ताइयं । तेनेइ-पुनो पुनो तेनेइ । अईव पउट्टचित्तो संकिलिड्डचित्तो ति कोहलो होइ । पउट्टचित्तो तेनेइ । सा य तेनिया दुविहा-साहिम्मियतेनिया, परधम्मियतेनिया य । दव्वओ खेतओ कालओ भावओ य । सचित्त-अचित्त-मीसया दव्वे । अन्नसंजओग्गहियखेत्ते, अणणुत्रविए अवत्थाण खेत्ते । काले जहिं करेइ । भावओ रत्तदुट्ठो । अन्नधम्मिया दुविहा-लिंगपविट्ठा, गिहत्था य । तिविहं तेनमेतेसिं आहारो उवही सचित्तं वाऽवहरइ ति । हत्यादालो गहिओ, सो य ति विहो-अत्यादानो, हत्यालम्बो, हत्यातालो । तत्थ अत्यादानो नेमिस्सिओसन्नागारिया भव्वगपडिभग्गवणियपेसरूयगसउणी । बीइओ उवणओ नउलंगमेगो घयगुलमंतो वसतणकट्ठावाहिं अन्नो य अउनिगनिमित्तं । हत्यालम्बो असिवपुरो-हवसमणत्थ-मभिचारगाइ करेइ । हत्यातालो जट्ठिमुट्ठिलउडोपलपहाराईहिं मरणभयनिरवेक्खो अप्पणो परस्स य पहरइ । सपक्खे च सहेण परपक्खे य । घोरपरिणामो निरनुक्कोसो ति ।

मू. (८८) अहिसेओ सव्वेसु वि बहुसो पारंचियावराहेसु ।

अनवट्टप्पावत्तिसु पसञ्जमाणो अनेगासु ॥

चू. अभिसेओ उवज्झाओ । जेसु जेसु अवराहेसु पारञ्चियमावज्जइ । बहुसो अणेगसो । आवन्नो वि अनवट्टप्पो कीरइ । किं कारणं । जेन अणवट्टप्पपारञ्चियमावन्नस्सावि मूलमेव दिज्जइ भिक्खुणो । जेन तस्स परं मूलद्वानं भवति । तहा उवज्झायस्सावि परं अनवट्टप्पपयं, अनवट्टप्पावत्तीओ य । जया बहुसो आवज्जइ तथा य अनवट्टप्पं दिज्जइ ।

मू. (८९) कीरइ अनवट्टप्पो, सो लिंग १-क्खेत्त २-कालओ ३-तवओ ४-

लिंगेन दव्व-भावे भणिओ पव्वावणाऽनरिहो ॥

चू. वएसु लिंगेसु वा जम्हा न ठाविज्जइ तम्हा अणवट्टप्पो । सो य अणवट्टप्पो चउव्विहो-लिंगओ, खेतओ, कालओ, तवओ । लिंगं दुविहं-दव्वे भावे य । दव्वलिंगं रओहरणाइ । भावलिंगं महव्वयाइ । एत्थ चउभंगो । अनंतरगाहासम्बद्धा इमा गाहा-

मू. (९०) अप्पडिविरओ-सन्नो न भाव-लिंगारिहोऽनवट्टप्पो ।

जो जत्थ जेन दूसइ पडिसिद्धो तत्थ सो खेत्ते ॥

चू. सपक्खपरपक्खपउट्ठो तेनगाइदोसेहिं । अप्पडिविरओ सपक्ख-परपक्ख पहरणुज्जुओ ।

निरवेक्यो अनुवसंतवेरो जो । सो दव्वभावलिंगेहिं दोहिं वि अनवट्टपो । हत्थालम्बो, अत्थादणो, ओसन्नाइया य तद्दोसानुवसंता न भावलिंगारिहा । दव्वलिंगमत्थि तेसिं, भावलिंगेनाऽणवट्टप्पा । खेत्तओ अणवट्टप्पो जो जम्भि खेत्ते दोसमावन्नो सो तम्मि खेत्ते अणवट्टप्पो । जहा अत्थादानिओ तम्मि घेव खेत्ते देसे वा न उवट्ठाविज्झइ । किं कारणं पुवब्भासा लोगो पुच्छेज्जा । सो वा तं इट्ठिगारवमसमत्थो धारेउं । तेन अन्नत्थ उवट्ठाविज्झइ । उत्तिमट्टपडिवन्नस्स वा तत्थेव भावलिंगं दिज्झइ ।

मू. (९१) जत्तियमित्तं कालं तवसा उ जहन्नएण छम्मासा ।

संवच्छरमुक्कोसं आसायइ जो जिनाईणं ॥

चू. कालतो अनवट्टप्पो जो जेतियं कालं अनुवरतदोसो सो तत्तियं कालं अनवट्टप्पो । तव-अनवट्टप्पो दुविहो-आसायना-अणवट्टप्पो, पडिसेवणा-अनवट्टप्पो य । तत्थासायणाभिमेसिं करेज्जा । तित्थयर-पवयण-सुय-आयरिय-गणहराणं महिट्ठियाणं । जहा सव्वोवायकुसलेहिं अइकक्खड-देसणा कया । जाणंता य किं घरवासे वसंति, भोगे य भुञ्जन्ति । तथा इत्थीतित्थं । संघमहिक्खिवइ पडिनीयताए वा वट्ठइ । अहवा भणइ अन्ने वा संघा अत्थि सियालसुणगाणं विगाणं ति । एवं सुयं अहिक्खिवइ-पाययं ति । थाणे थाणे वा काया, पुनो पुनो वा वयाणि, पमाय-अप्पमाया वा । मोक्खदेसणाए जोइस-जोणिपाहुड-गणितेन वा किं पओयणं । तथा आयरियं जच्चाईहिं अहिक्खिवइ । तथा गणहरं महिट्ठियं । महिट्ठियगहणेन मूलगणहरा गहिया । जो वा जम्भि जुगे पहाणो तमहिक्खिवइ । इट्ठिरससायगरुया, सुहसाया, परोवएसु जुया मंखा इव, गिहिवच्छलगा न जईण ति एवमाईहिं आसाएंतो अनवट्टप्पं पावेइ । एस आसायणा-अणवट्टप्पो । पडिसेवना-अनवट्टप्पो इमेहिं कारणेहिं-साहम्मिय-अन्नधम्मिय-तेणियाए हत्थादालणादीहिं य आवज्झइ । तत्थ आसायणा-तवअनवट्टप्पो जहन्नेण छम्मासा, उक्कोसेणं संवच्छरं । पडिसेवणा-अनवट्टप्पो जहन्नेणं बारसमासा उक्कोसेणं बारस संवच्छराणि; इमाए गाहाए भिन्नइ-

मू. (९२) वासं बारस वासा पडिसेवि, कारणेन सव्वो वि ।

थोवं थोवतरं वा वहेज्ज, मुंचेज्ज वा सव्वं ॥

चू. सो य जइ इमेहिं गुणेहिं जुत्तो तो अनवट्टप्पतवं पडिवज्झइ ।

संघयणविरियआगमसुत्तत्थविहीए जो समग्गो उ ।

तवसी निग्गहजुत्तो पवयणसारे अहिगयत्थे ॥

तिलतुसतिभागमेत्तो वि जस्स असुहो न विज्झइ भावो ।

निज्झूणारिहो सो सेसे निज्झूहणा नत्थि ॥

एय गुणसंपउत्तो पावइ अनवट्टमुत्तमगुणोहो ।

एय गुण विप्पहूणे तारिसगम्भी भवे मूलं ॥

एयंता उस्सग्गेणं । अववाएण पुन कुलगणसंघकज्जाइं तेनाधीणाइं सिहांइय कज्जं वा पसाहियंति; तो थोवं थोवतरं वा से देज्जा । संघोवा से सव्व मेव मुञ्चेज्जा । तस्स पुन अनवट्टप्पतवं पडिवज्झमाणस्स को विही ? किं वा तवं करेइ ति । एत्थ गाहा । -

मू. (९३) वंदइ न य व्रंदिज्झइ, परिहार-तवं सुदुच्चरं चरइ ।

संवासो से कप्पइ, नालवणाईणि सेसाणि ॥

चू. गणनिक्रवेवमित्तिरियं काउं परगणं पडिवज्जइ । पसत्थदव्वखेत-काल-भावसु । पसत्थदव्वे; उच्छु-वनसंड-पउमसर-चेइयधराइसु खेत्ते; काले मुहदिवसे; भावओ सज्जागयं रविगयाइयं मोत्तुं आलोयणं पउज्जइ । काउस्सग्गो कीरइ निरुवसग्गनिमित्तं सेसाणं भयजनंनिमित्तं च । गच्छेण सहवासो एगखेत्ते, एगउवस्सए, एगपासे, अपरभोए अच्छइ । सेहमाइए वि वंदइ । ते पुन तं न वंदति । परिहारतवो गिम्ह-सिसिर-वासासु जहन्नमज्जिमुक्कोसो । गिम्हे चउत्थ-छट्ट-ट्टमाइं । सिसिरे छट्ट-ट्टम-दसमाइं । वासासु अट्टम-दसम-बारसन्ताइं । पारणए अलेवकडं । संखेवओ अनवट्टप्पारिहं भणियं ॥ अहुना पारंचियारिहं भन्नइ —

मू. (९४) तित्थयर-पवयण-सुयं आयरियं गणहरं महिट्ठियं ।
आसायंतो बहुसो आभिनिवेसेण पारंची ॥

चू. तित्थगराई जहा अनवट्टप्पे तहा इहं पि भाणिव्वो । गणहरो तित्थगरानंतरसीसो, सो महिट्ठियगहणेण गहिओ जो । जहिं जुगप्पहाणो । आयो लाभो संपत्ती य एगट्टा तस्स साडणा आसायना । जहा जहा अभिनिवेसेण हीलेई तहा तहा आयस्स साडणं करित्तो पारंचियं पावइ ।

मू. (९५) जो य स-ल्लिगे दुट्ठो कसाय-विसए हिं राय-वहगो य ।
राय गमहिसि-पडिसेवओ य बहुसो पगासो य ॥

चू. तओ पारंचिया पन्नत्ता: तं जहा-दुट्ठे पारञ्चिए, मूढे पारञ्चिए, अन्नमन्नं करेमाणे पारंचिए। दुट्ठो दुविहो-कसायदुट्ठो, विसयदुट्ठो य । सपक्ख-परपक्खे चउभंगो । सपक्खो समण समणी । परपक्खो गिहत्था । तत्थ कसायदुट्ठे उदाहरणं-सासनवाले मुहनंतए य सिहिरिणि उलुगच्छिओ त्ति । विसयदुट्ठे वि चउभंगो । तत्थ दुविह-दुट्ठो वि पढम-बिईयभंगे वट्टमाणो लिंगओ पारञ्ची । तईए अइसई देजा । अनइसई न देइ लिंग । रायवहओ जहा उदाइमारओ अन्नो वा । राइओ वा अग्गमहिसिं पडिसेवेइ । अग्गमहिसिग्गहणेण अन्नावि जाइइ । च सट्ठेण जुवराय-सेनावइमाइणं वा अग्गमहिसीओ । बहुसो पुनो पुनो य; लोगपगासो य जो य पारञ्चियं पावइ । इयरासु महिलासु पुन किं न पारंचि ? भन्नइ-बहु अवाया रायग्गमहिसीए । कुल-गण-संघ-आयरिय-पत्थारनिव्वि-सयाईया दोसा जओ पहवन्ति त्ति । इयरमहिलासु पुन वयभंगदोसो, एगस्स य अवाओ होज्जा तेणं मूलं ।

मू. (९६) थीणद्धि-महादोसो अन्नोऽन्नासेवणापसत्तो य ।
चरिमट्टाणावत्तिसु बहुसो य पसज्जए जो उ ॥

चू. थीणद्धी दरिसणावरण-कम्मभेओ निद्दा-पणगस्स । अइसंकिलिट्ट-परिणामा थीणद्धी । पदुट्टमुव्वाभिलिसिओवरि सुत्तो वावारए केसवबलद्धं च जायए । उदाहरणाइं-पोगलमोयगदंते फरुसगवडसालभंजणे चेव । एवमाइं उदाहरणा । अन्नोन्नासेवणं-अन्नोन्नाहिट्टाणासेवणन्ति भणियं होइ । तत्थ पारञ्चियं । बहुसो पुनो पुनो य तेसु पारञ्चियावराहेसु पगरिसेण सज्जए पसज्जए जो ।

मू. (९७) सो कीरइ पारंची लिंगाओ १-खेत २-कालओ ३-तवओ य ४।
संपागड-पडिसेवी लिंगाओ थीणगिद्धी य ॥

चू. सो य पारंचिओ चउव्विहो-लिंगओ, खेतओ, कालओ, तवओ' । तत्थ दव्व-भावलिंगे चउभंगो । थीणद्धिमहादोसो । अन्नोन्नासेवणा-पसत्तो । रायवहओ अग्गमहिसीपडिसेवनाइएसु

अवराहेसु उभयलिङ्गेणावि पारंची ।

मू. (९८) वसहि-निवेसन-वाडग-साहि-निओग-पुर-देस-रज्जाओ ।

खेत्ताओ पारंची कुल-गण-संघालयाओ वा ॥

मू. (९९) जत्युप्पन्नो दोसो उप्पज्जिस्सइ य जत्य नाऊणं ।

तत्तो तत्तो कीरइ खेत्ताओ खेत्त-पारंची ॥

मू. खेत्तपारञ्चिओ जो जम्मि खेत्ते दूसिओ अच्छमाणो वा दोसं पावेज्जा । वसहीए एवं निवेसण-पाडग-साही-निओग-पुर-देस-रज्जाओ य जत्य जत्य दोसमावन्नो आवज्जिस्सइ वा ताओ ताओ खेत्तपारञ्चिओ कीरइ ।

मू. (१००) जत्तिय-मेत्तं कालं तवसा पारंचियस्स उ स एव ।

कालो दु-विगप्पस्स वि अनवड्ढप्पस्स जोऽभिहिओ ॥

मू. जो जावईयं कालं अनुवसंतदोसो, दूसइ वा जावईयं कालं सो कालपारंचिओ । तवसा पारंचिओ दुविहो-आसादनापारंचिओ, पडिसेवणापारंचिओय । आसायणापारंचिओ तित्थगराइ द्वाणेषु । विभासा पुव्वभणिया । पडिसेवणापारंचिओ तिविहो-दुट्ठे पारंचिए, पमत्ते पारंचिए, अन्नमन्नं करेमाणे पारंचिए । दुट्ठो दुविहो-कसायविसएहिं पुव्वभणिओ । पमत्तो पारंचिए-‘कसाय-विगहा-वियड-इंदिय-निद्द-प्पमाय इति । एए भाणियव्वा वित्थरओ । अन्नमन्नं करेमाणो पुव्वभणिओ । आसायणापारंचिओ जहन्नेन छम्भासा, उक्कोसेण संवच्छरं । पडिसेवणा-पारंचिओ जहन्नेन बारसमासे उक्कोसेणं बारसवासा । संघयणाइया गुणा जहा अणवड्ढप्पे; तवो वि तह चेव ।

मू. (१०१) एगागी खेत्त-बहिं कुणइ तवं सु-विउलं महासत्तो ।

अवलोयणमायरिओ पइ-दिनमेगो कुणइ तस्स ॥

मू. जिनकप्पियपडिरुविओ खेत्तबाहिं ठाइ अद्धजोयणबाहिरओ । जओ विहरइ आयरिओ तओ तओ सो वि विहरइ । खेत्तओ बाहिरओ ठियस्स आयरिओ पइदिवसं अवलोयणं करेइ । सुत्तत्थपोरिसीओ दोन्नि वि दाउं गच्छइ तस्स समीवं । अहवा अत्थपोरिसिं अदाउं गच्छइ । अहवा दोन्निवि अदाऊण गच्छइ । अहवा दुव्वलो, असमत्थो तद्दरं गंतुं, कुलाइकज्जेहिं वा वावडो, ताहे गीयत्थं सीसमन्नं वा पेसेइ । भत्तपाणं चायरियस्स आयरियपेसवियस्स वा अगिलाणो सयमेव करेइ । अह गिलाणो तो आयरिओ अन्नो वा से भत्ताइ आहारइ उव्वत्तणाइयं पि से कुणइ । सुत्तत्थेषु आयरिओ अन्नो वा से पडिपुच्छणं देइ । एवमेयं संखेवपारंचियारिहं भणियं ।

मू. (१०२) अनवड्ढप्पो तवसा तव-पारंची य दो वि वोच्छिन्ना ।

चोदस-पुव्वधरम्मी, धरंति सेसा उ जा तित्थं ॥

मू. तवअनवड्ढप्पो तवपारंचिओ य भद्दाहुसामिम्मि चरिमचउदस-पुव्वधरे दो वि वोच्छिन्ना । लिङ्ग-खेत्त-कालाणवड्ढप्प-पारंचिया ताव अनुसज्जिज्जंति जाव तित्थं ।

मू. (१०३) इय एस जीयकप्पो समासओ सुविहियानुक्पाए ।

कहिओ, देयोऽयं पुन पत्ते सुपरिच्छिय-गुणम्मि ॥

मू. इतिकरणो परिसमत्तिवयणो । एस इति अनंतरुद्धिद्वो जीयकप्पो जीयववहारो कप्पो । वण्णणा परवणय त्ति एगद्धा । समासओ संखेवओ । सोहणं विहियं जेसिं नाणाइयं ते सुविहिया

साहू । तेसिमनुकंपानिमित्तं । कहिओ अक्खाओ । देओ दायव्वो अयं पुन । कहिं ? पत्ते । किंविस्सिट्ठे ? संविग्गवज्जभीरू, परिणामगपडजोगी, आयरियवन्नवादी, संगहसीलो, अपरितंत-बहुसुयमेहावी; एवमाइगुणसंपन्ने पत्ते । पुन सद्दोऽवधारणे । पत्ते चेव दायव्वो, नापत्ते । सुद्ध परिच्छिया गुणा जस्स । एए चेव संविग्गाई भणिया गुणा । आइमज्झावसाणेसु ताव-च्छेय-निघसेसु य जच्चसुवन्नमिव अविगारि जं, तं सुपरिच्छियगुणं; तम्मि सुपरिच्छियगुणे सुत्तत्थयओ देओयमिति ।

इति जेन जीयदानं साहूणऽइयारपंकपरिसुद्धिकरं ।
गाहाहिं फुडं रइयं महरपयत्थाहिं पावणं परमहियं ॥
जिनभद्दखमासमणं निच्छियसुत्तत्थदायगामलचरणं ।
तमहं वंदे पयओ परमं परोवगारकारिणमहग्घं ॥
मुनि दीपरत्नसागरेण संशोधिता सम्पादिता जीतकल्प सूत्रस्य
सिद्धसेन गणिविरचिता घूर्णिः परिसमाप्ता

३८

पंचम छेदसूत्रं जीतकल्पसूत्रं समाप्तम्

नमो नमो निम्पल दंतणस्स
पंचम गणधर श्री सुधर्मास्वामिने नमः

३९ महानिशीथं - छेदसूत्रं

[मूलम्]

षष्ठं छेद सूत्रं

★ मूलम् एव (सधन तपास पछी पक्ष अभने आ सूत्र ७पर को ७४ वृत्ति-यूक्तिं
निर्युक्ति आदि भजेल नथी भाटे मात्र मूल ४ आपेले छे

अध्ययनं-१- शल्योद्धरणम्

मू. (१) ओम् नमो तित्थस्स, ओम् नमो अरहंताणं, सुयं मे आउसं तेनं भगवया एवमक्खायं-
इह खलु छउमत्थ-संजम-किरियाए वट्टमाणे जे णं केइ साहू वा साहूणी वा से णं इमेणं परमत्थ-
तत्त-सार-सब्भूयत्थ-पसाहग-सुमहत्थातिसय-पवर-वर-महानिशीह-सुयक्खंध-सुयानुसारेणं तिविहं
तिविहेणं सव्व-भाव-भावंतरंतरेहि णं नीसल्ले भवित्ताणं आयहियट्ठाए अच्चंत-घोर-वीरुग्ग-कट्ट-
तव-संजमानुट्ठाणेषु सव्व-पमाया-लंबण-विप्पमुक्के अनुसमयमहिन्नसमनालसत्ताए सययं अनि-
व्विन्ने अनन्-परम-सद्धा-संवेग-वेरग्ग-मग्गए निन्नियाणो अनिगूहिय-बल-वीरिय-पुरिसक्कार-
परक्कमे अगिलानीए वोसट्ट चत्त-देहे सुणिच्छि-एग्गचित्ते-अभिकखणं अभिरमेज्जा ।

मू. (२) नोणं राग-दोस-मोह-विसय-कसाय-णाणालंबणानेग-पमाय-इड्ढि-रस-साया गारवरोद्द-
ट्टज्जाण-विगहाभिच्छत्ताविरइ-दुट्ट-जोग-नाययणसेवणा-कुसीलादि-संसग्गी-पेसुन्न ऽब्भक्खाण-
कलह-जातादि-मय-मच्छरामरीस-ममीकार-अहंकारादि-अणेग-भेय-भिन्न-तामस-भाव-कलु-
सिएणं हियएणं हिंसायि-चोरिक्क-मेहुण-परिग्गहारंभ-संकप्पादि-गोयर-अज्झवसिए-धोर-पयंड-
महारोद्द-घन-चिक्कणं-पावकम्म-मल-लेव-खवलिए असंवुडासव-दारे ।

मू. (३) एक्क-खण-लव-मुहुत्त निमिस-निमिसद्धब्भंतरमवि ससल्ले विरत्तेज्ज तंजहा -

मू. (४) उवसंते सव्वभावेणं विरत्ते य जया भवे ।
सव्वत्थ विसए आया रागेयर-मोह-वज्जिरे ॥

मू. (५) तथा संवेगमावन्ने पारलोइय वत्तणि ।
एग्गनेसती सम्मं हा मओ कत्थ गच्छिहं ॥

मू. (६) को धम्मो को वओ नियमो को तवो मेऽनुचिड्ढिओ ।
किं सीलं धारियं होज्जा को पुन दानो पयच्छिओ ॥

मू. (७) जस्सानुभाव ओन्नत्थ हीन-मज्झुत्तमे कुले ।
सग्गे वा मनुय-लोए वा सोक्खं रिद्धिं लभेज्जहं ॥

मू. (८) अहवा किंथ विसाएण सव्वं जाणामि अतियं ।

- दुच्चरियं जारिसो याहं जे मे दोसा य जे गुणा ॥
 मू. (९) घोरंधयार-पायाले गमिस्सेऽहमनुत्तरे ।
 जत्थ दुक्ख-सहस्साइं अनुभविस्सं चिरं बहूं ॥
 मू. (१०) एवं सव्वं वियाणंते धम्माधम्मं सुहासुहं ।
 अत्येगे गोयमा पाणी जे मोहायहियं न चिट्ठए ॥
 मू. (११) जे यावाय-हियं कुञ्जा कत्थई पारलोइयं ।
 मायाडंभेण तस्सावी सयमवी तं न भावए ॥
 मू. (१२) आया सयमेव अत्ताणं निउणं जाणे जहड्डियं ।
 आया चेव दुपत्तिजे धम्ममवि य अत्त-सक्खियं ॥
 मू. (१३) जं जस्सानुमयं हियए सो तं ठावेइ सुंदर-पएसु ।
 सदूली निय-तणए तारिसकूरे वि मन्नइ विसिट्ठे ॥
 मू. (१४) अत्तत्तीया समेच्चा सयल-पाणिणो कप्पयंतऽप्पणप्पं ।
 दुडुं वइ-काय-चेट्ठं मणसिय-कलुसं जुंजयंते चरंते ॥
 निदोसे तं च सिट्ठे ववगय-कलुसे पक्खवायं विमुच्चा ।
 विक्खंतऽच्चंतपावे कलुसिय-हिययं दोस-जालेहिं नद्धं ॥
 मू. (१५) परमत्थ-तत्त-सिट्ठं सब्भूयत्थ पसाहंग ।
 तब्भणियानुट्ठाणेणं जे आया रंजए सकं ॥
 मू. (१६) तेसुत्तमं भवे धम्मं उत्तमा तव-संपया ।
 उत्तम सील-चारित्तं उत्तमा य गती भवे ॥
 मू. (१७) अत्येगे गोयम पाणी जे एरिसमवि कोडिं गते ।
 ससल्ले चरती धम्मं आयहियं नाव बुज्झइ ॥
 मू. (१८) ससल्लो जइ वि कड्डुगं घोर-वीर-तवं चरे ।
 दिव्वं वाससहस्सं पि ततो वी तं तस्स निष्फलं ॥
 मू. (१९) सल्लं पि भन्नई पावं जं नालोइय-निंदियं ।
 न गरहियं न पच्छित्तं कयं जं जह य भाणियं ॥
 मू. (२०) माया-डंभमकत्तव्वं महापच्छन्न-पावया ।
 अयज्ज-मनायारं च सल्लं कम्मट्ट-संगहो ॥
 मू. (२१) संजम-अहम्मं च निस्सील-व्वतता वि य ।
 सकुलसत्तमसुद्धी य सुकयनासो तहेव य ॥
 मू. (२२) दुग्गइ-गमन मनुत्तारं दुक्खे सारीर-मानसे ।
 अव्वोच्छिन्ने य संसारे विग्गोवणया महंतिया ॥
 मू. (२३) केसं विरूव-रूवत्तं दारिदं-दोहग्गया ।
 हा हा-भूयसवेयणया-परिभूयं च जीवियं ॥
 मू. (२४) निग्घिण-निर्त्तिस-कूरत्तं निहय-निक्खिवयावि य ।

- मू. (२५) निलज्ज-गूढहियत्तं वंक्-विवरीय-चित्तया ॥
रागो दोसो य मोहो च मिच्छत्तं घन-चिक्कणं ।
सम्मग्गनासो तह य एगे ऽजस्सित्तमेव य ॥
- मू. (२६) आणा-भंगमबोही य ससल्लत्ता य भवे भवे ।
एमादी पाव-सल्लस्स नामे एगट्टिए बहू ॥
- मू. (२७) जे णं सल्लिय-हिययस्स एगस्सी बहू-भवन्तरे ।
सव्वंगोवंग-संधीओ पसल्लंती पुणो पुणो ॥
- मू. (२८) से य दुविहे समक्खए सल्ले सुहुमे य बायरे ।
एक्केक्के तिविहे नेए घोरुग्गुगतरे तहा ॥
- मू. (२९) घोरं चउव्विहा माया घोरुग्गं माणं-संजुया ।
माया लोभो य कोहो य घोरुग्गुगतं मुने ॥
- मू. (३०) सुहुम-बायर-भेएणं सप्पभेयं पिमं मुनी ।
अइरा समुद्धरे खिप्पं ससल्ले नो वसे खणं ॥
- मू. (३१) खुड्डुलगे वि अहिपोए सिद्धत्थयतुल्ले सिही ।
संपलग्गे खयं नेइ नर-पुरे विंझाडइं ॥
- मू. (३२) एवं तनु-तनुययरं पावसल्लमनुद्धियं ।
भव-भवन्तरकोडीओ बहु संतावपदं भवे ॥
- मू. (३३) भयवं सुदुद्धरे एस पावसल्ले दुहप्पए ।
उद्धरिउं पि न याणंती बहवे जह वुद्धरिज्जइं ॥
- मू. (३४) गोयमा निम्मूलमुद्धरणं निययमे तस्स भासियं ।
सुदुधरस्सावि सल्लस्स सव्वंगोवं-भेदिनो ॥
- मू. (३५) सम्महंसणं पढमं सम्मन्नाणं बिइज्जयं ।
तइयं च सम्मचारित्तं एगभूययमिमं तिगं ॥
- मू. (३६) खेत्तीभूते वि जे जित्ते जे गूढेऽहंसणं गए ।
जे अत्थीसु ठिए केई जेतियमब्भन्तरं गए ॥
- मू. (३७) सव्वंगोवं-संखुत्ते जे सव्वन्तर-बाहिरे ।
सल्लंती जे न सल्लंती ते निम्मूले समुद्धरे ॥
- मू. (३८) हयं नाणं कियाहीनं हया अन्नाणतो किया ।
पासंतो पंगुलो दट्ठो धावमाणो य अंधओ ॥
- मू. (३९) संजोग-सिद्धीअ उ गोयमा फलं नहु एगचक्केन रहो पयाइं ।
अंधो य पंगू य लवणे समिद्धा ते संपउत्ता नगरं पविट्ठा ॥
- मू. (४०) नाणं पयासयं सोहओ तवो संजमो य गुत्तिकरो ।
तिण्हं पि समाओगे गोयम मोक्खो न अन्नहा उ ॥
- मू. (४१) ता नीसल्ले भवित्ताणं सव्वसल्ल-विवज्जिए ।

- जे धम्मसमनु चिट्ठेज्जा सव्व-भूयऽपकपि वा ॥
 मू. (४२) तस्स णं सफलं होज्जा जम्म-जम्मंतरेसु वि ।
 विउला संपय-रिद्धी य लभेज्जा सासयं सुहं ।
 मू. (४३) सल्लमुद्धरिउ-कामेणं सुपसत्थे सोहणे दिने ।
 तिहि-करण-मुहुत्त नक्खत्ते जोगे लग्गे ससी-बले ॥
 मू. (४४) कायव्वाऽऽयंबिल-क्खमणं दस दिने पंचमंगलं ।
 परिजवियव्वेऽड्डसयं सयहा तदुवरिं अड्डमं करे ॥
 मू. (४५) अड्डम-भत्तेण पारेत्ता काउणायंबिलं तओ ।
 चेइय-साहू य वंदित्ता करिज्ज खंतमरिसियं ॥
 मू. (४६) जे केइ दुड्ड संलत्ते जस्सुवरिं दुड्ड-चित्तियं ।
 जस्स य दुड्ड कयं जेन पडिदुड्ड वा कयं भवे ॥
 मू. (४७) तस्स सव्वस्स तिविहेण वाय मनसा य कम्पुणा ।
 नीसल्लं सव्वभावेणं दाउं मिच्छा मि दुक्कडं ॥
 मू. (४८) पुणो वि वीयरगाणं पडिमाओ चेइयालए ।
 पत्तेयं संथुणे वंदे एगगो भत्ति-निब्भरो ॥
 मू. (४९) वंदित्तु चेइए सम्मं छड्डभत्तेण परिजवे ।
 इमं सुयदेवयं विज्जं लक्खहा चेहयालए ॥
 मू. (५०) उवसंतो सव्वभावेणं एगचित्तो सुनिच्छिओ ।
 आउत्तो अव्वक्खित्तो रागरइ-अरइ-वज्जिओ ॥
 मू. (५१) अउम् न् अम् ओ क् ओ इ अ ब् उ ङ् ई ण् अम्,
 अउम् न् अम् ओ प् अ य् आ न् उ स् आ र् ई ण् अम्,
 अ उम् न् अम् ओ स् अ म् भ् इ ण् अस् ओ ई ण् अम्
 अउम् न् अम् ओ ख् ई र् आ स व्व ल् ङ् ई ण् अम्,
 अइम् न् अम् ओ स व्व् ओ सहि ल् ङ् ई ण् अम्
 अउम् न् अम् ओ अक् ख् ई न् अम् अह् आ न् स ल् ङ् ई ण् अम्,

अउम् न् अम् ओ भगवओ अरहओ महइ महावीरवद्धमाणस्स धम्मतित्थंकरस्स
 अउम् न् अम् ओ सव्व धम्मतित्थंकारणं अउम् न् अम् ओ सव्व सिद्धाणं अउम् न् अम् ओ सव्व साहूणं
 अउम् न् अम् ओ भगवतो मइ न् आ णस्स अउम् न् अम् ओ भगवओ सुय न् आणस्स अउम् न् अम् ओ
 भगवओ ओहइन् आणस्स अउम् न् अम् ओ भगवओ मनपज्जव न् आ णस्स अउम् न् अम् ओ
 भगवओ क् ए वल न् आ णस्स अउम् न् अम् ओ भगवतीए सुय द् ए व् अ य् आ ए सिज्जउ म् ए सु य्
 आ हि वा (एसा महा) विज्जा अउम् न् अम् ओ भगवओ अउम् न् अम् ओ व् अम् अउम् न् अम् ओ
 अउम् न् अम् ओ आ औ अभिवत्तीलक्खणं सम्महंसणं अउम् न् अम् ओ अड्डआ र् स अ् सई ल् अम् ग-
 सहस्साहिड्डियस्स न् ई स् अम् ग न् ई ऋ इ य् आ न् अ न् ई सल्ल न् इ भय सल्लगतण स् अ र् अ न् न
 सव्वदुक्खनिम्भहण-परमनिव्वुइकरस्स णं पवयणस्स परमपवित्तुमस्सेति

मू. (ॐ नमो कोट्टबुद्धीणं ॐ नमो पयानुरारीणं ॐ नमो संभिन्नसोईणं ॐ नमो खीरासवलद्धीणं ॐ नमो सव्वोसहिलद्धीणं ॐ नमो अक्खीणमहानसलद्धीणं ॐ नमो भगवओ अरहओ महइमहावीर वद्धमाणस्स धम्मतिथंकरस्स ॐ नमो सव्वधम्मतिथंकराणं ॐ नमो सव्वसिद्धाणं ॐ नमो सव्वसाहूणं ॐ नमो भगवतो मइनाणस्स, ॐ नमो भगवओ सुयनाणस्स, ॐ नमो भगवओ ओहिनाणस्स ॐ नमो भगवओ मनपज्जवनाणस्स ॐ नमो भगवओ केवलनाणस्स नमो भगवतीए सुयदेवयाए सिज्जउ मे सुयाहिवा विज्जा ॐ नमो भगवओ ॐ नमो वं ॐ नमो ॐ नमो आ औ अभिवती लक्खणं सम्मदंसणं ॐ नमो अट्टारससीलंगसहस्साहिद्वियस्स नीसंगनिन्नियाण नीसल्लनिभय-सल्लगतण सरणण सव्वदुक्ख-निम्महण-परम-निव्वुइकरस्स णं पवयणस्स परम पवित्तुत्तमस्सेति ॥

मू. (५२) एसा विज्जा सिद्धंतिएहिं अक्खरेहिं लिखिया एसा य सिद्धंतिया लीवी अमुणिय-समयसब्भावाणं सुयधरेहिं णं न पन्नवेव्वा तह य कुसीलाणं च ॥

- मू. (५३) इमाए पवर-विज्जाए सव्वहा उ अत्तानगं ।
अहिमंतेऊण सोवेज्जा खंतो दंतो जिइंदिओ ॥
- मू. (५४) नवरं सुहासुहं सम्मं सिविणगं समवधारए ।
जं तत्थ सिविएगे पासे तारिसगं तं तहा भवे ॥
- मू. (५५) जइ णं सुंदरगं पासे सिमिणगं तो इमं महा ।
परमत्थ-तत्त-सारत्थं सल्लुद्धरणं सुणेत्तुणं ॥
- मू. (५६) देज्जा आलोयणं सुद्धं अट्ट-मय-ट्टाण-विरहिओ ।
रंजंतो धम्मतिथयरे सिद्धे लोग्ग-संठिए ॥
- मू. (५७) आलोएत्ताण नीसल्लं सामत्तेण पुणो विय ।
वंदिता चेइए साहू विहि-पुव्वेण खमावए ॥
- मू. (५८) खामेत्ता पाव-सल्लस्स निम्मूलुद्धरणं पुणो ।
करेज्जा विहि-पुव्वेणं रंजंतो ससुरासुरं जगं ॥
- मू. (५९) एवं होऊण नीसल्लो सव्व-भावेण पुनरवि ।
विहि-पुव्वं चेइए वंदे खामे साहम्भिए तहा ॥
- मू. (६०) नवरं जेन समं वुत्थो जेहिं सद्धिं पविहरिओ ।
खर-फरुसं चोइओ जेहिं सयं वा जो य चोइओ ॥
- मू. (६१) जो वि य कज्जमकजे वा भणिओ खर-फरुस-निट्टुरं ।
पडिभणियं जेन वी किंचि सो जइ जीवइ जई मओ ॥
- मू. (६२) खामेयव्वो सव्व-भावेण जीवंतो जत्थ चिट्ठइ ।
तत्थ गंतूण विनएन मओ वी साहुसिक्खयं ॥
- मू. (६३) एवं खामण-मरिसामणं काउं तिहुयणस्स वि भावओ ।
सुद्धो मन-वइ-काएहिं एयं घोसेज्ज निच्छिओ ॥

- मू. (६४) खामेमि अहं सव्वे सव्वे जीवा खमंतु मे ।
मिती मे सव्वभूएसुं वेरं मज्झं न केणई ॥
- मू. (६५) खमामि हं पि सव्वेसिं सव्व-भावेण सव्वहा ।
भवभवेसु वि जंतूण वाया-मनसा य कम्मणा ॥
- मू. (६६) एवं घोसेत्तु वंदिज्जा चेइय-साहू विहीय इ ।
गुरुस्सावि विही-पुव्वं खामण-मरिसामणं करे ॥
- मू. (६७) खमावेत्तु गुरुं सम्मं तान-महिमं स-सत्तिओ ।
काऊणं वंदिऊणं च विहि-पुव्वेण पुणो वि य ॥
- मू. (६८) पमत्थ-तत्त-सारत्थं सल्लुद्धरणमिमं सुणे ।
सुणिता तहमालोए जह आलोयंतो चेव उप्पए केवलं नाणं ॥
- मू. (६९) दिन्नेरिस-भावत्येहिं नीसल्ल आलोयणा ।
जेनालोयमाणणं चेव उप्पन्नं तथेव केवलं ॥
- मू. (७०) केसिं चि साहिमो नामे महासत्ताण गोयमा ।
जेहिं भावेनालोययंतहिं केवलनाणमुप्पाइयं ॥
- मू. (७१) हा हा दुडु-कडे साहू हा हा दुडु विचित्तिरे ।
हा हा दुडु-भणिरे साहू हा हा दुडुमनुमते ॥
- मू. (७२) संवेगालोयगे तह य भावालोयण-केवली ।
पय-खेव-केवली चेव मुहनंतग-केवली तहा ॥
- मू. (७३) पच्छित्त-केवली सम्मं महा-वेरग्ग-केवली ।
आलोयणा केवली तह य हा हं पावि त्ति-केवली ॥
- मू. (७४) उस्सुत्तुम्मग्ग-पन्नवए हा हा अनायार-केवली ।
सावज्जं न करेमि त्ति अक्खंडिय-सील-केवली ॥
- मू. (७५) तव-संजम-वय-संरक्खे निंदण-गरिहणे तहा ।
सव्वत्तो सील-संरक्खे कोडी-पच्छित्तए वि य ॥
- मू. (७६) निप्परिकम्मे अकंडुयणे अनिमिसच्छी य केवली ।
एग-पासित्त दो पहरे मूणव्वय-केवली तहा ॥
- मू. (७७) न सक्को काउ सामन्नं अनसने ठामि केवली ।
नवकारकेवली तह य निच्चालोयण-केवली ॥
- मू. (७८) निसल्ल-केवली तह य सल्लद्धरणकेवली ।
धन्नेमि त्ति सपुन्नो स ता हं पी किं न केवली ॥
- मू. (७९) ससल्लो हं न पारेमि चल-कडु-पय-केवली ।
पक्ख-सुद्धाभिहाणे य चाउम्मासी य केवली ॥
- मू. (८०) संवच्छर-मह-पच्छित्ते हा चल-जीविते तहा ।
अनिच्चे खण-विद्धंसी मनुयत्ते केवली तहा ॥

- मू. (८१) आलोय-निन्द-वन्दियए घोर-पच्छित्त-दुक्करे ।
लक्खोवसग्ग-निवासे य अट्टकवलासि केवली ॥
- मू. (८२) हत्थोसरण-निवासे य अट्टकवलासि केवली ।
एग-सित्थग-पच्छित्तो दस-वा से केवली तथा ॥
- मू. (८३) पच्छित्ताढवगे चेव पच्छित्तद्ध-कय-केवली ।
पच्छित्त-परिसमत्ती य अट्ट-स-उक्कोस-केवली ॥
- मू. (८४) न सुद्धी वि न पच्छित्ता ता वरं खिप्प केवली ।
एगं काऊण पच्छित्तं बीयं न भवे जह चेव केवली ॥
- मू. (८५) तं चायरामि पच्छित्तं जेनागच्छइ केवली ।
तं चायरामि जेन तवं सफलं होइ केवली ॥
- मू. (८६) किं पच्छित्तं चरंतो हं चिट्ठं नो तव-केवली ।
जिणाणमाणं न लंघे हं पान-परिच्चयण-केवली ॥
- मू. (८७) अन्नं होही सरीरं मे नो बोही चेव केवली ।
सुलद्धमिणं सरीरेणं पाव-निड्डहण-केवली ॥
- मू. (८८) अनाइ-पाव-कम्म-मलं निद्धोवेमीह केवली ।
बीयं तं न समायरियं पमाया केवली तथा ॥
- मू. (८९) दे दे खवओ सरीरं मे निज्जरा भवउ केवली ।
सरीरस्स संजमं सारं निक्कलंक तुं केवली ॥
- मू. (९०) मनसा वि खंडिए सीले पाणे न धरामि केवली ।
एवं वइ-काय-जोगेणं सीले रक्खे अहं केवली ॥
- मू. (९१) एवमादी अनादीया कालाओ नंते मुनी ।
केइ आलोयणा सिद्धे पच्छित्ता केइ गोयमा ॥
- मू. (९२) खंता दंता विमुत्ता य जिइंदी सच्च-भासिणो ।
छक्काय-समारंभाओ विरते तिविहेण उ ॥
- मू. (९३) ति-दंडासव-विरया य इत्थि-कहा-संग-वज्जिया ।
इत्थी-संलाव-विरया य अंगोवंग-ऽनिरिक्खणा ॥
- मू. (९४) निम्ममत्ता सरीरे वि अण्णडिबद्धा महायसा ।
भीया छि-छि-गम्भवसहीणं बहु-दुक्खउ भवाउ तथा ॥
- मू. (९५) तो एरिसेण भावेणं दायव्वा आलोयणा ।
पच्छित्तं पि य कायव्वं तथा जहा चेवेएहिं कयं ॥
- मू. (९६) न पुणो तथा आलोएयव्वं माया-डंभेण केणई ।
जह आलोएमाणाणां चेव-संसार-वुट्ठी भवे ॥
- मू. (९७) अनंते ऽ नाइकालाओ अत्त-कम्मेहिं दुम्मई ।
बहुविकल्प-कल्लोले आलोएंतो वी अहोगए ॥

- मू. (९८) गोयम केसिं चि नामाई साहिमो तं निबोधय ।
जे साऽऽलोयण-पच्छित्ते भाव-दोसेक्क-कलुसिए ॥
- मू. (९९) ससल्ले घोर-महं दुक्खं दुरहियास सु-दूसहं ।
अनुहवंति वि चिट्ठंति पाव-कम्मे नराहमे ॥
- मू. (१००) गुरुगा संजमे नाम साहू निद्धंधसे तथा ।
दिट्ठि-वाया-कुसीले य मन-कुसीले तहेव य ॥
- मू. (१०१) सुहुमालोयगे तह य परववएसालोयगे तथा ।
किं किंचालोयगे तह य न किंचालोयगे तथा ॥
- मू. (१०२) अकयालोयणे चेव जन-रंजवणे तथा ।
नाहं काहामि पच्छित्तं छम्मालोयणमेव य ॥
- मू. (१०३) माया-डंभ-पवंची य पुर-कड-तव-चरणं कहे ।
पच्छित्तं नत्थि मे किंचि न कया लोयनु च्चरे ॥
- मू. (१०४) आसन्नालोयणक्खाई लहु-लहु-पच्छित्तं-जायगे ।
अम्हानालोइयं चिट्ठे मुहबंधलोयगे तथा ॥
- मू. (१०५) गुरु-पच्छित्ताऽहमसक्केय गिलाणालंबणं कहे ।
अरडालोयगे साहू सुन्नाऽसुन्नी तहेव य ॥
- मू. (१०६) निच्छिन्ने वि य पच्छित्ते न काहं वुट्ठिजायगे ।
रंजवण-मेत्तलोगाणं वाया-पच्छित्ते तथा ॥
- मू. (१०७) पडिवज्जण-पच्छित्ते चिर-याल-पवेसगे तथा ।
अननुट्ठिय-पायच्छित्ते अनुभणियऽन्नहाऽऽयरे तथा ॥
- मू. (१०८) आउट्ठीय महा-पावे कंदप्पा-दप्पे तथा ।
अजयणा-सेवणे तह य सुयाऽसुय-पच्छित्ते तथा ॥
- मू. (१०९) दिट्ठ-पोत्थय-पच्छित्ते सयं पच्छित्त-कम्पगे ।
एवइयं एत्थ पच्छित्तं पुव्वालोइय-मनुस्सरे ॥
- मू. (११०) जाती-मय-संकिए चेव कुल-मय-संकिए तथा ।
जाती-कुलोभय-मयासंके सुत-लाभिस्सरिय-संकिए तथा ॥
- मू. (१११) तवो-मया-संकिए चेव पंडिच्च-मय-संकिए तथा ।
सक्कार-मय-लुद्धे य गारव-संदूसिए तथा ॥
- मू. (११२) अपुज्जो वा विहं जम्मे एगजम्भेव चितगे ।
पाविट्ठाणं पि पावतरे सकलुसं-चित्तालोयगे ॥
- मू. (११३) पर-कहावगे चेव अविनयालोयगे तथा ।
अविहि-आलोगये साहू-एवमादी दुरप्पणो ॥
- मू. (११४) अनंतेऽनाइ-कालेणं गोयमा अत्त-दुक्खिया ।
अहो अहो जाव सत्तमियं भाव-दोसेक्कओ गए ॥

मू. (११५) गोयम नंते चिट्ठंति जे अनादीए ससल्लिए ।
निय-भाव-दोस-सल्लाणं भुंजते विरसं फलं ॥
मू. (११६) चिट्ठइसंति अज्जावि तेनं सल्लेण सल्लिए ।
अनंतं पि अनागयं कालं तम्हा सल्लं न धारए खणं मुणि त्ति ॥

मू. (११७) गोयम समणीण नो संखा जाओ निक्कलुस-नीसल्ल-विसुद्ध-सुनिम्मल-विमल-
मानसाओ अज्झप्पविसोहिए आलोइत्ताण सुपरिफुडं नीसकं निखिलं निरावयवं निय-दुच्च-रियमादीयं
सव्वं पि भावसल्लं अहारिहं तवो-कम्मं पायच्छित्तमनुचरिताणं निद्वोयपाव-कम्म-मल-लेव-कलंकाओ
उप्पन्न-दिव्व-वर-केवलनाणाओ महानुभागाओ महायसाओ महा-सत्त-संपन्नाओ-सुगहिय-
नामधेज्जा अनंतुमत्तम-सोक्ख-मोक्खं पत्ताओ

मू. (११८) कासिंचि गोयमा नामे पुत्र-भागाण साहिमो ।
जासिमालोयमाणीणं उप्पन्नं समणीण केवलं ॥
मू. (११९) हा हा हा पाव-कम्मा हं पावा पावमती अहं ।
पाविट्ठाणं पि पावयरा हा हा हा दुट्ठचित्तिमो ॥
मू. (१२०) हा हा इत्थि भावं मे ताविह-जम्मे उवट्ठियं ।
तहावी न धोर-वीरुग्गं कट्ठं तव-संजमं धरं ॥
मू. (१२१) अनंता-पाव-रासीओ सम्भिलियाओ जया भवे ।
तइया इत्थित्तणं लब्भे सुद्धं पावाण कम्माण ॥
मू. (१२२) एगत्थपडी भूताणं समुदय तनुतं तह ।
करेमि जह न पुणो इत्थिहं होमि केवलि ॥
मू. (१२३) दिट्ठे वि न खंडामि सीलं हं समणि-केवलि ।
हा हा मनेन मे किं पि अत्त-दुहत्त-चित्तियं ॥
मू. (१२४) तमालोइत्ता लहुं सुद्धि गेण्हे हं समणि-केवलि ।
दइण मज्झ लावन्नं रूवं कर्त्ति दित्ति सिरिं ॥
मू. (१२५) मा नर-पर्यंगाहमा-जंतु खयं अनसनं समणि य केवली ।
वा तं मोत्तूण नो अन्नो निच्छयं मह तनूच्छीवे ॥
मू. (१२६) छक्काय-समारंभं न करे हं समणि-केवली ।
पोग्गल-कक्खेरु-गुज्झं तं नाहिं जहनंतरे ताह ॥
मू. (१२७) जननीए वि नं दंसेमि सुसंगुत्तं गोवंगा समणी य केवली ।
बहु-भवंतर-कोडीओ घोरं गम्भ-परंपरं ॥
मू. (१२८) परियट्ठीए सुलद्धं मे नाण-चारित्त-संजुयं ।
मानुसजम्मं स-सम्मत्तं पाव-कम्म-खयंकरं ॥
मू. (१२९) ता सव्व-भाव-नीसल्ला आलोएमि खणे खणे ।
पायच्छित्तमनुट्ठाभि बीयं तं न समारंभं ॥
मू. (१३०) जेनागच्छति पच्छित्तं वाया मनसा य कम्मुणा ।

- पुढवि-दगागनि-वाऊ-हरिय-कायं तहेव य ॥
 मू. (१३१) बिय-काय-समारंभं बि-ति-चउ-पंचिदियाण य ।
 मुसाणुपि न भासेमि ससरक्खं पि अदिन्नयं ॥
 मू. (१३२) ने गेण्हं सिमिणंते वि न पत्थं मनसा वि मेहुणं ।
 परिग्गहं न काहामि मुलुत्तर-गुण-खलणं तहा ॥
 मू. (१३३) मय-भय-कसाय-दंडेसु गुत्ती-समितिंदिएसु य ।
 तह अट्टारस-सीलंग-सहस्साहिट्टिय-तनू ।
 मू. (१३४) सज्झाय-झाण-जोगेसुं अभिरमं समणि-केवली ॥
 तेलोक्क-लग्गणक्खंभ-धम्म-तित्थंकरेण जं ॥
 मू. (१३५) तमहे लिंगं धरेमाणी जइ वि हु जंते निफीलियं ।
 मज्झोमज्झी य दो खंडा फालिज्जामि तहेव य ॥
 मू. (१३६) अह पक्खिप्पामि दित्तग्गिं अहवा छिज्जे जई सिरं ।
 तो वी हं नियम-वय-भंगं-सील-चारित्त-खंडणं ॥
 मू. (१३७) मनसा वी एक्क-जम्म-कए न कुणं समणि-केवली ।
 खरुट्ट-साण-जईसुं सरागा हिंडिया अहं ॥
 मू. (१३८) विकम्मं पि समायरि अनंते भव-भवंतरे ।
 तमेव खरकम्ममहं पव्वज्जापट्टिया कुणं ॥
 मू. (१३९) घोरंधयारपायाला जेणं नो नीहरं पुणो ।
 बे दियहे मानुसं जम्मं तं च बहुदुक्ख-भायणं ॥
 मू. (१४०) अनिच्चं खण-विद्धंसी बहु-दंडं दोस-संकरं ।
 तत्थावि इत्थी संजाया-सयल-तेलोक्क-निंदिया ॥
 मू. (१४१) तहा वि पावियं धम्मं निव्विग्घमनंतराइयं ।
 ता हं तं न विराहेमी पाव-दोसेण केणई ॥
 मू. (१४२) सिंगर-राग-सविगारं साहिलासं न चेट्टिमो ।
 पसंताए वि दिट्ठीए मोत्तुं धम्मोवसएसगं ॥
 मू. (१४३) अन्नं पुरिसं न निज्झायं नालवं समणि-केवली ।
 तं तारिसं महापावं काउं अक्कहनीययं ॥
 मू. (१४४) तं सल्लमवि उप्पन्नं जह दत्तालोयण-समणि-केवली ।
 एमादि-अनंत-समणीओ दाउं सुद्धालोयणं ॥
 मू. (१४५) निसल्ला केवलं पप्पा सिद्धाओ अनादी-कालेण गोयमा ।
 खंता दंता विमुत्ताओ जिइंदियाओ सच्च-भाणिरीओ ॥
 मू. (१४६) छ-क्काय-समारंभा विरया तिविहेण उ ।
 ति-दंडासव-संवुत्ता पुरिस-कहा-संगवज्जिया ॥
 मू. (१४७) पुरीस-संलाव-विरयाओ पुरिसंगोवंग-निरिक्खणा ।

- निम्ममत्ताउ स-सरीरे अपडिबिद्धाउ महा-यसा ॥
 मू. (१४८) भीया छि-छि-गब्भ-वसहीणं बहु-दुक्खाओ भवसंसरणाओ तथा ।
 ता रूहिसेण भावेणं दायव्वा अ'लोयणा ॥
- मू. (१४९) पायच्छित्तं पि कायव्वं तह जह रूयाहिं समणीहिं कयं ।
 न उनं तह 'लोएयव्वं माया-डंभेण केणई ॥
- मू. (१५०) जह आलोयमाणीणं पाव-कम्म-वुद्धी भवे ।
 अनंतानाइ-कालेणं माया-डंभ-छम्म-दोसेण ॥
- मू. (१५१) कवडालोयणं काऊं समणीओ ससल्लाओ ।
 आभिओग-परंपरेणं छट्ठियं पुढविं गया ।
- मू. (१५२) कासिंचि गोयमा नमो साहिमो तं निबोधय ।
 जाओ आलोयमाणाओ भाव-दोसेण ॥
- मू. (१५३) सुद्धतरगं पाव-कम्म-मल-खवलिय-तव-संजम-सीलंगाणं ।
 निसल्लतं पसंसियं तं परम भाव-विसोहिए विणाखणद्धंपिनो भवे ॥
- मू. (१५४) ता गोयमकेसिमित्थीणं चित्त-विसोहि सुनिम्मला ।
 भवंतरे वि नो होही जेन नीसल्लया भवे ॥
- मू. (१५५) छट्ठ-ड्ढम-दसम-दुवालसेहिं सुक्खंति के वि समणीओ ।
 तह वि य सराग-भावं नालोयंती न छड्ढति ॥
- मू. (१५६) बहु-विह-विकप्प-कल्लोल-माला-उक्कलिगाहिणं ।
 वियरंत ते न लक्खेज्जो दुरहगाह-मन-सागारं ॥
- मू. (१५७) ते कहमालोयणं देंतु जासिं चित्तं पि नो वसे ।
 सल्लं जो ताणमुद्धरएस-वंदनीओ खणे खणे ॥
- मू. (१५८) असिनेह-पीइ-पुव्वेणं धम्म-सुद्धुल्ल-सावियं ।
 सीलंग-गुणेद्वाणेसुं उत्तमेसुं धरेइ जो ॥
- मू. (१५९) इत्थी बहुबंधणम्मुकं गिह-कलत्तादि-चारगा ।
 सुविसुद्ध-सुनिम्मल-चित्तं नीसल्लं सो महायसो ॥
- मू. (१६०) दड्ढव्वो वंदनीओ य देविंदाणं स उत्तमो ।
 दीनत्थी सव्व-परिभूयं विरइद्वाणे जो उत्तमे धरे ॥
- मू. (१६१) नालोएमी अहं समणी दे कहं किंचि साहुणी ।
 बहुदोसं न कहं समणी जं दिद्धं समणीहिं तं कहं ॥
- मू. (१६२) असावज्ज-कहा समणी बहु आलंबणा कहा ।
 पमायखावगा समणी पाविद्धा बल-मोडी-कहा ॥
- मू. (१६३) लोग-विरुद्ध-कहा तह य परववएसऽऽलोयणी ।
 सुय-पच्छित्ता तह य जायादी-मय-संकिया ॥
- मू. (१६४) मूसगार-भीरुया चेव गारव-तिय-दूसिया तथा ।

- एवमादि-अनेग-भाव-दोस-वसगा पावलेहिं पूरिया ॥
- मू. (१६५) निरंतरा अनंतेन काल-समएण गोयमा ।
अइकंतेन अनंताओ समणीओ बहु-दुक्खावसहं गया ।
- मू. (१६६) गोयम अनंताओ चिद्धंति जा अनादी-सल्ल-सल्लिया ।
भाव-दोसेक्क-सल्लेहिं भुंजमाणीओ कडु-विरसं घोरग्गुग्गतंरं फलं ॥
- मू. (१६७) चिद्धइस्संति अज्जवि तेहिं सल्लहिं सल्लिया ।
अनंत पि अनागयं कालं तन्हा सल्लं सुसुहुमं पि ॥
समणी नो धारिज्जा खणं ति ॥
- मू. (१६८) धग-धग-धगस्स पज्जलिए जालमालाउले ददं ।
हुयवहे वि महाभीमे स सरिंरं दुज्जाए सुहं ॥
- मू. (१६९) पयलित्तिंगार-रासीए एगसि झंपं पुणो जले ।
घल्लितो गिरितो सरिंरं जं मरिज्जेय पि सुक्करं ॥
- मू. (१७०) खंडिय-खंडिय-सहत्येहिं एक्केकमंगावयवं ।
जं होमिज्जइ अग्गीए अनु-दियहेयं पि सुक्करं ॥
- मू. (१७१) खर-फरुस-तिक्ख-करवत्त-दंतेहिं फालाविइं ।
लोणूस-सज्जिया-खारं जं धत्तावेयं पि स-सरिरेऽच्चंत-सुक्करं ॥
जीवंतो सयमवी सक्कं खल्लं उत्तारिऊ न य ॥
- मू. (१७२) जव-खार-हलिद्धादीहिं जं आलिपे नियं तणुमेयं पि सुक्करं ।
छिंदेउणं सहत्थेणं जो धत्ते सीसं नियं ॥
- मू. (१७३) एयं पि सुक्क रमलीहं दुक्करं तव-संजमं ।
नीसल्लं जेणं तं भणियं सल्लो य निय-दुक्खिओ ॥
- मू. (१७४) माया-दंभेण पच्छन्तो तं पायडिउं न सक्कए ।
राया दुच्चरियं पुच्छे अह साहह देह सव्वस्सं ॥
- मू. (१७५) सव्वस्सं पि पएज्जा उ नो निय-दुच्चरियं कहे ।
राया दुच्चरियं पुच्छे साह पुहइं पि देमि ते ॥
- मू. (१७६) पुहवी रज्जं तणं मन्ने नो निय दुच्चरियं कहे ।
राया जीयं निकिंतामि अह निय-दुच्चरियं कहे ॥
- मू. (१७७) पानेहिं पि खयं जंतो निय-दुच्चरियं कहेइ नो ।
सव्वस्सहरणं च रज्जं च पाने वी परिच्चएसु णं ॥
- मू. (१७८) मया वि जंति पायाले निय-दुच्चरियं कहिंति नो ।
जे पावाहम्म-बुद्धिया काउरिसा एगजम्भिणो ॥
ते गोवंति स-दुच्चरियं नो सप्पुरिसा महामती ॥
- मू. (१७९) सप्पुरिसा ते न वुच्चंति जे दानव इह दुज्जने ।
सप्पुरिसा णं चरिते भणिया जे निसल्ला गोयमा ॥

- मू. (१८०) आया अनिच्छमाणो वि पाव-सल्लेहिं गोयमा ।
निमिसद्धानंत-गुणिएहिं पूरिजे निय-दुक्किया ॥
- मू. (१८१) ताइं च ज्ञाण-सज्जाय-घोर-तव-संजमेन य ।
निदंभेण अमाएणं तक्खणं जो समुद्धरे ॥
- मू. (१८२) आलोएत्ताण नीसल्लं निदिउं गरहिउं दढं ।
तह चरती पायच्छित्तं जह सल्लाणमंतं करे ॥
- मू. (१८३) अन्न-जम्म-पहुत्ताणं खेत्ती-भूयाण वी दढं ।
निमिसद्ध-खण-मुहुत्तेणं आजम्भे नेव निच्छिओ ॥
- मू. (१८४) सो सुहडो सो य सप्पुरिसो सो तवस्सी स-पंडिओ ।
खंतो दंतो विमुत्तो य सहलं तस्सेय जीवियं ॥
- मू. (१८५) सूरु य सो सलाहो य दडुव्वो य खणे खणे ।
जो सुद्धालोयणं देंतो निय-दुद्धरियं कहे फुडं ॥
- मू. (१८६) अत्येगे गोयमा पाणी जे सल्लं अद्धउद्धियं ।
माया-लज्जा-भया मोहा झसकारा-हियए धरे ॥
- मू. (१८७) तं तस्स गुरुतरं दुक्खं हीन-सत्तस्स संजणे ।
से चिंते अन्नाण-दोसाओ नोद्धरं दुक्खिज्जिहं किल ॥
- मू. (१८८) एग-धारो दु-धारो वा लोह-सल्लो अनुद्धिओ ।
सल्लेगच्छाम जम्भेगं अहवा संसी भवे इमो ॥
- मू. (१८९) पाव-सल्लो पुणासंख-तिक्ख-धारो सुदारुणो ।
बहु-भवंतर-सव्वंगे भिंदे कुलिसो गिरि जहा ॥
- मू. (१९०) अत्येगे गोयमा पाणी जे भव-सय-साहस्सिए ।
सज्जाय-ज्जाण-जोगेणं घोर-तव-संजमेण य ॥
- मू. (१९१) सल्लाइं उद्धरेऊण चिरयाला दुक्ख-केसओ ।
पमाया बिउण-तिइणेहिं पूरिजंती पुणो वि य ॥
- मू. (१९२) जम्मंतरेसु बहुएसु तवसा निदुद्ध-कम्मणो ।
सल्लुद्धरणस्स सामत्थं भवती कह वि जंतुणो ॥
- मू. (१९३) तं सामग्गिं लभित्ताणं जे पमाय-वसंगए ।
ते मुसिए सव्व-भावेणं कल्लाणाणं भवे भवे ॥
- मू. (१९४) अत्येगे गोयमा पाणी जे पमाय-वसं गए ।
चरंते वी तवं घोरं ससल्लं गोवेंति सव्वहा ॥
- मू. (१९५) नेयं तत्थ वियानंति जहा किम्भेहिं गोवियं ।
जं पंच-लोगपालप्पा-पंचेदियाणं च न गोवियं ॥
- मू. (१९६) पंच-महालोग-पालेहिं अप्पा-पंचिंदिएहि य ।
एक्कारसेहिं एतेहिं जं दिदुं स-सुरासुरे जगे ॥

- मू. (१९७) ता गोयम भाव-दोसेणं आया वंचिज्जई परं ।
जेणं चउ-गइ-संसारे हिंडए सोक्खेहिं वंचिओ ॥
- मू. (१९८) एवं नाऊण कायव्वा निच्छिय-दढ-हियय-धीरिया ।
मह-उत्तिम-सत्त-कुंतेनं भिदेयव्वा माया-रक्खसी ॥
- मू. (१९९) बहवे अज्जव-भावेणं निम्महिऊणं अनेगहा ।
विनयातीहं कुसेणं पुणो मानवाइंदं वसीयरे ॥
- मू. (२००) मद्दव-मुसलेन ता चूरे वसियरिऊं जाव दूरओ ।
ददूणं कोह-लोहाही-मयरे निंदे संघडे ॥
- मू. (२०१) कोहो य मानो य अनिगहीया माया य लोभो य पवहुमाना ।
चत्तारि एए कसिणा कसाया पायंति सल्ले सुदुरुद्धरे बहुं ॥
- मू. (२०२) उवसमेन हने कोहं मानं मद्दवया जिने ।
मायं चज्जव-भावेणं लोहं संतुड्ढिए जिने ॥
- मू. (२०३) एवं निज्जिय-कसाए जे सत्त-भयट्ठाण-विरहिए ।
अट्टमय-विप्पमुक्के य देज्जा सुद्धालोयणं ॥
- मू. (२०४) सु-परिफुडं जहावत्तं सव्वं निय-दुक्कियं कहे ।
नीसंके य असंखुद्धे निब्भीए गुरु-संतियं ॥
- मू. (२०५) भूणे मुद्धडगे बाले जह पलवे उज्जु-पद्धरं ।
अवि उप्पन्नं तहा सव्वं आलोयव्वं जहट्टियं ॥
- मू. (२०६) जं पायाले पविसित्ता अंतरजलमंतरे इ वा ।
कय मह रातोंधकारे वा जननीए वि समं भवे ॥
- मू. (२०७) तं जहवत्तं कहेयव्वं सव्वमन्नं पि निक्खिलं ।
निय-दुक्किय-सुक्कियमादी आलोयंतेहिं गुरुयणे ॥
- मू. (२०८) गुरु वि तित्थयर-भणियं जं पच्छित्तं तहिं कहे ।
नीसल्ली भवति तं काउण जइ परिहरइ असंजमं ॥
- मू. (२०९) असंजमं भन्नती पावं तं पावमनेगहा मुने ।
हिंसा असच्चं चोरिकं मेहुणं तह परिगहं ॥
- मू. (२१०) सद्दा इंदिय-कसाए य मण-वइ-तनु-दंडे तहा ।
एते पावे अछडुंतो नीसल्लो नो य णं भवे ॥
- मू. (२११) हिंसा पुढवादि-छब्भेया अहवा नव-दस-चोद्धसहाउ ।
अहवा अनेगहा नेया काय-भेदंतरेहि णं ॥
- मू. (२१२) हिओवदेसं पमोत्तूण सव्वुत्तम-पारमत्थियं ।
तत्त-धम्मस्स सव्वसल्लं मुसावायं अनेगहा ॥
- मू. (२१३) उग्गम-उप्पायणेसणया-बायालिसाए तह य पंचेहिं ।
दोसेहिं दूसियं जं भंडोवगरण-पानमाहरं ॥

- नव कोडीहिं असुद्धं परिभुंजतो भवे तेनो ॥
 मू. (२१४) दिव्यं काम-रई-सुहं तिविहं अहव ओरालं ।
 मनसा अज्झवसंतो अबंभयारी मुणेयव्वो ॥
- मू. (२१५) नव-बंभचेर-गुत्ती-विराहए जो य साहु समणी वा ।
 दिट्ठिमहवा सरागं पउंजमाणो अइयरे बंभे ॥
- मू. (२१६) गणणा-पमाण-अइरित्तं धम्मोवगरणं तथा ।
 स कसाय-कूर-भावेणं जा वाणी कलुसिया भवे ॥
- मू. (२१७) सावज्ज-वइ-दोसेसुं जा पुट्ठा तं मुसा मुणे ।
 ससरक्खमवि अविदिन्नं जं गिण्हे तं चोरिक्कयं ॥
- मू. (२१८) मेहुण-कर-कम्भेणं सद्दादीण-वियारणे ।
 परिग्गहं जहिं मुच्छा लोहो कंखा ममतयं ॥
- मू. (२१९) अनूणोयरियमाकंठणं भंजे राई-भोयणं ।
 सदस्सानिड्ड-इयरस्स रूव-रस-गंध-फरिसस्स वा ॥
- मू. (२२०) न रागं न प्पदोसं वा गच्छेज्जा उ खणं मुनी ।
 कसाय-चउ-चउक्कस्स मनसि विज्झावणं करे ॥
- मू. (२२१) दुट्ठे मनो-वती-काया-दंडे नो णं पउंजए ॥
 अफासु-पानं-परीभोगं बीय-काय-संघट्टणं ॥
- मू. (२२२) अछड्डेतो इमे पावे नो णं नीसल्लो भवे ।
 एएसिं महंत-पावाणं देहत्यं जाव कत्थई ॥
- मू. (२२३) एक्कं पि चिट्ठए सुहुमं नीसल्लो ताव नो भवे ।
 तम्हा आलोयणं दाऊं पायच्छित्तं करेऊणं ॥
 (निखिलं तव-संजमं धम्मं नीसल्लमनुचिट्ठियव्वयं) ॥
 एयं निक्कवड-निहंभं नीसल्लं काउं तवं ॥
- मू. (२२४) जत्थ जत्थोवज्जेज्जा देवेसु मानुसेसु वा ।
 तत्थ तत्थुत्तमा-जाई उत्तमा रिद्धि-संपया ।

लभेज्जा उत्तमं रूवं सोहग्गं जइ णं नो सिज्जेज्जा तब्भवे त्ति बेमि
पढमं अज्झयणं समत्तं

०-x-०-x-०

मू. (२२५) एयस्स य कुलिहिय-दोसो न दायव्वो सुयहरेहिं किंतु जो चेव एयस्स पुव्वायरिसो
 आसि तत्थेव कत्थइ सिलोगो कत्थइ सिलोगद्धं कत्थइ पयक्खरं कत्थइ अक्खर-पंतिया कत्थइ
 पन्नग-पुट्टिया कत्थइ एग तिन्नि पन्नगाणि एवमाइ-बहुगंधं परिगलियं ति ।

०-x-०-x-०

अध्ययनं-२, कर्मविपाकं

उद्देशकः :-१

- मू. (२२६) निम्मूलुद्धिय-सल्लेणं सच्च-भावेन गोयमा ।
ज्ञाणे पविसित्तु सम्भेयं पच्चक्खं पासियच्चयं ॥
- मू. (२२७) जे सन्नी जे वि याऽसन्नी भव्वाभव्वा उ जे जगे ।
सुहत्थी-तिरियमुट्ठाऽहं इहमिहाडंति दस-दिसिं ॥
- मू. (२२८) असन्नी दुविहे नेए वियलिदी एगिंदिए ।
वियले किमि-कुंथु-मच्छादी पुढवादी-एगिंदिए ॥
- मू. (२२९) पसु-पक्खी-मिगा-सन्नी नेरइया मनुयामरा ।
भव्वाभव्वा वि अत्थेसु नीरए उभय-वज्जिए ॥
- मू. (२३०) धम्मत्ता जंति छायाए वियलिंदी-सिसिरायवं ।
होही सोक्खं किलम्हाणं ता दुक्खं तत्थ वी भवे ॥
- मू. (२३१) सुकुमालंगत्ताओ खण-दाहं सिसिरं खणं ।
न इमं न इमं अहियासेउं सक्कीन्नं एवमादियं ॥
- मू. (२३२) मेहुण-संकप्प-रागाओ मोहा अन्नाण-दोसओ ।
पुढवादिसु गएगिंदी न याणंती दुक्खं सुहं ॥
- मू. (२३३) परिवत्तंते अनंते वि काले बेइंदियत्तणं ।
केई जीवा न पावेति केइ पुणाऽनादि पावियं ॥
- मू. (२३४) सी-उण्ह-वाय-विज्झडिया मिय-पसु-पक्खी-सिरीसिवा ।
सिमिणंते वि न लभंते ते निमिसद्धम्भंतरं सुहं ॥
- मू. (२३५) खर-फरुस-तिक्ख-करवत्ताइएहिं फालिज्जता खण खण ।
निवसंति नारया नरए तेसिं सोक्खं कुओ भवे ॥
- मू. (२३६) सुरलोए अमरया सरिसा सच्चेसिं तत्थिमं दुहं ।
उवट्टिए वाहणत्ताए एगो अन्नो तत्थमारुहे ॥
- मू. (२३७) सम-तुल्ले पाणि-पादेनं हा हा मे अत्त-वेरिणा ।
माया-दंभेण धि छि छि परितप्पे हं आयवंचिओ ॥
- मू. (२३८) सुहेसी किसि-कम्मत्तं सेवा-वाणिज्ज-सिप्पयं ।
कुव्वंताऽहन्निंसं मनुया धुप्पंते एसिं कुओ सुहं ॥
- मू. (२३९) पर-घरसिरीए दिट्ठाए एगे डज्झंति बालिसे ।
अन्ने अपहुप्पमाणीए अन्ने खीणाए लच्छिए ॥
- मू. (२४०) पुत्तेहिं वट्टमाणेहिं जस-कित्ती-लच्छी य वट्टइ ।
पुत्तेहिं हायमाणेहिं जस-कित्ती-लच्छी-खीयइ ॥
- मू. (२४१) वास-साहस्सियं केई मन्नंते एगं दिनं पुणो ।

- कालं गर्मेति दुक्खेहिं मनुया पुन्नेहिं उज्झिया ॥
 मू. (२४२) संखेवत्तमिमं भणियं सव्वेसिं जग-जंतुणं ।
 दुक्खं मानुस-जाईणं गोयमं जं तं निबोधय ॥
 मू. (२४३) जनुसमयमनुभवताणं सयहा उव्वेवियाण वि ।
 निव्विन्नाणं पि दुक्खेहिं वेरगं न तथा वी भवे ॥
 मू. (२४४) दुविहं समासओ मुणसु दुक्खं सारीर-मानसं ।
 घोर-पचंड-महारोहं तिविहं एक्केक्कं भवे ॥
 मू. (२४५) घोरं जाण मुहुत्तं घोर-पयंडं ति समय-वीसामं ।
 घोर-पयंड-महारोहं अनुसमय-विस्सामगं मुणे ॥
 मू. (२४६) घोरं-मनुस्स-जाईणं घोर-पयंडं मुणे तिरिच्छासुं ।
 घोर-पयंडमहारोहं नारय-जीवाण गोयमा ॥
 मू. (२४७) मानुस्सं तिविहं जाणे जहन्न-मज्झुत्तमं दुहं ।
 नत्थि जहन्नं तिरिच्छाणं दुह-मुक्कोसं तु नारयं ॥
 मू. (२४८) जं तं जहन्नगं दुक्खं मानुस्सं तं दुहा मुणे ।
 सुहुम-बादर-भेदेनं निव्विभागे इतरे दुवे ॥
 मू. (२४९) सम्मुच्छिमेसु मनुएसुं सुहुमं देवेसु बायरं ।
 चवणयाले महिद्धिणं आजम्ममाभिओगियाणं उ ॥
 मू. (२५०) सारीरं नत्थि देवाणं दुक्खेणं मानसेन उ ।
 अइबलियं वज्जिमं हिययं सय-खंडं जं न वी फुडे ॥
 मू. (२५१) निव्विभागे य जे भणिए दोन्नि मज्झुत्तमे दुहे ।
 मनुयाणं ते समक्खए गब्बवक्कंतियाणं उ ॥
 मू. (२५२) असंखेयाऊ मनुयाणं दुक्खं जाणे वि मज्झिमं ।
 संखेयाउ मनुस्साणं तु दुक्खं चेवुक्कोसगं ॥
 मू. (२५३) असोक्खं वेयणा बाहा पीडा दुक्खमणेव्वुई ।
 अणरागमरई केसं एवमादी एगट्टिया बहू ॥
 अध्ययन-२, उद्देशकः ९, समाप्तः

—: उद्देशकः २ :—

- मू. (२५४) सारीरेयर-भेदमियं जं भणियं तं पवक्खई ।
 सारीरं गोयमा दुक्खं सुपरिफुडं तमवधारय ॥
 मू. (२५५) वालग-कोडि-लक्ख-मयं भागमेत्तं छिवे धुवे ।
 अथिर-अन्नन्नपदेससरं कुंथुं मनह वित्तिं खणं ॥
 मू. (२५६) तेन वि करकत्ति सल्लेउं हिययमुद्धसए तनू ।
 सीयंती अंगमंगाईं गुरु उवेई ॥
 सव्वसारीरस्सऽब्भंतरं कंपे थरथरस्सय ॥

मू. (२५७)

कुंथु-फरीसियमेत्तस्स जं सलसले-तनु ।
तमवसं भिन्न-सव्वंगे कलयल-डज्झंत-मानसे ॥

मू. (२५८)

चित्तितो हा किं किमेयं बाहे गुरु-पीडाकरं ।
दीहुण्ह-मुक्कनीसासे दुक्खं दुक्खेण नित्यरे ॥

मू. (२५९)

किमेयं कियचिरं बाहे कियचिरेणेव निट्ठिही ।
कहं वा हं विमुच्चीसं इमाओ दुक्खसंकडा ॥

मू. (२६०)

गच्छं चिट्ठं सुवं उट्ठं धावं नासं पलामि उ ।
कंडुगयं किं व पक्खोडं किं वा एत्थं करेमि हं ॥

मू. (२६१)

एवं तिवग्गवावारं चिच्चोरु-दुक्ख-संकडे ।
पविट्ठो बाढ-संखेज्जा आवलियाओ किलिस्सिउं ॥

मू. (२६२)

मुणे हुं कंडुयमेस कंडूये अन्नहा नो उवस्समे ।
ता एयज्झवसाएणं गोयम निसुणेसुं जं करे ॥

मू. (२६३)

अहं तं कुंथुं वावाए जइ नो अन्नत्थ गयं भवे ।
कंडुएमाणोऽहं भित्तादी अनुघसमाणो किलम्मए ॥

मू. (२६४)

जइ वावाएज्ज तं कुंथुं कंडुयमाणो व इयरहा ।
तो तं अइरोहज्झाणम्मि पविट्ठं निच्छयओ मुणे ॥

मू. (२६५)

अहं किलामे तओ भयणा रोहज्झाणेयरस्स उ ।
कंडुयमाणस्स उण देहं सुद्धमट्टज्झाणं मुणे ॥

मू. (२६६)

समज्जे रोहज्झणट्ठो उक्कोसं नारगाउयं ।
दुभ-गित्थी-पंड-तेरिच्छं अट्टज्झाणा समज्जिणे ॥

मू. (२६७)

कुंथु-पद-फरिस-जणियाओ दुक्खाओ उवसमिच्छया ।
पच्छा-हल्लप्फलीभूते जमवत्थंतरं वए ॥

मू. (२६८)

विवन्न-मुहलावन्ने अइदीने विमण-दुम्मणे ।
सुत्ते वुत्ते य मूढ-दिसे मंद-दर-दीह-निस्ससे ॥

मू. (२६९)

अविस्साम-दुक्खहेऊयं असुहं तेरिच्छा-नारयं ।
कम्मं निबंधइत्ताणं भमिही भव-परंपरं ॥

मू. (२७०)

एवं खओवसमाओ तं कुंथुवइयरजं दुहं ।
कहं कहं वि बहु किलेसेणं जइ खणमेक्कं तु उवसमे ॥

मू. (२७१)

ता महं किलेसमुत्तिणं सुहियं से अत्ताणयं ।
मन्नंतो पमुइओ हिट्ठो सत्थवित्तो वि चिट्ठई ॥

मू. (२७२)

चित्तइ किल निव्वुओमि अहं निहलियं दुक्खं पि मे ।
कंडुयणादीहिं सयमेव न मुणे एवं जहा मए ॥

मू. (२७३)

रोहज्झणगएणं इहं अट्टज्झाणे तहेव य ।
संवग्गइत्ता उ तं दुक्खं अनंतानंतगुणं कडं ॥

- मू. (२७४) जं चानुसमयमनवरयं जहा राई तहा दिनं ।
दुहमेवानुभवमाणस्स वीसामो नो भवेज्जमो ॥
- मू. (२७५) खणं पि नरय-तिरिएसु सागरोवम-संख्या ।
रस-रस-विलिज्जए हिययं जं वाउच्छं तान वि ॥
- मू. (२७६) अहवा किं कुंधु-जणियाओ मुक्को सो दुक्ख-संकडा ।
खीणट्ठ-कम्म-परीणामो भवेज्जे जनुमेतेणेव उ ॥
- मू. (२७७) कुंधुमुवलक्खणं इहइं सव्व पच्चक्ख-दुक्खदं ॥
अनुभवमाणो वि जं पाणी न याणंती तेन वक्खई ॥
- मू. (२७८) अन्ने वि उ गुरुयरे दुक्खे सव्वेसिं संसारिणं ।
सामन्ने गोयमा ता किं तस्स तेनोदए गरू ॥
- मू. (२७९) हन मर जं अन्नजम्भेसुं वाया वि उ केइ भाणिरे ।
तमवीहं जं फलं देज्जा पावं कम्मं पवुज्जयं ॥
- मू. (२८०) तस्सुदया बहुभवग्गहणे जत्थो ववज्जती ।
तत्थ तत्थ स हम्मंतो मारिज्जंतो भमे सया ॥
- मू. (२८१) जेन पुन अंगुवंगं वा कीड-पयंगाइ-पाणिणं ।
कडि-अट्ठि-पट्ठिभंगं वा कीड-पयंगाइ-पाणिणं ॥
- मू. (२८२) कयं वा कारियं वा वि कज्जंतं वाऽह अनुमयं ।
तस्सुदया चक्कनालिवहे पीलीही सो तिले जहा ॥
- मू. (२८३) न एक्कं नो दुवे तित्रिं वीसं तीसं न यावि य ।
संखेज्जे वा भवग्गहणे लभते दुक्ख-परंपरं ॥
- मू. (२८४) असुय-मुसा-अनिट्ठ-वयणं जं पमाय-अन्नाण-दोसओ ।
कंदप्प-नाहवाएणं अभिनिवेसेण वा पुरो ॥
- मू. (२८५) भणियं भणावियं वा वि भन्नमाणं च अनुमयं ।
कोहो लोहा भया हासा तस्सुदया एयं भवे ॥
- मू. (२८६) मूगो पूति-मुहो मुखो कल्लविलल्लो भवे-भवे ।
विहल-चाणी सुयट्ठो वि सव्वत्थऽब्भक्खणे लभे ॥
- मू. (२८७) अवितह-भणियं नु तं सच्चं अलिय-वयणं पि नलियं ।
जं छज्जीव-निकाय-हियं निट्ठोसं सच्चं तयं ॥
- मू. (२८८) चोरीक्का निप्फलं सव्वं कम्मरंभं किंसादियं ।
लद्धत्थस्सा वि भवे हानी अन्न-जम्म-कया इहं ॥

अध्ययन - २, उद्देशक :-२ समाप्त

—: उद्देशक : ३ :-

- मू. (२८९) एवं मेहुण-दोसेणं वेदिता थावरत्तणं ।
केसेणमनंत-कालओ मानुस-जोणि समागया ॥

- मू. (२९०) दुःखं जरेति आहारं अहियं सित्थं पि भुञ्जियं ।
पीडं करेइ तेसिं तु तण्हाबाहे खणे खणे ॥
- मू. (२९१) अद्धाण-मरणं तेसिं बहुजप्यं कट्टासणं ।
थाणुव्वालं निविन्नाणं निद्दाए जंति नो वणिं ॥
- मू. (२९२) एवं परिग्गहारं भदोसेणं नरगाउयं ।
तेत्तीसं-सागरुक्कोसं वेइत्ता इह समागया ॥
- मू. (२९३) छुहाए पीडिजंति भुत्त-भुत्तुत्तरे विय ।
चरंता अहन्निसं तिंतिं नो गच्छंती पसवे जहा ॥
- मू. (२९४) कोहादीणं तु दोसेणं घोरमासीविसत्तणं ।
वेइत्ता नारयं भूओ रोद्दा मेच्छा भवति ते ॥
- मू. (२९५) सढ-कूड-कवड-नियडीए दंभाओ सुइरं गुहं ।
वेइत्ता चित्त तेरिच्छं मानुस जोनिं समागया ॥
- मू. (२९६) कोइ बहुवाहि-रोगाणं दुःख-सोगाण भायणं ।
दादि-कलहमभिभूया खिसणिज्जा भवतिहं ॥
- मू. (२९७) तक्कम्मोदय-दोसेणं निच्चं पज्जलिय-बोदिणं ।
ईसा-विसाय-जालाहि धग-धग-धग-धगस्स उ ॥
- मू. (२९८) जम्मं पि गोयमा वोले-बहु-दुहसंधक्कियाण य ।
तेसिं सदुच्चरिय-दोसो कस्स रूसंतु ते इहं ॥
- मू. (२९९) एवं वय-नियम-भंगेणं सीलस्स उ खंडनेन वा ।
असंजम-पवत्तणया उस्सुत्तमुग्गायरणा ॥
- मू. (३००) नेगेहिं वितहायरणेहिं पमाया सेवणेहिं य ।
मणेणं अहव वायाए अहवा काएण कत्थइ ॥
कय-कारिगाऽनुमएहिं पमाय सेवणेन वा ? ॥
- मू. (३०१) तिविहेणमनिंदियमगरहियमनालोइयमपडिक्कंतमकयपायच्छित्तमविसुद्धसयं-
दोसओ ससल्ले आमगब्भेसुं पच्चिय पच्चिय-अनंतसो वियलंते-दुति-चउ-पंच-छण्हं मासाणं
असंबद्धठीकर-सिर-चरणच्छवी ।
- मू. (३०२) लद्धे वि मानुसे जम्मे कुट्टादी-बाहि-संजुए ।
जीवंते चेव किमिएहिं खजंती मच्छियाहि य ॥
अनुदियहं खंड-खंडेहिं सडहडस्स सडे तनुं ॥
- मू. (३०३) एवमादी-दुःखमभिभूए लज्जणिज्जे खिसणिज्जे निंदणिज्जे गरहणिज्जे ।
उव्वेवणिज्जे अपरि-भोगेनिय-सुहि-सयण-बंधवाणंपि भवंती ते दुरप्पणे ॥
- मू. (३०४) अज्झवसाय-विसेसं तं पडुच्चा केइ तारिसं ।
अकाम-निज्जराए उ भूय-पिसायतं लभते ॥
- मू. (३०५) तप्पुव्व-सल्ल-दोसेणं बहु-भवंतर-त्थाइणा ।

- अज्झवसाय-विसेसं तं पडुच्चा केई तारिसं ॥
 मू. (३०६) दससु वि दिसासु उच्चद्धो निच्च दूरप्पिए दढं ।
 निरुच्छल्ल-निरुस्सासे निराहारे न पाणिए ॥
- मू. (३०७) संपिंडियंगमंगे य मोह-मदिराए धम्मरिए ।
 अदिट्ठुग्गमन-अत्थमणे भवे पुढवीए गोलया किमी ॥
- मू. (३०८) भव-काय-ट्टितीए वेएत्ता तं तेहिं किमियत्तणं ।
 जइ कह वि लहंति मनुयत्तं तओ ते हींति नपुंसगे ॥
- मू. (३०९) अज्झवसाय-विसेसं तं पवहंते अइकूर-घोर-रोहं तु तारिसं ।
 वम्मइ-संधुक्किया मरित्तुं जम्मं जंति वणस्सई ॥
- मू. (३१०) वणस्सई गए जीवे उह्णपाए अहोमुहे ।
 चिट्ठतिऽनंतयं कालं नो लभे वेइंदियत्तणं ॥
- मू. (३११) भव-काय-ट्टितीए वेइत्ता तमेग-बि-ति-चउरिंदियत्तणं ।
 तप्पुव्व-सल्ल-दोसेणं तेरिच्छेसूववज्जिउं ॥
- मू. (३१२) जइ णं भवे महामच्छे पक्खीवसह-सीहादयो ।
 अज्झवसाय-विसेसं तं पडुच्च अच्चंत-कूरयरं ॥
- मू. (३१३) कुणिममहारात्ताए पंचेदियवहेणं य ।
 अहो अहो पविस्संति जाव पुढवीए सत्तमा ॥
- मू. (३१४) तं तारिसं महाघोरं दुक्खमनुभविउं चिरं ।
 पुणो वि कूरतिरिएसु उववज्जिसु नरयं वए ॥
- मू. (३१५) एवं नरय-तिरिच्छेसुं परियट्ठंते विचिट्ठति ।
 वासकोडिए वि नो सक्का कहिउं जं तं दुक्खं अनुभवमानगे ॥
- मू. (३१६) अह खरुट्ट-बइल्लेसुं भवेज्जा तब्भवंतरे ।
 सगडायट्ठण-भरुव्वहण-खु-तणह-सीयायवं ॥
- मू. (३१७) वह-बंधणकणं डहणं नास-भेद-निलंछणं ।
 जमलाराईहिं कुच्चादिहिं कुच्चिजंताण य ॥
- मू. (३१८) जहा राई तहा दियहं सव्वद्धा उ सुदारुणं ॥
 एमादी-दुक्ख-संघट्टं अनुहवंति चिरेण उ ।
 पाणे पयहिंति कह कह वि अट्ठज्जाण-दुहट्टिए ॥
- मू. (३१९) अज्झवसाय-विसेसं तं पडुच्चा केइ कह कह वि लब्भंती माणसुत्तणं ।
 तप्पुव्व-सल्ल-दोसेणं मानुसत्ते वि आगया ॥
- मू. (३२०) भवंति जम्म-दारिद्दा-वाही-खस-पाम-परिगया ।
 एवं अदिट्ठ-कल्लाणे सव्व-जनस्स सिरि-हाइउं ॥
- मू. (३२१) संतप्पंते दढं मनसा अकयतवे गिहणं वह ।

अज्झवसाय-विसेसं तं पडुच्चा केइ तारिसं ॥
 मू. (३२२) पुणो वि पुढविमाईसुं भमंती ते दु-ति-चउरो पंचिदिएसु वा ।
 तं तारिसं महा-दुक्खं सुरोहं घोर-दारुणं ॥
 मू. (३२३) चउगइ-संसार-कंतारे-अनुहमाणे सुदूसहं ।
 भवकाय-ट्टितीए हिडंते सव्वजोणीसु गोयमा ॥
 मू. (३२४) चिडंति संसरेमाणे जम्म-जर-मरण-बहु-वाहि वेयणा-रोग-सोग-दारिद्र-कल-
 हब्भक्खाण-संताव-गब्भवासादि-दुक्खसंधुक्किए तपुव्वसल्ल-दोसेण निच्चाणंद-महूसव-थाम-जोग-
 अट्टारस-सीलंग-सहस्साहिडियस्स सव्वा सुह-पावकम्मट्ट-रासि-निद्वहण-अहिंसा-लक्खण-समण-
 धम्मस्स बोहिं नो पाविति ।

- मू. (३२५) अज्झवसाय-विससं तं पडुच्चा केइ तारिसं ।
 पोग्गल-परियट्टलक्खेसुं बोहिं कह कह वि पावए ॥
 मू. (३२६) एवं सुदुल्लहं बोहिं सव्व-दुक्ख-खयं करं ।
 लद्धुणं जे पमाएज्जा तयहुत्तं सो पुणो वए ॥
 मू. (३२७) तासुं तासुं च जोनीसुं पुव्वुत्तेण कमेण उ ।
 पंथेण तेनई चेव दुक्खे ते चेव अनुभवे ॥
 मू. (३२८) एवं भव-काय-ट्टितीए सव्व-भावेहिं पोग्गले ।
 सव्वे सपज्जवे लोए सव्व वन्नंतरेहि य ॥
 मू. (३२९) गंधत्ताए रसत्ताए फासत्ताए संठाणत्ताए ।
 परिणामित्ता सरीरेणं बोहिं पावेज्ज वा न वा ॥
 मू. (३३०) एवं वय-नियम-भंगं जे कज्जमाणमुवेक्खए ।
 अह सीलं खंडिज्जंतं अहवा संजम-विराधनं ॥
 मू. (३३१) उम्मग्ग-पवत्तणं वा वि उसुत्तायरणं पि वा ।
 सो वि य अनंतरुत्तेणं कमेणं चउगई भमे ॥
 मू. (३३२) रुसउ तुसउ परो मा वा विसं वा परियत्तउ ।
 भासियव्वा हिया भास सपक्ख-गुणकारिया ॥
 मू. (३३३) एवं लद्धामवि बोहिं जइ णं नो भवइ निम्मला ।
 ता संवुडासव-द्वारे पगति-ट्टिय-पएसानुभावियबंधो ॥
 नो हासो नो य निज्जरे ॥
 मू. (३३४) एमादी-धोर-कम्मट्टजालेणं कसियाण भो ।
 सव्वेसिमवि सत्ताणं कुओ दुक्ख-विमोयणं ॥
 मू. (३३५) पुव्विं दुक्कय-दुचिन्नाणं दुप्पडिकंताणं नियय-कम्माणं न ।
 अवेइयाणं मोक्खे घोरतवेण अज्झोसियाण वा ॥
 मू. (३३६) अनुसमयं बज्झए कम्मं नत्थि अबंधो उ पाणिणो ।
 मोत्तुं सिद्धे अजोगी य सेलेसी संठिए तथा ॥

- मू. (३३७) सुहं सुहज्जवसाएणं असुहं दुद्धज्जवसायओ ।
तिव्वयरेणं तु तिव्वयरं मंदं मंदेन संचिणे ॥
- मू. (३३८) सव्वेसिं पावकम्माणं एगीभूयाणं जेतियं रासिं भवे तमसंखगुणं वय-तव-संजम-
चारित्तखंडण-विराधनेनं उस्सुत्तुम्मग-पन्नवण-पवत्तण-आयरणोवेक्खणेण य समज्जिणे
- मू. (३३९) अपरिमाणगुरूतुंगा महंता घन-निरंतरा ।
पाव-रासी खयं गच्छे जहा तं सव्वोवाएहिमायरे ॥
- मू. (३४०) आसवदारे निरुंभित्ता अप्पमादी भवे जया ।
बंधे सप्यं बहु वेदे जइ सम्मत्तं सुनिम्मलं ॥
- मू. (३४१) आसवदारे निरुंभित्ता आणं नो खंडए जया ।
दंसण-नाण-चरित्तसुं उज्जुत्तो जो दढं भवे ॥
- मू. (३४२) तया वेए खणं बंधे पोरारणं सव्वं खवे ।
अनुइन्नमवि उईरित्तो निज्जिय-घोर-परीसहो ॥
- मू. (३४३) आसवदारे निरुंभित्ता सव्वासायण-विरहिओ ।
सज्जाय-ज्जाण-जोगेसुं धोर-वीर-तवे रओ ॥
- मू. (३४४) पालेज्जा संजमं कसिणं वाया मनसा उ कम्मुणा ।
जया तया न बंधेज्जा उक्कोसमनंतं च निज्जरे ॥
- मू. (३४५) सव्वावस्सगमुज्जुत्तो सव्वालंबणविरहिओ ।
विमुक्को सव्वसंगेहिं सबज्जब्भंतरेहि य ॥
- मू. (३४६) गय-राग-दोसमोहे य नित्रियाणे भवे जया ।
नियत्ते विसयतत्तीए भीए गब्भपरंपरा ॥
- मू. (३४७) आसवदारे निरुंभित्ता खंतादी धम्मे ठिते ।
सुक्कज्जाणं समारुहिय सेलेसि पडिवज्जए ॥
- मू. (३४८) तया न बंधए किंचि चिरबद्धं असेसं पि निड्ढियज्जाण-जोग-अग्गीए भसमी
करे दढं लहु पंचक्खरुगिरण मेत्तेणं कालेणं भवोवगाहियं ।
- मू. (३४९) एवं सजीव-विरिय-सामत्थ-पारंपरण गोयमा ।
पविमुक्क-कम्म-मल-कवया-समएणं जंति पाणिणो ॥
- मू. (३५०) सासय-सोक्ख-अनाबाहं रोग-जर-मरण-विरहियं ।
अदिद्ध-दुक्ख-दारिदं निच्चाणंदं सिवालयं ॥
- मू. (३५१) अत्येगे गोयमा पाणी जे एयं मन्नए विसं ।
आसव-दार-निरोहादी-इयर-हेइ-सोक्खं चरे ॥
- मू. (३५२) ता जाव कसिण-ट्ट कम्मामि घोर-तव-संजमेण उ ।
नो निद्वहे सुहं ताव नत्थि सिविणे वि पाणिणं ॥
- मू. (३५३) दुक्खमेवमवीसामं सव्वेसिं जगजंतुणं ।
एक्कं समयं न सम-भावे जं सम्मं अहियासिउं तरे ॥

- मू. (३५४) धेवमवि धेवतरं धेवयरस्सावि धेवयं ।
जेणं गोयम ता पेच्छ कुंथूं तस्सेव य तनू ॥
- मू. (३५५) पाय-तलेसु न तस्सावि तेसिमेगदेसं मुण ।
फरिसंतो कुंथू जेणं चरई कस्सइ सरीरगे ॥
- मू. (३५६) कुंथूण सय-सहस्सेणं तेलियं नो पलं भवे ।
एगस्स केत्तियं गत्तं किं लवा तोल्लं भवेज्ज से ॥
- मू. (३५७) तस्स वि पायतल देसेणं तो णं इमं सुणे ।
पुव्वुत्तं गोयमा गच्छे पाणी तो णं इमं सुणे ॥
- मू. (३५८) भमंत-संचरंतो हिंडि नो मइले तणुं ।
न करे कुंथूं खयं ताणं न यावासी य चिरं वसे ॥
- मू. (३५९) अह चिट्ठे खणमेगं तु बीयं नो परिवसे खणं ।
अह बीयं पि विरत्तेज्जा ता बुज्जेयं तु गोयमा ॥
- मू. (३६०) रागेणं नो पओसेणं मच्छरेणं न केणई ।
न यावि पुव्ववेरेणं खेड्ढातो कामकारओ ॥
- मू. (३६१) कुंथू कस्सइ देहिस्स आरुहेइ खणं तणुं ।
वियलिदी भूण-पाणे जलंतग्गी वावी विसे ॥
- मू. (३६२) न चिंतेवं जहा मे स पुव्ववेरीऽहवा सुही ।
ता किंची खेम-पावं वा संजणेमि एयस्सऽहं ॥
- मू. (३६३) पुव्व-कड-पाव-कम्मस्स विरसे भुंजतो फले ।
तिरि-उट्ठाह-दिसानु दसं कुंथु हिंडे वराय से ॥
- मू. (३६४) चरंतेवमबाहाए सारीरं दुक्खमानसं ।
कुंथू वि दूसहं जन्ने रोहं-ट्ट-ज्झाण-वट्ठणं ॥
- मू. (३६५) ता उ सल्लमारभेत्ताणं मन-जोगं अन्नयरेण वा ।
समयावलिय-मुहुत्तं वा सहसा तस्स विवागयं ॥
- मू. (३६६) कह सहिहं बहु-भव-ग्गहणे दुहमनुसमयमहन्निंसं ।
घोर-पयंडं-महारोहं हा-हा-कंद-परायणा ॥
- मू. (३६७) नारय-तिरिच्छ-जोणीसु अत्ताणासरणा वि य ।
एगागी ससरीरणं असहाया कडु-विरसं धनं ॥
- मू. (३६८) असिवण-वेयरणी जंते करवत्ते कूडसामलिं ।
कुंभी-वायासा-सीहे एमादी नारए दुहे ॥
- मू. (३६९) नत्थं कण-वह-बंधे य पउलुकंत-विकत्तणं ।
सगडा-कट्ठण भरुव्वहणं जमला य तण्हा छुहा ॥
- मू. (३७०) खर-खुर-चमढण-सत्थग्गी-खोभण-भंजणमाइए ।
परयत्तावस-नित्तिंसे दुक्खे तेरिच्छे तथा ॥

- मू. (३७१) कुंथू-पय-फरिस-जणियं पि दुक्खं न अहियासिउं तरे ।
ता तं मह-दुक्ख-संघट्टं कह नित्थरिह सुदारुणं ॥
- मू. (३७२) नारय-तेरिच्छ-दुक्खाओ कुंथु-जाणियाउ अंतरं ।
मंदरगिरि-अनंत-गुणियस्स परमानुस्सा वि नो घडे ॥
- मू. (३७३) चिरयाले संसुहं पाणी कंखंतो आसाए निव्वुओ ।
भवे दुक्खमईयं पि सरंतो अच्चंत-दुक्खिओ ॥
- मू. (३७४) बहु-दुक्ख-संकडट्टेत्यं आवया-लक्ख-परिगए ।
संसारे परिवसे पाणी अयडे महु-बिंदू जहा ॥
- मू. (३७५) पत्थापत्थं अयाणंतं कज्जाकज्जं हियाहियं ।
सेव्वो सेव्वमसेव्वं च चरणिज्जा चरणिज्जं तथा ॥
- मू. (३७६) एवइयं वइयरं सोच्चा दुक्खस्संत-गवेसिणो ।
इत्थी-परिग्गहारंभे चेच्चा घोरं तवं चरे ॥
- मू. (३७७) ठियासणत्था सइया परंमुही सुयलंकरिया वा अनलंकरिया वा ।
निरक्खमाणापमयाहिदुब्बलं मनुस्समालेह-गयाविकरिस्सई ॥
- मू. (३७८) चित्त-भित्तिं न निज्जाए नारिं वा सुयलंकिंयं ।
भक्खरं पि व दड्ढुणं दिट्ठिं पडिसमाहरे ॥
- मू. (३७९) हत्थ-पाय-पडिच्छिन्नं कन्न-नासोट्टि-वियप्पियं ।
सडमाणी-कुट्टवाहीए तमवित्थीयं दूरयरं बंभयारी विवज्जाए ॥
- मू. (३८०) धेर-भज्जा य जा इत्थी पच्चंगुब्बमड-जोव्वणा ।
जुन्न-कुमारिं पउत्थवई बाल-विहवं तहेव य ॥
- मू. (३८१) अंतैउरवासिनी चेव स-पर-पासंड-संसियं ।
दिक्खियं साहुणी वा वि वेसं तह य नपुंसगं ॥
- मू. (३८२) कण्हि गोणि खरिं चेव वडवं अविलं अवि तथा ।
सिप्पित्थिं पंसुलि वा वि जम्मरोगि-महिलं तथा ॥
- मू. (३८३) चिरे संसट्टमचेल्लिक्कं-एमादीपावित्थिओ ।
पगमंती जत्थ रयणीए अह पइरिक्के दिनस्स वा ॥
- मू. (३८४) तं वसहिं सन्निवेसं वा सव्वोवाएहिं सव्वहा ।
दूरयर-सुदूर-दूरेणं बंभयारी विवज्जाए ॥
- मू. (३८५) एएसिं सद्धिं संलावं अद्धाणं वा वि गोयमा ।
अन्नासुं वा वि उत्थीसुं खणद्धं पि विवज्जाए ॥
- मू. (३८६) से भयवं किमित्थीणं नो णं निज्जाएज्जा गोयमा नो णं निज्जारूज्जा से भयवं किं
सुनियत्थं वत्थालंकरिय-विहूसियं इत्थीयं नो णं निज्जाएज्जा उयाहु णं विनियंसणिं गोयमा उभयहा
वि णं नो निज्जाएज्जा से भयवं किमित्थीयं नो आलवेज्जा गोयमा नो णं आलवेज्जा से भयवं किमित्थीसुं
सद्धिं खणद्धमवि नो संवसेज्जा गोयमा नो णं संवसेज्जा से भयवं किमित्थीसुं सद्धिं नो अद्धाणं

पडिवज्जेजा गोयमा एगे बंभयारी एगित्थीए सद्धिनो पडिवज्जेजा ।

मू. (३८७) से भयवं केणं अट्टेणं एवं वुच्चइ जहा णं नो इत्थीणं निञ्ज्जाएजा नो नमालवेजा नो णं तीए सद्धिं परिवसेजा नो णं अद्धाणं पडिवज्जेजा गोयमा सव्व-प्पयारेहिं णं सव्वित्थीयं अच्चत्थं मउक्कडत्ताए रागेणं संधुक्किज्जमाणी कामग्गिए संपलित्ता सहावओ चेव विसएहिं बाहिज्जइ तओ सव्व-पयारेहिं णं सव्वत्थियं अच्चत्थं मउक्कडत्ताए रागेणं संधुक्किज्जमाणी कामग्गीए संपलित्ता सहावओ चेव विसएहिं बाहिज्जमाणी अनुसमयं सव्व-दिसि-विदिसासुं णं सव्वत्थ विसए पत्थेजा जावं णं सव्वत्थ-विसए पत्थेजा ताव णं सव्व-पयारेहिं णं सव्वत्थ सव्वहा पुरिसं संकप्पिजा जाव णं पुरिसं संकप्पेजा ताव णं सोइंदियोवओगत्ताए चक्खुरिदिओवओगत्ताए रसनिदिओव-आगत्ताए धाणिदिओवओगत्ताए फासिदिओवओगत्ताए जत्थ णं केइ पुरिसे कंत-रूवे इ वा अकंत-रूवे इ वा पडुप्पन्नजोव्वणे इ वा अपडुप्पन्न-जोव्वणे इ वा गय-जोव्वणे इ वा दिड्ड-पुव्वे इ वा अदिड्ड-पुव्वे इ वा इट्ठिमंते इ वा अनिट्ठिमंते इ वा इट्ठिपत्ते इ वा अनिट्ठी पत्ते इ वा विसयाउरे इ वा निव्विन्न-काम भोगे इ वा उच्चय-बोंदीए इ वा अनुच्चयबोदीए इ वा महासत्ते इ वा हीन-सत्ते इ वा महा-पुरिसे इ वा कापरिसे इ वा समणे इ वा माहणे इ वा अन्नयरे इ वा निदियाहम-हीनजाईए वा तत्थ णं इहा पोह-वीमंसं पउंजित्ताणं जाव णं संजोग-संपत्तिं ज्ञाएजा जाव णं संजोग-संपत्तिं परिकप्पे ताव णं से चित्ते संखुद्दे भवेजा जाव णं से चित्ते संखुद्दे भवेजा ताव णं से चित्ते विसंवएजा जाव णं से चित्ते विसल्वएजा ताव णं से देहे मएणं अद्धासेजा जाव णं से देहे मएणं अद्धासेजा ताव णं से दरविदरे इह-परलोगावाए पम्हुसेजा जाव णं से दर-विदरे -

इह परलोगावाए पम्हुसेजा ताव णं चिच्चा लज्जं भयं अयसं अकित्तिं मेरं उच्च-ठाणाओ नीय-ट्ठाणं ठाएजा जाव णं उच्च-ठाणाओ नीय-ट्ठाणं ठाएजा ताव णं वच्चेजा असंखेयाओ समयावलियाओ जाव णं नीइंति असंखेजाओ समयावलियाओ ताव णं जं पढम समयो कम्मट्ठिइं तं बीयसमयं पडुच्चा तइया दियाणं समयाणं संखेज्जं असंखेज्जं अनंतं वा अनुक्कमसो कम्मट्ठिइं संचिणिजा जाव णं अनुकमसो अनंतं कम्मट्ठिइं संचिणइ ताव णं असंखेजाइं अवसप्पिणी-ओसप्पिणी-कोडिलक्खाइं जावएणं कालेणं परिवत्तंति तावइयं कालं दोसुं चेव निरयतिरिच्छासुं गतीसुं उक्कोस-ट्ठितीयं कम्मं आसंकलेजा जाव णं उक्कोसट्ठितीयं कम्ममासंकलेजा ताव णं से विवन्न-जुइं विवन्न-कंति वियलिय-लावन्न-सिरीयं निन्नट्ठदित्ति-तेयं बोंदी भवेजा जाव णं चुय-कंति-लावन्न-सिरियं नित्तेय नित्तेय-बोंदी भवेजा ताव णं सीएजा फरिसिदिए जाव णं सीएजा फरिसिदिए ताव णं सव्वट्ठा विवट्ठेजा सव्वत्थ चक्खुरागे जाव णं सव्वत्थ विवट्ठेजा चक्खुरागे ताव णं रागारुणे नयण-जुयले भवेजा जाव णं रागारुणे य नयनजुयले भवेजा ताव णं रागंधत्ताए न गणेजा सुमहंत-गुरु-दोसे वयभंगे न गणेजा सुमहंत-गुरु दोसे नियम-भंगे न गणेजा सुमहंत-घोर-पाव-कम्म-समायरणं सील-खंडणं न गणेजा सुमहंत-सव्व-गुरु-पाव-कम्म-समायरणं संजमविराहणं न गणेजा घोरंधयारं परलोग-दुक्खभयं न गणेजा आयई न गणेजा सकम्म-गुणट्ठाणगं न गणेजा ससुरासुरस्सा वि णं जगस्स अलंघणिज्जं आणं न गणेजा-

अनंतहुत्तो चुलसीइजोणिलक्ख-परिवत्त-गळ्भ-परंपरं अलद्धणिमि-सद्ध-सोक्खं-चउगउ-संसार-दुक्खं न पासिजा जं पासणिज्जं न पासिजा जं अपासणिज्जं सव्व-जण-समूह-मज्झ-सत्तिविट्ठियाणि-

वन्नचक्रमिय-निरिक्खिज्जमाणी वा दिप्पंत-किरण-जाल-दस-दीसी-पयासिय-तवंत-तेयरासी-सूरिरू वि तथा वि णं पासेज्जा सुन्धयारे सव्वे दिसा भाए जाव णं रागंधत्ताए न गणेज्जा सुमहल्लगुरु-दोसे-वय-भंगे नियम-भंगे सील-खंडणे संजम-विराधने परलोग-भाए-आणा-मंगाइक्कमे अनंत-संसार-भाए पासेज्जा अपासणिजे सव्वजण-पयड-दिनयरे वि णं मन्निज्जा णं सुन्धयारे सव्वे दिसा भाए (जाव णं भवे न गणेज्जा सुमहल्लगुरुदोसे वय-भंगे सील-खंडणिज्जा) ताव णं भवेज्जा अच्चंत-निम्भड-सोहग्गाइसइ विच्छाए रागारुण-पंडुरे दुद्दंसणिजे अनिरिक्खणिजे अनिरिक्खणिजे वयण-कमले भवेज्जा जाव णं अच्चंत निम्भड-सोहग्गाइसए विच्छा ए रागारुण-पंडुरे दुद्दंसणिजे वयण-कमले भवेज्जा ताव णं फुरुफुरेज्जा सणियं सणियं बोंद-पुड-नियंब-वच्छोरुह-बाहुलइ-उरु-कंठ-पएसे जाव णं फुरफुरेति बोंद-पुड-नियंब-वच्छोरुह-बाहुलइ-उरु-कंठपएसे ताव णं मोट्टायमाणी अंगपालियाहिं निरुवलकखे वा सोवलकखे वा भंजेज्जा सव्वंगोवंगे जाव णं मोट्टायमाणी अंगपालियाहिं भंजेज्जा सव्वंगोवंगे ताव णं मयणसरसन्निवाएणं जज्जरियसंभिन्ने सव्वरोम-कूवे तणू भवेज्जा जाव णं मयणसर-सन्निवाएणं विद्धसिए बोंदी भवेज्जा ताव णं तथा परिणमेज्जा तनू जहा णं मणगं पयलंति धातूओ जाव णं मणगं पयलंति धातूओ ताव णं अच्चत्थं वाहिज्जंति पोग्गल-नियंबोरु-बाहुलइयाओ जाव णं अच्चत्थं वाहिज्जइ नियंबो ताव णं दुक्खेणं धरेज्जा गत्त-जट्ठिं जाव णं दुक्खेणं धरेज्जा गत्त-यट्ठिं ताव णं से नोवलकखेजा-

– अत्तीयं सरीरावत्थं जाव णं नोवलकखेज्जा अत्तीयं सरीरावत्थं ताव णं दुवालसेहि समएहिं दर-निच्चेट्ठं भवे बोंदी जाव णं दुवालसेहि दर-निच्चेट्ठं भवे बोंदी ताव णं पडिखलेज्जा से ऊसासा-नीसासे जाव णं पडिखलेज्जा ऊसासा-नीसासे ताव णं मंदं मंदं ऊससेज्जा मंदं मंदं नीससेज्जा जाव णं एयाइं एत्तियाइं भावंतरं अवत्थतराइं विहारेज्जा ताव णं जहा गहग्घत्थे केइ पुरिसे इ वा इत्थि इ वा विसंदुलाए पिसायाए भारतीए असंबद्धं संलवियं विसंखुलंतं अच्चत्तं उल्लवेज्जा एवं सिया णं इत्थीयं विसामावत्त-मोहन-मम्मनुल्लावेणं पुरिसे दिट्ठ-पुव्वे इ वा अदिट्ठ पुव्वे इ वा कंतरूवे इ वा अंकतरूवे इ वा गय जोव्वणे इ वा पडुप्पन्न-जोव्वणे इ वा महासत्ते इ वा हीनसत्ते इ वा सप्पुरिसे इ वा कापुरिसे इ वा इट्ठिमंते इ वा अनिट्ठिमंते इ वा विसयाउरे इ वा निव्विनकामभोगे इ वा समणे इ वा माहणे इ वा जाव णं अन्नयरे वा केई निंदियाहम-हीणजाईए इ वा अज्जत्थेणं आमंतेमाणी उल्लवेज्जा जाव णं संखेज्ज-भेदभिन्नेणं सरागेणं सरेणं दिट्ठीए इ वा पुरिसे उल्लवेज्जा निज्जाएज्ज वा ताव णं जं तं असंखेज्जाइं अवसप्पिणी-ओसप्पिणी-कोडी-लक्खाइं दोसुं नरय-तिरिच्छासुं गतीसुं उक्कोस-ट्ठितीयं कम्मं आसंकलियं आसिओ तं निबंघेज्जा नो णं बद्ध-पुट्टं करेज्जा से वि णं जं समयं पुरिसस्स णं सरिरावयव-फरिसणाभिमुहं भवेज्जा नो णं फरिसेज्जा तं समयं चव तं कम्म-ठिइं बद्ध-पुट्टं करेज्जा नो णं बद्ध-पुट्टनिकायं ति

मू. (३८८) एवायसरम्मि उ गोयमा संजोगेणं संजुजेज्जा से वि णं संजोए पुरिसायत्ते पुरिसे वि णं जे णं न संजुजे से धन्ने जे णं संजुजे से अधन्ने ।

मू. (३८९) से भयवं केणं अट्टेणं एवं वुच्चइ जहा पुरिसे वि णं जे णं न संजुजे से णं धन्ने जे णं संजुजे से अधन्ने गोयमा जे य णं से तीए इत्थीए पावाए बद्ध-पुट्ट-कम्म-ट्ठिइं चिट्ठइ से णं पुरिससंगेणं निकाइज्जइ तेनंतु बद्ध-पुट्ट-निकाइएणं कम्मणं सा वराई तं तारिसं अज्जवसायं पडुच्चा एग्गिदियत्ताए

पुढवादीसुं गया समाणी अनंत-काल-परियट्टेण वि णं नो पावेज्जा बेइंदियत्तणं एवं कह कह वि बहुकेसेणं अनंत-कालाओ एगिंदियत्तणं खविय बेइंदियत्तं एवं तेइंदियत्त चउरिंदियत्तमवि केसेणं वेयइत्ता पंचिंदियत्तेणं आगया समाणी दुब्भित्थिय-पंड-तेरिच्छ-वेयमाणी हा-हा-भूय-कट्ट-सरणा सिविवेण वि अदिट्ट-सोक्खा निच्चं संतावुव्वेविया सुहिसयण-बंधव-विवज्जिया आजम्मं कुच्छणिज्जं गरहणिज्जं निंदणिज्जं खिसणिज्जं बहु-कम्मंतेहिं अनेग-चाडु-सएहिं लद्धोदरभरणा सव्व-लोग-परिभूया चउ-गतीए संसरेज्जा अन्नं च णं गोयमा जावइयं तीए पावइत्थीए बद्ध-पुट्टनिकाइयं कम्म-ट्टिइं समज्जियं तावइयं इत्थियं अभिलसिउ-कामे पुरिसे उक्किट्टकिट्टयरं अनंतं कम्म-ट्टिइं बद्ध-पुट्ट-निकाइयं समज्जिणेज्जा एतेनं अट्टेणं गोयमा एवं वुच्चइ जहा णं पुरिसे वि णं जे णं नो संजुजे से णं धन्ने जे णं संजुजे से णं अधन्ने ।

मू. (३९०) भयवं केसणं पुरिसे स णं पुच्छा जाव णं धन्नं वयासि गोयमा छव्विहे पुरिसे नेए तं जहा-अहमाहमे अहमे विमज्जिमे उत्तमे उत्तमुत्तमे सव्वुत्तमुत्तमे ।

मू. (३९१) तत्थ णं जे सव्वुत्तमुत्तमे पुरिसे से णं पंचंगुब्भडजोव्वण-सव्वुत्तम-रूव-लावन्न-कंति-कलियाए वि इत्थीए नियं बारूढो वाससयं पि चिट्ठिज्जा नो णं मनसा वि तं इत्थियं अभिलसेज्जा

मू. (३९२) जे णं तु से उत्तमुत्तमे से णं जइ कहवि तुडी-तिहाएणं मनसा समयमेक्के अभिलसे तहा वि बीय समये मणं सन्निरुंभिय अत्ताणं निंदेज्जा गरहेज्जा न पुणो बीएणं तज्जम्मे इत्थीयं मनसा वि उ अभिलसेज्जा जे णं से उत्तमे से णं जइ कह वि खणं मुहुत्तं वा इत्थियं कामिज्जमाणिं पेक्खेज्जा तओ मनसा अभिलसेज्जा जाव णं जामद्ध-जामं वा नो णं इत्थीए समं विकम्मं समायरेज्जा ।

मू. (३९३) जइ णं बंभयारी कयपच्चक्खाणाभिग्गहे अहा णं नो बंभयारी नो कयपच्चक्खाणा-भिग्गहे तो णं निय-कलत्तभयणा न तु णं तिब्बेसु कामेसु अभिलासी भवेज्जा तस्स एयस्स णं गोयमा अत्थि बंधो किंतु अनंत-संसारियत्तणं नो निबंधेज्जा ।

मू. (३९४) जे णं से विमज्जिमे से णं निय-कलत्तेणं सद्धिं विकम्मं समायरेज्जा नो णं पर-कलत्तेणं एसे य णं जइ पच्छा उग्ग-बंभयारी नो भवेज्जा तो णं अज्झवसाय-विसेसं तं तारिसमंगी-काऊणं अनंत-संसारियत्तेणे भयणा जओ णं जे केइ अभिगय-जीवाइ-पयत्थे सव्वसत्ते आगमानु-सारेणं सुसाहूणं धम्मोवट्ठंभ-दानाइ-दान-सील-तव-भावणामइए चउव्विहे धम्म-खंधे समनुट्टेज्जा से णं जइ कहवि नियम-वयभंगं न करेज्जा तओ णं साय-परंपरणं सुमानुसत्त-सुदेवत्ताए जाव णं अपरिवडिय-सम्मत्ते निसग्गेन वा अभिगमेणन वा जाव अट्टारससीलंग-सहस्सधारी भवित्ताणं निरुद्धासवदारे विहूय-रयमले पावयं कम्मं खवित्ताणं सिज्जेज्जा ।

मू. (३९५) जे य णं से अहमे से णं स-पर-दारासत्त-माणसे अनुसमयं कूरज्जव-सायज्जवसिय-चित्ते हिंसारंभ-परिग्गहाइसु अभिरए भवेज्जा तहा णं जे य से अहमाहमे से णं महापाव-कम्मे सव्वाओ इत्थीओ वाया मनसा य कम्मणा तिविहं तिविहेणं अनुसमयं अभिलसेज्जा तहा अच्चंतकूरज्जवसाय-अज्जवसिएहिं चत्ते हिंसारंभ-परिग्गहासत्ते कालं गमेज्जा एएसिं दोणहं पि णं गोयमा अनंत-संसारियत्तणं नेयं ।

मू. (३९६) भयवं जे णं से अहमे जे वि णं से अहमाहमे पुरिसे तेसिं च दोणहं पि अनंत-संसारियत्तणं समक्खायं तो णं एगे अहमे एगे अहमाहमे एतेसिं दोणहं पि पुरिसावत्थाणं के

पइविसेसे गोयमा जे णं से अहम-पुरिसे से णं जइ वि उ स-पर-दारासत्त-माणसे कूरज्जवसायज्जव-सिएहिं चित्ते हिंसारंभ-परिग्गहासत्त-चित्ते तथा वि णं दिक्खियाहिं साहुणीहिं अन्नयरासुं च सीलं-संरट्ठक्खण-पोसहोववास-निरयाहिं दिक्खियाहिं गारत्थीहिं वा सद्धिं आवडिय-पेल्लियामंति ए वि समाणे नो वियम्मं समायरेज्जा ते णं चेव से महा-पाव-कम्मं सव्वाहमाहमे समक्खाए से णं गोयमा पइ-विसेसे तथा य जे णं से अहम्म-पुरिसे से णं अनंतेन कालेणं बोहिं पावेज्जा जे य उ न से अहमाहमे महा-पावकारी दिक्खियाहिं पि साहुणीहिं पि समं वियम्मं समायरिज्जा से णं अनंत-हुत्तो वि अनंत-संसारमाहिं डिऊणं पि बोहिं नो पावेज्जा एसे य गोयमा बिति ए पइ-विसेसे ।

मू. (३९७) तत्थ णं जे से सव्वुत्तमे से णं छउमत्थ-वीयरगे नेए जेणं तु से उत्तमुत्तमे से णं अनिद्धि पत्त-पभित्तीए जाव णं उवसामग-खवए ताव णं नियोयणीए जेणं च से उत्तमे से णं अप्पमत्तसंजए नेए एवमेएसिं निरूवणा कुज्जा ।

मू. (३९८) जेउ न मिच्छदिट्ठी भवित्ताणं उग्गबंभयारी भवेज्जा हिंसारंभ-परिग्गहाईणं विरए से णं मिच्छ-दिट्ठी चेव नेए नो णं सम्मदिट्ठी तेसिं च णं अविइय जीवाइ-पयत्थ-सब्बावाणं गोयमा नो णं उत्तमतो अभिनंदणिज्जे पसंसणिज्जे वा भवइ जओ तेनं ते अनंतर-भवि ए दिव्वोरालि ए विसए पत्थेरेज्जा अन्नं च कयादी ते दिव्वित्थियादओ संचिक्खिय तओ णं बंभव्वयाओ परिभंसेज्जा नियाणकडे वा हवेज्जा ।

मू. (३९९) जे य णं से विमज्जिमे से णं तं तारिसमज्जवसायमंदीकिच्चाणं विरयाविरए दट्ठवे ।

मू. (४००) तथा णं जे से अहमे जे य णं से अहमाहमे तेसिं तु णं एगंतेन जहा इत्थीसुं तथा णं नेए जाव णं कम्म-डिइं समजेज्जा नवरं पुरिसस्स णं संचिक्खणगेसु वच्छरुहोवरतल-पक्खाएसुं लिंगे य अहिययरं रागमुप्पज्जे एवं एते चेव सव्वेसिमित्थीणं ।

मू. (४०१) कासिं चि इत्थीणं गोयमा भव्वत्तं सम्मत्त-दट्ठत्तं च अंगी-काऊणं जाव णं सव्वुत्तमे पुरिसविभागे ताव णं चित्तणिज्जे नो णं सव्वेसिमित्थीणं ।

मू. (४०२) एवं तु गोयमा जीए इत्थीए-ति कालं पुरिससंजोग-संपत्ती न संजाया अहा णं पुरिस-संजोग-संपत्तीए वि साहीणाए जाव णं तेरसमे चोदसमे पन्नरसमे णं च समएणं पुरिसेणं सद्धिं न संजुत्ता नो वियम्मं समायरियं से णं जहा घन-कट्ठ-तण-दारु-समिद्धे केई गामे इ वा नगरे इ वा रन्ने इ वा संपलित्ते चंडानिल-संधुक्कि ए पयलित्ताणं पयलित्ताणं निडज्जिय निडज्जिय चिरेणं उवसमेज्जा एवं इगवीसमे बावीसमे जाव णं सत्ततीसइमे समए जहा णं पदीव-सिहा वावन्ना पुनरवि सयं वा तथाविहेणं चुन्न-जोगेणं वा पयलिज्जा वा एवं सा इत्थी-पुरिस-दंसणेन वा पुरिसालावग-सवणेण वा मदेणं कंदप्पेणं कामग्गि ए पुनरवि उ पयलेज्जा ।

मू. (४०३) एत्थं च गोयमा जं इत्थीयं भएण वा लज्जाए वा कुलंकुसेण वा जाव णं धम्म-सद्धाए वा तं वेयणं अहियासेज्जा नो वियम्मं समायरेज्जा से णं धन्ना से णं पुत्रा से य णं वंदा से णं पुत्रा से णं दट्ठव्वा से णं सव्व-लक्खणा से णं सव्व-कल्लाण-कारया से णं सव्वुत्तम-मंगल-निहि से णं सुयदेवता से णं सरस्सती से णं अबंहंडी से णं अच्चुया से णं इंदानीं से णं परमपवित्तुत्तमा सिद्धी मुत्ती सासया सिवगए त्ति ।

मू. (४०४) जमिखियं तं वेयणं नो अहियासेज्जा वियम्मं वा समायरेज्जा से णं अधत्ता से णं अपुत्ता से णं अवंदा से णं अपुत्ता से णं अदद्व्वा से णं अलक्खणा से णं भग्ग-लक्खणा से णं सव्व अमंगल-अकल्लाण-भायणा से णं भट्ट-सीला से णं भट्टायारा से णं परिभट्ट-चारित्ता से णं निंदनीया से णं गरहणीया से णं खिसिणिज्जा से णं कुच्छणिज्जा से णं पावा से पावा-पाव से णं महापावा-पावा से णं अपवित्ति त्ति एवं तु गोयमा चडुलत्ताए भीरुत्ताए कायरत्ताए लोलत्ताए उम्मायओ वा दप्पओ वा कंदप्पओ वा अणप्प-वसओ वा आउट्टियाए वा जमिखियं संजमाओ परिभस्सिय दूरद्धाणे वा गामे वा नगरे वा रायहाणीए वा वेसग्गहणं अच्छट्ठिय-पुरिसेणं सद्धिं वियम्मं समायरेज्जा भूओ भूओ पुरिसं कामेज्ज वा रमेज्ज वा अहा णं तमेव दोयत्थियं कज्जं इइ परिकप्पेत्ता णं तमाइवेज्जा तं चेव आईवमाणी पस्सियाणं उम्मायओ वा दप्पओ वा कंदप्पओ वा अणप्पवसओ वा आउट्टियाए वा केइ आयरिए इ वा सामन्न-संजए इ वा राय-संसिए इ वा वाय-लद्धिजुत्ते इ वा तवो-लद्धिजुत्ते इ वा जोग्युन्नलद्धिजुत्ते इ वा विन्नाणलद्धिजुत्ते इ वा जुगप्पहाणे इ वा पवयणप्पभावगे इ वा तमत्थियं अन्नं वा रामेज्ज वा कामेज्ज वा अभिलसेज्ज वा भुंजेज्ज वा परिभुंजेज्जा वा जाव णं वियम्मं वा सायरेज्जा से णं दुरंत-पंत-लक्खणे अहन्ने अवंदे अदद्व्वे अपवित्ते अपसत्थे अकल्लाणे अमंगले निदंणिज्जे गरहणिज्जे खिसिणिज्जे कुच्छणिज्जे से णं पावे से णं पाव-पावे से णं महापावे-से णं महापाव-पावे से णं भट्ट-सीले से णं भट्टायारे से णं निब्भट्टचारित्ते महा-पाव-कम्मकारी जइ णं पायच्छित्त-मब्भुट्टेज्जा तओ णं मंदरतुंणेणं वइरेणं सरिरेणं उत्तमेणं संघयणेणं उत्तमेणं पोरुसेणं उत्तमेणं सत्तेणं उत्तमेणं तत्त-परिन्नाणेणं उत्तमेणं वीरियसामत्थेणं उत्तमेणं संवेगेणं उत्तमाए धम्म-सद्धाए उत्तमेणं आउक्खएणं ते पायरिच्छत्तमनुचरेज्जा ते णं गोयमा साहूणं महानुभागाणं अट्टारस-परिहारट्टाणाइं नव-बंधेर-गुत्तीओ वागरिज्जंति ।

मू. (४०५) से भयवं किं पच्छित्तेणं सुज्जेज्जा गोयमा अत्थेगे जे णं सुज्जेज्जा अत्थेगे जे णं नो सुज्जेज्ज से भयवं केणं अट्टेणं एवं वुच्चइ जहा णं गोयमा अत्थेगे जे णं सुज्जेज्ज अत्थेगे जे णं नो सुज्जेज्जा गोयमा अत्थेगे जे णं नियडी-पहाणे सढ-सीले वंक-समायारे से णं ससल्ले आलोइउत्ताणं ससल्लेणं चेव पायच्छित्तमनुचरेज्जा से णं अविमुद्ध-सकलुसासए नो सुज्जेज्जा अत्थेगे जे णं उज्जू पद्धर-सरल-सहावे जहा-वत्तं नीसल्लं नीसकं सुपरिफुडं आलोइत्ताणं जहोवइइं चेव पायच्छित्त-मनुचिट्टेज्जा से णं निम्मल-निक्कलुस-विमुद्धसए वि सुज्जेज्जा एतेनं अट्टेणं एवं वुच्चइ जहा णं गोयमा अत्थेगे जे णं सुज्जेज्जा अत्थेगे जे णं नो सुज्जेज्जा ।

मू. (४०६) तहा णं गोयमा इत्थियं नाम पुरिसाणं अहमाणं सव्व-पाव-कम्माणं वसुहारा तमरय-पंक-खाणी सोग्गइ-मग्गस्स नरयावयारस्स णं समोयरण-वत्तणी, अभूमयं विसकंदलिं अनग्गियं चडुलिं अभोयणं विसूइयं अनामियं वाहिं अवेयणं मुच्छण अनोवसग्गं मारिं अणियलिं गुत्तिं अरज्जुए पासे अहेइए मच्चू तहा य णं गोयमा इत्थि-संभोगे पुरिसाणं मनसा वि णं अचिंतणिज्जे अणज्जवसिणज्जे अपत्थणिज्जे अनीहणिज्जे अवियप्पणिज्जे असंकप्पणिज्जे अनभिलसणिज्जे असंभरणिज्जे तिविहं तिविहेणं ति जओ णं इत्थियं नाम पुरिसस्स णं गोयमा सव्वप्पगारेसुं पि दुस्साहिय-विज्जं पिव दोसुप्पायणिं सारंभ-संजणं पि व पुणो असंजमायरणं अपुट्टधम्म खलियचारित्तं पिव अनालोइयं अनिदियं अगरहियं अकय-पायच्छित्तज्जवसायं पडुच्च अनंत-संसार-परियट्टण-

तदुक्खसंदोहं कय-पायच्छित्त-विसोहिं पि व पुणो असंजमायरणं महंत-पाव-कम्म-संचयं हिंसं व सयल-तेलोक्क-निंदियं अदिट्ठ-परलोग-पच्चवाय-घोरंधयार-नरय-वासो इव-निरंतराणेण-दुक्ख-निहिं ति ।

मू. (४०७)

अंग-पच्चंग-संठाणं चारुल्ल विय-पेहियं ।

इत्थीणं तं न निज्जाए काम-राग-विवहणं ॥

मू. (४०८) तथा य इत्थीओ नाम गोयमा पलय-काल-रयणी-मिव सव्व-काललं तमोवलित्ताओ भवंति विज्जु इव खणदिट्ठ-नट्ट-पेम्माओ भवंति सरणागय-घायगो इव एक-जम्मियाओ तक्खणपसूय-जीवंत-मुद्ध-निय-सिसु-भक्खीओ इव महा-पाव-कम्माओ भवंति खर-पवणुच्चालिय-लवणोवहि-वेलाइव बहु-विह-विकप्प-कल्लोलमालाहिं णं खणं पि एगत्थ हि असंठिय-मानसाओ भवंति सयंभुरमणोवहिममिव दुरवगाह-कइतवाओ भवंति पवणो इव चडुल-सहावाओ भवंति अग्गी इव सव्व-भक्खाओ वाऊ इव सव्व-फरिसाओ तक्करो इव परत्थलोलाओ साणो इव दानमेत्तीओ मच्छो इव हव्व-परिचत्त-नेहाओ एवमाइ-अनेग-दोस-लक्ख-पडिपुत्र-सव्वंगोवंग-सब्भितर-बाहिराणं महापाव-कम्माणं अविनय-विस-मंजरीणं तत्थुप्पन्न-अनत्थ-गथ-पसूर्इणं इत्तीणं अनवरय-निज्जरंतदुग्गंथाऽसुइ-चिलीणं-कुच्छ-निज-निंदणिज्ज-खिसणिज्ज-सव्वंगोवगाणं सब्भंतर-बाहिराणं परमत्थओ महासत्ताण निव्विन्नकाम-भोगाणं गोयमा सव्वुत्तमुत्तमपुरिसाणं के नाम सयन्ने सुविन्नाय-धम्महम्मे खणमवि अभिलासं गच्छिज्ज ।

मू. (४०९) जासिं च णं अभिलासिउकामो पुरिसे तज्जोणिं समुच्छिम-पंचिदियाणं एक्कपसंगेणं चेव नवण्हं सय-सहस्साणं नियमाओ उद्वगे भवेज्जा ते य अच्चंत-सुहुमत्ताओ मंसचक्खुणो न पासिया ।

मू. (४१०) एए णं अट्टेणं एवं वुच्चइ जहा णं गोयमा नो इत्थीयं आलवेज्जा नो संलवेज्जा नो उल्लवेज्जा नो इत्थीणं अंगोवंगाई संनिरिक्खेज्जा जाव णं नो इत्थीए सद्धि एगे बंधयारी अद्धाणं पडिवज्जेज्जा ।

मू. (४११) से भयवं किमित्थिए संलावुल्लावंगोघंग-निरिक्खणं वज्जेज्जा से णं उयाहु मेहुणं गोयमा उभयमवि से भयवं किमित्थि-संजोग-समायरणे मेहुणे परिवज्जिया उयाहु णं बहुविहेसु सच्चिचित्तवत्थु-विसएसु मेहुण-परिणामेतिविहंतिविहेणं मनो-वइ-काय-जोगेणं सव्वहा सव्वकालं जावज्जीवाए ति गोयमा सव्वहा विवज्जेज्जा ।

मू. (४१२) से भयवं जे णं केई साहू वा साहुणी वा मेहुणमासेवेज्जा से णं वंदेज्जा गोयमा जे णं केई साहू वा साहुणी वा मेहुणं सयमेव अप्पणा सेवेज्ज वा परेहि उवइसेत्तुं सेवावेज्जा वा सेविज्जमाणं समनुजाणेज्जा वा दिव्वं वा मानुसं वा तिरिक्ख-जोणियं वा जाव णं करकम्माइं सचित्ताचित्त-वत्थुविसयं वा दूरंत-पत-लक्खण-अदट्ठवे अमग्ग-समायारे महापाव-कम्मे नो णं वंदेज्जा नो णं वंदावेज्जा नो णं वंदिज्जमाण वा समनुजाणेज्जा तिविहं जाव णं विसोहिकालं ति से भयवं जे वंदेज्जासे किं लभेज्जा गोयमा जे तं वंदेज्जा से अट्टारसण्हं सीलंग-सहस्सधारीणं महानुभागाणं तित्थयरादीणं महती आसायणं कुज्जा जे णं तित्थयरादीणं आसायणं कुज्जा से णं अज्जवसायं पडुच्चा जाव णं अनंत-संसारियत्तणं लभेज्जा ।

- मू. (४१३) विष्पहिच्चित्तियं सम्मं सव्वहा मेहुणं पि य ।
अत्येगे गोयमा पाणी जे नो चयइ परिग्गहं ॥
- मू. (४१४) जावइयं गोयमा तस्स सच्चित्ताचित्तोयत्तं ।
पभूयं चानुजीवस्स भवेज्जा उ परिग्गहं ॥
- मू. (४१५) तावइएणं तु सो पाणी ससंगो मोक्ख-साहणं ।
नाणादि-तिगं न आराहे तम्हा वज्जे परिग्गहं ॥
- मू. (४१६) अत्येगे गोयमा पाणी जे पयहिता परिग्गहं ।
आरंभ नो विवज्जेज्जा जं चीयं भवपरंपरा ॥
- मू. (४१७) आरंभे पत्तियस्सेग-वियल-जीवस्स वइयरे ।
संघट्टणाइयं कम्मं जं बद्धं गोयमा सुणं ॥

मू. (४१८) एगे बेइंदिए जीवे एगं समयं अनिच्छमाणे बलाभिओगेणं हत्येण वा पाएण वा
अन्नयरेण वा सलागाइ-उवगरण-जाएणं जे केइ पाणी अगाढं संघट्टेज्जा वा संघट्टावेज्ज वा संघट्टिज्जमाणं
वा अगाढं परेहिं समनुजाणेज्जा से णं गोयमा जया तं कम्मं उदयं गच्छेज्जा तया णं महया केसेणं
छम्मासेणं वेदेज्जा गाढं दुवालसहिं संवच्छरेहिं तमेव अगाढं परियावेज्जा वास-सहस्सेणं गाढं दसहिं
वास-सहस्सेहिं तमेव अगाढं किलामेज्जा वास-लक्खेणं गाढं दसहिं वासलक्खेहिं अहा णं उद्वेज्जा
तओ वास-कोडिए एवं ति-चउ-पंचिंदिएसु दइव्व ।

- मू. (४१९) सुहुमस्स पुढवि-जीवस्स जत्तेगस्स विराधनं ।
अप्पारंभं तयं बेति गोयमा सव्व-केवली ॥
- मू. (४२०) सुहुमस्स पुढवि-जीवस्स वावत्ती जत्थ संभवे ।
महारंभं तयं बेति गोयमा सव्व-केवली ॥
- मू. (४२१) एवं तुं सम्मिलंतेहिं कम्मक्कुरुडेहिं गोयमा ।
से सोट्टब्भेअनंतेहिं जे आरंभे पवत्तए ॥
- मू. (४२२) आरंभे वट्टमाणस्स बद्ध-पुट्ट-निकाइयं ।
कम्मं बद्धं भवे जम्हा तम्हारंभं विवज्जए ॥
- मू. (४२३) पुढवाइ-अजीव-कायं ता सव्व-भावेहिं सव्वहा ।
आरंभा जे नियट्टेज्जा से अइरा जम्म-जरा-मरण ।
सव्व-दारिद्द-दुक्खाणं विमुच्चइ त्ति ॥
- मू. (४२४) अत्येगे गोयमा पाणी जे एयं परिबज्जिउं ।
एगंत-सुह-तल्लिच्छे न लभे सम्मग्गवत्तणिं ॥
- मू. (४२५) जीवे संमग्गग-मोइन्ने घोर-वीरतवं चरे ।
अचयंतो इमे पंच कुज्जा सव्वं निरत्थयं ॥
- मू. (४२६) कुसीलोसन्न-पासत्ये सच्छंदे सबले तथा ।
दिट्ठीए वि इमे पंच गोयमा न निरिक्खए ॥
- मू. (४२७) सव्वन्नु-देसियं मग्गं सव्व-दुक्ख-पनासणं ।

- साया गारव-गरुए वि अन्नहा भणिउमुज्झए ॥
 मू. (४२८) पयमक्खरे पि जो एगं सव्वन्नूहिं पवेदियं ।
 न रोएज्ज अन्नहा भासे मिच्छ-दिट्ठी स निच्छियं ॥
 मू. (४२९) एयं नाऊण संसग्गि दसिणालाव-संथवं ।
 सवासं च हियाकंखी सव्वोवाएहिं वज्जए ॥
 मू. (४३०) भयवं निब्भट्ठ-सीलाणं दरिसणं तं पि नेच्छसि ।
 पच्छित्तं वागरेसी य इति उभयं न जुज्जए ॥
 मू. (४३१) गोयमा भट्ठ-सीलाणं दुत्तरे संसार-सागरे ।
 धुवं तमनुकंपित्ता पायच्छित्ते पदरिसिए ॥
 मू. (४३२) भयवं किं पायच्छित्तेणं छिंदिज्जा नारगाउयं ।
 अनुचरिऊण पच्छित्तं बहवें दुग्गहं गए ॥
 मू. (४३३) गोयमा से समज्जेज्जा अनंत-संसारियत्तणं ।
 पच्छित्तेणं धुवं तं पि छिंदे किं पुणा नरयाउयं ॥
 मू. (४३४) पायच्छित्तस्स भुवणेत्थ नासज्झं किं चि विज्जए ।
 बोहिलाभं पमोत्तूणं हारियं तं न लब्भए ॥
 मू. (४३५) तं चाउकाय-परिभोगे तेउकायस्स निच्छियं ।
 अबोहिलाभियं कम्मं बज्जए महुणेन य ॥
 मू. (४३६) मेहुणं आउ-कायं च तेउ-कायं तहेव य ।
 तम्हा तओ वि उत्तेणं वज्जेज्जा संजइंदिए ॥
 मू. (४३७) से भयवं गारत्थीणं सव्वमेवं पवत्तइ, ता जई अबोही ।
 भवेज्ज एसु तओ सिक्खा-गुणाऽनुव्वयधरणं तु निष्फलं ॥
 मू. (४३८) गोयमा दुविहे पहे अक्खए सुस्समणे य सुसावाए ।
 महव्वय-धरे पढमे बीएऽनुव्वय-धारए ॥
 मू. (४३९) तिविहं तिविहेणं समणेहिं सव्व-सावज्जमुज्झियं ।
 जावज्जीवं वयं घोरं पडिवज्जियं मोक्ख-साहणं ॥
 मू. (४४०) दुविहेग-विहं तिविहं वा थूलं सावज्जमुज्झियं ।
 उद्विड्ढ-कालियं तु वयं देसेणं न संवसे गारत्थीहिं ॥
 मू. (४४१) तहेव तिविहं तिविहेणं इच्छारंभं-परिग्गहं ।
 वोसिरंति अनगारे जिनलिगं तु धरंति ते ॥
 मू. (४४२) इयरे उणं अनुज्झित्ता इच्छारंभं-परिग्गहं ।
 सदाराभिरए स गिही जिन-लिगं तु पूयए न धारयं ति ॥
 मू. (४४३) तो गोयमेग-देसस्स पडिकंते गारत्थे भवे ।
 तं वयमनुपालयंताणं नो सिं आसादनं भवे ॥
 मू. (४४४) जे पुन सव्वस्स पडिकंते धारे पंच-महव्वए ।

- जिनलिंगं तु समुव्वहइ तं तिगं नो विवज्जए ॥
 मू. (४४५) तो महयासायणं तेसिं इत्थि-ग्गी-आउ-सेवणे ।
 अनंतनाणी जिने जम्हा एयं मनसा वि नाऽभिलसे ॥
- मू. (४४६) ता गोयमा सहियएणं एवं वीमसिउं दढं ।
 विभावय जइ बंधेज्जा गिहि नो उ अबोहिलाभियं ॥
- मू. (४४७) संजए पुन निबंधेज्जा एयाहिं हेऊहिं य ।
 आणाइक्कम-वय-बभंगा तह उम्मग्ग-पवत्तणा ॥
- मू. (४४८) मेहुणं चायुकायं च तेउकायं तहेव य ॥
 हवइ तम्हा तितयं ति जत्तेणं वज्जेज्जा सव्वहा मुनी ॥
- मू. (४४९) जे चरंते व पच्छित्तं मनेनं संकिल्लिसए ।
 जह भणियं वाहणानुट्ठे निरयं सो तेन वच्चए ॥
- मू. (४५०) भयवं मंदसद्धेहिं पायच्छित्तं न कीरई ।
 अह काहिंति किल्लिड्ड-मने तो अनुकंप विरुज्जए ॥
- मू. (४५१) नारायादीहिं संगामे गोयमा सल्लिए नरे ।
 सल्लुद्धरणे भवे दुक्खं नानुकंपा विरुज्जए ॥
- मू. (४५२) एवं संसार-संगामे अंगोवंगंत-बाहिरं ।
 भाव-सल्लुद्धरित्ताणं अनुकंपा अनोवमा ॥
- मू. (४५३) भयवं सल्लम्मि देहत्ये दक्खिए होति पाणिणो ।
 जं समयं निप्फिडे सल्लं तक्खणा सो सुही भवे ॥
- मू. (४५४) एवं तित्ययरे सिद्धे साहू-धम्मं विवंचिउं ।
 जमकज्जं कयं तेनं निसिरिएणं सुही भवे ॥
- मू. (४५५) पायच्छित्तेणं को ततथ कारिएणं सुही भवे ।
 जेणं थेवस्स वी देसि दुक्करं दुरनुच्चरं ॥
- मू. (४५६) उद्धरिउं गोयमा सल्लं वण-भंगं जाव नो कये ।
 वण-पिंडीपट्ट-बंधं च ताव नो किं परुज्जए ॥
- मू. (४५७) भावसल्लस्स वण-पिंडिं पट्ट-भूओ इमो भवे ।
 पच्छित्तो दुक्खरोहं पि पाव-वणं खिण्णं परोहए ॥
- मू. (४५८) भयवं किमनुविज्जंते सुव्वंते जाणिए इवा ।
 सोहेइ सव्व-पावाइं पच्छित्ते सव्वन्नु-देसिए ॥
- मू. (४५९) सुसाउ-सीयले उदगे गोयमा जाव नो पिबे ।
 नरे गिम्हे वियाणंते ताव तण्हा न उवसमे ॥
- मू. (४६०) एवं जाणित्तु पच्छित्तं असढ-भावे न जा चरे ।
 ताव तस्स तयं पावं वड्ढए उ न हायए ॥
- मू. (४६१) भयवं किं तं वट्ठेज्जा जं पमादेन कत्थई ।

- आगयं पुणो आउत्तस्स तेत्तियं किं न द्वायए ॥
 मू. (४६२) गोयमा जह पमाएणं अनिच्छंतोऽवि-डंकिए ।
 आउत्तस्स जहा पच्छा विसं वट्ठे तह चेव पावगं ॥
 मू. (४६३) भयवं जे विदिय-परमत्थे सव्व-पच्छित्त-जाणगे ।
 ते किं परेसिं साहिंति नियम-कज्जं जहट्टियं ॥
 मू. (४६४) गोयमा-मंत-तंतैहिं दियहे जो कोडिमुट्ठवे ।
 से वि दट्ठे विमिच्छेट्ठे धारियन्नेहिं भल्लिए ॥
 मू. (४६५) एवं सीलुज्जले साहू पच्छित्तं तु दढव्वए ।
 अत्रेसिं निउण-लद्धं सोहे ससीसं व ण्हावीओ जह त्ति ॥

अध्ययन-२ उद्देशकः ३ समाप्तः

अध्ययनः २ - समाप्तम्

०-x-०-x-०

- मू. (४६६) एएसिं तु दोणहं पि अज्झयणाणं विहिपुव्वगेणं सव्व-सामन्नं वायणं ति

०-x-०-x-०

अध्ययन-३ - "कुशील लक्षणं"

- मू. (४६७) अओ पर चउक्कन्नं सुमहत्थाइसयं परं ।
 आणाए सद्दहेयव्वं सुत्तत्थं जं जह-ट्टियं ॥
 मू. (४६८) जे उग्घाडं परुवेज्जा देज्जा व अजोगस्स उ ।
 वाएज्ज अबंभयारी वा अविहीए अनुदिट्ठं पि वा ॥
 मू. (४६९) उम्मायं व लभेज्जा रोगायकं व पाउणे दीहं ।
 भंसेज्ज संजमाओ समरनंते वा नया वि आराहे ॥
 मू. (४७०) एत्थं तु जं विही-पुव्वं पढमज्झयणे परुवियं ।
 तीए चव विहिए तं वाएज्जा सेसाणिमं विहिं ॥
 मू. (४७१) बीयज्झयणेम्बिले पांच-नवुट्ठेसा तहिं भवे ।
 तइए सोलस उट्ठेसे अट्ठ-तत्थेव अबिले ॥
 मू. (४७२) जं तइए तं चउत्थे वि पंचमम्भि छायांबिले ।
 छट्ठे दो सत्तमे तिन्नि अट्ठमे आयंबिले दस ॥
 मू. (४७३) अनिक्खित्तं-भत्त-पानेन संघट्ठेणं इमो महा ।
 निसीह-वर-सुयक्खंधं वोढव्वं च आउत्तग-पानगेणं ति ॥
 मू. (४७४) गंभीरस्स महा-मइणो उज्जुयस्स तवो-गुणे ।
 सुपरिक्खियस्स कालेणं सय-मज्झेगस्स वायणं ॥
 मू. (४७५) खेत्त-सोहीए निच्चं तु उवउत्तो भविया जया ।
 तया वाएज्जा एयं तु अन्नहा उ छलिज्जई ॥

- मू. (४७६) संगोवंग-सुथस्सेयं नीसंदं तत्तं-परं ।
महा-निहिब्व अविहीए गिण्हंते णं छलिज्जए ॥
- मू. (४७७) अहवा सव्वाइं सेयाइं बहु-विग्घाइं भवंति उ ।
सेयाण परं सेयं सुयक्खंधं निव्विग्घं ॥
- मू. (४७८) जे धन्ने पुत्रे महानुभागे से वाइया ।
से भयवंं केरिसं तेसिं कुसीलादीण लक्खणं ॥
सम्मं विन्नाय जेणं तु सव्वहा ते विवज्जए ॥
- मू. (४७९) गोयमा सामन्नओ तेसिं लक्खणमेयं निबोधय ।
जे नच्चा तेसिं संसग्गी सव्वहा परिवज्जए ॥
- मू. (४८०) कुसीले ताव दुस्सयहा ओसन्ने दुविहे मुणे ।
पसत्थे नाणमादीणं सबले बाइसइं विहे ॥
- मू. (४८१) तत्थ जे ते उ दुसयहा उ वोच्छं तो ताव गोयमा ।
कुसीले जेसिं संसग्गीदोसेणं भस्सई मुनी खणा ॥
- मू. (४८२) तत्थी कुसीले ताव समासओ दुविहे नेए-परंपर-कुसीले य अपरंपर-कुसीले य तत्थ णं जे ते परंपर-कुसीले ते वि उ दुविहे नेए-सत्त-ङ्ग-गुरु-परंपर-कुसीले एग-दु-ति-गुरु-परंपर-कुसीले य ।
- मू. (४८३) जे विय ते अरपरंपर-कुसीले त वि उ दुविहे नेए-आगमओ नो आगमओ य ।
- मू. (४८४) जे तत्थ-आगमओ गुरु-परंपरएणं आवलियाए न केई कुसीले आसी उ ते चेव कुसीले भवंति ।
- मू. (४८५) नो-आगमओ अनेग विहा तं जहा-नाण-कुसीले दंसण-कुसीले चरित्त-कुसीले तव-कुसीले वीरङ्ग-कुसीले ।
- मू. (४८६) तत्थ णं जे से नाण-कुसीले से णं ति विहे नेए पसत्थापसत्थ-नाण-कुसीले अपसत्थनाण-कुसीले सुपसत्थनाण-कुसीले ।
- मू. (४८७) तत्थ जे से पसत्थापसत्थ-नाण-कुसीले से दुविहे नेए-आगमओ नो आगमओ य तत्थ आगमओ-विहंगनाणी पन्नविय-पसत्थापसत्थयत्थ-जाल-अज्झयण-अज्झावण-कुसीले नो आगमओ अनेगहा-पसत्थापसत्थ-पर-पासंड-सत्थ-जालाहिज्जण-अज्झावण-वायणा-नुपेहण-कुसीले ।
- मू. (४८८) तत्थ जे ते अपसत्थ-नाण-कुसीले ते एगुणतीसइविहे दइव्वे तं जहा-सावज्ज-वायविज्जा-मंत-तंत-पउंजना-कुसीले विज्जा-मंत-तंत-ताहिज्जण-कुसीले वत्थु-विज्जा पउंजणाहिज्जण-कुसीले गहरिक्ख-चार-जोइस-सत्थ-पउंजणाहिज्जण-कुसीले निमित्त-लक्खण-पउंजणाहिज्जण कुसीले सउण-लक्खण - पउंजणाहिज्जण - कुसीले हत्थि-सिक्खा - पउंजणाहिज्जण-कुसीले धनुव्वेय-पउंजना - हिज्जण-कुसीले गंधव्वेय-पउंजनाहिज्जण-कुसीले पुरिस-इत्थी-लक्खण-पउंजणज्झा-वण-कुसीले काम-सत्थ-पउंजणाहिज्जण-कुसीले कुहुगिंद जाल-सत्थ-पउंजणाहिज्जण-कुसीले आलेक्ख-विज्जाहिज्जण-कुसीले लेप्प-कम्म-विज्जा-हिज्जण-कुसीले वमन-वियेयन-बहुवेळ्ळि जाल-

समुद्धरण-कढण-काढण-वणस्सइ-वलि-मोडण-तच्छणाइ-बहुदोस-विज्जग-सत्थ-पउंजणा-हिज्जणज्झावण-कुसीले एवं जाण-जोग-पडिजोग-चुन्न-वन्न-धाउव्वाय-राय-दंडणीई-सत्थ-असणिपव्व-अग्घकंड-रयणपरीक्खा-रसवेह-सत्थ अमच्च-सिक्खा गूढ-मंत-तंत-काल-देस-संधि-विग्गहो-वएस-सत्थ-सम्म-जाण-ववहार-निरुवणऽत्थ-सत्थ-पउंजणाहिज्जण-अपसत्थ नाणकुसीले एवमेएसिं चैव पाव-सुयाणं वायणा पेहणा परावत्तना अनुसंधना सवणाऽयन्नण-अपसत्थ-नाणकुसीले ।

मू. (४८९) तत्थ जे य ते सुपसत्थ-नाण-कुसीले ते विय दुविहे नेए-आगमतो नोआगमओ य तत्थ य आगमओ-सुपसत्थं पंच-प्पयारं नाणं असायंते सुपसत्थ-नाण-धरे इ वा आसायंते सुपसत्थनाण कुसीले ।

मू. (४९०) नो आगमओ य सुपसत्थ-नाण-कुसीले अट्ठहा नेए तं जहा-अकालेणं सुपसत्थ-नाणाहिज्जणऽज्झावण-कुसीले अविनएणं सुपसत्थनाणाहिज्जणज्झवण कुसीले अबहुमानेनं सुपसत्थनाणाहिज्जणकुसीले अनोवहाणेणं सुपसत्थ-नाणाहिज्जणऽज्झावण-कुसीले जस्स य संयासे सुपसत्थ-सुत्तत्थोभयमहीयं तं निह्वण-सुपसत्थ-नाण-कुसीले सर-वंजण-हीनक्खरिय-ऽच्चक्ख-रिया हीयऽज्झावण-सुपसत्थ-नाण-कुसीले विवरीय-सुत्तत्थोभयाहीयज्झावण-सुपसत्थ-नाण-कुसीले संदिद्ध-सुत्तत्थोभयाहीय ज्झावण-सुपसत्थनाण-कुसीले ।

मू. (४९१) तत्त एएसिं अट्ठहं पि पयाणं गोयमा जे केइ अनोवहाणेणं सुपसत्थं नाण-महीयंति अज्झावयंति वा अहीयंते इ वा अज्झावयंते इ वा समनुजाणंति वा ते णं महा-पावकम्मं महत्ती सुपसत्थ-नाणस्सासायणं पकुव्वंति ।

मू. (४९२) से भयवं जइ एवं ता किं पंच-मंगलस्स णं उवधानं कायव्वं गोयमा पढमं नाणं तओ दया दयाए य सव्व-जग-जीव-पान-भूय-सत्ताणं-अत्तसमय-दरिसित्तं सव्व-जग-जीव-पाण-भूयसत्ताणं अत्तसमं दंसणाओ य तेसिं चैव संघट्टण-परियावण-किलावणोद्दावणाइ-दुक्खु-पायणं-भय-विवज्जणं तओ अनासवाअ अनासवाओ य संवुडासवदारत्तं संवुडासव-दारत्तेणं च दमो पसमोतओ य सम-सत्तु-मित्त-पक्खया सम-सत्तु-मित्त-पक्खयाए य अराग-दोसत्तंतओ य अकोहया अमानया अमायया अलोभया अकोह-मान-माया-लोभयाए य अकसावत्तंतओ य सम्मत्तं समत्ताओ य जीवाइ-पयत्थ-परित्राणं तओ य सव्वत्थ-अपिडबद्धत्तं सव्वत्थापिडबद्धतेन य अन्नाण-मोह-मिच्छत्तक्खवं तओ विवेगो विवागाओ य हेय-उवाएय-वत्थु-वियालेणे-गंत-बद्ध-लक्खत्तं तओ य अहिय-परिच्चाओ हियायरणे य अच्चंतमम्भुज्जमो तओ य परम पवित्तुत्तम-खंतादिवसविह-अहिंसा-लक्खण-धम्मनुडानिक्क-करण-कारावणा-सत्तचित्तयाए य सव्वुत्तमा खंती सव्वुत्तमं मिउत्तं सव्वुत्तं अज्जव-भावत्तं सव्वुत्तमं सबज्जम्भंतरं सव्व-संग-परिच्चाणं सव्वुत्तमं सबज्जम्भंतर-दुवालसविह-अच्चंत-घोर-वीरुग्ग-कडु-लक्खत्तं सव्वुत्तम सच्चगिरणं छक्काय-हियं अनिगूहिय-बलवीरिय-पुरिसक्कार-परक्कमपरि-तोलणं च सव्वुत्तम-सज्झायज्ञाण-सलिलेणं पावकम्म-मललेव-पुरिसक्कार-परक्कमपरि-तोलणं च सव्वुत्तम-सज्झायज्ञाण-सलिलेणं पावकम्म-मललेव-पक्कालणं ति सव्वुत्तमुत्तमं आकिचनं सव्वुत्तममुत्तमं परम-पवित्तुत्तम-सव्व-भाव-भावंतरेहि णं सुविसुद्ध-

सव्व दोस विष्प-मुक्क-नवगुत्ती-सनाह-अट्टारस-परिहारट्टाण-परिवेडिय-सुद्धुद्धर

—घोर-बंधवय-धारणंति तओ एएसिं चव सव्वुत्तम-खंती-मद्व-अज्जव-मुत्ती-तव-संजम-सच्च-सोय-आकिंचन-सुद्धुद्धर-बंधवय-धारण-समुट्टाणेणं च सव्व-समारंभ-विवज्जणं तओ य पुढवि दगागनि-वाऊ-वणप्फई बि-ति-चउ-पंचिदियाणं तहेव अजीव-कायसंरंभ-समारंभारंभाणं च मनोवइ-काय-तिएणं तिविहं तिविहेणं सोइणदि-संवरण-आहारादि-सन्ना विष्पजढत्ताए वोसिरणं तओ य अट्टारस-सीलंग-सहस्स-धारित्तं अमलिय-अट्टारस-सीलंग-सहस्स-धारणेणं च अखलिय-अखंडिय-अमलिय अविराहिय-सुद्धुग्गय-विचित्ताभिग्गह-निव्वाहण तओ य सुर-मनुय-तिरिच्छोईरिय-घोर परिसहोवसग्गाहियासणं समकरणेणं तओ य अहोरायाइ-पडिमासुं महा-पयत्तं तओ निष्पडिकम्म-सरीरया निष्पडिकम्म-सरीरत्ताए य सुक्कज्जाणे निष्पकपत्तं तओ य अनाइभव-परंपर-संचिय-असेस-कम्मट्टं-रासि-खयं अनंत-नाण-धारित्तं च चउगइ-भव-चारगाओ निष्फेडं सव्व-दुक्ख-विमोक्खं भोक्ख-गमणं च तत्थ अदिट्ट-जम्मजरा-मरणानिड्ड-संपओगिड्ड-वियोय-संतावुव्वेवगय-अयसब्बकखाणं महावाहि-वेयणा-रोग-सोग-दारिद्व-दुख-भय-वेमणस्सत्तं

—तओ य एगंतिय तओ य एगंतियं अच्चंतियं सिव-मलयमक्खयं धुवं परम-सासयं निरंतरं सव्वुत्तमं सोक्खं ति ता सव्वमेवेयं नाणाओ पवत्तेज्जा ता गोयमा एगंतिय-अच्चंतिय-परम-सासय-धुव-निरंतरं-सव्वुत्तम-सोक्ख-कंखुणा पढमयरमेव तावायरेणं सामाइयमाइयं लोण-बिंदुसार-पज्जवसाणं दुवालसंगं सुयनाणं कालंबिलादि-जहुत्त-विहिणोवहाणेणं हिंसादीयं च तिविहं तिविहेणं पडिक्कंतेन य सर-वंजण-मत्ता-बिंदुपयक्खरानूनगं पयच्छेद-घोस-बद्धयाणुपुव्वि-पुव्वानुपुव्वी अनानुपुव्वीए सुविसुद्धं अचोरिक्कायएणं एगत्तणेणं सुविन्नेयं तं च गोयमा अनिहणोरपार-सुविच्छिन्न-चरमोयहि मियसुदुरवगाहं सयल-सोक्ख-परम-हेउ-भूयं च तस्स य सयल-सोक्ख-हेउ-भूयाओ न इट्ट-देवया-नमोक्कारविरहिए केई पारंगच्छेज्जा इट्ट-देवयाणं च नमोक्कारं पंचमंगलमेव गोयमा नो न मन्न्ति ता नियमओ पंचमंगलस्सेव पढमं ताव विनओवहाणं कायव्वं ति ।

मू. (४९३) से भयवं कयराए विहिए पंच-मंगलस्स णं विनओवहाणं कायव्वं गोयमा इमाए विहिए पंचमंगलस्स णं विनओवहाणं कायव्वं तं जहा-सुपसत्ये चव सोहणे तिविह-करण-मुहुत्त-नक्खत्त-जोग-लग्ग-ससीबले विष्पमुक्क-जायाइमयासंकेण संजाय-संवेग-सुत्तित्तर-महंतुल्लसंत-सुहज्जवसायाणुगयभत्ती-बहुमाण-पुव्वं निन्नियाण-दुवालस-भत्त-ट्टिएणं चेइयालये जंतविर-हिओगासे भत्ति-भर-निब्बरुद्धुसिय-ससीसरोमावली-पप्फुल्ल-वयण-सयवत्त-पसंत-सोमथिर-दिट्ठी नव-नव-संवेग-समुच्छलंत-संजाय-बहल-धन-निरंतर-अचित्त-परम-सुह-परिणाम-विसेसुल्लासिय-सजीव-वीरियाणुसमय-विवट्टंत-पामोय-सुविसुद्ध-सुनिम्मल-विमल-थिर-ददयरं-तकरणेण खित्तिणिहिय-जाणु न सि-उत्तमंग-कर-कमल-मउल-सोहंजलि-पुडेणं सिरि-उसभाइ-पवर-वर-धम्म-तित्थयर-पडिमा-बिंब-विनिविसिय-नयन-मानसेग्ग-तग्गयज्जवसाएण समयन्नु-दढ-चरित्तादि-गुण-संपओववेय-गुरु-सदत्थत्याणुट्टाण-करणेक्क-बद्ध-लक्ख-तवाहिय-गुरुवयण-विनिर्गयंविनयादि-बहुमान-परिओसाऽनु-कपोवलदं अनेग-सोग-संतावुव्वेवग-महाधिबेयणा-घोर-दुक्ख-दारिद्व-किलेस-रोग-जम्म-जरा-मरण-गब्भ वास-निवासाइ-दुट्ट-सावगागाह-भीम-भवोदहि-तरंडग-भूयं इणमो सयलागम-मज्झ-वत्तगस्स मिच्छत्त-दोसावहय-विसिट्ट-बुद्धीपरि-

कपिय-कुभणिय-अघडमान-असेस-हेउ-दिङ्कत-जुती-विद्धंस-निक्क-पच्चल पोढस्स-

—पंचमंगल-महासुयक्खंधस्स पंचज्झयणेग-चूला-परिक्खित्तस्स पवर-पवयण-देवयाहिट्टियस्स तिपद-परिच्छिन्नेगालावग-सत्तक्खर-परिमाणं अनंतगम-पञ्जवत्थ-पसाहगं सव्व-महामंत-पयर-विज्जाणं परम-बीय-भूयं नमो अरहंताणं ति पढमज्झयणं अहिज्जेयव्वं तद्दियहे य आर्यंबिलेणं पारेयव्वं तहेव बीय-दीने अनोगाइ-सय-गुण-संपओववेयं अनंतर-भणियत्थ-पसाहगं अनंतऽतेनेव क्रमेणं दुपय-परिच्छिन्नेगालावगं-पंचक्खर-परिमाणं नमो सिद्धाणं ति बीयमज्झयणं अहिज्जेयव्वं ति तद्दियहे य आर्यंबिलेण पारेयव्वं एवं अनंतर-भणिएणेव क्रमेणं अनंतरुत्तत्थ-पसाहगं ति-पय-परिच्छिन्ने-गालवगं-सत्तक्खर-परिमाणं नमो उवज्झायाणं ति चउत्थं अज्झयणं चउत्थ-दिने आर्यंबिलेण एव तहेव अनंतर भणियत्थ पसाहगं पंचपय-परिच्छिन्नेगालवग-नवक्खरपरिमाणं नमो लोए सव्वसाहूणं ति पंचमज्झयणं पंचम दिने आर्यंबिलेण तहेव तं अत्थानुगामियं एक्कारस-पय-परिच्छिन्न-तियालावगा-तेत्तीस अक्खर-परिमाणं एसो पंचनमोक्कारो सव्व-पाव-प्पणासणो मंगलाणं च सव्वेसि पढमं हवइ मंगलं इति चूलं ति छट्ठ-सत्तम-ट्टम-दिने तेनेव कम-विभागेन आर्यंबिलेहिं अहिज्जेयव्वं एवमेयं पंचमंगल-महा-सुयक्खंधं सर-वत्तय-रहियं पयक्खर-बिंदु मत्ताविसुद्धं गुरु-गुणोववेय-गुरुवइद्धं कसिणमहिज्जिता णं तथा कायव्वं जहा पुव्वानुपुव्वीए पच्छानुपुव्वीए अनानुपुव्वीए जीहगगे तरेज्जा तओ तेनेवाणंतरभणिय-तिहिकरण-मुहुत्त-नक्खत्त-जोग-लग-ससी-बल-जंतु-विरहिओगासे चेइयाल-गाइक्रमेणं अट्टम-भत्तेणं समनुजाणा-विऊणं गोयमा महया पबंधेण सुपरिफुडं निउणं असंदिद्धं सुत्तत्थं अनेगहा सोऊण अवधारेयव्वं एयाए विहीए पंचमंगलस्स णं गोयमा विनओवहाणे कायव्वे ।

मू. (४९४) से भयवं किमेयस्स अर्चित-चिंतामणि-कप्प-भूयस्स णं पंचमंगल-महासुयक्खंधस्स सुत्तत्थं पत्रत्तं गोयमा इयं एयस्स अर्चित-चिंतामणी-कप्प-भूयस्स णं पंचमंगल-महासुयक्खंधस्स णं सुत्तत्थं-पत्रत्तं तं जहा-जे णं एस पंचमंगल-महासुयक्खंधं से णं सयलागमंतरो ववत्तीतिल-तेल-कमल-मरयंद-व्व-सव्वलोए पंचत्थिकायमिव जहत्य किरियानुगय-सम्भूय-गुणुक्कित्तणे जहिच्छाय-फल-पसाहगे चेव परम-धुइवाए से य परमधुई केसिं कायव्वा सव्व-जगुत्तमाणं सव्वजगुत्तमुत्तमे य जे केई भूए जे केई भविंसु जे केई भविस्सति ते सव्वे चेव अरहंतादओ चेव नो नमन्ने त्ति ते य पंचहा अरहंते सिद्धे आयरिए उवज्झए साहवो य तत्थ एएसिं चेव गब्भत्थ-सम्भावो इमो तं जहा-स-नरामरासुस्स णं सव्वस्सेव साहवो य एत्थ एएसिं चेव गब्भत्थ-सम्भावो इमो तं जहा-स-नरामरासुस्स णं सव्वस्सेव जगस्स अट्ट-महा-पाडिहेराई-पूयाइस-ओवलक्खियं अनन्न-सरिसमर्चितपमप्पमेयं केवलाहिट्टियं पवरुत्तमतं अरहंति त्ति अरहंता असेस-कम्म-क्खएणं निददु-भवंकुरत्ताओ न पुणेह भवन्ति जम्मं ति उव्वज्जंति वा अरुहंता निम्महिय निहय-निद्लिय-विलूय-निद्वविय-अभिभूय-सुदुज्जासेस-अट्ट-पयारकम्मरिउत्ताओवा अरिहंतेइ वा एवमेते अनेगहा पत्रविज्जंति महकल्लाण-निरूवम-सोक्खणि निप्पकंप-सुक्कज्जाणाइअर्चित-सत्ति-सामत्थओ सजीववीरिएयं जोग-निरोहाइणा मह-पयत्तेणित्ति सिद्धा अट्टप्पयार-कम्मक्खएण वा सिद्धं सज्जमेतेसिं ति सिद्धा सिय-माज्झायमेसिमिति वा सिद्धि सिद्धे निट्टिए पहीणे सयल-पओयण-वाय-कयंबमेतेसिमिति वा सिद्धा-

– एवमेते इत्थी-पुरिस-नपुंस-सलिंग-अन्नलिंग-गिहिलिंग-पत्तेय बुद्ध-बुद्ध बोहिय-जाव णं कम्म-क्खय-सिद्धा य भेदेहि णं अनेगहा पत्रविजंति तथा-अट्टारस-सीलंग-सहस्साहिट्टिय-तनू छत्तीसइविहमायारं जह-ट्टियम-गिलाए-महन्निसानुसमयं आयरंति पवत्तयंति त्ति आयरिया परमप्पणय हियमायरंति त्ति आयरिया भव्व सत्त-सीस-गणाणं वा हियमायरंति आयरिया पान-परिच्चाए वि उ पुढवादीणं समारंभं नायरंति नायरंभंति नानुजाणंति वा आयरिया सुमहावरद्धे वि न कस्सई मनसा वि पावमायरंति त्ति वा आयरिया एवमेते नाम-ठवणादीहिं अनेगहा पत्रविजंति तथा-सुसंवुडासव-दारे-मनो-वइ-काय-जोगत्त-उवउत्ते विहिणा सर-वंजण-मत्ता-बिंदु-पयक्खर-विमुद्ध-दुवालसंग-सुय-नाणज्झयण-ज्झावणेणं परमप्पणो य मोक्खेवायं ज्झायंति त्ति उवज्झाए थिर-परिचियमनंत-गम-पज्जवत्थेहिं वा दुवालसंगं सुयनाणं चिंतंति अनुसरंति एगग्ग-मानसा ज्जायंति त्ति वा उवज्झाए एवमेते हि अनेगहा पत्रविजंति तथा-अच्चंत-कट्ट-उग्गुग्गयर-घोरतव-चरणाइ-अनेगवय-नियमोववास-नानाभिग्गह-विसेस-संजम-परिवालण-सम्मं-परिसहोव-सग्गाहि-यासणेणं सव्व-दुक्खविमोक्खं मोक्खं साहयंति त्ति साहवो अयमेव इमाए चूलाए भाविज्जइ एतेसिं नमोक्कारो

– एसो पंच नमोक्कारो किं करेज्जा, सव्वं पावं नाणावरणीयादि-कम्म-विसेसं तं पयरिसेणं दिसोदिसं नासयइ सव्व-पाव-प्पणासणो एस चूलाए पढमो उद्वेसओ एसो पंच नमोक्कारो सव्वपाव-प्पणासणो किं विहेउ मंगो निव्वाण-सुह-साहणेक्क-खमो सम्म-दंसणाइ आराहओ अहिंसा-लक्खणो धम्मो तं मे लाएज्जा त्ति मंगल ममं भवाओ संसारओ गलेज्जा तारेज्जा वा मंगलं बद्ध-पुट्टनिकाइय-ट्टप्पगर-कम्म-रासिं मे गालेज्जा विलेजे त्ति वा मंगलं एएसिं मंगलाणं अन्नेसिं च मंगलाणं सव्वेसिं किं पढमं आदीए अरहंताईणं थुई चेव हवइ मंगलं एस समासत्थो वित्थरत्थं तु इमं तं जहा-ते णं काले णं ते णं समए णं गोयमा जे केइ पुविं वावन्निय-सदत्ते अरहंते भगवंते धम्म-तित्थकरे भवेज्जा से णं परमपुज्जाणं पि पुज्जयरे भवेज्जा जओ णं ते सव्वे वि एयलक्खण-समन्निए भवेज्जा तं जहा-अचिंत-अप्पमेय-निरुवमाणन्नसरिस-पवर-वरुत्तम-गुणोहाहिट्टियतेणं तिण्हं पि लोगाणं संजणिय-गरुय-महंत-मानसानंदे तथा य जम्मत्तंर-संचिय-गरुय-पुत्र-पब्भार-संविढत्त-तित्थयर-नाम-कम्मोदएणं दीहर-गिम्हायव-संताव-किलंत-सिहि-उलाणं वा पढम-पाउस-धारा-भर-वरिसंत-घण-संघायमिव परम-हिओवएस-पयाणाइणा घण-राग-दोस-मोह-मिच्छताविरति-पमाय-दुड्ड-किलिड्डज्झवसायाइ-समज्जियासुह-घोर-पावकम्मायव-संतावस्स निन्नासणे भव्व-सत्ताणं अनेग-जम्मंतंर-संविढत्त-गरुय-पुत्र-पब्भाराइसय-बलेणं समज्जियाउल बल-वीरिए सरियं-सत्तं-परक्कमाहि-ट्टियतनु सुकंत-दित्त-चारु-पायंगुड्ढग-रूवाइसएणं सयलगह-नक्खत्त-चंदपंतीणं सूरिए इव पयड पयाव-दस-दिसि-पयास-विष्फुरंत-किरण-पब्भारेण नियतेयसा विच्छायगे सयल सविज्जाहर-नरामराणं सदेव-दानविंदाणं सुरलोगाणं सोहग्ग-कंति-दित्ति-लवन्न-रूव-समुदय-सिरिए साहाविय-कम्मक्खय-जनिय-दिव्वकय-पवर-निरुवमाणन्न सरिसविसेस साइसयाइ-सयसयल कला-कलाव-विच्छड्ड-परिदंसणेणं –

भववनवइ-वानमंतर-जोइस-वेमाणियाहमिंद-सइंदच्छरा-सकिन्नर-नर-विज्जाहरस्स ससुरा-सुरस्सा वि णं जगस्स अहो अहो अहो अज्ज अदिट्टपुव्वं विट्टमह्हेहिं इणमो सविसेसाउल-महंताचिंत-

परमच्छेरय-संदोहं सम-गाल मेवेगड्डसमुद्दयं दिड्ढ ति तक्खणुप्पन्न-घण-निरंतर-बहलमप्पमेयाचित्त-
 अंतोसहरिस-पीयाणुरायवस-पवियंभंतानु समय-अहिनवा-हिनव-परिणाम-विसेसत्तेणं मह मह
 महं ति जंपिर-परोप्पराणं विसायमुवगयं ह ह धी धिरत्थु अधन्ना अपुन्ना वयं इइ निंदिर-
 अत्ताणगम नंतर-संखुहिय-हियय-मुच्छिर-सुलद्ध-चेयण सुन्न-वुन्न-सिद्धिलिय-सगत-आउंचन-
 पसारणा-उम्भेस-निमेसाइ-सारिरिय-वावार-मुक्क-केवलं अनोवलक्ख-खलंत-भंद-मंद-दीह-हूहुंकार-
 विमिस्स-मुक्क-दीहुणह-बहल-नीसासेगत्तेणं अइअभिनिविड्ढ-बुद्धीसुनिच्छिय-मनस्स णं जगस्स किं
 पुन तं तवमनुचेड्ढेमो जेनेरिसं पवररिद्धिं लभेज्ज ति तग्गय-मनस्स णं दंसणा चेव निय-निय-
 वच्छत्थल-निहिप्पंत-करयलुप्पाइय-महंत-माणस-चमक्कारे ता गोयमाणं एवमाइ-अनंत-गुणगणा-
 हिड्ढिय-सरीराणं तेसिं सुगहिय-नामधेज्जाणं अरहंताणं भगवंताणं धम्मतित्थगराणं संति ए गुण-
 गणो-हरयण-संदोहोह-संधाए अहन्निसाणुसमयं जीहा-सहस्सेणं पि वागरंतो सुरवई वि अन्नयरे
 वा केई चइनाणी माइसईय-छउमत्थेणं सयंभुरमणोवहिस्स व वास-कोडीहिं पि नो पारं गच्छेज्जा
 जओ णं अपरिमिय-गुण-रयणे गोयमा अरहंते भगवंते धम्मतित्थगरे भवंति ता किमित्थं भन्नउ
 जत्थ य णं -

-तिलोग-नाहाणं जग-गुरुणं-भुवणेक्क-बंधूणं तेलोक्क-लग्गणखंभ-पवर-वर-धम्मतित्थगराणं
 केइ सुरिदाइ-पायंगुड्ढग्ग-एग-देसाओ अनेगगुणगणालंकरियाओ भत्ति-भरणिब्भरिक्क-रसियाणं
 सव्वेसिं पि वा सुरीसाणं अनेग-भवंतर-संचिय-अणिड्ढ-दुड्ढ-ट्टकम्म-रासी-जणिय-जोगच्च-दोमन-
 सादि-दुक्खदारिद्ध-किलेस-जम्म-जरा-मरण-रोग-सोपग-संतावुव्वेग-वाहिवेयणाईण खयट्ठाए एग-
 गुणस्साणंत-भागमेगं भणमाणणं जमग-समगमेव दिनयरकरे इ वाणेग-गुण-गणोहे जीहग्गे वि
 फुरंति ताइं च न सक्कासिंदा वि देवगणा समकालं भाणिऊणं किं पुन अकेवली मंस-चक्खुणो ता
 गोयमा णं एस एत्थ परमत्थे वियाणेयव्वां जहा-णं जइ तित्थगराणं संति ए गुण-गणोहे तित्थयरे
 चेव वायरंति न उण अन्ने जओ णं सातिसया तेसिं भारती, अहवा गोयमा किमेत्थ पभूय-वागरणेणं
 सारत्थं भन्नए । (तं जहा) -

- मू. (४९५) नामं पि सयल-कम्मड्ड-मल-कलंकेहिं विप्पमुक्काणं ।
 तियसिद द्धिय-चलणाण जिन-वरिंदाण जो सरइ ॥
 मू. (४९६) तिविह-करणोवउत्तो खणे खणे सील-संजमुजुत्तो ।
 अविराहिय वय-नियमो सो वि हु अइरेण सिज्जेज्जा ॥
 मू. (४९७) जो उन दुह-उव्विग्गो सुह-तण्हालू अलि व्व कमल-वणे ।
 थय-थुइ-मंगल-जय-सद्-वावडो रुणु रुणे किंचि ॥
 मू. (४९८) भत्ति-भर-निब्भरो जिन-वरिंद-पायारविंद-जुग-पुरओ ।
 भूमी-निड्ढविय-सिरो कयंजली-वावडो चरित्तट्ठो ॥
 मू. (४९९) एक्कं पि गुणं हियए धरेज्ज संकाइ-सुद्ध-सम्मत्तो ।
 अक्खंडिय-वय-नियमो तित्थयरत्ताए सो सिज्जे ॥

मू. (५००) जेसिं चणं सुगहिय-नामग्गहणाणं तित्थयराणं गोयमा एस जग-पायडे महच्छेरयभूए
 भुयणस्स वि पयडपायडे महंताइसए पवियंभे तं जहा

मू. (५०१) खीणङ्ग-कम्म-पाया मुक्का बहु-दुक्ख-गम्भवसहीणं ।

पुनरवि अ पत्तेकेवल-मनपञ्जव-नाण-चरिततनू ॥

मू. (५०२) मह जोइणो वि बहु दुक्ख-मयर-भव-सागरस्स उच्चिग्गा ।

दङ्गणहाइसए भवहुत्तमणा खणं जंति ॥

मू. (५०३) अहवा चिड्डउ ताव सेसवागरणं गोयमा एयं चेव धम्मतित्थंकरे त्ति नाम-सन्निहियं पवरकूखरुव्वहणं तेसिमेव सुगहियनाम-धेआणं भुवणेक्कबंधूणं अरहंताणं भगवंताणं जिणवरिंदाणं धम्मतित्थंकाराणं छजे न अन्नेसिं जओ य नेगजम्मंतरऽब्भत्थ-महोवसम-संवेग-निव्वेयानुकंपा-अत्थित्ताभिवत्तीसलणक्खण-पवर-सम्म-दंसणुल्लसंत-विरियाणिगूहिय-उग्ग-कडु-घोरदुक्कर-तव निरंतरज्जिय-उत्तुंग-पुन्न-खंध-समुदय-महपब्भार-संविदत्त-उत्तम-पवर-पवित्त-विस्स-कसिण-बंधु-नाह-सामिसाल-अनंत-वत्त-भव-भाव-छिन्न-भिन्न-पावबंधणेक्क-अब्बिड्ज-तित्थयर-नामकम्म-गोयणिसिय-सुकंत-दित्त-चारु-रुव-दस-दिसि-पयास-निरुवमडु-लक्खण-सहस्समंडियजगुत्त-मुत्तम-सिरि निवास-वासवाइ-देव-मनुय-दिडु-मेत्तत-क्खणंतं-करण-लाइय-चमक्क-समचउरंस-पवर-वर-पढम-वज्ज-रिसभ-नाराय-संधयणाहिड्डिय-परम-पवित्तुत्तम-मुत्तिधरे ते चेव भगवंते महायसे महासत्ते महानुभागे परमेड्डी-सद्धम्म-तित्थकरे भवंति ।

मू. (५०४) सयल-नरामर-तियसिंद-सुंदरी-रूव-कंति-लावन्नं ।

सव्वं पि होज्ज एगरासि-सर्पिंडियं कह वि ॥

मू. (५०५) ता तं जिन-चलणंगुड्ग-कोडि-देसेग-लक्ख-भागस्स ।

सन्निज्जे वि न सोहइ छार-उडं कंचनगिरिस्स त्ति ॥

मू. (५०६) अहवा नाऊण गुणतराइं अन्नेसिऊण सव्वत्थ ।

तित्थयर-गुणाणमनंत-भागमलब्भंतमन्नत्थ ॥

मू. (५०७) जं तिहुयणं पि सयलं एगीहोऊणमुब्भमेगदिसं ।

भागे गुणाहिओऽहं तित्थयरे परमपुज्जे त्ति ॥

मू. (५०८) ते द्विय अच्चे वंदे पूए आराहे गइ-मइ-सरन्ने य ।

जम्हा तम्हा ते चेव भावओ नमह धम्मतित्थयरे ॥

मू. (५०९) लोगे वि गाम-पुर-नगर-विसय-जनवय-समग्ग-भरहस्स ।

जो जेतियस्स सामी तस्साणत्तिं ते करिंति ॥

मू. (५१०) नवरं गामाहिबई सुडु-सुतुडेक्क-गाम-मज्झाओ ।

किं देज्ज जस्स नियगं-छेलाए तेत्तियं पुंछं ॥

मू. (५११) चक्कहरो लीलाए सुडु-सुतुडेक्क-गाम-मज्झाओ ।

तेन य कमागय-गुरु-दरिद्द-नामं न नासेइ ॥

(सयलबंधु-वग्गस्स त्ति)

मू. (५१२) सामंता चक्कहरं चक्कहरो सुरवइत्तणं कंखे, इंदो तित्थयरत्तं ।

तित्थयरे उण जगस्सा वि जहिच्छिय-सुह-फलए ॥

मू. (५१३) तम्हा जं इंदेहिं वि कंखिज्जइ एग-बद्ध-लक्खेहिं ।

अइसानुराय-हियएहिं उत्तमं न संदेहो ॥

- मू. (५१४) ता सयल-देव-दानव-गह-रिक्ख-सुरिंद-चंदमादीणं ।
तित्थयरे पुज्जयरे ते छिय पावं पणासेति ॥
- मू. (५१५) तेसि य तिलोग-महियाण धम्मतित्थंकराणं जग-गुरूणं ।
भावच्चण-दव्वच्चण-भेदेण दुहडच्चणं भणियं ॥
- मू. (५१६) भावच्चण-चारित्तनुट्ठाण-कडुग्ग-घोर-तव-चरणं ।
दव्वच्चणविरयाविरय-सील-पूया-सक्कार-दानादी ॥
- मू. (५१७) ता गोयमा णं एसेऽत्थ परमत्थे तं जहा- ।
भावच्चणमुग्ग-विहारया य दव्वच्चणं तु जिन-पूया ॥
पढमा जतीण दोन्नि वि गिहीण पढम छिय पसत्या ॥

मू. (५१८) एत्थं च गोयमा केई अमुणिय-समय-सब्भावे ओसन्न-विहारी नीयवासिणो अदिट्ठ-परलोग-पच्चवाए सयंमती इट्ठि-रस-साय-गारवाइमुच्छिए राग-दोस-मोहाहंकार-ममी-कारइसु पडिबद्धे कसिण संजम-सद्धाम्म-परम्महे निद्वय-नित्तिस-निग्घिण-अकुलण-निक्खिवे पावायरणेक्क-अभिनिविट्ठ-बुद्धी एगंतेनं अइचंड-रोह-कूराभिग्गहिय-मिच्छ-दिट्ठिणो कय-सव्व-सावज्ज-जोग-पच्चक्खाणे विप्पमुक्कासेस-संगारंभ परिग्गहे तिविहं तिविहेणं पडिवन्न-सामाइए य दव्वत्ताए न भावत्ताए नाम-मेत्तमुंडे अनगारे महव्वयधरी समणे वि भवित्ता णं एवं मन्नामाणे सव्वहा उम्मग्गं पवत्तंति जहा-किल अन्हे अरहंताणं भगवंताणं गंध-मल्ल-पदीव-सम्मज्जणोवलेवण-विचित्त-वत्थ-बलि-धूयाइ-तेहिं पूया-सक्कारेहिं अनुदियहमब्भच्चणं पकुव्वाणा तित्थुच्छप्पणं करेमो तं च वायाए वि नो णं तह त्ति गोयमा समनुजाणेज्जा से भयवं केणं अट्ठेणं एवं वुच्चइ जहा णं तं च नो णं तह त्ति समनुजाणेज्जा गोयमा तयत्थानुसारेणं असंजम-बाहुल्लं असंजम-बाहुल्लेणं च थूलं कम्मसवं थूल-कम्मासवाओ य अज्झवसायं पडुच्चा थूलेयर-सुहासुह-कम्मपयडी-बंधो सव्व-सावज्ज-विरयाणं च वय-भंगो वय-भंगेण च आणा इक्कमे आणाइक्कमेणं तु उम्मग्ग-गामित्तं उम्मग्ग-गामित्तेणं च सम्मग्ग-विप्पलीयणं उम्मग्ग-पवत्तणं (च) सम्मग्ग-विप्पलीयणेणं उम्मग्ग-पवत्तणेणं च जतीणं महती आसायणा तओ य अनंत-संसाराहिंडणं एएणं अट्ठेणं गोयमा एवं वुच्चइ-जहा णं गोयमा नो णं तं तह त्ति समनुजाणेज्जा ।

- मू. (५१९) दव्वत्थवाओ भावत्थयं तु दव्वत्थ ओ बहु गुणो भवउ तम्हा ।
अबुहजने बुद्धीणं छक्कायहियं तु गोयमाऽनुट्ठे ॥
- मू. (५२०) अकसिण-पवत्तगाणं विरयाऽविरयाण एस खलु जुत्तो ।
जे कसिण-संजमविऊ पुप्फादीयं न कप्पए तेसिं (तु) ॥
- मू. (५२१) किं मन्ने गोयमा एस बत्तीसिंदाणु चिट्ठिए ।
जम्हा तम्हा उ उभयं पि अनुट्ठेज्जेत्थ नु बुज्जसी ॥
- मू. (५२२) विनिओगमेवं तं तेसिं भावत्थवासंभवो तहा ।
भावच्चणा य उत्तमयं दसन्नभद्देण पायडे ॥
जहेव दसन्नभद्देणं उयाहरणं तहेव य ॥

- मू. (५२३) चक्रहर-भानु-ससि-दत्त-दमगादीर्हिं विनिदिह्से ।
पुव्वं ते गोयमा ताव-जं सुरिदेर्हिं भत्तिओ ॥
- मू. (५२४) सव्विद्धिए अनन्न-समे पूया-सक्कारे कए ॥
ता किं तं सव्व-सावज्जं तिविहं विरएहिऽनुद्धियं ॥
- मू. (५२५) उयाहु सव्व-थामेसुं सव्वहा अविअएसु उ ।
ननु भयवं सुरवरिदेर्हिं सव्व-थामेसु सव्वहा ॥
- मू. (५२६) अविरएर्हिं सुभत्तीए पूया-सक्कारे कए ।
ता जइ एवं तओ बुज्झ गोयमा नीसंसयं ॥
- मू. (५२७) सयमेव सव्व-तित्थंकरेर्हिं जं गोयमा-समायरियं ।
कसिणट्ठ-कम्मक्खय-कारयं तु भावत्थयमनुद्धे ॥
- मू. (५२८) भव-भीओ गमागम-जंतु-फरिसणाइ-पमदणं जत्थ ।
स-पर-हिओवरयाणं न मनं पि पवत्तए तत्थ ॥
- मू. (५२९) ता स-परहिओवरएर्हिं सव्वहाऽनेसियव्वं विसेसं ।
जं परमसारभूयं विसेसवंत च अनुद्धेयं ॥
- मू. (५३०) ता परमसार-भूयं विसेसवंतं च साहुवग्गस्स ।
एगंत-हियं पत्थं सुहावहं पयडपरमत्थं ॥
- मू. (५३१) तं जहा मेरुत्तुंगे मणि-मंडिएक्क-कंचनगए परमरम्भे ।
नयन-मनाऽऽनंदयरे पभूय-विन्नाण-साइसए ॥
- मू. (५३२) सुसिलिद्ध-विसिद्ध-सुलद्ध-छंद-सुविभत्त-मुनि-वेसे ।
बहुसिंघयन्न-घंटा-धयाउले पवरतोरण-सनाहे ॥
- मू. (५३३) सुविसाल-सुवित्थिन्ने पए पए पेच्छियव्व-सिरीए ।
मघ-मघ-मघेंत-डज्झंत-अगलु-कप्पूर-चंदनामोए ॥
- मू. (५३४) बहुविह-विचित्त-बहुपुप्फमाइ-पूयारुहे सुपुए य ।
निच्च-पणच्चिर-नाडय-सयाउले महर-मुख-सदाले ॥
- मू. (५३५) कुद्धंत-रास-जन-सय-समाउले जिण-कहा-खित्त-चित्ते ।
पकहंत-कहग-नच्चंत-छत्त-गंधव्व-तूर-निग्घोसे ॥
- मू. (५३६) एमादि-गुणोवेए पए पए सव्वेमेइणी वट्टे ।
निय-भूय-विदत्त-पुत्रज्जिएण नायागएण अत्थेण ॥
- मू. (५३७) कंचन-मणिसोमाणे थंभ-सहस्सूसिए सुवन्नतले ।
जो कारवेज्ज जिनहरे तओ वि तव-संजमो अनंत-गुणो ॥
- मू. (५३८) तव-संजमेण बहु-भव-समज्जियं पाव-कम्म-मल-लेवं ।
निद्धोविऊण अइरा अनंत-सोक्ख वए मोक्खं ॥
- मू. (५३९) काउं पि जिनाययणेर्हिं मंडियं सव्वेमेइणी-वट्टं ।
दाणाइ-चउक्केणं सुद्धु वि गच्छेज्ज अच्चुयगं ॥

- मू. (५४०) न परओ गोयमा गिहि ति ।
जइ ता लवसत्तम-सुर-विमानवासी वि परिवडंति सुरा ॥
ससं चिंतिजंत संसारे सासयं कयरं ॥
- मू. (५४१) कह तं भन्नउ सोक्खं सुचिरेण वि जत्थ दुक्खमल्लियइ ।
जं च मरणावसानं सुथेव-कालीय-तुच्छं तु ॥
- मू. (५४२) सव्वेण वि कालेणं जं सयल-नरामरण भवइ सुहं ।
तं न घडइ सयमनुभूयामोक्ख-सोक्खस्सऽनंत-भागे वि ॥
- मू. (५४३) संसारिय-सोक्खाणं सुमहंताणं पि गोयमा नेगे ।
मज्झे दुक्ख-सहस्से घोर-पयंडेनुभुंजति ॥
- मू. (५४४) ताइं च साय-वेओयएण न याणंति मंदबुद्धीए ।
मणि-कनगसेलमयलोढ-गंगले जह व वणि-धूया ॥
- मू. (५४५) मोक्ख-सुहस्स उ धम्मं सदेव-मनुयासुरे जगे एत्थं ।
नो भाणिऊण सक्का नगर-गुणे जहेव य पुलिंदो ॥
- मू. (५४६) कह तं भन्नउ पुत्रं सुचिरेण वि जस्स दीसए अंतं ।
जं च विरसावसाणं जं संसारानुबंधि च ॥
- मू. (५४७) तं सुर-विमान-विहवं चिंतिय-चवणं च देवलोगाओ ।
अइवलियं चिय हिययं जं न वि सय-सिक्करं जाइ ॥
- मू. (५४८) नरएसु जाइं अइदूसहाइं दुक्खाइं परम-तिक्खाइं ।
का वन्नेह ताइं जीवंतो वास-कोडिं पि ॥
- मू. (५४९) ता गोयम दसविह-धम्म-घोर-तव-संजमानुठाणस्स ।
भावत्थवमिति नामं तेनेव लभेज्ज अक्खयं सोक्खं-ति ॥
- मू. (५५०) नारग-भव-तिरिय-भवे अमर-भवे सुरइत्तणे वा वि ।
नो तं लब्भइ गोयम जत्थ व तत्थ व मनुय-जम्मे ॥
- मू. (५५१) सुमहऽच्चंत-पहीणेषु संजमावरण-नामधेज्जेसु ।
ताहे गोयम पाणी भावत्थय-जोगयमुवेइ ॥
- मू. (५५२) जम्मंतर-संचिय-गरुय-पुत्र-पब्भार-संविढ्ढेण ।
मानुस-जम्मेण विना नो लब्भइ उत्तमं धम्मं ॥
- मू. (५५३) जस्सानुभावओ सुचिरियस्स निस्सल्ल दंभरहियस्स ।
लब्भइ अइलमनंतं अक्खय-सोक्खं तिलोयगगे ॥
- मू. (५५४) तं बहु-भव-संचिय-तुंग-पाव-कम्मट्ट-रासि-दहणइं ।
लद्धं मानुस-जम्मं विवेगमादीहिं संजुत्तं ॥
- मू. (५५५) जो न कुणइ अत्तहियं सुयानुसारेण आसवनिरोहं ।
छ-तिग्ग-सीलंग-सहस्स-धारणेणं तु अपमत्ते ॥
- मू. (५५६) सो दीहर-अव्वोच्छिन्न-घोर-दुक्खग्गि-दाव-पज्जलिओ ।

- उव्वेविय संतत्तो अनंतहुत्तो सुबहुकालं ॥
- मू. (५५७) दुग्गंधाऽमेज्झ-चिलीण-खार-पित्तोज्झ-सिंभ-पडहच्छे ।
वस-जलुस-पूय-दुद्दिण-चिलिच्चिल्ले रुहिर-चिकखल्ले ॥
- मू. (५५८) कढ-कढ-कढंत चल-चल-चलस्स टल-टल-टलस्स रज्झंतो ।
संपिडियंगमंगो जोणी-जोणी वसे गब्भे ॥
एक्केक्क-गब्भ-वासेसु जंतियंगो पुनरवि भमेज्जा ॥
- मू. (५५९) ता संतावुव्वेग-जम्म-जरा-भरण-गब्भ-वासाई ।
संसारिय-दुक्खाणं विचित्त-रूवाणं भीएणं ॥
- मू. (५६०) भावत्यवानुभावं असेस-भव-भय-खयंकरं नाउं ।
तत्येव महंता भुज्जमेणं दढमच्चंतं पयइयव्वं ॥
- मू. (५६१) इय विज्जाहर-किन्नर-नरेण ससुराऽसुरेण वि जगेण ।
संयुव्वंते दुविहत्थवेहिं ते तिहुयणेक्कीसे ॥
- मू. (५६२) गोयमा धम्मतित्थकरे जिने अहरंते ।
अह तारिसे वि इट्ठी-पवित्थरे सयल-तिहुयणाउल्लिए ॥
साहीणे जग-बंधू मनसा वि न जे खणं लुद्धे ॥
- मू. (५६३) तेसिं परमीसरियं रूव-सिरी-वन्न-बल-पमाणं च ।
सामत्थं जस-कित्ती सुर-लोग-चुए जहेह अवयरिए ॥
- मू. (५६४) जह काउणऽन्न-भवे उग्गतवं देवलोगमनुपत्ते ।
तित्थयर-नाम-कम्मं जह बद्धं एगाइ-वीसइ-थाणेसु ॥
- मू. (५६५) जह सम्मत्तं पत्तं सामन्नाराहणा य अन्न-भवे ।
जह य तिसला उ सिद्धत्थ-धरिणी चोदस-महा-सुमिण-लंभं ॥
- मू. (५६६) जह सुरहि-गंध-पक्खेवगब्भ-वसहीए असुहमवहरणं ।
जह सुरनाहो अंगुट्ठपव्वं नमियं महंत-भत्तीए ॥
- मू. (५६७) अमयाहारं भत्तीए देइ संयुणइ जाव य पसूओ ।
जह जाय-कम्म-विनिओग-कारियाओ दिसा कुमारीओ ॥
- मू. (५६८) सव्वं निय कत्तव्वं निव्वत्तंती जहेव भत्तीए ।
बत्तीस-सुर-वरिंदा गरुय-पमोएण सव्व-रिद्धीए ॥
- मू. (५६९) रोमंच-कंचु-पुलइय-भत्तिब्बर-मोइय-सगत्ते ।
मन्नंते सकयत्थं जम्मं अम्हाण मेरुगिरि-सिहरे ॥
- मू. (५७०) होही खणं अप्फालिय-सूसर-गंभीर-दुंदुहि-निग्घोसा ।
जय-सद्द-मुहल-मंगल-कयंजली जह य खीर-सलिलेणं ॥
- मू. (५७१) बहु-सुरहिं-गंधवासिय-कंचण-मणि-तुंग-कलसेहिं ।
जम्माहिसेय-महिमं करेति जह जिनवरो गिरिं चाले ॥
- मू. (५७२) जह इंदं वायरणं भयवं वायरइ अट्ट-वरिसो वि ।

जह गमइ कुमारत्तं परिणे बोहिंति जह व लोगतिया देवा ॥

मू. (५७३) जह-वय-निकखमण-महं करेति सव्वे सुरीसरा मुइया ।
जह अहियासे घोरे परीसहे दिव्व-मानुस-तिरिच्छे ॥

मू. (५७४) जह धन-धाइ-चउक्कं कम्मं दहइ घोर-तव-ज्झाण-जोग्ग-अग्गीए ।
लोगाऽलोग-पयासं उप्पाए जहव केवलत्राणं ॥

मू. (५७५) केवल-महिमं पुनरवि काऊणं जह सुरीसराईया ।
पुच्छंति संसए धम्म-नाय-तव-चरणमाईए ॥

मू. (५७६) जह व कहेइ जिणिंदो सुर-कय-सीहासनोवविट्ठो य ।
तं चउविह-देव-निकाय-निम्भियं जह व वर-समवसरणं ॥
तुरियं करेति देवा जं रिद्धीए जगं तुलइ ॥

मू. (५७७) जत्थ समोसरिओ सो भुवणेक्क-गुरू महायसो अरहा ।
अट्टमह-पाडिहेरय-सुचिंधियं वहइ तित्थयं नामं ॥

मू. (५७८) जह निद्वलह असेसं मिच्छत्तं चिक्कणं पि भव्वाणं ।
पडिबोहिऊण मग्गे ठवेइ जह गणहार दिक्खं ॥

मू. (५७९) गिण्हंति महा-मइणो सुत्तं गंथंति जह व य जिणिंदो ॥
भासे कसिणं अत्थं अनंत-गम-पज्जवेहिं तु ।

मू. (५८०) जह सिज्झइ जग-नाहो महिमं नेव्वाण-नामियं जहं य ।
सव्वे वि सुर-वरिंदा असंभवे तह वि मुच्चंति ॥

मू. (५८१) सोगत्ता पगलंतं सु-धोय-गंडयल-सरसइ-पवाहं ।
कलुणं विलाव-सद्धं हा सामि कया अनाह ति ॥

मू. (५८२) जह सुरहि-गंध-गब्भिण-महंत-गोसीस-चंदन-दुमाणं ।
कट्ठेहिं विही-पुव्वं सक्कारं सुरवरा सव्वे ॥

मू. (५८३) काऊणं सोगत्ता सुन्ने दस-दिसि-वहे पलोयंता ।
जह खीर-सागरे जिन-वराण अट्ठी पक्खालिऊणं च ॥

मू. (५८४) सुर-लोए-नेऊणं आलिंपेऊण पवर-चंदन-रसेणं ।
मंदार-पारियायय-सयवत्त-सहस्सपत्तेहिं ॥

मू. (५८५) जह अच्चेऊणं सुरा निय-भवणेसु जह व य धुणति ।
(तं सव्वं महया वित्थरेण अरहंत-चरियाभिहाने)

मू. (५८६) अंतगडदसाणंत-मज्झाओ कसिणं वित्रेय ॥
एत्थं पुन जं पगयं तं मोत्तु जइ भणेह तावेयं ।

मू. (५८७) हवइ असंबद्धगुरुयं गंथस्स य वित्थरमनंतं ॥
एयं पि अपत्थावे सुमहंतं कारणं समुवइस्स ।

मू. (५८८) जं वागरियं तं जाण भव्व-सत्ताण अनुग्गहइए ॥
अहवा जत्तो जत्तो भक्खिज्जइ मोयगो सुसंगरिओ ।

ततो ततो वि जने अङ्गरुयं मानसं पीडं ॥

मू. (५८९) एवमिह अपत्यावे वि भत्ति-भर-निष्मरण परिओसं ।

जणयइ गरुयं जिण-गुण-गहणेक्करसक्खित्त-चित्ताणं ॥

मू. (५९०) एयं तु जं पंचमंगल-महासुयक्खंधस्स वक्खाण तं महया पबंधेण अनंत-गम-पज्जवेहिं सुतस्स य पिहब्भूयाहिं निज्जुत्ती-भास-चुन्नीहिं जहेव अनंत-नाण-दंसण-धरेहिं तित्थयोरेहिं वक्खाणियं तहेव समासओ वक्खाणिज्जं तं आसि अहन्नया काल-परिहाणि-दोसेणं ताओ निज्जुत्ती-भास चुन्नीओ वोच्छिन्नाओ इओ य वच्चतेनं काल समएणं महिद्धी-पत्ते पयानुसारी वइरसामी नाम दुवालसंगसुयहरे समुप्पत्ते तेने यं पंच-मंगल-महा-सुयक्खंधस्स उच्चारो मूल-सुतस्स मज्जे लिहिओ मूलसुतं पुन सुतत्ताए गणहरेहिं अत्थत्ताए अरहंतेहिं भगवंतेहिं धम्म-तित्थंकरेहिं तिलोग-महिएहिं वीर-जिनएहिं वीर-जिणिंएहिं वीर-जिणिंदेहिं पन्नवियं ति एस वुड्डसंपयाओ ।

मू. (५९१) एत्थ य जत्थ पयं पएणाऽनुलग्गं सुत्तालावगं न संपजइ तत्थ तत्थ सुयहरेहिं कुलिहिय-दोसो न दायव्वो त्ति किंतु जो सो एयस्स अचित्त-चित्तामणी-कप्पभूयस्स महानिशीह-सुयक्खंधस्स पुव्वायरिसो आसि तहिं चेव खंडाखंडीए उद्वेहियाइएहिं हेऊहिं बहवे पन्नगा परिसडिया तथा वि अच्चंत-सुमहत्थाइसयं ति इमं महानिशीह-सुयक्खंधं कसिण-पवयणस्स परमसार-भूयं परं ततं महत्थं ति कल्लिऊणं पवयण-वच्छल्लत्तणेणं दिट्ठं तं सव्वं स-मतीए साहिऊणं लिहियं ति अत्तेहिं पि सिद्धसेन दिवाकर-वुड्डवाइ-जक्खसेन-देवगुत्त-जसवद्धण-खमासमण-सीस-रविगुत्त-नेमिचंद-जिनदासगणि-खमग-सच्चरिसि-पमुहेहिं जुगप्पहाण-सुयहरेहिं बहुमन्नियमिणं ति ।

मू. (५९२) से भयवं एवं जहुत्तविनओवहाणेणं पंचमंगल-महासुयक्खंधमिहिज्जित्ताणं पुव्वानु-पुव्वीए पच्छानुपुव्वीए अनानुपुव्वीए सर-वंजण-मत्ता-बिंदु-पयक्खर-विसुद्धं थिर-परिचियं काऊणं महया पबंधेणं सुत्तत्थं च वित्राय तओ य णं किमहिज्जेज्जा गोयमा इरियावहियं से भयवं केणं अट्टेणं एवं वुच्चइ जहा णं पंचमंगल-महासुयक्खंधमिहिज्जित्ता णं पुणो इरियावहियं अहीए गोयमा जे एस आया से णं जया गमनाऽगमनाइ परिणए अनेग-जीव-पान-भूय-सत्ताणं अनोवउत्त-पमत्ते-संघट्टणअवद्दावण-किलामणं-काउणं अनालोइय-अपडिक्कंते चेव असेस-कम्मक्खयट्टयाए किंचि चिइ-वंदनसज्जाय-ज्जाणाइएसु अभिरमेज्जा तथा से एग-चित्ता समाही भवेज्जा न वा जओ णं गमनागमनाइ-अनेग-अन्न-वावार-परिणामासत्त-चित्तत्ताए केई पाणी तमेव भावंतरमच्छड्डिय-अट्ट-दुहट्टज्जवसिए कं चि कालं खणं विरत्तेज्जा ताहे तं तस्स फलेणं विसंवएज्जा जया उ न कहिं चि अन्नाण-मोह पमाय-दोसेण सहसा एणिंदियादीणं संघट्टणं परियावणं वा कयं भवेज्जा तथा य पच्छा हा हा हा दुडु कयम्महेहिं ति घणराग-दोस-मोह-मिच्छत्त-अन्नाणंधेहिं अदिट्ट-परलोगपच्चवाएहिं कूर-कम्मनिग्घणेहिं ति परम-संवेगमावन्ने सुपरीफुडं आलोएत्ताणं निंदित्ताण गरहेत्ताणं पायच्छित्तमनुचरेत्ताणं नीसल्ले अणाउलचित्ते असुह-कम्मक्खयट्टा किंचि आय-हियं चिइ-वंदनाइ अनुट्टेज्जा तथा तयट्टे चेव उवउत्ते से भवेज्जा जया णं से तयत्थे उवउत्तो भवेज्जा तथा तस्स णं परमेगग-चित्तसमाही हवेज्जा तथा चेव सव्व-जग-जीव-पान-भूय-सत्ताण जहिड्ड-फलसंपत्ती-भवेज्जा ता गोयमा णं अप्पडिक्कंताए इरियावहियाए न कप्फइ चेव काउं किंचि चिइवंदनं-सज्जायाइयं फलासायमभिकंखुगाण एतेनं अट्टेणं गोयमा एवं वुच्चइ-जहा णं गोयमा ससुत्तत्थोभयं पंचमंगल-

थिर-परिचियं-काऊणं तओ इरियावहियं अञ्जीए ।

मू. (५९३) से भयवं कयराए विहीए तं इरियावहियमहिए गोयमा जहा णं पंचमंगल-महासुयक्खंधं ।

मू. (५९४) से भयवं इरियावहियमहिज्जिता णं तओ किमहिजे गोयमा सक्कथयाइयं चेइयवंदन-विहाणं नवरं सक्कथयं एगड्ढम-बत्तीसाए आयंबिलेहिं अरहंतथयं एगेणं चउत्थेणं तिहिं आयंबिलेहिं चउवीसत्थयं एगेणं छुट्ठेणं एगेणं य चउत्थेणं पणुवीसाए आयंबिलेहिं नाणत्थयं एगेणं चउत्थेणं पंचहिं आयंबिलेहिं एवं सर-वंजन-मत्ता बिंदु-पयच्छेय-पयक्खर-विसुद्धं अविच्चा-मेलियं अहीएत्ता णं गोयमा तओ कसिणं सुत्तयं विन्नेयं जत्थ य सदेहं भवेज्जा तं पुणो पुणो वीमंसिय नीसंकमवधारेऊणं नीसंदेहं करेज्जा ।

मू. (५९५) एवं सं सुत्तथोभयत्तगं चिइ-वंदना-विहाणं अहिजेत्ता णं तओ सुपसत्थे सोहणे तिहि-करण-मुहुत्त-नक्खत्त-जोग-लग्ग-ससी-बले जहा सत्तीए जग-गुरूणं संपाइय-पूओवयारेणं पडिलाहियसाहुवगेण य भत्तिभरनिभरेणं रोमंच-कंचुपुलइज्जमाणतनू सहरिसविसट्ट वयणार-विदेणं सद्धा-संवेग-विवेग-परम-वेरग्ग-मूलं विणिहय-घनराग-दोस-मोह-मिच्छत्त-मलकलंकेण सुविसुद्ध-सुनिम्मल-विमल-सुभ-सुभ-यरऽनुसमय-सुमल्लसंत-सुपसत्थज्झवसाय-गएणं भुवण-गुरु-जिनयंद पडिमा विनिवेसिय-नयन-मानसेणं अनन्न-मानसेग्ग-चित्तयाए य धन्नो हं पुत्रो हं ति जिन-वंदनाइ-सहलीकयजम्मो ति इइ मन्नमाणेणं विरइय-कर-कमलंजलिणा हरिय-त्तणबीय जंतु-विरहिय-भूमीएनिहिओभय-जाणुणा सुपरिफुड-सुविइय-नीसंक जहत्य-सुत्तथोभयं पए पए भावेमाणेणं दढचरित्त-समयन्नु-अप्पमायाइ-अनेग-गुण-संपओववेएणं गुरुणा सद्धि साहुसाहुणि-साहम्मिय असेस-बंधु-परिवग्ग-परियरिएणं चेव पढमं चेइए वंदियव्वे तयनंतरं च गुणहे य साहुणो य तहा साहम्मिय-जणस्स णं जहा-सत्तीए पणावाए जाए णं सुमहग्घ मउय-चोक्खवत्थ-पयाणाइणा वा महासम्मणो कायव्वो एयावसरम्मि सुविइय-समय-सारेण गुरुणा पबंधेणं अक्खेव-विक्खेवाइएहिं पबंधेहिं संसार-निव्वेय-जणणिं सद्धा संवेगुप्पायगं धम्म-देसणं कायव्वं ।

मू. (५९६) तओ परम-सद्धा-संवेगपरं नाऊणं आजम्माभिग्गहं च दायव्वं जहा णं सहलीकय-सुलद्ध-मनुय भव भो भो देवानुप्पिया तए अज्जप्पभित्तीए जावज्जीवंति-कालियं अनुदिनं अनुला-वलेग्गचित्तेणं चेइए वंदेयव्वे इणमेव भो मनुयत्ताओ असुइ-असासय-खणभंगुराओ सारं ति तत्थ पुव्वण्हे ताव उदग-पानं न कायव्वं जाव चेइए साहू य न वंदिए तहा मज्झण्हे ताव असन-किरियं न कायव्वं जाव चेइए न वंदिए तहा अवरण्हे चेव तहा कायव्वं जहा अवंदिएहिं चेइएहिं नो संज्ञायालमइक्कमेज्जा ।

मू. (५९७) एवं चाभिग्गहबंधं काऊणं जावज्जीवाए ताहे य गोयमा इमाए चेव विज्जा ए अहिमंतियाओ सत्त-गंध-मुट्ठीओ तस्सुतमंगे नित्यारग पारगो भवेज्जासि त्ति उच्चारमाणेणं गुरुणा धेतव्वाओ अओम् नमओ भगवओ अरहओ सइज्ज उ मए भगवती महा विज्ज आ व ई र ए म ह आ व ई र ए ज य व ई र ए स ए ण् अ व ई र ए वद्ध म् आ ण व ई र ए ज य् अं त् ए अ प र् आ ज् इ ए स् व् आ हा (ओम् नमो भगवओ अरहओ सिज्ज उ मे भगवती महाविज्जा वीरे महावीरे जयवीरे सेणवीरे वद्धमाणवीरे जयंते अपराजिए स्वाहा) उपचारो चउत्थभत्तेणं साहिज्जइ एयाए

विज्ञाए सव्वगओ नित्यारगपारगो होइ उवट्ठावणाए वा गणित्त वा अनुन्नाए वा सत्त वारा परिजवेयव्वा नित्यारग-पारगो होइ उत्तिमट्ठ-पडिवन्ने वा अभिमंतिज्जइ आराहगो भवति विग्घविनायगा उवसमंति सूरुो संगामे पविसंतो अपराजिओ भवति कप्प-समत्तीए मंगलवहनी खेमवहनी हवइ ।

मू. (५९८) तहा साहु-साहुणि-समणोवासग-सट्ठिगाऽसेसा-सन्न-साहम्भियजण-चउव्विहेणं पि समण-संघेणं नित्यारग-पारगो भवेज्जा धन्तो संपुन्न-सलक्खणो सि तुमं ति उच्चारेमाणेणं गंध-मुट्ठीओ धेतव्वाओ तओ जग-गुरुणं जिणिंदाणं पूएग-देसाओ गंधट्ठमिलाण-सियमल्लदामं गहाय स-हत्थेणोभय-खंधेसुमारोवयमाणेणं गुरुणा नीसंदेहमेवं भाणियव्वं जहा भो भो जम्मंतर-संचिय-गुरुय-पुन्न-पब्भार सुलब्भ-सुविट्ठत्त-सुसहल-मनुयजम्मं देवानप्पिया ठइयं च नरय-तिरियगइ-दारं तुज्जं ति अबंधगो य अयस-अकित्ती-नीया-गोत्त-कम्म-विसेसाणं तुमं ति भवंतरं-गयस्सा वि उ न दुलहो तुज्ज पंच नमोक्कारो भावि-जम्मंतरेसु पंच-नमोक्कार-पभावाओ य जत्थ जत्थोववज्जेज्जा तत्थ तत्थुत्तामा जाई उत्तम च कुल-रुवरोग्ग-संपयंति एयं ते निच्छयओ भवेज्जा अन्नं च पंचनमोक्कार-पभावओ न भवइ दासत्तं न दारिद-दहूग-हीणजोणियत्तं न विगल्लिदियत्तं ति किं बहुएणं गोयमा जे केइ एयाए विहीए पंच-नमोक्कारादि-सुयनाण-महीएत्ताण तयत्थानुसारेणं पयओ सव्वावस्सगाइ निच्चानुट्ठणिज्जेसु अट्ठारस-सीलंगसहस्सेसु अभिरमेज्जा से णं सरागत्ताए जइ णं न निव्वुडे तओ गेवेज्जऽनुत्तरादीसुं चिरमभिरमेऊणेहउत्तम-कुलप्पसूर्इ उक्किट्ठल्लसव्वंगसुंदरत्तं सव्वं-कला-पत्तइ-जनमनानंदयारियत्तणं च पाविऊणं सुरिंदे विव महरिद्धए एगंतेनं च दयानुकंपापरे निव्विन्न-काम-भोगे सद्धम्ममनुट्ठेऊणं विहुय-रय-मले सिज्जेज्जा ।

मू. (५९९) से भयवं किं जहा पंचयमंगलं तहा सामाइयाइयमसेसं पि सुय-नाणमहिज्जिणेयव्वं गोयमा तहा चेव विनओवहाणेणं महीएयव्वं नवरं अहिज्जिनिउकामेहिं अट्ठविहं चेव नाणायारं सव्व-पयत्तेणं कालादी रक्खेज्जा अन्नहा महया आसायणं ति अन्नं च दुवालसंगस्स सुयनाणस्स पढम-चरिमजाम-अहन्निमसज्जयण-ज्झावणं पंचमंगलस्स सोलसद्धजामियं च अन्नं च पंचय-मंगलं कय-सामाइए इ वा अकय-सामाइए इ वा अहीए सामाइयमाइयं तु सुयं चत्तारंभपरिग्गहे जावजीवं कय-सामाइए अहीज्जिनेइ न उ णं सारंभ-परिग्गहे अकय-सामाइए तहा पंचमंगलस्स आलावगे आलावगे आर्यबिलं तहा सक्कत्थवाइसु वि दुवालसंगस्स पुन सुय-नाणस्स उट्ठेसगऽज्ज-यणेसु ।

मू. (६००) से भयवं सुदुक्करं पंच-मंगल-महासुयक्खंधस्स विनओवहाणं पत्रत्तं महती य एसा नियंतणा कहं बालेहिं कज्जइ गोयमा जे णं केइ न इच्छेज्जा एयं नियंतणं अविणओवहाणेणं चेव पंचमंगलाइं सुय-नाणमहिज्जिणे अज्झावेइ वा अज्झावयमाणस्स वा अनुन्नं वा पयाइ से णं न भवेज्जा पिय-धम्मे न हवेज्जा दढ-धम्मे न भवेज्जा भती-जुए हीलेज्जा सुत्तं हीलेज्जा अत्थं हीलेज्जा सुत्तत्थ-उभए हीलेज्जा गुरुं जे णं हीलेज्जा सुत्तत्थेऽभए जाव णं गुरुं से णं आसाएज्जा अतीताऽनागय-वट्ठमाणे तित्थयरे आसाएज्जा आयरिय-उवज्जाय-साहुणो जे णं आसाएज्जा सुय-नाणमरिहंत-सिद्ध-साहू से तस्स णं सुदीहयालमनंत-संसारसागरमाहिंडेमाणस्स तासु तासु संकुड वियडासु चुलसीइ-लक्ख-परिसंखाणासु सीओ-सिणमिस्सजोणीसु तिमिसंझधयारदुग्गंथाऽ-मेज्जचिलीण-

खारमुत्तोञ्ज-सिंभ पडहच्छवस-जलुल-पूय-दुद्दिन-चिलिञ्चिल-रुहिर-चिक्खल्ल-दुद्दं-सण-जंबाल-पंक-वीभच्छघोर-गब्भावासेसु कढ-कढ-कढेंत-चलचलचलस्स टल-टल-टलस्स रञ्जं-तसंपिंडि-यंगमंगस्स सुइरं नियंतणा जे उणं एयं विहिं फासेज्जा नो णं मणयं पि अइयरेज्जा जहुत्त-विहाणेणं चैव पंच-मंगल-पभिइ-सुय-नाणस्स विनओवहाणं करेज्जा से णं गोयमा नो हीलेज्जा सुत्तं नो हीलेज्जा अत्थं नो हीलेज्जा सुत्तत्थोभए से णं नो आसाएज्जा तिकाल-भावी-तिकखरे नो आसाएज्जा तिलोगसिहरवासी विसूय-रय-मले सिद्धे नो आसाएज्जा आयरिय-उवज्जाय साहुणो सुडुय्यरं चैव-भवेज्जा पिय-धम्मे दढ-धम्मे भत्ती-जुते एगंतेनं भवेज्जा सुत्तत्थणुरंजियमाणस-सद्धा-संवेगभावन्ने से एस णं न लभेज्जा पुणो पुणो भव-चारगे गब्भ-वासाइयं अनेगहा जंतनं ति ।

मू. (६०१) नवरं गोयमा जे णं बाले जाव अविन्नाय-पुत्र-पावाणं विसेसे ताव णं से पंच-मंगलस्स णं गोयमा एगंतेनं अओग्गे न तस्स पंचमंगल-महा-सुयक्खंधं दायव्वं न तस्स पंचमंगल-महासुयक्खंधस्स एगमवि आलावगं दायव्वं जओ अनाइ-भवंतर-समज्जियाऽसुह-कम्म-रासि-दहणड्डमिणं लभित्ता णं बाले सम्मामाराहेज्जा लहुत्तं च आणेइ ता तस्स केवलं धम्म-कहाए गोयमा भत्ती समुप्पाइज्जइ तओ नाऊणं पिय-धम्मं दढ-धम्मं भत्ति-जुत्तं ताहे जावइयं पच्चक्खाणं निव्वाहेउं समत्थो भवति तावइयं कारविज्जइ राइ-भोयणं च दुविह-तिविह-चउव्विहेण वा जहा-सत्तीए पच्चक्खाविज्जइ ।

मू. (६०२) ता गोयमा णं पणयालाए नमोक्कार-साहियाणं चउत्थं चउवीसाए पोरुसीहिं बारसहिं पुरिंमट्टेहिं दसहिं अवट्टेहिं तिहिं निव्वीइएहिं चउहिं एगट्टाणगेहिं दोहिं आयंबिलेहिं एगेणं रूगमेवाऽऽयंबिलं मास-खवणं विसेसेज्जा तओ य जावइयं तवोवहाणं वीसमतो करेज्जा तावइयं अनुगणेऊणं जाहे जाणेज्जा जहा णं एत्तियमेत्तेणं तवोवहाणेणं पंचमंगलस्स जोगीभूओ ताहे आउत्तो पढेज्जा न अन्नह ति ।

मू. (६०३) से भयवं पभूयं कालाइक्कमं एयं जइ कदाइ अवंतराले पंचत्तमुवगच्छेज्जा तओ नमोक्कार विरहिए कहमुत्तिमट्टं साहेज्जा गोयमा जं सयं चैव सुत्तोवयारनिमित्तेणं असढ-भावत्ताए जहा-सत्तीए किंचि तवमारभेज्जा तं समयमेव तमहीय-सुत्तत्थोभयं दट्टव्वं जओ णं सो तं पंच-नमोक्कारं सुत्तत्थोभयं न अविहीए गेण्हे किंतु तहा गेण्हे जहा भवंतरेसुं पि न विप्पणस्स एयज्जवसायत्ताए आराहगो भवेज्जा ।

मू. (६०४) से भयवं जेनं उण अन्नेसिमहीयमाणानं सुयायवरणक्खओवसमेणं कन्नहाडि-त्तणेणं पंचमंगल-महीयं भवेज्जा से वि उ किं तवोवहाणं करेज्जा गोयमा करेज्जा से भयवं केन अट्टेणं गोयमा सुलभ-बोहि-लाभ-निमित्तेणं एवं चैयाई अकुव्वामाणे नाणकुसीले नेए ।

मू. (६०५) तहा गोयमा णं पव्वज्जा दिवसप्पभिईए जहुत्त-विहिणो वहाणेणं जे केइ साहु वा साहुणी वा अपुव्व-नाण-गहणं न कुज्जा तस्सासइं चिराहियं सुत्तत्थो भयं सरमाणे एगग्ग-चित्ते पढम-चरम-पोरिसिसु दिया राओ य नाणु गुणेज्जा से णं गोयमा नाण कुसीले नेए से भयवं जस्स अइगरुय नाणावरणो दएणं अहन्निसं पहोसे माणस्स संवच्छरेण वि सिलोग बद्धमवि नो पिर परिचियं भवेज्जा से किं कुज्जा गोयमा तेना वि जावज्जीवाभिग्गहेणं सज्जाय-सीलाणं वेयावच्चं तहा अनुदिनं अट्टाइज्जे सहस्से पंचमंगलाणं सुत्तत्थोभए सरमाणेगग्ग मानसे पहासेज्ज से भयवं केणं

अट्टेणं गोयमा जे भिक्खु जावज्जीवा भिग्गहेणं चाउक्कालियं वायणाइ जहा सत्तीए सज्जायं न करेज्जा से णं नाण-कुसीले नेए ।

मू. (६०६) अत्रं च-जे केई जावज्जीवाभिग्गहेणं अपुव्वं नाणाहिगमं करेज्जा तस्सासतीए पुव्वाहियं गुणेज्जा तस्सावियासतीए पंचमगलाणं अट्टाइजे सहस्से परावत्ते से भिक्खू आराहगे तं च नाणावरणं खवेत्तु णं तित्थयरे इ वा गणहरे इ वा भवेत्ता णं सिज्जेज्जा ।

मू. (६०७) से भयवं केण अट्टेण एवं वुच्चइ जहा णं चाइक्कालियं सज्जायं कायव्वं । (गोयमा)

मू. (६०८) मन-वइ-कायाउत्तो नाणावरणं च खवइ अनुसमयं ।

सज्जाए वट्ठतो खणे खणे जाइ वेरगं ॥

मू. (६०९) उट्टमहे तिरियम्मि य जोइस-वेमानिया य सिद्धी य ।

सव्वो लोगालोगो सज्जाय-विउस्स पच्चक्खा ॥

मू. (६१०) दुवालस-विहम्मि वि तवे सच्चितर-बाहिरे कुसल-दिट्ठे ।

न वि अत्थि न वि य होही सज्जाय-समं तवो-कम्मं ॥

मू. (६११) एग-दु-ति-मास-खमणं सर्वच्छरमवि य अनसिओ होज्जा ।

सज्जाय-झाण-रहिओ एगोवासप्फलं पि न लभेज्जा ॥

मू. (६१२) उगम-उप्पायण-एसणाहिं सुद्धं तु निच्च भुंजतो ।

जइ तिविहेणाऽउत्तो अनुसमय-भवेज्ज सज्जाए ॥

मू. (६१३) तो तं गोयम एगग्गमाणसत्तं न उवमिउं सक्का ।

संवच्छरखवणेणं वि जेन तहिं निज्जारानंता ॥

मू. (६१४) पंच-समिओ ति-गुत्तो खंतो दंतो य निज्जरापेही ।

एगग्ग-माणसो जो करेज्ज सज्जायं सो मुनी भन्ने ॥

मू. (६१५) जो वागरे पसत्थं सुयनामं जो सुणेइ सुह-भावो ।

ठइयारसवजदारत्तं तक्कालं गोयमा दोण्हं ॥

मू. (६१६) एगमवि जो दुहत्तं सत्तं पडिबोहिइं ठवियमग्गे ।

ससुरासुरम्मि वि जगे तेन इहं घोसिओ अनाघाओ ॥

मू. (६१७) धाउपहाणो कंचनभावं न य गच्छई किया-हीनो ।

एवं भव्वो वि जिनोवएस-हीनो न बुज्जेज्जा ॥

मू. (६१८) गय-राग-दोस-मोहा धम्म-कहं जे करेति समयन्नु ।

अनुदियहमवीसंता सव्वपावाण मुच्चंति ॥

मू. (६१९) निसुणंति य भयणिज्जं एगंतं निज्जरं कहंताणं ।

जइ अन्नहा न सुत्तं अत्थं वा किंचि वाएज्जा ॥

मू. (६२०) एएणं अट्टेणं गोयमा एवं वुच्चइ जहा णं जावज्जीवं अभिग्गहेणं चाउक्कालियं सज्जायं कायव्वंति तथा य गोयमा जे भिक्खू विहीए सुपसत्थनाणमहिज्जेऊण नाणमयं करेज्जा से वि नाण-कुसीले एवमाइ नाण-कुसीले अनेगहा पत्रविज्जंति ।

मू. (६२१) से भयवं कयरे ते दंसन-कुसीले गोयमा दंसन-कुसीले दुविहे नेए-आगमओ नो

आगमओ य तत्थ आगमओ सम्म-दंसणं संकंते कंखंते विदुगुंछंते दिट्ठीमोहं गच्छंते अनोववूह-
एपरिवडिय-धम्मसद्धे सामन्नमुज्झिउकामाणं अथिरीकरणेणं साहम्मियाणं अवच्छल्लतेणणं
अट्टप्पभावनाए एत्तेहिं अट्टहिं पि थाणंतरेहिं कुसीले नेए ।

मू. (६२२) नो आगमओ य दंसन-कुसीले अनेगहा तं जहा-चक्खु-कुसीले घाण-कुसीले
सवण-कुसीले जिब्भ-कुसीले सरीर-कुसीले तत्थ चक्खुकुसीले तिविहे नेए तं जहा-पसत्थ-
वक्खुकुसीले पसत्थापसत्थ-चक्खु-कुसीले अपसत्थ-चक्खुकुसीले तत्थ-जे केइ-पसत्थ उसभादि-
तित्थयर-बिंब-पुरओ चक्खु-गोयर-ट्टियं तमेव पासेमाणे अन्नं कि पि मनसा अपसत्थमज्झवसे
से णं पसत्थ-चक्खु-कुसीले तथा जे पसत्थापसत्थ-चक्खु-कुसीले तित्थयर-बिंबं हियएणं अच्छीहि-
किं पि पेहेज्जा से णं पसत्थापसत्थ चक्खु-कुसीले तथा पसत्थापसत्थाइं दव्वाइं कागबग-ढेंक-
तित्तिर-मयूराइं सुकंत-दित्तिरियं वा दट्ठुणं तयहुतं चक्खुं विसज्जे से वि पसत्थापसत्थ-चक्खु-
कुसीले तथा अपसत्थ-चक्खु-कुसीले तिसट्ठिहिं पयारेहिं अपसत्था सरागा चक्खू ति से भयवं
कयरे ते अपसत्थे तिसट्ठी-चक्खु-भेए-

गोयमा इमे तं जहा सब्भू कडक्खा तारा मंदा मंदालसा वंका विवंका कुसीला अट्टिक्खिया
काणिक्खिया भामिया उब्भामिया चलिया वलिया चलवलिया उट्ठुम्मिल्ला मिलिमिला मनुसा पासवा
पक्खा सरीसिवा असंता अपसंता अथिरा बहुविगारा सानुरागा रागो ईरणी रागजन्ना मयुप्पायणी
मयणी मोहनी वम्मोहनी भयजन्ना भयंकरी हियय-भेयणी संसयावहरणी चित्त-चमक्कुप्पायणी
निबद्धा अनिबद्धा गया आगया गयागया गय-पच्चागया निद्धाडणी अहिलसणी अरइकरा अइकरा
दीना दयावणा सूरा धरा हननी मारणी तावणी संतावणी कुद्धापकुद्धा घोरोमहा-धोरा चंडा रोद्धा
सुरोद्धा हा हा भूयसरणा रुक्खा सणिद्धा रुक्खसणिद्धा ति महिला णं चलणंगुट्ट-कोडि-नह-कर-
सुविलिहिया दिन्नालत्तं गायं च नह-मणिक्करण-निबद्धसक्क-चालवं कुम्मुन्नय-चलणं सम्मग-
निमुग्ग-वट्ट-गूढजाणुं जंघा-पिहुल-कडियड-भोगा-जहण-नियंब-नाही-थण-गुज्जंतर-कट्टा-भूया-
लट्ठीओ अहरोट्ट-दसनपंती कन्ननासा नयण-जुयल-भमुहा-निडाल-सिररुह-सीमंतया-मोडया-
पट्टतिलगं-कुंडल-कवोलकज्जल-तमाल-कलाव-हार-कडिय-सुत्तगणेउरर-बहुरक्खग-मणि-रयण-
कडग-कंकण-मुदियाइ-सुकंद-दित्ता-भरण-दुग्गुल्ल-वसण-नेवच्छा कामगि-संधुक्कणी निरय-
तिरिय-गतीसुं अनंत-दुक्ख-दागया एसा साहिलास-सराग-दिट्ठी ति एस चक्खु-कुसले ।

मू. (६२३) तथा घाण-कुसीले जे केइ सुरहि-गंधेसु संगं गच्छइ दुरहिगंधे दुगुंछे से णं घाण-
कुसीले तथा सवण-कुसीले दुविहे नेए-पसत्थे अपसत्थे य तत्थ जे भिक्खू अपसत्थाइं काम-राग-
संधुक्खुं द्विवन-उज्जालण-पज्जालण-संदिवाणाइं-गंधव्व-नट्ट-धनुव्वेद-हत्थिसिक्खा-काम-रती-
सत्थाईणि गंधाणि सोऊणं नालोएज्जा जाव णं नो पायच्छित्तमनुचरेज्जा से णं अपसत्थ-सवण-
कुसीले नेए तथा जे भिक्खू पसत्थाइं सिद्धंतराचरिय-पुराण-धम्म-कहाओ य अन्नाइं च गंधसत्थाइं
सुणेत्ता णं न किंचि आय-हियं अनुट्टे नाण-मयं वा करेइ से णं पसत्थ-सवणकुसीले नेए तथा
जिब्भा-कुसीले से णं अनेगहा तं जहा-तित्त-कडुय-कसाय-महुरंबिल-लवणाइं-रसाइं आयायंते
अदिट्ठाऽसुयाइं इह-परलोगो-भय-विरुद्धाइं सदोसाइं मयार-जयारुच्चारणाइं अयसऽब्भक्खाणाऽ-

संताभिओगाइं वा भणंते असमयन्नु धम्मदेसणा पवत्तणेण य जिब्भा-कुसीले नेए, से भयवं किं भासाए विभासियाए कुसीलत्तं भवति गोयमा भवइ से भयवं जइ एवं ता धम्म-देसणं-कायव्वं ।

मू. (६२४) सावज्जणवज्जाणं वयणाणं जो न जाणइ विसेसं ।
वोत्तुं पि तस्स न खमं किमंग पुणदेसणं काउं ॥

मू. (६२५) तथा सरीर-कुसीले दुविहे चेडा-कुसीले विभूसा-कुसीले य, तत्थ जे भिक्खू एवं किमि-कुल-निलयं सउण-साणाइ-भत्तं सडण-पडण-विद्धंसण-धम्मं असुइं असासयं असारं सरीरं आहरादीहिं निच्चं चेद्वेज्जा नो णं इणमो भव-सय-सुल्ल-नाण-दंसणाइ-समन्निएणं सरीरेणं अच्चंत-घोर-वीरुग्ग-कड्ड-घोर-तव-संजम-मनुद्वेज्जा से णं चेडा कुसीले तथा जे णं विभूसा कुसीले से वि अनेगहा तं- जहा तेलाब्भंगण-विमदण संबाहण-सिणाणुव्वट्टण-परिहसण-तंबोल-धूवण-वासण-दसनुग्घसण-समालहण-पुप्फोमालण-केस-समारण-सोवाहण-दुवियह्गइभणिरहसिर-उव-विड्डुट्टिय-सन्निवन्नेक्खिय-विभूसावत्ति-सविगार-नियंसनुत्तरीय-पाउरण-दंडग-गहणमाई सरीर-विभूसा-कुसीले नेए एते य पवयण-उट्टाह-परे दुरंत-पंत-लक्खणे अदड्व्वे महा पावकम्मकारी विभूसा कुसीले भवति गए दंसन कुसीले ।

मू. (६२६) तथा चारित्तकुसीले अनेगहा-मूलगुण उत्तर-गुणेषुं तत्थ मूलगुणा पंच-महव्वयाणी-राई-भोयण-छट्टाणि तेसुं जे पमत्ते भवेज्जा तत्थ पाणाइवायं पुढवि-दगागणिमारुय-वणफ्फती-बितिचउ-पंचेदियाईणं संघटण-परियावण-किलामणोद्ववणे मुसावायं सुहुमं बायरं च तत्थ सुहुमं पयलाउल्ला मरुए एवमादि बादरो कन्नालीगादि अदिन्नादानं सुहुमं बादरं च तत्त सुहुमं तण-डगलच्छार-मल्लगादिणं गहणे बादरं हिरन्न-सुवन्नादिणं मेहुणं दिव्वोरालियं मणोवइ-काय-करण-कारावणानु-मइभेदेणं अट्टरसहा तथा करकम्मादी सचित्ताचित्त-भेदेणं नवगुत्ति-विराधनेन वा विभूसावत्तिएण वा परिग्गहं सुहुमं बादरं च तत्थ सुहुमं कप्पट्टगरक्खणममत्तो बादरं हिरन्मादीणं गहणे धारणे वा राईभोयणं दिया गहियं दिया भुत्तं दिया गहियं राई भुत्तं राओ गहियं दिया भुत्तं, एवमादि ।

मू. (६२७) पिंडस्स जा विसोहि समितीओ भावणा तवो दुविहो ।

पडिमा अभिग्गहा वि य उत्तरगुण मो विययाहि ॥

मू. (६२८) – तत्थ पिंडविसोहि –

मू. (६२९) सोलस उग्गम दोसा सोलस उप्पायणा य दोसा उ ।

दस एसणाए दोसा संजोयणं-माइ पंचेव ॥

मू. (६३०) – तत्थ उग्गम- दोसा –

मू. (६३१) आहाकम्मुद्देसिय-पूर्इकम्मे य मीसजाए य ।

ठवणा पाहुडियाए पाओयर-कीय-पामिच्चे ॥

मू. (६३२) परियट्टिए अभिहडे उब्भियन्ने मालोहडे इ य ।

अच्छेज्जे अनिसट्टे अज्झोयरए य सोलसमे ॥

मू. (६३३) – इमे उप्पायणा-दोसा –

मू. (६३४) धाई दूई निमित्ते आजीव-वनीमगे तिगिच्छाय ।

कोहे माने माया लोभे य हवन्ति दस एए ॥

मू. (६३५) पुर्व्वि पच्छा-संधव-विज्जा-मन्ते य चुन्न-जोगे य ।
उप्पायणाए दोसा सोलसमे मूल-कम्मे य ॥

मू. (६३६) – एसणादोसा –

मू. (६३७) संकिय-मक्खिय-निक्खित्त-पिहिय-साहरिय-दायगुम्मीसे ।
अपरिणय-लित्त-छड्डिय एसण दोसा दस हवन्ति ॥

मू. (६३८) तत्थुग्गमदोसे गिहत्थ-समुत्थे उप्पायणा दोसे साहुसमुत्थे एसणादोसे उभय-समुत्थे संजोयणा पमाणे इंगाले धूम कारणे पंचमंडलीय दोसे भवन्ति तत्थ संजोयणा-उवगरण भत्तपान-सब्भन्तर-बहि-भेएणं पमाणं ।

मू. (६३९) बत्तीसं किर-कवले आहारो कुच्छि-पूरओ भणिओ ।
रागेणं सइंगालं दोसेण सधूमगं ति नायव्वं ॥

मू. (६४०) – कारणं –

मू. (६४१) वेयण-वेयावच्चे इरिय-ट्टाए य संजम-ट्टाए ।
तह पान-वत्तियाए छट्टं पुन धम्म-चित्ताए ॥

मू. (६४२) नत्थि छुहाए सरिसिया वियणा भुंजेज्जा तप्पसमण्डा ।
छाओ वेयावच्चं न तरइ काउं अओ भुंजे ॥

मू. (६४३) इरियं पि न सोहिस्सं पेहाइयं च संजमं काउं ।
धामो वा परिहायइ गुणणऽनुपेहासु य असत्तो ॥

मू. (६४४) पिंडविसोही गया इयाणिं समितीओ पंच तं जहा इरिया-समिती भासा-समिई एसणा-समिई आयाण भंड-मत्त-निकखेवणा-समिती उच्चार-पास-वण-खेल-सिंधाण-जल्लपारिड्डा-वणिया-समिती जहा गुत्तीओ तिन्नि-मण-गुत्ती वइ-गुत्ती तथा भावणाओ दुवालस तं जहा अनिच्चत्त-भावना असरणत्त-भावना एगत्त-भावना-अन्नत्त-भावना असुइ-भावना विचित्त संसार-भावना कम्मासव-भावना संवर-भावना विनिज्जरा-भावना लोगवित्थरभावना धम्मं सुयक्खायं सुपन्नत्तं तित्थयरोहिं ति भावना तत्तचित्ता भावना बोहि-सुदुल्लभा-जम्मन्तर-कोडीहिं वि ति भावना एवमादि-धाणन्तरेसुं जे पमायं कुज्जा से णं चारित्त-कुसिले नेए ।

मू. (६४५) तथा तव-कुसीले दुविहे नेए-बज्झ-तव-कुसीले अर्बिभतरतवकुसीले य तत्थ जे केई विचित्त-अनसन-ऊनोदरिया-वित्ती-संखेवण-रस-परिच्चाय-कायकिलेस-संलीणयाए ति छट्टाणेसुं न उज्जमेज्जा से णं बज्झ-तव-कुसीले तथा जे केइ विचित्तपच्छित्त-विनय-वेयावच्च-सज्झाय-ज्ञाण-उसग्गम्मि चेएसुं छट्टाणेसुं न उज्जमेज्जा से णं अर्बिभतर-तव-कुसीले

मू. (६४६) तह पडिमाओ बारस तं जहा –

मू. (६४७) मासादी सत्तता एग दुग ति-सत्तराइ दिणा तिन्नि ।

अहराति एगराती भिक्खू पडिमाणं बारसंग ॥

मू. (६४८) तथा अभिग्गहा-दव्वओ खेत्तओ कालओ भावओ तत्थ दव्वे कुम्मासाइयं दव्वं गहेयव्वं खेत्तओ गामे बहिं वा गामस्स कालओ पढम पोरिसिमाईसु भावओ कोहमाइसंपन्नो जं

देहि इमं गहिस्सामि एवं उत्तर-गुणा संखेवओ सम्मत्ता सम्मत्तो य संखेवेणं चरितायारो तवायारो वि संखेवेणेहंतर-गओ तथा विरियायारो एएसु चेव जा अहाणी एएसुं पंचसु आयाराइयारेसुं जं आउट्टियाए दप्पओ पमायओ कप्पेण वा अजयणाए वा जयणाए वा पडिसेवियं तं तहेवालोइत्ताण ज मग्ग-विउ-गुरू-उवइसंति तं तथा पायच्छित्तं नाणु चरेइ एवं अट्टारसण्हं सीलंग-सहस्साणं जं जत्थ पए पमत्ते भवेज्जा से णं तेनं तेनं पमाय-दोसेणं कुसीले नेए ।

मू. (६४९) तथा ओसन्नेसु जाणे नित्थं लिहीज्जइ पासत्थे नाणामदीणं सच्छंदे उस्सुत्तुमग्गामी सबले नेत्थं लिहिज्जंति गंथ-वित्थरभयाओ भगवया उण एत्थं पत्थावे कुसीलादी महया पबंधेणं पन्नविए एत्थं च जा जा कत्थइ अन्नन्वायणा सा सुमुणिय-समय-सारेहिंतो पओसेयव्वा जओ मूलादरिसे चेव बहु गंथं विप्पणइं तहिं च जत्थ संबंधानुल्लगं गंथं संबज्जइ तत्थ तत्थ बहुएहिं सुयहरेहिं सम्मिलिऊणं संगोवंग-दुवालसंगाओ सुय-समुद्दाओ अन्न-मन्न-अंग-उवंग-सुयक्खंध-अज्जयणुद्देसगाण सुमुच्चिणिऊणं किंचि किंचि संबज्जमाणं एत्थं लिहियं न उन सकव्वं कयं ति

मू. (६५०) पंचेए सुमहा-पावे जे न वज्जेज्ज गोयमा ।

संलावीहिं कुसीलादी भमिही सो सुमती जहा ॥

मू. (६५१)

भव-काय-ट्टितीए संसारे घोर-दुक्ख-समोत्थओ ।

अलभंतो दसविहे धम्मे बोहिमहिंसाइ-लक्खणे ॥

मू. (६५२)

एत्थं तु किर-दिट्ठंतं संसग्गी-गुण-दोसओ ।

रिसि-भिल्ला समलासे णं निप्फन्नं गोयमा मुणे ॥

मू. (६५३)

तम्हा कुसीलसंसग्गी सव्वोवाएहिं गोयमा ।

वज्जेज्जा य हियाकंखी अंडज-दिट्ठंत-जाणगे ॥

अध्ययनं - ३ - समाप्तम्

अध्ययनं-४-कुशील संसर्गी

मू. (६५४) से भयवं कहं पुन तेन समुइणा कूसील-संसग्गी कया आसी उ जीए अ एरिसे अइदारुणे अवसाने समक्खाए जेन-भव-कायट्टितीए अनोर-पारं भव-सायरं भमिही से वराए दुक्ख-संतत्ते अलभंते सव्वन्नुवएसिए अहिंसा-लक्खण खंतादि-दसविहे धम्मे बोहिं ति गोयमा णं इमे ते जहा-अत्थि इहेव भारहे वासे मग्हा नाम जनवओ तत्थ कुसत्थलं नाम पुरं तम्मि य उवलद्ध-पुत्र-पावे सुमुणिय-जीवाजीवादि-पयत्थे सुमती-नाइल नामधेजे दुवे सहोयरे महिट्ठीए सट्ठगे अहेसि अहन्नया अंतराय-कम्मोदएणं वियलियं विहवं तेसिं न उणं सलत्त-परक्कमं ति एवं तु अचलिय-सत्त-परक्कमाणं तेसिं अच्चंतं परलोग-भीरुणं विरय-कूड-कवडालियाणं पडिवन्न-जहोवइइ-दाणाइ-चउक्खंध-उवासग-धम्माणं अपिसलुणाऽमच्छरीणं अमायावीणं किं बहुना गोयमा ते उवासगा णं आवसहं गुणरयणाणं पभवा खंतीए निवासे सुयण-मेत्तीणं एवं तेसिं-बहु-वासर-वन्नणिज्ज-गुण-रयणाणं पि जाहे असुह-कम्मोदएणं न पहुप्पए संपया ताहे न पहुप्पंति अट्टाहिया-महिमादओ इट्ठदेवयाणं जहिच्छिए पूया-सक्कारे साहम्मिय-सम्माणे बंधुयण-संववहारे य ।

मू. (६५५) अह अन्नया अचलंतेसुं अतिहि-सक्कारेसुं अपूरिज्जमाणेसुं पणइयण-मनोरहेसुं

विहडंतेसु य सुहिसयणमित्त बंधव-कलत्त-पुत्त-नत्तुयगणेसुं विसायमुवगएहिं गोयमा चिंतिंयं तेहिं सट्टगेहिं तं जहा -

मू. (६५६) जा विहवो ता पुरिसस्स होइ आणा-वडिच्छओ लोओ ।

गलिओदयं घनं विञ्जुला वि दूरं परिच्चइ ॥

मू. (६५७) एवं-चिंतिऊणावरोप्परं भणिइमारद्धे तत्थ पढमो -

मू. (६५८) पुरिसेन मान-धन-वज्जिएण परिहीण भागधिजेणं ।

ते देसा गंतव्वा जत्थ स-वासा न दीसंति ॥

मू. (६५९) - तहा बीओ -

मू. (६६०) जस्स धनं तस्स जनो जस्सत्थो तस्स बंधवा बहवे ।

धन-रहिओ हु मनूसो होइ समो दास-पेसेहिं ॥

मू. (६६१) अह एवमवरोप्परं संजोऊण गोयमा कयं देसपरिच्चाय-निच्छंय तेहिं ति जहा वच्चामो देसंतरं ति तत्थ णं कयाइ पुञ्जंति चिर-चिंतिए मनोरहे हवइ य पव्वज्जाए सए संजोगो जइ दिव्वो बहुमन्नेज्जा जाव न उज्जिऊणं तं कमागयं कुसत्थलं पडिवन्नं विदेसगमनं ।

मू. (६६२) अहन्नया अनुपहेणं गच्छमाणेहिं दिट्ठा तेहिं पंच साहुणो छट्ठं समणोवासगं ति तओ भणियं नाइलेण जहा-भो सुमती भद्दमुह पेच्छ केरिसो साहु सत्थो ता एएणं चेव साहु-सत्थेणं गच्छामो जइ पुणो वि नूनं गंतव्वं तेन भणियं एव होउ त्ति तआ सम्भिलिया तत्थ सत्ते-जाव णं पयाणगं वहंति ताव णं भणिओ सुमती नातिलेणं जहा णं भद्दमुह मए हरिवंस-तिलय-मरगयच्छविणो सुगहिय-नामधेज्जस्स बावीसइम-तित्थगरस्स णं अरट्ठनेमि नामस्स पाय-मूले सुहनिसन्नेणं एवमवधारियं आसी जहा जे एवंविहे अनगार-रूवे भवंति ते य कुसीले जे य कुसीले ते दिट्ठीए वि निरक्खिउं न कप्पंति ता एते साहुणो तारिसे मणागं न कप्पए एतेसिं समं अम्हाणं गमन-संसग्गी ता वयंतु एते अम्हे अप्पमसत्थेणं चेव वइस्सामो न कीरइ तित्थयर-वयणस्सातिवक्कमो जओ णं ससुरासुरस्सा वि जगस्स अलंघणिज्जा तित्थयर-वाणी अत्रं च-जाव एतेहिं समं गम्मइ ताव णं चिड्डउ ताव दरिसणं आलावादी नियमा भवंति ता किमम्हेहिं तित्थयर-वाणिं उल्लंघित्ताणं गंतव्वं रूवं तमनुभाणिऊणं तं सुमति हत्थे गहाय निव्वडिआल्ल नाइलो साहु-सत्थाओ ।

मू. (६६३) निविट्ठो य चक्खु-विसोहिए फासुग-भभू-पएसे तओ भणियं सुमइणा जहा

मू. (६६४) गुरूणो माया-वित्तस्स जेड्ड-भाया तहेव भइनीणं ।

जत्तुत्तरं न दिज्जइ हा देव भणामि किं तत्थ ॥

मू. (६६५) आएसमवीमाणं पमाणपुव्वं तह त्ति नायव्वं ।

मंगुलममंगुल वा तत्थ वियारो न कायव्वो ॥

मू. (६६६) नवरं एत्थ य मे दायव्वं अज्ज-मुत्तरमिमस्स ।

खर-फरुस-कक्कसाऽनिट्ठ-दुड्ड-निट्ठुर-सरेहिं तु ॥

मू. (६६७) अहवा कह उत्थल्लउ जीहा मे जेड्ड-भाउणो पुरतो ।

जस्सुच्छंगे विनियंसणो हं रमिओऽसुइ-विलित्तो ॥

मू. (६६८) अहवा कीस न लज्जइ एस सयं चेव एव पभणंतो ।

जदं नु कुसीले एते दिङ्गीए वी न दड्ढ्वे ॥

मू. (६६९) साहुणो त्ति जाव न एवइयं वायर ताव णं इंगियागार-कुसलेणं मुणियं नाइलेणं-
जहा णं अलिय-कसाइओ एस मनगं सुमती ता किमहं पडिभणामि त्ति चिंतितं समाढत्तो ।

मू. (६७०) कज्जेण विना अंकडे एस पकुवियो हु तव संघिडे ।
संपइ अनुनिजंतो न याणिमो किं च बहु मन्ने ॥

मू. (६७१) ता किं अनुनेमिमिणं उयाहु बोलउ खणद्धतालं वा ।
जेनुवसमिय-कसओ पडिवज्जइ तं तथा सव्वं ॥

मू. (६७२) अहवा पत्थावमिणं एयस्स वि संसयं अवहरेमि ।
एस न याणइ भद् जाव विसेसं नपरिकहियं ॥

मू. (६७३) - त्ति चिंदिऊणं भणिउमाढत्तो ।

मू. (६७४) नो देमि तुब्भ दोसं न यावि कालस्स देमि दोसमहं ।
जं हिय-बुद्धीए सहोयरा वि भणिया पकुपंति ॥

मू. (६७५) जीवाणं चिय एत्थं दोसं कम्मड्ड-जाल-कसियाणं ।
जे चउगइ-निष्फिडणं हि ओवएसं न बुज्झंति ॥

मू. (६७६) घन-राग-दोस-कुग्गाह-मोह-मिच्छत्त-खवलिय-मणाणं ।
भाइ विसं कालउडं हिओवएसामय पइन्नं ति ॥

मू. (६७७) एवमायन्निऊण तओ भणियं सुमइणा जहा-तुमं चेव सत्थवादी भणसु एयाइं
नवरं न जुत्तमेयं जं साहूणं अवन्नवायं भासिज्जइ अन्नं तु-किं न पेच्छसि तुमं एएसिं महानुभागाणं
चेडियं छट्ट-डम-दसम दुवालस-मास-खमणाईहिं आहारग्गहणं गिन्हायवणट्टाए वीरासण-उक्कुड्ड-
यासण-नाणाभिग्गह-धारणेणं च कड्ड-तवोनुचरणेणं च पसुकुक्खं मंस-सोणियं ति महाउवासगो
सि तुमं महा-भासा-समिति विइया तए जेणेरिस-गुणोवउत्ताण पि महानुभागाणं साहूणं कुसीले
त्ति नामं संकप्पियंति तओ भणियं नाइलेणं जहा मा वच्छ तुमं एतेनं परिओसमुवयासु जहा अहयं
'सवारेणं परिमुसिओ अकाम-निज्जराए वि किंचि कम्मक्खयं भवइ किं पुन जं बाल-तवेणं ता
एते बाल-तवस्सिणो दड्ढ्वे जओ णं किं किंचि उस्सुत्तमग्गयारित्तमेएसिं पइसे अन्नं च-वच्छ
सुमइ नत्थि ममं इमाणोवरिं को वि सुहुमो वि मनसावि उ पओसो जेणाहमेएसिं दोस-गहणं
करेमि किं तु मए भगवओ तित्थयरस्स सगासे एरिसमवधारियं जहा-कुसीले अदड्ढ्वे ताहे भणियं
सुमइणा जहा -

जारिसो तुमंनिबुद्धीओ तारिसो सो वि तित्थयरो जेन तुज्झमेयं वायरियंति तओ एवं भणमाणस्स
सहत्थेणं झंपिय मुह-कुहरं सुमइस्स नाइलेणं भणिओ य जहा-भद्दमुह मा जग्गेक्क-गुरुणो
तित्थयरस्सासायणं कुणसु मए पुन भणसु जहिच्छियं नाहं ते किंचि पडिभणामि तओ भणियं
सुमइणा जहा जइ एते वि साहुणो कुसीला ता एत्थं जगे न कोई सुसीलो अत्थि तओ भणियं
नाइलेणं जहा-भद्दमुह सुमइ एत्थं जयालंघणिज्ज वक्कस्स भगवओ वयणमायरेयव्वं जं चऽत्थिक्क-
याए न विसंवयेज्जा नो णं बालतवस्सीणं चेडियं जओ णं जिनयंदवयणेणं नियमओ ताव कुसीले
इमे दीसंति पव्वज्जाए-गंधं पि नो दीसए एसिं जेणं पेच्छ पेच्छ तावेयस्स साहुणो बिइजियं मुहनंतगं

दीसइ ता एस ताव अहिग-परिग्गह-दोसेणं कुसीलो न एयं साहूणं भगवयाऽऽइडं जमहिय-परिग्गह-विधारणं कीरे ता वच्छ हीनं-सत्तोऽहन्नो एसेवं मनसाज्झवसे जहा जइ ममेयं मुहन्तगं विष्णस्सिहिइ ता बीयं कत्थ कहं पावेज्जा न एवं चिंतेइ मूढो जहा-अहिगाऽनुवओगोवही-धारणेणं मज्झंपरिग्गह-वयस्स भंगं होही अहवा किं संजमेऽभिरओ-

एस मुहन्तगाअइसंजमोवओगधम्मोवगरणेणं वीसीएज्जा नियमओ न विसीए नवरमत्तानयं हीन-सत्तोऽहमिइ पायडे उम्भगायरणं च पयंसेइ पवयणं च मइलेइ ति एसो उ न पेच्छसि सामन्नचत्तो एएणं कल्लं तीए विनियंणाइइत्तीए अंगयट्ठिं निज्जाइऊणं जं नालोइयं न पडिक्कंतं तं किं तए न विन्नायं एस उ न पेच्छसि परूढ-विष्फोडग-विम्हियाणणो एतेनं संपयं चेव लोयट्ठाए सहत्थेण-मदिन्न-छार-गहणं कयं तए वि दिट्ठमेयं ति एसो उ न पेच्छसि संघडिय कल्लो एएणं अनुग्गए सूरिरू उट्टेह वच्चाओ उग्गयं सिरूयं ति तथा विहसियमिणं एसो उ न पेच्छसीमेसिं जिट्ठ-सेहो एसो अज्ज रयणीए अनोवउत्तो पसुत्तो विच्चुक्काए फुसिओ न एतेनं कप्प-कहणं कयं तथा पभाए हरिय-तण वासा-कप्पचलेणं संघट्टियं तथा बाहिरोगस्स परिभोगं कयं बीयकायस्सोवरेणं परिसक्किओ अविहिए एस खार-थंडिलाओ महरुं थंडिलं संकमिओ तथा-पह पडिवन्नेण साहुणा कम-सयाइक्कमे इरियं पिक्कमियव्वं -

तहाचरेयव्वं तथा चिट्ठयव्वं तथा भासेयव्वं तथा सएयव्वं जहा छक्कायमइगयाणं जीवाणं सुहुम-बायर-पज्जत्तापज्जत्त-गमागम-सव्वजीवपाणभूय-सत्ताणं संघट्टण-परियावण-किलामणोद्ववणं वा न भवेज्जा ता एतेसिं एवइयाणं एयस्स एक्कमवी न एत्थं दीसए जं पुन मुहन्तगं पडिलेहमाणो अज्जं मए एस चोइओ जहा एरिसं पडिलेहणं करे जे णं वाउक्कायं फडफडस्स संघट्टेज्जा सारियं च पडिलेहणाए संतियं कारियं ति जस्सेरिसं जयणं एरिसं सोवओगं हुंकाहिसि संजयमं न संदेहं जस्सेरिसमाउत्तत्तणं तुज्झं ति एत्थं च तए हं विणिवारिओ जहा णं मूगोवाहि न अम्हाणं साहूहिं समं किंचि भणेयव्वं कप्पे ता किमेयं ते विसुमरियं ता भद्दमुह एएणं समं संजम-त्थनंतराणं एगमवि नो परिकिखयं ता किमेस साहू भणेज्जा जस्सेरिसं पमत्तत्तणं न एस साहु जस्सेरिसं निद्धम्म-समपलत्तणं भद्दमुह पेच्छ पेच्छ सूणो इव नित्तिओ छक्काय-निमद्वणो कहाभिरमे एसो अहवा वरं सूणो जस्स णं सुहुमं वि नियम-वय-भंगं नो भवेज्जा एसो उ नियम-भंगं करेमाणो केणं उवमेज्जा ता वच्छं सुमइ भद्दमुह न एरिस कत्तव्वायरणाओ भवन्ति साहू एतेहिं च कत्तव्वेहिं तित्थयर-वयणं सरेमाणो को एतेसिं वंदनगमवि करेज्जा अन्नं च एएसिं संसग्गेणं कयाई अम्हाणं पि चरण-करणेसुं सिद्धिलत्तं भवेज्जा जे णं पुणो पुणो आहिंडेमो घोरं भवपरंपरं तओ भणियं सुमइणा जहा -

जइ एए कुसीले जई सुसीले तथा वि मए एएहिं समं गंतव्वं जाव एएसिं समं पव्वज्जा कायव्वा जं पुन तुमं करेसि तमेव धम्मं नवरं को अज्ज तं समायरिउं सक्का ता मुयसु करं मरू एतेहिं समं गंतव्वं जाव णं नो दूरं वयंति से साहुणो हित्त तओ भणियं नाइलेणं भद्दमुह सुमइ नो कल्लाणं एतेहिं समं गच्छमाणस्स तुज्झं ति अहयं च तुब्भंहिय-वयणं भणामि एवं ठिए जं चेव बहु-गुणं तमेवानुसेवयं नाहं ते दुक्खेणं धरेमि अह अन्नया अनेगोवाएहिं पि निवारिजंतो न ठिओ गओ सो मंद-भागो सुमती गोयमा पव्वइओ य अह अन्नया वच्चंतेनं मास-पंचगेणं आगओ-महारोरवो दुवा-लस-संवच्छरिओ दुब्भिक्खो तओ ते साहुणो तक्कालदोसेणं अनालोइय-पडिक्कंते मरिऊणो-ववन्ने भूय-

जक्खरक्खस-पिसायादीणं वाणमंतरदेवाणं वाहणत्ताए तओ वि चविऊणं मिच्छजातीए कुणिमाहार-कूरज्झ-वसाय-दोसओ सत्तमाए तओ उव्वड्डिऊणं तइयाए चउवीसिगाए सम्भत्तं पाविहिंति तओ य सम्भत्तं-लंभ-भवाओ तइय-भवे छउरो सिज्झिहिंति एगो न सिज्झिहिइ जो सो पंचमगो सव्व-जेट्ठो जओ णं सो एगंत-मिच्छ-दिट्ठी-अभव्वो य से भयलवं जे णं सुमती से भव्वे उयाहु अभव्वे गोयमा भव्वे से भयवं जइ-णं भव्वे ता णं मए समाणे कहिं समुप्पन्ने गोयमा परमाहम्मियासुरेसुं ।

मू. (६७८) से भयवं किं भलवेपरमाहम्मियासुरेसुं समुप्पजइ गोयमा जे केई घर-राग-दोस-मोह-मिच्छत्तोदएणं सुववसियं पि परम-हिओवएसं अवमन्नेत्ताण दुवालसंगं च सुय-नाणमप्पमाणी करीअ अयामित्ता य समय-सब्भावे अनायारं पसंसिया णं तमेव उच्छपेज्जा जहा सुमइणा उच्छप्पियं न भवंति एए कुसीले साहुणो अहा णं एए वि कुसीले ता एत्थं जगे न कोई सुसीलो अत्थि निच्छियं मए एतेहिं समं पव्वज्जा कायव्वा तथा जारिसो तं निबुद्धीओ तारिसो सो वि तित्थयरो ति एवं उच्चारमाणेणं सेणं गोयमा महंतं पि तवमनुट्टेमाणे परमाहम्मियासुरेसु उववज्जेजा से भयवं परमाहम्मिया सुरदेवाणं उव्वट्टे समाणे से सुमती कहिं उव्वज्जेजा गोयमा तेनं मंद-भागेणं अनायार-पसंसुच्छप्पनं-करेमाणेणं सम्मग्ग-पणासंगं अभिनंदियं तक्कम्मदोसेणं-अनंत-संसारियत्तणमज्जियंतो केत्तिए उव्वाए तस्स साहेज्जा जस्स णं अणेग-पोग्गल-परियट्टेसु वि नत्थि चउगइ-संसाराओ अवसानं ति तगा तगा वि संखेवओ सुणसु गोयमा इणमेव जंहुट्ठीवे दीवं परिक्रिखविऊणं ठिए जे एस लवणजलही एयस्स णं जं ठामं सिंधू महानदी पविट्ठा तप्पएसओ दाहिणेणं दिसाभगोणं पणपन्नाए जोयणेसु वेइयाए मज्झंतरं अत्थि पडिसंताव-दायगं नाम अद्धतेरस-जोयण-पमाणं हत्थिकुभायारं थलं तचस्स य लवण-जलोवरेणं अद्धुट्ट-जोयणाणी उस्सेहो तहिं च णं अच्चंत-घोर-तिमिसंघयाराओ घडियालगसंठाणाओ सीयालीसं गुहाओ तासुं च णं जुगं जुगेणं निरंतरं जल्यारीणो मनुया परिवसंति ते य वज्ज-रिसभ-नाराय-संघयणे महाबलपरक्कमे अद्धतेरस-रयणी-पमाणेणं संखेज्ज-वासाऊ महु-मज्ज-मंसप्पिए सहावओ इत्थिलोले परम-दुव्वन्न-सुइमाल-अनिट्ट-खर-फरुसिय-तनू मायंगवइ-कयमुहे सीह-घोरदिट्ठी-कयंत-भीसणे अदाविय पट्ठी असणि व्व निट्ठुर-पहारी दप्पुद्धरे य भवंति तेसिं ति जाओ अंतरंड-गोलियाओ ताओ गहाय चमरीणं संतचिअहिं सेय-पुंछवालेहि गुंथिऊणं जे केइ उभय-कन्नेसुं निबंधिऊणं महग्घुत्तम-जच्च-रयणत्थी सागरमनुपसिवेज्जा-

से णं जलहत्थि-महिस-गोहिग-मयर-महामच्छ-तंतु-सुसुमार-पभित्तीहिं दुट्ट-सावतेहिं अभैसिए चेव सव्वं पि सागर-जलं आहिडिऊणं जहिच्छाए जच्च-रयण-संगहं दारुणं दुक्खं पुव्वज्जिय रोइ-कम्म-वसगा अनुभवंति से भयवं केण अट्टेणं गोयमा तेसिं जीवमाणेणं कोस-मज्जे ताआ गोलियाओ गहेउं जे जया उण ते धिप्पंति तया बहुविहाहिं नियंतणाहिं महया साहसेणं सन्नद्ध-बद्ध-करवाल-कुंत-चक्काइ-पहरणाडोवेहिं बहु-सूर-धीर-पुरिसेहिं बुद्धीपुव्वगेणं सजी-विय-डोलाए धिप्पंति तेसिं च धेप्पमाणेणं जाइं सारीर-माणसाइं दुक्खाइं भवंति ताइं सव्वेसुं नारय-दुक्खेसुं जइ परं उवमेज्जा से भयवं को उन ताओ अंतरंड-गोलियाओ गेण्हेज्जा गोयमा तत्तेव लवण-समुट्टे अत्थि रयण-दीवं नाम अंतर-दीवं तस्सेव पडिसंताव-दायगाओ थलाओ एगीतसाए जोयण-सएहिं तं निवासिणो मनुया भवंति भयवं कयरेणं पओगेणं खेत-सभाव-सिद्ध-पुव्वपुरिस-सिद्धेणं च विहाणेणं से भयवं

कयरे उ न से पुव्व-पुरिस-सिद्धे विही तेसिं ति गोयमा तहियं रयण-दीवे अत्थि वीसं-एगूण-वीसं अट्टारस, दसट्ट-सत्तधनू-पमाण्णाइं घरसंट्टाणाइं वरवइर-सिला-संपुडाइं ताइं च विघाडेऊणं ते रयणदीवनिवासिणो मनुया पुव्व-सिद्ध-खेत्त-सहाव-सिद्धेणं चैव जोगेणं पभूय-मच्छिया-महूए अब्भंतरओ अच्चंत-लेवाडाइ काऊणं तओ तेसिं पक्क-मंस-खंडाणि बहूणि जच्च-महु-मज्ज-भंडगाणि पक्खिवंति -

तओ एयाइं करिय सुरुंद-दीह-महदुम-कट्टेहिं आरुंभि-त्ताणं सुसाउ-पोराण-मज्ज-मच्छिगा महुओ य पडिपुत्रे बहूए लाउगे गहाय पडिसंतावदायग-थ-लमागच्छंति जाव णं तत्थादए समाणे ते गुहावासिणो मनुया पेच्छंति ताव णं तेसिं रयणदीवग-निवासिमनुयाणं बहाय पडिधावंति तओ ते तेसिं य महुपडिपुत्रं लाउगं पयच्छिऊणं अब्भत्थ पओगेणं तं कट्ट-जाणं जइणयर-वेगं दुवं खेविऊणं रयणदीवाभिमुहं वच्चंति इयरे य तं महुमासादियं पुणो सुदुयरं तेसिं पिट्ठीए धावंती ताहे गोयमा जाव णं अच्चासन्ने भवंति ताव णं सुसाउ-महु-गंध-दव्व-सक्कारिय-पोराण-मज्जं लाउगमेगं पमोत्तूणं पुणो वि जइणयरवेगेणं रयणदीव-हुत्तो वच्चंति इयरे य तं सुसाउ-महु-गंधदव्व-संसक्कारिय पोराण-मज्जामासाइयं पुणो सुदक्खयरे तेसिं पिट्ठीए धावंति पुणो वि तेसिं महु-पडिपुत्र लाउगमेगं मुंचति -

एवं ते गोयमा महु-मज्ज-लोलीए संपलग्गे तावाणयंति जाव न ते घरट्ट-संठाणे वइरसिला-संपुडे ता जाव णं तावइयं भू-भागं संपरावंति ताव णं जमेवासन्नं वइरसिला संपुडं जंभायमाण-पुरिसमुहागारं विहाडियं चिट्ठइ तत्थेव जाइं महु-मज्ज-मंस-पडिपुत्राइं समुद्धरियाइं सेस-लाउगाइं ताइं तेसिं पिच्छमाण्णाणं ते तत्थ मोत्तूणं निय-निय-निलएसु वच्चंति इयरे य महु-मज्ज-लोलीए जाव णं तत्थ पविसंति ताव णं गोयमा जे ते पुव्व-मुक्के पक्क-मंस-खंडे जे य ते महु-मज्ज-पडिपुत्रे भंडगे जं च महुए चेवालित्तं सव्वं तं सिला-संपुडं पेक्खंति ताव णं तेसिं महंत परिओसं महंत तुट्ठिं महंतं पमोदं भवइ एवं तेसिं महु-मज्ज-मंस परिभुंजेमाणेणं जाव णं गच्छंति सत्तट्ट-दस-पंचेव वा दिनानि ताव णं ते रयणदिव-निवासी-मनुया एगे सन्नद्ध-बद्ध-साउह-करग्गा तं वइरसिलं वेढिऊणं सत्तट्ट-पंतीहिं णं ठंति अन्ने तं घरट्ट-सिला-संपुडमायालित्ताणं एगट्ठं मेलंति तम्मि य मेलिज्जमाणे गोयमा जइ णं कहिं चि तुडित्तिभागओ तेसिं एक्कस्स दोण्हं पि वा निप्फेडं भवेज्जा तओ तेसिं रयणदीवनिवासि-मनुयाणं स-विडवि-पासाय-मंदिरस्स चुप्पयाणं तक्खणा चैव -

तेसिं हत्था संघार-कालं भवेज्जा एवं तु गोयमा तेसिं-तेनं-वज्ज-सिला-घरट्ट-संपुडेणं गिलियाणं पि तहियं चैव जाव णं सब्बट्टिए दलिऊणं न संपीसिए सुकुमालिया य ताव णं तेसिं नो पाणाइक्कमं भवेज्जा ते य अट्ठी वइरमिव दुदुह्ले तेसिं तु तत्थ य वइर-सिला-संपुडं कण्हग-गोणगेहिं आउत्तमादरेणं अरहट्ट-घरट्ट-खर-सण्हिग-चककमिव परि-मंडल भमालियं ताव णं खंडंति जावणं संवच्छरं ताहे तं तारिसं अच्चंत-घोर-दारुणं सारीर-माणसं महा-दुक्ख-सन्निवायं समनुभवेमाणामं पाणाइक्कमं भवइ तथा वि ते तेसिं अट्ठिगे नो फुडंति नो दो फले भवंति नो संदलिज्जंति नो विदुलिज्जंति नो धपधरिसंति नवरं जाइं काइं वि संधि-संधाण-बंधनाइं ताइं सव्वाइं विच्छुडेत्ता णं विय जज्जरी भवंति तओ णं इयरुवल-घरट्टस्सेव परिसवियं चुन्नमिव किंचि अंगुलाइयं अट्ठि-खंडं दडूणं ते रयणदिवगे परिओसमुव्वहंते सिला-संपुडाइं उच्चियाडिऊणं ताओ अंतरंड-गोलियाओ गहाय जे

त्य तुच्छहणे ते अनेग-रित्य संघाएणं विक्रिणंति एतेनं विहाणेणं गोयमा ते रयणदीव-निवासिणो मनुया ताओ अंतरंड-गोलियाओ गेण्हंति से भयवं कंहं ते वराए तं तारिसं अच्चंतघोर-दारुण-सुदूसहं दुक्ख-नियरं विसहमाणो निराहार-पानगे संवच्छरं जाव पाणे वि धारयंति गोयमा सकय-कम्मानुभावओ सेसं तु पण्हावागरणवुद्ध विवरणादवसेयं ।

मू. (६७९) से भयवं तओ वी मए समाणे से सुमती जीवे कंहं उववायं लभेज्जा गोयमा तत्येव पिसंतावदायगथले तेनेव कमेणं सत्त-भवंतरे तओ वि दुट्ठ-साणे तओ वि कण्हे तओ वि वाणमंतरे तओ वि लिबत्ताए वणस्सईए तओ वि मणसुएसुं इत्थित्ताए तओ वि छट्ठीए तओ वि मनुयत्ताए कुट्ठी तओ वि वानमंतरे तओ वि महाकाए जूहाहिवती गए तओ वि मरिऊणं मेहुणासत्ते अनंत-वणप्फतीए तओ वि अनंत-कालाओ मनुएसुं संजाए तओ वि मनुए महानेमिती तओ वि सत्तमाए तओ वि महामच्छे चरिमोयहिम्पि तओ सत्तमाए तओ वि गोणे तओ वि मनुए तओ वि विडव-कोइलियं तओ वि जलोयं विमहामच्छे तओ वि तंदुलमच्छे तओ वि सत्तमाए तओ वि रासहे तओ वि साणे तओ वि किमी तओ वि दुरे तओ वि तेउ-काइए तओ वि कुंथू तओ वि महुरे तओ वि चडए तओ वि उद्देहियं तओ वि वणप्फतीए तओ वि अनंत कालाओ मनुएसु इत्थीरयणं तओ वि छट्ठीए तओ कणेरु तओ वि वेसामंडियं नाम पट्टणं-तत्थोवज्जाय-गेहासन्ने लिबत्तेणं वणस्सई तओ वि मनुएसुं खुज्जित्थी जआ वि मनुयत्ताए पंडगे तओ वि मनुयत्तेणं दुग्गए तओ वि दमए तओ वि पुढवादीसुं भव-काय-ट्ठितीए पत्तेयं तओ मनुए तओ बाल-तवस्सी तओ वाणमंतरे तओ वि पुरोहिए तओ वि सत्तमीए तओ वि मच्छे वि सत्तमाए तओ वि गोणे तओ वि मनुए महासम्महिट्ठी ए अलविरए चक्कहरे तओ पढमाए तओ वि इब्भे तओ वि समणे अनगारे तओ वि अनुत्तरसुरे तओ वि चक्कहरे-महा-संघयणी भवित्ता णं निव्विन्न-काम-भोगे जहोवइट्ठं संपुत्रं संजमं काऊण गोयमा से णं सुमइ-जीवे परिनिव्वुडेज्जा ।

मू. (६८०) तथा य जे भिक्खू वा भिक्खूणीवा परपासंडीणं पसंसं करेज्जा जे या वि णं निण्हगाणं पसंसं करेज्जा जे णं निण्हगाणं अनुकूलं भासेज्जा जे णं निण्हगाणं आययणं पविसेज्जा जे णं निण्हगाणं गंथ-सत्थ-पयक्खरं वा परूवेज्जा जे णं निण्हगाणं संतिए काय-किलेसाइए तवे इ वा संजमे इ वा नाणे इ वा विन्नाणे इ वा सुए इ वा पंडिच्चे इ वा अभिमुह-मुद्ध-परिसा-मज्झ-गए सलाहेज्जा से वि य णं परमाहम्मिएसुं उववज्जेज्जा जहा सुमती ।

मू. (६८१) से भयवं तेनं सुमइ जीवेणं तक्कालं समणत्तं अनुपालियं तथा वि एवंविहेहि नारय-तिरिय-नरामर विचित्तोवाएहि एवइयं संसाराहिंडणं गोयमा णं जमागम-बाहाए लिंगगहणं कीरइ तं दंभमेव केवलं सुदीहसंसारहेऊभूयं नो णं तं परियायं संजमे लिक्खइ तेनेव य संजमं दुक्करं मन्ने अन्नं च समणत्ताए एसे य पढमे संजम-पए जं कुसील-संसग्गी-निरिहरणं अहा णं नो निरिहरे ता संजममेव न ठाएज्जा ता तेनं-सुमइणा तमेवायरियं तमेव पसंसिय तमेव उस्सप्पियं तमेव सलाहियं तमेवाणुट्ठियं ति एयं च सुत्तमइक्कमित्ताणं एत्थं पए जहा सुमती तथा अन्नेसिमवि सुंदर-विउर-सुदंसण-सेहरणीलभद्दा-सभोमे य-खग्गधारी तेनग-समण-दुट्ठंत-देवरक्खिय-मुनि-नामादीणं को संखाणं करेज्जा ता एयमट्ठं विइत्ताणं कुसीलसंभोगे सव्वहा वज्जणीए ।

मू. (६८२) से भयवं किं ते साहुणो तसंसं णं नाइल-सह्वास्स छंदेणं कुसीले उयाहु आगम-

जुत्तीए गौयमा कहं सङ्गस्स वारयस्सेरिसो सामत्थो जो णं तु सच्छंदत्ताए महानुभावाणं सुसाहूणं अवन्नवायं भासे तेनं सङ्गोणं हरिवसं-तिलय-मरगयच्छविणो बावीसइ-धम्म-तित्थयर-अरिङ्गनेमि नामस्स सयासे वंदन-वत्तियाए गहणं आयारं अन्नंत-गमपज्जवेहिं पन्नविज्जमाणं समवधारियं तत्थ य छत्तीसं आयारे पन्नविज्जंति तेसिं च णं जे केइ साहू वा साहुणी वा अन्नयरमायारमइक्कमेज्जा से णं गारत्थीहिं उवमेयं अहन्नहा समनुट्ठे वाऽऽयरेज्जा वा पन्नवेज्जा वा तओ णं अन्नंत-संसारी भवेज्जा ता गौयमा जे णं मुहन्नंतगं अहिगं परिग्गहियं तस्स ताव पंचम महव्वयस्स भंगो जे णं तु इत्थीए अंगोवगाइं निज्जाइऊण नालोइयं तेनं तु बंभचेरगुत्ती विराहिया तत्त्विंराहणेणं जहा एग-देसदहो पडो दहो भन्नइ तथा चउत्थ-महव्वयं भग्गं जेणं य सहस्सेणुप्पाडिऊणादिन्ना भूइं पडिसाहिया तेनं तु तइय-महव्वयं भग्गं जे न य अनुग्गओ वि सूरिओ उग्गओ भणिओ तस्स य बीय-वयं भग्गं जेणं उ न अफासुगोदगेण अच्छीणि पहोयाणि तथा अविहीए पहथंडिल्लाणं संकमणं कयं बीयं कायं च अकंतं वासा-कप्पस्स अंचलग्गेणं हरियं संघट्टियं विज्जूए फूसिओ मुहन्नंतगेणं अजयणाए फडफडस्स वाउक्कायमुदीरियं ते णं तु पढम-वयं भग्गं तब्भंगे पंचण्हे पि महव्वयाणं भंगो कओ ता गौयमा आगमजुत्तीए एते कुसीला साहुणो जे इ णं उत्तरगुणाणं पि भंगं न इट्ठं किं पुन जं मूल-गुणाणं से भयवं ता एय नाएणं वियारिऊणं महव्वए घेतव्वे गौयमा इमे अट्ठे समट्ठे से भयवं के णं अट्ठेणं गौयमा सुमने इ वा सुसावए इ वा न तइयं भेयंतरं अहवा जहोवइइं सुसमणत्तमनुपालिया अहा णं जहोवइइं सुसावगतमनुपालिया नो समणो सुसमणत्तमइयरेज्जा नो सावए सावगतमइयरेज्जा निरइयारं वयं पसंसे तमेव य समनुट्ठे नवरं जे समणधम्मे से णं अच्चंत-घोर-दुच्चरे तेनं असेस-कम्मक्खयं जहन्नेणं पि अट्ठं भवब्भंतरे मोक्खो इयरेणं तु सुद्धेणं देव-गइं सुमानुसत्तं वा साय-परंपरेणं मोक्खो नवरं पुणो वि तं संजमाओ ता जे से समण-धम्मे से अवियारे सुवियारे पन्न वियारे तह त्ति मनुपालिया उवासगाणं पुन सहस्साणि विधाने जो जं परिवाले तस्साइयारं च न भवे तमेव गिण्हे ।

मू. (६८३) से भयवं सो उन नाइल-सङ्गो कहिं समुप्पन्नो गौयमा सिद्धीए से भयवं कहं गौयमा ते णं महानुभागेणं तेसिं कुसीलाणं संसग्गि नितुट्ठेउणं तीए चेव बहु सावय-तरु-संड-संकुलाए घोर-कंताराडवीए संब्व-पाव-कलिमल-कलंक-विप्पमुक्कतित्थयर-वयणं परमहियं सुदुल्लहं भवसएणुं पि त्ति कलिऊणं अच्चंत-विसुद्धासएणं फासुट्ठेसम्मि निप्पडिकम्मं निरइयारं पडिवन्नं पडिवन्नं पायवोगमनमनसनं ति अहन्नया तेमेव पएसेणं विहरमाणो समागओ तित्थयरो आरेट्ठनेमी तस्स य अनुग्गहट्ठाए तेने य अचलिय-सत्तो भव्वसत्तो त्ति काऊणं उत्तिमट्ठ-पसाहणी कया साइसया देसना तमायन्नमाणो सजल-जलहर-निनाय-देव-दुंदुही-निग्घोसं तित्थयर-भारइं सुहज्जवसायमपरो आरूढो-खवग-सेढीए अउव्वकरणेणं अंतगड-केवली-जाओ एते णं अट्ठेणं एवं वुच्चइ जहा णं गौयमा सिद्धीए ता गौयमा कुसील संसग्गीए विप्पहियाए एवइयं अंतरं भवइ त्ति ।

अध्ययन-४ - समाप्तम्

०-x-०-x-०

मू. (अत्र चतुर्थाध्ययने बहवः सैद्धान्तिकाः केचिदालापकान् न सम्यक् श्रद्दधत्वेव तैरश्रद्धानेरस्माकमपि न सम्यक् श्रद्धानं इत्याह हरिभद्रसूरिः न पुनः सर्वमेवेदं चतुर्थाध्ययनं अन्यानि वा अध्ययनानि अस्यैव कतिपयैः परिमितैराल-

पैरश्रद्धानमित्यर्थः यत् स्थान-समवाय-जीवाभिगम-प्रज्ञापनादिषु न कथंचिदमाचख्ये यथा प्रतिसंतापक-स्थलमस्ति तद्गुहावासिनस्तु मनुजास्तेषु च परमाडधार्मिकाणां पुनः पुनः सप्ताष्टवारान् यावदुपपातस्तेषां च तैः परमाड धार्मिकाणां पुनः पुनः सप्ताष्टवारान् यावदुपपातस्तेषां न तैर्दारुणैवैज्रशिला-घरट्टं संपुटे-नर्गलितानां परिपीड्यमाना-नामपि संवत्सरं यावत् प्राणव्यापत्तिर्न भवतीति वृद्धवादस्तु पुनर्यथा तावदिदमार्षसूत्रं विकृतिर्न तावदत्र प्रविष्टा प्रभताश्चात्र श्रुतस्कंधे अर्थाः सुष्ठवतिशयेन सातिश-यानि गणधरोक्तानि चेह वचनानिर्ग तदेवं स्थिते न किंचिदाशंकनीयम् इति)

०-x-०-x-०

अध्ययनं - ५ - नवनीत सारं

- मू. (६८४) एवं कुसीलं-संसर्गिं सव्वोवाएहिं पयहिउं ।
उम्मग्ग-पड्डियं गच्छं जे वासे लिंग-जीविण ॥
- मू. (६८५) से णं निव्विग्घमकिलिडुं सामन्नं संजमं तवं ।
न लभेज्जा तेसिं याभावे मोकखे दूरयरं ठिए ॥
- मू. (६८६) अत्येगे गोयमा पाणी जे ते उम्मग्ग-पड्डियं ।
गच्छं संवासइत्ताणं भमती भव-परंपरं ॥
- मू. (६८७) जामद्ध-जाम-दिन-पक्खं मासं संवच्छरं पि वा ।
सम्मग्ग-पड्डिए गच्छे संवसमाणस्स गोयमा ॥
- मू. (६८८) लीलायऽलसमाणस्स निरुच्छाहास्स धीमणं ।
पेक्खो वक्खीए अन्नसुं महानुभागाणं साहुणं ॥
- मू. (६८९) उज्जमं सव्व-थामेसुं घोर-वीर-तवाइयं ।
ईसक्खा-संक-भय-लज्जा तस्स वीरियं समुच्छले ॥
- मू. (६९०) वीरिएणं तु जीवस्स समुच्छलिएण गोयमा ।
जम्मंतरकए पावे पाणी हियएण निडुवे ॥
- मू. (६९१) तम्हा निउणं मइ भालेउं गच्छं संमग्गपड्डियं ।
निवसेज्ज तत्थ आजम्मं गोयमा संजए मुणी ॥

मू. (६९२) से भयवं कयरे णं से गच्छे जे णं वासेज्जा एवं तु गच्छस्स पुच्छा जाव णं वयासी गोयमा जत्थ णं सम-सत्तु-मित्त-पक्खरे अच्चंत-सुनिम्मल-विसुद्धंत-करणे आसायणा-भीरू सपरो-वयारमब्भुज्जए अच्चंत-छज्जीव-निकाय-वच्छले सव्वालंबण-विप्पमुक्के अच्चंतमप्पमादी सविसेस-बितिय-समय-सम्भावेरोद्दट्ट-ज्झाण-विप्पमुक्के सव्वत्थ अणिगूहिय-बल-वीरिय-पुरिसक्कार-परक्कमे एंगंतेनं संजती-कप्प-परिभोग-विरए एंगंतेन धम्मंतराय-बल-वीरिय-पुरिसक्कार-परक्कमे एंगंतेनं संजीती-कप्प-परिभोग-विरए एंगंतेन धम्मंतराम-भीरू एंगंतेनं तत्त-रूई एंगंतेनं जहा सत्तीए अट्टारसण्हं सीलंग-सहस्साणं आराहगे सयलमहन्निसाणुसमयमगिलाए जहोवइड्ड-मग्ग-परुवए बहु-गुण-कलिए मग्गट्टिए सपरोवयारमब्भुज्जए अच्चंतं अखलिय-सीले महायसे महासत्ते महानुभागे नाण-दंसण-चरण-गुणोववेए गणी ।

मू. (६९३) से भयवं किमेस वासेज्जा गोयमा अत्येगे जे णं वासेज्जा अत्येगे जे णं नो वासेज्जा से भयवं केणं अट्टेणं एवं बुद्धइ जहा णं गोयमा अत्येगे जे णं आणा-विराहगे जे णं आणा-ठिए से

पं सम्मद्दंसण-नाण-चरित्तराहगे जे पं सम्मद्दंसण-नाण-चरित्तराहगे से पं गोयमा अच्चंत-विऊ सुपवरकम्मुज्जए मोक्खमग्गे जे य उ पं आणा-विराहगे से पं अनंतानुबंधी कोहे से पं अनंतानुबंधी-माने से पं अनंतानुबंधी कइयवे से पं अनंतानुबंधी लोभे जे पं अनंतानुबंधी कोहा-इकसाय-चउक्के से पं घण-राग-दोस-मोह-मिच्छत्त-पुंजे जे पं घन-राग-दोस-मोह-मिच्छत्त-पुंजे से पं अनुत्तरे घोर-संसारे समुद्दे जे पं अनुत्तर-घोर-संसार-समुद्दे से पं पुणो पुणो जम्मं पुणो पुणो जरा पुणो पुणो मच्चू जे पं पणो पुणो जम्म-जरा-मरणे से न पुणो पुणो बहू भवंतर-परावत्ते जे पं पुणो पुणो बहू भवंतर-परावत्ते से पं पुणो पुणो चुलसीइ-जोणि-लक्खमाहिंडणं जे पं पुणो पुणो चुलसीइ--जोनि-लक्खमाहिंडणं से पं पुणो पुणो सुदूसहे घोर-तिमिसंधयारे रुहिर-चिलिच्चिल्ले वसापूय-वंत-पित्त-सिंभ-चिकव्वल्ल-दग्गंधासुइ-चिलण-जंवाल-केस किच्चिसखरंट पडिपुन्ने अनिद्ध-उच्चियणिज्ज-अइघोर-चंडमहारोद्दुक्खदारुणे गब्भ-परंपरा-पवेसे जे पं पुणो पुणो दारुणे गब्भ-परंपरा-पवेसे से पं दुक्खे से पं केसे से पं रोगायंके से पं सोग-संतावुव्वेयगे जे पं दुक्ख-केस-रोगायंके-सोग-संतावुव्वेयगे से पं अनिव्वुत्ती-

जे पं अनिव्वुत्ती से पं जहिद्ध-मनोरहाणं असंपत्ती जे पं जहिद्धमनोरहाणं असंपत्ती से पं ताव पंचप्पयार-अंतराय-कम्मोदए जत्थ पं पंचप्पयार-अंतराय-कम्मोदए तत्थ पं सव्व-दुक्खाणं अग्गनीभूए पढमे ताव दारिद्वे जे पं दारिद्वे से पं अयसब्भक्खाण अकित्ती-कलंकरासीणं मेलावगागमे जे पं 'यसब्भक्खाण-अकित्ती-कलंक-रासीणं मेलावगागमे से पं सयल-जण-लज्जणिज्जे निंदणिज्जे गरहणिज्जे खिंसणिज्जे दुग्गुण्णिज्जे सव्व-परिभूए जीविए जे पं सव्व-परिभूए जीविए से पं सम्मद्दंसण-नाण-चारित्ताइगुणेहिं सुदूरयेरणं विप्पमुक्के चेव मनुय जम्मि अन्नहा वा सव्व परिभूए चेव न भवेज्जा जे पं सम्मद्दंसण-नाण-चारित्ताइ गुणेहिं सुदूरयेरणं विप्पमुक्के चेव न भवे से पं अनिरुद्धसवदारत्ते चेव जे पं बहल-थूल-पावकम्माययणे जे पं बहल-थूल-पाव-कम्माययणे से पं बंधे से पं बंधी से पं गुत्ती से पं चारगे से पं सव्वमकल्लणममगंल-जाले दुच्चिमोक्खे कक्खड-धन-बद्ध-पुट्ट-निकाइए कम्म-गंठी जे पं कक्खड-धन-बद्ध-पुट्ट-निकाइय-कम्म-गंठी से पं एगिंदियत्ताए बेइंदियत्ताए तेइंदियत्ताए चउरिं-दियत्ताए पंचेदियत्ताए नारय-तिरिच्छ-कुमानुसेसुं अनेगविहं सारीर-माणसं दुक्खमनुभवमाणे पं वेइयव्वं एएणं अट्टेणं गोयमा एवं वुच्चइ जहा जत्थेगे जे पं वासेज्जा अत्थेगे जे पं नो वासेज्जा ।

मू. (६९४) से भयवं किं मिच्छत्ते पं उच्छाइए गेइ गच्छे भवेज्जा गोयमा जे पं से आणा-विराहगे गच्छे भवेज्जा से पं निच्छयओ चेव मिच्छत्तेणं उच्छाइए गच्छे भवेज्जा से भयवं कयरा उ न सा आणा जीए ठिए गच्छे आराहगे भवेज्जा गोयमा संखाइएहिं थाणंतरेहिं गच्छस्स पं आणा पन्नत्ता जीए ठिए गच्छे आराहगे भवेज्जा ।

मू. (६९५) से भयवं किं तेसिं संखातीताणं गच्छमेरा थाणंतराणं अत्थि केई अन्नयरे थाणंतरेणं जे पं उसग्गेणं वा अववाएण वा कहं चिय पमाय-दोसेणं असई अइक्कमेज्जा अइक्कंतेनं वा आराहगे भवेज्जा गोयमा निच्छओ नत्थि से भयवं के पं अट्टेणं एवं वुच्चइ जहा पं निच्छयआ नत्थि गोयमा तित्थयरे पं ताव तित्थयरे तित्थे पुन चाउवन्ने समणसंधे से पं गच्छेसुं पइड्डिए गच्छेसुं पि पं सम्मद्दंसण-नाण-चारित्ते पइड्डिए ते य सम्मद्दंसण-नाण-चारित्ते परमपुज्जाणं पुज्जयरे परम-सरन्नाणं

सरन्ते परम-सेव्वाणं सेव्वयरे ताइं च तत्थ णं गच्छे अन्नयरे ठाणे कत्थइ विराहिज्जंति से णं गच्छे समग्ग-पणासए उम्मग्ग-देसए जे णं गच्छे सम्मग्ग-पणासगे उम्मग्ग-देसए से णं निच्छयओ चेव अनाराहगे एएणं अट्टेणं गोयमा एवं वुच्चइ जहा णं संखादीयाणं गच्छ-मेरा ठाणंतराणं जे णं गच्छे एगमन्नयरट्ठाणं अइक्कमेज्जा से णं एगंतेनं चेव आणाविराहगे ।

मू. (६९६) से णं भयवं केवइयं कालं जाव गच्छस्स णं मेरा पन्नविया केवतियं कालं जाव णं गच्छस्स मेरा नाइक्कमेयव्वा गोयमा जाव णं महायसे महासत्ते महानुभगे दुप्पसहे णं अनगारे ताव णं गच्छमेरा पन्नविया जाव णं महायसे महासत्ते महानुभगे दुप्पसहे अनगारे ताव णं गच्छमेरा नाइक्कमेयव्वा ।

मू. (६९७) से भयवं कयरेहि णं ल्लिगेहि वइक्कमियमेरं आसादना-बहुलं उम्मग्ग-पट्टियं गच्छं वियाणेज्जा गोयमा जं असंठवियं सच्छंदयारिं अमुनियसमयसब्भावं ल्लिगोवजीविं पीढग फलहग-पडिबद्धं अफासु-बाहिर-पानग-परिभोइं अमुणिय-सत्तमंडली-धम्मं सव्वावस्सग-कालाइक्कमयारिं आवस्सग-हाणिकरं ऊणाइरित्ता-वस्सगपवत्तं गणणा-पमाण-ऊणाइरित्त-रयहरण-पत्तदंडग-मुहंनंतगाइ-उवगरणधारिं गुरुवगरण-परिभोइं उत्तरगणविराहं गिहत्थच्छंदाणुवित्ताइं सम्मानपवित्तं पुढवि-दगागणि-वाऊ-वणप्फती-बीय-काय-तस-पान-बि-ति-चउ-पंचेदियाणं कारणे वा अकारणे वा असती पमाय-दोसओ संघट्टणादीसुं अदिट्ठ-दोसं आरंभ-परिग्गह-पवित्तं अदिन्नालोयणं विगहा-सीलं अकालयारिं अविहि-संगहिओवगहिय-अपरिक्खिय पव्वा वि उवट्टाविय-असिक्खाविय-दस विह-विनय-सामायारिं ल्लिगिणं इह्ति-रस-साया-गारव-जाइयमय-चउक्कसाय-ममकार-अहंकार-कलि-कलह-झंझा-डमर-रोहट्टंझाणोवगयं अठाविय-बहु-मयहरं दे देहि ति निच्छोडि-यकरं बहु-दिवस-कय-लोयं विज्जा-मंत-तंत-जोग-जाणाहिज्ज नेक्कबद्धकक्खं अवूढ-मूल जोग-निओगं दुक्कालाई-आलंबणमासज्ज अकप्प-कीयगाइपरिभुंजणसीलं जं किं चि रोगायं कमालंबिय तिगिच्छाहिणं दणसीलं जं किं चि रोगायं कमासीय दिय-तुयट्टण-सीलं कुसीलं संभासणाणु- वित्तिकरणसीलं अगीयत्थ-सुह-विणिग्गय-अनेग-दोस-पायहि-वयणाणुट्ठाण-सीलं असि धणुखग्ग-गंडिव-कौंत-चक्काइ पहरण-परिग्गहिया-हिंडणसीलं साहुवेसुज्झिय अन्नवेस पवित्त-कयाहिंडणसीलं एवं जाव णं अट्टुट्टाओ पयकोडिओ ताव णं गोयमा असंठवियं चेव गच्छं वाय-रेज्जा ।

मू. (६९८) तहा अन्ने इमे बहुप्पगारे लिंगे गच्छस्स णं गोयमा समासओ पन्नविज्जंति एते य णं पयरिसेणं गुरुगुणे वित्रेए तं जहा-गुरु ताव सव्व-जग-जीव-पान-भूय-सत्ताणं माया भवइ किं पुन जं गच्छसे णं सीस-गणाणं एगंतेनं हिंयं मियं पत्थं इह-परलोगसुहावहं आगमानुसारेणं हिओवएसं पयाइ नो णं वसणाहिभूए अहो णं गहग्घत्थे उम्मत्ते अत्थि एइ वा जहा णं मम इमेणं हिओवएस-पयाणेणं अमुगट्ट-लाभं भवेज्जा नो णं गोयमा गुरुसीसगाणं निस्साए संसारमुत्तरेज्जा नो णं परकएहिं सुहसुहेहिं कस्सइ संबंध अत्थि ।

मू. (६९९) ता गोयमेत्थ एवं ठियम्मि जइ दढ-चरित्त-गीयत्थे ।
गुरु-गुण-कलिए य गुरु भणेज्ज असइ इमं वयणं ॥

मू. (७००) मिणगोणसंगुलीए गणेहिं वा दंत-चक्कलाइं से ।
तं तहमेव करेज्जा कज्जंतु तमेव जाणंति ॥

- मू. (७०१) आगम-विऊ कयाई सेयं कायं भणेज्ज आयरिया ।
तं तथा सद्वहियव्वं भवियव्वं कारणेण तहिं ॥
- मू. (७०२) जो गिणहइ गुरु-वयणं भन्नंतं भावओ पसन्न-मनो ।
ओसहमिव पिजंतं तं तस्स सुहावहं होइ ॥
- मू. (७०३) पुत्तेहिं चोइया पुर-कएहिं सिरि-भायणा भविय सत्ता ।
गुरुमागमेसि-भद्दा देवयमिव पज्जुवासंति ॥
- मू. (७०४) बहु-सोक्ख-सय-सहस्साण दायगा भोयगा दुह-सयाणं ।
आयरिया फुडमेयं केसि पएसीए ते हेऊ ॥
- मू. (७०५) नरय-गइ-गमन-परिहत्थए कए तए पएसिणा रत्ता ।
अमर-विमानं पत्तं तं आयरियप्पभावेणं ॥
- मू. (७०६) धम्ममइएहिं अइसुमहुरेहिं कारण-गुणोवणीएहिं ।
पल्हायंतो हिययं सीसं जोएज्जा आयरिओ ॥
- मू. (७०७) एत्थं चारयियाणं पणपन्नं होति कोडि-लक्खाओ ।
कोडि-सहस्से कोडि-सए य तह एत्तिए चेव ॥
- मू. (७०८) एतेहिं मज्झाओ एगे निव्वडइ गुण-गणाइत्ते ।
सव्वुत्तम-भंगेणं तित्थयरस्सानुसरिस-गुरू ॥
- मू. (७०९) से चैय गोयमा देयवयणा सूरित्थ नायसेसाइं ।
तं तह आराहेज्जा जह तित्थरे चउव्वीसं ॥
- मू. (७१०) सव्वमवी एत्थ पए दुवालसंगं सुयं भाणियव्वं ।
भवइ तथा वि मिणमो समाससारं परं भन्ने (तं जहा) ॥
- मू. (७११) मुणिणो संघं तित्थं गण-पवयण-मोक्ख-मग्ग-एगइत्ता ।
दंसण-नाण-चरित्ते घोरुग्ग-तवं चेव गच्छ-नामे य ॥
- मू. (७१२) पयलंति जत्थ धग धगधगस्स गुरुणा वि चोयए सीसे ।
राग-द्वोसेणं अह अनुसएण तं गोयम न गच्छं ॥
- मू. (७१३) गच्चं महानुभागं तत्थ वसंताण निज्जरा विउला ।
सारण-वारण-चोयणामादीहिं न दोस-पडिवत्ती ॥
- मू. (७१४) गुरुणो छंदनुवत्ते सुविनीए जिय-परीसहे धीरे ।
न वि थद्धे न वि लुद्धे न वि गारविए न वि गहसीले ॥
- मू. (७१५) खंतं दंते मुत्ते गुत्ते वेरग्गं-मग्गलीणे ।
दस-विह-सामायारी-’वस्सग-संजमुज्जुत्ते ॥
- मू. (७१६) खर-फरुस-कक्कसानिड्ड-दुड्ड-निट्टुर-गिराए सयहुत्तं ।
निव्वच्छण-निद्धडणमाईहिं न जे पओसंति ॥
- मू. (७१७) जे य न अकित्ति-जणए नाजस-जनए नऽकज्जकारी य ।
न य पवयण-उड्डाहकरे कंठग्गय-पान-सेसे वि ॥

- मू. (७१८) सज्ज्ञाय-ज्ञाण-निए धोरतव-चरण-सोसिय-सरीरे ।
गय-कोह-मान-कइयव-दूरुज्झिय-राग-दोसे य ॥
- मू. (७१९) विनओवयारकुसले सोलसविह-वयण-भासणे कुसले ।
निरवज्ज-वयण-भणिरे न य बहु-भणिरे न पुनऽभणिरे ॥
- मू. (७२०) गुरुणा कज्जमकज्जे खर-कक्कस-फरुस-निट्टरमणिट्ठं ।
भणिरे तह त्ति इत्थं भणंति सीसे-तयं गच्छं ॥
- मू. (७२१) दूरुज्झिय-पत्ताइसु ममत्तए निप्पिहे सरीरे वि ।
जाया-मायाहारे बायालीसेससणा कुसले ॥
- मू. (७२२) तं पि न रूव-रसत्थं भुंजंताणं न चेव दप्पत्थं ।
अक्खोवंग-निमित्तं संजम-जोगाण वहणत्थं ॥
- मू. (७२३) वेयण-वेयावच्चे इरियट्ठाए य संजमट्ठाए ।
तह पान-वत्तियाए छट्ठं पुन धम्म-चिंताए ॥
- मू. (७२४) अपुव्व-नाण-गहणे थिर-परिचिय-धारणेक्कमुज्जुते ।
सुत्तं अत्थं उभयं जाणंति अनुट्ठयंति सया ॥
- मू. (७२५) अट्ठट्ठ-नाण-दंसण-चारित्तायार-नव-चउक्कम्मि ।
अनिगूहिय-बल-विरिए अगिलाए धनियमाउत्ते ॥
- मू. (७२६) गुरुणा खर-फरुसाणिट्ठदुट्ठ-निट्टर-गिराए सयहुत्तं ।
भणिरे नो पडिसूरिं ति जत्थ सीसे तयं गच्छं ॥
- मू. (७२७) तवसा अचित-उप्पन्न-लद्धि-साइसय-रिद्धि-कलिए वि ।
जत्थ न हीलेंति गुरु सीसे तं गोयमा गच्छं ॥
- मू. (७२८) तेसट्ठि-ति-सय-पावाउयाण विजया विट्ठ-जस-पुंजे ।
जत्थ न हीलेंति गुरुं सीसे तं गोयमा गच्छं ॥
- मू. (७२९) जत्थाखलियममिलियं अक्खाइद्धं पि सुय-नाणं ।
विनओवहाण-पुव्वं दुवालसंगं पि सुय-नाणं ॥
- मू. (७३०) गुरु-चलण-भत्ति-भर-निब्बरेक्क-परिओस-लद्धमालावे ।
अज्झीयंति सुसीसा एगगमणा स गोयमा गच्छं ॥
- मू. (७३१) सि-गिलाण-सेह-हालाउलस्स गच्छस्स दसविहं विहिणा ।
कीरइ वेयावच्चं गुरु-आणत्तीए तं गच्छं ॥
- मू. (७३२) दस-विह-सामायारी जत्थट्ठिए भव्व-सत्त-संधाए ।
सिज्झंति य बुज्झंति य न य खंडिज्जइ तयं गच्छे ॥
- मू. (७३३) इच्छा मिच्छा तहक्कारो आवस्सिया य निसीहिया ।
आउंछणा य पडिपुच्छा छंदना य निमंतणा ॥
उवसंपया य काले सामायारी भवे दस-विहाउ ॥
- मू. (७३४) जत्थ य जिट्ठ-कनिट्ठो जाणिज्जइ जेड्ठ-विनय-बहुमाणं ।

- दिवसेणं वि जो जेदो नो हीलिज्जइ तयं गच्छं ॥
- मू. (७३५) जत्थ य कज्जा कप्पं पान-च्चाए वि रोरव-दुब्भिकखे ।
न य परिभुज्जइ सहसा गोयम गच्छं तयं भणियं ॥
- मू. (७३६) तत्थ य अज्जाहि समं थेरा वि न उल्लवंति गय-दसणा ।
न य निज्जायंतित्थी-अंगोवंगाइं तं गच्छं ॥
- मू. (७३७) जत्थ य संनिहि-उक्खड-आहड-मादीन नाम-गहणे वि ।
पूर्इ-कम्माभीए आउत्ता कप्प तिप्पंति ॥
- मू. (७३८) जत्थ य पच्चंगुब्भड-दुज्जइ-जोव्वण-मरट्ट-दप्पेणं ।
वाहिज्जंता वि मुनी निक्खंति तिलोत्तमं पि तं गच्छं ॥
- मू. (७३९) वाया-मित्तेण वि जत्थ भट्ट-सीलस्स निग्गहं विहिणा ।
बहु-लद्धि-जुयस्सावी कीअइ गुरुणा तयं गच्छं ॥
- मू. (७४०) मउए निहुय-सहावे हास-दव-वज्जिए विगह-मुक्के ।
असमंजसमकरंते गोयर-भमूट्ट विहरंति ॥
- मू. (७४१) मुणिणो नाणाभिग्गह-दुक्कर-पच्छित्तमनुचरंताणं ।
जायइ चित्त-चमक्कं देविंदाणं पि तं गच्छं ॥
- मू. (७४२) जत्थ य वंदन-पडिक्कमणमाइ-मंडलि विहाणनिउण-नू ।
गुरुणो अखलिय-सीले सययं कहुग्ग-तव-निरए ॥
- मू. (७४३) जत्थ य उसभादीणं तित्थयराणं सुरिंदमहियाणं ।
कम्मट्ट-विप्पमुक्काण आणं न खलिज्जइ स गच्छो ॥
- मू. (७४४) तित्थयरे तित्थयरे तित्थं पुन जाण गोयमा संघं ।
संघे य ठिए गच्छे गच्छ-ठिए नाण-दंसण-चरित्ते ॥
- मू. (७४५) नादंसणस्स नाणं दंसणनाणे भवंति सव्वत्थ ।
भयणा चारित्तस्स उ दंसण-नाणे धुवं अत्थि ॥
- मू. (७४६) नाणी दंसण-रहिओ चरित्त-रहिओ उ भमइ संसारे ।
जो पुन चरित्त-जुत्तो सो सिज्जइ नत्थि संदेहो ॥
- मू. (७४७) नाणी दंसण-सोहओ तवो संजमो उ गुत्तिकरो ।
तिण्हं पि समाओगे मोक्खो नेक्कस्स वि अभावे ॥
- मू. (७४८) तस्स वि य संकंगाइं नाणादि-तिगस्स खंति-मादीणि ।
तेसिं चेक्केक्क-पयं जत्थानुट्ठिज्ज स गच्छो ॥
- मू. (७४९) पुढवि-दगागणि-वाऊ-वणप्फई तह तसाण विविहाणं ।
मरणंत वि न मनसा कीरइ पीडं तयं गच्छं ॥
- मू. (७५०) जत्थ य बाहिर-पानस्स बिंदु-मेत्तं पि गिन्ह-मादीसुं ।
तण्हा-सोसिय-पाणे मरणे वि मनी न इच्छंति ॥

- मू. (७५१) तथ्य य सूल-विसूइय-अन्नयरे वा विचित्त-मायंके ।
उप्पन्ने जलणुज्जालणाइं न करे मुनी तयं गच्छं ॥
- मू. (७५२) जत्थ य तेरसहत्ये अज्जाओ परिहरंति नाण-धरे ।
मनसा सुय-देवयमिव-सव्वमिवीत्थी परिहरंति ॥
- मू. (७५३) इति-हास-खेडु-कंदप्प-नाह-वादं न कीरए जत्थ ।
धोवण-डेवण-लंघण न मयार-जयार-उच्चरणं ॥
- मू. (७५४) जत्थित्थी-कर-फरिसं अंतरियं कारणे वि उप्पन्ने ।
दिट्ठीविस-दित्तग्गी-विसं व वज्जिज्जइ स गच्छे ॥
- मू. (७५५) जत्थित्थी-कर-फरिसं लिंगी अरहा वि सयमवि करेज्जा ।
तं निच्छयओ गोयम जाणिज्जा मूल-गुण-बाहा ॥
- मू. (७५६) मूल-गुणेहिं उ खलियं बहु-गुण-कलियं पि लद्धि-संपन्नं ।
उत्तम-कुले वि जायं निद्धाडिज्जइ जहिं तयं गच्छं ॥
- मू. (७५७) जत्त हिरन्न-सुवन्ने धण-धत्ते कंस-दूस-फल हाणं ।
सयनाणं आसनाणं य न य परिभोगो तयं गच्छं ॥
- मू. (७५८) जत्थ हिरन्न-सुवन्नं हत्थेण परागयं पि नो छिप्पे ।
कारण-समप्पियं पि हु खण-निमिसद्धं पि तं गच्छं
- मू. (७५९) दुद्धर-बंधव्वय-पालणइ अज्जाण चवल-चित्ताणं ।
सत्त सहस्सा परिहार-ट्ठाण वी जत्थित्थि तं गच्छं ॥
- मू. (७६०) जत्थुत्तरवडपरिडउत्तरेहिं अज्जाओ साहुणा सद्धि ।
पलवंति सुकुद्धा वी गोयम किं तेन गच्छेणं ॥
- मू. (७६१) जत्थ य गोयम बहु विहविकप्प-कल्लोल-चंचल-मनाणं ।
अज्जाणमणट्ठिज्जइ भणियं तं केरिसं गच्छं ॥
- मू. (७६२) जत्थेक्कंग-सरीरो साहू अह साहूणि व्व हत्थ-सया ।
उट्ठं गच्छेज्ज बहिं गोयम गच्छम्मि का मेरा ॥
- मू. (७६३) जत्थ य अज्जाहि समं संलावुल्लाव-माइ-ववहारं ।
भोत्तुं धम्मवएसं गोयम तं केरिसं गच्छं ॥
- मू. (७६४) भयवमणियत्त-विहारं नियय-विहार न ताव साहूणं ।
कारण नीयावासं जो सेवे तस्स का वत्ता ॥
- मू. (७६५) निम्मम-निरंकारे उज्जुत्ते नाण-दंसण-चरिते ।
सयलारंभ-विमुक्के अप्पडिबद्धे स-देहे वि ॥
- मू. (७६६) आयारमायरंते एगक्खेत्ते वि गोयमा मुणियो ।
वास-सयं पि वसंते गीयत्थेऽऽराहगे भणिए ॥
- मू. (७६७) जत्थ समुद्देस-काले साहूणं मंडलीए अज्जाओ ।
गोयम ठवंति पादे इत्थी-रज्जं न तं गच्छं ॥

- मू. (७६८) जत्थ य हत्थ-सए वि य रणयीचारं चउण्हमूणाओ ।
उहं दसन्नयमसइं करेति अजाउं नो तयं गच्छं ॥
- मू. (७६९) अववाएणं वि कारण-वसेण अजा चउण्हमूणाओ ।
गाऊयमवि परिसकंति जत्थ तं केरिसं गच्छं ॥
- मू. (७७०) जत्थ य गोयम साहू अजाहि समं पहम्मि अड्डणा ।
अववाएण वि गच्छेज्ज तत्थ गच्छम्मि का मेरा ॥
- मू. (७७१) जत्थ य ति-सद्धि-भेयं चक्खूरागगु दीरणिं साहू ।
अजाओ निरिक्खेजा तं गोयमा केरिसं गच्छं ॥
- मू. (७७२) जत्थ य अजा लद्धं पडिग्गहमादि-विविहमुवगरणं ।
परिभुज्जइ साहूहि तं गोयमा केरिसं गच्छं ॥
- मू. (७७३) अइदुलहं भेसज्जं बल-बुद्धि-विवद्धणं पि पुट्टिकरं ।
अजा लद्धं भुज्जइ का मेरा तत्थ गच्छम्मि ॥
- मू. (७७४) सोऊण गई सुकुमालियाए तह ससग-भसग-भइनीए ।
ताव न वीससियव्वं सेयट्ठी धम्मिओ जाव ॥
- मू. (७७५) दढचारित्तं मोत्तुं आयरियं मयहरं च गुण-रासिं ।
अजा अज्जावेइ तं अनगारं न तं गच्छं ॥
- मू. (७७६) घण-गज्जिय हय-कुहुकुहुय-विज्जु-दुगेज्ज-मूढ-हिययाओ ।
होज्जा वावारियाओ इत्थी रज्जं न तं गच्छं ॥
- मू. (७७७) पच्चक्खा सुयदेवी तव-लद्धीए सुराहिव-नुया वि ।
जत्थ रिएजेकजा इत्थी-रज्जं तं गच्छं ॥
- मू. (७७८) गोयम पंच-महव्वय गुत्तीणं तिण्हं पंच-समईयं ।
दस-विह-धम्मस्सेकं कहवि खलिज्जइ न तं गच्छं ॥
- मू. (७७९) दिन-दिक्खियस्स दमगस्स अभिमुहा अज्ज चंदना अजा ।
नेच्छइ आसन-गहणं सो विणओ सव्व-अजाणं ॥
- मू. (७८०) वास-सय-दिक्खियाए अजाए अज्ज-दिक्खिओ साहू ।
भत्तिब्भर-निब्भराए वंदन-विनएण सो पुज्जो ॥
- मू. (७८१) अज्जिय-लाभे गिद्धा सएण लाभेनं जे असंतुट्ठा ।
भिक्खयरिया-भग्गा अन्नियउत्तं गिराहिंति ॥
- मू. (७८२) गय-सीस-गणं ओमे भिक्खयरिया-अपच्चलं थेरं ।
गणिहिंति न ते पावे अज्जियलाभं गवेसंता ॥
- मू. (७८३) ओमे सीस-पवासं अप्पडिबद्धं अजंगमत्तं च ।
न गणेज्ज एगखित्ते गणेज्ज वासं निययवासी ॥
- मू. (७८४) आलंबणाण भरिओ लोओ जीवस्स अजउकामस्स ।
जं जं पेच्छइ लोए तं तं आलंबणं कुणइ ॥

- मू. (७८५) जत्थ मुनीन कसाए चमढिज्जंतेरिं पर-कसाएहिं !
नेच्छेज्ज समुट्ठेउं सुणिविट्ठो पंगुलो व्व तयं गच्छं ॥
- मू. (७८६) धम्मंतराय-भीए भीए संसार-गब्भ-वसहीणं ।
नोदीरिज्ज कसाए मुणी मुणीणं तयं गच्छं ॥
- मू. (७८७) सील-तव-दान-भावन-चउविह-धम्मंतराय-भय-भीए ।
जत्थ बहू गीयत्ये गोयम गच्छं तयं वासे ॥
- मू. (७८८) जत्थ य कम्मव्धिगस्स चेड्डियं चउगईए जीवाणं ।
नाऊण महवरद्धे वि नो पकुप्पति तं गच्छं ॥
- मू. (७८९) जत्थ य गोयय पंचण्हं कहवि सूणाण एकमवि होजा ।
तं गच्छं तिविहेणं वोसिरिय वएज्ज अन्नत्थ ॥
- मू. (७९०) सूणारंभ-पवित्तं गच्छं वेसुज्जलं च न वसेजा ।
जं चारित्त-गुणेहिं तु उज्जलं तं निवासेजा ॥
- मू. (७९१) तित्थयरसमे सूरी दुज्जय-कम्मट्ठ-मल्ल-पडिमल्ले ।
आणं अइक्कमंते ते का पुरिसे न सम्परिसे ॥
- मू. (७९२) भट्ठायारो सूरी भट्ठायारानुवेक्खओ सूरी ।
उम्मग्ग-ठिओ सूरी तिन्नि वि मग्गं पणासेतिं ॥
- मू. (७९३) उम्मग्गए-ठिए सूरिम्मि निच्छियं भव्व-सत्त-संघाए ।
जम्हा तं मग्गमनुसरंति तम्हा न तं जुत्तं ॥
- मू. (७९४) एक्कं पि जो दुहत्तं सत्तं परिबोहिउं ठवे मग्गे ।
ससुरासुरिम्मि वि जगे तेनेहं घोसियं अमाथायं ॥
- मू. (७९५) भूए अत्थि भविस्संति केई जग-वंदनीय-कम-जुगले ।
जेसिं परहिय-करणेक्क-बद्ध-लक्ख्खाण वोलिही कालं ॥
- मू. (७९६) भूए अनाइ-कालेण केई होहिंति गोयमा सूरी ।
नामग्गहणेण वि जेसिं होज्ज नियमेणं पच्छित्तं ॥
- मू. (७९७) एयं गच्छ-ववत्तं दुप्पसहानंतरन तु जो खंडे ।
तं गोयम जाण गणिं निच्छयओऽनंत-संसारी ॥
- मू. (७९८) जं सयल-जीव-जग-मंगलेक्क-कल्लाण-परम-कल्लाणे ।
सिद्धि-पहे वोच्छिन्ने पच्छित्तं होइ तं गणिणो ॥
- मू. (७९९) तम्हा गणिणा सम-सत्तु-मित्त-पक्खेण परहिय-रणं ।
कल्लाण-कंखुणा अप्पणो य आणा न लंघेया ॥
- मू. (८००) एवं मेरा णं लंघेयव्व ति ।
एयं गच्छ-ववत्थं लंघेत्तु ति-गारवेहिं पडिबद्धे ॥
संखाईए गणिणा अज्ज वि बोहिं न पाविंति ॥
- मू. (८०१) न लभेहिंति य अन्ने अनंत-हुत्तो वि परिभमंतेत्थं ।

- चउ-गइ-भव-संसारे चेद्वेजा चिरं सुदुक्खत्ते ॥
 मू. (८०२) चोदस-रञ्जु-लोगे गोयम वालग्ग-कोडिमत्तं पि ।
 तं नत्थि पएसं जत्थ अनंत-मरणे न संपत्ते ॥
 मू. (८०३) चुलसीइ-जोनि-लक्खे सा जोनी नत्थि गोयमा इहइं ।
 जत्त न अनंतहुत्तो सव्वे जीवा समुप्पन्ना ॥
 मू. (८०४) सूइहिं अग्गि-वन्नाहिं संभिन्नस्स निरंतरं ।
 जावइयं गोयमा दुक्ख गब्भे अट्ट-गुणं तयं ॥
 मू. (८०५) गब्भाओ निप्फिडंतस्स जोनी-जंत-निपीलणे ।
 कोडी-गुणं तयं दुक्खं कोडाकोडि-गुणं पि वा ॥
 मू. (८०६) जायमाणण जं दुक्खं मरणाणां जंतूणं ।
 तेनं दुक्ख-विवागेनं जाउं न सरंति अत्ताणि ॥
 मू. (८०७) नाणाविहासु जोनीसु परिभमंतेहिं गोयमा ।
 तेन दुक्ख-विवाएणं संभरिएण न जिव्वए ॥
 मू. (८०८) जम्म-जरा-मरण-दोग्गच्च-वाहीओ चिदंतु ता ।
 लज्जेजा गब्भ-वासेणं को न बुद्धो महामती ॥
 मू. (८०९) बहु-रुहिर-पूर्इ-जंबाले असुइ य कलिमल-पूरिए ।
 अनिट्ठे य दुब्भिगंधे गब्भे को धिइं लभे ॥
 मू. (८१०) ता जत्थ दुक्ख-विक्खिरणं एगंत-सुह-पावणं ।
 से आणं नो खंडेजा आणा भंगे कुओ सुहं ॥

मू. (८११) सो भयवं अट्टण्हं साहूणमसइं उस्सग्गेण वा अववाएण वा चउहिं अनगारेहिं समं गमनागमनं नियंठियं तथा दसण्हं संजईणं हेट्ठा उस्सग्गेण चउण्हं तु अभावे अववाएणं हत्थ-सयाओ उद्धं गमणं नाणुन्नायं आणं वा अइक्कमंते साह वा साहूणीओ वा अनंत-संसारिए समक्खाए ता णं से दुप्पसहे अनगार असहाए भवेजा सा वि य विण्हुसिरी अनगारी असहाया चेव भवेजा एवं तु ते कहं आराहगे भवेजा गोयमा णं दुस्समाए परियंते ते चउरो जुगप्पहाणे खइग-सम्मत्त-नाण-दंसण-चारित्त-समन्निए भवेजा तत्थ णं जे से महायसे महानुभावे दुप्पसहे अनगारे से णं अच्चंत विसुद्ध-सम्म-दंसण-नाण-चारित्त-गुणेहिं उववेए सुदिट्ठ-सुगइ-मग्गे आसायणा-भीरु अच्चंत-परम-सद्धा-संवैग-वेरग-संमग्गट्ठिए निरब्भ-गयणामल-सरय-कोमुइ-पुत्तिमायंद-करविमल-पर-परम-जसे-वंदाणं परम-वंदे पूयाणं परमपूए भवेजा तथा सा विय सम्मत्तं-नाण-चारित्त-पडागा महायसा महासत्ता महानुभागा एरिस-गुण-जुत्ता चेव सुगहियनामधिजा विण्हुसिरी अनगारी तथा तेसिं सोलस-संवच्छराइं परमं आउं अट्टय परियाओ आलोइय-नीसल्लाणं च पंचनमुक्कार-पराणं चउत्थं-भत्तेणं सोहम्भे कप्पे उववाओ तयनंतरं च हिट्ठिम-गमनं तथा वि ते एयं गच्छ-ववत्थं नो विलंघिसु ।

मू. (८१२) से भयवं केणं अट्टेणं एवं वुच्चइ-जहा णं तथा वि-त्ते एयं गच्छ-ववत्थं नो विलंघिसु गोयमा णंइओ आसन्न-कालेणं चेव महायसे महासत्ते-महानुभागे सेजंभवे नामं अनगारे महातवस्सी

महामई दुवाल-संग-सुयधारी भवेज्जा से णं अपक्खवाएणं अप्पाउक्खे भव्व-सत्ते-सुयअतिसएणं विन्नाय एक्करसण्हं अंगाणं चोदसण्हं पुव्वाणं परमसार-नवणीय-नवनीय-भूयं सुपउणं सुपद्धरुज्जयं सिद्धिमगं दसवेयालियं नाम सुयक्खंधं निऊहेज्जा से भयवं किं पडुच्च, गोयमा मनगं पडुच्चा जहा क्हं नाम एयस्स णं मनगस्स पारंपरिएणं धेवकालेणेव महंत-घोर-दुक्खागराओ चउगइ-संसार-सागराओ निप्फेडो भवतु भवदुगुछेवणं न विणा सव्वन्नुवएसेणं से य सव्वन्नुवएसे अनोरपारे दुरवगाढे अनंत-गमपज्जवेहिं नो सक्का अप्पेणं कालेणं अवगाहिउं तथा णं गोयमा अइसए णं एवं चिंतेज्जा एवं से णं सेज्जंभवे जहा ।

मू. (८१३) अनंतपारं बहु जाणियव्वं अप्पो य कालो बहुले य विग्धे जं सारभूयं तं गिण्हयव्वं हंसो जहा खीरमिवंबु मीसं ।

मू. (८१४) तेणं इमस्स भव्व-सत्तस्स मनगस्स तत्त-परित्राणं भवउ त्ति काऊणं जाव णं दसवेयालियं सुयक्खंधं निऊहेज्जा तं च वोच्छिन्नेणं तक्काल-दुवालसंगेणं गणिपिडगेणं जाव णं दूसमाए परियंते दुप्पसहे ताव णं सुत्तत्थेणं वाएज्जा से य सयलागम-निस्संदं दसवेयालिय-सुयक्खंधं सुत्तओ अज्झीहीय गोयमा से णं दुप्पसहे अनगारे तओ तस्स णं दसवेयालिय-सुत्तस्सानु-गयत्थानुसारेणं तथा चेव पवत्तेज्जा नो णं सच्छंदयारी भवेज्जा तत्थ य दसवेयालिय-सुयक्खंधे तक्कालमिणमो दुवालसंगे सुयक्खंधे पडिट्ठिए भवेज्जा एएणं अट्टेणं एवं वुच्चइ जहा तथा वि णं गोयमा ते एवं गच्छ-ववत्थं नो विलंघिसु ।

मू. (८१५) से भयवं जइ णं गणिणो वि अच्चंत-विसुद्धा-परिणामस्स वि केइ दुस्सीले सच्छंदत्ताए इ वा गारवत्ताए इ वा जायाइमयत्ताए इ वा आणं अइक्कमेज्जा से णं किमाराहगे भवेज्जा गोयमा जे णं गुरु सम सत्तुमित्त-पक्खो गुरु-गुणेसुं ठिए सययं सुत्ताणुसारेणं चेव विसुद्धासए विहरेज्जा तस्साणमइक्कंतेहि नव-नउएहिं चउहिं सएहिं साहूणं जहा तथा चेव अनाराहगे भवेज्जा ।

मू. (८१६) से भयवं कयरे णं ते पंच सए एक्कविज्जिए साहूणं जेहिं च णं तारिस-गुणोववेयस्स महानुभागस्स गुरुणो आणं अइक्कमिउं नाराहियं गोयमाणं इमाए चेव उसभ-चउवीसिगाए अतीताए तेवीसइमाए चउवीसिगाए जाव णं परिनिव्वुडे चउवीसइमे अरहा ताव णं अइक्कंतेनं केवइएणं कालेणं गुण-निप्फत्रे कम्मसेल-मुसुमुरणे महायसे महासत्ते महानुभागे सुगहिय-नामधेजे वइरे नामं गच्छाहिवई भूए तस्स णं पंच-सयं गच्छं निग्गंधीहिं विणा निग्गंधीहिं समं दो सहस्से य अहेसि ता गोयमा ताओ निग्गंधीओ अच्चंत परलोग भीरुयाओ सुविसुद्ध निम्मलंतकरणाओ खंताओ दंताओ मुत्ताओ जिइदियाओ अच्चंत भणिरीओ निय-सरीरस्सा वि य छक्काय-वच्छलाओ जहोवइइ-अच्चंतघोर-वीर-तव-चरण-सोसिय-सरीराओ जहा णं तित्थयरेणं पन्नविंयं तथा चेव अदीन-मनसाओ माया-मय-अहंकार-ममाकार रतिहास-खेडु-कंदप्प-नाहवाय-विप्पमुक्काओ तस्सायरियस्स सगासे सामन्नमनुचरंति ते यं साहुणो सव्वे वि गोयमा न तारिसे मनागा अहन्नया गोयमा ते साहुणो तं आयरियं भणंति जहा-जइ णं भयवं तुमं आणवेहिं ता णं अम्हेहिं तित्थरजत्तं करिय चंदप्पह-सामियं वंदिय धम्म-चक्कं गेत्तूणमागच्छामो ताहे गोयमा अदीणमनसा अनुत्तावल-गंभीर-महुरारु भारतीए भणियं तेनायरिएणं जहा इच्छायारेणं न कप्पइ तित्थजत्तं गंतुं सुविहियाणं ता जाव णं बोलेइ जत्तं ताव णं अहं तुम्हे चंदप्पहं वंदावेहामि अनं चजत्ताए गएहिं असंजमे

पडिवज्जइ एएणं कारणेणं तित्थयत्ता पडिसेहिज्जइ तओ तेहिं भणियं जहा भयवं केरिसो उन तित्थयत्ताए गच्छमाणानं असंजमो भवइ सो पुन इच्छायारेणं बिइज्ज-वारं एरिसं उल्लावेजा बहु-जणेणं वाउल्लगो भन्निहिसि ताहे गोयमा चिंतिय तेनं आयरिएणं जहा णं ममं वइक्कमिय निच्छयओ एए गच्छिहिंति तेनं तु मए समयं चडुत्तरेहिं वयंति अहन्नया सुबहुं मनसा संधारेऊणं चैव भणियं तेनं आयरिएणं -

जहा णं-तुब्भे किंचि वि सुत्तत्थं वियाणह द्धिंय ता जारिसं तित्थयत्ताए गच्छमाणानं असंजमं भवइ तारिसं समयमेव वियाणेह किं एत्थ बहु-पलविएणं अन्नं च-विदियं तुम्हेहिं पि संसारसहावं जीवाइयपत्थ-त्तं च अहन्नया बहु उवाएहिं णं विणिवारिंसत्त वि तस्सायरियस्स गए चैव ते साहुणो णं कुद्धेणं कयंतेनं पेरिए तित्थयत्ताए तेसिं च गच्छमाणानं कत्थइ अणेसणं कत्थइ हरिय-काय-संघट्टणं कत्थइ बीयक्कमणं कत्थइ पिवीलि-यादीणं तसाणं संघटण-परितावणोद्ववणाइ-संभवं कत्थइ बइड्डपडिक्कमणं कत्थइ न कीरए चैव चाउक्कालियं सज्जायं कत्थइ न संपाडेजा मत्तभंडोवगरणस्स विहीए उभय-कालं पेह-पमज्जण-पडिलेहण-पक्खोडणं किं बहुना गोयमा केतियं भन्निहिइ अट्टारसण्हं सीलंगसहस्साणं सत्तरस विहस्स णं संजमस्स दुवालसविहस्स णं सम्भंतर-बाहिरस्स तवस्स जाव णं खंताइ-अहिंसा-लक्खणस्सेव य दस-विहस्साणगार-धम्मस्स जत्तेक्केक्क-पयं चैव सुबहुएणं पि कालेणं थिर-परिचिएण दुवालसंग-महासुयक्खंधेण बहु-भंग-सय-संघत्ताणए दुक्ख निरइयारं परिवाल्लिऊणं जे एयं च सव्वं जहा-भणियं निरइयारमुट्ठेयं ति एवं संसरिऊणं चिंतिय तेनं गच्छाहिवइणा जहा णं मे विप्परोक्खेणं ते दुट्ठ-सीसे मज्झं अनाभोग-पच्चएणं सबहुं असंजमं काहिंति त च सव्वं मे मच्छंतियं होही जओ णं हं तेसिं गुरु ता हं तेसिं पट्टीए गंतूणं ते पडिजागरामि जेणाहमेत्थ पए पायच्छित्तेणं नो सबंज्जेज्ज ति वियप्पिऊणं गओ सो आयरिओ तेसिं पट्टीए जाव णं दिट्ठो तेनं असंजसेणं गच्छमाणे-

ताहे गोयमा सुमहुर-मंजुलालावेणं भणियं तेनं गच्छाहिवइणा जहा-भो भो उत्तमकुल-निम्मल-वंस-विभूसणा अमुग-पमुगाई-महासत्ता साहू उप्पहपडिवज्जाणं पंच-महव्वया-हिड्डिय-तणूणं महाभागानं साहु-साहुणीणं सत्तावीसं सहस्साइं थंडिलानं सव्वदंसीहिं पन्नताइं ते य सुउवउत्तेहिं विसोहिज्जंति न उणं अणोवउत्तेहिं ता किमेयं सुत्रासुत्रीए अनोवउत्तेहिं गम्मइ इच्छा-यारेणं उवओगं देह अन्नं च-इणमो सुत्तत्थ किं तुम्हाणं विसुमरियं भवेजा जं सारं सव्व-परम-त्तताणं जहा एगे बेइंदिए पाणी एणं समयमेव हत्थेणं वा पाएण वा अन्नयरेणं वा सलागाइ-अहिगरण-भूओवगरण-जाएण जे णं केई संघट्टेजा संघट्टवेजा वा एवं संघट्टियं वा परेहिं समनुजाणेजा से णं तं कम्मं जया उदिन्नं भवेजा तथा जहा उच्छु-खंडाइं जंते तहा निष्पीलिज्जमाणा छम्मासेणं खवेजा एवं गाढे दुवालसेहि संवच्छरेहिं तं कम्मं वेदेजा एवं अगाढपरियावणे वास-सहस्सं गाढ-परयावणे दस-वास-सहस्से एवं अगाढ-किलावणे वास-लक्ख गाढ-किलावणे दस-वास-लक्खाइं उद्ववणे वास-कोडी एवं तेइदियाईसुं पि नेयं ता एवं च वियाणमाणा मा तुम्हे मुज्झ्हे ति एवं च गोयमा सुतानुसारेणं सारयंतस्सावि तस्सायरियस्स ते महा-पावकम्मे गम-गमहल्लप्फलेणं हल्लोहल्लीभूएणं तं आयरियाणं वयणं असेस-पाव-कम्मइ-दुक्ख-विमोयगं न बहु मन्तंति ताहे गोयमा मुणियं तेनायरिएणं जहा-निच्छयओ उम्मगपट्टिए सव्वपगारेहिं चैव इमे पावमई दुट्ठ-सीसे ता किमइमहिमेहिं पट्टीए

लक्ष्मी-वागरणं करेमाणो अनुगच्छमाणो य सुक्खाए गय-जलाए नदीए उबुज्झं एए गच्छंतु दस-दुवारेहिं अहयं तु तावाय-हियमेवानुचिट्ठेमो किं मज्झं पर-कएणं सुमहंतेनावि पुन्न-पब्भारेण थवमवि किंचि परिताणं भवेज्जा स-परक्कमेणं चेव मे आगमुत्त-तव-संजमानु-ट्ठाणेणं भवोयही तरेयव्वो एस उणं तित्थयराएसो (जहा) -

मू. (८१७) अप्पहियं कायव्वं जइ सक्का परहियं पि पयरेज्जा ।

अत्त-हिय-पर-हियाण अत्त-हियं चेव कायव्वं ॥

मू. (८१८) अन्नं च-जइ एते तव-संजम-किरियं अनुपालेहिंति तओ एतेसिं चेव सेयं होहिइ जइ न करेहिंति तओ एएसिं चेव दुग्गह-गमनमनुत्तरं हवेज्जा नवरं तथा वि मम गच्छो समप्पिओ गच्छाहिवई अहयं भणामि अन्नं च-जे तित्थयरेहिं भगवंतेहिं छतीसं आयरियगुणे समाइहे तेसिं तु अहयं एकमवि नाइक्कमामि जइ वि पानोवरमं भवेज्जा जं च आगमे इह-परलोग-विरुद्धं तं नायरामि न कारयामि न कज्जमाणं समनुजाणामि तामेरिसगुण-जुत्तस्सावि जइ भणियं न करेतिं ताहमिमेसिं वेसग्गहणा उद्दालेमि एवं च समए पन्नथी जहा-जे केई साहू वा साहूणी वा वायामेत्तेमा वि असंजममनुचिट्ठेज्जा से णं सारेज्जा से णं वारेज्जा से णं चोएज्जा पडिचोएज्जा से णं सारिज्जंते वा वारिज्जंते वा चोइज्जंते वा पडिचोइज्जंते वा जेणं तं वयणमवमन्निय अलसायमाणे इ वा अभिनिविट्ठे इ वा न तह ति पडिवज्जिय इच्छं पउंजित्ताण तत्थामो पडिक्कमेज्जा-

से णं तस्स वेसग्गहणं उद्दालेज्जा एवं तुं आगमुत्तणाएणं गोयमा जाव तेनायिरिएणं एगस्स सेहस्स वेसग्गहणं उद्दालियं ताव णं अवसेसे दिसोदिसिं पणट्ठे ताहे गोयमा सो आयरिओ सणियं सणियं तेसिं पट्ठीए जाउमारद्धो नो णं तुरियं तुरियं से भयवं किमट्ठ तुरियं-नो पयाइ गोयमा खाराए भूमीए जो म्हुरं संकमेज्जा म्हुराए खारं किण्हाए पीयं पीयाओ किण्हं जलाओ थलं थलाओ जलं संकमेज्जा तेनं विहिए पाए पमज्जिय पमज्जिय संकमेयव्वं नो पमज्जेज्जा तओ दुवालस-संवच्छरियं पच्छित्तं भवेज्जा एएणमट्ठेणं गोयमा सो आयरिओ न तुरियं तुरियं गच्छे अहन्नया सुया-उत्त-विहिए थंडिल-संकमणं करेमाणस्स णं गोयमा तस्सायरिस्स आगओ बहु-बासर-खुहा-परिगय-सरीरो वियडदाढा-कराल-कयत-भासुरो पलय-कालमिव-घोर-रूवो केसरी मुणियं च तेनं महानुभागेणं गच्छाहि-वइणा जहा-जइ दुयं गच्छिज्जइ ता चुक्किज्जइ इमस्स नवरं दुयं गच्छमाणानं असंजमं ता वरं सरीरोवोच्छेयं न असंजम-पवत्तण ति चिंतिऊणं विहिए उवट्ठियस्स सेहस्स जमुद्दालियं वेसग्गहणं तं दाऊणं ठिओ निष्पडिकम्मं-पायवोवगमनानसणेणं सो वि सेहो तहेव अहन्नया अच्चंत-विसुद्धंतकरणे पंचमंगलपरे सुहज्जवसायत्ताए दुवे वि गोयमा वावईए तेन सीहेणं अंतगडे केवली जाए अट्ठप्पयार-मल-कलंक-विष्पमुक्के सिद्धे य ते पुन गोयमा एकूणे पंच सए साहूणं तक्कम्म-दोसेणं जं दुक्खमनुभवमाणे चिट्ठंति जं चानुभूयं जं चानुभवहिंति अनंत-संसार-सागरं परिभमंते तं को अनंतेनं पि कालेणं भाणिऊं समत्थो एए ते गोयमा एगूने पच-सए साहूणं जेहिं च णं तारिस-गुणोववेतस्स महानुभागस्स गुरुणो आणं अइक्कमियं नो आराहियं अनंत-संसारीए जाए ।

मू. (८१९) से भयवं किं तित्थयर-संतियं आणं नाइक्कमेज्जा उयाहु आयरिय-संतियं गोयमा चउव्विहा आयरिया भवंति तं जहा नामायरिया ठवणायरिया दव्वायरिया भावावयरिया तत्थ

णं जे ते भावायरिया ते तित्थयर-समा चेव दड्डव्वा तेसिं संतियाऽऽणं आणा नाइक्कमेज्जा ।

मू. (८२०/१) से भयवं कयरेणंते भावायरिया भन्ति गोयमा जे अज्ज-पव्वइए वि आगमविहिए पयं पएणानुसंचरंति ते भावायरिए जे उणं वास-सय-दिक्खिए वि होत्ताणं वायामेत्तेणं पि आगमओ बाहिं करिंति ते नामद्ववणाहिं निओइयव्वे से भयवं आयरिया-णं केवइयं पायच्छित्तं भवेज्जा जमेगस्स साहुणो तं आयरिय-मयहर-पवत्तिणीए य सत्तरसगुणं अहा णं सील खल्लिए भवंति तओ ति-लक्ख-गुणं जं अइदुक्करं नो जं सुकरं तम्हा सव्वहा सव्व-पयारेहिं णं आयरिय-मयहर-पवत्तिणीए य अत्ताणं पायच्छित्तस्स संरक्खेयव्वं अखल्लिय-सीलेहिं च भवेयव्वं ।

मू. (८२०/२) से भयवं जे न गुरु सहस्साकारणे अन्नयर-ट्टाणे चुक्केज्ज वा खलेज्ज वा से णं आराहगे न वा गोयमा गुरुणं गुर-गुणेसु वट्टमाणो अक्खल्लिय-सीले अप्पमादी अणालस्सी सव्वालंबणाविप्पमुक्के सम-सत्तु-मित्त-पक्खे सम्मग्ग-पक्खवाए जाव णं कहा-भणिरे सद्धम्म-जुत्ते भवेज्जा नो णं उम्मग्ग-देसए अहम्मामनुरए भवेज्जा सव्वहा-पयारेहिं णं गुरुणा ताव अप्पमत्तेणं भवियव्वं नो णं पमत्तेणं जे उन पमादी भवेज्जा से णं दुरंत-पंत-लक्खणे अदद्वव्वे महा-पावे जईणं सबीए हवेज्जा ता णं नियय-दुच्चरियं जहावत्तं स-पर-सीस-गणाणं पक्काविय जहा दुरंत-पंत-लक्खणे अदद्वव्वे महा-पाव-कम्मकारी सम्मग्ग-पणासओ अहयं ति एवं निंदित्ताण गरहिताणं आलोइत्ताणं च जहा-भणियं पायच्छित्तमनुचरेज्जा से णं किंचुद्देसेणं आराहगे भवेज्जा जइ णं नीसल्ले नियडी-विप्पमुक्के न पुणो सम्मग्गओ परिभंसेज्जा अहा णं परिभस्से तओ नाराहेइ ।

मू. (८२१) से भयवं केरिस-गुणजुत्तस्स णं गुरुणो गच्छ-निक्खेव कायव्वं गोयमा जे णं सुव्वए जे णं सुसीले जे णं दढ-चारित्ते जे णं अनिदियं जे णं अरहे जे णं गयरागे जे णं गयदोसे जे णं निद्विय-मोह-मिच्छित्त-मल-कलंके जे णं उवसंते जे णं सुविन्नाय-जग-ट्टितीए जे णं सुमहा-वेरग्गम्मग्गमल्लीणे जे णं इत्थि-कहा-पडिणीए जे णं भत्त-कहा-पडिणीए जे णं तेन-कहा पडिणीए जे णं रायकहा पडिणीए जे णं जनवय-कहा-पडिणीए जे णं अच्चंतमनुकंप-सीले जे णं परलोग-पच्चवाय-भीरू जे णं कुसील-पडिणीए जे णं विन्नाय-समय-सब्भावे जे णं गहिय-समय-पेयाले जे णं अहन्निसानुसमयं ठिए खंतादि-अहिंसा-लक्खण-दस-विहे समय-धम्मजे णं उज्जुत्ते अहन्निसानु-समयं दुवालस-विहे तवो-कम्मे जे णं सुओवउत्ते समयं पंचसमितीसु जे णं सुगुत्ते सययं तीसु गुत्तीसुं जे णं आराहगे स-सत्तीए अट्टारसण्हं सीलंग-सहस्साणं जे णं अविआहगे एगंतेनं स-सत्तीए सत्तरस-विहस्स णं संजमस्स जे णं उस्सग्ग-रूई जे णं तत्त-रूई जे णं सम-सत्तु-मित्त-पक्खे जे णं सत्त-भय-ट्टाण-विप्पमुक्के जे णं अट्ट-मय-ट्टाण विप्पजट्टे जे णं नवण्हं बंभचेर-गुत्तीणं विराधना-भीरू जे णं बहु-सूए जे णं आरिय-कुलुप्पत्रे जे णं अदीने जे णं अकिविणे जे णं अनालसिए जे णं संजई-वग्गस्स पडिवक्खे जे णं धम्मोवएस-दायगे जे णं सययं ओहसा-मायारी-परुवगे जे णं मेरावट्टिए जे णं असामायारी-भीरू जे णं आलोयणारिहे जे णं पायच्छित्त-दाम-पयच्छणक्खमे जे णं वंदन-मंडलि-विराधन-जाणगे जे णं पडिक्कमण-मंडलि-विराहण-जाणगे जे णं सज्झाय-मंडलि-विराधन-जाणगे जे णं वक्खाण-मंडलि-विराधन-जाणगे -

जे णं आलोयणा-मंडलि-विहारण-जाणगे जे णं उद्देस-मंडलि-विराहण-जाणगे जे णं समुद्देस-मंडलि-विराधन-जाणगे जे णं पव्वज्जा-विराधन-जाणगे जे णं उवट्टालवणा-विराधना-जाणगे जे

पं उद्देस-समुद्देसाणुन्ना-विराधन-जाणगे जे पं काल-खेत-दव्व-भाव-भावंतरंतर-वियाणगे जे पं काल-खेत-दव्व-भावालंबण-विप्पामुक्के जे पं स-बाल-वुह्-गिलाण-सेह-सिक्खण-साहम्मिय-अज्जयवट्टावण-कुसले जे पं परूवगे नाण-दंसण-चारित्त-तवो गुणाणं जे पं चरए धरए पभावगे नाण-दंसण-चारित्त-तवो गुणाणं जे पं दढ-सम्मते जे पं सययं अपररिसाई जे पं धीएमा जे पं गंधीरे जे पं सुलोमलेसे जे पं दिनयरमिव अनभिभवनीए तवतेएणं जे पं सरीरोवरमे वि छक्काय-समारंभ-विवज्जी जे पं सील-तव-दान-भावनामय-चउव्विह-चउव्विह-धम्मंतरायं-भीरू जे पं सव्वा-सायणा भीरू जे पं इह्ठि-रस-सायगारव-रोह्ठुज्जाण-विप्पमुक्के जे पं सव्वावस्सगमुज्जुते जे पं सविसेसलद्धि जुत्ते जे न आवडिय-पेल्लियामंतिओ वि नायरेज्जा अयज्जं जे पं नो बहु निदो जे पं नो बहु भोइ जे पं सव्वावस्सग-सज्जाण-पडिमाभिग्गह-घोर-परीसहोवसग्गेसु जिय-परीसमे जे पं सुपत्त-संगह-सीले जे पं अपत्त-परिट्टावणविहिन्नु जे पं अनुद्धय-बोंदी जे पं परसमय-ससमय-सम्मं-वियाणे जे पं कोह मान-माया-लोभ-ममकारादि इतिहास-खेडु-कंदप्पनाहियवादविप्पमुक्के धम्मकहा-संसार-वास-विसयाभिलासादीणं वेरग्गुप्पायगे पडिबोहगे भव्व-सत्ताणं से पं गच्छ-निकखेवण-जोगो से पं गणी से पं गणहरे से पं तित्थे से पं तित्थयरे से पं अरहा से पं केवली से पं जिने से पं तित्थुब्भासगे से पं वंद से पं पुज्जे से पं नमंसणिज्जे से पं दट्ठव्वे से पं परम-पवित्ते से पं परम-कल्लाणे से पं परम-मंगल्ले से पं सिद्धी से पं मुत्ती से पं सिवे से पं मोक्खे स पं ताया से पं संमग्गे से पं गती से पं सरन्ने से पं सिद्धे मुत्ते पार-गए-देव-देवे एयस्स पं गोयमा गण-निकखेवं कुज्जा एयस्स पं गणनिकखेवं कारवेज्जा एयस्स पं गणनिकखेवं समनुजाणेज्जा अन्नहा पं गोयमा आणा भंगे ।

मू. (८२२) से भयवं केवतियं कालं जाव एस आणा पवेइया गोयमा जाव पं महायसे महासत्ते महानुभागे सिरिप्पभे अनगारे से भयवं केवतिएणं काले पं से सिरिप्पभे अनगारे भवेज्जा गोयमा होही दुरंत-पंत-लक्खणे अदट्ठव्वे रोह्ठे चंडे पयंडे-उग्ग-पयंडे दंडे निम्भेरे निक्खिवे निग्घिणे नित्तिसे कूरयर-पाव-मती अनारिए मिच्छदिट्ठी कक्की नाम रायाणे से पं पावे पाहुडियं भमाडिउ-कामे सिरि-समण-संधं कयत्येज्जा जाव पं कयत्ये इ ताव पं गोयमा जे केई तत्थ सीलह्ठे महानुभागे अचलिय-सत्ते तवो हणे अनगारे तेसिं च पाडिहेरियं कुज्जा सोहम्मे कुलिसपाणी एरावणगामी सुरवरिदे एवं च गोयमा देविंद-वंदिए दिट्ठ-पच्चए पं सिरि-समण-संधे निट्ठिओ पं कुणयपासंड-धम्मे जाव पं गोयमा एगे अबिइजे अहिंसा-लक्खण-खंतादि-दस-विहे धम्मे एगे अरहा देवाहिदेवे एगे जिनालय एगे चंदे पूए दक्खे सक्कारे सम्माणे महायसे महासत्ते महानुभागे दढ-सील-व्वय-नियम-धारए तवोहणे साहू तत्थ पं चंदमिव सोमलेसे सूरिए इव तव-तेय-रासी पुढवी इव परीसहोवसग्गसहे मेरुमंदर-धरे इव निप्पकंपे ठिए अहिंसा-लक्खण-खंतादि दस-विहे धम्मे से पं सुसमण-गण-परिवुडे निरब्भ-गयणामल-कोमुई-जोग-जुत्ते इव गह-रिक्ख-परियरिए गहवई चंदे अहिययरं विराएज्जा गोयमा से पं सिरिप्पभे अनगारे ता गोयमा एवइयं कालं जाव एस आणा पवेइया ।

मू. (८२३) से भयवं उट्ठं पुच्छा गोयमा तओ परेण उट्ठं हायमाणे काल-समए तत्थ पं काले केई छक्काय-समारंभ-विवज्जी से पं धन्ने पुत्त्रे वंदे नमंसणिज्जे सुजीवियं जीवियं तेसिं ।

मू. (८२४) से भयवं सामन्ने पुच्छा जाव णं वयासि गोयमा अत्येगे जे णं जोगे अत्येगे जे णं नो जोगे से भयवं के णं अट्टेणं एवं वुच्चइ जहा णं अत्येगे जे णं नो जोगे गोयमा अत्येगे जेसिं णं सामन्ने पडिकुट्टे अत्येगे जेसिं च णं सामन्ने नो पडिकुट्टे एएणं अट्टेणं एवं वुच्चइ जहा णं अत्येगे जे णं जोगे अत्येगे जे णं नो जोगे से भयवं कयरे ते जेसिं न सामन्ने पडिकुट्टे कयरे वा ते जेसिं च णं नो परियाए पडिसेहिए गोयमा अत्येगे जे णं विरुद्धे अत्येगे जे णं नो विरुद्धे जे णं से विरुद्धे से णं पडिसेहिए जे णं नो विरुद्धे से णं नो पडिसेहिए से भयवं के न से विरुद्धे के वा णं अविरुद्धे गोयमा जे जेसुं देसेसुं दुगुंछणिजे जे जेसुं देसेसुं दुगुंछिए जे जेसुं देसेसुं पडिकुट्टे से णं तेसुं देसेसुं विरुद्धे जे य णं जेसुं देसेसुं नो दुगुंछणिजे जे य णं जेसुं देसेसुं नो दुगुंछिए जे य णं जेसुं देसेसुं नो पडिकुट्टे से णं तेसुं देसेसुं नो विरुद्धे तत्थ गोयमा जे णं जेसुं जेसुं देसेसुं विरुद्धे से णं नो पच्चावए

जे णं जेसुं देसेसुं नो विरुद्धे से णं पच्चावए से भयवं के कत्थ देसे विरुद्धे के वा नो विरुद्धे गोयमा जे णं केई पुरिसे इ वा इत्थिए इ ल रागेण वा दोसेणं वा अनुसएण वा कोहेन वा लोभेन वा अवरारहेन वा अनवरारहेन वा समणं वा माहणं वा मायरं वा पियरं वा भायरं वा भइणि वा भाइणेयं सुयं वा सुयसुयं वा धूयं वा नत्तुयं वा सुण्हं वा जामाउयं वा दाइयं वा गोत्तियं वा सजाइयं वा वा विजाइयं वा सयनं वा असयनं वा संबंधियं वा असंबंधियं वा सनाहं वा असनाहं वा इट्ठिमंतं वा अनिट्ठिमंतं वा सएसियं वा विएसियं वा आरियं वा आनारियं वा हणेज्ज वा हणावेज्ज वा उद्दवेज्ज वा उद्दवावेज्ज वा से णं परियाए अओगे से णं पावे से णं निंदिए से णं गरहिए से णं दुगुंछिए से णं पडिकुट्टे से णं पडिसेहिए से णं आवई से णं विग्घे से णं अयसे से णं अकित्ती से णं उम्मग्गे से णं अनायारे एवं रायदुट्टे एवं तेने एवं पर-जुवइ-पसत्ते एवं अन्नयरे इ वा केई वसणाभिभूए एवं अयसकिल्हिए एवं छुहाणडिए एवं रिणोवहुए अविन्नायजाइ-कुल-सील-सहावे एवं बहु-वाहि-वेयणा-परिगय-सरीरे एवं रसलोलुए एवं बहु-निद्वे एवं इतिहास-खेडु-कंदप्प-नाह-वायचच्चरि-सीले एवं बहु-कोऊहले एवं बहुपोसवग्गे जाव णं मिच्छद्विडि-पडिनीय-कुलुप्पन्ने इ वा से णं गोयमा जे केई आयरिए इ वा मयहरए इ वा गीयत्ये इ वा अगीयत्ये इ वा आयरिय-गुण-कलिए इ वा मयहर-गुण कलिए इ वा भविस्सायरिए इ वा भविस्स-मयहरएइ वा लोभेणं वा गारवेण वा दोण्हं गाउय-सयाणं अब्भंतरं पच्चावेज्जा से णं गोयमा वइक्क-मिय-भेरे से णं पवयण-वोच्छित्तिकारए से णं तित्थ-वोच्छित्तिकारए से णं संघ-वोच्छित्ति कारए से णं वसणाभिभूए से णं अदिट्ठ-परलोग-पच्चवाए से णं अनायार-पवित्ते से णं अकज्जयारी से णं पावे से णं पाव-पावे से णं महा-पाव-पावे से णं गोयमा अभिग्गहिय-चंड-रुद्ध-कूर-मिच्छद्विड्डी ।

मू. (८२५) से भयवं के णं अट्टेणं एवं वुच्चइ गोयमा आयारे मोक्ख-मग्गे नो णं अनायारे मोक्खमग्गे एएणं अट्टेणं एवं वुच्चइ से भयवं कयरे से णं आयारे कयरे वा से णं अनायारे गोयमा आयारे आणा अनायारे णं तप्पडिवक्खे तत्थ जे णं आणापडिवक्खे से णं एगंते सव्व पयारेहिं णं सव्वहा वज्जणिजे जे य णं नो आणा-पडिवक्खे से णं एगंते णं सव्व-पयारेहिं णं सव्वहा आयरणिजे तहा णं गोयमा जं जाणेज्जा जहा णं एस णं सामन्नं विराहेज्जा से णं सव्वहा विवज्जेज्जा ।

मू. (८२६) से भयवं केह परिक्खा गोयमा जे केइ पुरिसे इ वा इत्थियाओ वा सामन्नं पडिवज्जिउ-कामे कंपेज्ज वा थरहेज्ज वा निसीएज्ज वा छड्ढिं वा पकरेज्ज वा सगेणं वा परगेण वा आसंतिए इ वा

संतिए इ वा तदहुत्तं गच्छेज्ज वा अवलोइज्ज वा पलोएज्ज वा वेसग्गहणे ढोइज्जमाणे कोई उप्पाए इ वा असुहे दोत्रिमित्ते इ वा भवेज्जा से णं गुयत्थे गणी अन्नयरे इ वा मयहरादी महया नेउन्नेणं निरुवेज्जा जस्स णं एयाई परतक्केज्जा से णं नो पव्वावेज्जा से णं गुरु-पडिणीए भवेज्जा से णं निद्धम्म-सबले भवेज्जा से णं सव्वहा सव्व-पयारेसु णं केवलं एगंतेनं अयज्ज-करणुज्जए भवेज्जा से णं जेणं वा तेन वा सुएण वा विन्नाणेण वा गारविए भवेज्जा से णं संजई-वग्गस्स चउत्थ-वयखण्डण-सीले भवेज्जा से णं बहुरूवे भवेज्जा ।

मू. (८२७) से भयवं कयरे णं से-बहु-रुवे-वुच्चइ जे णं ओसन्न-विहारीणं ओसन्ने उज्जय-विहारीणं उज्जय-विहारी निद्धम्म-सबलाणं निद्धम्म-सबले बहुरूवी रंग-गए चारणे इव नडे ।

मू. (८२८) खणेण रामे खणेण लक्खणे खणेण दसगीव-रावणे खणेणं, टप्पर-कणण ।

दंतुर-जरा-जुन्न-गत्ते पंडर-केस-बहु-पवंच भरिए विदूसग ॥

मू. (८२९) खणेणं तिरियं च जाती वानर-हनुमंत-केसरी ।

जह णं रूस गोयमा तथा णं से बहुरूवे ॥

मू. (८३०) एवं गोयमा जे णं असई कयाई केई चुक्क-खलिणं पव्वावेज्जा से णं दूरद्धाण ववहिए करेज्जा से णं सन्निहिए नो धरेज्जा से णं आयेरेणं नो आलवेज्जा से णं भंडमत्तोवगरणेणं आयेरेणं नो पडिलाहावेज्जा से णं तस्स गंधसत्थं नो उद्दिसेज्जा से णं तस्स गंध-सत्थं नो अनुजाणेज्जा से णं तस्स सद्धिं गुज्ज-रहस्सं वा अगुज्ज-रहस्सं वा नो मंतेज्जा एवं गोयमा जे केई एय दोस-विप्पमुक्के से णं पव्वावेज्जा तथा णं गोयमा मिच्च-देसुप्पत्रं अणारियं नो पव्वावेज्जा एवं वेसा-सुयं नो पव्वावेज्जा एवं गणिगं नो पव्वावेज्जा एवं चक्खु-विगलं एवं विगप्पिय-कर-चरण एवं छिन्न-कन्ननासोडुं रूवं कुट्ट-वाहीए गलमाण-सडहडंतं रूवं पंगुं अगंगमं मूयं बहिरं एवं अच्चुक्कड-कसायं एवं बहु पासंड-संसडुं एवं घन-राग-दोस-मोह-मिच्छत-मल-खवलियं एवं उज्जिय उत्तयं रूवं पोराण निक्खुड एवं जिनालगार्इ बहु देव-बलीकरण-भोइयं चक्कयरं एवं नड-नट्ट-छत्त-चारणं एवं सुयज्जुं चरण-करण-जडुं जडुकायं नो पव्वावेज्जा एवं तु जाव एव तु जाव णं नाम-हीणं धाम-हीनं कुल-हीनं बुद्धि-हीनं पन्ना-हीनं गामउड-मयहरं वा गामउड-मयहरसुयं वा अन्नयरं वा निदियाहम-हिनजाइयं वा-अविन्नाय कुल-सहावं वा गोयमा सव्वहा नो दिकखे नो पव्वावेज्जा एएसिं तुं पयाणं अन्नयर-पए खलेज्जा जो सहसा-देसूण-पुव्वकोडी-तवेणं गोयमा सुज्जेज्ज वा न वा वि ।

मू. (८३१) एवं गच्छववत्थं तह त्ति पालेत्तु तहेव जं जहा भणियं ।

रय-मल-किलेस-मुक्के गोयम मोक्खं गएऽ नंतं ॥

मू. (८३२) गच्छंति गमिस्संति य ससुरासुर-जग-नमंसिए वीरे ।

भुयसेक्क-पायड-जसे जह भणिय-गुणट्टिए गणिणे ॥

मू. (८३३) से भयवं जे णं केइ अमुणिय-समय-सब्भावे होत्था विहिए इ वा अविहिए इ वा कस्स य गच्छायारस्स य मंडलि-धम्मस्स वा छत्तीसइविहस्स णं सप्पोय-नाण-दंसण-चरित्त-तव-वीरियायारस्स वा मनसा वा वायाए वा कहिं चि अन्नयरे ठाणे केई गच्छाहिवई आयरिए इ वा अंतो विसुद्धा परिणामे वि होत्था-णं असई चुक्केज्ज वा खलेज्ज वा परूवेमाणे वा अनुट्ठेमाणे वा से णं आराहगे उयाहु अनाराहगे गोयमा अनाराहगे से भयवं केणं अट्टेणं एवं वुच्चइ जहा णं गोयमा

अनाराहगे गोयमा णं इमे दुवालसंगे सुय-नाणे अनप्पवसिए अनाइ-निहणे सब्भूयत्थ-पसाहगे अनाइ-संसिद्धे से णं देविंद-वंद-वंदाणं-अतुल-बल-वीरिएसरिय-सत्त-परक्कम-महापुरिसायार-कंति-दित्ति-लावन्न-रुव-सोहग्गाइ-सयल कला-कलाव-विच्छट्ट मंडियाणं अनंत-नाणीयं सयं संबुद्धाणं जिन-वराणं अनाइसिद्धाणं अनंताणं वट्टमाणं-समय-सिद्ध माणाण अन्नेसिं च आसन्न-पुरेक्खडाणं अनंताणं सुगहिय-नाम-धेज्जाणं महायसाणं महासत्ताणं महानुभागाणं तिहुयणेक्क-तिलयाणं तेलोक्क-नाहाणं जगपवराणं-जगेक्क-बंधूणं जग-गुरूणं सव्वन्नूणं सव्व-दरिसीणं पवर-वर-धम्म-तित्थकराणं अरहंताणं भगवंताणं भूयभव्व-भविस्साईयाणागय-वट्टमाण-निखिलासेस-कसिण-सगुण-सपज्जय सव्ववत्थुविदियसब्भावाणं असहाए पवरे एक्कमेक्कमगे

से णं सुत्तत्ताए अत्थत्ताए गंथत्ताए तेसिं पि णं जहट्टिए चेव पन्नवणिजे जहट्टिए चवानुट्टणिजे जहट्टिए चेव भासणिजे जहट्टिए चेव वायणिजे जहट्टिए चेव परुवणिजे जहट्टिए चेव वायणिजे जहट्टिए चेव कहणिजे से णं इमे दुवालसंगे गणिपिडगे तेसिं पि नन देविंद-वंदाणं निखिल-जग-विदिय-सदव्व-सपज्जव-गइ-आगइ-हास-वुट्टि-जीवाइ-तत्त-जाव णं वत्थु-सहावाणं अलंघ-णिजे अणाइक्क-मणिजे अनासायणिजे अनुमोयणिजे तहा चेव इमे दुवालसंगे सुयनाणे सव्व-जग-जीव-पान-भूयसत्ताणं एगंतेनं हिए सुहे खेमे नीसेसिए आनुगामिए पारगामिए पसत्थे महत्थे महागुणे महानुभावे महापुरिसाणुचित्रे परमरिसिदेसिए दुक्खक्खयाए मोकखयाए संसारुत्तारणाए ति कट्टु उवसंपिज्जत्ताणं विहरिंसु किमुत्त-मन्नेसिं ति ता गोयमा जे णं केइ अमुणिय-समय-सब्भावे इ वा विइय-समय-सारे इ वा विहिए इ वा अविहीए वा गच्छाहिर्वई वा आयरिए इ वा अंतो विसुद्ध-परिणामे वि होत्थ गच्छायारं मंडलि-धम्मा छत्तीसइविह आयारादिजाव णं अन्नयरस्स वा आवस्सगाइ करणिज्जस्स णं पवयण-सारस्स असती चुक्केज्ज वा खलेज्ज वा ते णं इमे दुवालसंगे सुयनाणे अन्नहा पयरेज्जा जे णं इमे दुवालसंगं-सुय-नाण-निबद्धंतरोवगयं एक्कपयक्खरमवि अन्नहा पयरे से णं उम्मगगे पयंसेज्जा जे णं उम्मगगे पयंसे से णं अनाराहगे भवेज्जा ता एएणं अट्टेणं एवं वुच्चइ जहा णं गोयमा एगंतेनं अनाहारगे ।

मू. (८३४) से भयवं अत्थि केई जेणमिणमो परम-गुरूणं पी अलंघणिज्जं परमसरन्नं फुडं पयडं-पयड पयडं परम-कल्लाणं कसिण-कम्मडु-दुक्ख-निट्टवणं पवयणं अइक्कमेज्ज वा वइक्कमेज्ज वा लंघेज्जवा-खंडेज्ज वा विराहेज्ज वा आसाएज्ज वा से मनसा वा वयसा वा कायसा वा जाव णं वयासी-गोयमा णं अनंतेनं कालेणं परिवत्तमाणेणं सययं दस-अच्छग्गे भविसु तत्थ णं असंखेजे अभव्वे असंखेजे मिच्छादिट्टि असंखेजे सासायणे दव्व-ल्लिगमासीय सदत्ताए दंभेणं सक्करिज्जंते एत्थए धम्मिग ति काऊणं बहवे अदिट्ट-कल्लाणे जइणं पवयणमब्भुवगमंति तमब्भुवगामिय रस-लोलत्ताए विसय-लोलत्ताए दुट्ठंतिदियं-दोसेणं अनुदियहं जहट्टियं मग्गं निट्टवंति उम्मग्गं च उस्सप्पयंति ते य सव्वे तेनं कालेणं इमं परम-गुरूणं पि अलंघणिज्जं पवयणं जाव णं आसायंति ।

मू. (८३५) से भयवं कयरे णं ते णं काले णं दस अच्छेरगे भविसु गोयमा णं इमे ते अनंतकाले णं दस अच्छेरगे भवंति तं जहा तित्थयराणं उवसग्गे उवसग्गे गब्भ-संक्रामणे, वामा तित्थयरे, तित्थयरस्स णं देसणाए अभव्व समुदाएण परिसा-बंधि-सविमाण्णाणं चंदाइच्चाणं तित्थयरसमवसरणे, आगमने वासुदेवा णं संखज्जुणीए अन्नयरेणं वा राय-कउहेणं परोप्पर-मैलावगे, इहइं तु भारहे

खेत्ते हरिवंस-कुलुप्पती ए, चमरुप्पाए, एग समएणं अट्टसय-सिद्धिगमणं, असंजयाणं पूया-कारगे ति ।

मू. (८३६) से भयवं जेणं केई कर्हिंचि कयाई पमाय-दोसाओ पवयणमासाएज्जा से णं कि आयरियं पयं पावेज्जा गोयमा जे णं केई कर्हिंचि कयाई पमायदोसओ असई कोहेणं वा मानेणं वा मायाए वा लोभेण वा रागेण वा दोसण वा भएण वा हासेण वा मोहेण वा अन्नाण-दोसेण वा पवयणस्स णं अन्नयरे द्वाणे वइमित्तेणं पि अनायारं असमायारी परूवेमाणे वा अनुमन्नेमाणे वा पवयणमासाएज्जा से णं बोहिं पि नो पावे किमंगं 'यरियपयलंभं से भयवं किं अभव्वे मिच्छादिट्ठी आयरिए भवेज्जा गोयमा भवेज्जा एत्थं च णं इंगाल्लमद्दगाई नेए से भयवं किं मिच्छादिट्ठी निक्खमेज्जा गोयमा निक्खमेज्जा से भयवं कयरेणं लीगेणं से णं वियाणेज्जा जहा णं धुवमेस मिच्छादिट्ठी गोयमा जे णं कय-सामाइए सव्व-संग-विमुत्ते भवित्ताणं अफासु-पानगं परिभुज्जेजा जे णं अनगार-धम्मं पडिवज्जित्ताणमसई सोइरियं वा पुरोइरियं वा तेउकायं सेवेज्ज वा सेववेज्ज वा तेउकायं सेविज्जमाणं अन्नेसिं समनुजाणेज्ज वा तहा नवण्हे बंभचेर-गुत्ती जे केई साहू वा साहूणी वा एक्कमवि खंडेज्ज वा विराहेज्ज वा खंडिज्जमाणं वा विराहिज्जमाणं वा बंभचेर-गुत्ती परेसिं समनुजाणेज्जा वा मणेणं वा वायाए वा काएण वा सें मिच्छादिट्ठि न केवलं मिच्छादिट्ठी अभिग्गहयमिच्छादिट्ठी वियाणेज्जा ।

मू. (८३७) से भयवं जे णं केई आयरिए इ वा मयहरए इ वा असई कर्हिंचि कयाई तहाविहं संविहानगमासज्ज इणमो निग्गंथं पवयणमन्नहा पन्नवेज्जा से णं किं पावेज्जा गोयमा जं सावज्जायरिएणं पावियं से भयवं कयरे णं से सावज्जयरिए किं वा तेनं पावियं ति गोयमा णं इओ य उसभादि-तित्थंकर-चउवीसिगाए अनंतेनं कालेणं जा अतीता अन्ना चउवीसिगा तीए जारिसो अहयं तारिसो चेव सत्त-रयणी-पमाणेणं जगच्छेरय-भूयो देविंद-विंदवंदिओ पवर-वर-धम्मसिरी नाम चरम-धम्मतित्थंकरो अहेसि तस्से य-तित्थे सत्त अच्छेरेगेपभूए अहन्नया परिनिव्वुडस्स णं तस्स तित्थकरस्स कालक्कमेणं असंजयाणं सक्कार-कारवणे नाम अच्छेरेगे वहिउमारद्धे तत्थ णं लोगानुवतीए मिच्छत्त-वइयं असंजय-पूयानुरयं बहु-जन-समूहं ति वियाणिऊणं तेनं कालेणं तेनं समएणं अमुणिय-समय-सब्भावेहिं ति-गारव-मइरा-मोहिएहिं नाम-मेत्त-आयरियमयहरेहिं सट्ठाईणं सयासाओ दविण-जायं पडिग्गहिय-यंभ-सहस्सूसिए सक-सके ममत्तिए चेइयालगे काराविऊणं ते चेव दुरंत-पंत-लक्खणाहमाहमेहिं आसईए ते चेव चेइयालगे मासीय गोविऊणं च बल-वीरिय-पुरिसक्कार-परक्कमे संते बले संते वीरिए संते पुरिसक्कार-परक्कमे चइऊण उग्गाभिग्गहे अनियय-विहारं नीयावासमासइत्ता णं सिट्ठिलीहोऊणं संजमाइसुट्ठिए पच्छा परिचिच्चाणं इहलोग-परलोगावायं अंगीकाऊणं य सुदीह-संसारं तेसुं चेव मट्ठ-देवलेसुं अच्चत्थं गट्ठिरे मुच्चिरे ममीकारा-हंकारेहिणं अभिभूए सयमेव विचित्तमल्ल दामाईहि णं देवच्चणं काउमब्भुज्जए जं पुन समय-सारं परं-इमं सव्वन्नु-वयणं तं दूर-सुदूरयरेणं उज्झिर्यंति तं जहा-सव्वे जीवा सव्वे पाणा सव्वे भूया सव्वे सत्ता न हंतव्वा न अज्जावेयव्वा न परियावेयव्वा न परिधेतव्वा न विराहेयव्वा न किलामेयव्वा न उद्दवेयव्वा जे केई सुहमा जे केई बायरा जे केई तसा जे केई थावरा जे केई पज्जता जे केई अपज्जता जे केई एगेदिया जे केइ बैइदिया जे केई तेइदिया जे केई चउरिंदिया जे केई पंचेदिया तिविहं तिविहेणं मणेणं वायाए काएणं जं पुन गोयमा मेहुणं तं एणंतेनं निच्छयओ बाढं तहा आउ-तेउ-समारंभं च सव्वहा

सव्वयारेहिं णं सययं विवज्जेजा मुनीति एस धम्मे धुवे सासए नीरए समेच्च लोगं खेयनूहिं पवेइयं ति ।

मू. (८३८) से भयवं जे णं केई साहू वा साहुणी वा निग्गंथे अनगारे दव्वत्थयं कुज्जा से णं किमालावेज्जा गोयमा जे णं केई साहू वा साहुणी वा निग्गंथे अनगारे दव्वत्थयं कुज्जा से णं अजये इ वा असंजएइ वा देव-भोइए इ वा देवच्चगे इ वा जाव णं उम्मग्गपए इ वा दूरुज्झिय सीले इ वा कुसीले वा सच्छंदयारिए इ वा आलवेज्ज ।

मू. (८३९) एवं गोयमा तेसिं अनायार-पवत्ताणं बहूणं आयरिय-मयहरादीनं एगे मरग-यच्छवी कुवलयप्पहाभिहाणे नाम अनगारे महा-तवस्सी अहेसि तस्स णं महा-महंते जीवाइ-पयत्थेसु तत्त-परिन्नामे सुमहंत चेव संसार-सागरे-तासुं तासुं जोणीसुं संसरण-भयं-सव्वहा सव्वपयारेहिं णं अच्चंतं आसादना-भीरुयत्तणं तक्कालं तारिसे वी असमंजसे अनायारे बहु-साहम्भिय-पवत्तिए तथा वी सो तित्थयराणमाणं नाइक्कमेइ अहन्नया सो अनिगूहिय-बल-वीरिय-पुरिसक्कार-परक्कमे सुसीम-गण-परियरिओ सव्वन्नु-पणीयागम-सुत्तत्थो-भयाणुसारेणं ववगय-राग-दोस-मोह-मिच्छत्तममकारहंकारो सव्वत्थपडिबद्धो किं बहुना सव्वगुणगणाहिट्टिय-सरीरो अनेग-गामागर-नगर-पुर-खेड-कव्वड-मडंब दोणमुहाइ-सन्निवेस-विसेसेसुं अणेगेसुं भव्वसत्ताणं संसारचारग-विमोक्खणि सद्धम्म-कहं परिकहेहिंतो विहरिंसु एवं च वच्चति दियहा अन्नया णं सो महानुभागो विहरमाणो आगओ गोयमा तेसिं नीयविहारीणमावासगे तेसिं च महा-तवस्सी काऊण सम्माणिओ किइक्कम्मसण-पयाणाइणा सुविनएणं एवं च सुह-निसन्नो चिट्ठित्ताणं धम्म-कहाइणा विनोएणं पुणा गंतुं पयत्ते ताहे भणिओ सो महानुभागो गोयमा तेहिं दुरंत-पंतलक्खणेहिं लिगोवजीवीहिं णं भट्टायारुम्मग्ग-पवत्तगाभिग्गहीय-मिच्छादिट्ठीहिं जहा णं भयवं जइ तुममिहइं एक्कं वासा-रत्तियं चाउम्मासियं पउंजियंताणमेत्थं एत्तिगे एत्तिगे चेइयालगे भवंति नूनं तुज्झाणत्तीए ता किरउ-मनुग्गहम्महाणं इहेव चाउम्मासियं ताहे भणियं तेनं महानुभागेणं गोयमा जहा भो भो पियंवए जइ वि जिनालए तथा वि सावज्जमिणं नाहं वाया-मित्तेणं पि एयं आयरिज्जा एयं च समय-सार-परं तत्तं जहट्टियं अविवरियं नीसकं भणमाणेणं तेसिं मिच्छादिट्ठि-लिगीणं साहुवेस-धारीणं मज्जे गोयमा आहंकलियं तित्थ्यर-नाम-क्कम्म-गोयं तेनं कुवलयप्पहाभिहाणं कयं च से सावज्जाय-रियाभिहाणं सद्धकरणं गयं च पसिद्धीए एवं च सद्धिज्जामाणो वि सो तेनापसत्थ-सद्ध-करणेणं तथा वि गोयमा ईसि पि न कुप्पे ।

मू. (८४०) अहन्नया तेसिं दुरायाराणं सद्धम्म-परंमुहाणं अगार-धम्माणगार-धम्मोभयभट्टाणं लिग-मेत्त-नाम-पव्वइयाणं कालक्कमेणं संजाओ परोप्परं आगम-वियारो जहा णं सट्ठा-गाणमसई संजया चेव मढ-देत्थेले पडिजागरेंति खण्ड-पडिए य समारावयंति अन्नं च जाव करणिज्जं तं पइ समारंभे कज्जमाणे जइस्सावि णं नत्थि दोस-संभवं एवं च केई भणंति संजम-मोक्खनेयारं अन्ने भणंति जहा णं पासायवडिंसए पूया-सक्कार-बलि-विहाणाईसुं न तित्थुच्छप्पणा चेवमोक्ख-गमनं एवं तेसिं अविइय-परमत्थाणं पाव-क्कमाणं जं जेन सिट्ठं सो तं चेवुद्दामुस्सिखलेणं मुहेणं पलवति ताहे समुट्टियं वाद-संघट्टं तथा एगे भणंति जहा-अमुगो अमुगत्यामे चिट्ठे अन्ने भणंति अमुगो अत्रे भणंति किमत्थ बहुना पलविएणं सव्वेसिं अम्हाणं सावज्जायरीओ एत्थ पमाणं ति तेहिं भणियं

जहा एवं होउ त्ति हक्कारावेह लहु तओ हक्काराविओ गोयमा सो तेहिं सावजायरिओ आगओ दूरदेसाओ अप्पडिबद्धता विहरमाणो सत्तहिं मासेहिं जाव णं दिट्ठो एगाए अजाए सा य तं कड्डुग-तव-चरण-सोसिय-सरीरं चम्मट्टि-सेस तणुं अच्चंतं तव-सिरिए दिप्यंतं सावजायरियं पेच्छिय सुविम्हियंतकरणा वियक्किउं पयत्ता अहो किं एस महानुभागो णं सो अरहा किं वा णं धम्मो चेव मुत्तिमंतो किं बहुना-तियसिंधवदाणं पि वंदणिंज-पाय-जुओ एस त्ति चित्तिऊणं भत्ति-भरणिब्भरा आयाहिणं-पयाहिणं काऊणं उत्तिमंगेणं संघट्टेमाणी झत्ति निवडिया चलणेसु गोयमा तस्स णं सावजायरीयस्स दिट्ठो य सो तेहिं दुरायारेहिं पणमिज्जमाणो अन्नया णं सो तेसिं तत्थ जहा जग-गुरुहिं उवइइं तथा चेव गुरुवएसाणुसारेणं आनुपुव्वीए जह-ड्डियं सुत्तत्थं वागरेइ ते वि तथा चेव सद्वहंति अन्नया ताव वागरियं गोयमा जाव णं एक्कारसण्हमंगाणं चोद्वसण्हं पुव्वाणं दुवालसंगस्स णं सुयनाणस्स नवनीयसारभूयं सयल-पाव-परिहारड्ड-कम्म-निम्महणं आगयं इणमेव गच्छ-मेरा-पन्नवणं महानिसीह-सुयक्खंधस्स पंचममज्झयणं एत्थेव गोयमा ताव णं वक्खाणियं जाव णं आगया इमा गाहा ।

मू. (८४१) जत्थित्थी-कर-फरिसं अंतरियं कारणे वि उप्पन्ने ।

अरहा वि करेज्ज सयं तं गच्छं मूल गुण-मुक्कं ॥

मू. (८४२) तओ गोयमा अप्प-संकिएणं चेव चित्तियं तेनं सावजायरिएणं जहा णं-जइ इह एयं जहड्डियं पन्नवेमि तओ जं मम वंदनगं दाउमाणीए तीए अजाए उत्तमंगेणं चलणगे पुट्टे तं सव्वेहिं पि दिट्ठमेएहिं ति ता जहा मम सावजायरियाहिहाणं कयं तथा अन्नमवि किंचि एत्थ मुदुं कं काहिंति अहन्नना सुत्तत्थं पन्नवेमि ता णं महती आसादना ता किं करियव्वमेत्थं ति किं एयं गाहं पओवयामि किं वा णं अन्नहा पन्नवेमि अहवा हा हा न जुत्तमिणं उभयहा वि अच्चंतगरहियं आयहियट्ठीणमेयं जओ न-मेस समयाभिप्पाओ जहा णं जे भिक्खू दुवालसंगस्स णं सुयनाणस्स असई चुक्कखलिय-पममायासंकादी-सभयत्तेणं पयक्खरमत्ता-बिंदुमवि एक्कं पओवेज्जा अन्नहा वा पन्नवेज्जा संदिद्धं वा सुत्तत्थं वक्खाणेज्जा अविहीए अओगस्स वा वक्खाणेज्जा से भिक्खू अनंतसंसारी भवेज्जा ता किं रेत्यं जं होही तं च भवउ जहड्डियं चेव गुरुवएसानुसारेणं सुत्तत्थं पवक्खामि त्ति चित्तिऊणं गोयमा पवक्खाया निखिलावयवविसुद्धा सा तेन गाहा एयावसरम्मि चोइओ गोयमा सो तेहिं दुरंत-पंत-लक्खणेहिं जहा जइ एवं ता तुमं पि ताव मूल-गुण-हीनो जाव णं संभरेसु तं जंतद्विवसं तीए अजाए तुज्ज वंदनगं दाउकामाए पाए उत्तिमंगेणं पुट्टे ताहे इहलोइगायस-हीरू खरसत्थरीहूओ गोयमा सो सावजायरिओ चित्तिओ-

जहा जं मम सावजा-यरियाहिहाणं कयं इमेहिं तथा तं किं पि संपयं काहिंति जो णं तु सव्व-लोए अपुज्जो भविस्सं ता किमेत्थं पारिहारगं दाहामि त्ति चित्तमाणेणं संभरियं तित्थयर-वयणं जहा णं जे केई आयरिए इ वा मयहरए इ वा गच्छाहिवई सुयहरे भवेज्जा से णं जं किंचि सव्वन्नू-अनंत-नाणीहिं पावाववाय-ट्ठाणं पडिसेहियं तं सव्वं सुयानुसारेणं विन्नायं सव्वहा सव्व-पयारेहिं णं नो समायरेज्जा नो णं समायरिज्जमाणं समनुजाणेज्जा से कोहेन वा माणेन वा मायाए वा लोभेन वा भएण वा हासेण वा गारवेण वा दप्पेण वा पमाएण वा असती चुक्क-खलिएण वा दिया वा राओ वा एगओ वा परिसागओ वा सुत्ते वा जागरमाणे वा तिविहं तिविहेणं मणेणं वायाए काएणं

एतेसिमेवपयाणं जे केइ विराहगे भवेज्जा सेणं भिक्खू भूओ भूओ निंदणिजे गरहणिजे खिसणिजे दुग्गुणिजे सव्व-लोग-परभूए बहू-वाहि-वेयणा-परिगय-सरीरे-उक्कोसट्ठितीए अनंत-संसार-सागरं परिभमेज्जा तत्थ णं परिभममाणे खणमेक्कं पि न कहिंचि कयाइ निव्वुई संपावेज्जा ता पमाय-गोयर-गयस्स णं मे पावाहमाहम-हीन-सत्त-काउरिसस्स इहइं चेव समुट्ठियाए महंता आवई जेणं न सक्को अहमेत्थं जुत्ती-खमं किंचि पडिउत्तरं पयाउं जे तहा परलोगे य अनंत-भव-परंपरं भममाणो घोर-दारुणानंत-सोय-दुक्खस्स भागी भवीहामि हं मंदभागो ति चिंतयंतोऽवलक्खिओ सो सावज्जायरिआल्लगोयमा तेहिं दुरायार-पाव-कम्म-दुट्ठ-सोयरेहिं जहा णं अलिय-खर-सत्थरीभूओ एस तओ संखुद्धमणं खर-सत्थरी भूयं कलिऊणं च भणियं तेहिं दुट्ठ-सोयारेहिं जहा-जाव णं नो छिन्नमिणमो संसयं ताव णं उट्ठं वक्खाणं अत्थि ता एत्थं तं परिहारगं वायरेज्जा जं पोढ-जुत्ती-खमं कुग्गाह-निम्महण-पच्चलं ति तओ तेन चितिय जहा नाहं अदिन्नेणं पारिहारगेणं चुक्किमोमेसिं ता किमेत्थ पारिहारगं दाहामि ति चिंतयंतो पुणो वि गोयमा भणिओ सो तेहिं दुरायारेहिं जहा किमट्ठं चिंता-सागरे निमज्जिऊणं ठिओ सिग्घमेत्थं किंचि पारिहारगं वयाहि नवरं तं पारिहारगं भणेज्जा जं जहुत्तत्थकियाए अव्वभिचारी ताहे सुइरं परितप्पिऊणं हियएणं भणियं सावज्जारिएणं जहा एएणं अत्थेणं जग-गुरूहिं वागरियं जं अओगस्स सुत्तत्थं न दायव्व (जहा) -

मू. (८४३)

आमे धडे निहितं जहा जलं तं घडं विनासेइ ।

इय सिद्धंत-रहस्सं अप्पाहारं विनासेइ ॥

मू. (८४४) ताहे पुणो वि तेहिं भणियं जहा किमेयाइं अरड-वरडाइं असंबद्धाइं दुब्बासियाइं पलवह जइ पारिहारगं णं दाउं सक्के ता उफ्फिड मुयसु आसंन ऊसर सिग्घं इमाओ ठाणाओ किं देवस्स रूसेज्जा जत्थ तुमं पि पमाणीकाऊणं सव्व-संघेणं समय-सम्भावं वायरेउं जे समाइड्ठो तओ पुणो वि सुइरं परितप्पिऊणं गोयमा अन्नं पारिहारगं अलभमाणेणं अंगीकाऊण दीहं संसारं भणियं च सावज्जायरिएणं जहा णं उस्सग्गाववाएहिं आगमो ठिओ तुब्भे न याणहेयं एगंतो मिच्छंतं जिणाणमाणा मनेगंता एयं च वयणं गोयमा गिन्हायव-संताविएहिं सिहिउलेहिं च अहिनवपाउस-सजल-घनोरल्लिमिव सबहुमानं समाइच्छियं तेहिं दुट्ठ-सोयारेहिं तओ एग-वयण-दोसेणं गोयमा निबंधिऊनाणंत-संसारियत्तणं अप्पडिक्कमिऊणं च तस्स पाव-समुदाय-महाखंध-मैलावगस्स मरिऊणं उववन्नो वाणमंतरेसुं सो सावज्जायरिओ तओ चुओ समाणो उववन्नो पवसिय-भत्ताराए पडिवासुदेव-पुरोहिय-धूयाए कुच्छिसु अहन्नया वियाणियं तीए जननीए पुराहिय-भज्जाए जहा णं हा हा हा दिन्नं मसि-कुच्चयं सव्व-नियकुलस्स इमीए दुरायाराए मज्झ धूयाए साहियं च पुरोहियस्स तओ संतप्पिऊणं सुइरं बहुं च हियएणं साहारिउं निव्विसया कया सा-

तेणं पुरोहिएणं एमहंता-असज्झदुब्बिवार-अयस-भीरुणा अहन्नया थेव कालंतरेणं कहिं चि धाममलभमाणी सी-उण्ह-वाय-विज्झडिया खु-क्खाम-कंठा दुब्भिक्ख-दोसेणं पविट्ठा दासत्ताए रस-वाणिज्जास्स गेहे तत्थ य बहूणं मज्ज-पानगाणं संचियं साहरेइ अनुसमयमुच्चिड्ढगं ति अन्नया अनुदिनं साहरमाणीए तमुच्चिड्ढगं च बहु-मज्ज-पाणगे मज्जमावियमाणे पोग्गलं च समुद्धिसंते तहेव तीए मज्ज-मंसस्सोवरिं दोहलगं समुप्पन्नं जाव णं जं तं बहुमज्ज-पानगं नड-नट्ट-छत्त चारण-भडोड्ड-

चेड-तक्करा-सरिस-जातीसु मुञ्जियं खरु-सीस-पुंछ-कन्न-डिमयगयं उच्चिद्वं वल्लूरखंडं तं समुद्विसिउं समारद्धा तथा तेसु चैव उच्चिद्व-कोडियगेसुं जं किंचि नाहीए मज्झं वित्थक्के तमेवासाइउमारद्धा एवं च कइवय-दिनाइक्केमणं मज्झमंसोवरिं दढं गेही संजाया ताहे तस्सेव रस-वाणिज्जगस्स गेहाओ परिमसिऊणं किंचि-कंस-दूस-दणिय-जायं अन्नत्थ विकिणिऊणं मज्झं मंसं परिभुंजइ ताव णं विन्नायं तेन रसवाणिज्जगेणं साहियं च नरवइणो तेना वि वज्झा-समाइट्ठा तत्थ य रायउले एसो गोयमा कुल-धम्मो जहा णं जा काइ आवन्न-सत्ता नारी अवराह-दोसेणं सा जाव णं नो पसूया ताव णं नो वावायव्वा तेहिं विनिउत्त-गणिगिंतगेहिं सगेहे नेऊण पसूइ समयं जाव नियंतिया रक्खेयव्वा अहन्नया नीया तेहिं हरिएस-जाईहिं स-गेहं कालक्केमणपसूया य दारगं तं सावज्जायरिय जीवं तओ पसूयमेत्ता चैव तं बालयं उञ्जिऊण पणट्ठा मरणभयाहितत्था सा गोयमा दिसिमेक्कं गंतूणं वियाणियं च तेहिं पावेहिं जहा-पणट्ठा सा पाव-कम्मा साहियं च नरवइणो सूणाहिवइणा जहा णं देव पणट्ठा सा दुरायारा कयली-गम्भोवमं दारगमुञ्जिऊणं रन्ना वि पडिभणियं जहा णं जइ नाम सा गया ता गच्छउ तं बालयं पडिवालेज्जासु सव्वाहा तथा कायव्वं जहा तं बालगं न वावज्जे गिण्हेसु इमे पंच-सहस्सा दविण-जायस्स तओ नरवइणो संदंसेणं सुयमिव परिवालिओ सो पंसुली-तणओ अन्नया कालक्केमणं मओ सो पाव-कम्मो सणाहिवईतो रन्ना समनुजाणियं तस्सेव बालगस्स घरसारं कओ पंचण्हं सयाणं अहिवई तत्थ य सुणाहिवइ पए पइट्ठिओ समाणो ताइं तारिसाइं अकरणिज्जाइं समनुट्ठित्ताण गओ सो -

गोयमा सत्तमीए पुढवीए अपइट्ठण-नामे निरयावासे सावज्जायरिय-जीवो एवं तं तत्थ तारिसं घोर-पचंड-रोइं सुदारुणं दुक्खं तेतीसं सागरोवमे जाव कह कहवि किलेसेणं समनुभविऊणं इहागओ समाणो उववन्नो अंतरदीवे एगोरुयजाई तओ वि मरिऊणं उववन्नो तिरिय-जोणीए महिसत्ताए तत्थ य जाइं काइं वि नारग-दुक्खाइं तेसिं तु सरिस-नामाइं अनुभविऊणं छव्वीसं संवच्छराणि तओ गोयमा मओ समाणो उववन्नो मनुएसु तओ वासुदेवत्ताए सो सावज्जायरिय-जीवो तत्थ वि अहाऊयं परिवालिऊणं अनेग-संगामारंभ-परिगह-दोसेणं मरिऊणं गओ सत्तमाए तओ वि उव्वट्ठिऊणं सुइर-कालओ उववन्नो गय-कन्नो नाम मनुय-जाई तओ वि कुणिमाहार-दोसेणं कूरज्झ-वसायमईगओ मरिऊणं पुणो वि सत्तमाए तेहिं चैव अपइट्ठणे निरय-वासे तओ वि उव्वट्ठिऊणं तिरिएसु महिसत्ताए तत्था वि णं नरगोवमं दुक्खमनुभवित्ता णं मओ समाणो उववन्नो बाल-विहवाए पंसुलीए माहण-धूयाए कुच्छिसि अहन्नया निउत्त-पच्छन्न-गम्भ-साडण-पाडणे खार-चुन्नजोगदोसेणं अनेगवाहि-वेयणा-परिगय-सरीरो सिडिहिंडंत-कुडु-वाहिए परिगल-माणो सलसलित-किमिजालेणं खजंतो नीहरिओ नरओवमं घोर-दुक्ख-निवासो गम्भवासाओ गोयमा सो सावज्जायरियजीवो तओ सव्व-लोहेहिं निंदिज्जमाणो गरहिज्जमाणो खिसिज्जमाणो दुगुंछिज्जमाणो सव्व-लोअपरिभूओ पान-खाण-भोगोवभोग-परिवज्जो गम्भवास-पभित्तीए चैव विचित्तसारीर-मानसिग-घोर-दुक्ख-संतत्तो सत्त-संवच्छरसयाइं दो मासे य चउरो दिने य जावज्जीविऊणं मतो समाणो उववन्नो वाणमंतरेसुं तओ चुओ उववन्नो मनुएसुं -

पुणो वि सूणाहिवइत्ताए तओ वि तक्कम्मदोसेणं सत्तमाए तओ वि उव्वट्ठेऊणं उववन्नो तिरिएसुं चक्कियघरंसि गोणत्ताए तत्थ य चक्क-सगड-लंगलायट्ठणेणं अहन्निसं जूवारोवणेणं पच्चिऊणं

कुहियाउव्वियं खंधं सम्मुच्छिणं य किमी ताहे अक्खमीहूयं खंधं-जूव-धरणस्स विन्नाय पट्टीए वाहिउमारद्धो तेनं चक्किएणं अहन्त्या कालक्कमेणं जहा खंधं तहा पच्चिऊण कुहिया पट्टी तत्या वि सम्मुच्छिणं किमी सडिऊण विगयं च पट्टि-चम्मं ता अकिंचियरं निष्पओयणं ति नाऊणं मोक्कलियं गोयमा तेनं चक्किएणं तं सलसलित-किमि जालेहिं णं खज्जमाणं बड्लसा-वज्जायरिय-जीव तओ मोक्कल्लिओ समाणो परिसडिय-पट्टि-चम्मो बहु काय-साण-किमि-कुलेहिं सबज्जब्भंतरे विलुप्पमाणो एकूनतीसं संवच्छराइं जावाहाउगं परिवालेऊण मओ समाणो उववन्नो अनेग-वाहि-वेयणा-परिगय-सरीरो मनुएसुं महाधनस्स णं इब्भ-गेहे तत्थ वमन-विरेयन-खार-कडु-तित्त-कसाय-तिहला-मुग्गुल-काढगे आवीयमाणस्स निच्च-विसोसणाहिं च असज्झाणुवसम्म-घोर-दारुण-दुक्खेहिं पज्जालियस्सेव गोयमा गओ निष्फलो तस्स मनुयजम्मो एवं च गोयमा सो सावज्जायरिय-जीवो चोद्दस-रज्जुयलोगं जम्मण-मरणेहिं णं निरंतरं पडिजरिऊणं सुदीहनंतकालाओ समुप्पन्नो मनुयरत्ताए अवरविदेहे तत्थ य भाग-वसेणं लोगामुवत्तीए गओ -

तित्थयरस्स वंदन-वतियाए पडिबुद्धो य पव्वइओ सिद्धो य इह तेवीसइम-तित्थयरस्स पासनामस्स काले एयं तं गोयमा सावज्जायरिएणं पावियं ति से भयवं किं पच्चइयं तेनानुभूयं एरिसं दूसहं घोर-दारुणं महादुक्ख-सन्निवाय-संघट्टमेत्तियकालं ति गोयमा जं भणियं तक्काल-समयम्भि जहा णं उस्सग्गाववाएहिं आगमो ठिओ एगंतो मिच्छत्तं जिणाण आणा अनेगंतो ति एय-वयणपच्चइयं से भयवं किं उस्सग्गाववाएहिं णं नो ठियं आगमं एगंतं च पत्रविज्जइ गोयमा उस्सवाववाएहिं चेव पवयणं ठियं अनेगंतं च पत्रविज्जइ नो णं एगंतं नवरं आउक्काय-परिभोगं तेउ-कायसमारंभं मेहुणासेवणं च एते तओ धाणंतरे एगंतेनं निच्छयओ बाढ सव्वहा सव्व-पयारेहिं णं आयहियट्ठीणं निसिद्धं ति एत्थं च सुत्ताइक्कमे संमग्ग-विष्णणासणं उम्मग्ग-पयरिसणं तओय आणा-भंगं आणा-भंगाओ अनंत संसारी से भयवं किं ते णं सावज्जायरिएणं मेहुणमासेवियं गायमा सेवियासेवियं नो सेवियं नो असेवियं से भयवं केणं अट्टेणं एवं वुच्चइ गोयमा जं तीए अज्जाए तक्कालं उत्तिमंणेणं पाए फरिसिए फरिसिज्जमाणे य नो तेन आउटिउं संवरिए एएणं अट्टेणं गोयमा वुच्चइ से भयवं एद्दए-मेत्तस्स वि णं एरिसे घोरे दुव्विमोक्खे बद्ध-पुट्ट-निकाइए कम्म-बंधे गोयमा एवमेयं न अनह त्ति से भयवं तेन तित्थयरनाम-कम्मगोमं आसंकलियं एगभवावसेसीकओ आसी भवोयहि ता किमेयमनंत-संसाराहिडंणं ति गोयमा नियय-पमाय-दोसेणं तम्हा एयं वियाणित्ता भवविरहमिच्छमाणेणं गोयमा सुद्धि-समय-सारेणं गच्छाहिवइणा सव्वहा सव्व-पयारेहिं णं सव्वत्थामेसु अच्चत्तं अप्पमत्तेणं भवियव्वं ति बेमि ।

अध्ययन-५-समाप्तम्

अध्ययन-६- "गीतार्थविहार"

मू. (८४५) भगवं जो रत्ति-जियहंसिद्धंतं पढई सुणे वक्खाणे चिंतए सततं सो किं अनायारमायारे सिद्धंत-गयमेगं पि अक्खरं जो वियाणई सो गोयम मरणंते वी अनायारं नो समायरे ।

मू. (८४६) भयवं ता कीस दस-पुव्वी नंदिसेन-महायसे पव्वजे चेच्चा गणिकाए गेहं पविट्ठो पमुच्चइ (गोयमा)

- मू. (८४७) तस्स पवट्ठं मे भोगऽहलं खलिय-कारणं ।
भव-भय-भीओ तथा वि दुयं सो पव्वज्जमुवागओ ॥
- मू. (८४८) पायालं अवि उट्ठमुहं सग्गं होज्जा अहो-मुहं ।
नो उणो केवलि-पन्नत्तं वयणं अन्नहा भवे ॥
- मू. (८४९) अन्नं सो बहूवाए वा सुय-निबद्धे वियारिउं ।
गुरुणो पामूले मोत्तूणं लिगं निव्विसओ गओ ॥
- मू. (८५०) तमेव वयणं सरमाणो दंत-भग्गो स-कम्पुणा ।
भोगहलं कम्मं वेदेइ बद्ध-पुट्ट-निकाइयं ॥
- मू. (८५१) भयवं ते केरिसोवाए सुय-निबद्धे वियारिए ।
जेणज्जिऊणं सामन्नं अज्ज वि पाने धरेइ सो ॥
- मू. (८५२) एते ते गोयमोवाए केवलीहिं पवेइए ।
जहा विसय-पराभूओ सरेज्जा सुत्तमिमं मुनी (तं जहा-) ॥
- मू. (८५३) तवमट्ठगुणं घोरं आढवेज्जा सुदुक्करं ।
जया विसए उदिज्जति पडनासण-विसं पिबे ॥
- मू. (८५४) काउं बंधिऊण मरियव्वं नो चरित्तं विराहए ।
अह एयाइं न सक्किज्जा ता गुरुणो लिगं समप्पिया ॥
- मू. (८५५) विदेसे जत्थ नागच्छे पउत्ती तत्थ गंतूण ।
अनुव्वयं पालेज्जा नो णं भविया निद्धंघसे ॥
- मू. (८५६) ता गोयम नंदिसेनेनं गिरि-पडणं जाव पत्थुयं ॥
ताव आयासे इमा वाणी पडिओ वि नो मरिज्ज तं ॥
- मू. (८५७) दिसा-मुहाइं जा जोए ता पेच्छे चारणं-मुनि ।
अकाले नत्थि ते मच्चू विसमवि स मादितुं गओ ॥
- मू. (८५८) ताहे वि अन-हियासेहिं विसएहिं जाव पीडिओ ।
ताव चिंता समुप्पत्रा जहा किं जीविएण मे ॥
- मू. (८५९) कुंदेंदु-निम्मलय-रागं तित्थं पावमती अहं ।
उड्डाहेंतो य सुज्जिस्सं कत्थं गंतुमनारिओ ॥
- मू. (८६०) अहवा स-लंछणो चंदो कुंदस्स उन का पहा ।
कलि-कलुस-मल-कलंकेहिं वज्जियं जिन-सासनं ॥
- मू. (८६१) ता एयं सयल-दालिह-दुह-किलेस-क्खयंकरं ।
पवयणं खिसावित्तो कत्थ गंतूणं सुज्जिहं ॥
- मू. (८६२) दुग्गट्ठकं गिरि रोढुं अत्ताण चुत्तिमो धुवं ।
जाव विसय-वसेनाहं किंचिऽत्थुड्डाहं करं ॥
- मू. (८६३) एवं पुणो वि आरोढुं ढंक्कुच्छिन्नं गिरीयडं ।
संवरे किल निरागारं गयणे पुनरवि भाणियं ॥

- मू. (८६४) अयाले नत्थि ते मच्चू चरिमं तुज्झ इमं तणुं ।
ता बद्ध-पुट्टं भोगहलं वेइत्ता संजमं कुरु ॥
- मू. (८६५) एवं तु जाव बे वारा चारण-समणेहिं सेहिओ ॥ ॥
ताहे गंतूणं सो लिंगं गुरु-पामूले निवेदिउं
- मू. (८६६) तं सुत्तत्थं सरेमाणो दूरं देसंतरं गओ ।
तत्थाहार-निमित्तेणं वेसाए घरमागओ ॥
- मू. (८६७) धम्म-लाभं जा भणइ अत्थ-लाभं विमग्गिओ ।
तेना वि सिद्धि-जुत्तेणं एवं भवउ त्ति भाणियं ॥
- मू. (८६८) अद्ध-तेरस-कोडीओ दविण-जायस्स जा तहिं ।
हिरन्न-वुट्ठि दावेउं मंदिरा पडिगच्छइ ॥
- मू. (८६९) उत्तुंग-थोर-थणवट्टा गणिया आलिंगिउं दढं ।
भन्ने किं जासिमं दविणं अविहीए दाउं चुल्लुगा ॥
- मू. (८७०) तेन वि भवियव्वयं एयं कलिऊणेयं पभाणियं ।
जहा-जहा ते विही इट्ठा तीए दव्वं पयच्छसु ॥
- मू. (८७१) गहिऊनाभिग्गहं ताहेपविट्ठो तीएमंदिरं ।
एयं जहा न ताव अहयं न भोयन-पान-विहिं करे ॥
- मू. (८७२) दस-दस न बोहिएजाव दियहे अनूनगे ।
पइन्ना जा न पुत्तेसा काइय-सोक्खं न ता करे ॥
- मू. (८७३) अन्नं च-न मे दायव्वा पव्वज्जोवट्ठिस्स वि ।
जारिसगं तु गुरुलिंगं भवे सीसं पि तारिसं ॥
- मू. (८७४) अक्खीणत्थं निही-काउं लुंचिओ खोसिओ वि सो ।
तहाराहिओ गणिगाए बद्धो जह पेम-पासेहिं ॥
- मू. (८७५) आलावाओ पणओ पणयाओ रती रतीए वीसंभो ।
वीसंभाओ नेहो पंचविहं वट्ठे पेम्मं ॥ ॥
- मू. (८७६) एवं सो पेम्म-पासेहिं बद्धो वि सावगत्तणं
जहोवइइं करेमाणो दस अहिए वा दिने दिने
- मू. (८७७) पडिबोहिऊणं संविग्गे गुरु पामूलं पवेसई ॥
संपयं बोहिओ सो वि दुम्महेण जहा तुमं ॥
- मू. (८७८) धम्मं लोगस्स साहेसि अत्त-कज्जमि मुज्झसि ।
नूनं विक्केनुयं धम्मं जं सयं नानुचेट्ठसि ॥
- मू. (८७९) एवं सो वयणं सोच्चा दुम्महुस्स सुभासियं ।
थरथरस्स कंपंतो निदिउं गरहिउं चिरं ॥
- मू. (८८०) हा हा हा अकज्जं मे भट्ट-सीलेन किं कयं ॥
जेणं तु मुत्तोऽघसरे गुंडिओऽसुइ किमी जहा ॥

- मू. (८८१) धी धी धी अहन्नेणं पेच्छ जं मेऽनुचिद्विय ।
जच्च-कंचन-समऽत्ताणं असुइ-सरिसं मए कयं ॥
- मू. (८८२) खण-भंगुरस्स देहस्स जा विवती णं मे भवे ।
ता तित्थयरस्स पामूलं पायच्छित्तं चरामिऽहं ॥
- मू. (८८३) एस मा-गच्छती एत्थं चिद्वंताणेव गोयमा ।
घोरं चरिऊणं पच्छित्तं संविग्गोऽम्हेहिं भासिउं ॥
- मू. (८८४) घोर-वीर-तवं काउं असुहं-कम्मं खवेत्तु य ।
सुक्कज्जाणे समारुहिउं केवलं पप्प सिज्जिही ॥
- मू. (८८५) ता गोयममेय-नाएणं बहु-उवाए वियारिया ।
लिं गुरुस्स अप्पेउं नंदिसेनेनं जहा कयं ॥
- मू. (८८६) उस्सग्गं ता तुमं बुज्ज सिद्धंतेयं जहद्वियं ।
तवंतरा उदयं तस्स महंतं आसि गोयमा ॥
- मू. (८८७) तहा वि जा विसए उइन्ने तवे घोरं महातवं ।
अट्ट-गुण तेनमनुचित्रं तो वी विसए न निज्जिए ॥
- मू. (८८८) ताहे विस-भक्खणं पडणं अनसनं तेन इच्छियं ।
एयं पि चारण-समणेहिं बे वारा जाव सेहिओ ॥
- मू. (८८९) ताव य गुरुस्स रयहरणं अप्पियन्नं देसंतरं गओ ॥
एते ते गोयमोवाए सुय-निबद्धे वियाणिए ॥
- मू. (८९०) जाव गुरुणो न रयहरणं पव्वज्जा य न अल्लिया ।
तावाकज्जं न कायव्वं लिं गमवि जि न-देसियं ॥
- मू. (८९१) अन्नत्थं न उज्जियव्वं गुरुणो मोत्तूणं अंजलि ।
जइ सो उवसासिउं सक्को गुरु ता उवसासइ ॥
- मू. (८९२) अह अन्नो उवसासिउं सक्को तो वि तस्स कहिज्जइ ।
गुरुणा वि य तं न अन्नस्स गिरावेयव्वं कयाइ वि ॥
- मू. (८९३) जो भविया वीइय परमत्थे-जग-द्विय-वियाणगो ।
एयाइं तु पयाइं जो गोयमा णं विडंबए ॥
- मू. (८९४) माया-पवंच-दंभेणं सो भमिही आसडो जहा ।
भयवं न याणिमो को वि माया सीलो हु य आसडो ॥
- मू. (८९५) किंवा निमित्तमुवयरिउं सो भमे बहु-दुहडिओ ।
चरिमस्सन्नस्स तित्थम्मि गोयमा कंचन-च्छवी ॥
- मू. (८९६) आयिओ आसि भूइक्खो तस्स सीसो स आसडो ।
महव्वयाइं घेत्तूणं अह सुत्तत्थं अहिज्जिया ॥
- मू. (८९७) ताव कोऊहलं जायं नो णं विसएहिं पीडिओ ।
चित्तेइ य जह सिद्धंते एरिसो दंसिओ विही ॥

- मू. (८९८) ता तस्स पमाणेणं गुरुयणं रंजितं दढं ।
तवं चऽट्टगुणं काउं पडणाणसरणं विसं ॥
- मू. (८९९) करेहामि जहाऽहं पी देवयाए निवारिओ ।
दीहाऊ नत्थि ते मच्चू भोगे भुंज जहिच्छिए ॥
- मू. (९००) लिंगं गुरुस्स अप्पेउं अनं देसतरं वय ।
भोगहलं वेइया पच्छा घोर वीर-तलवं चर ॥
- मू. (९०१) अहवा हा हा अहं मूढो आयसल्लेण सल्लिओ ।
समणाणं नेरिसं जुत्तं समयमवी मनसि धारितं ॥
- मू. (९०२) एत्था उ मे पच्छित्तं आलोएत्ता लहुं चरे ।
अहवा णं न आलोउं मायावी भन्निमो पुणो ॥
- मू. (९०३) ता दस वासे आयामं मास-खमणस्स पारणे ।
वीसयंबिलमादीहिं दो दो मासाण पारणे ॥
- मू. (९०४) पणवीसं वासे तत्थ चंदायण-तवेण य ।
छट्टट्टम-दसमाइं अट्ट वासे यनूनगे ॥
- मू. (९०५) मह-घोरेरिस पच्छित्तं सयमेवेत्थानुच्चरं ।
गुरु-पामूलेऽवि एत्थेय पायच्छित्तं मे न अगगलं ॥
- मू. (९०६) अहवा तित्थयरेणेस किमडं वाइओ विही ।
जेणेयं अहीयमाणोऽहं पायच्छित्तस्स मेलिओ ॥
- मू. (९०७) सो द्विय जाणेज्जा सव्वन्नू पच्छित्तं अनुचरामहं ।
जमेत्थं दुट्टु चिंतिययं तस्स मिच्छामि दुक्कडं ॥
- मू. (९०८) एवं तं कट्टं घोरं पायच्छित्तं सयं-मती ।
काऊणं पि ससल्लो सो वानमंतरायं गओ ॥
- मू. (९०९) हेट्ठिमोवरिम-गेवेय-विमाने तेनं गोयमा ।
वयंतो आलोएत्ता जइ तं पच्छित्तं कुव्विया ॥

नोंधः- अमारा आगम सुत्ताणिभां आ क्कमांक्कमां भूल थए छे तेथी “आगमदीप” अने आगम सुत्ताणि-सटीकं भंने संपुटोभां आ भुलवाणुं क्कमांक्कन थालु राभेले छे.

- मू. (१०००) वाणमंतर-देवत्ता चइऊणं गोयमासडो ।
रासहत्ताए तेरिच्छेसुं नरिद-घरमागओ ॥
- मू. (१००१) निच्चं तत्थ वडवाणं संघट्टण-दोसा तहिं ।
वसणे वाही समुप्पन्ना किमी एत्थ समुच्छिए ॥
- मू. (१००२) तओ किमिएहि खजंतो वसन-देसम्भि गोयमा ।
मुक्काहारो खिइं लेढे वियनत्तो ताव साहुणो ॥
- मू. (१००३) अदूरेण पवोलिते दड्डुणं जाइण सरेत्तु य ।
निंदितं गरहिंउं आया अनसनं पडिवज्जिया ॥

- मू. (१००४) काग-साणेहिं खजंतो सुद्ध-भावेण गोयमा ।
अरहंताण ति सरमाणो सम्मं उज्झियं तनूं ॥
- मू. (१००५) कालं काऊण देविंद-महाघोस-समाणिओ ।
जाओ ति दिव्वं इह्तिं समनुभोत्तुं तओ चुओ ॥
- मू. (१००६) उववन्नो वेसत्ताए जा सा नियडी न पयडिया ।
तओ वि मरिऊणं बहू अंत-पंत-कुलेऽडिआल्ल ॥
- मू. (१००७) कालक्कमेण महराए सिवइंदस्स दियाइणो ।
सुओ होऊण पडिबुद्धो सामन्नं काउं निव्वुडो ॥
- मू. (१००८) एयं तं गोयमा सिद्धं नियडी-पुंजं तु आसडं ।
जे य सव्वन्नु-मुह-भणिए वयणे मनसा विडंभिए ॥
- मू. (१००९) कौऊहलेण विसयाणं न उणं विसएहिं पीडिओ ।
सच्छंद-पायच्छित्तेण भमियं भव-परंपरं ॥
- मू. (१०१०) एयं नाउणमेक्कं पि सिद्धंतिगमालावगं ।
जाणमाणे हु उम्मगं कुज्जा जे से वियाणिही ॥
- मू. (१०११) जो पुन सव्व-सुयन्नाणं अट्ठं वा धेयवं पि वा ।
नच्चा वएज्जा मग्गेणं तस्स अही न वज्झती ॥
एवं नाऊण मनसा वि उम्मगं नो पवत्तए-त्ति बेमी ॥
- मू. (१०१२) भयवं अकिच्चं काऊणं पच्छित्तं जो करेज्ज वा ।
तस्स लड्डयरं पुरओ जं अकिच्चं न कुव्वए ॥
- मू. (१०१३) ताऽजुत्तं गोयमिणमो वयणं मनसा वि धारियउं ।
जहा काउमकत्तव्वं पच्छित्तेणं तु सुज्झिहं ॥
- मू. (१०१४) जो एयं वयणं सोच्चा सद्धे अनुचरेइ वा ।
भट्टसीलाण सव्वेसिं सत्थवाहो स गोयमा ॥
- मू. (१०१५) एसो काउं पि पच्छित्तं पान-संदेह-कारयं ।
आणा-अवराह-पदीव-सिहं पविसे सलभो जहा ॥
- मू. (१०१६) भगवं जो बलविरियं पुरिसयार-परक्कमं ।
अनिगूहंतो तवं चरइ पच्छित्तं तस्स किं भवे ॥
- मू. (१०१७) तस्सेयं होइ पच्छित्तं असढ-भावस्स गोयमा ।
जो तं थामं वियाणित्ता वेरि-सेन्नमवेक्खिया ॥
- मू. (१०१८) जो बलं वीरियं सत्तं पुरिसयारं निगूहए ।
सो सपच्छित्त अपच्छित्तो सढ-सीलो नराहमो ॥
- मू. (१०१९) नीया-गोत्तं दुहं घोरं नरए उक्कोसिय-ड्ढिति ।
वेदित्तो तिरिय-जोनीए हिंडेज्जा चउगईए सो ॥
- मू. (१०२०) से भगवं पावयं कम्मं परं वेइय समुद्धरे ॥

- अननुभूएण नो मोक्खं पायच्छित्तेणं किं तहिं ॥
 मू. (१०२१) गोयमा वास-कोडीहिं जं अनेगाहिं संचियं ।
 तं पच्छित्त-रवी-पुट्टं पावं तुहिणं व विलीयई ॥
- मू. (१०२२) घनघोरंधयारतमतिमिस्स जहा सूरस्स गोयमा ।
 पायच्छित्त-रविस्सेवं पाव-कम्मं पनस्सए ॥
- मू. (१०२३) नवरं जइ तं पच्छित्तं जह भणियं तह समुच्चरे ।
 असढ-भावो अनिगूहिय-बल-विरिय-पुरिसायार-परक्कमे ॥
- मू. (१०२४) अन्नं च-काउ पच्छित्तं सव्वं थेवं नमुच्चरे ।
 जो दरुद्धियसल्लोच्चे सो दिहं चाउग्गइयं अडुल्ल ॥
- मू. (१०२५) भयवं कस्सालोएज्जा पच्छित्तं को वदेज्ज वा ।
 कस्स व पच्छित्तं देज्जा आलोयावेज्ज वा कहं ॥
- मू. (१०२६) गोयमाऽऽलोयणं ताव केवलीणं बहूसुं वि ।
 जोयण-सएहिं गंतूणं सुद्धभावेहिं दिज्जए ॥
- मू. (१०२७) चउनाणीणं तयाभावे एवं ओहि-मई-सुए ।
 जस्स विमलयरे तस्स तारतम्भेण दिज्जई ॥
- मू. (१०२८) उस्सग्गं पन्नवेतस्स ऊसग्गे पड्डियस्स य ।
 उस्सग्ग-रुइणो चेव सव्व-भावंतरेहि णं ॥
- मू. (१०२९) उवसंतस्स दंतस्स संजयस्स तवस्सिणो ।
 समिती-गुत्ति-पहाणस्स दढ-चारित्तस्सासढभाविणो ॥
- मू. (१०३०) आलोएज्जा पडिच्छेज्जा देज्जा दविज्ज वा परं ।
 अहन्निंसं तदुद्धिदं पायच्छित्तं अनुच्चरे ॥
- मू. (१०३१) से भयवं केत्तियं तस्स पच्छित्तं हवइ निच्छियं ।
 पायच्छित्तस्स ठाणाइं केवतियाइं कहैहि मे ॥
- मू. (१०३२) गोयमा जं सुसीलाणं समणाणं दसण्हं उ ।
 खलियागय-पच्छित्तं संजइ तं नवगुणं ॥
- मू. (१०३३) एक्का पावेइ पच्छित्तं जइ सुसीला दढ-व्वया ।
 अह सीलं विराहेज्जा ता तं हवइ सयगुणं ॥
- मू. (१०३४) तीए पंचिदिया जीवा जोनी-मज्झ-निवासिणो
 सामन्नं नव लक्खाइं सव्वे पासंति केवली
 केवल-नाणस्स ते गम्मा नोऽकेवली ताइं पालती ।
- मू. (१०३५) ओहीनाणी वियाणेए नो पासे मनपज्जवी ॥
 ते पुरिसं संघट्टेती कोल्लुगाम्मि तिले जहा ।
 सव्वे मुम्मुरावेइ रत्तुम्मत्ता अहत्रिया ॥
- मू. (१०३६) चक्कमंती य गाढाइं काइयं वोसिरंति या ।

- वावइजा उ दो तिन्नि सेसाइं परियावई ॥
 मू. (१०३८) पायच्छित्तस्स ठाणाइं संखाइयाइं गोयमा ।
 अनालोयंतो हु एक्कं पि ससल्लमरणं मरे ॥
 मू. (१०३९) सयसहस्स नारीणं पोइं फालेत्त निगितइ ।
 सत्तइमासिए गब्भे चडफडंते निगितइ ॥
 मू. (१०४०) जं तस्स जेतियं पावं तेत्तियं तं नवं गुणं ।
 एक्कसित्थी पसंगेणं साहू बंधिज्ज मेहुणा ॥
 मू. (१०४१) साहुणीए सहस्सगुणं मेहुणेक्कसिं सेविए ।
 कोडिगुणं तु बिइजेणं तइए बोही पनस्सई ॥
 मू. (१०४२) एयं नाऊण जो साहू इत्थियं रामेहिई ।
 बोहिलाभा परिब्भट्ठो कहं वरा सोहिइ ॥
 मू. (१०४३) अबोहिल्लभियं कम्मं संजओ अह संजई ।
 मेहुणे सेविए आऊ-तेउक्काए पबंधई ॥
 मू. (१०४४) जन्हा तीसु वि एएसु अवरज्जंतो हु गोयमा ।
 उम्मग्गमेव वद्धारे मग्गं निट्टवइ सव्वहा ॥
 मू. (१०४५) ते सरीरं सहत्थेणं छिंदिऊणं तिलं तिलं ।
 मू. (१०४६) अग्गिए जइ वि होमंति तो वि सुद्धी न दीसइ ॥
 मू. (१०४७) तारिसो वि निवित्ति सो परदारस्स जई करे ।
 सावग-धम्मं च पालेइ गइ पावेइ मज्झिमं ॥
 मू. (१०४८) भयवं सदार-संतोसे जइ भवे मज्झिमं गइं ।
 ता सरीरे वि होमंतो कीस सुद्धिं न पावई ॥
 मू. (१०४९) सदारं परदारं वा इत्थी पुरीसो च्च गोयमा ।
 रमंतो बंधए पावं नो णं भवइ अबंधगो ॥
 मू. (१०५०) सावग-धम्मं जहुत्तं जो पाले पर-दारं चए ।
 जावज्जीवं तिविहेणं तमनुभावेन सा गई ॥
 मू. (१०५१) नवरं नियम-विहूणस्स परदार-गमनस्स उ ।
 अनियत्तस्स भवे बंधं निवत्तिए महाफलं ॥
 मू. (१०५२) सुथेवाणं पि निवित्ति जो मनसा वि य विराहए ।
 सो मओ दोग्गइं गच्छे मेघमाला जहज्जिया ॥
 मू. (१०५३) मेघमालज्जियं नाहं जाणिमो भुवन-बंधवा ।
 मनसावि अनुनिवित्ति जा खंडियं दोग्गइं गया ॥
 मू. (१०५४) वासुपुज्जस्स तित्थम्मि भोला कालगच्छवी ।
 अन्नओ नत्थि नीसारं मंदिरोवारि संठिया ॥
 मू. (१०५५) सा नियममागास-पक्खंदा काउं भिक्खाए निग्गया ।

- मू. (१०५६) अन्नओ नत्थि नीसारं मंदरीवरि संठिया ॥
आसत्रं मंदिरं अन्नं लंघिता गंतमिच्छुगा ।
मनसाभिनंदेव जा ताव पज्जलिया दुवे ॥
- मू. (१०५७) नियम-भंगं तय सुहुमं तीए तत्थ न निदियं ।
तं नियम-भंग-दोसेणं डज्जेत्ता पढमियं गया ॥
- मू. (१०५८) एयं नाउं सुहुमं पि नियमं मा विराहिह ।
जे छिज्जा अक्खयं सोक्खं अनंतं च अनोवमं ॥
- मू. (१०५९) तव-संजमे वएसुं च नियमो दंड-नायगो ।
तमेव खंडेमाणस्स न वए नो व संजमे ॥
- मू. (१०६०) आजम्पेणं तु जं पावं बंधेज्जा मच्छबंधगो ।
वय-भंग-काउमाणस्स तं चेवड्डुगुणं मुणे ॥
- मू. (१०६१) सय-सहस्स-स-लद्धीए जोवसामित्तुं निक्खमे ।
वयं नियममखंडंतो जं सो तं पुन्नमज्जिने ॥
- मू. (१०६२) पवित्ता य निवित्ता य गारत्थी संजमे तवे ।
जमनुट्टिया तयं लाभं जाव दिक्खा न गिण्हिया ॥
- मू. (१०६३) साहु-साहुणी-वग्गेणं विन्नायव्वमिह गोयमा ।
जेसिं मोत्तूण ऊसासं नीसासं नानुजाणियं ॥
- मू. (१०६४) तमवि जयणाए अनुन्नायं वि जयणाए न सव्वहा ।
अजयणाए ऊससंतस्स कओ धम्मो कओ तवो ॥
- मू. (१०६५) भयवं जावइयं दिट्ठं तावइयं कहणपालिया ।
जे भवे अवीय-परमत्थे किच्चाकिच्चमयाणगे ॥
- मू. (१०६६) एगंतेन हियं वयणं गोयमा दिस्संती केवली ।
नो बलमोडीए कारेति हत्थे धेत्तूण जंतुणो ॥
- मू. (१०६७) तित्थयर-भासिए वयणे जे तह ति अनुपालिया ।
सिंदा देव-गणा तस्स पाए पणमंति हरिसिया ॥
- मू. (१०६८) जे अविइय परमत्थे किच्चाकिच्चमजाणगे ।
अंधो अंधी एतेसिं समं जल-थलं गड्डु-टिक्कुरं ॥
- मू. (१०६९) गीयत्थे य विहारो बीओ गीयत्थे-मीसओ ।
समनुन्नाओ सुसाहूणं नत्थि तइयं वियप्पणं ॥
- मू. (१०७०) गीयत्थे जे सुसंविग्गे अनालसी दढव्वएए ।
अखलिय-चारित्ते सययं राग-दोस-विवज्जिए ॥
- मू. (१०७१) निट्ठविय अट्टमय-ट्ठाणे समिय-कसाए जिइंदिए ।
विहरेज्जा तेसिं सद्धि तु ते छउमत्थे वि केवली ॥
- मू. (१०७२) सुहुमस्स पुढवि-जीवस्स जत्थेगस्स किलामणा ।

- अप्पारंभं तयं बेति गोयमा सव्व-केवली ॥
 मू. (१०७३) सुहुमस्स पुढवि-जीवस्स वावती जत्थ संभवे ।
 महारंभं तयं बेति गोयमा सव्वे वि केवली ॥
- मू. (१०७४) पुढवि-काइय एक्कं दरमलेतस्स गोयमा ।
 असाय-कम्म-बंधो हु दुव्विमोक्खे ससल्लिए ॥
- मू. (१०७५) एवं च आऊ-तेऊ-वाऊ-तह वणस्सती ।
 तसकाय-मेहुणे तह य चिक्कणं चिणइ पावगं ॥
- मू. (१०७६) तम्हा मेहुण-संकप्पं पुढवादीण विराधनं ।
 जावजीवं दुरंत-फलं तिविहं तिविहेण वज्जए ॥
- मू. (१०७७) ता जे अविदिय-परमत्थे गोयमा नो य जे मुणे ।
 तम्हा ते विवज्जेज्जा दोग्गई-पंथ-दायगे ॥
- मू. (१०७८) गीयत्थस्स उ वयणेणं विसं हलाहलं पि वा ।
 निव्विकप्पो पभक्खेज्जा तक्खणा जं समुद्दवे ॥
- मू. (१०७९) परमत्थओ विसं तोसं अमररसायणं खु तं ।
 निव्विकप्पं न संसारे मओ वि सो अमयस्समो ॥
- मू. (१०८०) अगियत्थस्स वयणेणं अमं पि न घोट्टए ।
 जेन अयरामरे हविया जह किलाणो मरिज्जिया ॥
- मू. (१०८१) परमत्थओ न तं अमयं विसं तं हलाहलं ।
 न तेन अयरामरो होज्जा तक्खणा निहणं वए ॥
- मू. (१०८२) अगीयत्थ-कुसीलेहिं संगं तिविहेणं वज्जए ।
 मोक्ख-मग्गस्सिमे विग्घे पहम्मी तेनगे जहा ॥
- मू. (१०८३) पज्जलियं हुयवहं दट्टुं नीसंको तत्थ पविसिउं ।
 अत्ताणं पि डहेज्जासि नो कुसीलं समल्लिए ॥
- मू. (१०८४) वास-लक्खं पि सूलीए संभिन्नो अच्छिया सुहं ।
 अगीयत्थेणं समं एक्कं खणद्धं पि न संवसे ॥
- मू. (१०८५) विणा वि तंत-मंतेहिं घोर-दिट्ठीविसं अहिं ।
 डसंतं पि समल्लीया नागीयत्थं कुसीलाइमं ॥
- मू. (१०८६) विसं खाएज्ज हलाहलं तं किर मारेइ तक्खाणं ।
 न करेऽगयेत्थ-संसग्गि विट्ठवे लक्खं पि जइ तहिं ॥
- मू. (१०८७) सीहं वग्घं पिसायं वा घोर-रूवं भयंकरं ।
 उगिलमाणं पि लीएज्जा न कुसीलमगीयत्थं तथा ॥
- मू. (१०८८) सत्तजम्मंतरं सत्तुं अवि मन्नेज्जा सहोयरं ।
 वय-नियमं जो विराहेज्जा जनयं पिक्खे तयं रिउं ॥
- मू. (१०८९) वरं पविट्ठो जलियं हुयासणं न या वि नियमं सुहुमं विराहियं ।

वरं हि मद्भू सुविसुद्ध-कम्पुणो न यावि नियमं भंतूण जीवियं॥

- मू. (१०९०) अगीयत्थत्तदोसेणं गोयमा ईसरेण उ।
जं पत्तं तं निसामित्ता लहुं गीयत्थो मुनी भवे ॥
- मू. (१०९१) से भयवं नो वियाणेहं ईसरो को वि मुनिवरो।
किं वा अगीयत्थ-दोसेणं पत्तं देणं कहेहि णे ॥
- मू. (१०९२) चउवीसिगाए अन्नाए एत्थ भरहम्मि गोयमा ।
पढमे तित्थंकरे जइया विही-पुव्वेण निव्वुडे ॥
- मू. (१०९३) तइया नेव्वाण-महिमाए कंत-रूवे सुरासुरे ।
निवयंते उप्पयंते दड्ढं पच्चंतवासिओ ॥
- मू. (१०९४) अहो अच्छेरयं अज्जं मच्चलोयम्मि पेच्छिओ ।
न इंदजालं सुमिणं वा वि दिट्ठं कत्थई पुणो ॥
- मू. (१०९५) एवं वीहाऽपोहाए पुव्वं जातिं सरित्तु सो।
मोहं गंतूण खणमेक्कं मारुया ऽऽसासिओ पुणो ॥
- मू. (१०९६) धर-धर-धरस्स कंपतो निदिउं गरहिउं चिरं ।
अत्ताणं गोयमा धणियं सामन्नं गहिउमुज्जओ ॥
- मू. (१०९७) अह पंचमुट्ठियं लोयं जावाऽऽढवइ महायसो ।
सविनयं देवया तस्स रयहरणं ताव ढोयई ॥
- मू. (१०९८) उगं कट्ठं तवच्चरणं तस्स दड्ढूण ईसरो ।
लोओ पूयं करेमाणो जाव उ गंतूण पुच्छई ॥
- मू. (१०९९) केणं तं दक्खिओ कत्थ उप्पन्नो को कुलो तव ।
सुत्तत्थं कस्स पामूले सासियं हो समज्जियं ॥
- मू. (११००) सो पच्चोगबुद्धो वा सव्वं तस्स वि वागरे ।
जाई कुलं दिक्खा सुत्तं अत्थ जह य समज्जियं ॥
- मू. (११०१) तं सोऊण अहन्नो सो इमं चिंतेइ गोयमा ।
अलिय अनारिओ एस लोगं दंभेण परिमुसे ॥
- मू. (११०२) ता जारिसमेस भासेइ तारिसं सो वि जिनवरो ।
न किंचेत्थ वियारेण तुण्हक्के ई वरं ठिए ॥
- मू. (११०३) अहवा नहि नहि सो भगवं देवदानव-पणमिओ ।
मानोगयं पि जं मज्झं तं पि छिन्नेज्जा संसयं ॥
- मू. (११०४) तावेस जो होउ सो होउ किं वियारेण एत्थ मे ।
अभिनंदामीह पव्वज्ज सव्व-दुक्ख-विमोक्खणिं ॥
- मू. (११०५) ता पडिगओ जिनिंदस्स सयासो जा तं न अक्खई ।
भुवनेसं जिनवरं तो वी गणहरं आसी य ट्ठिओ ॥
- मू. (११०६) परिनिव्वुयम्मि भगवंते धम्म-तित्थंकरे जिने ।

- जिनाभिहियं सुतत्थं गणहरो जा परवती ॥
 मू. (११०७) तावमालावगं एयं वक्खाणम्मि समागयं ।
 पुढवी काइगमेगं जो वावाए सो असंजओ ॥
- मू. (११०८) ता ईसरो विचितेइ सुहुमे पुढविकाइए ।
 सव्वत्थ उद्विजंति को ताइं रक्खिउं तरे ॥
- मू. (११०९) हलुईकरेइ अत्ताणं एत्थं एस महायसो ।
 असद्धेयं जने सयले किमट्ठेयं पवक्खई ॥
- मू. (१११०) अच्चंत-कडयडं एयं वक्खाण तस्स वी फुडं ।
 कंठसोसो परं लामे एरिसं कोऽनुचिड्डइ ॥
- मू. (११११) ता एयं विप्पमोत्तूणं सामन्नं किंचि मज्झिमं ।
 जं वा तं वा कहे धम्मं ता लोओऽन्हाणाउड्डई ॥
- मू. (१११२) अहवा हा हा अहं मूढो पाव-कम्मी नराहमो ।
 नवरं जइ नानुचिड्डामि अन्नोऽनुचेड्ढती जनो ॥
- मू. (१११३) जेणेयमनंत-नाणीहिं सव्वन्नूहि पवेदियं ।
 जो एयं अन्नहा वाएतस्स अट्ठो न बज्झइ ॥
- मू. (१११४) ताहमेयरस्स पच्छित्तं धोरमइदुक्करं चरं ।
 लहुं सिग्घं सुसिग्घयरं जावमच्चू न मे भवे ॥
- मू. (१११५) आसादना कयं पावं आसुं जेन विहुव्वती ।
 दिव्वं वास-सयं पुत्रं अह सो पच्छिथमनुचरे ॥
- मू. (१११६) तं तारिसं महा-घोरं पायच्छित्तं सयं-मती ।
 काउं पच्चेयबुद्धस्स सयासे पुणो वि गओ ॥
- मू. (१११७) तत्या वि जा सुणे वक्खाण तावऽहिगारम्मिमागयं ।
 पुढवादीणं समारंभं साहू तिविहेणं वज्जए ॥
- मू. (१११८) दढ-मूढो हुं छ जोई ता ईसरो मुक्कपूओ ।
 विचितेवं जहेत्थ जए को न ताईं समारंभे ॥
- मू. (१११९) पुढवीए ताव एसेव समासीणो वि चिड्डइ ।
 अग्गीए रद्धयं खायइ सव्वं बीय समुब्भवं ॥
- मू. (११२०) अन्नं च-विना पानेनं खणमेक्कं जीवएकहं ।
 ता किं पि तं पवक्खे स जं पच्चुयमत्थंतिथं ॥
- मू. (११२१) इमस्सेव समागच्छे न उनेयं कोइ सहहे ।
 तो चिड्डउ ताव एसेत्थं वरं सो चेव गणहरो ॥
- मू. (११२२) अहवा एसो न सो मज्झं एक्को वी भणियं करे ।
 अलिया एवंविहं धम्मं किचूद्देसेण तं पि य ॥
- मू. (११२३) साहिज्जइ जो सवे किंचि न वुण मच्चंत-कडयडं ।

- अहवा चिङ्गु तावेअहयं सयमेव वागरं ॥
 मू. (११२४) सुहं सुहेण जं धम्मं सव्वो वि अनुद्धए जनो ।
 न कालं कडयडस्सऽजं धम्मस्सिति जा विचिंतइ ॥
- मू. (११२५) घडहडेंतोऽसनी ताव निवडिओ तस्सोवरिं ।
 गोयम निहणं गओ ताहे उववन्नो सत्तमाएसो ॥
- मू. (११२६) सासण-सुय-नाण-संसग्ग-पडिणीयत्ताए ईसरो ।
 तत्थ तं दारुणं दुक्खं नरए अनुभविउं चिरं ॥
- मू. (११२७) इहागओ समुद्दम्भि महामच्छो भवेउ णं ।
 पुणो वि सत्तमाए य तेत्तीसं सागरोवमे ॥
- मू. (११२८) दुव्विसहं दारुणं दुक्खं अनुहविऊनेहागओ ।
 तिरिय-पक्खीसु उववन्नो कागत्ताए स ईसरो ॥
- मू. (११२९) तओ वि पढमियं गंतुं उव्वट्ठिता इहागओ ।
 दुद्ध-साणो भवेत्ताणं पुनरवि पढमियं गओ ॥
- मू. (११३०) उव्वट्ठिता तओ इहइं खरो होउं पुणो मओ ।
 उववन्नो रासहत्ताए छब्भव-गहणे निरंतरं ॥
- मू. (११३१) ताहे मनुस्स-जाईए समुप्पन्नो पुणो तओ ।
 उववन्नो वणयरत्ताए मानुसत्तं समागओ ॥
- मू. (११३२) तओ मरिउं समुप्पन्नो मज्जारत्तए स ईसरो ।
 पुणो वि नरयं गंतुं इह सीहत्तेण पुणो मओ ॥
- मू. (११३३) उववज्जिउं चउत्थीए सीहत्तेण पुणो विह ।
 मरिऊणं चउत्थीए गंतुं इह समायाओ ॥
- मू. (११३४) तओ वि नरयं गंतुं चक्कियत्तेण ईसरो ।
 तओ वि कुट्ठी होऊणं बहु-दुक्खऽदिओ मओ ॥
- मू. (११३५) किमिएहिं खज्जमाणस्स पन्नासं संवच्छरे ।
 जाऽकाम-निज्जरा जाय तीए दवेसुव्वज्जिओ ॥
- मू. (११३६) तओ इहइं नरीसत्तं लद्धूणं सत्तमि गओ ।
 एवं नरय-तिरिच्छेसुं कुच्छिय-मनुएसु ईसरो ॥
- मू. (११३७) गोयम सुईरं परिब्भमिउं घोर-दुक्ख-सुदुक्खिओ ।
 संपइ गोसालओ जाओ एस स वेवीसरज्जिओ ॥
- मू. (११३८) तम्हा एयं वियाणित्ता अचिरा गीयत्थे मुनी ।
 भवेज्जा विदिय परमत्थे सारासारे पारन्नुए ॥
- मू. (११३९) सारासारमयाणित्ता अगीयत्थत्त-दोसओ ।
 वय-मेत्तेणा वि रज्जाए पावगं जं समज्जियं ॥
- मू. (११४०) तेनं तीए अहन्नाएजा जा होही नियंतणा ।

नारय-तिरिय-कुमानुस्से तं सोच्चा को धिइं लभे ॥

मू. (११४१) से भयवं का उन सा रज्जुजिया किंवा तीए अगीयत्थ-अत्त-दोसेणं वाया-मेत्तेणि पि पाव कम्मं समज्जियं जस्स णं विवागऽयं सोऊणं नो धिइं लभेज्जा गोयमा णं इहेव भारहे वासे भद्दो नाम आयरिओ अहेसि तस्स य पंच सए साहूणं महानुभागाणं दुवालस सए निग्गंथीणं तत्थ य गच्छे चउत्थरसियं ओसावणं तिदंडोऽचित्तं च कढिओदगं विप्पमोत्तूणं चउत्थं न परिभुज्जई अन्नया रज्जा नामाए अज्जियाए पुव्वकय-असुह-पाव-कम्मोदएण सरीरंग कुड्ड-वाहीए परिसडिऊणं किमिएहिं सुमद्विसिउमारद्धं अह अन्नया परगलंत-पूइ-रुहिरतणूं तं रज्जुजियं पासिया ताओ संजईओ भणंति जहा हला हला दुक्करकारिगे किमेयं ति ताहे गोयमा पडिभणियं तीन महापावकम्माए भगलक्खण-जम्माए रज्जुजियाए जहा-एएण फासुग-पानगेणं आविज्जमाणेणं विनड्डं मे सरीरंगं ति जावेयं पलवे ताव णं संखुहियं हिययं गोयमा सव्व-संजइ-समूहस्स जहा णं विवज्जामो फासुगपानगं ति तओ एगाए तत्थ चिंतियं संजतीए जहा णं-जइ संपयं चेव ममेयं सरीरंगं एगनिमिसब्भंतरेव पडिसडिऊणं खंडहियं हिययं गोयमा सव्व-संजइ-समूहस्स जहा णं विवज्जामो फासुगपाणगं ति तओ एगाए तत्थ चिंतियं संजतीए जहा णं-जइ संपयं चेव ममेयं सरीरंगं एगनिमिसब्भंतरेव पडिसडिऊणं खंडहियं हिययं गोयमा सव्व-संजइ-समूहस्स जहा णं विवज्जामो फासुगपाणगं ति तओ एगाए तत्थ चिंतियं संजतीए जहा णं-जइ संपयं चेव ममेयं सरीरंगं एगनिमिसब्भंतरेव पडिसडिऊं खंडखंडेहिं परिसडेज्जा तहावि अफासुगोदगं एत्थ जम्मे न परिभुंजामि फासुगोदगं न परिहरामि अन्नं च-किं सच्चमेयं जं फासुगोदगेणं इमीए सरीरंगं विनड्डं सव्वहा न सच्चमेयं जओ णं पुव्वकय-असुह-पाव-कम्मोदएणं सव्वमेवविहं हवइ ति सुदुयरं चिंतिउ पयत्ता जहा णं जहा-भो पेच्छ पेच्छ अन्नाण-दोसोवहयाए दढ-मूढ-हिययाए विगय लज्जाए इमीए महापावकम्माए संसार-घोर-दुक्ख-दायगं केरिसं दुडुवयणं गिराइयं जं मम कन्न-विवरेसुं पि नो पविसेज्ज ति जओ भवंतर-कएणं असुह-पाव-कम्मोदएणं जं किंचि दारिद-दुक्ख-दोहग्ग-अयसब्भक्खण-कुट्ठाइ-वाहि-किलोस-सन्निवायं देहम्मिं संभवइ न अन्नइ ति जे णं तु एरिसमागमे परडिज्जइ तं जहा ।

मू. (११४२) को देइ कस्स दिज्जइ विवियं को हरइ हीरए कस्स ।

सयमप्पणो विढत्तं अल्लियइ दुहं पि सोक्खं पि ॥

मू. (११४३) चिंतमानीए चेव उप्पन्नं केवलं नाणं कया देवेहिं केवलिमहिमा केवलिणा वि नर-सुरासुराणं पणासियं संसय-तम-पडलं अज्जियाणं च तओ भत्तिब्भपनिब्भराए पणाम-पुव्वं पुट्ठो केवली रज्जाए जहा भयवं किमद्वमहं एमहंताणं महा-वाहि-वेयणाणं भायणं संवुत्ता ताहे गोयमा सजल-जलहर-सुरदुंदुहि-निग्घोस-मनोहारि-गंभीर-सरेणं भणियं केवलिणा जहा-सुणासु दुक्कर-कारिए जं तुज्ज सरीर-विहडण-कारणं ति तए रत्त-पित्त-दूसिए अब्भंतरओ सरीरगे सिणिद्धहार-माकंठाएकोलियग मीसं परिभुत्तं अन्नं च एत्थ सए साहु-साहुणीणं तहा वि जावएएणं अच्छीणि पक्खालिज्जंति तावइयं पि बाहिर-पाणगं सागारियइय निमित्तेणावि नो णं कयाइ परिभुज्जइ तए पुन गोमुत्तं पडिग्गहणगयाए तस्स मच्छियाहिं भिणिहिणित-सिंघाणग-लाल-लोलिय-वयणस्स णं सट्ठगसुयस्स बाहिर-पाणगं संघट्टिऊणं मुहं पक्खालियं तेन य बाहिर-पाणय-संघट्टण-विराधनेनं ससुरासुर-जग-वंदाणं पि अलंघणिज्जा गच्छ-मेरा अइक्कमिया तं च न खमियं तुज्ज पवयण-देवयाए

जहा-साहूणं साहूणीणं च पानोवरमे वि न छिप्ये हत्येणा वि जं कूवतलाय-पोक्वरिणि-सरियाइ-मतिगयं उदगं ति केवलं तु जमेव विराहियं ववगय-सयल-दोसं फालुगं तस्स परिभोगं पन्नत्तं वीयरागेहिं ता सिक्खवेमि ताव एसा हु दुरायरा जेणं अन्नो को वि न एरिस-समायारं पवत्तेइ ति चिंतिऊणं अमुगं अमुगं समुद्दिसमाणेए पक्खित्तं असन-मज्झिम्मि त देवयाए तं च तेनोवलक्खित्तं सक्कियं ति देवयाए चरियं -

एएण कारणेणं ते सरीरं विहडियं ति न उन्नं फासुदग-परिभोगेणं ति ताहे गोयमा रज्जाए वि भावियं जहा एवमेयं न अन्नह ति चिंतऊण विन्नविओ केवली जहा भयवं जइ अहं जहुत्तं पायच्छित्तं चरामि ता किं पन्नप्पइ मज्झ एयं तणुं तओ केवलिणा भणियं जहा-जइ कोइ पायच्छित्तं पयच्छइ ता पन्नप्पइ रज्जाए भणियं जहा भयवं जइ तुमं चिय पायच्छित्तं पयच्छसि अन्नो को एरिसमहप्पा तओ केवलिणा भणियं जहा-दुक्करकारिए पयच्छामि अहं ते पच्छित्तं नवरं पच्छित्तं एवं नत्थि जेणं ते सुद्धी भवेज्जा रज्जाए भणियं भयवं किं कारणं ति केवलिणा भणियं जहा जं ते संजइ-वंद-पुरओ गिराइयं जहा मम फासुग-पानपरिभोगेन सरीरगं विहडियं ति एय च दुट्ठ-पाव-महा-समुद्दाएक्क-पिंडं तुह वयणं सोच्चा संखुद्धाओ सव्वाओ चेव इमाओ संजइओ चित्तियं च एयाहिं जहा-निच्छओ विमुच्चाओ फासुओदगं तय-ज्झवसायस्स आलोइयं निदियं गरहियं विरस-दारुणं बद्ध-पुट्ट निकाइयं तुगं पावरासि तं च तए कुट्ट-भगंदर-जलोदर-वाय-गुम्म-मास-निरोह-हरिसा गंडमालाइ-अणेग-वाहि-वेयणा-परिगय-सरीराए दारिद-दुक्ख-दोहग्ग-अयस-अब्भक्खाणं-संताव-उव्वेग-संदीविय-पज्जसियाए अनंतैहिं भव-गहणेहिं सुदीह-कालेणं तु अहन्निसाणुभवेयव्वं एएण कारणेणं एस इमा गोयमा सा रज्जजिया जाए अगीयत्थत्त-दोसेणं वायामेतेणं एव एमहंतं दुक्खदायगं पाव-कम्मं समज्जियं ति ।

मू. (११४४)

अगीयत्थ-दोसेन भाव सुद्धि न पावए ।

विना भावविसुद्धीए सकलुस-मनसो मुनी भवे ॥

मू. (११४५)

अनु-धेव-कलुस-हिययत्तं अगीयत्थत्तदोसओ ।

काऊणं लक्खणज्जाए पत्ता दुक्ख-परंपरा ॥

मू. (११४६)

तम्हा तं नाउ बुद्धेहिं सव्व-भावेन सव्वहा ।

गीयत्थेहिं भवित्ताणं कायव्वं निक्कलुसं मनं ॥

मू. (११४७)

भयवं नाहं वियाणामि लक्खणदेवी हु अज्जिया ।

जा अनुकलुसमगीयत्थत्ता काउं पत्ता दुक्ख-परंपरं ॥

मू. (११४८)

गोयमा पंचसु भरहेसु एरवएसु उस्सप्पिणी ।

अवसप्पिणीए एगेगा सव्वयालं चउवीसिया ॥

मू. (११४९)

सययमवोच्छित्तिए भूया तह य भविस्सती ।

अणाइ-निहणा एत्थ एसा धुव एत्थ जग-डिई ॥

मू. (११५०)

अतीय-काले असीइमा तहियं जारिसगे अहयं ।

सत्त-रयणी-पमाणेणं देव-दानव-पणमिओ ॥

- मू. (११५१) चरिमो तित्थयरो जइया तथा जंबू दाडिमो राया ।
भारिया तस्स सिरिया नाम बहु-सुया ॥
- मू. (११५२) अन्नया सह दइएणं धूयत्थं बहु उवाइए करे ।
देवाणं कुल-देवीए चंदाइच्च-गहाण य ॥
- मू. (११५३) कालक्कमेण अह जाया धूया कुवलय-ल्येयणा ।
तीए तेहिं कयं नामं लक्खणदेवी अहऽन्नया ॥
- मू. (११५४) जाव सा जोव्वणं पत्ता ताव मुक्का सयंवरा ।
वरियंतीए वरं पवरं नयणानंद-कलाऽऽलयं ॥
- मू. (११५५) परिणिय-मेत्तो मओ सो वि भत्ता सा मोहं गया ।
पयलंतंसु नयनेणं परियणेण य वारिया ॥
- मू. (११५६) तालियंट-वाएणं दुक्खेणं आसासिया ।
ताहे हा हाऽऽकदं करेऊणं हिययं सीसं च पिट्टिउं ॥
अत्ताणं चोट्ट-फेट्टाहि घट्टिउं दस-दिसासु सा ॥
- मू. (११५७) तुण्हक्का बंधुवग्गस वयणेहिं तु स-सज्जसं ।
ठियाऽह कइवय-दिनेसुं अन्नया तित्थं करो ॥
- मू. (११५८) बोहिंतो भव्व-कमल-वणे केवल-नाण-दिवायरो ।
विहरंतो आगओ तत्थ उज्जाणम्मि समोसढो ॥
- मू. (११५९) तस्स वंदन-भत्तीए संतेउर-बल-वाहणे ।
सव्विह्वीए गओ राया धम्मं सोऊण पव्वइओ ॥
- मू. (११६०) तहिं संतेउर-सुय-धूओ सुह-परिणामो अमुच्छिओ ।
उग्गं कट्टं तवं घोरं दुक्करं अनुचिट्ठई ॥
- मू. (११६१) अन्नया गणि-जोगेहिं सव्वे वि ते पवेसिया ।
असज्जाइल्लियं काउं लक्खणदेवी न पेसिया ॥
- मू. (११६२) सा एगंते वि चिट्ठंती कीडंते पक्खिरुल्लरू ।
दइणेयं विचिंतेइ सहलमेयाण जीवियं ॥
- मू. (११६३) जेणं पेच्छ चिडयस्स संघट्ठंती चिट्ठल्लिया ।
समं पिययमंगेसुं विव्वुई परम जने ॥
- मू. (११६४) अहो तित्थंकरेणहं किमट्ठं चक्खु-दरिसणं ।
पुरिसित्थी रमंताणं सव्वहा वि निवारियं ॥
- मू. (११६५) ता निदुक्खो सो अन्नेसिं सुह-दुक्खं न याणई ।
अग्गी दहण सहाओ वि दिट्ठी दिट्ठो न निडुहे ॥
- मू. (११६६) अहवा न हि न हि भयवं आणावितं न अन्नहा ।
जदेण मे दइणं कीडंति पक्खी पक्खुभियं मनं ॥
- मू. (११६७) जाया पुरिसाहिलासा मे जा णं सेवामि मेहुणं ।

- जं सिविणे वि न कायव्वं तं मे अज्ज विचितियं ॥
 मू. (११६८) तहा य एत्थ जम्मम्मि पुरिसो ताव मनेन वि ।
 नेच्छिओ एत्तियं कालं सिविणंते वि कहिचि वि ॥
- मू. (११६९) ता हा हा दुरायारा पाव-सीला अहन्निया ।
 अट्टमट्टाई चिंतंती तित्थयर-मासाइमो ॥
- मू. (११७०) तित्थयरेणावि अच्चंतं कट्टं कडयडं वयं ।
 अइदुद्धरं समादिट्टं उग्गं घोरं सुदुक्करं ॥
- मू. (११७१) ता तिविहेण को सक्को एयं अनुपालेऊणं ।
 वाया-कम्मं समायरणे बे रक्खं नो तइयं मनं ॥
- मू. (११७२) अहवा चितिज्जई दुक्खं कीरई पुन सुहेण य ।
 ता जो मनसा वि कुसीलो सकुसीलो सव्व-कजेसु ॥
- मू. (११७३) ता जं एत्थं इमं खलियं सहसा तुडि-वसेण मे ।
 आगयं तस्स पच्छित्तं आलोइत्ता लहुं चरं ॥
- मू. (११७४) सईण सील-वंताणं मज्झे पढमा महाऽऽरिया ।
 धुरम्मि दियए रेहा एयं सग्गे वि घूसई ॥
- मू. (११७५) तहा य पाय धूली मे सव्वो वि वंदए जणो ।
 जगा किल सुज्झिज्जए मिमीए इति पसिद्धाए अहं जगे ॥
- मू. (११७६) ता जइ आलोयणं देमि ता एयं पयडी-भवे ।
 मम भायरो पिया-माया जाणित्ता हुंति दुक्खिए ॥
- मू. (११७७) अहवा कहवि पमाणं जं मे मनसा विचितियं ।
 तमालोइयं नच्चा मज्झ वग्गस्स को दुहो ॥
- मू. (११७८) जावेयं चित्तिउं गच्छे ता वुद्धंतीए कंटगं ।
 फुडियं ठसत्ति पायतले ता निसन्ना पडुल्लिया ॥
- मू. (११७९) चित्तेइ हो एत्थ जम्मम्मि मज्झ पायम्मि कंटगं ।
 न कयाइ खुत्तं ता किं संपयं एत्थ होहिइ ॥
- मू. (११८०) अहवा मुणियं तु परमत्थ-जाणगे अनुमती कया ।
 संघट्टंतीए चिडल्लीए सीलं तेन विराहियं ॥
- मू. (११८१) मूयंध-काण-बहिरं पि कुट्टं सिडि विडि-विडिवडं ।
 जाव सीलं न खंडेइ ताव देवेहिं थुव्वइ ॥
- मू. (११८२) कंटगं चेव पाए मे खुत्तं आगासागासियं ।
 एएणं जं अहं चुक्का तं मे लाभं महंतियं ॥
- मू. (११८३) सत्त वि साहाउ पायाले इत्थी जा मनसा वि य ।
 सीलं खंडेइ सा नेइ कहियं जननीए मे इमं ॥
- मू. (११८४) ता जं न निवडई वज्जं पंसु-विट्ठी ममोवरिं ।

- सय-सकरं न फुट्टइ वा हिययं तं महच्छेगं ॥
 मू. (११८५) नवरं जई रूयमालोयं ता लोगो एत्थ चिंतिही ।
 जहा-अमुगस्स धूयाए इयं मनसा अज्झवसियं ॥
- मू. (११८६) तं नं तह वि पओगेणं परववएसेणालोइमो ।
 जहा-जइ कोइ रूयं अज्झवसइ पच्छित्तं तस्स होइ किं ॥
- मू. (११८७) तं चिय सोऊण काहामि तवेणं तत्थ कारणं ।
 जं पुन भयवयाऽऽइड्डं घोरं अच्चंत-निट्ठरं ॥
- मू. (११८८) तं तवं सील-चारित्तं तारिसं जाव नो कयं ।
 तिविहं तिविहेणं नीसल्लं ताव पावं न खीयए ॥
- मू. (११८९) अह सा पर-ववएसेणं आलोइत्ता तवं चरे ।
 पायच्छित्तं निमित्तेणं पन्नासं संवच्छरे ॥
- मू. (११९०) छट्ठ-ड्ढम-दसम-दुवालसेहिं लयाहिं नेइ दस वरिसे ।
 अकयमकारियमसंकप्पिएहिं परिभूयभिक्ष-लद्धेहिं ॥
- मू. (११९१) चणगेहिं दुन्नि वे भुज्जिएहिं सोलसय मासखमणेहिं ।
 वीसं आयामायंबिलेहिं आवस्सगं अछड्ढंती ॥
- मू. (११९२) चरई य अदीनमनसा अह सा पच्छित्त-निमित्तं ।
 ताहे गोयम सा चित्ते-जं पच्छित्तं तयं कयं ॥
- मू. (११९३) ता किं तमेव न कयं मे जं मनसा अज्झवसियं ।
 तया इयरहे वि उ पच्छित्तं इयरहे व इ मे कयं ॥
- मू. (११९४) ता किं तं न समायरियं चित्तेती निहणं गया ।
 उग्गं कट्ठं तवं घोरं दुक्करं पि चरित्तु सा ॥
- मू. (११९५) सच्छंद-पायच्छित्तेणं सकलुस-परिणाम-दोसओ ।
 कुच्छिय-कम्मा समुप्पन्ना वेसाए पडिचेडिया ॥
- मू. (११९६) खंडोद्धा-नाम चडुगारी मज्ज-खडहडग-वाहिया ।
 विनीया सव्व-वेसाणं थेरीरू य चउग्गुणं ॥
- मू. (११९७) लावण कंति कालिया वि बोडा जाया तहा विसा ।
 अन्नया थेरी चित्तेइ मजं बोडाए जारिसं ॥
- मू. (११९८) लावन्नं कंती-रूवं नत्थि भुवणे वि तारिसं ।
 ता विरंगामि एईए कन्ने नक्कं सहोड्डयं ॥
- मू. (११९९) एसा उ न जाव विउप्पज्जे मम धूयं को वि नेच्छिही ।
 अहवा हा हा न जुत्तमिणं धूया तुल्लेसा वि मे नवरं ॥
- मू. (१२००) नवरं सुविनीया एसा विउप्पन्नत्थ गच्छिही ।
 ता तह करेमि जहा एसा देसंतरं गया वि य ॥
- मू. (१२०१) न लभेज्जा कत्थइ थामं आगच्छइ पडिल्लिया ।

- देवेमि से वसी-करणं गुञ्ज-जेसं तु साडिमो ॥
 मू. (१२०२) निगडाइं च से देमि भमडइं तहिं नियंतिया ।
 एवं सा जन्न-वेसजा मनसा परितपिं सुवे ॥
 मू. (१२०३) ता खंडोद्वा सिमिणम्मि गुञ्जं साडिजंतं ।
 पेच्छइ नियडे य दिजंते कन्ने नासं च वड्ढियं ॥
 मू. (१२०४) सा सिमिणत्थं वियारेउं नट्टा जह कोइ न याणइं ।
 कह कह वि परिभमंती सा गाम-पुर-नगर-पट्टणे ॥
 मू. (१२०५) छम्मासेणं तु संपत्ता संखडं नाम खेडगं ।
 तत्थ वेसमण-सरिस-विहव-रडा-पुत्तस्स सा जुया ॥
 मू. (१२०६) परिणीया महिला ताहे मच्छरेणं पज्जले दढं ।
 रोसेण फुरफुरंती सा जा दियहे केइ चिट्ठइ ॥
 मू. (१२०७) निसाए निब्भरं सइयं खंडोद्दी ताव पेच्छइ ।
 तं दडुं धाइया चल्लि दित्तं धेत्तुं समागया ॥
 मू. (१२०८) तं पक्खिविऊण गुञ्जंते फालिया जाव हिययं ।
 जाव दुक्ख-भरकंता चल-चल्लचेल्लि करंती ॥
 मू. (१२०९) ता सा पुणा विचिंतेइ जाव जीवं न उड्डए ।
 ताव देमी से दाहाइण जेणं मे भव-सएसु वि ॥
 मू. (१२१०) न तरइ पियमं काउं इणमो पडिसंभरंतिया ।
 ताहे गोयम आणेउं चक्किय-सालाओ अयमयं ॥
 मू. (१२११) तावित्तु फुल्लिं मेळंतं जोणिए पक्खित्तंकुसं ।
 एवं दुक्ख-भरकंता तत्थ मरिऊण गोयमा ॥
 मू. (१२१२) उववन्ना चक्कवट्टिस्स महिला-रयणत्तेणं सा ।
 इओ य रंडा-पुत्तस्स महिला तं कलेवरं ॥
 मू. (१२१३) जीवडज्जियं पि रोसेणं छेत्तुं छेत्तुं सुसंमयं ।
 साण-काग-मादीणं जाव धत्ते दिसोदिसिं ॥
 मू. (१२१४) ताव रंडा-पुत्तोव बाहिरभूमीओ आगओ ।
 सो य दोस-गुणे नाउं बहुं मनसा वियप्पियं ॥
 गंतूण साहु-पामूलं पव्वज्जं काउ निव्वुडो ॥
 मू. (१२१५) अह सो लक्खणदेवीए जीवो खंडोद्वियत्तणा ।
 इत्थि-रयणं भवेत्ताणं गोयमा छड्ढियं गओ ॥
 मू. (१२१६) तन्नेरइयं महा-दुक्खं अइघोरं दारुणं तहिं ।
 तिकोणे निरयावासे सुचिरं दुक्खेणावेइउ ॥
 मू. (१२१७) इहागओ समुप्पन्नो तिरिय-जोणीए गोयमा ।
 साणत्तेणाए मयकाले विलग्गो मेहुणे तेहिं ॥

- मू. (१२१८) माहिसिएणं कओ घाओ विञ्जे जोनी समुच्छला ।
तथ किमिएहिं दस- वरिसे खद्धो मरिऊण गोयमा ॥
- मू. (१२१९) उववन्नो वेसत्ताए तओ वि मरिऊण गोयमा ।
एगूनं जाव सय-वारं आम-गब्भेसु पच्चिओ ॥
- मू. (१२२०) जम्म-दरिद्धस्स गेहम्मि मानुसत्तं समागओ ।
तथ दो मास-जायस्स माया पंचत्तं उवगया ॥
- मू. (१२२१) ताहे महया किलेसेणं थन्नं पाउं धराधरिं ।
जीवावेऊण जनगेणं गाउल्लियस्स समल्लिओ ॥
- मू. (१२२२) तहियं निय-जननीओ च्छीरं आवियमाणे निबंधिउं ।
छाव-रुए गोणीओ दुहमाणेणं जं बद्धं अंतराइयं ॥
- मू. (१२२३) तणं सो लक्खणज्जाए कोडाकोडि भवंतरे ।
जीवो थन्नमलहमाणो बज्जतो रुज्जंतो नियिलज्जंतो ॥
हम्मंतो दम्मंतो विच्छोहिज्जंतो य हिंडिओ ॥
- मू. (१२२४) उववन्नो मनुय-जोणीए डागिणित्तेण गोयमा ।
तथ य साणय-पालेहिं कीलिउं छट्ठियं गया ॥
- मू. (१२२५) तओ उव्वट्ठिऊण इहइं तं लद्धो मानुसत्तणं ।
जत्त य सरीर-दोसेणं ए महंत-महि-मंडले ॥
- मू. (१२२६) जामद्ध-जाम-घडियं वा नोलद्धं वेरत्तियं जहियं ।
पंचेव उ घरे गामे नगरे पुर-पट्टणेषु वि ॥
- मू. (१२२७) तथ य गोयम मनुयत्ते नारय-दुक्खाणुसरिसिए ।
अनेगे रन्न-ऽरन्नेनं घोरे दुक्खेऽनुभोत्तुं णं ॥
- मू. (१२२८) सो लक्खणदेवी-जीवो सुरोद्द-ज्जाण-दोसओ ।
मरिऊण सत्तमं पुढवि उववन्नो खाडाहडे ॥
- मू. (१२२९) तथ य तं तारिसं दुक्खं तेत्तिसं सागरोवमए ।
अनुभविऊणेह उववन्नो वंझा गोणीत्तणेण य ॥
- मू. (१२३०) खेत्त-खलयाइं चमढंती भंजंती य चरंति या ।
सा गोणी बहु-जणोहेहिं मिलिऊणागाह-पंक-वलए पवेसिया ॥
- मू. (१२३१) तथ खुट्ठि जलोयाहिं लुसिज्जंती तहेव य ।
काग-मादिहिं लुप्पंती कोहाविट्ठा मरेऊणं ॥
- मू. (१२३२) ताहे वि जल-धने रन्ने मरुदेसे दिट्ठिवीसो ।
सप्पो होऊण पंचमगं पुढवि पुनरवि गओ ॥
- मू. (१२३३) एवं सो लक्खणज्जाए जीवो गोयमा चिरं ।
घन-घोर-दुक्ख-संतत्तो चउगइ-संसार-सागरे ॥
- मू. (१२३४) नारय-तिरिय-कुमनुएसु आहिंडित्ता पुणो विहं ।

- होइ सेणियजीवस्स तित्थे पउमस्स खुज्जिया ॥
- मू. (१२३५) तत्थ य दोहग्ग-खाणी सा गामे निय-जननीओ वि य ।
गोयमा दिट्ठा न कस्सा वि अत्थियरही तहिं भवे ॥
- मू. (१२३६) ताहे सव्व-जनेहिं सा उव्वियन्निज्ज ति काऊणं ।
मसि-गेरुय-विलित्तंगा खरे रूढा भमाडिउं ॥
- मू. (१२३७) गोयमा उ पक्ख-पक्केहिं वाइय-खर-विरस-डिंडिमं ।
निद्धाडिहिई न अन्नत्थ गामे लहिइ पविसिउं ॥
- मू. (१२३८) ताहे कंदफलाहारा रन्न-वासे वसंतिया ।
छच्छुंदरेण वियणत्ता नाहीए मज्झ देसए ॥
- मू. (१२३९) तओ सव्वं सरीरं से भरिज्जी सुंदुराणं य ।
तेहिं तु विलुप्पमाणी सा दूसह-घोर-दुहाउरा ॥
- मू. (१२४०) वियाणित्ता पउम-तित्थयरं तप्पएसे समोसठं पेच्छिही जाव ता तीए ।
अन्नेसिमवि बहु-वाही-वेयणा-परिगय-सरीराण तद्देस विहारी भव्व सत्ताणं ॥
नर नारी-गणाणं तित्थयर-दंसणा चेव सव्व दुक्ख विणिट्ठिही ॥
- मू. (१२४१) ताहे सो लक्खणज्जाए हियं खुज्जियत्ते जीओ ।
गोयम घोरं तवं चरिउं दुक्खाणमंतं गच्छिही ॥
- मू. (१२२४२) एसा सा लक्खणदेवी जा अगीयत्थ-दोसओ ।
गोयम अनुकलुसचित्तेणं पत्ता दुक्ख-परंपरं ॥
- मू. (१२४३) जहा णं गोयमा एसा लक्खण-देवज्जिया तहा ।
सकलुस-चित्ते अगीयत्थे ऽ नंते पत्ते दुहावली ॥
- मू. (१२४४) तम्हा एयं वियाणित्ता सव्व-भावेन सव्वहा ।
गीयत्थेहिं भवेयव्वं कायव्वं तु सुविसुद्धं ॥
निम्मल-विमल-नीसल्लं निक्कलुसं मनं ति बेमि ॥
- मू. (१२४५) पणयामरमरुय मउडुग्घुडु-चलन-सयवत्त-जयगुरु ।
जगनाह धम्मतित्थयर भूय-भविस्स वियाणग ॥
- मू. (१२४६) तवसा निद्दह-कम्मंस वम्मह वइर वियारण ।
चउकसायनिट्ठवण सव्वजगजीववच्छल ॥
- मू. (१२४७) घोरंधयार-मिच्छत्त-तिमिस-तम-तिमिर-नासण ।
लोगालोग-पगासगर मोह-वइरिनिसुंभण ॥
- मू. (१२४८) दुरुज्झिय-राग-दोस-मोह-मोस-सोग संत सोम सिवंकर ।
अतुलिय बल विरिय माहप्पय तिहुयणेक्क महायस ॥
- मू. (१२४९) निरुवमरूव अनन्नसम सासयसुह-मुक्ख-दायग ।
सव्वलक्खणसंपुत्र तिहुयणलच्छिविभूसिय ॥
- मू. (१२५०) भयवं परिवाडीए सव्वं जं किंचि कीरई ।

- मू. (१२५१) अथक्के हुंडि-दुद्धेण कज्जं तं कत्थ लब्भइ ॥
सम्महंसणमेगम्मि बितियं जम्मे अनुव्वए ।
तइयं सामाइयं जम्मे चउत्थे पोसहं करे ॥
- मू. (१२५२) दुद्धरं पंचमे बंधं छट्ठे सचित्त-वज्जणं ।
एवं सत्तइ-नव-दसमे जम्मे उद्दिट्ठमाइयं ॥
- मू. (१२५३) चेच्चेक्कारसमे जम्मे समण-तुल्ल-गुणो भवे ।
एयाए परिवाडिए संजयं किं न अक्खसि ॥
- मू. (१२५४) जं पुणो सोऊण मइविगलो बालयणो केसरिस्स व ।
सहं गय-जुव तसिउं-नासे-दिसोदिसिं ॥
- मू. (१२५५) तं एरिस-संजमं नाह सुदुल्ललिया सुकुमालया ।
सोऊणं पि नेच्छंति तणुट्ठीसुं कहं पुन ॥
- मू. (१२५६) गोयम तित्थंकरे मोत्तुं अन्नो दुल्ललओ जगे ।
जइ अत्थि कोइ ता भणउ अह णं सुकुमालओ ॥
- मू. (१२५७) जेणं गब्भट्ठाणम्मि देविंदो अमय अंगुट्ठयं कयं ।
आहारं देइ भत्तीए संथवं सययं करे ॥
- मू. (१२५८) देव-लोग-चुए संते कम्मासेणं जहिं धरे ।
अभिजाहिति तहिं सययं हीरन्न-वुट्ठी य वरिस्सइ ॥
- मू. (१२५९) गब्भावन्नाण तद्देसे ईति-रोगा य सत्तुणो ।
अनुभावेन खयं जंति जाय-मेत्ताण तक्खणे ॥
- मू. (१२६०) आगंपियासणा चउरो देव-संधा महीधरे ।
अभिसेयं सव्विट्ठीए काउं स-ट्ठामे गया ॥
- मू. (१२६१) अहो लावन्नं कंती दित्ती रूवं अनोवमं ।
जिणाणं जारिसं पाय-अंगुट्ठगं न तं इहं ।
- मू. (१२६२) सव्वेसु देव-लोगेसु सव्व-देवाण मेलियं ।
कोडाकोडिगुणं काउं जइ वि उ ण्हाणिज्जए ॥
- मू. (१२६३) अह जा अमर-परिग्गहिया नाण-त्तय-समन्निया ।
कला-कलाव-निलया जन-मनानंदकारय ॥
- मू. (१२६४) सयण-बंधव-परियारा देव-दानव-पूइया ।
पणइयण-पूरियासा भुवनुत्तम-सुहालया ॥
- मू. (१२६५) भोगिस्सरियं रायासिरिं गोयमा तं तवज्जियं ।
जा दियहा केइ भुंजंति ताव ओहीए जाणिउं ॥
- मू. (१२६६) खणभंगुरं अहो एयं लच्छी पाव-विवट्ठणी ।
ता आनंता वि किं अम्हे चरित्तं नाणुचेट्ठिमो ॥
- मू. (१२६७) जाव एरिस-मन-परिणामं ताव लोगतिया सुरा ॥

- युणिउं भणंति जग-जीव-हिययं तित्थं पवट्ठिही ॥
 मू. (१२६८) ताहे वोसट्ठ-चत्त-देहा विहवं सव्व-जगुत्तमं ।
 गोयमा तणमिव परिचिच्चा जं इंदाणं वि दुल्लहं ॥
 मू. (१२६९) नीसंगा उग्गं कट्ठं घोरं अइदुक्करं तवं ।
 भुयणस्स वि उक्कट्ठ-समुप्पायं चरंति ते ॥
 मू. (१२७०) जे पुन खरहर-फुट्टिसिरे एग-जम्म सुहसिमो ।
 तेसिं दुल्ललियाणं पि सुट्ठं वि नो हियइच्छियं ॥
 मू. (१२७१) गोयमा महु-बिंदुस्सेव जावइयं तावइयं सुहं ।
 मरणंते वी न संपजे कयरं दुल्ललियत्तणं ॥
 मू. (१२७२) अहवा गोयमा पच्चक्खं पेच्छ य जारिसयं नरा ।
 दुल्ललियं सुहमनुहवंति जं निसुणेज्जा न कोइ वि ॥
 मू. (१२७३) केइं करिंति मासेल्लिं हालिय-गोवालत्तणं ।
 दासत्तं तह पेसत्तं गोडत्तं सिप्पे बहू ॥
 मू. (१२७४) ओलग्गं किसि वाणिज्जं पाणच्चाय-किलेसियं ।
 दालिइ-विहवत्तणं केइ कम्मं काउं धराधरिं ॥
 मू. (१२७५) अत्ताणं वि गोवेउं ढिणि-ढिणिंते य हिंडिउं ।
 नग्गुघाडे किलेसेणं जा समज्जंति परिहणं ॥
 मू. (१२७६) जर-जुन्न-फुट्ट-सयच्छिइं लद्धं कह कह वि ओट्ठणं ।
 जा अज्ज कल्लिं कारिमोफट्टं ता तम वि परिहरणं ॥
 मू. (१२७७) तहा वि गोयमा बुज्झ-फुड-वियड-परिफुडं ।
 एतेसि चेव मज्झाओ अनंतरं भणियाण कस्स ॥
 मू. (१२७८) लोणं लोगाचारं च चेच्चा सयण-कियं तं च ।
 भोगावभोगं दानं च भोत्तूणं कदसाण य ॥
 मू. (१२७९) धाविउं गुप्पिउं सुइं खिज्जिऊण अहन्निसं ।
 कागिणिं कागिणी-काउं अद्धं पायं विसोवगं ॥
 मू. (१२८०) कत्थइ कहिंचि कालेणं लक्खं कोडिं च मेलिउं ।
 जइ एगिच्छा मई पुन्ना बीया नो संपज्जए ॥
 मू. (१२८१) एरिसियं दुल्ललियत्तं सुकुमालत्तं च गोयमा ।
 धम्मारंभम्मि संपडइ कम्मारंभे न संपडे ॥
 मू. (१२८२) जेणं जस्स मुहे कवलं गंडी अन्नेहिं धेज्जए ।
 भूमीए न ठवए पायं इत्थी-लक्खेसु कीडए ॥
 मू. (१२८३) तस्सा वि णं भवे इच्चा अन्रं सोऊण सारियं ।
 समोट्टहामि तं देसं अह सो आणं पडिच्छ ओ ॥
 मू. (१२८४) साम-भेय-पयाणाइं अह सो सहसा पउंजिउं ॥

- तस्स साहस-तुलणद्धा गूढ-चरिएण वच्चइ ॥
 मू. (१२८५) एगागी कप्पडा-बीओ दुग्गारन्नं गिरी-सरी ।
 लंघित्ता बहु-कालेणं दुक्खदुक्खं पत्तो तहिं ॥
 मू. (१२८६) दुक्खं खु-खाम-कंठो सो जा भमडे धराधरिं ।
 जायंतो छिद्द-मम्माइं तत्थ जइ कह वि न नजए ॥
 मू. (१२८७) ता जीवंतो न चुक्केजा अह पुणेहिं समुच्चरे ।
 तओ णं परवत्तियं देह तारिसो स-गिहे वि से ॥
 मू. (१२८८) को तम्मिं परियणो मन्ने ताहे सो असि-नाणाइसु ।
 नियचरियं पायडेऊणं जुज्ज-सज्जो भवेऊणं ॥
 मू. (१२८९) सव्व-बला धोभेणं खंडं खंडेणं जुज्जिंउं ।
 अह तं नरिदं निज्जिणइ अह वा तेन पराजियए ॥
 मू. (१२९०) बहु पहारगलंत-रुहिरंगो गय-तुरया उद्ध-अहो मुहो ।
 निवडइ रणभूमीए गोयमा सो जया तथा ॥
 मू. (१२९१) तं तस्स दुल्लीयत्तं सुकुमालत्तं कहि वए ।
 जे केवलं पि स-हत्येणं अहो-भागं च धोविउं ॥
 मू. (१२९२) नेच्छंतो पायं ठवउं भूमीअ न कयाइ वि ।
 एरिसो वी स दुल्लिओ एयावत्थं अ वी गओ ॥
 मू. (१२९३) जइ भन्ने धम्मं चेट्टे ता पडिभणइ न सक्किमो ।
 ता गोयम अहन्नानं पाव कम्माण पाणिण ॥
 मू. (१२९४) धम्म-द्वाणम्मि मइ न कयाइ वि भविस्सए ।
 एएसिं इमो धम्मो एक्क-जम्मी न भासए ॥
 मू. (१२९५) जहा खंत-पियंताणं सव्वं अम्हाण होहिई ।
 ता जो जं इच्छे तं तस्स जइ अनुकूलं पवेइए ॥
 मू. (१२९६) तो वय-नियम विहूणा वि मोक्खमिच्छंति पाणिणो ।
 एए एतेनं रूसंति एरिसं चिय कहेयव्वं ॥
 मू. (१२९७) नवरं न मोक्खो एयाणं मुसावायं च आवई ।
 अन्नं च रागं दोसं मोहं च भयं छंदानुवत्तिणं ॥
 मू. (१२९८) तित्थंकराणं नो भूयं नो भवेज्जा उ गोयमा ।
 मुसावायं न भासंते गोयमा तित्थंकरे ॥
 मू. (१२९९) जेणं तु केवलनाणेणं तेसिं सव्वं पच्चक्खं जगं ।
 भूयं भव्वं भविस्सं च पुत्रं पावं तहेव य ॥
 मू. (१३००) जं किंचि तिसु वि लोएसु तं सव्वं तेसिं पायडं ।
 पायालं अवि उट्ट-मुहं सग्गं पज्जा अहोमहं ॥
 मू. (१३०१) नूनं तित्थयर-मह-भणियं वयणं होज्ज न अन्नहा ।

- नाण-दंसण-चारित्तं तवं धोरं सुदुक्करं ॥
- मू. (१३०२) सोग्गइ-मग्गो फुडो एस परुवंती जहड्डिओ ।
अन्नहा न तित्थयरा वाया मनसा य कम्भुणा ॥
- मू. (१३०३) भाणेति जइ वि भुवणस्स पलयं हवइ तक्कणे ।
जं हियं सव्व-जग-जीव-पान-भूयाण केवलं ॥
तं अनुतकंपाए तित्थयरा धम्मं भासिंति अवितहं ॥
- मू. (१३०४) जेणं तु समनुचिन्नेण-जोहग्ग-दुक्ख-दारिद्-रोग-सोग-कुगइ-भयं ।
न भवेज्जा अबिइएणं संतावुव्वेगं तथा ॥
- मू. (१३०५) भयवं नो एरिसं भणिमो-जह छंदं अनुवत्तयं ।
नवरमेयं तु पुच्छामो जो जं सक्के स तं करे ॥
- मू. (१३०६) गोयमा नेरिसं जुत्तं खणं मनसा वि चित्तिउं ।
अह जइ रूवं भवे नायं तावं धारेह अंचलं ॥
- मू. (१३०७) घयऊरे खंडरब्बाए एक्को सक्केइ खाइउं ।
अन्नो महु-मंस-मज्जाइं अन्नो रमिऊण इत्थियं ॥
- मू. (१३०८) अन्नो एयं पि नो सक्के अन्नो जोएइ पर-कयं ।
अन्नो चडवड-मुहे एसु अन्नो एयं पि भाणिऊणं न सक्कुणोइ ॥
- मू. (१३०९) चोरियं जारियं अन्नो अन्नो चि न सक्कुणोइ ।
भोत्तुं भोत्तुं सुपत्थरिए सक्के चिट्ठे तु मंचगे ॥
- मू. (१३१०) मिच्छामि दुक्कडं भयंत एरिसं नो भणामि हं ।
गोयम अन्नं पि जं भणसि तं पि तुज्झ कहेमहं ॥
- मू. (१३११) एत्थ जम्मे नरो कोई कसिणुग्गं संजमं तवं ।
जइ नो सक्कइ काउं जे तह वि सोग्गइ-पिवासिओ ॥
- मू. (१३१२) नियमं पक्खि-खीरस्स एग-वाल-उपापडणं ।
रयहरणस्स एगियं दसियं एत्तियं तु परिधारिउं ॥
- मू. (१३१३) सक्कुणोइ रूयं पि न जाव-जीवं पालेउं ता इमस्स वी ॥
गोयमा तुज्झ बुद्धीए सिद्धि-खेत्तस्स उप्परं
- मू. (१३१४) मंडवियाए भयेव्वं दुक्कर-कारि भणित्तु णं ।
नवरं एयारिसं भविया किमत्थं गोयमा पयं ॥
- मू. (१३१५) पुणो तं एयं पुच्छंभी तित्थकरे चउन्नाणी ससुरासुर-जगपूइए ।
निच्छियं सिज्झियव्वे वि तम्मि जम्मे न अन्न-जम्मे ॥
- मू. (१३१६) तथा वि अनिगूहिता बलं विरियं पुरिसायार-परक्कमं ।
उग्गं कट्ठं तवं धोरं दुक्करं अनुचरंति ते ॥
- मू. (१३१७) ता अन्नेसु वि सत्तेसु चउगइ-संसार-धोर-दुक्ख-भीएसु जं जहेव तित्थयरा
भणांति, तं तहेव समणद्वियव्वं गोयम सव्वं जहड्डियं ॥

- मू. (१३१८) जं पुन गोयम ते भणियं-परिवाडिए कीरइ ।
अत्यक्के-हुडि-दुद्धेणं कज्जं तं कथ लब्भए ॥
- मू. (१३१९) तत्थ वि गोयम दिट्ठंतं महासमुद्धम्मि कच्छभो ।
अन्नेसि मगरमादीणं संघट्टा-भीउट्टुओ ॥
- मू. (१३२०) बुडु निबुडुकरेमो सबली झालेज्जालि पेला-पेल्लीए कत्थई ।
उल्लरिजंतो तट्ठो नासंतो धावितो पलायंतो य दिसोदिसिं ॥
- मू. (१३२१) उच्छल्लं पच्छल्लं हिलणं बहुविहं तहिं ।
असहंतो ठामं अलहंतो खण-निमिसं पि कत्थइ ॥
- मू. (१३२२) कह कह वि दुक्ख-संततो सुबहु-कालेहिं तं जलं ।
अवगाहितो गओ उवरिं पउमिणी-संडं सघणं ॥
- मू. (१३२३) छिड्डं महया किलेसेणं लद्धुं ता जत्थ पेच्छई ।
गहं-नक्खत्त-परियरियं कोमुइ-चंदं खहेऽमले ॥
- मू. (१३२४) दिप्पंत-कुवलय-कल्हारं कुमुय-सयवत्त-वणप्फई ।
कुरिलिते हंस-कारंडे चक्कवाए सुणेइ या ॥
- मू. (१३२५) जमदिट्ठं सत्तसु वि साहासु अब्भुयं चंदमंडलं ।
तं दट्ठं विम्हिओ खणं चितइ एयं जहा होही ॥
- मू. (१३२६) एयं ते सग्गं ता हं बंधवाण पर्यसिमो ।
बहु कालेणं-गवेसेउं ते धेत्तूण समागओ ॥
- मू. (१३२७) घनघोरंयार-रयणीए भद्व-किण्ह-चउ दिसिहिं तु ।
न पेच्छे जाव तं रिद्धि बहुकालं निहालितुं ॥
- मू. (१३२८) पुन कच्छमो जाओ तहा वि तं रिद्धिं न पेच्छए ।
एवं चउगई-भव-गहणे दुलभे मानसुत्तणे ॥
- मू. (१३२९) अहिंसा-लक्खणं धम्मं लहिऊणं जो पमायइ ।
सो पुन बहु-भव-लक्खेसु दुक्खेहिं मानुसत्ताणं ॥
लद्धुं पि न लभई धम्मं तं रिद्धिं कच्छभो जहा ॥
- मू. (१३३०) दियहाइं दो व तिन्नि व अद्धाणं होइ जं तुलगेण ।
सव्वायरेण तस्स वि संवलयं लेइ पवसंतो ॥
- मू. (१३३१) जो पुन दिह-पवासो चुलसीई जोनि-लक्ख-नियमेणं ।
तस्स तव-सील-मइयं संवलयं किं न चिंतेह ॥
- मू. (१३३२) जह जह पहरे दियहे मासे संवच्छरे य बोलेति ।
तह तह गोयम जाणसु दुक्के आसन्नयं मरणं ॥
- मू. (१३३३) जस्स न नज्जइ कालं न य वेला नेय दियह-परिमाणं ।
नाए वि नत्थि कोइ वि जगम्मि अजरामरो एत्थं ॥
- मू. (१३३४) पावो पमाय-वसओ जीवो संसार-कज्जमुज्जुत्तो ।

- दुःखेहिं न निव्विन्नो सोःखेहिं न गोयमा तिप्पे ॥
 मू. (१३३५) जीवेन जानि उ विसञ्जियाणि जाई-सएसु देहानि ।
 थेवेहिं तओ सयलं पि तिहुयणं होजा पडहत्थं ॥
- मू. (१३३६) नह-दंत-मुद्ध-भमुहक्किा-केस-जीवेन विप्पमुक्केसु ।
 तेसु वि हवेज्ज कुल-सेल-मेरु-गिरि-सन्निभे कूडे ॥
- मू. (१३३७) हिमवंत-मलय-मंदर-दीवोदहि-धरणि-सरिस-रासीओ ।
 अहिययरो आहारो जीवेनाहारिओ अनंतहुत्तो ॥
- मू. (१३३८) गुरु-दुक्ख-भरुक्कंतस्स अंसु-निवाएण जन जलं-गलियं ।
 तं अगड-तलाय-नई-समुद्-माईसु न वि होजा ॥
- मू. (१३३९) आवीयं थण-छीरं सागर-सलिलाओ बहुयरं होजा ।
 संसारम्मि अनंते अविला-जोनीए एक्काए ॥
- मू. (१३४०) सत्ताह-विवन्न-सुकुहिय-साण-जोनीए मज्झ-देसम्मि ।
 किमियत्तण-केवलएण जाणि मुक्काणि देहानि ॥
- मू. (१३४१) तेसिं सत्तम-पुढवीए सिद्धि-खेत्तं च जाव उक्कुरुडं ।
 चोद्दस-रज्जुं लोगं अनंत-भागेन वि भरिजा ॥
- मू. (१३४२) पत्ते य काम-भोगे कालं अनंतं इहं सउवभोगे ।
 अपुव्वं चिय मन्नए जीवो तह वि य विसय-सोक्खं ॥
- मू. (१३४३) जह कच्छुल्लो कच्छुं कंडुयमाणो दुहं मुणइ सोक्खं ।
 मोहाउरा मनुस्सा तह काम-दुहं सुहं बेत्ति ॥
- मू. (१३४४) जाणति अनुहवंति य जम्म-जरा-मरण-संभवे दुक्खे ॥
 न य विसएसु विरज्जंति गोयमा दोग्गई-गमण-पत्थिए जीवे ॥
- मू. (१३४५) सव्व-गहाणं पभवो महागहो सव्वदोस-पायट्ठि ।
 काम-गहो उ दुरप्पा तस्स वसं जे गया पानी ॥
- मू. (१३४६) जाणति जहा भोग-इट्ठि-संपया सव्वमेव धम्मफलं ।
 तह वि दढ-मूढ-हियए पावं काउण दोग्गइं जंति ॥
- मू. (१३४७) वच्चइ खणेणं जीवो पित्ताणिल-संभ-धाउ-खोभेहिं ।
 उज्जमह मा विसीयह तरतम-जोगो इमो दुसहो ॥
- मू. (१३४८) पंचिदियथणं मानुसत्तणं आरियं जनं सुकुलं ।
 साहु-समागम-मुणणं सदहणारोग्ग-पव्वज्जा ॥
- मू. (१३४९) सूल-विस-अहि-विसुइया-पाणिय-सत्थग्गि-संभमहिं च ।
 देहंतर-संकमणं करेइ जीवो मुहुत्तेणं ॥
- मू. (१३५०) जाव आउ सावसेसं जाव य थेवो वि अत्थि ववसाओ ।
 ताव करे अप्प-हियं मा तप्पिहहा पुणो पच्छा ॥
- मू. (१३५१) सुर-धनु-विज्जू-खण-दिट्ठ-नट्ठ-संज्ञानुराग-सिभिण समं ।

देहं इति तु पणइ-आमयभंडं व जाल-भारियं ॥

- मू. (१३५२) इय जाण त चुक्कसि एरिसस्स खणभंगुरस्स देहस्स ।
उगं कट्ठं घोरं चरसु तवं नत्थि परिवाडि ॥
- मू. (१३५३) गोयमा त्ति वास-सहस्सं पि जई काऊणं संजमं सुविउलंपि ।
अंते किलिङ्क-भावो न विसुज्झइ कंडरिओ व्व ॥
- मू. (१३५४) अप्पेण वि कालेणं केइ जहा गहिय-सील-सामन्ना ।
साहिंति नियय-कज्जं पाडरिय-महा-रिसि व्व जहा ॥
- मू. (१३५५) न य संसारम्मि सुहं जाइ-जरा-मरण-दुक्ख-गहियस्स ।
जीवस्स अत्थि जम्हा तम्हा मोक्खो उवाए उ ॥
- मू. (१३५६) सव्व पयारेहिं सव्वहा सव्व-भाव-भावंतरेहिं णं गोयमा त्ति बेमि ।

अध्ययनं-६- समाप्तम्

अध्ययनं-७-प्रायश्चित्त सूत्रं

-: चूलिका-१-एकांत निर्जरा :-

- मू. (१३५७) भयवं ता एय नाएणं जं भणियं आसि मे तुमं ।
जहा परिवाडिए तच्चं किं न अक्खसि पायच्छित्तं तत्थमज्झवी ॥
- मू. (१३५८) हवइ गोयम पच्छित्तं जइ तुमं तं आलंबसि ।
नवरं धम्म-वियारो ते कओ सुवियारिओ फुडो ॥
- मू. (१३५९) न होइ एत्थ पच्छित्तं पुनरवि पुच्छेज्जा गोयमा ।
संदेहं जाव देहत्यं मिच्छत्तं ताव निच्छयं ॥
- मू. (१३६०) मिच्छत्तेन य अभिभूए तित्थयरस्स अवि भासियं ।
वयणं लंघित्तु विवरीयं वाएत्ताणं ॥
- मू. (१३६१) पविसंति घोरतम-तिमिर-बहलंघयारं पायालं ।
नवरं सुवियारियं काउं तित्थयरा सयमेव य ॥
भणति तं तहा चेव गोयमा समनुड्डए ॥
- मू. (१३६२) अत्थेगे गोयमा पानी जे पव्वज्जिय जहा तहा ।
अविहीए तह चरे धम्मं जह संसारा न मुच्चए ॥
- मू. (१३६३) से भयवं कयरे णं से विही-सिलोगो गोयमा इमे णं से विहि-सिलोगो तं जहा- ॥
चिइ-वंदन-पडिक्कमणं जीवाजीवाइ-तत्त-सब्भावं ॥
समि-इंदिय-दम-गुत्ति-कसाय-निग्गहणमुवओगं ॥
- मू. (१३६४) नाऊण सुवीसत्थो सामायारिं किया-कलावं च ।
आलोइय-नीसल्लो आगब्भा परम-संविग्गो ॥
- मू. (१३६५) जम्म-जर-मरण-भीओ चउ-गइ संसार-कम्म-दहणइडा ।
पइदियहं हियएणं एयं अनवरय-झायंतो ॥

- मू. (१३६६) जरमरण-मयर-पउरे रोग-किलेसाइ-बहुविह-तरंगे ।
कम्मट्ट-कसाय-गाह-गहिर-भव-जलहि मज्झमि ॥
- मू. (१३६७) भमिहामि भट्ट-सम्भत्त-नाण-चारित्त-लद्ध-वरपोओ ।
कालं अनोर-पारं अंतं दुक्खाणमलंभतो ॥
- मू. (१३६८) ता कइया सो दियहो जत्था-हं सत्तु-मित्त-सम-पक्खो ।
नीसंगो विहरिस्सं सुह-ज्ञाण-नीरंतरो पुणोऽभवट्ठं ॥
- मू. (१३६९) एवं चिर-चित्तयाभिमुह-मनोरहोरु-संपत्ति-हरिस-सुमल्लसिओ ।
भत्ति-भर-निब्भरणय-रोमंच-उक्कंच-पुलय-अंगो ॥
- मू. (१३७०) सीलंग-सहस्स अट्टारसण्ह धरणे समोत्थय-क्खंधो ।
छत्तीसायारुक्कंठ-निट्ठियासेस-मिच्छत्ते ॥
- मू. (१३७१) पडिवज्जे पव्वज्जे विमुक्क-मय-मान-मच्छरामरिसो ।
निम्मम-निरहंकारो विहिणेवं गोयमा विहरे ॥
- मू. (१३७२) विहग इवा पडिबद्धो उज्जुत्तो नाणं-दंसण-चरित्ते ।
नीसंगो घोर-परीसहोवसग्गाइं पजिणंतो ॥
- मू. (१३७३) उग्गाभिग्गह-पडिमाइ राग-दोसेहिं दूरतर मुक्को ।
रोद्धज्जाण-विवज्जिओ य विगहासु य असत्तो ॥
- मू. (१३७४) जो चंदनेन बाहुं आलिपइ वासिणा व जो तच्छे ।
संथुणइ जो अ निंदइ सम-भावो हुज्ज दुण्हं पि ॥
- मू. (१३७५) एवं अनिगूहिय बल-विरिय-पुरिसक्कार-परक्कमो सम-तण-मणि-लिट्ठु-कंचनो-
वेक्को परिचत्त-कलत्त-पुत्त-सुहि-सयण-मित्त-बंधव-धन-सुवन्न-हिरन्न-मणी-रणसार-भंडारो
अच्चंत-परम-वेरग्ग-वासनाजणिय-पवर-सुहज्जवसाय-परम-धम्म-सद्धा-परो अकिलिट्ठ-निक्क-
लुस-अदीन-माणसो य वय-नियम-नाण-चरित्त-तवाइ-सयल-भुवणेक्क-मंगल-अहिंसा-लक्खण-
संताइ-दस-विह धम्मानुट्ठाणेक्कंत-बद्ध-लक्खो सव्वावस्सग-तक्काल-करण-सज्जाय-ज्ञाणं आउत्तो
संखाइय-अनेग-कसिण-संजम-पएसु अविखलिओ संजय-विरय-पडिहय-पच्चक्खाय-पाव-कम्मो
अनियाणो माया-मोस-विवज्जिओ साहू वा साहूणी वा एवं गुण-कलिओ जइ कह वि पमाय-
दोसेणं असइं कहिंचि कत्थइ वाचा इ वा मनसा इ वा ति-करण-विसुद्धीए-सव्व-भाव-भावंतरेहिं
चेव संजममायरमाणो असंजमेणं छलेज्जा तस्स णं विसोहि-पयं पायच्छित्तमेव तेनं पायच्छित्तेणं
गोयमा तस्स विसुद्धि उवदिसिज्जा न अन्नह ति तत्थ णं जेसुं जेसुं ठाणेसुं जत्थ जत्थ जावइयं
पच्छित्तं तमेव निट्ठिकियं भन्नइ से भयवं के णं अट्ठेणं भन्नइ जहा णं-तं एव निट्ठिकियं भन्नइ गोयमा
अनंतरानंतर-क्कमेणं इणमो पच्छित्त-सुत्तं 'नेग-गुणगणाइन्नस्स दढ-व्वय-चरित्तस्स एगंतेन जोगस्स
एव विवक्खिए पएसे चउक्कन्नं पन्नवेयव्वं नो छक्कन्नं तथा य-जस्स जावइयेणं पायच्छित्तेणं परम-
विसोही भवेज्जा तं तस्स णं अनुयट्ठणा-विरहिणं धम्मक्क-रसिएहिं वयणेहिं जह-ट्ठियं अनुणाहियं
तावाइयं चेव पायच्छित्तं पयच्छेज्जा एएणं अट्ठेणं एवं वुच्चइ जहा णं गोयमा तमेव निट्ठिकियं पायच्छित्तं
भन्नइ ।

मू. (१३७६) से भयवं कइविहं पायच्छित्तं उवइहं गोयमा दसबिहं पायच्छित्तं उवइहं तं च अनेगहा जाव णं पारंघिए ।

मू. (१३७७) से भयवं केवइयं कालं जाव इमस्स णं पच्छित्त-सुतस्सानुद्वाणं वट्टिही गोयमा जाव णं कक्की नाम रायाणे निहणं गच्छिय एक्क-जियाययण-मंडियं वसुहं सिरिप्यभे अनगारे भयवं उहं पुच्छा गोयमा उहं न केइ एरिसे पुन्न-भागे होही जस्स णं इणमो सुयक्खंधं उवइसेज्जा

मू. (१३७८) से भयवं केवइयाइं पायच्छित्तस्स णं पयाइं गोयमा संखाइयायं पायच्छित्तस्स णं पयाइं से भयवं तेसिं णं संखाइयायं पायच्छित्तस्स पयाणं कि तं पढणं पायच्छित्तस्स णं पयं गोयमा पइदिन-किरियं से भयवं किं तं पइदिण-किरियं गोयमा जं अनुसमयं अहन्निसा-पाणोवरमं जाव अनुट्टेयव्वाणि संखेज्जाणि आवस्सगाणि से भयवं केणं अट्टेणं एवं वुच्चइ जहा णं-आवास्सागाणि गोयमा असेस-कसिणट्ट-कम्म कक्खयकारि-उत्तम-सम्म-दंसण-नाण-चारित्त-अद्यंत-घोर-वीरुग्ग कट्ट-सुदुक्कर-तव-साहणट्टाणए परुविज्जंति नियमिय विभत्तुट्टि- परिमिएणं काल-समएणं पयंपएणं अहन्निस-अनुसमयं आजम्मं अवस्सं एव तिथयराइसु कीरंति अनुट्टिज्जंति उवइसिज्जंति परुविज्जंति पन्नविज्जंति सययं एएणं अट्टेणं एवं वुच्चइ गोयमा जहा णं-आवस्सगाणि तेसिं च णं गोयमा जे भिक्खू कालाइक्कमेणं वेलाइक्कमेणं समयाइक्कमेणं अलसायमाणे अनोवउत्त-पमत्ते अविहीए अन्नेसिं च असद्धं उप्पायमाणे अन्नयरमावस्सगं पमाइय-पमाइयं संतेनं बल-वीरिएणं सात-लेहडत्ताए आलंबणं वा किंचि धेत्तूणं चिराइउं पउरिया नो णं जहुत्तयालं समनुट्टेज्जा से णं गोयमा महा-पायच्छिती भवेज्जा ।

मू. (१३७९) से भयवं किं तं बितियं पायच्छित्तस्सणं पयं गोयमा बीयं तइयं चउत्थं पंचमं जाव णं संखाइयाइं पच्छित्तस्स णं पयाइं ताव णं एत्थं च एव पढम-पच्छित्त-परुअंतरोवगायाइं समनुविंदा से भयवं केण अट्टेणं एवं वुच्चइ गोयमा जओ णं सव्वावस्सग-कालानुपेही भिक्खू णं रोदइज्जाण-राग-दोस-कसाय-गारव-ममाकाराइसुं णं अनेग-पमायालंबणेसु सव्व-भाव-भावत-रंतररेहि णं अद्यंतं-विप्पमुक्को भवेज्जा केवलं तु नाण-दंसण-चारित्त-तवोकम्म-सज्झायज्झायण-सद्धम्मा-वस्सगेसु अभिरमेज्जा ताव णं सुसंवुडासव-दारे हवेज्जा जाव णं सुसंवडासव-दारे हवेज्जा ताव णं सजीव-वीरिएणं अनाइ-भव-गहणं संचियाइइ-दुइ-इ-कम्मरासीए रूगंत-निट्टवणेक्क-बद्ध-लक्खो अनुक्कमेण निरुद्ध-जोगी भवित्ताणं निदुद्धासेस-कम्मिधणे विमुक्क-जाइ-जरा-मरण-चउगइ-संसार-पास-बंधणे य सव्व-दुक्ख-विमोक्ख तेलोक्कं-सिहर-निवासी भवेज्जा एएणं अट्टेणं गोयमा एवं वुच्चइ जहा णं-एत्थं चेव पढम-एवं अवसेसाइं पायच्छित्तं-पयाइं अंतरोवगयाइं समनुविंदा ।

मू. (१३८०) से भयवं कयरे ते आवस्सगे गोयमा णं चिइ-वंदनादओ से भयवं कम्ही आवस्सगे असइ पमाय-दोसेणं कालाइक्कमिए वा वेलाइक्कमिए इ वा समयाइक्कमिए इ वा अणनोवउत्त-पमत्ते इ वा अविहीएसमनुट्टिएइ वा नो णं जहुत्तयालं विहीए सम्मं अनुट्टिए इ वा असंपडिए इ वा विच्छंपडिए इ वा अकए इ वा पमाइए इ वा केवतियं पायच्छित्तं उवइसेज्जा गोयमा जे केइं भिक्खू वा भिक्खुणी वा संजय-विरय-पडिहय-पच्चक्खायपाव-कम्म-दिक्खा-दिया-पभईओ अनुदियहं जावज्जीवाभिग्गहेणं सुविसत्थे भत्ति-निब्भरे जहुत्त-विहीए सुत्तत्थं अनुसरमाणेण अनन्न-मानसे-गग्ग-चित्ते तग्गय-माणस-मुहज्जवसाए थय-थइहिं न तेकालियं चेइए वंदेज्जा तस्स णं एगाए

वाराए खवणं पायच्छित्तं उवइसेज्जा बीयाए छेदं तइयाए उवट्टावणं अविहीए चेइयाइं वंदए तओ पारंचियं जओ अविहीए चेइयाइं वंदेमाणे अत्रेसं असद्धं संजणे इइ काउणं जो उण हरियाणि वा बीयाणि वा पुप्फाणि वा फलाणि वा पूयट्टा वा महिमट्टाण वा सोभट्टाए वा संघट्टेज्जा वा संघट्टावेज्जा वा छिंदेज्जा वा छिंदावेज्जा वा संघट्टिज्जंताणि वा छिदिज्जंताणि वा परेहिं समनुजाणेज्जा वा एएसुं सव्वेसुं उवट्टावणं खवणं चउत्थं आर्यबिलं एक्कासणं निव्विगइयं गाढागाढ-भेदेणं-जहा संखेणं नेये ।

मू. (१३८१) जे णं चेइए वंदेमाणस्स वा नमंसमाणस्स वा संथुणेमाणस्स वा पंचप्पयांरं सज्झायं पयरेमाणस्स वा विग्घं करेज्जा वा कारवेज्जा वा कीरंतं वा परेहिं समनुजाणेज्जा वा से तस्स एएसुं दुवालसं छट्ठं एक्कासणं कारणिगस्स निक्कारणिगे अवंदए संवाच्छरं जाव पारंचियं काऊणं उवट्टवेज्जा

मू. (१३८२) जे णं पडिक्कमणं न पडिक्कमेज्जा से णं तस्सोट्टावणं निदिसेज्जा बइट्ट-पडिक्कमेणे खमणं सुत्तासुत्तीए अणोवउत्त-पमतो वा पडिक्कमणं करेज्जा दुवालसं पडिक्कमण-कालस्स चुक्कइ चउत्थं अकाले पडिक्कमणं करेज्जा चउत्थं कालेण वा पडिक्कमणं करेज्जा चउत्थं संथार-गओ वा संथारगोवविट्ठो करेज्जा उवट्टावणं परिब्भट्ट-बंधेचर-वएहिं समं पडिक्कमेज्जा पारंचियं सव्वस्स समण-संघस्स तिविहं तिविहेण खमण-मरिसामणं अकाऊणं पडिक्कमणं करेज्जा उवट्टाणं पयं पएणाविद्यामेलियं पडिक्कमण-सुत्तं न पयट्टेज्जा चउत्थं पडिक्कमणं काऊणं संथारगेइ वा फलहगेइ वा तुयट्टेज्जा खमणं दिया तुयट्टेज्जा दुवालसं पडिक्कमणं काउं गुरु-पामूलं वसहिं संदिसावेत्ताणं न पच्चुप्पेहेइ चउत्थं वसहिं पच्चुप्पेहिऊणं न संपवेएज्जा छट्ठं वसहिं असंपवेएत्ताणं रयहरणं पच्चुप्पेहेज्जा पुरिवट्ठं रयहरणं विहीए पच्चुप्पेहेत्ताणं गुरु-पामूलं मुहंनंतं पच्चुप्पेहियं उवहिं न संदिसावेज्जा पुरिवट्ठं मुहंनंतंणं अपच्चुप्पेहिणं उवहिं संदिसावेज्जा पुरिवट्ठं असंदिसावियं उवहिं पच्चुप्पेहेज्जा पुरिवट्ठं अनुवउत्तो वसहिं वा उवहिं वा पच्चुप्पेहे दुवालसं अविहीए वसहिं वा उवहिं वा अन्नयरं वा भंड-मत्तोवगरणं वा अपडिलेहियं वा दुप्पडिलेहियं वा परिभुंजेज्जा—

दुवालसं वसहिं वा उवहिं वा भंड-मत्तोवगरणं वा न पच्चुप्पेहेज्जा उवट्टावणं एवं वसहिं उवहिं पच्चुप्पेहेत्ताणं जम्ही पएसे संथारयं जम्ही उ पएसे उवहिं पच्चुप्पेहणं कयं तं ठाणं निउणं हलुय-हलुयं दंडापुंछणणेण वा रयहरणेण वा साहरेत्ताणं तं च कयवरं पच्चुप्पेहित्तुं छप्पाइयाओ न पडिगाहेज्जा दुवालसं छप्पाइयाओ पडिगाहेत्ताणं तं च कयवरं परिट्टवेऊणं इरियं न पडिक्कमेज्जा चउत्थं अपच्चुप्पेहियं कयवरं परिट्टावेज्जा, उवट्टावणं जइ णं छप्पाइयाओ हवेज्जा अहा णं नत्थि तओ दुवालसं एवं वसहिं उवहिं पच्चुप्पेहिऊणं समाहिं खइरोल्लं च न परिट्टवेज्जा चउत्थं अनुग्गए सूरिए समाहिं वा खइरोल्लं वा परिट्टवेज्जा आर्यबिलं हरिय-काय-संसत्ते इ वा बीयकाय-संसत्ते इ वा तसकाय-बेइदियाईएहिं वा संसत्ते थंडिले समाहिं वा खइरोल्लं वा परिट्टवे अन्नयरं वा उच्चारयइं वोसिरेज्जा पुरिवट्टेक्कासन-गार्यबिलं अहक्कमेणं जइ णं नो उट्टवणं संभवेज्जा अहा णं उट्टवणा संभावीए तओ खमणं तं च थंडिलं पुनरवि पडिजागरेऊणं नीसकं काऊणं पुनरवि आलोएत्ताण जहा-जोगं पायच्छित्तं न पडिगाहेज्जा तओ उवट्टाणं समाहिं परिट्टवेमाणो सागारिएणं संचिक्खीयए संचिक्खीयमाणो ल

परिद्वेजा खवणं अपच्युवेहि थंडिल्ले जं किंचि वोसिरजा ततोवद्वाणं

एवं च वसहिं उवहिं पच्युपेहेत्ताणं समाही खइरोल्लं च परिद्वेत्ताणं एगग्ग-मानसो आउत्तो विहीए सुत्तत्थं अनुसरेमाणो इरियं न पडिक्कमेजा एक्कासणं महनंतगेणं विना इरियं पडिक्कमेजा वंदन-पडिक्कमणं वा करेजा जंभाएज्ज वा सज्जायं वा करेजा वायणादी सव्वत्थ पुरिवहं एवं च इरियं पडिक्कमित्ताणं सुकुमाल-पम्हल-अचोप्पड-अविक्किट्टेणं अविद्ध-दंडेणं-दंड-पुच्छणगेणं वसहिं न पमजे एक्कासणं, बोहारियाए वा वसहिं वोहारेजा उवद्वाणं वसहीए दंड-पुच्छणं दाऊणं कयवरं न परिद्वेजा चउत्थं, अपच्युपेहियं कयवरं परिद्वेजा दुवालसं जइ णं छप्पइयओ तत्थ अन्नेसिऊणं अन्नेसिऊणं समुच्चिनियं समुच्चिनिय पडिगाहिया ताओ जइ नन न सव्वेसिं भिक्खूणं संविभाइउणं देजा तओ एक्कासणं, जइ सयमेव अत्यणो ताओ छप्पइयाओ पडिगाहेजा अहणं न संविभइउं दिजा न य अत्तणो पडिग्गहेजा तओ पारंचियं एवं वसहिं दंडा पुच्छणगेणं विहीए पमज्जिऊणं कयवरं पच्युपेहेऊणं छप्पइयाओ संविभातिऊणं च तं च कयवरं न परिद्वेजा परिद्वित्ताणं च सम्मं विहिए अच्चंतोवउत्ते एगग्गमानसेणं पयंपएणं तु सुत्तत्थो भयं सरमाणे जे णं भिक्खू न इरियं पडिक्कमेजा तस्स य आर्यबिल-खमणं पच्छित्तं निद्दिसेजा एवं तु अइक्कमेजा णं गोयमा किंचूणं दिवहं घडिगं पुव्वण्हगस्स णं पढम-जामस्स

एयावसरन्ही उ गोयमा जे णं भिक्खू गुरुणं पुरओ विहीए सज्जायं संदिवासेऊणं एगग्गचित्ते सुयाउत्ते दढं धिईए घडिगूण पढम-पोरिसिं जावज्जीवाभिग्गहेणं अनुदियहं अपुव्व-नाण-गहणं न करेजा तस्स दुवालसं पच्छित्तं निद्दिसेजा अपुव्व-नाणाहिज्जणस्स असइं जं एव पुव्वाहिज्जियं तं सुत्तत्थोभयं अनुसरमाणो एगग्गमाणसे न परावत्तेजा भत्तिथी-राय-तक्कर-जनवयाइ विचित्तं-विगहासु णं अभिरमेजा अवंदणिजे जेसिं च णं पुव्वाहीयं सुत्तं न अत्य व अउव्व-नाण-गहणस्स णं असंभवो वा तेसिं अवि घडिगूण पढम-पोरिसीए-पंच-मंगलं पुणो पुणो परावत्तणीयं अहा णं नो परावत्तिया विगहं कुव्वीया वा निसामिया वा से णं अवंदे अवं घडिगूणाए पढम-पोरिसीए जे णं भिक्खू एगग्ग-चित्तो सज्जायं काऊणं तओ पत्तग-मत्तग-कमढगाइं भंडोवगरणस्सणं अव्वक्खित्ताउत्तो विहीए पच्युपेणं न करेजा तस्स णं चउत्थं पच्छित्तं निद्दिसेजा भिक्खू-सद्दो पच्छित्त-सद्दो य इमे सव्वत्थ पइ-पयं जो जणीए जइ णं तं भंडोवगरणं न भुंजीया अहा णं परिभुंजे दुवालसं, एवं एइक्कंता पढमा पोरिसी बीय-पोरिसीए अत्य-गहणं न करेजा पुरिवहं जइ णं वक्खाणस्स णं अभावो अहा णं वक्खाणं अत्य एवं तं न सुणेजा अवंदे वक्खाणस्सासंभवे कालवेलं जाव वायाणाइ-सज्जायं न करेजा दुवालसं एवं पत्ताए काल-वेलाए जं किंचि अइय-

राइय-देवसिय-अइयारे निदिए गरहिए आलोइए पडिक्कंते जं किंचि काइगं वा वाइगं वा मानसिगं वा उस्सुत्तायरणेणं वा उम्मग्गायरणेण वा अकप्पासेवणेण वा अकरणिज्ज-समायरणेण वा दुज्जाएण वा दुचित्तिएण वा अनायार-समायरणेण वा अनिच्छिव्व समायरणेण वा असमण-पाओग्ग-समायरणेण वा नाणे दंसणे चरित्ते सुए सामाइएतिण्हं गुत्तियादीणं चउपहं कसायादीणं पंचहं महव्वयादीणं छहं जीव-निकायादीणं सत्तहं पिंडेसणाइणं अट्टहं पवयणमाइणं नवण्हं बंधेर-गुत्तादीणं दसविहस्स णं समणधम्मस्स एवं तु जाव णं एमाइ अनेगालावगमाइणं खंडणे विराधने वा आगम-कुसलेहिणं गुरूहिं पायच्छित्तं उवइइं तं निमित्तेणं जहा सत्तीए अनिगूहिय-

बल-वीरिय-पुरिसयार-परक्रमे असढताए अदीन-मानसे अनसनाइ स-बज्जातरं दुवालसविहं तवो-कम्मं गुरुणं अंतिए पुनरवि निट्टंकिउणं सुपरिफुड काऊणं तह त्ति अभिनंदिताणं खंडखंडी-विभत्तं वा एग-पिंड-द्वियं वा न सम्मं अनुचिद्धेज्जा से णं अवंदे से भयवं के णं अट्टेणं खंडखंडीए काउमनुचेद्धेज्जा गोयमा जे णं भिक्खू संवच्छरद्धं चाउमास खमणं वा एक्को काऊणं न सकणोइ से णं छट्ट-ट्टम-दसम-दुवालसद्ध-मास-खमणेहिं णं तं पायच्छित्तं अनुपवेसेइ अन्नमवि जं किं चि पायच्छित्तानुयं एते णं अत्येणं खण्ड-खण्डीरू समनुचेद्धे एवं तुं समोगाढं किंचूणं पुरिवट्टं

एयावसरम्मि उ जे णं पडिक्कमंते इ वा वंदंते इ वा सज्जाय करते इ वा संचरते इ वा परिभमंते इ वा गए इ वा ठिए इ वा बइड्डलगे इ वा उट्टियल्लगे इ वा तेउ-काएण फुसियल्लगे भवेज्जा से णं आयंविंलं न संवरेज्जा तओ चउत्थं, अन्नेसिं तु जहा जोगं जहेव पायच्छित्तानं पविसंति तहा स-सत्तीए तवो-कम्मं नाणुट्टिएइ तओ चउगुण पायच्छित्तं तं एवं बीय-दियहे उवइसेज्जा जेसिं च णं वंदंताण वा पडिक्कमंताण वा दीहं वा मज्झारं वा छिंदिऊणं गयं हवेज्जा तेसिं च णं लोय-करणं अन्नत्यगमणं तं माणं उग्ग-तवाभिरमणं एयाइं न कुव्वंति तओ गच्छ बज्जे जे णं तुं तं महोवसग्ग-साहगं उप्पाइगं दुत्तिमित्तं अमंगलावहं हविया जो णं पढम-पोरिसीए वा बीय-पोरिसीए वा चंकमणियाए परिसक्किरेज्जा अगालसत्रिए इ वा छड्डिकडे इ वा से णं जइ चउव्विहेणं न संवरेज्जा तओ छट्टं दिया थंडिल्ले पडिलेहिए राओ सन्नं वोसिरेज्जा समाहीए इ वा एगासनगं गिलानस्स अन्नेसिं तु छट्ट एव जइ णं दिया न थंडिल्ल पच्चुप्पेहियं नो णं समाही संजमिया अपच्चुप्पेहिए थंडिल्ले अपच्चुप्पेहियाए चेव समाहीए रयणीए सन्नं वा काइयं वा वोसिरेज्जा एगासणगं गिलाणस्स सेसाणं दुवालसं अहा णं गिलानस्स मिच्छुक्कडं वा एवं पढम-पोरिसीए बीय-पोरिसीए वा सुत्तत्थ-अहिज्जनं मोत्तूणं जे णं इत्थी-कहं वा भत्त-कहं वा देस-कहं वा राय-कहं वा तेन-कहं वा गारत्थिय-कहं वा अन्नं वा असंबद्धं रोइड्डज्जाणोदीरणा कहं पत्थावेज्जा वा उदीरेज्जा वा कहेज्जा कहावेज्जा वा से णं संवच्छरं जाव अवंदे अह णं पढम-बीय-पोरिसीए जइ णं कयाइं महयां कारण-वसेणं अद्ध घडिगं घडिगं वा सज्जायं न कयं तत्थ मिच्छुक्कडं गिलानस्स अत्रेसिं निव्विगइयं दढ-निट्टुरं तेन वा गिलाणेण वा जइ णं कहिं चि केणइ कारणेणं जाएणं असइं गीयत्थ-गुरुणा अणणुन्नाएणं सहसा कयाइं बइड्ड-पडिक्कमणं कयं हवेज्जा तओ मासं जाव अवंदे चउ-मासे जाव मुणेव्वयं णं पढम-पोढिताए अणइकंताए तइय-पोरिसीए अइकंताए भत्तं वा पानं वा पडिगाहेज्जा वा परिभुंजेज्जा वा तस्स णं पुरिवट्टणं चेइएहिं अवंदिएहिं उवओगं करेज्जा पुरिवट्टं गुरुणो अंतिए न उवओगं करेज्जा चउत्थं अकएणं उवओगेणं जं किंचि पडिगाहेज्जा चउत्थं अविहीए उवओगं करेज्जा खवणं-

भत्तट्टाए वा पानट्टाए वा भेसज्जाट्टाए वा सकज्जेण वा गुरु-कज्जेण वा बाहिर-भूमीए निग्गच्छंते णं गुरुणो पाए उत्तिमंगेण संघट्टेत्ताणं आवस्सियं न करेज्जा पविसंते घंधसालाइसु णं वसही दुवारे निसीहियं न करेज्जा पुरिवट्टं सत्तणं कारण-जायाणं असइं वसहीए बहिं निग्गच्छे गच्छ-बज्जो एगो गच्छे उवट्टावणं अगीयत्थस्स गीयत्थस्स वा संकणिज्जस्स वा भत्तं वा पानं वा भेसज्जां वा वत्थं पत्तं वा दंडगं वा अविहीए पडिगाहेज्जा गुरुणं च न आलोएज्जा तइय-वयस्स छेदं मासं जाव अवंदे मूणेव्वयं च भत्तट्टाए वा पानट्टाए वा भेसज्जाट्टाए वा सकज्जेण वा गुरु-कज्जेण वा पविट्टो गामे वा नगरे वा रायहानीए वा तिय-चउक्क-चच्चर-परिसा-गिहे इ वा तत्थ कहं वा विकहं वा पत्थावेज्जा

उवद्वावणं सोवाहणो परिसक्रेजा उवद्वाणं उवहणाओ न पडिगाहेजा खवणं तारिसे णं स-विहाणणे उवाहणाओ न परिभुंजेजा खवणं गओ वा ठिओ वा केणइ पुट्ठो निउणं महरं धोवं कज्जावडियं अगव्विय अतुच्छं निदोसं सयल-जनमनानंद-कारयं इह-पर-लोग-सुहावहं वयणं न भासेजा अवंदे जइ णं नाभिग्गहिओ सोलस-दोस-विराहिं पी स-सावज्जं भासेजा उवद्वावणं बहु भासे उवद्वावणं पडिनियं भासे उवद्वाणं कसाएहिं जिजे अवंदे कसाएहिं समुइन्नेहिं भुंजे रयणिं वा परिवसेजा मासं जाव मुणव्वए अवंदे य उवद्वाणं च परस्स वा कस्सइ कसाए समुदुरेजा दर-कसायस्स वा कसाय-वुट्ठिं करेजा मम्मं वा किंचि बोलेजा एतेसुं गच्छ-बज्झो फरुसं भासे दुवालसं कक्कसं भासे दुवालसं खर-फरुस-कक्कस-निट्टरमणिइं भासे उवद्वावणं दुब्बोल्लं देइ खमणं खकलिं किलिकिं चं कलहं झं झं डमरं वा करेजा गच्छ-बज्झो मगार-जगारं वा बोले खमणं बीय-वाराए अवंदे वहंतो संघ-बज्झो हणंतो संघ-बज्झो एवं खणंतो भजंतो लहसंतो लूडंतो जालावंतो पयंतो पयावंतो एतेसुं सव्वेसुं पत्तेगं संघ-बज्झो गुरुं पडिसूरेजा अत्रं वा मयहराइयं कहिं चि हीलेजा गच्छायारं वा संघायारं वा वंदन-पडिक्कमणाइं मंडली-धम्मं वा अइक्कमेजा अविहीए पव्वावेज्ज वा उवद्वावेज्ज व अओग्गसस्स वा सुत्तं वा अत्थं वा उभयं वा परुवेजा अविहीए सारेज्ज वा वारेज्ज वा चोएज्ज वा विहीए वा सारण-वारण चोयणं न करेजा उम्मग्ग-पट्टियस्स वा जहा विहीए जाव णं सयल-जन-सन्निज्जं परिवाडिए न भासेजा हियं भासं स-पक्ख-गुणावहं एतेसुं सव्वेसुं पत्तेगं कुल-गण-संघ-बज्झो कुल-गण-संघ-बज्झीकयस्स णं अद्यंत-घोर-वीर-तवाणट्ठा-नाभिरयस्स वि णं गोयमा अपेही तम्हा कुल-गण-संघ-बज्झीकयस्स णं खण-खण-द्धघडिग-घडिगद्ध वा न चिट्ठेयव्वं ति-

अप्पुच्चेहिए थंडिल्ले उच्चारं वा पासवणं वा खेल्लं वा सिंघाणं वा जल्लं वा परिद्वेजेजा निसीयंतो संडासगे न पमज्जेजा निव्विगइयायंबिलं 'हक्कमेणं भंड-मत्तोवगरण-जायं जं किंचि दंडगाई ठवंते इ वा निक्खिवंते इ वा साहरंते इ वा पडिसाहरंते इ वा गिण्हंते इ वा पडिगिण्हंते इ वा अविहीए ठवेज्ज वा निक्खिवेज्ज वा साहरेज्ज वा पसाहरेज्ज वा गिण्हेज्ज वा पडिगिण्हेज्ज वा एतेसुं असंसत्त-खेत्ते पत्तेगं चउरो आयंबिले संसत्तखेत्ते उवद्वाणं दंडगं वा रयहरणं वा पाय-पुच्छणं वा अंतरकप्पगं वा चोल-पट्टगं वा वासाकप्पं वा जाव णं मुहन्तगं वा अन्नयरं किंचि संजमोवगरण-जायं अप्पडिलेहि य वा दुप्पडिलेहियं वा ऊनाइरित्तं गणणाए पमाणेणं वा परिभुंजे खवणं सव्वत्थ पत्तेगं अविहीए नियंसनुत्तरीयं रयहरणं दंडगं वा परिभुंजे चउत्थं सहसा रयहरणं खवे निक्खिवइ उवद्वावणं अंगं वा उवंगं वा संबाहावेजा खवणं रयहरण-सुसंघट्ठे चउत्थं पमत्तस्स सहसा मुहन्तगाइ किं चि संजमोवगरणं विप्पनस्से तत्थ णं जाव खमणोद्वावणं जहा जोगं गवेसणं मिच्छुक्कड-वोसिरणं पडिगाहणं च आउकाय-तेउकायस्स णं संघट्टणाई एगंतेनं निसिद्धे जो ऊण जोइए अंतलिक्खबिंदु-वारेहिं वा आउत्तो वा अनाउत्तो वा सहसा फुसेजा तस्स णं पकहियं च एवायंबिलं इत्थीणं अंगावयवं किंचि हत्थेण वा पाएण वा दंडगेण वा कर-धरिय-कुसग्गेण वा चलणक्खेवेण वा संघटे पारंचियं सेस पुणो वि सत्थाणे पबंधेण भाणीहई एवं तु आगयं भिक्खाकालं एयावसम्ही उ गोयमा जे णं भिक्खू पिंडेसणाभिहिएणं विहिणा अदीन-मनसो ।

मू. (१३८३)

वज्जेतो बीय-हरीयाइं पाने य दग-मट्टियं ।

उववायं विसमं खाणुं रत्ना गिहवईणं च ॥

मू. (१३८४) संकट्टाणं विवज्जंतो पंच-सभिय-ति-गुत्तो गोयर-चरियाए पाहुडियं न पडियरिया तस्स णं चउत्थं पायच्छित्तं उवइसेज्जा, जइ णं नो अभत्तट्ठी ठवणा-कुलेसु पविसे खवणं सहसा पडवुत्थं पडिगाहियं तक्खणा न परिट्ठवे निरुवद्दवे थंडिले खवणं अकप्प पडिगाहेज्जा चउत्थाइ जहा जोगं कप्पं वा पडिसेहेइ उवट्ठावणं गोयर-पविट्ठो कहं वा विकहं वा उभय-कहं वा पत्थावेज्ज वा उदीरेज्ज वा कहेज्ज वा निसामेज्ज वा छट्ठं गोयर-मागओ य भत्तं वा पानं वा भेसज्जं वा जं जेन चित्तिं जं जहा य चित्तिं जहा य पडिगाहियं तं तथा सव्वं नालोएज्जा पुरिवट्ठं इरियाए अपडिकंताए भत्त-पाणाइयं आलोएज्जा पुरिवट्ठं ससरक्खेहिं पाएहिं अपमज्जिएहिं इरियं पडिकमेज्जा पुरिमट्ठं इरियं पडिकमिउकामो तिन्नि वाराओ चलणगाणं हिट्ठिम-भूमि-भागं न पमज्जेज्जा निव्वइयं, कन्नोडियाए वा मुहन्तगेणं वा विना इरियं पडिकमे मिच्छदुकडं पुरिमट्ठं वा पाहुडियं आलोइत्ता सज्झायं पट्ठावित्तुं तिसराइं धम्ममंगलाइं न कहेज्जा चउत्थं धम्मो मंगलगेहिं च णं अपयट्ठिएहिं चेइय-साहूहि च अवदिएहिं पारावेज्जा पुरिवट्ठं अपाराविएणं भत्तं वा पानं वा भेसज्जं वा परिभुंजे चउत्थं गुरुणो अंतियं न पारावेज्जा नो उवओगं करेज्जा नो णं पाहुडियं आलोएज्जा न सज्झायं पट्ठावेज्जा एतेसु पत्तेयं उवट्ठावणं गुरु वि य जेणं नो उवउत्ते हवेज्जा से णं पारंचियं साहम्मियाणं संविभागेणं अविड्ढेणं जं किंचि भेसज्जाइ परिभुंजे छट्ठं भुंजते इ वा परिवेसंते इ वा पारिसाडिं करेज्जा छट्ठ तित्त-कडुय-कसायंबिल-महुर-लवणाइं रसाइं आसायंते इ वा पलिसायंते इ वा परिभुंजे चउत्थं तेसु चैव रसेसुं रागं गच्छे खमणं अट्ठमं वा अकएणं काउसगेणं विगइ परिभुंजे पंचेवायंबिलाणि दोहं विगइणं उट्ठं परभुंजे पंच निव्विगइयाणि अकारणिगो विगइ-परिभोगं कुज्जा अट्ठमं असनं वा पानं वा भेसज्जं वा गिलाणस्स अइन्नानुच्चरियं परिभुंजे पारंचियं गिलाणेणं अपडिजागरिएणं भुंजे उवट्ठावणं सव्वमवि निय-कत्तव्वं परिचेच्चाणं गिलाण-कत्तव्वं न करेज्जा अवंदे गिलान-कत्तव्वमालंबिऊणं नियय-कत्तव्व पमाएज्जा अवंदे गिलाण-कप्पं न उत्तारेज्जा अट्ठमं गिलाणेण सदिरे एग्ग-सट्ठेणामंतुं जम्हाइसे तं न कुज्जा पारंचिए नवरं जइ णं से गिलाणे सत्थ-चित्ते अहा णं संत्रिवायादीहिं उब्भामिय-माणसे हवेज्जा तओ जमेव गिलाणेणमाइडुं तं न कायव्वं तस्स जहाजोगं कायव्वं न करेज्जा संघवज्जो-

आहाकम्मं वा उद्देसियं वा पूइकम्मं वा मीस-जायं वा ठवणं वा पाहुडियं वा पाओयरं वा कीयं वा पामिच्चं वा पारियट्ठियं वा अभिहडं वा उब्भिन्नं वा मालोहडं वा अच्छेज्जं वा अनिसडुं वा अज्जोयरं वा धाई-दूई-निमित्तेणं आजीववणिमग-तिगिच्छा-कोह-मान-माया-लोभेणं पुव्वि संथव-पच्छा-संथव विज्जा-मंत-चुन्न-जोगे संकिय-मक्खिय-निक्खित्त-पिहिय-साहरिय-दाय-गुम्भीस-अपरिणय-लित्त-छट्ठिय एयाए बायालाए दोसेहिं-अन्नयर-दोस दूसियं आहारं वा पानं वा भेसज्जं वा परिभुंजेज्जा सव्वत्थ पत्तेगं जहा-जोगं कमेणं खमणायंबिलादी उवइसेज्जा छणं दोसेहिं कारण जायाणमसई भुंजे अट्ठमं सधूम सइंगालं-भुंजे उवट्ठावणं संजोइय-संजोइय जीहा लेहडत्ताए भुंजे आर्यबिल-खवणं संते बल-वीरिय-पुरिसयार-परक्कमे-अट्ठमि-चाउइसी-नाण-पंचमी पज्जोसवणा चाउम्मासिए चउत्थइम-छट्ठे न करेज्जा खमणं, कप्पं नावियइ चउत्थं कप्पं परिट्ठवेज्जा दुवालसं पत्तग-मत्तग-कमदग्गं वा अन्नयरं वा भंडोवगरण-जायं अतिप्पिऊणं ससिणिद्धं वा अससिणिद्धं अनुल्लेहियं ठवेज्जा चउत्तं पत्ता-बंधस्स णं गंठिओ न छोडेज्जा न सोहेज्जा चउत्थं पच्छित्तं समुद्देस-

मंडलीओ संघट्टेजा आयामं संघट्टं वा समुद्देस-मंडलि छिविऊणं दंडा पुंछणगं न देजा निव्विइयं समुद्देस-मंडली छिविऊणं दंडा-पुंछणगं च दाऊणं इरियं न पडिक्कमेजा निव्विइय एवं इरियं पडिक्कमित्तुं दिवसावसेसियं न संवरेजा आयामं गुरु-पुरओ न संवरेजा पुरिमहं अविहीए संवरेजा आयंबिलं, संवरेत्ता णं चेइय साहूणं वंदनं न करेजा पुरिमहं वंदनगं देजा अवंदे, एयावसरन्ही उ बहिर-भूमीए पाणिय-कज्जेणं गंतूणं जावागमे ताव णं समोगाढेजा किंचूनाहियं तइय-पोरिसी-

तमवि जाव णं इरियं पडिक्कमित्ताणं विहिए गमनागमनं च आलोइऊणं पत्तगमत्त-गकमढगाइयं भंडोवगरणं निक्खिवइ ताव न अनुनाहिया तइय-पोरिसी हवेजा एवं अडक्कताए तइय-पोरिसीए गोयमा जे णं भिक्खू उवहिं थंडिलाणि विहिणा गुरु-पुरओ संदिसावेत्ता णं पानगस्स य संवरेऊण काल-वेलं जाव सज्झायं न करेजा तस्स णं छट्टं पायच्छित्तं उवइसेजा एवं च आगयाए काल-वेलाए गुरु-संतिए उवहिं थंडिले वंदन-पडिक्कमण-सज्झाय-मंडलीओ वसहिं च पच्चुप्पेहिताणं समाही-खड्दोल्लगेय संजमिऊणं अत्तणगे उवहिं थंडिले पच्चुप्पेहितुं गोयर-चरियं पडिक्करमिऊणं कालो गोयर-चरिया-घोसणं काऊणं तओ देवसियाइयार-विसोहि-निमित्तं काउस्सगं करेजा एएसुं पत्तेगं उवट्टावणं पुरिवट्टेगासणगोवट्टावणं जहा संखेणं नेयं एयं काऊणं काउस्सगं मुहनंतगं पच्चुप्पेहेउं विहीए गुरुणो कित्तिकम्मं काऊणं जं किंचि कथइ सूरुगमं पभित्तीए चिट्ठेतेन वा गच्छंतेन वा चलंतेन वा भमंते न वा संभरंते न वा पुढवि-दग-अगणि-मारुय-वणस्सइ-हरिय-तण-बीय-पुप्फ-फल-किसल्य-पवाल-कंदल-बि-ति-चउ-पंचिदियाणं संघट्टण-परियावण-किलावण-उद्दवणं वा कयं हवेजा तथा तिण्हंगुत्तादीणं चउण्हं कसायादीणं पंचण्हं महव्वयादीणं छण्हं जीव-निकाया-दीणं सत्तण्हं पान-पिडेसण्णण अट्टण्हं पवयण-मायादीणं नवण्हं बंभचेरादीणं दस विहस्स णं समण-धम्मस्स-नाण-दंसण-चरित्ताणं च जं खंडियं जं विराहियं तं निदिऊणं गरहिऊणं आलोइऊणं पायच्छित्तं चे पडिवज्जिऊणं एगग-माणसे सुत्तत्थोभयं धणियं भावेमाणे पडिक्कमणं न करेजा उवट्टावणं एवं तु अदसणं गओ सूरिओ चेइएहिं अवंदिएहिं पडिक्कमेजा चउत्यं एत्यं च अवसरं विन्नेयं पडिक्कमिऊणं विहीए रयणीए पढम-जामं अनुनगं सज्झायं न करेजा दुवालसं पढम पोरिसीए अनइक्कताए संथारगं संदिसावेजा छट्टं असंदिसाविणं संथारगेणं संथारेजा चउत्यं अपच्चुप्पेहिए थंडिले संथारेइ दुवालसं अविहीए संथारेजा चउत्यं कुसिरणप्पयादी संथारेजा सयं आयंबिलाणि सव्वस्स समण-संघस्स साहम्मियाणमसाहम्मियाणं च सव्वस्सेव जीव-रासिस्स सव्वभावभावंतरेहि णं तिविहं त्रिविहेषं खाम्भ-मरिसावणं अकाऊणं चेइएहिं तु अवंदिएहिं गुरु-पायमूलं च उवही-देहस्सासणादीणं च सागारेणं पच्चक्खाणेणं अकएणं कन्न-विवरेसुं च कप्पास-रुवेणं अट्टइएहिं संथारगन्ही टाएजा एएसुं पत्तेगं उवट्टावणं -

संथारगन्ही उ ठाऊणमिमस्स णं धम्म-सरीरस्स गुरु-पारंपरिएणं समुवल्लेहेहिं तु इमेहिं परममंतक्खरेहिं दससु वि दिसासुं अहि-करि-दुड्ढ-मंत-वानमंतर-पिसायादीणं रक्खं न करेजा उवट्टाणं दससु वि दिसासु रक्खं काऊणं दुवालसहिं भावनाहिं अभाविआहिं सोवेजा पनुवीसं आयंबिलाणि एकं निदं सोऊणं पडिबुद्धे इरियं पडिक्कमेत्ताणं पडिक्कमणं-कालं जाव सज्झायं न करेजा दुवालसं पसुत्ते दुसुमिणं वा कुसुमिणं वा ओगाहेजा सएणं उसासेणं काउस्सगं रयणीए छीएज्ज वा खासेज्ज वा फलहग-पीढग-दंडगेण वा खड्दुक्कं पउरिया खमणं, दीया वा राओ वा

हास-खेडु-कंदप्प-नाहवायं करेजा उवद्वावणं एवं जे णं भिक्खू सुत्ताइक्कमेणं काला-इक्कमेणं आवासणं कुब्बीया तस्स णं कारणिगस्स मिच्छुक्कडं गोयमा पायच्छित्तं उवइसेजा जे य णं अकारणिगे तेसिं तु णं जहा-जोगं चउत्थाइए उवएसे य जे णं भिक्खू सद्दे करेजा सद्दे उवइसेजा सद्दे गाढागाढ-सद्दे य, सव्वत्थ-पइ-पयं पतेयं सव्व-पएसुं संबज्जावेयव्वे एवं जे णं भिक्खू आउ-कायं वा तेउ कायं वा इत्थी-सरीरावयवं वा संघट्टेजा नो णं परिभुंजेजा से णं दुरंत-पंत-लक्खणे अदट्टव्वे महा-पाव-कम्मे पारंघिए अहा णं महा-तवस्सी हवेजा तओ सयरिं मासखवणाणं सयरिं अद्ध-मास-खवणाणं सयरिं दुवालासाणं सयरिं दसमाणं सयरिं अट्टमाणं सयरिं छट्टाणं सयरिं चउत्थाणं सयरिं आयंबिलाणं सयरिं एगट्टाणाणं सयरिं सुद्धायामेगासणाणं सयरिं निव्विगइयाणं जाव णं अनुलोम-पडिलोमेणं निदिसेजा एयं च पच्छित्तं जे णं भिक्खू अविंसते समनुट्टेजा से णं आसन्न-पुरेक्खडे नेए ।

मू. (१३८५) से भयवं इणमे सयरिं सयरिं अनुलोम-पडिलोमेणं केवतिय-कालं जाव समणद्धिहिइ गोयमा जाव णं आयारमंगं वाएजा भयवं उहं पुच्छा गोयमा उहं केइ समनुट्टेजा केइ नो समनुट्टेजा जे णं समनुट्टेजा से णं वंदे से णं पुज्जे से णं दट्टव्वे से णं सुपसत्थ सुमंगल सुगहियनामधेज्जे तिण्हं पि लोगाणं वंदणिज्जे त्ति जे णं णो समनुट्टे से णं पावे से णं महापावे से णं महापाव-पावे से णं दुरंत-पत-लक्खणे जाव णं अदट्टव्वे ति ।

मू. (१३८६) जया णं गोयमा इणमो पच्छित्तसुत्तं वोच्छिज्जिहिइ तथा णं चंदाइच्चा गहा-रिक्खा-तारगाणं सत्त-अहोरत्ते तेयं नो विप्फुरेजा ।

मू. (१३८७) इमस्स णं वोच्छेदे गोयमा कसलियस्स संजमस्स अभावो जओ णं सव्व-पाव-निट्टवगे चेव पच्छित्ते सव्वस्स णं तवसंजमानुट्टाणस्स पहाणमंगे परम-विसोही-पए पवयणस्सावि णं नवनीय-सारभूए पन्नत्ते ।

मू. (१३८८) इणमो सव्वमवि पायच्छित्ते गोयमा जावइयं एगत्य संपिडियं हवेजा तावइयं चेव एगस्स णं गच्छाहिवइणो मयहर-पवत्तिनीए य चउगुणं उवइसेजा जओ णं सव्वमवि एएसिं पर्यसियं हवेजा अहाणमिमे चेव पमायवसं गच्छेजा तओ अन्नेसिं संते धी-बल-वीरिए सुद्धतराग-मच्चुज्जमं हवेजा अहा णं किं चि सुमहंतमवि तवानुट्टाणुमब्भुज्जमेजा ता णं न तारिसाए धम्म-सद्धाए किं तुं मंदुच्छाहे समनुट्टेजा भग्गपरिणामस्स य निरत्थगमव काय-कसे जम्हा एयं तम्हा उ अच्चितानंत-निरनुबंधि-पुत्र-पब्भारेणं भग्गपरिणामस्स य निरत्थगमेव काय-केसे जम्हा एयं तम्हा उ अच्चितानंत-निरणुबंधि-पुत्र-पब्भारेणं संजुज्ज माणे वि साहुणो न संजुज्जति एवं च सव्वमवि गच्छाहिवइयादीणं दोसेणेव पवत्तेजा एएणं अट्टेणं रूढं पवुच्चइ गोयमा जहा णं गच्छाहिवइयाईणं इणमो सव्वमवि पायच्छित्तं जावइयं एगत्य संपिडियं हेवजा तावइयं चेव चउगुणं उवइसेजा

मू. (१३८९) से भयवं जे णं गणी अप्पमादी भवित्ताणं सुयानुसारेणं जहुत्त-विहाणेहिं चेव सययं अहन्निंसं गच्छं न सारवेजा तस्स किं पच्छित्तमुवइसेजा गोयमा अप्पउत्ती पारंघियं उवइसेजा स भयवं जस्स उ णं गणिणो सव्व पुमायालंबणविप्पमुक्कस्सावि णं सुयानुसारेणं जहुत्तविहाणेहिं चेव सययं अहन्निंसं गच्छं सारवेमाणस्सेव केइ त्हांविहे दुट्टसीले न सम्मग्गं समायारेजा तस्स वी इ किं पच्छित्तमुवीसेजा गोयमा उवइसेजा से भयवं किं तं पायच्छित्तमुवइसेजा गायमा जे णं एवणं गुणकलिए गणी से णं जया एवंविहे पावसीले गच्छे तिविहं तिविहेणं वोरिसेताणमाय-हियं

न समनुद्वेजा तथा णं संघ-बज्जे-उवइसेजा से भयवं जया णं गणिणा गच्छे तिविहेणं वोसिरिए हवेजा तथा णं ते गच्छे आदरेजा गोयमा जइ संविग्गे भवित्ताणं जहुत्तं पच्छित्तमनुचरित्ताणं अन्नस्स गच्छाहिवइणो उवसंपज्जित्ताणं सम्मग्गमनुसरेजा तओ णं आयरेजा अहा णं सच्छंदत्ताए तहेव चिट्ठे न उ णं चउव्विहस्सा वि समण-संघस्स बज्जं तं गच्छं नो आयरल्लजा

मू. (१३९०) से भयवं जया णं से सीसे जहुत्त-संजम-किरियाए पवइति तहाविहे य केई कुगुरु तेसिं दिक्खं परूवेजा तथा णं सीसा किं समनुद्वेजा गोयमा घोर-वीर-तव-संजमे से भयवं कहं गोयमा अन्न गच्छे पविसित्ताणं से भयवं जया णं तस्स संतिएणं सिरिगारेणं विणिए समाण अन्न-गच्छेसुं पवेसमेव न लभेजा तथा णं किं कुव्विजा गोयमा सव्व-पयारेहिं णं तं तस्स संतियं सिरियारं फुसावेजा से भयवं केणं पयारेणं तं तस्स संतियं सिरियारं सव्व-पयारेहिं णं फुसियं हवेजा गोयमा अक्खरेसुं से भयवं किं नामे ते अक्खरे गोयमा जहा णं अप्पडिग्गाही कालकालंतरेसुं पि अहं इमस्स सीसाणं वा सीसिणीगाणं वा से भयवं जया णं एवंविहे अक्खरे न प्पयादी गोयमा जया णं एवंविहे अक्खरे न प्पयादी तथा णं आसन्न-पावयणीणं पकहिताणं चउत्थदीहिं समक्कमिताणं अक्खरे दावेजा से भयवं जया णं एएणं पयारेणं से णं कुगुरु अक्खरे न पदेजा तथा णं किं कुजा गोयमा जया णं एएणं पयारेणं से णं कुगुरु अक्खरे न पदेजा तथा णं संघ-बज्जे उवइसेजा से। यवं केणं अट्टेणं एवं वुच्चइ गोयमा सुदुप्पयहे इणमो महा-मोह-पासे गेह-पासे तमेव विप्पहिताणं अनेग सारीरग-मनो-समुत्थ-चउ-गइ-संसार-दुक्ख-भय-भीअ-कह-कहादी-मोह-मिच्छत्तादीणं खओवस-मेणं सम्मग्गं समोवलभित्ताणं निव्विन्न-काम-भोगे निरणुबंधे पुत्रमहिज्जे तं च तव-संजमानुद्धानेणं तस्सेव तव-संजम किरियाए जाव णं गुरु सयमेव विग्घं पयरे अहा णं परेहिं णे वा समनुवेक्खे सपक्खेण वा परपक्खेण वा ताव णं तस्स महानुभागस्स साहुणो संतियं विज्जमाणमवि धम्म-वीरियं पणस्से जाव णं धम्म-वीरिय णणस्से ताव णं जे पुत्र-भागे आसन्न-परक्खडे चेव सो पणस्से जइ णं नो समण लिंगं विप्पजहे ताहे जे एवं गुणववेए से णं तं गच्छमुज्झिय अन्न गच्छं समुप्पयाइ तत्तवि जाव णं संपवेसं न लभे ताव णं कयाइ उ न अविहीए पाणे पयहेजा कयाइ उ न मिच्छत्तभावं गच्छिय पर-पासंडं आसएजा कयाइ उ न दाराइसंगहं काऊणं अगार-वासे पवसेजा अहा णं से ताहे महातवस्सी भवेत्ताणं पुणो अतवस्सी होउणं पर-कम्मकरे हवेजा जाव णं एयाइं न हवंति ताव णं एगंतेनं वुट्ठि गच्छे मिच्छत्तमे जाव णं मिच्छत्त-तमंधी-कए-बहुजन-निवहे दुक्खेणं समनुद्वेजा दोगइ-निवारए सोक्ख-परंपरकारए अहिंसा लक्खणसमणं-धम्मे जाव णं एयाइं भवंति ताव णं तित्थस्सेव वोच्छित्ती ताव णं सुदूर-ववहिए परम-पए ताव णं अच्चंत सुदुक्खिए चेव भव्वसत्तसंघाए पुणो चउगईए संसरेजा एएणं अट्टेणं एवं वुच्चइ गोयमा जहा णं जे णं एएणेव पयारेणं कुगुरु अक्खरे नो पएजा से णं संघ-बज्जे उवइसेजा ।

मू. (१३९१) से भयवं केवतिएणं कालेणं इहे कुगुरु भवीहंति गोयमा इओ य अद्ध-तेरसण्हं वास सयाणं साइरेगाणं समइक्कंताणं परओ भवीसुं से भयवं के णं अट्टेणं गोयम तक्कालं इट्ठि-रस-साय गारव संगए ममीकार-अहंकारग्गीए अंतो संपज्जलंत-बोदी अहमहंति कय-मानसे अमुणिय-समय-सम्भावे गणी भवीसुं एएणं अट्टेणं से भयवं किं सव्वे वी एवंविहे तक्कालं गणी भवीसुं गोयमा एगंतणं नो सव्वे के ई पुन दुरंत-पंत-लखणे अदइव्वे णं एगाए जननीए जमग-समगं

पसूए निम्मेरे पाव-सीले दुजाय-जम्मे सुरोद्द-पयंडाभिग्गहिय-दूर-महामिच्छदिट्ठी भविसु से भयवं कंहं ते समुवलकखेज्जा गोयमा उस्सुत्तुम्मग्ग-वत्तनुद्धिसण-अनुमइ-पच्चएणं ।

मू. (१३९२) से भयवं जे णं गणी किंचि आवस्सगं पमाएज्जा गोयमा जे णं गणी अकारणिगे किंचि खणमेगमवि पमाए से णं अवंदे उवदिसेज्जा जे इ णं तु सुमहा कारणिगे वि संत गणी खणमेगमवी न किंचि निययावस्सगं पमाए से णं वंदे पूए दट्ठव्वे जाव णं सिद्धे बुद्धे पार-गए खीणट्ठकम्ममले नीरए उवइसेज्जा सेसं तु महया पबंधेन स-ट्ठाणे चेव भाणिहिइ ।

मू. (१३९३) एवं पच्छित्तविहिं सोऊणानुद्धती अदीन-मनो ।
जुंजइ य जहा-थामं जे से आराहगे भणिए ॥

मू. (१३९४) जल-जलण-दुद्ध-सावय-चोर-नरिदाहि-जोगिणीण भए ।
तह भूय-जक्खरक्खस्स-खुद्धपिसायाण मारीणं ॥

मू. (१३९५) कलि-कलए विग्घ-रोहग-कंताराडइ-समुद्द-मज्झे वा ।
दुच्चितिय अवसउणे संभरियव्वा इमा विज्जा ॥

मू. (१३९६) प् अ अ ए ह इ म्, ज् अ ण् अ म् द् अ ण् उ ज् अ म् ध् अ न् इ उ म् म् ए ह इ म् त् इ व् इ क् क् अ म् उ न् आ ह् र् ह् इ म् प् अ व् व् अ न् आ म् उ ह् इ अ ए ह् अ र् उ म् उ ए ह् इ म् अ ह् उ स् उ अ ण् उ, म् अ त्थ अ इ द् ए उ अ न् अ म् त् उ ए ह् इ म् अ त् थ् अ स् इ क् ख् अ ण् अ म् ध् ए म् प् प् इ स् स् अ म्

(पाएहिं जणदणु जंघ निउम्मैहिं तिविक्कमु
नाहिहिं पव्वनाभु हियए हरु भुएहिं महुसूदणु
मत्थइ देइ अनंतु एहिं अत्थ सिक्खणं धेप्पिस्सं)

य् अ स् एई, जण् आम् दे ण् उ ज् अ न् न ह् न इ उ म् म् ए इ इ म् त् इ व् इ क् म उ न् आ ह् ए हु इ म् पव्वाण् आ ग ओ इ ह अ ए ह् र् उ ह् इ म् म ह सु उ उ अ ण् उ म् व इ द ए ओ आ ण् अ म् च उ ए ह् म् इ म् इ म् व इ इ सु ख् क् अ ल् अ म् घ् ए प् इ स् स् अ म् च उ

तओ एयाए पवर-विज्जाए विहीए अत्ताणगं समहिमंतिऊण इमे य सत्तक्खरे उत्तमंगोभयं-खंध-कुच्छी चलणतलेसु नसेज्जा तं जहा-अ उ म् (ओ) उ त्तमंगे क् उ (कु) वाम-खंध-गीवाए र् उ (रु) वाम कुच्छीए क् उ (कु) वाम चलणयले ल् ए (ले) दाहिण चलणयले (स् व् अ आ (स्वा) दाहिण-कुच्छीए ह् अ अ- (हा) दाहिण-खंध-गीवाए ।

मू. (१३९७) दुसुमिण-दुन्निमित्ते गह-पीडीवसग्ग-मारि-रिद्ध-भए ।
वासासणिविज्जुए वायारी महाजन-विरोहे ॥

मू. (१३९८) जं चत्थि भयं लगे तं सव्वं निद्वले इमाए विज्जाए ।
सणहद्धे मंगलयरे रिद्धियरे पावहरे सयलवरक्खयसोक्खदाई ॥

काउमिमे पच्छित्ते जइ न तु णं तब्भवे सिज्जे ॥
मू. (१३९९) ता लहिऊण विमाणगइं सुकुलुप्पत्तिं दुयं च पुणो बोहिं ।
सोक्ख परंपरणं सिज्जे कम्मडुं बंधरयमलविमुक्के ॥

गोयमो ति बेमि

मू. (१४००) से भयवं किमोयानुमेतमेव पच्छित्तं-विहाणं जेणेवमाइसे गोयमा एय सामन्नेणं दुवालसण्ह-काल-मासाणं पइदिन-महन्निसाणुसमयं पाणोवरमं जाव स-बाल वुद्ध-सेहमयहरायरिय-माईणं तथा य अपडिवाइ-महोवहि-मनपज्जवणाणी छउमत्थ-तित्ययराणं एगंतेनं अब्भुट्टाणारिहा-वस्सगसंबंधेय चेव सामन्नेणं पच्छित्तं समाइडं नो णं एयानुमेतमेव पच्छित्तं से भयवं किं अपडिवाइ-महोवही-मन-पज्जवणाणी छउमत्थ-वीयरगे य सयलावस्सगे समनुट्टीया गोयमा समनुट्टीया न केवलं समनुट्टीया जमग-समगमेवाणवरणमनुट्टीया से भयवं कंहां गोयमा अचित्त-बल-वीरिय-बुद्धि-नाणाइसय-सत्ती-सामत्थेणं से भयवं के णं अट्टेणं ते समनुट्टीया गोयमा मा णं उस्सुत्तुम्भग्ग-पवत्तणं मे भवउ त्ति काऊणं ।

मू. (१४०१) से भयवं किं तं सविसेसं पायच्छित्तं जाव णं वयासि गोयमा वासारत्तियं पंथगामियं वसहि पारिभोगियं गच्छायारमइक्कमणं संघायारमइक्कमणं गुत्ती-भेय-पयरणं सत्त-मंडली-धम्माइक्कमणं अगीयत्थं गच्छ-पयाण-जायं कुसील-संभोगजं अविहीए पव्वजा-दानोवट्ठावणा जायं अओग्गस्स सुत्तत्थोभयपन्नवणजायं अणाययणेक्क-खण-विरत्तणा-दजायं देवसियं राइयं पक्खियं मासियं चाउम्मासियं संवच्छरियं एहियं पारलोइयं मूल-गुण-विराधनं उत्तर-गुण-विराधनं आभोगानाभोगयं आउट्टि-पमाय-दप्प-कप्पियं वय-समणं-धम्म-संजम-तव-नियम-कसाय-दंड-गुत्तीयं मय-भय-गारव-इंदियजं वसणायंक-रोद्-इज्झाण राग-दोस-मोह-मिच्छत्त-दुट्ठ-कूर-ज्जवसाय-समुत्थं ममत्तं-मुच्छ परिग्गहारंभजं असमिइत्त-पट्टी-मंसासित्त धम्म-तराय-संतावुव्वेव-गासमा-हानुप्पायगं संखाईया आसायणा-अन्नयरा आसायणयं पाणवह-समुत्थं मुसावाय-समुत्थं अदत्तादान-गहण-समुत्थं मेहुणासेवणा-समुत्थं परिग्गह-करण-समुत्थं राइ-भोयण-समुत्थं मानसियं वाइयं काइयं असंजम-करण-कारवणअनुमइ-समुत्थं जाव णं नाण-दंसण-चारित्तायार-समुत्थं किं बहुना जालइयाइं ति-गाल-चित्ति-वंदनादओ पायच्छित्त-ठाणाइं पत्रत्ताइं तावइयं च पुणो विसेसेणं गोयमा असंखेहा पन्नविजंति, एवं संघारेजा जहा णं गोयमा पाचच्छित्त-सुत्तस्स णं संखेजाओ निज्जुत्तीओ संखेजाओ संगहणीओ संखिज्जाइं अनुयोग-दाराइं संखेजे अक्खरे अनंते पज्जवे जाव णं दंसिजंति उवदंसिजंति आघविजंति पन्नविजंति परुविजंति कालाभिग्ग-हत्ताए दव्वभिग्गहत्ताए खेत्ताभिग्गहत्ताए भावाभिग्गहत्ताए जाव णं आनुपुव्वीए अनानुपुव्वीए जहा-जोगं गुण-ट्ठाणेसु ति बेमि ।

मू. (१४०२) से भयवं एरिसे पच्छित्त-बाहुल्ले से भयवं एरिसे पच्छित्त-संघट्टे से भयवं एरिसे पच्छित्त संगहणे अत्थि केई जे णं आलोएत्ताणं निंदित्ताणं गरहित्ताणं जाव णं अहारिहं तवो-कम्मं पायच्छित्तमनुचरित्ताणं सामन्नमाराहेजा पवयणमाराहेजा आणं आराहेजा जाव णं आयहियट्ठयाए उवसंपज्जित्ताणं सकज्जं तमट्ठं आराहेजा गोयमा णं चउव्विहं आलोयणं विंदा तं-जहा-नामालोयणं ठवणालोयणं पोत्थयाइसु-मालिहियं दव्वालोयणं नाम जं आलोएत्ताणं असढ-भावत्ताए जहोवइडं पायच्छित्त नानुचिट्ठे एते तओ वि पए एगंत णं गोयमा अपसत्थे जे य णं से चउत्थे पए भावालोयणं नाम ते णं तु गोयमा आलोएत्ताणं निदित्ताणं गरहित्ताणं पायच्छित्त-मनुचरित्ताणं जाव णं आय-हियट्ठाए उवसंपज्जित्ताणं सकज्जुत्तमट्ठं आराहेजा, से भयवं कयरे णं से चउत्थे पए गोयमा भावालोयणं से भवं किं तं भावालोयणं गोयमा जे णं भिक्खू-एरिस-संवेग-वेरग्ग-गए सील-तव-दान-भावण-

चउ-खंध-सुसमण-धम्माराहणेकंत-रसिए मय-भय-गारवादीहिं अच्चंत-विप्पमुक्के सव्व-भाव-
भावंतरेहिं णं नीसल्ले आलोइत्ताणं विसोहिपयं पडिगाहित्ताणं तह त्ति समनुडीया सव्वुत्तमं संजम-
किरियं समनुपालेज्जा

- मू. (१४०३) कयाइं पावाइं इमाइं जेहिं अट्ठी न बज्झए ।
तेसिं तित्थयरवयणेहिं सुद्धी अम्हाण कीरउ ॥
- मू. (१४०४) परिचिच्चाणं तयं कम्मं घोर-संसार-दुक्खदं ।
मनो-वय-काय-किरियाहिं सीलभारं धरेमि अहं ॥
- मू. (१४०५) जह जाणइ सव्वन्नु केवली तित्थंकरे ।
आयरिए चारित्ठे उवज्झाए य सुसाहुणे ॥
- मू. (१४०६) जह पंच-लोयपाले य सत्ताधम्मे य जाणए ।
तहाऽऽ लोएमि हं सव्वं तिलमेत्तं पि णं निहनवं ॥
- मू. (१४०७) तत्थेव जं पायच्छित्तं गिरिवरगुरुयं पि आवए ।
तमनुच्चरेमि दे सुद्धि जह पावे ज्झति विलिज्जाए ॥
- मू. (१४०८) मरिऊणं नरय-तिरिएसु कुंभीपाएसु कत्थइ ।
कत्थइ करवत्त-जंतोहिं कत्थइ भिन्नो हु सुल्लिए ॥
- मू. (१४०९) घंसणं घोवण कहिम्मि कत्थइ छेयइ-भेयणं ॥
बंधण लंधणं कहिम्मि कत्थइ दमण-भेयणं ॥
- मू. (१४१०) नत्थणं वाहणं कमिम्मि कत्थइ वहण-तालणं ।
गुरु-भारकमणं कहिंचि कत्थइ जमलार-विंधणं ॥
- मू. (१४११) उर-पट्टि-अट्ठि-कडि-भंगं पर-वसो तण्हं-छुहं ।
संतावुव्वेग-दारिदं विसहीहामि पुणो वि हं ॥
- मू. (१४१२) ता इहइं चेव सव्वं पि निय-दुच्चरियं जह-ट्टियं ।
आलोएत्ता निंदित्ता गरहिंत्ता पाच्छित्तं चरित्तु णं ॥
- मू. (१४१३) निद्वहेमि पावयं कम्मं ज्झति संसार-दुक्खयं ।
अब्भुट्टित्ता तवं घोरं-धर-वीर-परकम्मं ॥
- मू. (१४१४) अच्चत्तं-कडयडं कट्टं दुक्करं दुरनुच्चरं ।
उग्गुग्गयरं जिणभिहियं सयल-कल्लण-कारणं ॥
- मू. (१४१५) पायच्छित्त-निमित्तेण पान-संधार-कारयं ।
आयरेणं तं तवं चरिमो जेणुब्भे सोक्खइ तणुं ॥
- मू. (१४१६) कसाए विहली कट्टु इंदिए पंच-निग्गहं ।
मणोवई काय-दंडाणं निग्गहं धनियमारभं ॥
- मू. (१४१७) आसव-दारे निरुंभित्ता चत्त-मच्छर-अमरिसो ।
गय-राग-दोस-मोहो हं निसंगो निप्परिग्गहो ॥
- मू. (१४१८) निम्ममो निरहंकारो सरिरे अच्चंत-निप्पिहो ।

- महव्वयाइं पालेमि निरइयाराइं निच्छिओ ॥
 मू. (१४१९) हंड्डी हा अहन्नो हं पावो पाव-मती अहं ।
 पाविट्ठो पाव-कम्मो हं पावाहमायरो अहं ॥
- कुसीलो भट्ट-चारिती भिल्लसूणोवमो अहं ।
 मू. (१४२०) चिलातो निक्खिवो पावी कूर-कम्मीह निग्घिणो ॥
 इणमो दुल्लभं लभितं सामन्नं नाणं-दंसणं ।
 मू. (१४२१) चारितं वा विराहेत्ता अनालोइय निंदिया ॥
 गरहिय अकय-पच्छित्तो वावज्जंतो जइ अहं ॥
- ता निच्छयं अनुत्तारे घोरे संसार-सागरे ।
 मू. (१४२२) निब्बुट्ठो भव-कोडीहिं समुत्तरंतो न वा पुणो ॥
 ता जा जरा न पीडेइ वाही जाव न केइ मे ।
 मू. (१४२३) जाविंदियाइं-न हायंति ताव धम्मं चरेत्तुं हं ॥
 निद्वहमइरेमं पावाइयं निंदितं गरहिंउं चिरं
 मू. (१४२४) पायच्छित्तं चरित्ताणं निक्कलंको भवामि हं ॥
 निक्कलुस-निक्कलंकाणं सुद्ध-भावाण गोयमा ।
 मू. (१४२५) तं नो नट्टं जयं गहियं सुदूरामवि परिवलित्तुं णं ॥
 एवमालोयणं दाउं पायच्छित्तं चरेत्तु णं ।
 मू. (१४२६) कलि-कलुस-कम्म-मल-मुक्के जइ नो सिज्जेज्ज तक्खणं ॥
 ता वए देव-लोगहिं निच्चुज्जोए सयं पहे ।
 मू. (१४२७) देव-दुंदुहि-निग्घोसे अच्छरा-सय-संकुले ॥
 तओ चुया इहागंतु सुकुलुप्पत्तिं लभेत्तु णं ।
 मू. (१४२८) निव्विन्न-काम-भोगा य तवं काउं मया पुणो ॥
 अनुत्तर-विमाणेसुं निवसिऊनेहमागया ।
 मू. (१४२९) हवंति धम्म-तित्थयरा सयल-तेलोक्क-बंधवा ॥
 एस गोयम विन्नेए सुपसत्थे चउत्थे एए ।
 मू. (१४३०) भावालोयण नाम अक्खय-सिवसोक्ख-दायगो ति बेमि ॥
 से भयवं एरिसं पप्पा विसोहिं उत्तमं वरं ।
 मू. (१४३१) जे पमाया पुणो असई कत्थइ चुक्के खलेज्ज वा ॥
 तस्स किं तं विसोहि-पयं सुविसुद्धं चेव लिक्खए ।
 मू. (१४३२) उयाहु नो समुल्लिक्खे संसयमेयं वियागरे ॥
 गोयमा निंदितं गरहिउं सुदूरं पायच्छित्तं चरेत्तु णं ।
 मू. (१४३३) निक्खारिय-वत्थामिवाए खंपणं जो न रक्खए ॥
 सो सुरभिगंध-गब्धिण-गंधोदय-विमल-निम्मल-पवित्ते ।
 मू. (१४३४) मज्जिय-खीर-समुद्दे-गड्ढाए जइ पडइ ॥

- मू. (१४३५) ता पुन तस्स सामग्गी सव्व-कम्म-खयंकरा ।
अह होज्ज देव-जोग्गा असुई-गंधं खु दुद्धरिसं ॥
- मू. (१४३६) एवं कय-पच्छित्ते जे णं छज्जदीव-काय-वय-नियमं ।
दंसण-नाण-चरित्तं-सीलंगे वा तवंगे वा ॥
- मू. (१४३७) कोहेन वा माणेन व माया लोभ-कसाय-दोसेणं ।
रागेण पओसेण व अन्नाण-मोह-मिच्छत्त-हासेण वा वि ॥
- मू. (१३३८) (भएणं कंदप्पा दप्पेण) एएहिं य अन्नेहिं य गारवमालंबणेहिं जो खंडे ।
सो सव्वड्ढ-विमाणा घल्ले अप्पाणगं निरए (खिवे) ॥

मू. (१४३९) से भयवं किं आया संरक्खेयव्वे उयाहु छज्जीव-निकाय-माइ संजमं संरक्खेव्वं
गोयमा जे णं छक्कायाइ-संजमं संरक्खे से णं अनंत-दुक्ख-पयायगाओ दोग्गइ-गमणाओ अत्ताणं
संरक्ख तम्हा उ छक्कायाइ संजममेव रक्खेयव्वं होइ ।

मू. (१४४०) से भयवं केवतिए असंजमट्ठाणे पन्नत्ते गोयमा अनेगे असंजम-ट्ठाणे पन्नत्ते
जाव णं कायासंजम-ट्ठाणे से भयवं कयरेणं से काया संजम-ट्ठाणे गोयमा काया संजमट्ठाणे अनेगहा
पन्नत्ते (तं जहा-)

- मू. (१४४१) पुढवि-दगागनि-वाऊ-वणप्फती तह तसाण विविहाणं ।
हत्थेण वि फरिसणयं वज्जेज्जा जावजवं पि ॥
- मू. (१४४२) सी-उण्ह-खारमखित्ते अग्गी लोणूस अंबिले नेहे ।
पुढवादीण-परोप्पर-खयंकरे बज्झ-सत्थेए ॥
- मू. (१४४३) ण्हाणुम्मदणखोभण-हत्थं-गुलि-अक्खि-सोय-करणेणं ।
आवीयंते अनंते आऊ-जीवे खयं जंति ॥
- मू. (१४४४) संधुक्कण-जलणुज्जालणेण उज्जोय-करण-मादीहिं ।
वीयण-फूमण-उब्भावणेहिं सिहि-जीव-संघायं ॥
- मू. (१४४५) जाउ-खयं अत्रे वि य छज्जीव-निकायमइगए जीवे ।
जलणो सुड्ढुओ वि हु संभक्खइ दस-दिसाणं च ॥
- मू. (१४४६) वीयणग-तालियंटय-चामर-उक्खेव-हत्थ-तालेहिं ।
धोवण-डेवण-लंघण-ऊसासाईहि वाऊणं ॥
- मू. (१४४७) अंकूर-कुहर-किसलय-पवाल-पुप्फ-कंदलाइणं ।
हत्थ-फरिसेण बहवे जंति खयं वणप्फती-जीवे ॥
- मू. (१४४८) गमनागमन-निसीयण-सुयनुट्ठण-अनुवउत्तय-पमतो ।
वियलिदि-बि-ति-चउ-पंचेदियाण गोयम खयं नियमा ।
- मू. (१४४९) पाणाइवाय-विरई सिव-फलया गेण्हिऊण ता धीमं ।
मरणावयम्मि पत्ते मरेज्ज विरइ न खंडेज्जा ॥
- मू. (१४५०) अलिय-वयणस्स विरई सावज्जं सच्चमवि न भासेज्जा ।
पर-दव्व-हरण-विरइं करज्ज दिन्ने वि मा लोभं ॥

- मू. (१४५१) धरणं दुद्धर-बंधवयस्स काउं परिग्गहच्चायं ।
राती-भोयण-विरती पंचेदिय-निग्गहं विहिणा ॥
- मू. (१४५२) अत्रे य कोह-माणा राग-दोसे य आलोयणं दाउं ।
ममकार-अहंकाए पयहियव्वे पयत्तेणं ॥
- मू. (१४५३) जह तव-संजम-सज्जाय-ज्जाणमाईसु सुद्ध-भावेहिं ।
उज्जमियव्वं गोयम विज्जुलया-चंचले जीरू ॥
- मू. (१४५४) किं बहुना गोयमा एत्थं दाऊणं आलोयणं ।
पुढवीकायं विराहिजा कत्थं गंतुं स सुज्जिही ॥
- मू. (१४५५) किं बहुना गोयमा एत्थं दाऊणं आलोयणं ।
बाहिर-पानं तहिं जम्मे जो पिए कत्थं सुज्जिही ॥
- मू. (१४५६) किं बहुना गोयमा एत्थं दाऊणं आलोयणं ।
उण्हवइ जालाइ जाओ फुसिओ वा कत्थं सुजिही ॥
- मू. (१४५७) किं बहुना गोयमा एत्थं दाऊणं आलोयणं ।
वाउकायं उदीरेजा कत्थं गंतुं स सुज्जिही ॥
- मू. (१४५८) किं बहुना गोयमा एत्थं दाऊणं आलोयणं ।
जो हरिय-तणं पुप्फं वा फरिसे कत्थं स सुज्जिही ॥
- मू. (१४५९) किं बहुना गोयमा एत्थं दाऊणं आलोयणं ।
अक्कमई बीय-कायं जो कत्थं गंतुं स सुज्जिही ॥
- मू. (१४६०) किं बहुना गोयमा एत्थं दाऊणं आलोयणं ।
वियलिदी-बि-ति-चउ-पंचेदिय-परियावे जो कत्थं स सुज्जिही ॥
- मू. (१४६१) किं बहुना गोयमा एत्थं दाऊणं आलोयणं ।
छक्काए जो न रक्खेजा सुहुमे कत्थं स सुज्जिही ॥
- मू. (१४६२) किं बहुना गोयमा एत्थं दाऊणं आलोयणं ।
तस-थावरे जो न रक्खे कत्थं गंतुं स सुज्जिही ॥
- मू. (१४६३) आलोइय-निंदय-गरहिओ वि कय-पायच्छित्त-नीसल्लो ।
उत्तम-ठाणम्मि ठिओ पुढवारंभं परिहरेजा ॥
- मू. (१४६४) आलोइय-निंदय-गरहिओ वि कय-पायच्छित्त-नीसल्लो ।
उत्तम-ठाणम्मि ठिओ जोईए मा फुसावेजा ॥
- मू. (१४६५) आलोइय-निंदिय-गरहिओ वि कय-पायच्छित्त संविग्गो ।
उत्तम ठाणम्मि ठिओ मा वियावेज्ज अत्ताणं ॥
- मू. (१४६६) आलोइय-निंदिय-गरहिओ वि कय-पायच्छित्त संविग्गो ।
छिन्नं पि तणं हरियं असई मनगं मा फरिसे ॥
- मू. (१४६७) आलोइय-निंदिय-गरहिओ वि कय-पायच्छित्त संविग्गो ।
उत्तम ठाणम्मि ठिओ जावज्जीवं पि एतेसिं ॥

- मू. (१४६८) बेइंदिय-तेइंदिय-चउरो-पंचेदियाण जीवाणं ।
संघट्टण-परियावणकिलावणोद्वण मा कासी ॥
- मू. (१४६९) आलोइय-निंदिय-गरहिओ वि कय-पायच्छित्तं संविग्गो ।
उत्तम ठाणम्मि ठिओ सावज्जं मा भणिज्जासु ॥
- मू. (१४७०) आलोइय-निंदिय-गरहिओ वि कय-पायच्छित्तं संविग्गो ।
लोयट्टेण वि भूर्इ गहिया गिहि उक्खिविउ ५ दित्रा ॥
- मू. (१४७१) आलोइय-निंदिय-गरहिओ वि कय-पायच्छित्तं संविग्गो ।
जो इत्थि संलवेज्जा गोयमा कत्थ स सुज्झिही ॥
- मू. (१४७२) आलोइय-निंदिय-गरहिओ वि कय-पायच्छित्तं नीसल्लो ।
चोदस-धम्मवगरणं उट्ठं मा परिग्गहं कुज्जा ॥
- मू. (१४७३) तेसिं पि निम्ममत्तो अमुच्छिओ अगढिओ दढं हविया ।
अह कुज्जा उ ममत्तं ता सुद्धी गोयमा नत्थि ॥
- मू. (१४७४) किं बहुना गोयमा एत्थ दाऊण आलोयणं ।
रयणीए आविए पानं कत्थ गंतुं स सुज्झिही ॥
- मू. (१४७५) आलोइय-निंदिय-गरहिओ वि काय-पायच्छित्तं नीसल्लो ।
छाइक्कमे न रक्खे जो कत्थ सुद्धि लभेज्ज सो ॥
- मू. (१४७६) अप्पसत्थे य जे भावे परिणामे य दारुणे ।
पाणाइवायस्स वेरमणे एस पढमे अइक्कमे ॥
- मू. (१४७७) तिव्व-रागा य जा भासा निट्ठुर-खर-फरुस-कक्कसा ।
मुसावायस्स वेरमणे एस बीए अइक्कमे ॥
- मू. (१४७८) उग्गहं अजाइत्ता अचियत्तम्मि अवगग्हे ।
अदत्तादानस्स वेरमणे एस तइए अइक्कमे ॥
- मू. (१४७९) सद्दा रूवा रसा गंधा फासाणं पवियारणे ।
मेहुणस्स वेरमणे एस चउत्थइक्कमे ॥
- मू. (१४८०) इच्छा मुच्छा य गेही य कंखा लोभे य दारुणे ।
परिग्गहस्स वेरमणे पंचमगे साइक्कमे ॥
- मू. (१४८१) अइमित्ताहारहोइत्ता सूर-खेत्तम्मि संकिरे ।
राई-भोयणस्स वेरमणे एस छट्ठे अइक्कमे ॥
- मू. (१४८२) आलोइय-निंदिय-गरहिओ वि कय-पायच्छित्तं नीसल्लो ।
जयणं अयाणमाणो भव-संसारे भमे जहा सुसद्धो ॥

मू. (१४८३) भयं व को उन सो सुसद्धो कयरा वा सा जयणा जं अजानमानस्स णं तस्स
आलोइय-निंदिय गरहिओ वि कय-पायच्छित्तस्स वि संसारं नो विणिट्ठियं ति गोयमा जयणा नाम
अट्टारसण्हं सीलंग सहस्साणं सत्तरस-विहस्स णं संजमस्स चोदसण्हं भूय-गामाणं तेरसण्हं किरिया-
ठाणाणं सबज्जभंतरस्स णं दुवालस-विहस्स णं तवोनुट्टाणस्स दुवालसाणं भिक्खू-पडिमाणं

दसविहस्स णं समणधम्मस्स नवण्हं चेव बंभगुत्तीणं अट्टण्हं तु पवयण-माईणं सत्तण्हं चेव पानपिंडेसणाणं छण्हं तु जीवनिकायाणं पंचण्हं तु महव्वयाणं तिण्हं तु चेव गुत्तीणं जाव णं तिण्हमेव सम्मदंसण-नाण-चरिताणं तिण्हं तु भिक्खूकंता-दुब्बिक्खायंकाईसुणं सुमहास-मुप्पत्रेसु अंतोमुहुंत्तावसेस-कंठगय-पाणेसुं पि णं मनसा वि उ खंडणं विराधनं न करेज्ज न कारवेज्जा न समनुजाणेज्जा जाव णं नारभेज्जा न समारभेज्जा जावज्जीवाए त्ति से णं जयणाए भत्ते से णं जयणाए धुवे से णं जयणाए दक्खे से णं जयणाए-वियाणे त्ति गोयमा सुसढस्स उ न महती संकहा परम-विम्वह-जणणी य

अध्ययन-७- चूलिका-१-समाप्त ।

अध्ययन-८ / चूलिका-२

मू. (१४८४) से भयवं केणं अट्टेणं एवं वुच्चइ ते णं काले णं ते णं समएणं सुसढनामधेज्जे अनगारे हभूयवं तेनं च एगेगस्स णं पक्खंस्संतो पभूय-ट्ठाणिओ आलोयणाओ विदिन्नाओ सुमहंताइं च अच्चंत-घोर-सुदुक्कराइं पायच्छित्ताणं समनुचिन्नाइं तथा वि तेनं विरणं विसोहिपयं न समुवल्लं ति एतेनं अट्टेणं एवं वुच्चइ से भयवं केरिसा उ णं तस्स सुसढस्स वत्तव्वया गोयमा अत्थि इहं चेव भारहेवासे अवंती नाम जणवओ तत्थ य संबुक्के नामं खेडगे तम्मि य जम्मदरिद्वे निम्मरे निक्खिवे किविणे निरनुकंपे अइकूरे निक्कलुणे नित्तिसे रोद्वे चंडरोद्वे पयंड-दंडे पावे अभिग्गहिय-मिच्छादिट्ठी अनुच्चरिय-नामधेज्जे सुज्जसिवे नाम धिज्जाइं अहेसि तस्स य धूया सुज्जसिरी सा य अपरितुलियसयल-तिहुयण-नर-दारिणा लावन्न-कंति-दित्ति-रूव-सोहग्गाइसएणं अनोवमा अत्तगा तीए अन्नभवंत-रम्मि इणमो हियएणं दुच्चित्तियं अहेसिं जहा णं सोहणं हवेज्जा जइ णं इमस्स बालगस्स माया वावज्जे तओ मज्झ असवक्कं भवे एसो व बालगो दुज्जीविओ भवइ ताहे मज्झ सुयस्स य रायलच्छी परिणमेज्ज त्ति तक्कम्म-दोसेणं तु जायमेत्ताए चेव पंचत्तमुवगया जननी तओ गोयमा ते णं सुज्जसिवेणं महया किलेसेणं छंदमाराहामाणेणं बहूणं अहिणव-पसूय-जुवतीणं धराधरिं थन्नं पाऊणं जीवाविया सा बालिया अहन्नया जाव णं बाल-भावमुत्तिन्ना सा सुज्जसिरी ताव णं आगयं अमाया-पुत्तं महारोरवं दुवालस-संवच्छरियं दुभिक्खं ति जाव णं फेट्टाफेट्टीए जाउमारद्धे सयले वि णं जनसमूहे अहन्नया बहु-दिवस-खुहत्तेणं विसायमुवगएणं तेन चित्तियं जहा-

किमेयं वावाइऊणं समुद्दिसामि किं वा णं इमीए पोगलं विक्किणिऊणं चेव अन्नं किंचिवि वणिमग्गओ पडिगाहित्ताणं पान-वित्तिं करेमि नो णं अन्ने केइ जीव-संधारणोवाए संपयं मे हवेज्ज त्ति अहवा हद्धी हा हा न जुत्तमिणं ति किंतु जीवमाणं चेव विक्किणामि त्ति चित्तिऊणं विक्किया सुज्जसिरी महा-रिद्धी-जुयस्स चोद्वस-विज्जा-ट्ठाण-पारगयस्स णं माहण-गोविंदस्स गेहे तओ बहु-जनेहिं धि-द्धी सद्दोवहओ तं देसं परिचिच्चाणं गओ अन्न-देसंतं सुज्जसिवो तत्था वि णं पयट्ठो सो गोयमा इत्थेव विन्नाणे जाव णं अन्नेसि कन्नगाओ अवहरित्ताणं अवहरित्ताणं अन्नत्थ विक्किणिऊणं चामेलियं सुज्जसिवेणं बहुं दविण-जायं एयावसरम्मि उ समद्वक्कंते साइरेगे अट्ट-संवच्छरे दुब्बिक्खस्स जाव णं वियलियमसेसविहवं तस्सावि णं गोविंद-माहणस्स तं च वियाणिऊणं विसायमुवगएणं चित्तियं गोयमा ते णं गोविंद-माहणेणं जहा णं होही संधारकालं मज्झ कुडुंबस्स नाहं विसीयमाणे

बंधवे खणद्धमवि दडूणं सक्रुणोमि ता किं कायव्वं संपयमन्हेहिं ति चितिय-मानस्सेव आगया गोउलाहिवइणो भज्जा खइयग-विक्रिणत्थं तस्ल गेहे जाव णं गोविंदस्स भज्जाए तंडुल-मल्लगेणं पडिगाहियाओ चउरो घण-विगइ-मीस-खइयगं गोलियाओ तं च पडिगाहियमेत्तमेव परिभुत्तं डिंभेहिं भणियं च महयरीए जहा णं-भट्टिदारिगे पयच्छाहिं णं तमम्हाणं तंडुल-मल्लगं चिरं वट्टे जेणन्हे गोउलं वयामो तओ समाणत्ता-

गोयमा तीए माहणीए सा सुज्जसिरी जहा णं हला तं जं अम्हाण नरवइणा निसावयं पहियं पेहियं तत्थ जं तं तंडुल-मल्लगं तमाणोहिं लहुं जेमाहमिमीए पयच्छामि जाव दुंढिऊण नीहरिया मंदिरं सा सुज्जसिरी नोवलद्धं तंडुल-मल्लगं साहियं च माहणीए पुणो वि भणियं माहणीए जहा-हलाअमुगं अमुगं थामनुदुया अन्नसिऊणमाणहिं पुणो वि पइट्ठा अलिदगे जाव णं न पेच्छे ताहे समुट्टिया सयमेव सा माहणी जाव णं तीए वि न दिट्ठं तओ णं सुविन्धिय-माणसा निउण अत्रेसिउं पयत्ता जाव णं पेच्छे गणिगा-सहायं पढमसुवयं पइरिक्के ओदनं समुदिसमाणं तेनावि पडिदडूणं जननीं अ'गच्छमाणी चितियं अहत्तेणं जहा णं चलिया अम्हाणं ओयणं अवहरिउकामा पायमेसा ता जइ इहासन्नामागच्छिही तओ अहमेयं वावाइस्सामि तिं चितिय तेनं भणिया दूरासन्ना चेव महाय सट्टेणं सा माहणी जहा णं भट्टिदारिगे जइ तुं इहयं समागच्छिहिसि तओ मा एवं तं वोच्चिया जहा णं नो परिकहियं निच्छयं अहयं ते वावाइस्सामि एवं च अनिद्ध-वयणं सोच्चणं वज्जासणि-पहया इव धस मुच्छिऊणं निवडिया धरणि-वट्टे गोयमा सा माहणी त्ति तओ णं तीए महयरीए परिवालिऊणं कंचि कालकूखाणं वुत्ता सा सुज्जसिरी जहा णं हला हला कन्नगे अम्हाणं चिरं वट्टे ता भणसु सिग्घं नियजणणिं जहा णं एह लहुं पयच्छु तमम्हाणं तंडुल-मल्लगं विष्णणं तओ णं मग्ग-मल्लगमेव पयच्छसु ताहे पविट्ठा सा सुज्जसिरी अलिदगे जाव णं दडूणं तमवत्थं तरगयं निच्चेडुं मुच्छिरं तं माहणी महया हा-हा खेणं धाहाविउं पयत्ता सा सुज्जसिरी तं चायत्रिऊणं सह परिवग्गेणं वाइओ सो माहणो महयरी य तओ पवणजलेणं आसासिऊणं पुट्ठा सा तेहिं जहा भट्टिदारिगे किमेयं किमेयं ति-

तीए भणियं जहा न मा मा अत्तानगं दरमएणं दीहेणं खावेह मा मा विगय-जलाए सरीरए वुब्बेह मा मा अरज्जुएहिं पासेहिं नियंतिए मज्झामाहेणाणप्पेह जहा णं किल एस पुत्ते एसा धूया एस णं नत्तुगे एसा णं सुण्हा एस णण जाभाउगे एसा णं माया एस णं जणगे एसो भत्ता एस णं इट्ठे मिट्ठेपिए-कंत सुह-सयण-मित्त-बंधु-परिवग्गे इहइं पच्चक्खमेवेयं वि दिट्ठे अलिय-मलिया चेवेसा बंध्वासा स-कज्जत्थी चेव संभयए लोओ परमत्थओ न केइ सुही जाव णं सकज्जं ताव णं माया ताव णं जनगे ताव णं धूया ताव णं जामाउगे ताव णं नत्तुगे ताव णं पुत्ते ताव णं सुण्हा ताव णं कंता ताव णं इट्ठे मिट्ठे पिए कंते सुही-सयण-जण-मित्त-बंधु-परिवग्गे सकज्जसिद्धी विरहेणं तु न कस्सई काइ माया न कस्सई केइ जणगे न कस्स इ काइ धूया न कस्सई केइ जामाउगे न कस्सई केइ पुत्ते न कस्सई काइ सुण्हा न कस्सई केइ भत्ता न कस्सई केइ कंता न कस्सई केइ इट्ठे मिट्ठे पिए-कंते-सुही-सयणजन-मित्त-बंधु-परिवग्गे जे णं ता पेच्छ पेच्छ मए अनेगोवाइयसउलद्धे साइरेग-नव-मासे कुच्छीए वि धारिऊणं च अपेग-मिद्ध-महुर-उसिण-तिक्ख-गुलिय-सणिद्ध-आहार-पयाण-

सिणाण-उच्चदृष्ट-धूयकरण-संबाहण-धन्न-पयाणईहि णं एमहंत-मनुस्सीकए जहा किल अहं पुत्त-रज्जमि पुन्न पुन्न-मनोरहा सुहं सुहेण पणइयण-पूरियासा कालं गमिहामि ता एरिसं-इयं वइयरं ति
 एयं च नाऊणं मा धवाईसुं करेह खणद्धमवि अनुं पि पडिबंधं जहा णं इमे मज्झ सुए संवत्ते
 तथा णं गेहे गेहे जे केइ भूए जे केई वट्ठंति के केई भविसु सुए तथा वि एरिसे वि बंधु-वग्गे केवलं
 तु स-कज्ज-लुद्धे चेव घडिया-मुहुत्त-परिमाणमेव कंचि कालं भएज्जा वा ता भो भो जना न किंचि
 कज्जं एतेनं कारिम-बंधु-संताणेणं अनंत-संसार-घोर-दुक्ख-पदायगेणं ति एगे चेवाहन्निसाणुसमयं
 सययं सुविसुद्धासए भयह धम्मं, धम्मं य णं इट्ठे पिए कंते परमत्थे सुही-सयण-मित्त-बंधु-परिवग्गे
 धम्मं य णं हिट्ठिकरे धम्मं य णं पुट्ठिकरे धम्मं य णं बलकरे धम्मं य णं उच्छाहकरे धम्मं य णं
 निम्मल-जस-कितीपसाहगे धम्मं य णं माहप्पजनगे धम्मं य णं सुद्ध-सोक्ख-परंपरदायगे से णं
 सेव्वे से णं आराहणिज्जे से य णं पोसणिज्जे से य णं पालणिज्जे से य णं करणिज्जे से य णं चरणिज्जे से
 य णं अनुद्वणिज्जे से य णं उवइस्सणिज्जे से य णं कहणिज्जे से य णं भणणिज्जे से य णं पन्नवणिज्जे से
 य णं कारवणिज्जे से य णं धुवे सासए अक्खए अव्वए सयल-सोक्ख-निहीधम्मं से य णं अलज्जणिज्जे
 से य णं अउल-बल-वीरिए सरिय-सत्त-परक्कम-संजुए पवरे वरे इट्ठे पिये कंते दइए सयल-दुक्ख-
 दारिद-संतावुव्वेग-अयस-अब्भक्खाण-जम्म-जरा-मरणाइ-असेस-भय-निन्नासगे अनन्-सरिसे
 सगहाए तेलोक्के-क्कसामिसाले, ता अलं सुही-सयण-जण-मित्त-बंधुगण-धन-धन्न-सुवन्न-हिरन्न-
 रयणोह-निही-कोस-संचयाइ-सक्क-चाव-विज्जुलयाडोत्रचंचलाए सुमिणिंज्जाल-सरिसाए खण-दिट्ठ-
 नट्ट-भंगुराए अधुवए असासयाए संसार-वुट्ठि-कारिगाए निरयावयारहेउभूयाए सोग्गइ-मग्ग-
 विग्घ-दायगाए अनंत-दुक्ख-पदायगाए रिद्धीए सुदुल्लहा खलु-

भो धम्मस्स साहणी सम्म-दंसण-नाइण-चारित्ताराहणी निरुत्ताइ-सामग्गी-अनवरय-महन्नि-
 सानुसमएहिं णं खंड-खंडेहिं तु परिसडइ आउं दढ-घोर-निट्टाराज्ज चंडा जरासणिस्सनिवाया संचुन्निए
 सयजज्जरभंडगे इव अकिंचिकरे अवइ उ दियगाणदियगेणं इमे तणी किसल-दलग्ग-परिसंठिय-
 जल-विंदुमिवाकंडे निमिसद्धम्भतरेणेव लहुं ढलइ जीविए अविढत-परलोगपत्थयणाणं तु निष्फले
 चेव मनुयजम्मं ता भो न खमे तनुतणुयतर वि ईसिंपि पमाए, जओ णं एत्थं खलु सव्वकालमेव
 समसत्तु-मित्त-भावेहिं भवेयव्वं-अप्पमत्तेहिं च पंच महव्वए धारियव्वे तं जहा-कसिणपाणा-
 इवायविरती अणलिय-भासित्तं दंत-सोहणमेत्तस्सवि अदिन्नस्स वज्जणं मणो वइ-काय-जोगेहिं
 तु अखंडिय-अविराहिय-नव-गुत्ती-परिवेढियस्स णं पर-पवित्तस्स सव्वकालमेव दुद्धरं बंधवेरस्स
 धारणं वत्थ-पत्तं संजमोवगरणेसुं पि निम्मत्तया-

असन पानाईणं तु चउच्चिहेव राईभोयणच्चाओ उग्गमुप्पायणेऽसणाईसुं सुविसुद्धपिंडग्गहणं
 संजोयणाइ-पंच-दोस-विरहितएणं परिमिएणं काले भिन्ने पंच-समिति-विसोहणं ति-गुत्ती-गुत्तया
 इरिया-समिईमाइओ भावणाओ अनसनाइतवोवहाणाणुद्धानं मासाइभिकवु-पडिमाओ विचित्ते
 दव्वाईअभिग्गहअहो णं भूमी सयणे केसलोए निष्पडिकम्म-सरीरया सव्व-कालमेव गुरुनिओगकरणं
 खुहा-पिवासाइपरिसहहियासणं दिव्वाइउवसग्गविजओ लद्धावलद्धवित्तिया किं बहुना अच्चंत-
 दुव्वेहो भो वहियव्वे अवीसामंतेहिं चेव सिरिमहापुरिसत्तवूढे अट्टारस-सीलंग-सहस्सभारे तरियव्वे
 य भो बाहाहिं महासंमुद्दे अविसाईहिं च णं भो भक्खियव्वे निरासाए वालुयाकवले परिसक्केयव्वं

च भो निसियसुतिक्खदारुण-करवालधाराए पायव्वा य णं भो सुहुय-हुयवह-जालावली भरीयव्वे
णं भो सुहुम-पवण-कोत्थलगे गमियव्वं च णं भो गंगा-पवाह-पडिसोएणं तोलेयव्वं भो साहस-
तुलाए मंदर-गिरं जेयव्वे य णं भो एगागिएहिं चेव धीरत्ताए सुदुञ्जए चाउरंग-बले विंधेयव्वा णं
भो परोप्पर-विवरीय-भमंत-अड्ड-चक्कोवरिं वामच्छिम्मि उ धीउल्लिया गहेयव्वणं भो सयल-तिहुयण-
विजया निम्मला जस-कित्ति-जय पडागा ता भो भो जणा एयाओ धम्मानुड्डाणाओ सुदुक्करं नत्थि
किंचि मन्नं ति ।

- मू. (१४८५) बुज्झंति नाम भारा ते छिय उज्झंति वीसमंतेहिं ।
सील-भरो अइगरुओ जावज्जीयं अविस्सामो ॥
- मू. (१४८६) ता उज्झिऊण पेम्मं घरसारं पुत्त-दविणमायं ।
नीसंगा अविसाई पयरह सव्वुत्तमं धम्मं ॥
- मू. (१४८७) नो धम्मस्स भडक्का उक्कंचण-वंचणा च ववहारो ।
निच्छम्मो भो धम्मो मायादी-सल्ल-रहिओ हु ॥
- मू. (१४८८) भूएसु जंगमतं तेसु वि पंचेदियत्तमुक्कासं ।
तेसु वि य मानुसत्तं मनुयत्ते आरिओ देसो ॥
- मू. (१४८९) देसे कुलं पहाणं कुले पहाणे य जाई-मुक्कोसा ।
तीए रूव-समिद्धी रूवे य बलं पहाणयरं ॥
- मू. (१४९०) होइ बले चिय जीयं जीए य पहाणयं तु विन्नाणं ।
विन्नाणे सम्मतं सम्मत्ते सील-संपत्ती ॥
- मू. (१४९१) सीले खाइय-भावो खाइय-भावे य केवलं नाणं ।
केवलिए पडिपुत्रे पत्ते अयरामरो मोक्खो ॥
- मू. (१४९२) न य संसारम्मि सुहं जाइ-जरा-मरण-दुक्ख-गहियस्स ।
जीवस्स अत्थि जम्हा तम्हा मोक्खो उवाओ उ ॥
- मू. (१४९३) आहिंंडिऊण सुइरं अनंतहुत्तो हु जोणि-लक्खेसु ।
तस्साहण-सामग्गी पत्ता भो भो बहू इण्हि ॥
- मू. (१४९४) ता एत्थ जं न पत्तं तदत्थ भो उज्जमं कुणह तुरियं ।
विबुह-जण-निंदियमिणं उज्झह संसार-अनुबंधं ॥
- मू. (१४९५) लहिइं भो धम्मसुइं अनेग भवकोडि लक्खेसु वि दुल्लइं ।
जइनाणुड्डह सम्मं ता पुनरवि दुल्लहं होही ॥
- मू. (१४९६) लद्धेल्लियं च बोहिं जो नाणुट्ठे अणागयं पत्थे ।
सो भो अन्नं बोहिं लहिही कयरेणं मोल्लेण ॥

मू. (१४९७) जाव णं पुव्व-जाइ-सरण-पच्चएणं सा माहणी इयं वागरेइ ताव णं गोयमा
पडिबुद्धामसेसं पि बंधुयणं बहु-नागर-जणो य एयावसरम्मि उ गोयमा भणियं सुविदिय-सोग्गइ-
पहेणं तेन गोविंदमाहणेणं जहा णं-धिद्धिद्धि वंचिए एयावंतं कालं जतो वयं मूढे अहो नुकट्टमन्नाणं
दुव्वित्रेयमभागधिजेहिं खुद्द-सत्तेहिं अदिइ-घोरुग्ग-परलोग-पच्चवाएहिं-अत्ताभिणिविड्ड-दिट्ठीहिं-

पक्खवाय-मोह-संधुक्किय-माणसेहिं राग-दोसो-वहयबुद्धिहिं परंतत्तधम्मं अहो सज्जीवेणेव परिमुसिए एवइयं काल-समयं अहो किमेस णं परमप्पा भारिया-छलेणासि उ मज्झभारिया-छलेणासि उ मज्झगेहे उदाहु णं जो सो निच्छिओ मीमंसएहिं सव्वन्नू सोच्चि ए सुूरिए इव संसय-तिभिरावहारित्ता णं लोगावभासे मोक्ख-मग्ग-संदरिसणत्थं सयमेव पायडीहूए अहो महाइसयत्थ-पसाहागाओ मज्झं दइयाए वायाओ भो भो जन्नयत्त-विण्हयत्त-जन्नदेव-विस्सामित्त-सुमिच्चादओ मज्झं अंगया अब्भुट्टाणारिहा ससुरासुरस्सा वि णं जगस्स एसा तुम्ह जननि त्ति भो भो पुंरंदर-पभित्तीओ खंडियाओ वियारह णं सोवज्जाय-भारियाओ जगत्तयनंदाओ कसिण-किव्विस-निद्वहण-सीलाओ वायाओ पसन्नो ज तुम्ह गुरु आराहणेक्क-सीलाणं-

परमपं बलं जजण-जायणज्झयणाइणा छककम्माभिसंगेणं तुरियं विनिज्जिणेह पंचेंदियाणि परिच्चयह णं कोहाइए पावे वियाणेह णं अमेज्जाइजंबाल-पंक-पडिपुत्ता असुत कलेवरे पविसामो वणंतं, इच्चेवं अनेगेहिं वेरग्गजननेहिं सुहासिएहिं वागरमाणं तं चोद्दस-विज्जा-ठाण-पारंगभो गोयमा गोविंद-माहणं सोऊइण अच्चंत-जम्म-जरा-मरण-भीरुणो बहवे सप्पुरिसे सव्वुत्तमं धम्मं विमरिसिउं समारद्धे तत्थ केइ वयंति जहा एस धम्मो पवरो अन्ने भणंति जहा एस धम्मो पवरो जाव णं सव्वेहिं पमाणीकया गोयमा सा जातीसरा माहणि त्ति ताहे तीए य संपवक्खायमहिंसो वक्खियम-संदिद्धं खंताइ-दस-विहं समण-धम्मं दिट्ठंत-हेऊहिं च परमपच्चयं विणीयं तेसिं तु तओ य ते तं माहणि सव्वन्नूमिति काऊणं सुरइय-कर-कमलंजलिणो सम्मं पणमिऊणं गोयमा तीए माहणीए सद्धि अदीनमानसे बहवे नर-नारि-गणा चेच्चाणं सुहिय-जण-मित्त-बंधु-परिवग्ग-गिह-विहव-सोक्खमप्प-कालियं निकवंते सासय-सोक्ख-सुहाहिलासिणो सुनिच्छियमाणसे समणत्तेणं सयल-गुणोह-धारिणो चोद्दस-पुव्वधरस्स चरिम-सरीरस्स णं गुणधर-थविरस्स णं सयासे त्ति एवं च ते गोयमा अच्चंत-घोर-वीर-त्तव-संजमानुट्टाण-सज्जाय-ज्ञाणाईसु णं असेस-कम्मक्खयं काऊणं तीए माहणीए सम्मं विहुरय-मले सिद्धे गोविंदमाहणादओ नर-नारिगणे सव्वे वी महायसे त्ति बेमि ।

मू. (१४९८) से भयवं किं पुन काऊणं एरिसा सुलह-बोही जाया सा सुगहियनामधेच्चा माहणी जीए रूयावइयाणं भव्व-सत्ताणं अनंत-संसार-घोर-दुक्ख-संतत्ताणं सद्धम्म-देसणाईहि तु सासयसुह-पयाणपुव्वगमब्भुद्धरणं कयं ति गोयमा जं पुव्वि सव्वभाव-भावंतरंतेरहि णं नीसल्ले आजम्मलीयणं दाऊणं सुद्धभावाए जहोवइइं पायच्छित्तं कयं पायच्छित्तसमत्तीए य समाहिए य कालं काऊणं सोहम्मे कप्पे सुरिंदग्गमहिंसी जाया तमनु-भावेणं, से भयवं किं से णं माहणी जीवे तब्भवंतरम्मि समणी निग्गंथी अहेसि जे णं नीसल्लमालोएत्ता णं जहोवइइं पायच्छित्तं कयं ति गोयमा जे णं से माहणी जीवे से णं तज्जम्मे बहुलद्धिसिद्धी जुए महिट्ठीयत्ते सयलगुणाहारभूए उत्तम-सीलाहिट्ठिय-तनू महातवस्सी जुगप्पहाणे समणे अनगारे गच्छाहिवई अहेसि नो णं समणी, से भयवं ता कयरेण कम्म-विवागेणं तेमं गच्छाहिवइणा होऊणं पुणो इत्थित्तं समज्जियं ति गोयमा माया पच्चएणं से भयवं कयरेणं से माया पच्चए जे णं पयणू-कय-संसारे वि सयल-पावाययणा विबुह-जन-निंदिए

सुरहि-बहु-दव्व-घय-खंड-चुन्न-सुसंकरिय-समभाव-पमाण-पाग-निष्फन्न-मोयग-मल्लगे-इव-सव्वस्स भक्खे सयल-दुक्ख-केसाणिमालए सयल-सुह-साहणस्स परमपवित्तुमस्स णं अहिंसा-

लक्खण-समण-धम्मस्स विग्घे सग्गलानिरयदार-भूए सयल-अयस-अकित्ती-कलंक-कलि-कलह-वेराइ-पाव-निहाणे निम्मल-कुलस्स णं दुद्धरिस-अकज्ज-कज्जल-कण्हमसी-खंपणे ते णं गच्छाहिवइणा इत्थीभावे निव्वत्तिए त्ति गोयमा नो तेनं गच्छाहिवइत्ते अनुमवि माया कया से णं तथा पुहईवई चक्कहरे भवित्ताणं परलोग-भीरूए निव्विन्न-काम-भोगे तणमिव परिचिच्चाणं तं तारिसं चोइस-रयण-नवनिहीतो चोसट्ठी सहस्से वरजुवईणं बत्तीसं साहस्सीओ अणावइ वि वर-नरिंद-छन्नउई गाम-कोडिओ जाव णं छ खंड-भरवासस्स णं देविंदोवमं महाराय-लच्छीत्तीयं बहुपुत्र-चोइए नीसंगे पव्वइए य थेवेणे कालेणं सयल-गुणोहधारी महातवस्सी सुयहरे जाए जोग्गे नाऊणं सगुरुहिं गच्छाहिवई समनुन्नाए तर्हि च गोयमा ते णं सुदिट्ठ-सुगई-पहेणं जहोवइइं समण-धम्मं समनुट्टेमाणेणं उग्गाभिग्गह-विहारत्ताए घोर-परिसहोवसग्गाहियासणेणं राग-द्वोस-कसाय-विवज्जणेणं इंसिं पि दिव्वोरालिय-मेहुण-परिणाम-विप्पमुक्केणं इह-परलोगा-संसाइणियाण-मायाइ-सल्लविप्पमुक्केणं नीसल्लालोयण-निंदण-गरहणेणं जहोवइइट्टपायछित्तक-रणेणं सव्वत्थाडिबद्धत्तेणं सव्वपमाया लंबणविप्पमुक्केणं य निदट्ठ-अवसेसीकएअणे-गभवसंचिए कम्मरासी अन्नभवे ते णं माया कया तप्पच्चएणं-

गोयमा एस विवागो से भयवं कयरा उ न अन्नभवे ते णं महानुभागे णं माया कया जीए णं एरिसो दारुणो विवागो गोयमा तस्स णं महानुभागस्स गच्छाहिवइणो जीवो अनूनाहिए लक्खे एमे भवग्गहणा सामन्न-नरिंदस्स णं इत्थित्ताए धूया अहेसिं अन्नया परिणीयाणंतं मओ भत्ता तओ नरवइणा भणिया जहा भत्ते एते तुज्झं पंच सए सुगामाणं विहल्लियाणं च संबंधि-बंधवणं जं जस्स इइं भत्तं वा पानं वा अच्छायणं वा जाव णं धण-धन्न-सुवन्न-हिरत्रं वा कुणसु सयल-सोक्खदायणं संपुन्नं जीवदयं ति जेणं भवंतरेसु पि न होसि सयलजण-सुहप्पियागारिया सव्व-परिभूया गंध-मल्ल-तंबोल-स-मालहणाइ-जहिच्छिय-भोगोपभोगवज्जिया हयासा दुज्जम-जाया निदट्ठणामिया रंडा ताहे गोयमा सा तहत्ति पडिवज्जिऊण पगलंतलोयणंसुजलणिद्धोयकवोल-देसा उसरसुंभसमन्नुधग्घरसरा भणिउमोढत्ता-जहा णं न याणियो हं पभूयमालवित्ताणं निग्गच्छावेह लहुं कट्टे एरह महइ चियं निद्देहेमि अत्ताणगं न किंचि मए जीवमाणीए पावाए मा हं कर्हिचि कम्म-परिणइवसेणं महापावित्थी चवल-सहावत्ताए एयस्स तुज्झमसरिसनामस्स निम्मल-जस-कित्ती-भरिय-भुवणोयस्स णं कुलस्स खंपणं काहं जेन मलिणी भवेज्जा सव्वमवि कुलं अम्हाणं ति तओ गोयमा चित्तिय तेनं नरवइणा जहा णं -

अहो धन्नो हं जस्स अपुत्तस्सा वि य एरिसा धूया अहो विवेगं बालियाए अहो बुद्धी अहो पन्ना अहो वेरगं अहो कुल-कलंक भीरुयत्तणं हो खणे खणे वंदनीया एसा जीए एए महंते गुणा ता जाव णं मज्झं गेहे परिवसे एसा ताव णं महामहंते मम सेए अहो दिट्ठाए संभरियाए संलवियाए चेव सुज्झीयए इमाए ता अपुत्तस्स णं मज्झं एसा चेव पुत्ततुल्ल ति चित्तिऊणं भणिया गोयमा ता तेनं नरवइणा जहा णं न एसो कुलक्कमो अम्हाणं वच्छे जं कट्टारोहणं कीरइ ति ता तुमं सील-चारित्तं परिवालेमाणी दानं देसु जहिच्छाए कुणसु य पोसहोववासाइं विसेसेणं तु जीवदयं एयं रज्जं तुज्झंति ता णं गोयमा जनगेणेवं भणिया ठिया सा समप्पिया य कंचुइणं अंतेइररक्पालाणं-

एवं च वच्चंतेमं कालसमएण तओ कालगए से नरिंदे अन्नया संजुज्जिऊणं महामईहिं णं मंतीहि

कओ तीए बालाए रायाभिसेओ एवं चे गोयमा दियहे दियहे देइ अत्याणं अह अन्नया तत्थ णं बहु वंद-चट्ट-भट्ट-तडिग-कप्पडिग-चउर-वियक्खण-मंतिर-महंतगाइ-पुरिस-सय-संकुल-अत्याण-मंडव-मज्झिम्मि सीहासनावविट्ठाए कम्मपरिणइवसेणं सरागाहिलासाए चक्खुए निज्जाए तीए सव्वुत्तम-रूव-जोव्वण-लावन्न-सिरी-संपओववेए भाविय-जीवाइ-पयत्थे एगे कुमारवरे मुणियं च तेनं गोयमा कुमारेणं जहा णं-हा हा ममं पेच्छियं-गया एसा वराई घोरंधयारमनंत-दुक्ख-दायगं पायालं ता अहन्नो हं जस्स णं एरिसे पोग्गल-समुद्दए तणू राग-जंतं किं मए जीविएणं दे सिग्घं करेमि अहं इमस्स णं पावसरीस्स संथारं अब्भुट्टेमि णं सुदुक्करं पच्छित्तं जाव णं काऊणं सयल-संग-परिच्चायं समनुट्टेमि णं सयलपावनिद्वलणे अनगार-धम्मं सिट्ठिली करेमि णं अनेग-भवंतर-विइन्ने सुदव्विमोक्खे पाव-बंधण-संघाए धि ड्डी ड्डी अव्ववत्थियस्स णं जीवलोगस्स जस्स णं एरिसे अणप्पवसेइंदिय-गामे अहो अदिट्टपरलोग-पच्चवाययालोगस्स अहो एक्क-जम्माभिणि-विट्ठचित्तया अहो अविन्नाय कज्जाकज्जया अहो निम्मेरया अहो निरप्परिहासया अहो परिचत्त-लज्जया हा हा हा न जुत्तमहाणं खणमवि विलंबिउं एत्थं एरिसे सुदिन्निवाराऽसज्ज-पावगमे देसे हा हा हा घट्टरिए अहन्ने णं कम्मट्टरासी जं सुईरियं पईए रायाकुल-बालियाए-

इमेणं कुट्ट-पाव-सरीर-रूव-परिदंसणेणं नयनेसुं रागाहिलासे परिचेच्चाणं इमे विसए तओ गेणहामि पवज्जं ति चित्तिऊणं भणियं गोयमा तेनं कुमारवरेणं जहा न खंतमरिसियं नीसल्लं तिविहं तिविहेणं तिगरण-सुद्धीए सव्वस्स अत्याण-मंडव-राय-कुल-पुर-जनस्से ति भणिऊणं विनिग्गओ रायउलाओ पत्तो यनिययावासं तत्थ णं गहियं पच्छयणं दो खंडीकाऊणं च सियं फेणावलीतरंगमउयं सुकुमालवत्थं परिहिएणं अद्धफलगे गहिएणं दाहिणहत्थेणं सुयण-जण-हियए इव सरलवेत्तलय-खंडे तओ काऊणं तिहुयमेक्कगुरूणं अरहंताणं भगवंताणं जगप्पवराणं धम्मं तित्थयकराणं जहुत्तवि-हिणाभिसंधवणं भाववंदनं सेणं चलचवल्गई पत्तेणं गोयमा दूरं देसंतरं से कुमारे जाव णं हिरन्कळुडी नाम रायहानी तीए रायहानीए धम्मायकियाणं गुणविसिद्धाणं पउत्ति अन्नेसमाणे चित्तिउ पयत्ते से कुमारे जहा णं जाव णं न केइ गुणविसिट्ठे धम्मायरिए मए समुवलद्धो ता विहइं चेव महिं वि चिट्ठियेव्वं ता गयाणि कइवयाणि दियहाणि भयामि णं एस बहु-देस-विक्खाय-किती-नरवरिदे एवं च मंतिऊणं जाव णं दिट्ठो राया कयं च कायव्वं सम्माणियाओ य नरनाहेणं पडिच्छिया सेवा अन्नया लद्धावसरणे पुट्ठो सो कुमेरो गोयमा तेनं नरवइणा जहा णं भो भो महासत्तकस्स नामालंकिए एस तुज्झं हत्थम्मि विरायए मुद्धारयणे को वा ते सेविओ एवइयं कालं के वा अवमाणे पकए तुह सामिणि ति कुमारेणं भणियं जहा णं जस्स नामालंकिएणं इमे मुद्धारयणे से णं मए सेविए एवइयं कालं से णं मए सेविए एवइयं कालं तस्स नामालंकिएणं इमे मुद्धारयणे तओ नरवइणा भणियं-जहा णं किं तस्स सद्वकरणं ति कुमारेणं भणियं नाहमजिमिएणं तस्स चक्खुकुसीलाहम्मस्स णं सद्वकरणं समुच्चारेमि तओ रन्ना भणियं जहा णं-भो भो महासत्ता केरिसो उण सो चक्खु-कुसीलो भन्ने किं वा णं अजिमिएहिं तस्स सद्वकरणं नो समुच्चारिएए कुमारेणं भणियं जहा णं चक्खुकुसीलो तिसट्टिए ठाणंतरेहिंतो जइ कहाइ इह तं दिट्ठ-पच्चयं होही तो पुन वीसत्थो साहीहामि जं पुन तस्स अजिमिएहिं सद्व-करणं एतेनं न समुच्चारिएए जहा णं जइ कहाइ अजिमिएहिं चेव तस्स चक्खुकुसी-लाहम्मस्स नामग्गहणं कीरए ता णं नत्थि तम्मि दियहे संपत्ति पाणभोयणस्स ति ताहे गोयमा

परमविम्हिइएणं रन्ना कोउहल्लेणं लहुं हक्काराविया रसवई उवविद्धो य भोयणमंडवे राया सह कुमारेणंअसेस-परियणेणं च आनावियं अट्टारस-खंड-खज्जय वियपं नानाविहं आहारं एयावसरम्मि भणियं नरवइणा जहा णं भो भो महासत्त भणसु नीसंको तुमं संपयं तस्स णं चक्खुकुसीलस्स णं सहकरणं कुमारेणं भणियं जहा णं नरनाह भणिहामि णं भुत्तुत्तरकालेणं नरवइणा भणियं-जहा णं

भो महासत्त दाहिण-कर-धरिएणं कवलेणं संपयं चैव भणसु जेणं खु जइ एयाए कोडीए संठियाणं केइ विग्घे हवेज्जा ताणमम्हे वि सुदिद्धपच्चए संतेउर-पुरस्सरे तुज्झाणत्तीए अत्तहियं समनुचिद्दामो तओ णं गोयमा भणियं तेनं कुमारेणं-जहा णं एयं अमुगं सहकरणं तस्स चक्खुकुसीलाहमस्स णं दुरंत-पंतलक्खण-अदड्ढव्व-दुज्जाय-जम्मस्स त्ति ता गोयमा जाव णं चैव इयं समुल्लवे से णं कुमारवरे ताव णं अनोहिय-पवित्तिएण एव समुद्धुसियं तक्खणा परचक्केणं तं रायहानी णं सन्नद्ध-बद्धुद्धए-निसिए-करवाल-कुंत-विप्फुरंत-चक्काइ-पहरणाडोववग्गपाणी हण हण राव-भीसणा बहु-समर-संघट्टा दिन्न-पिट्ठी जीयंतकरे अउव-बल-परक्कमे णं महाबले पर-बले जोहे एयावसरम्मि चलणेसु निविडऊणं दिद्ध-पच्चए मरण-भयाउलत्ताए अगणियकुल-काकमपुरिसयां विष्पणासे दिसिमेक्कमासाइत्ताण स-परिकरे पणट्ठे से णं नरवरिं दे एत्थंतरम्मि चिंतियं गोयमा तेनं कुमारेणं जहा णं न मेरिसं कुलक्कमेऽम्हाणं जं पट्ठिंदाविज्जइ नो णं तु पहरियव्वं मए कस्सावि णं अहिंसा-लक्खण-धम्मं वियाणमाणेणं कय-पाणाइवाय-पच्चक्खाणेणं च ता किं करेमि णं सागारे भत्त-पाणाईणं पच्चक्खाणे अहवा णं करेमि -

जओ दिट्ठेणं ताव मए दिट्ठी-मेत्त कुसीलस्स नामग्गहणेणावि एमहंते संविहानगे ता संपयं कुसालस्सावि णं एत्थं परिकव्वं करेमि त्ति चिंतिऊणं भणिउमाढत्ते णं गोयमा से कुमारे जहा णं जइ अहयं वायामेत्तेणावि कुसीलो ता णं मा नीहरेज्जाह अक्खय-तणुं खेमेमं एयाए-रायहानीए अहा णं मणो-वइ-कायतिएणं सव्वपयारेहिं णं सील-कलिओ ता मा वहेज्जा ममोवरिं इमे सुनिसिए दारुणे जीयंतकरे पहरणे निहए नमो नमो अरहंताणं, ति भणिऊणं जाव णं पवर-तारण दुवारेणं चल-चवल-गई जाउमारद्धो जाव णं परिकमे थेवं भूमिभागं ताव णं हेल्लवियं कप्पडिग-वेसेणं गच्छइ एस नरवइ त्ति काऊणं सरहसं हण हण मर मर त्तिभणमानुक्खित्तकरवालादि-पहरणेहिं परबल-जोहेहिं जाव णं समुद्धाइए अच्चंत-भीसणे जीयंतकरे परबल-जोहे ताव णं अविसन्न-अनुदुयार-भीय-अत्थ अदीनमानसेनं गोयमा भणियं कुमारेणं जहा णं भो भो दुद्धपुरिसा ममोवरिं चेह एरिसेणं घोर-तामस-भावेणं अन्निए पि सुहज्जवसाय-संचिय-पुत्र-पब्भारे एस अहं से तुम्ह पडिसत्तू अमुगो नरवती मा पुणोवि भणेज्जा सु जहा णं निलुक्को अम्हाणं भएणं ता पहरेज्जासु जइ अत्थि वीरियं ति जावेत्तियं भणे ताव णं तक्खणं चैव थंभिए ते सव्वे गोयमा पर-बल-जोहे सीलाहिट्ठियत्ताए तियसाणं पि अलंघणिज्जाए तस्स भारतीए जाए य निव्वल-देहे तओ य णं धस त्ति मुच्छिऊणं निच्चेट्ठे निवडिए धरणिवट्ठे से कुमारे एयावसरम्मि उ गोयमा तेनं नरिंदाहमेणं गूढहियय-मायाविणा वुत्ते धीरे सव्वत्थावी समत्थे सव्वलोय-समंत-धीरे भीरू वियक्खणे मुखे सूरे कायरे चउरे चाणक्के बहुपवंचभरिए संधि-विग्गहिए निउत्ते छइल्ले पुरिसे जहा णं भो भो तुरियं रायहानीए वज्जिंद-नील-ससि-सूरकंतादीए पवर-मणि-रयण-रासीए हेमज्जुण-तवनीय-जंबूनय-सुवन्न-भारलक्खाणं किं बहुना विपुद्धबहुजच्च-मोत्तियं-विहुमखारि-लक्ख-पडिपुत्रस्स णं कोसस्स

चाउरंगस्स बलस्स विसेसओ णं तस्स सुगविय नाम-गहणस्स पुरिस-सीहस्स सीलसुद्धस्स कुमारवस्से ति पउत्तिं आणेह जेमाहं निव्वुओ भवेज्जा ताहे नरवइणो पणामं काणं गोयमा गए ते निउत्तपुतरिसे जाव णं तुरियं चल-चवल-जइण-कम-पवण-वेगेहिं णं आरुलहिऊणं जच्च-तुरंगमेहिं निउंज-गिरिकंदरुद्देस-पइरिक्काओ खणेण पत्ते रायहाणि दिट्ठो य तेहिं वामदाहिणभुया-पल्लवेहिं वयणं सिरोरुदहे विलुंपमाणो कुमारो तस्स य पुरओ सुवन्नाभरण-नेवच्छादस-दिसासु उज्जोयमाणी जय जय सद्दमंगल-मुहलारयहरण-वावडोभयकर-कमल-विरइयंजली देवया तं च दट्ठुणं विन्हिय भूयमणे लिप्प-कम्म निम्मविए एयावसरम्मि उ गोयमा सहरिस-रोमंच-कंचुपुलइयसरीराए नमो अरहंताणं ति समुच्चरिऊणं भणिरे गयणट्टियाए पवयण-देवयाए से कुमारे तं जहा -

मू. (१४९९) जो दलइ मुट्ठि-पहरेहि मंदरं धरइ करयले वसुहं ।

सव्वोदहीण वि जलं आयरिसइ एक्क घोट्टेणं ॥

मू. (१५००) टाले सग्गाओ हरिं कुणइ सिवं तिहुयणस्स वि खणेणं ।

अक्खंडिय सीलाणं कुद्धो वि न सो पहुप्पेज्जा ॥

मू. (१५०१) अहवा सो छिय जाओ गणिज्जाए तिहुयणस्स वि स वंदो ।

पुरिसो वि महिलिया वा कुलुगओ जो न खंडए सीलं ॥

मू. (१५०२) परम-पवित्तं सप्पुरिस-सेवियं सयल-पाव-निम्महणं ।

सव्वुत्तम-सुक्ख-निहिं सत्तरसविहं जयइ सीलं ॥

मू. (१५०३) ति भाणिऊणं गोयमा झत्ति मुक्का कुमारस्सोवरिं कुसुमवुट्ठि पवयण-देवयाए पुणो वि भणिउमाढत्ता देवया तं जहा -

मू. (१५०४) देवस्स देंती दोसे पवंचिया अत्तणो स-कम्मेहिं ।

न गुणेषु ठवित्तं ऽप्यं मुहाइं मुद्धाए जोएंति ॥

मू. (१५०५) मज्झत्थभाववत्ती सम-दरिसी सव्व-लोय-वीसासो ।

निक्खवय-परियत्तं दिव्वो न करेइ तं ढोए ॥

मू. (१५०६) ता बुज्झिऊण सव्वुत्तमं जणा सील-गुण-महिट्ठीयं ।

तामसभावं चिच्चा कुमार-पय-पंकयं नमह ॥

मू. (१५०७) ति भाणिऊणं अहंसणं गया देवया इति ते छइल्ल-पुरिसे लहुं च गंतूण साहियं तेहिं नरवइणो तओ आगओ बहु-विकप्प-कल्लोल-मालाहिं णं आउरिज्जमाणं-हियय-सागरो हरिस-विसाय-वसेहिं भीऊडुपायातत्थ-चकिर-हियओ सणियं गुज्झ-सुरंग-खडक्किया-दारेणं कंपंत सव्वगतो महया कोऊहल्लेणं कुमार-दंसणुक्कंठिओ य तमुद्देसं दिट्ठो य तेनं सो सुगहियनामधेज्जो महायसो महासत्तो महानुभावो कुमार-महरिसी अपडिवाइ महोही पच्चएणं साहेमाणो संखाइयाइ-भवाणुहूयं दुक्ख-सुहं सम्मत्ताइलंभं संसार-सहावं कम्मबंध-ट्टिती-विमोक्खमहिंसा-लक्खण-मणनगारे वयरबंधे नरादीणं सुहनिसन्नो सोहम्माहिर्वई धरिओवरिपंडुरायवत्तो ताहे य तं अदिट्ठुपुवं अच्चेरगं दट्ठुणं पडिबुद्धो सपरिग्गहो पव्वइओ य गोयमा सो राया परचक्काहिर्वई वि एत्थतरम्मि पहय-सुत्सर-गहिर-गंभीर-दुंदिभि-निग्घोस-पुव्वेणं समुग्घुट्ठं चउव्विहं देवनि-काएणं (तं जहा) -

मू. (१५०८) कम्मइं-गंठि-मुसुमूरण जय जय परमेट्ठी महायस ।

जय जय जयाहिचारित्तं-दंसण-नाण-समन्नि ॥

मू. (१५०९)

स द्विय जननी जगे एक्का वंदनीया खणे खणे ।

जीसे मंदरगिरि गुरुओ उयरे वुत्थो तुमं महा मुनि ॥

मू. (१५१०) त्ति भाणिऊणं विमुंचमाणे सुरभिकुसुम-वुड्ढि भत्ति-भरनिब्भरे विरइय-कर-कमलजलीउ त्ति निवडिअ ससुरासुरे देव-संधे गोयमा कुमारस्सणं चलणारविंदे पणच्चियाओ य देव-सुंदरीओ पुणो पुणोऽभिसंथुणिय नमंसिय चिरं पञ्चुवासिऊणं स-द्वाणेसुं गए देवनिवहे

मू. (१५११) से भयवं कंहं पुन एरिसे सुलभबोही जाए महायसे सुहहिय-नामधेजे से णं कुमारं महरिसी गोयमा ते णं समणभावड्डिएणं अन्न-जम्मम्मि वाया दंडे पउत्ते अहेसि तत्रिमित्तेणं जावज्जीवं मूणव्वए गुरुव्वएसे णं संधारिए अन्नं च त्तिनि महापाव-द्वाणे संजयाणं तं जहा-आऊत्तेऊ-मेहुणे एते य सव्वोवाएहिं परिवज्जए ते णं तु एरिसे सुलभबोही जाए, अहन्नया णं गोयमा बहु-सीसगण-परियरिए से णं कुमारमहरिसी पत्यइए समेयसेलसिहरे देहच्चाय निमित्तेणं कालकमेणं तीए चेव वत्तीणए जत्य णं से राय-कुल-बालियानरिंदे चक्खु-कुसीले जाणावियं च रायउले आगओ य वंदनवत्तियाए सो इत्थी-नरिंदो उज्जाणवरम्मि कुमार-महरिसिणो पणामपुव्वं च उवविट्ठो स पुरस्सरो जहोइए भूमिभागे मुणिणा व पबंधेणं कया देसणा तं च साऊणं धम्म-कहावसाणे उवड्डिओ स परिवग्गो नीसंगत्ताए पव्वइओ गोयमा सो इत्थनरिंदो एवं च अच्चंत-घोर-वीरुग्ग-कड्डु दुक्कार-तव-संजमानुद्वाण-किरियाभिरयाणं-

सव्वेसिपि अपडिकम्म-सरीराणं अप्पडिबद्धविहारत्ताए अच्चंतणिप्पिहाणं संसारिएसुं चक्कर-सुरिंदाइ-इड्ढि-समुदय-सरीर-सोक्खेसुं गोयमा वच्छइ कोई कालो जाव णं पते सम्भेय-सेल-सिहरब्भासं तओ भणिया गोयमा तेनं महरिसिणा रायकुल-बालियानरिंदसमणी-जहा णं दुक्करं-कारिगे सिग्घं अनुदुय-मानसा सव्व-भाव-भावंतरेहिं णं सुविसुद्धं पयच्छहि णं नीसल्लालोयणं आढवेयव्वा य संपयं सव्वेहिं अह्हेहिं देहच्चाय-करणेक्क-बद्ध-लक्खेहिं नीसल्लालोइय-निंदिय-गरहिय-जहुत्त-सुद्धासय-जहो-वड्ड-कय-पच्छित्तुद्धिय-सल्लेहि च णं कुसलदिट्ठा संलेहण त्ति तओ णं जहुत्तविहीए सव्वमालोइयं तीए रायकुल-बालिया नरिंदसमणीए जाव संभारिया तेनं महामुनिना जहा णं जं अहं तथा रायत्थाणं उवविट्ठाए तए गारत्थ-भावम्मि सरागाहिलासाए संविक्किओ अहेसि तं आलोएह दुक्कर-कारिए जेणं तुम्हं सव्वुत्तमविसोही हवइ तओ णं तीए मनसा परितप्पिऊणं अइचव-लासयनियडी-निकेय-पाविथीसभावत्ताए मा णं चक्खुकुसील त्ति अमुगस्स धूया समणीनमंतो परिवसमाणी भन्नाहिमि त्ति चिंतिऊणं गोयमा भणियं तीए अभागधिज्जाए जहा णं भगवं न मे तुमं एरिसेणं अट्टेणं सरागाए दट्टीए निज्जाइओ जओ णं अहयं ते अहिलसेज्जा किंतु जारिसेणं तुब्भे सव्वुत्तम-पूव-तारुन्न-जोव्वण-लावन्न-कंति-सोहग्ग-कला-कलाव-विन्नाण-नाणाइसयाइ-गुणोह-विच्छ-ड्डु-मंडिएहोत्था विसएसुं निरहिलासे सुथिरे ता किमेयं तह त्ति किं वा नो णं तह त्ति त्ति गुणोह-विच्छ-ड्डु-मंडिएहोत्था विसएसुं निरहिलासे सुथिरे ता किमेयं तह त्ति किं वा नो णं तह त्ति त्ति तुज्झं माण-परितोलणत्थं सरागाहिलासं चक्खुं पउत्ता नो णं चाभिलासिउ कामाए अहवा इणमेत्थ चेवालोइयं भवइ किमित्थ दोसं ति मज्झमवि गुणावहयं भवेज्जा किं तित्थं गंतूणं माया-

कवडेणं सुवन्नसयं केइ पयच्छे ताहे य अच्चंत-गरुय-संवेगमावन्नेणं धी स्त्री स्त्री संसार-चलित्थी-सभावस्स णं ति चिंतिऊणं भणियं मुनिवरेणं जहा णं धि च्छि च्छिरत्थु पावित्थी-चलस्स भावस्सजेणं तु पेच्छ पेच्छ एद्दहमेत्ताणुकालसमएणं केरिसा नियडी पुत्तं ति अहो खलित्थीणं चल-चवल-चडुल-चंचलासंति पगड्ढमाणसाणं खणमेगवमवि दुज्जम्म-जायणं अहो सयलाकज्ज-भंडे हलियाणं अहो सयलायस-अकित्ती-वुट्ठिकारणं -

अहो पावळ्माभिडुज्जवसायाणं अहो अभीयाणं पर-लोग-गमणंधयार-घोर-दारुण-दुक्ख-कंडू-कडाह-सामलि-कुंभी-पागाइ-दुरहिया-साणं एवं च बहुमनसा परितप्पिऊणं अनुयत्तणा विरहियधम्मैक्क-रसियसुपसंत-वयणेहिं णं पसंत-महुरक्खोरेहिं णं धम्म-देसना पुव्वगेणं भणिया कुमारेणं रायकुल-वालिया-नरिंद-समणी गोयमा तेनं मुनिवरेणं जहा णं-दुक्करकारिगे मा एरिसेणं माया-पवंचेणं अच्चंत-घोर-वीरुग्ग-कड्ड-सुदुक्कर-त्तव-संजम-सज्जाय-ज्ञाणाईहिं समज्जिए निरनुबंधि-पुत्र-पळ्भारे निष्फले कुण्णु न किंचि एरिसेणं माया-दंभेणं अनंत-संसारदायगेणं पओयणं नीसंकमालोएत्ताण नीसल्ल-भत्ताणं कुरु अहवा अंधयार-नट्टिगानइमिव-धमिय-सुवन्नमिव एक्काए फुक्कयाए जहा तहा निरत्थयं होही तुज्जेयं वालुप्पडण-भिकखा-भूमी-सेज्जा बावीस परीसहोव-सग्गाहियासणाइए काय-किलेस ति तओ भणियं तीए भग्गलक्खणाए जहा भयवं किं तुम्हेहिं सद्धि छम्भेणं उल्लविज्जइ विसेसणं आलोयणं दाउमाणेहिं नीसंकं पत्तिया नो णं मए तुमं तक्कालं अभिलसिउकामाए सरागाहिलासाए चक्खूए निज्झाइ उ ति किंतु तुज्ज परिमाण-तोलणत्थं निज्झाइओ ति भणमाणी चेव निहणं गया कम्म-परिणइवसेणं समज्जित्ताणं बद्ध-पुट्ट-निकाइयं उक्कोस-ठिइं इत्थीवेयं कम्मं गोयमा सा राय-कुल-वालिया नरिंद-समणि ति तओ य स-सीस-गणे गोयमा से णं महच्छेरगभूए सयंबुद्ध-कुमार-महरिसीए विहीए संलिहिऊणं अत्तानं मासं पावोवगमणेणं सम्मेयसेलहिरिम्भि अंतगओ केवलित्ताए सीसगण-समन्निए परिनिव्वुडे ति

मू. (१५१२) सा उन रायकुल वालिया नरिंद समणी गोयमा तेन मायासल्ल भाव दोसेणं उववन्ना विज्जुकुमारीणं वाहणत्ताए नउलीरुवेणं किंकरीदेवेसुं ततो चुया समाणी पुणो पुणो उववज्जंती वावज्जंति अहिंडिया मानसु तिरिच्छेसुं सयल-दोहग्ग-दुक्ख-दारिद्-परिगया सव्वलोया-परिभूया सकम्मफलमनुभवमाणी गोयमा जाव णं कह कह वि कम्माणं खओवसमेणं बहु-भवंतरेसुं तं आयरिय-पयं पाविऊण निरयार-सामन्न-परिपालेणं सव्वत्थामेसुं च सव्वपमायालंबण-विष्प-मुक्केणं तु उज्जमिऊणं निह्दड्ढावसेसी-कय-भवंकुरे तहा वि गोयमा जा सा सरागा-चक्खुणालोइया तया तक्कम्मदोसेणं माहणित्थित्ताए परिनिव्वुडे णं से रायकुल-वालियानरिंद-समणी जीवे ।

मू. (१५१३) से भयवं जे णं केई सामन्नमब्भुट्टेज्जा से णं एक्काइ जाव णं सत्त-अट्ट-भवंतरेसु नियमेणं सिज्जेज्जा ता किमेयं अणूणाहियं लक्ख-भवंतर-परियडणं ति गोयमा जे केई निरइयारे सामन्ने निव्वाहेज्जा से णं नियमेणं एक्काइ जाव णं अट्टभवतरेसुं सिज्जे जे उ णं सुहुमे बायारे केई मायासल्ले वा आउकाय-परिभोगे वा तेउकायरिभोगे वा मेहुण-कज्जे वा अन्नयरे वा केई आणाभंगे काऊणं सामन्नमइयरेज्जा से णं लक्खेण भवग्गहणेणं सिज्जे तं महइ लभे जओ णं सामन्नमइयरित्ता बोहिं पि लभेज्जा दुक्खेणं एसा सा गोयमा तेनं माहणी जीवेणं माया कया जीए य एद्दहमेत्ताए वि

एरिसे पावे दारुणे-विवागि ति ।

मू. (१५१४) से भयवं किं तीए मयहरीए तेहिं से तंदुलमल्लगे पयच्छिए किं वा णं सा विय मयहरी तत्येव तेसिं समं असेस-कम्मकखयं काऊणं परिनिव्वुडा हवेज्जा ति गोयमा तीए मयहरिए तस्स णं तंदुल-मल्लगस्सडाए तीए माहणीए धूय ति काऊणं गच्छमाणी अवंतराले चेव अवहरिया सा सुज्जसिरी जहा णं मज्झं गोरसं परिभोत्तूणं कहिं गच्छसि संपयं ति आह वच्चा मो गोउलं अन्नं च-जइ तुमं मज्झं विणीया हवेज्जा ता अहयं तुज्झं जहिच्छाए ते कालियं बहु-गुल-घएणं अनुदियहं पायसं पयच्छिहामि जाव णं एयं भणिया ताव णं गया सा सुज्जसिरी तीए मयहरीए सद्धि ति तेहिं पि परलोगाणुद्वणेक्क सुहज्जवसायाखित्तमाणसेहिं न संभरिया ता गोविंद-माहणाईहिं एवं तु जहा भणियं मयहरीए तथा चेव तस्स घय-गुल-पायसं पयच्छे अहन्नया कालक्कमेणं गोयमा वोच्छिन्ने णं दुवालस-संवच्छरिए महारोवे दारुणे दुब्भिकखरे जाए णं रिद्धित्थिमिय-समिद्धे सव्वे वि जनवए अहन्नया पनुवीसं अनग्घेयाणं पवर-ससि-सूरकंताईणं मणि-रयणाणं घेतूण सदेस-गमणनिमित्तेणं दीहद्धाण-परिखिन्न-अंगयट्ठी-पह-पडिवन्नेणं तत्येव गोउले भवियव्व-यानियोगेणं आगए अनुच्चरीय-नामधेज्जे पावमती सुज्जसिवे दिद्धा य तेनं सा कन्नगा जाव णं परितुलिय-सलय-तिहुयण-नर-नारी-रूव-कंति-लवन्ना तं सुज्जसिरिं पासिय चवलत्ताए इंदियाणं रम्मयाए किंपागफलोवमाणं अनंत-दुक्ख-दायगाणं विसयाणं विणिज्जियासेसतिहुयणस्स णं गोयर-गएणं मयर-केउणो भणियाणं गोयमा सा सुज्जसिरी ते णं महापावकम्भेणं सुज्जसिवेणं जहा णं हे हे कन्नगे-

जइ णं इमे तुज्ज संतिए जननी-जनगे समनुमन्ति ता णं तु अहयं ते परिणेमि अन्नं च करेमि सव्वं पि ते बंधुवग्गमदरिदं ति तुज्झमवि घडावेमि पलसयमणूणं सुवन्नस्स ता गच्छ अरेणेव साहेसु माया-पित्तागं तओ य गोयमा जाव णं पहड-तुड्डा सा सुज्जसिरी तीए मयहरी एयं वइयरं पकहेइ ताव णं तक्खणमागंकूणं भणिओ सो मयहरीए-जहा-भो भो पयंसेहिं णं जं ते मज्झ धूयाए सुवन्न-पलसए सुंकिए ताहे गोयमा पयंसिए तेनं पवरमणी तओ भणियं मयहरीए जहा-तं सुवन्नसयं दाएहिं किमेएहिं डिंभ-रमणगेहिं पंचिड्डगेहिं ताहे भणियं सुज्जसिवेणं जहा णं-एहिं वच्चा मो नगरं दंसेमि णं अहं तुज्झमिमाणं पंचिठाणं माहप्यं तओ पभाए गंतूणं नगरं पयंसियं ससि-सूर-कंत-पवर-मणि-जुवलगं तेनं नरवइणो नरवइणा वि सद्दविऊणं भणिए पारिक्खी जहा-इमाणं परममणीणं करेह मुल्लं तोल्लंतेहिं तु न सक्किरं तेसिं मुल्लं काऊणं ताहे भणियं नरवइणा जहा णं भो भो माणिक्खंडिया नत्थि केइ एत्थ जेणं एएसिं मुल्लं करेज्जा तो गिणहसु णं दसकोडिओ दविणजायस्स सुज्जसिवेणं भणियं-जं महाराओ पसायं करेति नवरं इणमो आसन्न-पव्वय-सन्निहिए अम्हाणं गोउले तत्थ एगं च जोयणं जाव गोमीणं गोयर-भूमी तं अकरभरं विमुंचसु ति तसो नरवइणा भणियं जहा एवं भवउ ति एवं च गोयम सव्वं अदरिदमकरभरे गोउले काऊं तेनं अनुच्चरिय-नामधिज्जेणं परिणीया सा निययधूया सुज्जसिरी-सुज्जसिवेणं जाया परोप्परं तेसिं पीई जाव णं नेहानुराग-रंजिय-मानसे गमेति कालं किंचि ताव णं दइणं गिहागए साहूणो पडिनियते हा-हा-कंदं करेमाणी पुड्डा सुज्जसिवेणं सुज्जसिरी जहा-पिए एयं अदिदुपुव्वं भिक्खायर-जुयलयं दइणं किमेयावत्थं गयासि तओ तीए भणियं ननु मज्झं सामिणी एएसिं महया भक्खन्न-पानेनं पत्त-भरणं किरियं तओ पहड-तुड्ड-मानसा उत्तमंगेणं चलणगे पणमयंती ता मए अज्जं एएसिं

परिदंसणेणं सा संभारिय त्ति ताहे पुणो वि पुट्ठा सा पावा तेनं जहा णं पिए उ तुज्झं सामिणी अहेसि तओ गोयमाणं दढं ऊसुसरुसुंभंतीए समन्नुगग्घरविसंदुल्लंसुगगिराए साहियं सव्वं पि निययवुत्तं तस्सेति ताहे विन्नायं तेनं महापावकम्भेणं जहा णं निच्छयं एसा सा मंगया सुज्जिसिरी न अन्नाए महिलाए एरिसा रूव-कंती-दिती-लावन्नसोहग्ग-समुदयसिरी भवेज्ज त्ति चिंतिऊण भणिउमाढत्तो तं जहा -

मू. (१५१५) एरिस कम्म-रयाणं जं न पडे खडहडितयं वज्जं ।

तं नून इमं चिंतेइ सो वि जहित्यविउ मे कत्थ सुज्जिस्सं ॥

मू. (१५१६) ति भाणिऊणं चिंतुं पवत्तो सो महापावयारी जहा णं किं छिंदामि अहयं सहत्थेहिं तिलं तिलं सगतं किं वा णं तुंगगिरियडाओ पक्खिविउं दढं संचुत्रेभि इनमो अनंतो-पाव-संघाय-समुदयं दुट्ठं किं वा णं गंतूणं लोहयार-सालाए सुतत्त-लोह-खंडमिव-घण-खंडाहिं चुन्नावेमि सुइरमत्ताणं किं वा णं फालावेऊणं मज्झोमज्झीए तिकख-करवत्तेहिं अत्तानं पुणो संभरावेमि अंतो सुकट्टियतउय-तंब-कंसलोए-लोणूससज्जियक्खरस्स किं वा णं सहत्थेणं छिंदामि उत्तमंगं किं वा णं पविसामि मयहरं किं वा णं उभयरुक्खेसु अहोमुहं विणिबंधाविऊणमत्ताणं हेट्ठा पज्जलावेमि जलणं किं बहुना निद्वहेमि कट्टेहिं अत्ताणयं ति चिंतिऊणं जाव णं मासणभूमिए गोयमा विरइया महती चिई ताहे सयल-जण-सत्रिज्जं सुइरं निंदिऊण अत्ताणं साहियं च सव्व-लोगस्स जहा णं मए एरिसं एरिसं कम्मं समायरियं ति भाणिऊण आरूढो चीयाए जाव णं भवियव्वयाए निओगेणं तारिस-दव्व-चुन्न-जोगाणुसंसट्ठे ते सव्वे वि दारु त्ति काऊणं फूइज्जमाणे वि अनेग-पयारेहिं तथा वि णं पयलिए सिही तओ य णं धिद्धिकारेणोवहओ सयल-गोववयणेहिं जहा-

भो भो पेच्छा पेच्छ हुयासणं पि न पज्जले पावकम्मं-कारिस्सं ति भाणिऊणं निद्धाडिए ते बेवि गोउलाओ ख्यावसरम्मि उ सन्नासन्न-सत्रिवेसाओ आगए णं भत्त-पानं गहाय तेनेव मग्गेणं उज्जाणाभिमुहे मुणीण संघाडगे तं च दड्ढुणं अनुमग्गेणं गए ते बेवि पाविट्ठे पत्ते य उज्जाणं जाव णं पेच्छंति सयल-गुणोह धारि चउन्नाण-समत्रियं बहु-सीसगण-परिकिन्नं देविदं नरिदं वंदिज्जमाणं-पायरविदं सुगहिय-नामधेज्जं जगानंदं-नाम अनगारं तं च दड्ढुणं चिंतियं तेहिं जहा नंदे मग्गामि विसोहि-पयं एस महायसे त्ति चिंतिऊणं तओ पणाम-पुव्वगेणं उवविट्ठे ते जहोइए भूमिभागे पुरओ गणहरस्स भणिओ य सुज्जसिवो तेनं गणहारिणा जहा णं भो भो देवाणपिया नीसल्लमालोएत्ताणं लघुं करेसुं सिग्घं असेस पाविट्ठ-कम्म-निट्ठवणं पायच्छित्तं एसा उन आवन्नसत्ताए पाणयाए पायच्छित्तं नत्थि जाव णं नो पसूया ताहे गोयमा सुमहच्चंत-परम-महासंवेगगए से णं सुज्जसिवे आजम्माओ नीसल्लालोयणं पयच्छिऊण जहवइइं घोरं सुदुक्करं महंतं पायच्छित्तं अनुचरित्ताणं तओ अच्चंत-विसुद्ध-परिणामो सामन्नमब्भुट्ठिऊणं छव्वीसं संवच्छरे तेरस य राइंदिए अच्चंत-घोर-वीरुग्ग-कट्ठ-दुक्कर-तव-संजमं-समनुचरिऊणं जाव णं एग-दु-ति-चउ-पंच-छम्मासिएहिं खमणेहिं खवेऊणं निष्पडिकम्म-सरीरत्ताए अप्पमाययाए सव्वत्थामेसु अनवरय-महत्तिसाणुसमयं सययं सज्झाय-झाणाईसु णं निद्वहिऊणं सेस-कम्ममलं अउव्व-करणेण खवग-सेदीए अंतगड-केवली जाए सिद्धे य -

मू. (१५१७) से भयवंतं तारिसं महापावकम्मं समायरिऊणं तथा वी कंहं एरिसेणं से सुज्जसिवे लहुं धेवेणं कालेणं परिनिव्वुडे त्ति गोयमा ते णं जारिसं भावड्डिएणं आलोयणं विइत्रं जारिस संवेग-गएणं तं तारिसं घोरदुक्करं महंतं पायच्छित्तं समनुद्धियं जारिसं सुविसुद्ध-सुहज्जवसाएणं तं तारिसं अच्चंतक-घोर-वीरुग्ग-कट्ट-सुदुक्कर-तव-संजम-किरियाए वट्टमाणेणं अखंडियए-विराहिए मूलुत्तरगुणे परिपालयंतेनं निरइयारं सामन्नं निव्वाहियं जारिसेणं रोहट्टज्जाण-विप्पमुक्केणं निद्धिय-राग-दोस-मोह-मिच्छत्त-मय-भय-गारवेणं मज्झत्थ-भावेणं अदीनमानसेणं दुवालस वासे संलेहण काऊणं पाओवगमनमनसणं पडिवन्नं तारिसेणं एगंत सुहज्जवसाएणं णं केवलं से एगे सिज्जेज्जा जइ णं कयाइ परकय-कम्म-संकमं भवेज्जा ता णं सव्वेसिं पि भव्व-सत्ताणं असेस-कम्म-क्खय-काऊण सिज्जेज्जा नवरं परकयकम्मं न कयादी कस्सई संकमेज्जा जं जेन समज्जियं तं तेनं समनुभवियव्वयं त्ति गोयमा जया णं निरुद्धे जोगे हवेज्जा तया णं असेसंपि कम्मट्टरासिं अनुकाल-विभागेणेव निट्ठवेज्जा सुसंबुडा सेसासवदारे, जोगनिरोहेणं तु कम्मक्खए दिट्ठे न उण काल-संखाए जओ णं -

- मू. (१५१८) काले णं तु खवे कम्मं काले णं तु पबंधए ।
एगं बंधे खवे एगं गोयमा कालमनंतगं ॥
- मू. (१५१९) - निरुद्धेहिं तु जोगेहिं वेए कम्मं न बंधए ।
पोराणं तु पहीएज्जा नवगत्साभावमेव तु ॥
- मू. (१५२०) एवं कम्मक्खयं विंदा नो एत्थं कालमुदिसे ।
अनाइकाले जीवे य तथा वि कम्मं न निट्ठिए ॥
- मू. (१५२१) खाओवसमेमं कम्माणं जया वीरियं समुच्छले ।
कालं खेतं भवं भावं दव्वं संपप्प जीवे तया ॥
- मू. (१५२२) अप्पमादी खवे कम्मं जे जीवे तं कोडि चडे ।
जो पमादि पुणो नं तं कालं कम्मं निबंधिया ॥
- मू. (१५२३) निवसेज्जा चउगईए उ सव्वत्थाच्चंत-दुक्खिए ।
तम्हा कालं खेतं भवं भावं संपप्प गोया ॥
मइमं अइरा कम्मक्खयं करे ॥

मू. (१५२४) से भयवं सा सुज्जसिरी कहिं समुववन्ना गोयमा छट्ठीए नरय-पुढवीए से भयवं केणं अट्ठेणं गोयमा तीए पडिपुन्नाणं साइरेगाणं नवण्हं मासाणं गयाणं इणमो विचितियं जहा-णं पच्चुसे गब्भं पडावेमि, त्ति एवमज्जवसमाणी चेव बालयं पसूया पसूयमेत्ता य तक्खणं निहयं गया एतेनं अट्ठेणं गोयमा सा सुज्जसिरी छट्ठियं गयं त्ति से भयवं जं तं बालगं पसविऊणं मया सा सुज्जसिरी तं जीवियं वा णं व त्ति गोयमा जीवियं से भयवं कंहं गोयमा पसूयमेत्तं तं बालगं तारिसेहिं जरा-जरा-जलुस-जंबाल-पूइ-रुहिर-खार-दुगंधासुईहिं विलत्तमणाहं विलवमाणं दडूणं कुलाल-चक्कस्सोवरिं काऊणं साणेणं समुद्धिसिउमारद्धं ताव णं दिट्ठं कुललेणं ताहे धाइओ सघरणिओ कुलालो अविणासिय बाल-तणू पणट्ठो साणो तओ कारुन्न-हियएणं अपुत्तस्स णं पुत्तो एस मज्झ

होहिइ त्ति वियप्पिऊणं कुललेणं समप्पिओ से बालगो गोयमा स दईयाए तीए य सव्भाव-नेहेणं परिवालिऊणं मानुसी कए से बालगे कयं च पामं कुललेणं लोगानुवितीए सजणगाहिहाणेणं जहा णं सुसढो अन्नया कालक्कमेणं गोयमा सुसाहु-संजोग-देसणापुव्वेणं पडिबुद्धे णं सुसढे पव्वइए य जाव णं परम-सद्धा-संवेग-वेरग्ग-गए-अच्चंत-वीरुग्ग-कट्टसुदुक्करं महाकायकेसं कोइ संजमं जयणं न याणइ अजयणा दोसेणं तु सव्वत्थ असंजम-पए सु णं अवरज्जे तओ तस्स गुरुहिं भणियं जहा भो भो महासत्त तए अन्नाण-दोसओ संजम-जयणं अयाणमाणेणं महंते काय-केसे समाढत्ते नवरं जइ निच्चालोयणं दाऊणं पायच्छित्तं न काहिसी ता सव्वमेयं निष्फलं होही ता जाव णं गुरुहिं चोइए ताव णं से अणवरयालोयणं पयच्छे से वि णं गुरु तस्स तहा पायच्छित्ते पयाइ जहा णं संजम-जयणं ननुं एगंतेनेव अहन्निसाणुसमयं रोद्धइ-ज्झाणाइविप्पमुक्के सुहज्जवसाय-निरंतरे पविहरेज्ज अहन्नया णं गोयमा से पावमती जे केइ छट्ट-ट्टम-दसम-दुवालसद्धमास-मास-जाव णं छम्मास-खवणाइए अन्नयरे वा सुमहं काय-केसाणुगए पच्छित्ते से णं तह त्ति समनुट्ठे जे य उणं एगंत-संजम-किरियाणं जगणाणुगए मणोवइ-काय-जोगे सयलासव-निरोहे सज्जाय-ज्झाणावस्स-गाईए असेस-पाव-कम्म-रासि-निद्वहणे पायच्छित्ते से णं पमाए अवपन्ने अवहेले असद्दहे सिद्धिले जाव न किल किमित्थ दुक्करं त्ति काऊणं न तहा समनुट्ठे अन्नया णं गोयमा अहाउयं परिवालिऊणं से सुसढे मरिऊणं सोहम्मं कप्पे इंदसामाणिणए महिद्धी देवे समुप्पन्ने तओ वि चविऊणं इहइं वासुदेवो होऊणं सत्तम-पुढवीए समुप्पन्ने तओ उवव्वट्ठे समाणे महा काए हत्थी होऊणं मेहुणा-सत्त-मानसे मारिऊणं अनंत-वणस्सतीए गय त्ति ए स णं गोयमा से सुसढे जे णं ।

मू. (१५२५) आलोइय-निंदियगरहिए णं कय-पायच्छित्ते वि भवित्ताणं ।

जयणं अयाणमाणे भमिही सुइरं तु संसारे ॥

मू. (१५२६) से भयवं कयराओ य तेनं जयणा न विन्नाया जओ णं तं तारिसं सुदुक्कारं काय-केस काऊणं पि तहा वि णं भमिहिइ सुइरं तु संसारे गोयमा जयणा नाम अट्टारसणं हीलंग-सहस्साणं संपुत्राणं अखंडिय-विराहियाणं जावज्जीव-महन्निसाणुसमयं धारणं कसिणं संजम-किरियं अनुमन्नंति तं च तेन न विन्नायंति ते णं तु से अहन्ने भमिहिइ सुइरं तु संसारे से भयवं केणं अट्टेणं तं च तेनं न विन्नायंति ता सिद्धीए मनुवयंते नवरं तु तेनं बाहिर-पानगे परिभुत्ते बाहिरपाणग परिभोइस्स णं गोयमा बहूइ वि कायकेसे निरत्थगे हवेज्जा जओ णं गोयमा आऊ-तेऊ-मेहुणे एए तओ वि महापावट्ठाणे अबोहिदायगे एगंतेनं वि वज्जियव्वे एगंतेनं न समायरियव्वे सुसंजएहिं त्ति एतेनं अट्टेणं तं च तेनं न विन्नाय त्ति से भयवं केणं अट्टेणं आऊ-तेऊ-मेहुणे त्ति अबोहिदायगे समक्खाए गोयमा णं सव्वमवि छक्काय-समारंभे महापावट्ठाणे किंतु आऊ-तेउकाय-समारंभे णं अनंत-सत्तोवघाए मेहुणासेवणेणं तु संखेज्जासंखेज्ज-सतोवघाए घन-राग-दोस-मोहाणुगए एगंत-अप्प-सत्थज्जवसायत्तमेव जम्हा णं एवं तम्हाओ गोयमा एतेसिं समारंभासेवणपरिभोगादिसु वट्टमाणे पाणी पढममहव्वयमेव न धारेज्जा तयभावे अवसेसमहव्वय-संजमट्ठाणस्स अभावमेव जम्हा एवं तम्हा सव्वहा विराहिअ सामन्ने जओ एवं तओ णं पवत्तियसंमग्गपणासित्तेणेव गोयमा तं किं किंपि कम्मं निबंधेजा जे णं तु नरय-तिरिय-कुमानुसेसु अनंत-खुत्तो पुणो पुणो धम्मो त्ति

अक्खाई सिमिणे वि णं अलभमाणे परिभमेजा एएणं अट्टेणं आऊ-तेऊ-मेहुणो अबोहिय-दायगे गोयमा समक्खाए त्ति, से भयवं किं छट्ट-ट्टम-दसमं-दुवालसड्डय-मास-मासे जाव णं छम्मास-खवणाईणं अच्चंत-घोर-वीरुग्ग-कट्ट-सुदुक्खे-संजम-जयणावियले सुमहंते वि उ काय-केसे कए निरत्थगे हवेजा गोयमा णं निरत्थगे हवेजा से भयवं केणं अट्टेणं गोयमा जओ णं खरुट्ट-महिस-गोणादओवि संजमजयणावियले अकाम निजराए सोहम्म-कप्पाइसु वयंति तओ वि भोग-खएणं-चुए समाणे तिरियादिसु संसारमनुसरेजा तथा य दुग्गं-धामेज्झचिलीण-खारपित्तोज्झ-सिंभपडहत्थे-वसा-जलसु-पूइ-दुद्धिणि-चिलिविले-रुहिर-चिक्खल्लअ दुद्धंसणिज्ज-बीभच्छ-तिभिसंधयारए गंतुव्वियणिज्ज-गम्भ-पवेस-जम्म-जार-मरणाई-अणेग-सारीर-मणोसमुत्थ-सुघोर-दारुण-दुक्खाण-मेव भायणं भवंति न उण संजम-जयणाए विणा जम्म-जरा-मरणाइएहिं घोर-पयंड-महारुद्ध-दारुण-दुक्खाणं निट्टवणमेगंतियमच्चंतियं भवेजा -

एतेणं अट्टेणं संजम-जयणावियले सुमहंतेवि काय-केसे पकए गोयमा निरत्थगे भवेजा से भयवं किं संजम-जयणं समुपेहमाणे समनुपालेमाणे समनुट्टेमाणे अइरेणं जम्म-मरणादीणं विमुच्चेजा गोयमा अत्थेगे जे णं नो अइरेणं विमुच्चेजा से भयवं केणं अट्टेणं एवं वुच्चइ जहा णं अत्थेगे जे णं नो अइरेणं विमुच्चेजा अत्थेगे जे णं अइरेणव विमुच्चेजा गोयमा अत्थेगे जे णं किंचिउ ईसि मणं अत्ताणं अनोवलक्खेमाणे सराग-ससल्ले-संजम-जयणं समनुट्टे जे णं एवंविहे से णं चिरेणं जम्म-जरा-मरणाइं अनेग-संसारिय-दुक्खाणं विमुच्चेजा अत्थेगे जे णं निम्मूलुद्धिय-सव्वसल्ले निरारंभ-परिग्गहे निम्ममे निरहंकारे ववगयराग-दोस-मोह-मिच्छत-कसाय-मलकलंके सव्व-भावभावंतरेहिं णं सुविमुद्धासए-अदीन-माणसे एगंतेनं निजरापेही परम-सद्धा-संवेग-वेरग्गए विमुक्कासेस मय-भय-गारव-विचित्ताणेग-पमायलवणे जाव णं निज्जिय-घोर-परीसहोवसग्गे ववगयरोद्धइज्जाणे असेस-कम्म-खयट्टाए जहुत्त-संजम-जयणं समनुपेहिंजा पालेजा अनुपालेजा समनुपालेजा जाव णं समनुट्टेजा जे य णं एवंविहे से णं अरेणं जम्म-जरामरणाइ अनेगसंसारिय-सुदव्विमोक्ख-दुक्खजालस्स णं विमुच्चेजा एतेनं अट्टेणं एवं वुच्चइ-जहा णं गोयमा अत्थेगे जे णं नो अरणं विमुच्चेजा अत्थेगे जे य णं अइरेणव विमुच्चेजा से भयवं जम्म-जरा-मरणाइ-अनेग-संसारिय-दुक्ख-जाल-विमुक्के समाणे जंतू कहिं परिवसेजा गोयमा जत्थ णं न जरा न मच्चू न वाहिओ नो अयसव्वक्खाणं संतावुव्वेग-कलि-कलह-दारिद-दंद-परिकेसं न इट्ट-विओगो किं बहुना एगंतेनं अक्खय-धुव-सासय-निरुवम-अनंत-सोक्खं मोक्खं परिवसेज्ज त्ति बेमि ।

● अट्टमं अज्झयणं / बिइया चूलिया समत्तं ●

मू. (१५२७) ॐ नमो चउवीसाए तित्थंकाराणं, ॐ नमो तित्थस्स, ॐ नमो सुयदेवयाए भगवईए, ॐ नमो सुयकेवलीणं ॐ नमो सव्वसाहूणं ॐ नमो (सव्वसिद्धाणं) ॐ नमो भगवओ अरहओ सिज्जउ मे भगवई महइ महाविजा व्इइर् ए म ह्अ अ व्इइर् ए, ज य व्इइर् ए स् ए ण व्इइर् ए वद्धम् अ अण् अ व्इइर् ए ज य् अ इ त् ए अ प् अ र् अ अ ज्इ ए स् व् अ अ ह् अ अ

(वीरे महावीरे जयवीरे सेणवीरे वद्धमाणवीरे जयइ ते अपराजिए स्वाहा)

उपचारो चउत्थभत्तेणं सहिज्जइ एसा विज्जा सब्बगओ ण् इ त्थ् अ अ र ग प् अ अ र ग् अ ओ
होइ उवद्ध् अ अ व नण् अ अ गणस्स वा अ ण् उ ण् ण् आ ए एसा सत्तवारा परिजवेयव्वा
(नित्यारगो पारगो होइ)

जे णं कप्पसमत्तीए विज्जा अभिमंतिऊणं विग्घविणाइगा आराहंति सूरे संगामे पविसंतो
अपराजिओ होइ जिनकप्प-समत्तीए विज्जा अभिमंतिऊणं खेमवहणी मंगलवहनी भवति ।

मू. (१५२८)

चत्तारि सहस्साइं पंचसयाओ तहेव चत्तारि ।

सिलोगा वि य महानिसीहम्मि पाएण ॥

—x—x—

३९

षष्ठं छेदसूत्रं-महानिशीथं समाप्तम्

मुनि दीपरत्न सागरेण संशोधिता सम्पादिता
महानिशीथ-छेदसूत्रं - (मूलं) परिसमाप्तं

ભાવભરી વંદના

જેમના દ્વારા સૂત્રમાં ગુંથાયેલ જિનવાણીનો ભવ્ય વારસો

વર્તમાનકાલીન ‘‘આગમસાહિત્ય’’માં પ્રાપ્ત થયો

એ સર્વે સૂરિવર આદિ આર્ષ પૂજ્યશ્રીઓને-

પંચમ ગણધર શ્રી સુધર્મા સ્વામી	ચૌદ પૂર્વધર શ્રી ભદ્રબાહુ સ્વામી		
દશ પૂર્વધર શ્રી શય્યંભવસૂરિ	(અનામી) સર્વે શ્રુત સ્થવીર મહર્ષિઓ		
દેવવાચક ગણિ	શ્રી સ્થામાચાર્ય		
દેવદ્વિગણિ ક્ષમાશ્રમણ	જિનભદ્ર ગણિ ક્ષમાશ્રમણ		
સંઘદાસગણિ	સિદ્ધસેન ગણિ		
જિનદાસ ગણિ મહત્તર	અગત્યસિંહ સૂરિ		
શીલાંકાચાર્ય	અભયદેવસૂરિ		
મલયગિરિસૂરિ	ક્ષેમકીર્તિસૂરિ		
હરિભદ્રસૂરિ	આર્યરક્ષિત સૂરિ (?)		
દ્રોણાચાર્ય	ચંદ્ર સૂરિ		
વાદિવેતાલ શાંતિચંદ્ર સૂરિ	મલ્લધારી હેમચંદ્રસૂરિ		
શાંતિચંદ્ર ઉપાધ્યાય	ધર્મસાગર ઉપાધ્યાય		
ગુણરત્નસૂરી	વિજય વિમલગણિ		
વીરભદ્ર	ઋષિપાલ	બ્રહ્મમુનિ	તિલકસૂરિ

સૂત્ર-નિર્ધુક્તિ - ભાષ્ય - ચૂર્ણિ - વૃત્તિ - આદિના રચયિતા અન્ય સર્વે પૂજ્યશ્રી

વર્તમાન કાલિન આગમ સાહિત્ય વારસાને

સંશોધન-સંપાદન-લેખન આદિ દ્વારા મુદ્રીત/અમુદ્રીત સ્વરૂપે રજૂ કર્તા

સર્વે શ્રુતાનુરાગી પૂજ્યપુરુષોને

આનંદ સાગરસૂરિજી	ચંદ્રસાગર સૂરિજી	મુનિ માણેક
જિન વિજયજી	પુન્યવિજયજી	ચતુરવિજયજી
જંબુ વિજયજી	અમરમુનિજી	કનૈયાલાલજી
લાભસાગરસુરિજી	આચાર્ય તુલસી	ચંપક સાગરજી

સ્મરણાંજલિ

બાબુ ધનપતસિંહ	પંઠ બેચરદાસ	પંઠ જીવરાજભાઈ
પંઠ ભગવાનદાસ	પંઠ રૂપેન્દ્રકુમાર	પંઠ હીરાલાલ
શ્રુત પ્રકાશક સર્વે સંસ્થાઓ		

४५ आगम भूण तथा विवरणानुं श्लोक प्रमाणादर्शक कोष्टक

क्रम	आगमसूत्रनाम	मूल श्लोक प्रमाण	वृत्ति-कर्ता	वृत्ति श्लोकप्रमाण
१.	आचार	२५५४	शीलाङ्गाचार्य	१२०००
२.	सूत्रकृत	२१००	शीलाङ्गाचार्य	१२८५०
३.	स्थान	३७००	अभयदेवसूरि	१४२५०
४.	समवाय	१६६७	अभयदेवसूरि	३५७५
५.	भगवती	१५७५१	अभयदेवसूरि	१८६१६
६.	ज्ञाताधर्मकथा	५४५०	अभयदेवसूरि	३८००
७.	उपासकदशा	८१२	अभयदेवसूरि	८००
८.	अन्तवृद्धशा	९००	अभयदेवसूरि	४००
९.	अनुत्तरोपपातिकदशा	१९२	अभयदेवसूरि	१००
१०.	प्रश्नव्याकरण	१३००	अभयदेवसूरि	५६३०
११.	विपाकश्रुत	१२५०	अभयदेवसूरि	९००
१२.	औपपातिक	११६७	अभयदेवसूरि	३१२५
१३.	राजप्रश्निय	२१२०	मलयगिरिसूरि	३७००
१४.	जीवाजीवाभिगम	४७००	मलयगिरिसूरि	१४०००
१५.	प्रज्ञापना	७७८७	मलयगिरिसूरि	१६०००
१६.	सूर्यप्रज्ञप्ति	२२९६	मलयगिरिसूरि	९०००
१७.	चन्द्रप्रज्ञप्ति	२३००	मलयगिरिसूरि	९१००
१८.	जम्बूद्वीपप्रज्ञप्ति	४४५४	शान्तिचन्द्रउपाध्याय	१८०००
१९थी	निरयावलिका	११००	चन्द्रसूरि	६००
२३.	(पञ्च उपाङ्ग)	—	—	—
२४.	चतुःशरण	८०	विजयविमलगणि	(?) २००
२५.	आतुर प्रत्याख्यान	१००	गुणरत्नसूरि (अवचूरि)	(?) १५०
२६.	महाप्रत्याख्यान	१७६	आनन्दसागरसूरि (संस्कृतछाया)	१७६
२७.	भक्तपरिज्ञा	२१५	आनन्दसागरसूरि (संस्कृतछाया)	२१५
२८.	तन्दुल वैचारिक	५००	विजयविमलगणि	(?) ५००
२९.	संस्तारक	१५५	गुणरत्न सूरि (अवचूरि)	११०
३०.	गच्छाचार★	१७५	विजयविमलगणि	१५६०
३१.	गणिविद्या	१०५	आनन्दसागरसूरि (संस्कृतछाया)	१०५

ક્રમ	આગમસૂત્રનામ	•મૂલ શ્લોક પ્રમાણ	વૃત્તિ-કર્તા	•વૃત્તિ શ્લોકપ્રમાણ
૩૨.	દેવેન્દ્રસ્તવ	૩૭૫	આનન્દસાગરસૂરિ (સંસ્કૃત છાયા)	૩૭૫
૩૩.	મરણસમાધિ ★	૮૩૭	આનન્દસાગરસૂરિ (સંસ્કૃત છાયા)	૮૩૭
૩૪.	નિશીથ	૮૨૧	જિનદાસગણિ (ચૂર્ણિ) સહ્જદાસગણિ (ભાષ્ય)	૨૮૦૦ ૭૫૦૦
૩૫.	વૃહત્કલ્પ	૪૭૩	મલયગિરિ+ક્ષેમકીર્તિ સહ્જદાસગણિ (ભાષ્ય)	૪૨૬૦૦ ૭૬૦૦
૩૬.	વ્યવહાર	૩૭૩	મલયગિરિ સહ્જદાસગણિ (ભાષ્ય)	૩૪૦૦૦ ૬૪૦૦
૩૭.	દશાશ્રુતસ્કન્ધ	૮૧૬	- ? - (ચૂર્ણિ)	૨૨૨૫
૩૮.	જીતકલ્પ ★	૧૩૦	સિદ્ધસેનગણિ (ચૂર્ણિ)	૧૦૦૦
૩૯.	મહાનિશીથ	૪૫૪૮	-	-
૪૦.	આવશ્યક	૧૩૦	હરિભદ્રસૂરિ	૨૨૦૦૦
૪૧.	ઓઘનિર્યુક્તિ	નિ.૧૩૫૫	દ્રોણાચાર્ય	(?)૭૫૦૦
-	પિણ્ડનિર્યુક્તિ ★	નિ. ૮૩૫	મલયગિરિસૂરિ	૭૦૦૦
૪૨.	દશવૈકાલિક	૮૩૫	હરિભદ્રસૂરિ	૭૦૦૦
૪૩.	ઉત્તરાધ્યયન	૨૦૦૦	શાંતિસૂરિ	૧૬૦૦૦
૪૪.	નન્દી	૭૦૦	મલયગિરિસૂરિ	૭૭૩૨
૪૫.	અનુયોગદ્વાર	૨૦૦૦	મલધારીહેમચન્દ્રસૂરિ	૫૯૦૦

નોંધ :-

- (૧) ઉક્ત ૪૫ આગમ સૂત્રોમાં વર્તમાન ક્રમે પહેલાં ૧ થી ૧૧ અંગસૂત્રો, ૧૨ થી ૨૩ ઉપાંગસૂત્રો, ૨૪થી૩૩ પ્રકીર્ણકસૂત્રો ૩૪થી ૩૯ છેદસૂત્રો, ૪૦ થી ૪૩ મૂલસૂત્રો, ૪૪-૪૫ ચૂલિકાસૂત્રોના નામે હાલ પ્રસિદ્ધ છે.
- (૨) ઉક્ત શ્લોક સંખ્યા અમે ઉપલબ્ધ માહિતી અને પૃષ્ઠ સંખ્યા આધારે નોંધેલ છે. જો કે તે સંખ્યા માટે મતાંતર તો જોવા મળે જ છે. જેમકે આચાર સૂત્રમાં ૨૫૦૦, ૨૫૫૪, ૨૫૨૫ એવા ત્રણ શ્લોક પ્રમાણ જાણવા મળેલ છે. આવો મત-ભેદ અન્ય સૂત્રોમાં પણ છે.
- (૩) ઉક્ત વૃત્તિ-આદિ જે નોંધ છે તે અમે કરેલ સંપાદન મુજબની છે. તે સિવાયની પણ વૃત્તિ-ચૂર્ણિ આદિ સાહિત્ય મુદ્રિત કે અમુદ્રિત અવસ્થામાં હાલ ઉપલબ્ધ છે જ.
- (૪) ગચ્છાચાર અને મરણસમાધિ ના વિકલ્પે ચંદાવેજ્ઞય અને વીરસ્તવ પ્રકીર્ણક આવે છે. જે અમે “આગમસુતાણિ” માં મૂળ રૂપે અને “આગમદીપ”માં અક્ષરશઃ ગુજરાતી અનુવાદ રૂપે આપેલ છે. તેમજ જીતકલ્પ જેના વિકલ્પ રૂપે છે એ

પંચકલ્પનું ભાષ્ય અમે “આગમસુત્તાણિ”માં સંપાદીત કર્યું છે.

- (૫) ઓઘ અને પિણ્ડ એ બંને નિર્યુક્તિ વિકલ્પે છે. જે હાલ મૂલસૂત્ર રૂપે પ્રસિધ્ધ છે. જે બંનેની વૃત્તિ અમે આપી છે. તેમજ તેમાં ભાષ્યની ગાથાઓ પણ સમાવિષ્ટ થઈ છે.
- (૬) ચાર પ્રકીર્ણક સૂત્રો અને મહાનિશીથ એ પાંચ આગમની કોઈ વૃત્તિ આદિ ઉપલબ્ધ થવાનો ઉલ્લેખ મળતો નથી. પ્રકીર્ણક ની સંસ્કૃત છાયા ઉપલબ્ધ છે તેથી મૂકી છે. નિશીથ-દશા-જિતકલ્પ એ ત્રણેની ચૂર્ણિ આપી છે. જેમાં દશા અને જીતકલ્પ એ બંને ઉપરવૃત્તિ મળતી હોવાનો ઉલ્લેખ છે, પણ અમે તે મેળવી શક્યા નથી. જ્યારે નિશીથ ઉપર તો માત્ર વીસમા ઉદ્દેશક:ની જ વૃત્તિ નો ઉલ્લેખ મળે છે.

► વર્તમાન કાળે ૪૫ આગમમાં ઉપલબ્ધ નિર્યુક્તિ: ◀

ક્રમ	નિર્યુક્તિ	શ્લોકપ્રમાણ	ક્રમ	નિર્યુક્તિ	શ્લોકપ્રમાણ
૧.	આચાર-નિર્યુક્તિ	૪૫૦	૬.	આવશ્યક-નિર્યુક્તિ	૨૫૦૦
૨.	સૂત્રકૃત-નિર્યુક્તિ	૨૬૫	૭.	ઓઘનિર્યુક્તિ	૧૩૫૫
૩.	વૃહત્કલ્પ-નિર્યુક્તિ ★	—	૮.	પિણ્ડનિર્યુક્તિ	૮૩૫
૪.	વ્યવહાર-નિર્યુક્તિ ★	—	૯.	દશવૈકાલિક-નિર્યુક્તિ	૫૦૦
૫.	દશાશ્રુત૦-નિર્યુક્તિ	૧૮૦	૧૦.	ઉત્તરાધ્યયન-નિર્યુક્તિ	૭૦૦

નોંધ :-

- (૧) અહીં આપેલ શ્લોક પ્રમાણ એ ગાથા સંખ્યા નથી. “૩૨ અક્ષરનો એક શ્લોક” એ પ્રમાણથી નોંધાયેલ શ્લોક પ્રમાણ છે.
- (૨) ★ વૃહત્કલ્પ અને વ્યવહાર એ બંને સૂત્રોની નિર્યુક્તિ હાલ ભાષ્ય માં ભળી ગઈ છે. જેનો યથાસંભવ ઉલ્લેખ વૃત્તિકાર મહર્ષિ એ ભાષ્ય ઉપરની વૃત્તિમાં કર્યો હોય તેવું જોવા મળેલ છે.
- (૩) ઓઘ અને પિણ્ડનિર્યુક્તિ સ્વતંત્ર મૂલઆગમ સ્વરૂપે સ્થાન પામેલ છે તેથી તેનું સ્વતંત્ર સંપાદન આગમ-૪૧ રૂપે થયેલ છે. (તેમજ આ સંપાદનમાં પણ છે.)
- (૪) બાકીની છ નિર્યુક્તિમાંથી દશાશ્રુતસ્કન્ધ નિર્યુક્તિ ઉપર ચૂર્ણિ અને અન્ય પાંચ નિર્યુક્તિ ઉપરની વૃત્તિ અમે અમારા સંપાદનમાં પ્રકાશીત કરી છે. જ્યાં આ છ નિર્યુક્તિ સ્પષ્ટ અલગ જોઈ શકાય છે.
- (૫) નિર્યુક્તિકર્તા તરીકે મદ્રવાહુસ્વામી નો ઉલ્લેખ જ જોવા મળે છે.

વર્તમાન કાળે ૪૫ આગમમાં ઉપલબ્ધ ભાષ્યં

ક્રમ	ભાષ્ય	શ્લોકપ્રમાણ	ક્રમ	ભાષ્ય	ગાથાપ્રમાણ
૧.	નિશીષભાષ્ય	૭૫૦૦	૬.	આવશ્યકભાષ્ય ★	૪૮૩
૨.	વૃહત્કલ્પભાષ્ય	૭૬૦૦	૭.	ઓઘનિર્યુક્તિભાષ્ય ★	૩૨૨
૩.	વ્યવહારભાષ્ય	૬૪૦૦	૮.	પિણ્ડનિર્યુક્તિભાષ્ય ★	૪૬
૪.	પન્ચકલ્પભાષ્ય	૩૧૮૫	૯.	દશવૈકાલિકભાષ્ય ★	૬૩
૫.	જીતકલ્પભાષ્ય	૩૧૨૫	૧૦.	ઉત્તરાધ્યયનભાષ્ય (?)	—

નોંધ :-

- (૧) નિશીષ, વૃહત્કલ્પ અને વ્યવહારભાષ્યના કર્તા સહ્વદાસગણિ હોવાનું જણાય છે. અમારા સંપાદનમાં નિશીષ ભાષ્ય તેની ચૂર્ણિ સાથે અને વૃહત્કલ્પ તથા વ્યવહાર ભાષ્ય તેની-તેની વૃત્તિ સાથે સમાવિષ્ટ થયું છે.
- (૨) પન્ચકલ્પભાષ્ય અમારા આગમસુત્તાણિ ભાગ-૩૮ માં પ્રકાશીત થયું.
- (૩) આવશ્યકભાષ્ય માં ગાથા પ્રમાણ ૪૮૩ લખ્યું જેમાં ૧૮૩ ગાથા મૂળભાષ્ય રૂપે છે અને ૩૦૦ ગાથા અન્ય એક ભાષ્યની છે. જેનો સમાવેશ આવશ્યક સૂત્ર-સટીકં માં કર્યો છે. [જો કે વિશેષાવશ્યક ભાષ્ય ખૂબજ પ્રસિધ્ધ થયું છે પણ તે સમગ્ર આવશ્યકસૂત્ર- ઉપરનું ભાષ્ય નથી અને અધ્યયનો અનુસારની અલગ અલગ વૃત્તિ આદિ પેટા વિવરણો તો આવશ્યક અને જીતકલ્પ એ બંને ઉપર મળે છે. જેનો અત્રે ઉલ્લેખ અમે કરેલ નથી.]
- (૪) ઓઘનિર્યુક્તિ, પિણ્ડનિર્યુક્તિ, દશવૈકાલિકભાષ્ય નો સમાવેશ તેની તેની વૃત્તિ માં થયો જ છે. પણ તેનો કર્તા વિશેનો ઉલ્લેખ અમોને મળેલ નથી. [ઓઘનિર્યુક્તિ ઉપર ૩૦૦૦ શ્લોક પ્રમાણ ભાષ્યનો ઉલ્લેખ પણ જોવા મળેલ છે.]
- (૫) ઉત્તરાધ્યયનભાષ્યની ગાથા નિર્યુક્તિમાં ભળી ગયાનું સંભળાય છે (?)
- (૬) આ રીતે અંગ - ઉપાંગ - પ્રકીર્ણક - ચૂલિકા એ ૩૫ આગમ સૂત્રો ઉપરનો કોઈ ભાષ્યનો ઉલ્લેખ અમારી જાણમાં આવેલ નથી. કોઈક સ્થાને સાક્ષી પાઠ-આદિ સ્વરૂપે ભાષ્યગાથા જોવા મળે છે.
- (૭) ભાષ્યકર્તા તરીકે મુખ્ય નામ સહ્વદાસગણિ જોવા મળેલ છે. તેમજ જિનમદ્રગણિ-ક્ષમાશ્રમણ અને સિદ્ધસેન ગણિ નો પણ ઉલ્લેખ મળે છે. કેટલાંક ભાષ્યના કર્તા અજ્ઞાત જ છે.

વર્તમાન કાળે ૪૫ આગમમાં ઉપલબ્ધ ચૂર્ણ:

ક્રમ	ચૂર્ણ	શ્લોકપ્રમાણ	ક્રમ	ચૂર્ણ	શ્લોકપ્રમાણ
૧.	આચાર-ચૂર્ણ	૮૩૦૦	૧.	દશાશ્રુતસ્કન્ધચૂર્ણ	૨૨૨૫
૨.	સૂત્રકૃત-ચૂર્ણ	૧૧૦૦	૧૦.	પञ્ચકલ્પચૂર્ણ	૩૨૭૫
૩.	ભગવતી-ચૂર્ણ	૩૧૧૪	૧૧.	જીતકલ્પચૂર્ણ	૧૦૦૦
૪.	જીવાભિગમ-ચૂર્ણ	૧૫૦૦	૧૨.	આવશ્યકચૂર્ણ	૧૮૫૦૦
૫.	જંબૂદ્વીપપ્રજ્ઞસિ-ચૂર્ણ	૧૮૭૧	૧૩.	દશવૈકાલિકચૂર્ણ	૭૦૦૦
૬.	નિશીથચૂર્ણ	૨૮૦૦૦	૧૪.	ઉત્તરાધ્યયનચૂર્ણ	૫૮૫૦
૭.	વૃહત્કલ્પચૂર્ણ	૧૬૦૦૦	૧૫.	નન્દીચૂર્ણ	૧૫૦૦
૮.	વ્યવહારચૂર્ણ	૧૨૦૦	૧૬.	અનુયોગદારચૂર્ણ	૨૨૬૫

નોંધ :-

- (૧) ઉક્ત ૧૬ ચૂર્ણમાંથી નિશીથ, દશાશ્રુતસ્કન્ધ, જીતકલ્પ એ ત્રણ ચૂર્ણ અમારા આ સંપાદનમાં સમાવાઈ ગયેલ છે.
- (૨) આચાર, સૂત્રકૃત, આવશ્યક, દશવૈકાલિક, ઉત્તરાધ્યયન, નન્દી, અનુયોગદાર એ સાત ચૂર્ણ પૂજ્યપાદ આગમોદ્ધારક શ્રી એ પ્રકાશીત કરાવી છે.
- (૩) દશવૈકાલિકની બીજી એક ચૂર્ણ જે અગત્યસિંહસૂરિકૃત છે તેનું પ્રકાશન પૂજ્ય શ્રી પુન્યવિજયજીએ કરાવેલ છે.
- (૪) જંબૂદ્વીપપ્રજ્ઞસિચૂર્ણ વિશે હીરાલાલ કાપડીયા પ્રશ્નાર્થચિહ્ન ઉભું કરે છે. ભગવતી ચૂર્ણ તો મળેજ છે, પણ હજી પ્રકાશીત થઈ નથી. તેમજ વૃહત્કલ્પ, વ્યવહાર, પञ્ચકલ્પ એ ત્રણ હસ્તપ્રતો અમે જોઈ છે પણ પ્રકાશીત થયાનું જાણમાં નથી.
- (૫) ચૂર્ણિકાર તરીકે જિનદાસગણિમહત્તરંજું નામ મુખ્યત્વે સંભળાય છે. કેટલાકના મતે અમુક ચૂર્ણના કર્તાનો સ્પષ્ટોલ્લેખ મળતો નથી.

“આગમ-પંચાંગી” એક ચિન્ત્ય બાબત”

- ૧ વર્તમાન કાળે પ્રાપ્ત આગમ સાહિત્યની વિચારણા પછી ખરેખર આગમના પાંચ અંગોમાં કેટલું અને શું ઉપલબ્ધ છે તે જાણ્યા પછી એક પ્રશ્ન થાય કે આગમ પંચાંગી ની વાતો કેટલી ચિન્ત્ય છે. અંગ-ઉપાંગ-પ્રકીર્ણક-ચૂલિકા એ ૩૫ આગમો ઉપર ભાષ્ય નથી. એટલે ૩૫ આગમનું એક અંગ તો અપ્રાપ્ય જ બન્યું. સૂત્ર પરત્વે ઉપલબ્ધ નિર્યુક્તિ ફક્ત ૭ છે. એટલે ૩૮ આગમોનું એક અંગ અપ્રાપ્ય જ બન્યું. આ રીતે ક્યાંક ભાષ્ય, ક્યાંક નિર્યુક્તિ અને ક્યાંક ચૂર્ણના અભાવે વર્તમાન કાળે સુવ્યવસ્થિત પંચાંગી એક માત્ર આવશ્યક સૂત્રની ગણાય.
- ૨ નન્દીસૂત્ર માં પંચાંગીને બદલે સંગ્રહણી, પ્રતિપત્તિઓ વગેરેના પણ ઉલ્લેખ છે.

► ૪૫ આગમ અંતર્ગત વર્તમાન કાળે ઉપલબ્ધ વિભાગો ◄

[સૂચના :- અમે સંપાદીત કરેલ આગમસુત્તાણિ-સટીક માં બેકી નંબરના પૃષ્ઠો ઉપર જમણી બાજુ આગમસૂત્ર ના નામ પછી અંકો આપેલ છે. જેમકે ૧/૩/૬/૨/૫૪ વગેરે. આ અંકો તે તે આગમના વિભાગીકરણને જણાવે છે. જેમકે આચારમાં પ્રથમ અંક શ્રુતસ્કન્ધનો છે તેના વિભાગ રૂપે બીજો અંક ચૂલા છે તેના પેટા વિભાગ રૂપે ત્રીજો અંક અધ્યયન નો છે. તેના પેટા વિભાગ રૂપે ચોથો અંક ઉદ્દેશક નો છે. તેના પેટા વિભાગ રૂપે છેલ્લો અંક મૂલનો છે. આ મૂલ ગદ્ય કે પદ્ય હોઈ શકે. જો ગદ્ય હોય તો ત્યાં પેરેગ્રાફ સ્ટાઈલથી કે છુટુ લખાણ છે અને ગાથા/પદ્ય ને પદ્યની સ્ટાઈલથી ॥ - ॥ ગોઠવેલ છે.

પ્રત્યેક આગમ માટે આ રીતે જ ઓબ્લિકમાં (/) પછી ના વિભાગને તેના-તેના પેટા-પેટા વિભાગ સમજવા.

જ્યાં જે-તે પેટા વિભાગ ન હોય ત્યાં (/) ઓબ્લિક પછી ડેસ મુકીને તે વિભાગ ત્યાં નથી તેમ સુચવેલું છે.]

- (૧) આચાર - શ્રુતસ્કન્ધ:/ચૂલા/અધ્યયનં/ઉદ્દેશક:/મૂલં
ચૂલા નામક પેટા વિભાગ બીજા શ્રુતસ્કન્ધ.માં જ છે.
- (૨) સૂત્રકૃત - શ્રુતસ્કન્ધ:/અધ્યયનં/ઉદ્દેશક:/મૂલં
- (૩) સ્થાન - સ્થાનં/અધ્યયનં/મૂલં
- (૪) સમવાય - સમવાય:/મૂલં
- (૫) મગવતી - શતકં/વર્ગ:-અંતરશતકં/ઉદ્દેશક:/મૂલં
અહીં શતકના પેટા વિભાગમાં બે નામો છે. (૧) વર્ગ: (૨) અંતરશતક કેમકે શતક ૨૧, ૨૨, ૨૩ માં શતક ના પેટા વિભાગનું નામ વર્ગ: જ ધરાવેલ છે. શતક - ૩૩, ૩૪, ૩૫, ૩૬, ૪૦ ના પેટા વિભાગને અંતરશતક અથવા શતકશતક નામથી ઓળખાવાય છે.
- (૬) જ્ઞાતાધર્મકથા- શ્રુતસ્કન્ધ:/વર્ગ:/અધ્યયનં/મૂલં
પહેલા શ્રુતસ્કન્ધ માં અધ્યયન જ છે. બીજા શ્રુતસ્કન્ધ નો પેટાવિભાગ વર્ગ નામે છે અને તે વર્ગ ના પેટા વિભાગમાં અધ્યયન છે.
- (૭) ઉપાસકદશા- અધ્યયનં/મૂલં
- (૮) અન્તકૃદ્દશા- વર્ગ:/અધ્યયનં/મૂલં
- (૯) અનુત્તરોપપાતિકદશા- વર્ગ:/અધ્યયનં/મૂલં
- (૧૦) પ્રશ્નવ્યાકરણ- દ્વારં/અધ્યયનં/મૂલં
આશ્રવ અને સંવર એવા સ્પષ્ટ બે ભેદ છે જેને આશ્રવદ્વાર અને સંવરદ્વાર કહ્યા છે. (કોઈક દ્વાર ને બદલે શ્રુતસ્કન્ધ શબ્દ પ્રયોગ પણ કરે છે)
- (૧૧) વિપાકશ્રુત- શ્રુતસ્કન્ધ:/અધ્યયનં/મૂલં
- (૧૨) ઔપપાતિક- મૂલં
- (૧૩) રાજપ્રશ્નીય- મૂલં

- (૧૪) **જીવાજીવાભિગમ-** *પ્રતિપત્તિ:/* ઉદ્દેશક:/મૂલં
આ આગમમાં ઉક્ત ત્રણ વિભાગો કર્યા છે તો પણ સમજણ માટે પ્રતિપત્તિ: પછી એક પેટાવિભાગ નોંધનીય છે. કેમકે પ્રતિપત્તિ -૩-માં નેરહય, તિરિક્ષજોગિય, મનુષ્ય, દેવ એવા ચાર પેટાવિભાગો પડે છે. તેથી તિપત્તિ/(નેરહયઆદિ)/ઉદ્દેશક:/મૂલં એ રીતે સ્પષ્ટ અલગ પાડેલા છે, એજ રીતે દશમી પ્રતિપત્તિ ના ઉદ્દેશક: નવ નથી પણ તે પેટાવિભાગ પ્રતિપત્તિ: નામે જ છે.
- (૧૫) **પ્રજ્ઞાપના-** પદં/ઉદ્દેશક:/દ્વારં/મૂલં
પદના પેટા વિભાગમાં ક્યાંક ઉદ્દેશક: છે, ક્યાંક દ્વારં છે પણ પદ-૨૮ના પેટા વિભાગમાં ઉદ્દેશક: અને તેના પેટા વિભાગમાં દ્વારં પણ છે.
- (૧૬) **સૂર્યપ્રજ્ઞાતિ-** પ્રાભૃતં/પ્રાભૃતપ્રાભૃતં/મૂલં
- (૧૭) **ચન્દ્રપ્રજ્ઞાતિ-** પ્રાભૃતં/પ્રાભૃતપ્રાભૃતં/મૂલં
આગમ ૧૬-૧૭માં પ્રાભૃતપ્રાભૃત ના પણ પ્રતિપત્તિ: નામક પેટા વિભાગ છે. પણ ઉદ્દેશક: આદિ મુજબ તેનો વિશેષ વિસ્તાર થાયેલ નથી.
- (૧૮) **જમ્બૂદીપપ્રજ્ઞાતિ-** વક્ષસ્કાર:/મૂલં
- (૧૯) **નિરયાવલિકા** - અધ્યયનં/મૂલં
- (૨૦) **કલ્પવર્તસિકા** - અધ્યયનં/મૂલં
- (૨૧) **પુષ્પિતા** - અધ્યયનં/મૂલં
- (૨૨) **પુષ્પચૂલિકા** - અધ્યયનં/મૂલં
- (૨૩) **વઘ્નિદશા** - અધ્યયનં/મૂલં
આગમ ૧૮ થી ૨૩ નિરયાવલિકાદિ નામથી સાથે જોવા મળે છે કેમકે તેને ઉપાંગના પાંચ વર્ગ તરીકે સૂત્રકારે ઓળખાવેલા છે. જેમાં વર્ગ-૧, નિરયાવલિકા, વર્ગ-૨ કલ્પવર્તસિકા... વગેરે જાણવા
- (૨૪) **ધી ૩૩) ચતુ:શરણ (આદિ દશોપયત્રા) મૂલં**
- (૩૪) **નિશીથ** - ઉદ્દેશક:/મૂલં
- (૩૫) **બૃહત્કલ્પ** - ઉદ્દેશક:/મૂલં
- (૩૬) **વ્યવહાર** - ઉદ્દેશક:/મૂલં
- (૩૭) **દશાશ્રુતસ્કન્ધ** - દશા/મૂલં
- (૩૮) **જીતકલ્પ** - મૂલં
- (૩૯) **મહાનિશીથ** - અધ્યયનં/ઉદ્દેશક:/મૂલં
- (૪૦) **આવશ્યક** - અધ્યયનં/મૂલં
- (૪૧) **ઓઘ/પિણ્ડનિર્યુક્તિ** - મૂલં
- (૪૨) **દશવૈકાલિક** - અધ્યયનં/ઉદ્દેશક:/મૂલં
- (૪૩) **ઉત્તરાધ્યયન** - અધ્યયનં//મૂલં
- (૪૪- ૪૫) **નન્દી-અનુયોગદ્વાર** - મૂલં

અમારા સંપાદીત ૪૫ આગમોમાં આવતા મૂલ નો અંક તથા તેમાં સમાવિષ્ટ ગાથા

ક્રમ	આગમસૂત્ર	મૂલં	ગાથા	ક્રમ	આગમસૂત્ર	મૂલં	ગાથા
૧.	આચાર	૫૫૨	૧૪૭	૨૪.	ચતુ:શરણ	૬૩	૬૩
૨.	સૂત્રકૃત	૮૦૬	૭૨૩	૨૫.	આતુરપ્રત્યાખ્યાન	૭૧	૭૦
૩.	સ્થાન	૧૦૧૦	૧૬૧	૨૬.	મહાપ્રત્યાખ્યાનં	૧૪૨	૧૪૨
૪.	સમવાય	૩૮૩	૧૩	૨૭.	મક્તપરિજ્ઞા	૧૭૨	૧૭૨
૫.	મગવતી	૧૦૮૭	૧૧૪	૨૮.	તંદુલવૈચારિક	૧૬૧	૧૩૧
૬.	જ્ઞાતાધર્મકથા	૨૪૧	૫૭	૨૯.	સંસ્તારક	૧૩૩	૧૩૩
૭.	ઉપાસક દશા	૭૩	૧૩	૩૦.	ગચ્છાચાર	૧૩૭	૧૩૭
૮.	અન્તકૃદ્દશા	૬૨	૧૨	૩૧.	ગણિવિદ્યા	૮૨	૮૨
૯.	અનુત્તરોપપાતિક	૧૩	૪	૩૨.	દેવેન્દ્રસ્તવ	૩૦૭	૩૦૭
૧૦.	પ્રશ્નવ્યાકરણ	૪૭	૧૪	૩૩.	મરણસમાધિ	૬૬૪	૬૬૪
૧૧.	વિપાકશ્રુત	૪૭	૩	૩૪.	નિશીષ	૧૪૨૦	-
૧૨.	ઔપપાતિક	૭૭	૩૦	૩૫.	બૃહત્કલ્પ	૨૧૫	-
૧૩.	રાજપ્રશ્નિય	૮૫	-	૩૬.	વ્યવહાર	૨૮૫	-
૧૪.	જીવાભિગમ	૩૧૮	૧૩	૩૭.	દશાશ્રુતસ્કન્ધ	૧૧૪	૫૬
૧૫.	પ્રજ્ઞાપના	૬૨૨	૨૩૧	૩૮.	જીતકલ્પ	૧૦૩	૧૦૩
૧૬.	સૂર્યપ્રજ્ઞાસિ	૨૧૪	૧૦૩	૩૯.	મહાનિશીથ	૧૫૨૮	૮
૧૭.	ચન્દ્રપ્રજ્ઞાસિ	૨૧૮	૧૦૭	૪૦.	આવશ્યક	૧૨	૨૧
૧૮.	જમ્બૂદીપપ્રજ્ઞાસિ	૩૬૫	૧૩૧	૪૧.	ઓઘનિર્યુક્તિ	૧૧૬૫	૧૧૬૫
૧૯.	નિરયાવલિકા	૨૧	-	૪૧.	પિણ્ડનિર્યુક્તિ	૭૧૨	૭૧૨
૨૦.	કલ્પવતંસિકા	૫	૧	૪૨.	દશવૈકાલિક	૫૪૦	૫૧૫
૨૧.	પુષ્પિતા	૧૧	૨	૪૩.	ઉત્તરાધ્યયન	૧૭૩૧	૧૬૪૦
૨૨.	પુષ્પચૂલિકા	૩	૧	૪૪.	નન્દી	૧૬૮	૧૩
૨૩.	વઘ્નિદશા	૫	૧	૪૫.	અનુયોગદ્વાર	૩૫૦	૧૪૧

નોંધ :- ઉક્ત ગાથા સંખ્યાનો સમાવેશ મૂલં માં થઈ જ નામ છે. તે મૂલ સિવાયની અલગ ગાથા સમજવી નહીં. મૂલ શબ્દ એ અમો સૂત્ર અને ગાથા બંને માટે નો આપેલો સંયુક્ત અનુક્રમ છે. ગાથા બધાંજ સંપાદનોમાં સામાન્ય અંક ધરાવતી હોવાથી તેનો અલગ અંક આપેલ છે. પણ સૂત્રના વિભાગ દરેક સંપાદકે ભિન્નભિન્ન રીતે કર્યા હોવાથી અમે સૂત્રાંક જુદો પાડતા નથી.

—: અમારા પ્રકાશનો :-

- [૧] અભિનવ હેમ લઘુપ્રક્રિયા - ૧ - સત્તાઙ્ગ વિવરણમ્
 [૨] અભિનવ હેમ લઘુપ્રક્રિયા - ૨ - સત્તાઙ્ગ વિવરણમ્
 [૩] અભિનવ હેમ લઘુપ્રક્રિયા - ૩ - સત્તાઙ્ગ વિવરણમ્
 [૪] અભિનવ હેમ લઘુપ્રક્રિયા - ૪ - સત્તાઙ્ગ વિવરણમ્
 [૫] વૃદ્ધન્તમાલા
 [૬] ચૈત્યવન્દન પર્વમાલા
 [૭] ચૈત્યવન્દન સહ્ગ્રહ - તીર્થજિનવિશેષ
 [૮] ચૈત્યવન્દન ચોવિશી
 [૯] શત્રુઞ્ચય ભક્તિ [આવૃત્તિ-દો]
 [૧૦] અભિનવ જૈન પદ્યાઙ્ગ - ૨૦૪૬
 [૧૧] અભિનવ ઉપદેશ પ્રાસાદ - ૧- શ્રાવક કર્તવ્ય - ૧ થી ૧૧
 [૧૨] અભિનવ ઉપદેશ પ્રાસાદ - ૨- શ્રાવક કર્તવ્ય - ૧૨ થી ૧૫
 [૧૩] અભિનવ ઉપદેશ પ્રાસાદ - ૩- શ્રાવક કર્તવ્ય - ૧૬ થી ૩૬
 [૧૪] નવપદ - શ્રીપાલ (શાશ્વતી ઓળીના વ્યાખ્યાન રૂપે)
 [૧૫] સમાધિ મરણ [વિધિ - સૂત્ર - પદ્ય - આરાધના-મરણભેદ-સંગ્રહ]
 [૧૬] ચૈત્યવંદન માળા [૭૭૯ ચૈત્યવંદનોનો સંગ્રહ]
 [૧૭] તત્ત્વાર્થ સૂત્ર પ્રબોધટીકા [અધ્યાય-૧]
 [૧૮] તત્ત્વાર્થ સૂત્રના આગમ આધાર સ્થાનો
 [૧૯] સિદ્ધાચલનો સાથી [આવૃત્તિ - બે]
 [૨૦] ચૈત્ય પરિપાટી
 [૨૧] અમદાવાદ જિનમંદિર ઉપાશ્રય આદિ ડિરેક્ટરી
 [૨૨] શત્રુઞ્ચય ભક્તિ [આવૃત્તિ - બે]
 [૨૩] શ્રી નવકારમંત્ર નવલાખ જાપ નોંધપોથી
 [૨૪] શ્રી ચારિત્ર પદ એક કરોડ જાપ નોંધપોથી
 [૨૫] શ્રી ભારત્રત પુસ્તિકા તથા અન્ય નિયમો - [આવૃત્તિ - ચાર]
 [૨૬] અભિનવ જૈન પંચાંગ - ૨૦૪૨ [સર્વપ્રથમ ૧૩ વિભાગોમાં]
 [૨૭] શ્રી જ્ઞાનપદ પૂજા
 [૨૮] અંતિમ આરાધના તથા સાધુ સાધ્વી કાળધર્મ વિધિ
 [૨૯] શ્રાવક અંતિમ આરાધના [આવૃત્તિ ત્રણ]
 [૩૦] વીતરાગ સ્તુતિ સંચય [૧૧૫૧ ભાવવાહી સ્તુતિઓ]
 [૩૧] (પૂજ્ય આગમોદ્ધારક શ્રી ના સમુદાયના) કાયમી સંપર્ક સ્થળો
 [૩૨] તત્ત્વાર્થાધિગમ સૂત્ર અભિનવ ટીકા - અધ્યાય-૧
 [૩૩] તત્ત્વાર્થાધિગમ સૂત્ર અભિનવ ટીકા - અધ્યાય-૨
 [૩૪] તત્ત્વાર્થાધિગમ સૂત્ર અભિનવ ટીકા - અધ્યાય-૩
 [૩૫] તત્ત્વાર્થાધિગમ સૂત્ર અભિનવ ટીકા - અધ્યાય-૪

- [૩૬] તત્વાર્થાધિગમ સૂત્ર અભિનવ ટીકા - અધ્યાય-૫
 [૩૭] તત્વાર્થાધિગમ સૂત્ર અભિનવ ટીકા - અધ્યાય-૬
 [૩૮] તત્વાર્થાધિગમ સૂત્ર અભિનવ ટીકા - અધ્યાય-૭
 [૩૯] તત્વાર્થાધિગમ સૂત્ર અભિનવ ટીકા - અધ્યાય-૮
 [૪૦] તત્વાર્થાધિગમ સૂત્ર અભિનવ ટીકા - અધ્યાય-૯
 [૪૧] તત્વાર્થાધિગમ સૂત્ર અભિનવ ટીકા - અધ્યાય-૧૦

પ્રકાશન ૧ થી ૪૧ અભિનવશ્રુત પ્રકાશને પ્રગટ કરેલ છે.

[૪૨] આયારો	[આગમસુત્તાણિ-૧]	પદ્મં અંગસુત્તં
[૪૩] સૂયગડો	[આગમસુત્તાણિ-૨]	વીઅં અંગસુત્તં
[૪૪] ઠાણં	[આગમસુત્તાણિ-૩]	તદ્યં અંગસુત્તં
[૪૫] સમવાઓ	[આગમસુત્તાણિ-૪]	ચત્તયં અંગસુત્તં
[૪૬] વિવાહપત્રતિ	[આગમસુત્તાણિ-૫]	પંચમં અંગસુત્તં
[૪૭] નાયાધમ્મકહાઓ	[આગમસુત્તાણિ-૬]	છટ્ટં અંગસુત્તં
[૪૮] ઉવાસગદસાઓ	[આગમસુત્તાણિ-૭]	સત્તમં અંગસુત્તં
[૪૯] અંતગડ્ડસાઓ	[આગમસુત્તાણિ-૮]	અટ્ઠમં અંગસુત્તં
[૫૦] અનુત્તોવવાઇયદસાઓ	[આગમસુત્તાણિ-૯]	નવમં અંગસુત્તં
[૫૧] પળ્હાવાગરણં	[આગમસુત્તાણિ-૧૦]	દસમં અંગસુત્તં
[૫૨] વિવાગસૂયં	[આગમસુત્તાણિ-૧૧]	એક્કરસમં અંગસુત્તં
[૫૩] ઉવવાઇયં	[આગમસુત્તાણિ-૧૨]	પદ્મં ઉવંગસુત્તં
[૫૪] રાયપ્પસેણિયં	[આગમસુત્તાણિ-૧૩]	વીઅં ઉવંગસુત્તં
[૫૫] જીવાજીવાભિગમં	[આગમસુત્તાણિ-૧૪]	તદ્યં ઉવંગસુત્તં
[૫૬] પત્રવણાસુત્તં	[આગમસુત્તાણિ-૧૫]	ચત્તયં ઉવંગસુત્તં
[૫૭] સૂરપત્રતિ:	[આગમસુત્તાણિ-૧૬]	પંચમં ઉવંગસુત્તં
[૫૮] ચંદપત્રતિ:	[આગમસુત્તાણિ-૧૭]	છટ્ટં ઉવંગસુત્તં
[૫૯] જંબૂદ્વીવપત્રતિ	[આગમસુત્તાણિ-૧૮]	સત્તમં ઉવંગસુત્તં
[૬૦] નિરયાવલિયાણં	[આગમસુત્તાણિ-૧૯]	અટ્ઠમં ઉવંગસુત્તં
[૬૧] કપ્પવડિંસિયાણં	[આગમસુત્તાણિ-૨૦]	નવમં ઉવંગસુત્તં
[૬૨] પુપ્ફિયાણં	[આગમસુત્તાણિ-૨૧]	દસમં ઉવંગસુત્તં
[૬૩] પુપ્ફચૂલિયાણં	[આગમસુત્તાણિ-૨૨]	એક્કરસમં ઉવંગસુત્તં
[૬૪] વળ્હિદસાણં	[આગમસુત્તાણિ-૨૩]	બારસમં ઉવંગસુત્તં
[૬૫] ચડસરણં	[આગમસુત્તાણિ-૨૪]	પદ્મં પડ્ડિણ્ણગં
[૬૬] આડરપદ્ધકલાણં	[આગમસુત્તાણિ-૨૫]	વીઅં પડ્ડિણ્ણગં
[૬૭] મહાપદ્ધકલાણં	[આગમસુત્તાણિ-૨૬]	તીદ્યં પડ્ડિણ્ણગં
[૬૮] ભત્તપરિણ્ણા	[આગમસુત્તાણિ-૨૭]	ચત્તયં પડ્ડિણ્ણગં

[૬૯] તંદુલવેચાલિયં	[આગમસુત્તાણિ-૨૮]	પંચમં પર્ણગં
[૭૦] સંધારગં	[આગમસુત્તાણિ-૨૯]	છટ્ઠં પર્ણગં
[૭૧] ગચ્છાચાર	[આગમસુત્તાણિ-૩૦/૧]	સત્તમં પર્ણગં-૧
[૭૨] ચંદાવેજ્ઞયં	[આગમસુત્તાણિ-૩૦/૨]	સત્તમં પર્ણગં-૨
[૭૩] ગણિવિજ્ઞા	[આગમસુત્તાણિ-૩૧]	અટ્ઠમં પર્ણગં
[૭૪] દેવિંદત્થઓ	[આગમસુત્તાણિ-૩૨]	નવમં પર્ણગં
[૭૫] મરણસમાહિ	[આગમસુત્તાણિ-૩૩/૧]	દસમં પર્ણગં-૧
[૭૬] વીરત્થવ	[આગમસુત્તાણિ-૩૩/૨]	દસમં પર્ણગં-૨
[૭૭] નિસીહ	[આગમસુત્તાણિ-૩૪]	પદમં છેયસુત્તં
[૭૮] બુહત્કપ્પો	[આગમસુત્તાણિ-૩૫]	વીઅં છેયસુત્તં
[૭૯] વવહાર	[આગમસુત્તાણિ-૩૬]	તઇયં છેયસુત્તં
[૮૦] દસાસુયક્કંધં	[આગમસુત્તાણિ-૩૭]	ચડત્થં છેયસુત્તં
[૮૧] જીયકપ્પો	[આગમસુત્તાણિ-૩૮/૧]	પંચમં છેયસુત્તં-૧
[૮૨] પંચકપ્પમાસ	[આગમસુત્તાણિ-૩૮/૨]	પંચમં છેયસુત્તં-૨
[૮૩] મહાનિસીહં	[આગમસુત્તાણિ-૩૯]	છટ્ઠં છેયસુત્તં
[૮૪] આવસસસયં	[આગમસુત્તાણિ-૪૦]	પદમં મૂલસુત્તં
[૮૫] ઓહનિજ્ઞુત્તિ	[આગમસુત્તાણિ-૪૧/૧]	વીઅં મૂલસુત્તં-૧
[૮૬] પિંડનિજ્ઞુત્તિ	[આગમસુત્તાણિ-૪૧/૨]	વીઅં મૂલસુત્તં-૨
[૮૭] દસવેચાલિયં	[આગમસુત્તાણિ-૪૨]	તઇયં મૂલસુત્તં
[૮૮] ઉત્તરજ્ઞચયણં	[આગમસુત્તાણિ-૪૩]	ચડત્થં મૂલસુત્તં
[૮૯] નંદીસૂયં	[આગમસુત્તાણિ-૪૪]	પદમા ચૂલિયા
[૯૦] અનુઓગદારં	[આગમસુત્તાણિ-૪૫]	વિતિયા ચૂલિયા

પ્રકાશન ૪૨ થી ૯૦ આગમશ્રુત પ્રકાશને પ્રગટ કરેલ છે.

[૯૧] આચાર -	ગુજરાતી અનુવાદ	[આગમદીપ-૧]	પહેલું અંગસૂત્ર
[૯૨] સૂયગડ -	ગુજરાતી અનુવાદ	[આગમદીપ-૧]	બીજું અંગસૂત્ર
[૯૩] ઠાણ -	ગુજરાતી અનુવાદ	[આગમદીપ-૧]	ત્રીજું અંગસૂત્ર
[૯૪] સમવાય -	ગુજરાતી અનુવાદ	[આગમદીપ-૧]	ચોથું અંગસૂત્ર
[૯૫] વિવાહપન્નત્તિ -	ગુજરાતી અનુવાદ	[આગમદીપ-૨]	પાંચમું અંગસૂત્ર
[૯૬] નાયાધમ્મકહા -	ગુજરાતી અનુવાદ	[આગમદીપ-૩]	છટ્ઠું અંગસૂત્ર
[૯૭] ઉવાસગદસા -	ગુજરાતી અનુવાદ	[આગમદીપ-૩]	સાતમું અંગસૂત્ર
[૯૮] અંતગડદસા -	ગુજરાતી અનુવાદ	[આગમદીપ-૩]	આઠમું અંગસૂત્ર
[૯૯] અનુત્તરોપપાતિકદસા-	ગુજરાતી અનુવાદ	[આગમદીપ-૩]	નવમું અંગસૂત્ર
[૧૦૦] પહ્ણાવાગરણ-	ગુજરાતી અનુવાદ	[આગમદીપ-૩]	દશમું અંગસૂત્ર

[૧૦૧]	વિવાગસૂત્ર -	ગુજરાતી અનુવાદ	[આગમદીપ-૩]	અગિયારમું અંગસૂત્ર
[૧૦૨]	ઉવવાઈય	ગુજરાતી અનુવાદ	[આગમદીપ-૪]	પહેલું ઉપાંગસૂત્ર
[૧૦૩]	રાયપ્પસેણિય -	ગુજરાતી અનુવાદ	[આગમદીપ-૪]	બીજું ઉપાંગસૂત્ર
[૧૦૪]	જીવાજીવાભિગમ -	ગુજરાતી અનુવાદ	[આગમદીપ-૪]	ત્રીજું ઉપાંગસૂત્ર
[૧૦૫]	પન્નવણાસુત્ત	ગુજરાતી અનુવાદ	[આગમદીપ-૪]	ચોથું ઉપાંગસૂત્ર
[૧૦૬]	સૂરપન્નત્તિ -	ગુજરાતી અનુવાદ	[આગમદીપ-૫]	પાચમું ઉપાંગસૂત્ર
[૧૦૭]	ચંદપન્નત્તિ -	ગુજરાતી અનુવાદ	[આગમદીપ-૫]	છઠ્ઠું ઉપાંગસૂત્ર
[૧૦૮]	જંબુદીવપન્નત્તિ -	ગુજરાતી અનુવાદ	[આગમદીપ-૫]	સાતમું ઉપાંગસૂત્ર
[૧૦૯]	નિરયાવલિયા -	ગુજરાતી અનુવાદ	[આગમદીપ-૫]	આઠમું ઉપાંગસૂત્ર
[૧૧૦]	કપ્પવરિસિયા -	ગુજરાતી અનુવાદ	[આગમદીપ-૫]	નવમું ઉપાંગસૂત્ર
[૧૧૧]	પુષ્કિયા -	ગુજરાતી અનુવાદ	[આગમદીપ-૫]	દશમું ઉપાંગસૂત્ર
[૧૧૨]	પુષ્ક્યૂલિયા -	ગુજરાતી અનુવાદ	[આગમદીપ-૫]	અગિયારમું ઉપાંગસૂત્ર
[૧૧૩]	વહ્ણિદસા -	ગુજરાતી અનુવાદ	[આગમદીપ-૫]	બારમું ઉપાંગસૂત્ર
[૧૧૪]	ચઉસરણ -	ગુજરાતી અનુવાદ	[આગમદીપ-૬]	પહેલો પયત્તો
[૧૧૫]	આઉરપ્પચ્ચકખાણ -	ગુજરાતી અનુવાદ	[આગમદીપ-૬]	બીજો પયત્તો
[૧૧૬]	મહાપચ્ચકખાણ -	ગુજરાતી અનુવાદ	[આગમદીપ-૬]	ત્રીજો પયત્તો
[૧૧૭]	ભત્તપરિણ્ણા -	ગુજરાતી અનુવાદ	[આગમદીપ-૬]	ચોથો પયત્તો
[૧૧૮]	તંદુલવેયાલિય -	ગુજરાતી અનુવાદ	[આગમદીપ-૬]	પાંચમો પયત્તો
[૧૧૯]	સંધારગ -	ગુજરાતી અનુવાદ	[આગમદીપ-૬]	છઠ્ઠો પયત્તો
[૧૨૦]	ગચ્છાપાર -	ગુજરાતી અનુવાદ	[આગમદીપ-૬]	સાતમો પયત્તો-૧
[૧૨૧]	ચંદાવેજ્જાપ -	ગુજરાતી અનુવાદ	[આગમદીપ-૬]	સાતમો પયત્તો-૨
[૧૨૨]	ગણિવિજ્જા -	ગુજરાતી અનુવાદ	[આગમદીપ-૬]	આઠમો પયત્તો
[૧૨૩]	દેવિંદત્તઓ -	ગુજરાતી અનુવાદ	[આગમદીપ-૬]	નવમો પયત્તો
[૧૨૪]	વીરત્તવ -	ગુજરાતી અનુવાદ	[આગમદીપ-૬]	દશમો પયત્તો
[૧૨૫]	નિસીહ -	ગુજરાતી અનુવાદ	[આગમદીપ-૬]	પહેલું છેદસૂત્ર
[૧૨૬]	બુહતકપ્પ -	ગુજરાતી અનુવાદ	[આગમદીપ-૬]	બીજું છેદસૂત્ર
[૧૨૭]	વવહાર -	ગુજરાતી અનુવાદ	[આગમદીપ-૬]	ત્રીજું છેદસૂત્ર
[૧૨૮]	દસાસુયક્ર્ખંધ -	ગુજરાતી અનુવાદ	[આગમદીપ-૬]	ચોથું છેદસૂત્ર
[૧૨૯]	જીયકપ્પો -	ગુજરાતી અનુવાદ	[આગમદીપ-૬]	પાંચમું છેદસૂત્ર
[૧૩૦]	મહાનિસીહ -	ગુજરાતી અનુવાદ	[આગમદીપ-૬]	છઠ્ઠું છેદસૂત્ર
[૧૩૧]	આવસ્સય -	ગુજરાતી અનુવાદ	[આગમદીપ-૭]	પહેલું મૂલસુત્ર
[૧૩૨]	ઓહનિજ્જુત્તિ -	ગુજરાતી અનુવાદ	[આગમદીપ-૭]	બીજું મૂલસુત્ર-૧
[૧૩૩]	પિંડનિજ્જુત્તિ -	ગુજરાતી અનુવાદ	[આગમદીપ-૭]	બીજું મૂલસુત્ર-૨
[૧૩૪]	દસવેયાલિય -	ગુજરાતી અનુવાદ	[આગમદીપ-૭]	ત્રીજું મૂલસૂત્ર

[૧૩૫] ઉત્તરજૂઝમણ -	ગુજરાતી અનુવાદ	[આગમદીપ-૭]	ચોથું મૂલસુત્ર
[૧૩૬] નંદીસુતં -	ગુજરાતી અનુવાદ	[આગમદીપ-૭]	પહેલી ચૂલિકા
[૧૩૭] અનુયોગદ્વાર -	ગુજરાતી અનુવાદ	[આગમદીપ-૭]	બીજી ચૂલિકા

પ્રકાશન ૯૧ થી ૧૩૭ આગમદીપ પ્રકાશને પ્રગટ કરેલ છે.

[૧૩૮] દીક્ષા યોગાદિ વિધિ			
[૧૩૯] ૪૫ આગમ મહાપૂજન વિધિ			
[૧૪૦] આચારાન્ગસૂત્રં સટીકં		આગમસુત્તાણિ	સટીકં-૧
[૧૪૧] સૂત્રકૃતાન્ગસૂત્રં સટીકં		આગમસુત્તાણિ	સટીકં-૨
[૧૪૨] સ્થાનાન્ગસૂત્રં સટીકં		આગમસુત્તાણિ	સટીકં-૩
[૧૪૩] સમવાયાન્ગસૂત્રં સટીકં		આગમસુત્તાણિ	સટીકં-૪
[૧૪૪] ભગવતીઅન્ગસૂત્રં સટીકં		આગમસુત્તાણિ	સટીકં-૫/૬
[૧૪૫] જ્ઞાતાધર્મકયાન્ગસૂત્રં સટીકં		આગમસુત્તાણિ	સટીકં-૭
[૧૪૬] ઉપાસકદશાન્ગસૂત્રં સટીકં		આગમસુત્તાણિ	સટીકં-૭
[૧૪૭] અન્તકૃદ્શાન્ગસૂત્રં સટીકં		આગમસુત્તાણિ	સટીકં-૭
[૧૪૮] અનુત્તરોપપાતિકદશાન્ગસૂત્રં સટીકં		આગમસુત્તાણિ	સટીકં-૭
[૧૪૯] પ્રશ્નવ્યાકરણાન્ગસૂત્રં સટીકં		આગમસુત્તાણિ	સટીકં-૭
[૧૫૦] વિપાકશ્રુતાન્ગસૂત્રં સટીકં		આગમસુત્તાણિ	સટીકં-૮
[૧૫૧] ઔપપાતિકઉપાન્ગસૂત્રં સટીકં		આગમસુત્તાણિ	સટીકં-૮
[૧૫૨] રાજપ્રશ્નિયઉપાન્ગસૂત્રં સટીકં		આગમસુત્તાણિ	સટીકં-૮
[૧૫૩] જીવાજીવાભિગમઉપાન્ગસૂત્રં સટીકં		આગમસુત્તાણિ	સટીકં-૯
[૧૫૪] પ્રજ્ઞાપનાઉપાન્ગસૂત્રં સટીકં		આગમસુત્તાણિ	સટીકં-૧૦/૧૧
[૧૫૫] સૂર્યપ્રજ્ઞાસિઉપાન્ગસૂત્રં સટીકં		આગમસુત્તાણિ	સટીકં-૧૨
[૧૫૬] ચન્દ્રપ્રજ્ઞાસિઉપાન્ગસૂત્રં સટીકં		આગમસુત્તાણિ	સટીકં-૧૨
[૧૫૭] જમ્બૂદ્વીવપ્રજ્ઞાસિઉપાન્ગસૂત્રં સટીકં		આગમસુત્તાણિ	સટીકં-૧૩
[૧૫૮] નિરયાવલિકાઉપાન્ગસૂત્રં સટીકં		આગમસુત્તાણિ	સટીકં-૧૪
[૧૫૯] કલ્પવતંસિકાઉપાન્ગસૂત્રં સટીકં		આગમસુત્તાણિ	સટીકં-૧૪
[૧૬૦] પુષ્પિતાઉપાન્ગસૂત્રં સટીકં		આગમસુત્તાણિ	સટીકં-૧૪
[૧૬૧] પુષ્પચૂલિકાઉપાન્ગસૂત્રં સટીકં		આગમસુત્તાણિ	સટીકં-૧૪
[૧૬૨] વઘ્નિદસાઉપાન્ગસૂત્રં સટીકં		આગમસુત્તાણિ	સટીકં-૧૪
[૧૬૩] ચતુઃશરણપ્રકીર્ણકસૂત્રં સટીકં		આગમસુત્તાણિ	સટીકં-૧૪
[૧૬૪] આતુરપ્રત્યાવ્યાનપ્રકીર્ણકસૂત્રં સટીકં		આગમસુત્તાણિ	સટીકં-૧૪
[૧૬૫] મહાપ્રત્યાવ્યાનપ્રકીર્ણકસૂત્રં સચ્ચાયં		આગમસુત્તાણિ	સટીકં-૧૪
[૧૬૬] ભક્તપરિજ્ઞાપ્રકીર્ણકસૂત્રં સચ્ચાયં		આગમસુત્તાણિ	સટીકં-૧૪

[૧૬૭]	તંદુલવૈચારિકપ્રકીર્ણકસૂત્રં સટીકં	આગમસુત્તાણિ સટીકં-૧૪
[૧૬૮]	સંસ્તારકપ્રકીર્ણકસૂત્રં સચ્ચાયં	આગમસુત્તાણિ સટીકં-૧૪
[૧૬૯]	ગચ્છાચારપ્રકીર્ણકસૂત્રં સટીકં	આગમસુત્તાણિ સટીકં-૧૪
[૧૭૦]	ગણિવિદ્યાપ્રકીર્ણકસૂત્રં સચ્ચાયં	આગમસુત્તાણિ સટીકં-૧૪
[૧૭૧]	દેવેન્દ્રસ્તવપ્રકીર્ણકસૂત્રં સચ્ચાયં	આગમસુત્તાણિ સટીકં-૧૪
[૧૭૨]	મરણસમાધિપ્રકીર્ણકસૂત્રં સચ્ચાયં	આગમસુત્તાણિ સટીકં-૧૪
[૧૭૩]	નિશીઘહેદસૂત્રં સટીકં	આગમસુત્તાણિ સટીકં-૧૫-૧૬-૧૭
[૧૭૪]	બૃહત્કલ્પહેદસૂત્રં સટીકં	આગમસુત્તાણિ સટીકં-૧૮-૧૯-૨૦
[૧૭૫]	વ્યવહારહેદસૂત્રં સટીકં	આગમ સુત્તાણિ સટીકં-૨૧-૨૨
[૧૭૬]	દશાશ્રુતસ્કન્ધહેદસૂત્રં સટીકં	આગમસુત્તાણિ સટીકં-૨૩
[૧૭૭]	જીતકલ્પહેદસૂત્રં સટીકં	આગમસુત્તાણિ સટીકં-૨૩
[૧૭૮]	મહાનિશીઘસૂત્રં (મૂલં)	આગમસુત્તાણિ સટીકં-૨૩
[૧૭૯]	આવશ્યકમૂલસૂત્રં સટીકં	આગમસુત્તાણિ સટીકં-૨૪-૨૫
[૧૮૦]	ઔઘનિર્યુક્તિમૂલસૂત્રં સટીકં	આગમ સુત્તામિ સટીકં-૨૬
[૧૮૧]	પિણ્ડનિર્યુક્તિમૂલસૂત્રં સટીકં	આગમસુત્તાણિ સટીકં-૨૬
[૧૮૨]	દશવૈકાલિકમૂલસૂત્રં સટીકં	આગમસુત્તાણિ સટીકં-૨૭
[૧૮૩]	ઉત્તરાધ્યયનમૂલસૂત્રં સટીકં	આગમસુત્તાણિ સટીકં-૨૮-૨૯
[૧૮૪]	નન્દી-ચૂલિકાસૂત્રં સટીકં	આગમસુત્તાણિ સટીકં-૩૦
[૧૮૫]	અનુયોગદ્વારચૂલિકાસૂત્રં સટીકં	આગમસુત્તાણિ સટીકં-૩૦

પ્રકાશન ૧૩૮ થી ૧૮૫ આગમશ્રુત પ્રકાશને પ્રગટ કરેલ છે.

—: સંપર્ક સ્થળ :—

‘આગમ આરાધના કેન્દ્ર’

શીતલનાથ સોસાયટી-વિભાગ-૧, ફ્લેટ નં-૧૩, ૪થે માળે
શ્રી નમિનાથ જૈન ટેરાસરજી પાછળ, બહાઈ સેન્ટર, ખાનપુર
અમદાવાદ-૧

“आगमसुत्ताणि-सटीकं” भाग १ थी ३० नुं विवरण

आगमसुत्ताणि	समाविष्टाआगमाः
भाग-१	आयार
भाग-२	सूत्रकृत
भाग-३	स्थान
भाग-४	समवाय
भाग-५-६	भगवती (अपरनाम व्याख्याप्रज्ञप्ति)
भाग-७	ज्ञाताधर्मकथा, उपासकदशा, अन्तकृद्दशा, अनुत्तरोपपातिकदशा, प्रश्नव्याकरण
भाग-८	विपाकश्रुत, औपपातिक, राजप्रश्निय
भाग-९	जीवाजीवाभिगम
भाग-१०-११	प्रज्ञापना
भाग-१२	सूर्यप्रज्ञप्ति, चन्द्रप्रज्ञप्ति
भाग-१३	जम्बूद्वीपप्रज्ञप्ति
भाग-१४	निरवायलिका, कल्पवतंसिका, पुष्पिका, पुष्पचूलिका वण्हिदशा, चतुःशरण, आतुरप्रत्याख्यान, महाप्रत्याख्यान, भक्तपरिज्ञा, तन्दुलवैवारिक, संस्तारक, गच्छाचार, गणिविद्या, देवेन्द्रस्तव, मरणसमाधि
भाग-१५-१६-१७	नीशीथ
भाग-१८-१९-२०	बृहत्कल्प
भाग-२१-२२	व्यवहार
भाग-२३	दशाश्रुतस्कन्ध, जीतकल्प, महनिशीथ
भाग-२४-२५	आवश्यक
भाग-२६	ओघनिर्युक्ति, पिण्डनिर्युक्ति
भाग-२७	दशवैकालिक
भाग-२८-२९	उत्तराध्ययन
भाग-३०	नन्दी, अनुयोगद्वार

शुक्तिः

चूर्णिः

भाष्यं

निर्युक्तिः

मूलं